




Library

SHREE SHREE MA ANANDAMAYEE ASHRAM

Bhadaini, Varanasi-I

3/49

No.....

Books should be returned by date (last) noted below or
re-issue arranged. Otherwise a fine of -/10/- N. P. daily
shall have to be paid.


15-5-74				
---------	--	--	--	--

M.B. 1.9



3/49

PRESENTED





3/49



চৈতন্য লীলামৃত ।

৩/৪৭

উত্তর ভাগ ।

(চৈতন্যের জীবন লীলার সম্যাস হইতে অন্তর্ধান পর্য্যন্ত)

শ্রীজগদীশ্বর গুপ্ত সঙ্কলিত ।

“কচিদন্ত্যাচ্ছাতিস্তয়া কচিক্সস্তু ননস্তি বদন্ত্যালৌকিকাঃ ।
নৃত্যন্তি গায়ন্ত্যনুশীলন্ত্যন্তঃ ভবন্তি ভূকীং পরমেতা নিবৃত্তাঃ ॥”
ভাগবত ।

কলিকাতা,

২১০।৪ নং কর্ণওয়ালিস স্ট্রীট হইতে শ্রীদেবী প্রসন্ন রায়চৌধুরী
দ্বারা প্রকাশিত ।

২ নং গোয়াবাগান স্ট্রীট, ভিক্টোরিয়া প্রেসে
শ্রীতারিণীচরণ আস দ্বারা মুদ্রিত ।

১২৯৯ সাল ।

All rights reserved.

মূল্য ১।০ টাকা ।



চৈতন্য লীলামৃত ।

3/49



উত্তর ভাগ ।

(চৈতন্যের জীবন লীলার সম্মান হইতে অন্তর্ধান পর্য্যন্ত)

শ্রীজগদীশ্বর গুপ্ত সঙ্কলিত ।

“কচিৎকথ্যত্বাতিচিন্তয়া কচিৎকনন্তি নন্দন্তি বদন্ত্যলৌকিকাঃ ।
মৃতান্তি গায়ন্ত্যনুশীলয়ন্ত্যজং ভবন্তি তুষ্ণাঃ পরনেত্র্য নিবৃত্তাঃ ॥”
ভাগবত ।

কলিকাতা,

২০০৪ নং কর্ণওয়ালিস্ স্ট্রীট হইতে শ্রীদেবীপ্রসন্ন স্মারচৌধুরী
দ্বারা প্রকাশিত ।

২ নং গোয়াবাগান স্ট্রীট, ভিক্টোরিয়া প্রেসে
প্রিতারিণীচরণ দাস দ্বারা মুদ্রিত ।

১২৯৯ সাল ।

All rights reserved.

মূল্য ১১০ টাকা ।



স্বর্গীয় ভগবদ্ভক্ত জগদীশ্বর গুপ্ত ।

অতি দুঃখের সহিত, অসময়ে, ভগবদ্ভক্ত জগদীশ্বর গুপ্তের মৃত্যু-সম্বাদ আমাদের কাছে ঘোষণা করিতে হইল । বিগত ২৫ শে আষাঢ়, শুক্রবার, অপরাহ্ন চারি ঘটিকার সময় তিনি স্বর্গারোহণ করিয়াছেন । শ্রীচৈতন্যের জীবনী ও ধর্মকাহিনী বিবৃত করাই যেন তাঁহার জীবনের বিশেষ কাজ ছিল । শ্রীশ্রীচৈতন্যচরিতামৃত বহু পূর্বে সমাধা হইয়াছে, এবার চৈতন্যলীলামৃত গ্রন্থ সমাধা করিয়া আর তাঁহাকে দীর্ঘকাল মর্ত্যলীলা করিতে হইল না ! এই সংসার অসার, জীবন মায়া বিশেষ । যিনি এক মাস পূর্বে আমাদের মধ্যে ছিলেন, তিনি আজ স্বর্গে ! ভাবিলে প্রাণ আকুল হয়, হৃদয় শিথিল হয় । তাঁহার বিরোধে ব্রাহ্মসমাজ একটি অমূল্য রত্ন, বৈষ্ণবসমাজ একজন প্রকৃত রত্ন এবং সাহিত্যসমাজ একজন নিষ্ঠাবান সেবক হারাইলেন । জগদীশ্বর বাবুর মর্ত্যলীলার বঙ্গদেশ ও বঙ্গসাহিত্য ধন্য হইয়াছে, ব্রাহ্মসমাজের মুখ উজ্জ্বল হইয়াছে । এরূপ প্রকৃত চরিত্রবান সাধু ভক্তের জীবন সাধারণের সম্পত্তি । জগদীশ্বর বাবুর পুণ্যময় জীবনকাহিনী পাঠ করিতে কাহার না ইচ্ছা হয় ? কিন্তু এই ভক্তের জীবনলীলা বিচিত্র ঘটনায় পূর্ণ নহে,—সামান্যভাবে আরম্ভ, সামান্যভাবে সমাপ্ত । আমরা অতি সংক্ষেপে এখানে তাঁহার জীবনকাহিনী বিবৃত করিলাম ।

১২৫২ সালের ভাদ্র মাসে মেহেরপুর মাতুলপ্রসঙ্গে তাঁহার জন্ম হয় । শ্রীধণ্ডের বিখ্যাত কুঁলীন-বৈদ্যবংশজাত ৮ গোপীকৃষ্ণ গুপ্ত ইহার পিতা, এবং মেহেরপুরের মল্লিক কুল-জাতা স্বর্গীয়া রাধা সুলক্ষী দেবী ইহার মাতা । জগদীশ্বর গুপ্তের সহিত শ্রীধণ্ড এবং মেহেরপুরের বিশেষ বন্ধ । শ্রীধণ্ড, শ্রীচৈতন্যের সমসাময়িক শিষ্য শ্রীমৎ নরহরি সরকারের লীলাস্থল ; সুতরাং বৈষ্ণব ধর্মের দুর্গ বিশেষ । মেহেরপুরের মল্লিকবংশ বৈষ্ণব ধর্মের চির উপাসক । পিতৃকুল শাক্ত, মাতৃকুল বৈষ্ণব । জগদীশ্বর বাবু শাক্ত ও বৈষ্ণব ধর্মের উজ্জল বিশ্বাসের সুবিমল ছায়ায় আশ্রয় পাইলেন । জগদীশ্বর বিশ্বাস-ভক্তির অনুপ্রাণনে সর্বোচ্চ আগমন করিলেন ।

বাল্যকালে ভক্ত জগদীশ্বর ১১ । ১২ বৎসর পর্যন্ত পাঠশালায়

অধ্যয়ন করিতে গমন করেন। ইহার পূর্বেই একটু একটু ইংরাজি শিক্ষা করিয়াছিলেন। ১৯ বৎসর বয়সে তিনি মাতৃহীন হন। এই সময়েই তাঁহার জীবনে মহা বৈরাগ্যের সূত্রপাত হয়। মাতাকে কাটোয়ার গঙ্গাতীরে শ্মশানে বিসর্জন দিয়া তত্ত্ব জগদীশ্বর নবজীবন লাভ করিলেন। ভক্তের স্থলিখিত কথা এস্থলে তুলিয়া দিলাম।

“১২২০ সালের জ্যৈষ্ঠ মাসে গ্রীষ্মাবকাশে আমাদের কলৈজ বক হইলে আমি কৃষ্ণনগর হইতে নপাড়া হইয়া শ্রীধরে মাতৃসদনে গেলাম। মা আমাকে পাইয়া বড় সুখী হইলেন। আমাদের দরিদ্র গৃহস্থালী তখন তিনি একপ্রকার গুছাইয়া লইয়াছেন, দরিদ্র হইলেও এখন তিনি স্বাধীন ভাবে শাকসবজি খাইয়া সুখে আছেন। আমি অপরাহ্নে পৌছিলাম। আমার পাকী দ্বারদেশে আসিলেই মা বাহিরে আসিয়া আমাকে আশীর্বাদ করিয়া লইয়া গেলেন ও সহস্রে পাক করিয়া আমাকে খাইতে দিলেন। স্নেহময়ীর স্নেহ পাইয়া আমি সুখী হইলাম। কে জানিত যে, সেই আনন্দই আমার জীবনের শেষ আনন্দ, কে জানিত যে সপ্তাহের মধ্যে মাতৃহীন হইয়া আমি সংসারবাজারে একাকী ঘুরিয়া বেড়াইব ?

তৃতীয় দিবস মাকে ওলাউঠা রোগ আক্রমণ করিল। মা ভাত্তারী ঔষধ খাইলেন না। আমি বলিয়া কহিয়া তাঁহাকে ঘরে বিছানা করিয়া দিলাম। একটু ঘুমাইতে বলিলাম, মা শুইলেন। হায়, সেই শয্যাই তাঁহার কাল-শয্যা হইল। মা মধ্যে মধ্যে দুই একবার বাহ্যে যাইতে লাগিলেন। ১৮১৯ বৎসর বয়সে লোক কত কাজ করিয়া থাকে, কিন্তু তখন আমার কোন জ্ঞানই জন্মায় নাই। আমি খাইতে বসিলে মা আসিয়া আমার কাছে বসিলেন। সেই বিবাদের ছবি, সেই স্নেহ-মুষ্টি যেন, এখনও আমার চক্ষে চক্ষে রহিয়াছে। বেলা যতই অবসর হইতে লাগিল, মায়ের উপসর্গ ততই বাড়িতে লাগিল। ভীষণ জল পিপাসা ও বমন আরম্ভ হইল, প্রস্রাব বন্ধ হইল ও হাত পায়ে খিল খরিতে লাগিল, ২১ জন কবিরাজ আনাইয়া ঔষধ দেওয়া গেল, কোন উপকার হইল না। রাত্রিকালে কাটোয়ার লোক পাঠান হইল না, কেননা ধনসম্বল নাই। আমি বুঝিলাম, মা এ যাত্রা বাঁচিবেন না। মাও তাহাই বুঝিয়া আমাকে বিছানার কাছে কোকিলেন ও অনেক কথা বলিলেন। আমি কাদিয়া আকুল হইলাম। ১২ই জ্যৈষ্ঠ শেষ রাত্রে ডুলী করিয়া মাকে ইহজন্মের মত গঙ্গায় বিসর্জন দিতে চলিলাম। কৃষ্ণপক্ষের ক্ষীণচন্দ্রের ক্ষীণালোকে শ্রীহরির পবিত্র নাম কীর্তন করিতে করিতে সেই ভীষণ গঙ্গাযাত্রার দল বাড়ী হইতে বাহির হইল। মা সেই যন্ত্রণার অবস্থাতেও গঙ্গাদর্শনে আনন্দপ্রকাশ করিয়াছিলেন। একটু পরেই দেখিলাম, মা ঘুমাইতেছেন, সে যে কাল নিজার পূর্ব লক্ষণ, তাহা তখন বুঝিয়াও বুঝি নাই। মায়ের জ্ঞান ক্রমে বিলুপ্ত হইল। বেলা তৃতীয় প্রহরের সময় মা একবার উঠিয়া উঠিলেন, আমি চাহিয়া দেখিলাম, কণ্ঠ-খাস হইয়াছে। তখন সকলে উচ্চারণ করিয়া সেই প্রেমের ছবি গঙ্গাগর্ভে লইয়া গেলেন। আমি মুখে


বিংশ পরিচ্ছেদ । ...	শ্রীসনাতন সঙ্কোচসব । ...	২৮
একবিংশ পরিচ্ছেদ । ...	রঘুনাথদাস মিলন । ...	২১৭
দ্বাবিংশ পরিচ্ছেদ । ...	বল্লভ ভট্টের আগমন । ...	২৩০
ত্রয়োবিংশ পরিচ্ছেদ ।	গোপীনাথ পট্টনায়কোদ্ধার । ...	২৩৫
চতুর্বিংশ পরিচ্ছেদ । ...	রাঘবের ঝালি । ...	২৪১
	পরিমুণ্ডা নৃত্য । ...	২৪২
	ভক্তদত্তাস্বাদন । ...	২৪৪
	নিমন্ত্রণ ভোজন । ...	২৪৫
	চৈতন্য বিজয় । ...	২৪৭
পঞ্চবিংশ পরিচ্ছেদ । ...	হরিদাস নির্ধাণ । ...	২৪৯
বিংশ পরিচ্ছেদ । ...	বিরহ বিকার । ...	২৫৩
	গোড়ীয় ভক্তগণের সঙ্গীক আগমন ।	২৫৫
বিংশ পরিচ্ছেদ । ...	রঘুনাথ ভট্টের মিলন ...	২৫৭
	দেবদাসীর গান । ...	২৫৮
অষ্টাবিংশ পরিচ্ছেদ ।	জগদানন্দ পণ্ডিত । ...	২৫৯
	উড়িয়া রমণী । ...	২৬৪
উনত্রিংশ পরিচ্ছেদ । ...	দিব্যোন্মাদ । ...	২৬৫
ত্রিংশ পরিচ্ছেদ । ...	উদ্যান বিহার । ...	২৭০
	কালিদাসে প্রসাদ । ...	২৭৪
	দ্বার রক্ষকের সঙ্গে । ...	২৭৫
	ফেলামৃত । ...	২৭৬
একত্রিংশ পরিচ্ছেদ । ...	কৃষ্ণাভুকৃতি । ...	২৭৭
দ্বাত্রিংশ পরিচ্ছেদ । ...	সমুদ্রে পতন । ...	২৮২
ত্ৰয়ত্রিংশ পরিচ্ছেদ । ...	বৈশাখী পূর্ণিমা । ...	২৮৭
	সুখ সজ্জবর্ণ । ...	২৮৯
চতুত্রিংশ পরিচ্ছেদ । ...	শিক্ষাপ্রলোক । ...	২৯২
পঞ্চত্রিংশ পরিচ্ছেদ । ...	অন্তর্ধান । ...	২৯৭
ষট্‌ত্রিংশ পরিচ্ছেদ । ...	সঙ্কোচনাস্তে । ...	৩০

সূচীপত্র ।

প্রথম পরিচ্ছেদ ।	...	গৌরসন্ন্যাস ।	...	১
দ্বিতীয় পরিচ্ছেদ ।	...	সন্ন্যাসান্তে ।	...	৬
তৃতীয় পরিচ্ছেদ ।	...	শাস্তিপু্রে ।	...	১৪
চতুর্থ পরিচ্ছেদ ।	...	নীলাচলপক্ষে ।	...	২১
পঞ্চম পরিচ্ছেদ ।	...	সার্কভোমোদ্ধার ।	...	৩২
ষষ্ঠ পরিচ্ছেদ ।	...	দক্ষিণাপথে বাসুদেবোদ্ধার ।	...	৪৬
সপ্তম পরিচ্ছেদ ।	...	দক্ষিণাপথে রামানন্দ সঙ্কোৎসব ।	...	৫১
অষ্টম পরিচ্ছেদ ।	...	দক্ষিণাপথে তীর্থদর্শন ।	...	৬৭
নবম পরিচ্ছেদ ।	...	ভক্তসমাগম ।	...	১
দশম পরিচ্ছেদ ।	...	ক্ষেত্রবিলাস ।	...	২
একাদশ পরিচ্ছেদ ।	...	গোড়ে প্রত্যাগমন ।	...	১
দ্বাদশ পরিচ্ছেদ ।	...	বৃন্দাবনবিহার ।	...	১২
ত্রয়োদশ পরিচ্ছেদ ।	...	প্রয়াগে রূপানুগ্রহ ।	...	১৬
চতুর্দশ পরিচ্ছেদ ।	...	কাশীধামে সনাতন শিক্ষা ।	...	১৫
		তত্ত্ববিচার ও শ্রীকৃষ্ণতত্ত্ব ।	...	১৫
		জীবতত্ত্ব ও সম্বন্ধ বিচার ।	...	১৬
		অভিধেয় তত্ত্ব ।	...	১৬
		প্রয়োজন তত্ত্ব ।	...	১৭
পঞ্চদশ পরিচ্ছেদ ।	...	আত্মারাম শ্লোকার্থ ।	...	১৭
ষোড়শ পরিচ্ছেদ ।	...	শ্রীরূপ সঙ্কোৎসব ।	...	১৮
সপ্তদশ পরিচ্ছেদ ।	...	ছোট হরিদাসের দণ্ড ।	...	১৯
		নিতাইকে গোড়ে প্রেরণ ।	...	১৯
অষ্টাদশ পরিচ্ছেদ ।	...	চৈতন্তের প্রতি দামোদরের বাক্যদণ্ড	...	১৯
		কমলাকান্ত বিশ্বাস ।	...	১৯
		খেপাচৈতন্ত দাস ।	...	২০
উনবিংশ পরিচ্ছেদ ।	...	ভিক্ষা সংকোচ ।	...	২০

নিবন্ধন নং ২২৩
 PRESENTED
 আনন্দময়ী-আশ্রম
 প্রদত্ত ২২/৮

চৈতন্যলীলামৃত ।



প্রথম পরিচ্ছেদ ।

গৌর সন্ন্যাস ।

যখন শ্রীগৌরাজ কেশব ভারতীর কুটীর দ্বারে উপনীত হইলেন, তখন প্রদোষ সময়। সন্ধ্যার ক্ষীণালোকে গৌর কুটীরের দৃশ্য বাহা দেখিতে পাইলেন, তাহাতে বিস্মিত হইলেন; তাঁহার গাত্র কণ্টকিত হইল। স্বপ্নের সেই ছবি;—পাদমূলে ভাগীরথী তর তর বেগে চলিয়া বাইতেছে, চারিদিকে বৃক্ষরাজি, বিহঙ্গমগণ সমস্ত দিন দিগ্দিগন্ত হইতে চরিয়া আসিয়া প্রদোষ মুখে আপন আপন বাসা লইতেছে, রাখালগণ গাভীর পাল লইয়া গৃহে প্রত্যাবর্তন করিতেছে, ক্ষুদ্র একটি পুষ্পোদ্যান মধ্যে ভারতীর কুটীর শোভা পাইতেছে। প্রাঙ্গণটা পরিষ্কার পরিচ্ছন্ন, দ্বারে তুলসী বেদিকা। ভারতী গৌরাই মানুষের পদ শব্দ পাইয়া বাহিরে আসিয়া সসজী নির্দোষ পণ্ডিতকে দেখিয়া প্রেম-পুলকিত অন্তরে আলিঙ্গন করিলেন। প্রেমোন্মত্ত গৌরাজ যথারীতি ভারতীর পাদ বন্দনা করিয়া বলিলেন, “গুরুদেব! আজ আমার কল্যাণার্থে সন্ন্যাস-দীক্ষা দিতে হইবে।”

ভারতী উত্তর করিলেন, “তোমার সন্ন্যাস লইবার বয়স এখনও হয় নাই। এখন বীন-মোবনে কঠোর বৈরাগ্য কি সহিতে পারিবে? তোমাকে সন্ন্যাস দিতে আমার প্রাণ-যেন কাঁদিয়া উঠে; তোমার জননী ও ভাৰ্য্যাকে বলিয়া আলিয়াছ তোমার বয়স এখনও তুমি আমার যে অপভ্রান্তি কিছু সন্ধান নাই।”

দাজ্ঞে বিহিত আছে যে, গার্হস্থ্যে অপত্যোৎপাদনের পর সন্ন্যাসের প্রশস্ত কাল। তোমার তো সে অবস্থা হয় নাই; তবে কোন্ প্রাণে আমি তোমাকে সন্ন্যাস দিব? তোমার জননী ও ভাৰ্য্যা আমাকে কি বলিবেন? সত্য সত্যই তোমাকে সন্ন্যাসী করিতে আমার প্রাণ কাঁপিছে।”

শ্রীগোরাধ বৈরাগ্য ও প্রেমে বিহ্বল হইয়া করজোড়ে বলিতে লাগিলেন, “প্রভো! আমাকে কেন বঞ্চনা করিতেছেন? আপনি কত পতিতকে উদ্ধার করিষ্ঠাছেন, আমি অতি অকিঞ্চন, আমাকে এমন দীক্ষা দিন. যাঁতে আমি কৃষ্ণদাস হইতে পারি। আপনি তো পূর্বে প্রতিশ্রুত আছেন, তবে কেন প্রতিজ্ঞা পালনে ইতস্ততঃ করিতেছেন?” এই বলিয়া উদ্ভঙ প্রেমাবেগে বিশ্বস্তুর হরিবোল বলিয়া নৃত্য করিতে লাগিলেন। অবসর বুঝিয়া মুকুন্দ স্নম-ধুর স্বরে সংকীৰ্ত্তন জুড়িয়া দিলেন। গোরের নয়ন নিয়া অবিরল প্ৰেমাশ্রু পড়িতে লাগিল; এবং মহাযোগে ও মহাভাবে তিনি বিভোর হইয়া পড়িলেন। কীৰ্ত্তনের কোলাহলে চারিদিক্ হইতে লোক সমাগম হইতে লাগিল এবং অপরূপ আকৃতি গোর-মূৰ্ত্তি দেখিয়া দর্শকবৃন্দ অবাচ্ হইয়া গেল। কেশব ভারতী গোরের অমাহুযী ভাব বিলাস আর কখন নয়নগোচর করেন নাই। তাঁহার মনে সন্দেহ ছিল যে, নবীন যৌবনে এ ব্যক্তি বৈরাগ্য ধৰ্ম্ম রক্ষা করিতে পারিবে কি না? তাহা এখন সম্পূর্ণ রূপে নিরসন হইল।—তিনি গোরেশ্বরের ভাবতরঙ্গ দেখিয়া একেবারে বিম্বিত হইয়া গেলেন এবং ইনি কোন মহাপুরুষ, স্বীয় কারুণ্যে আমার নিকট দীক্ষিত হইতে আসিয়াছেন, এইরূপ অনুভব করিতে লাগিলেন। গোরের ভাবাবসানে ভারতী বলিলেন, “নিমাই! আমার মহা অপরাধ-হইয়াছে, তোমাকে ক্ষমা করিতে হইবে। তুমি সাক্ষাৎ নারায়ণ, জগৎগুরু, তোমাকে দীক্ষা দিতে পারে জগতে এমন কাহাকেও দেখি না। আমার ভাগ্যে আমার নিকট যে দীক্ষিত হইবে, সে কেবল ঠোক শিক্ষার নিমিত্ত। তুমি যাহা বলিবে আমি তাহাই করিব, স্বতন্ত্র-মত হইব না। গোরেশ্বর এই মায়াবাক্যে অতিশয় আনন্দিত হইয়া ভারতীকে বলিলেন, “ওরুদেব-স্বপ্নযোগে এক মহাপুরুষ আমাকে সন্ন্যাসের এক দীক্ষা মন্ত বলিয়া দিয়াছেন, দেখুন দেখি সে মন্ত সিদ্ধ কি না?” এই বলিয়া শ্রীগোরাধ ভারতীকে দীক্ষিত করিয়া বলিলেন, “এই দীক্ষিত হইবার

প্রথম পরিচ্ছেদ ।

৩

পূর্বে প্রকারান্তরে তাঁহাকেই দীক্ষিত করিলেন। ভারতী বিন্মিত হইয়া বলিলেন, ‘এ মন্ত্র কোথায় শিখিলে?’ এইরূপ নানা সংপ্রসঙ্গে নীত-কালের দীর্ঘবামিনী পোহাইয়া গেল, কেহ আর নিজা যাইতে পারিলেন না। প্রভাত সময়ে বিশ্বম্ভর চন্দ্রশেখর আচার্য্যারত্নকে ডাকিয়া বলিলেন, ‘পিতঃ এ কৰ্ম্মের বিধিযোগ্য বাহা কিছু অমুষ্ঠান, সকলই আপনি করুন। আপনাকে আমি প্রতিনিধি নিযুক্ত করিলাম।’

আচার্য্যারত্ন যদিও গৌরের সংকল্প অবগত ছিলেন, তথাচ নিঃসংশয়-রূপে জানিবার জন্তই হউক, অথবা নিরাশ ব্যক্তি যেমন ভগ্নমনোরথকে ফিরাইতে চায়, সেইরূপেই হউক, অস্ত্রের ছায়া উত্তর করিলেন, ‘কিসের অমুষ্ঠান?’

গৌর দৃঢ়তাব্যঞ্জকভাবে বলিলেন, ‘আমি গার্হস্থ্য আশ্রম ছাড়িয়া আজ সন্ন্যাসাশ্রমে নবজীবন লাভ করিব, তাহারই অমুষ্ঠানের কথা বলিয়াছি।’ এই বলিয়া ত্রীগোরাঙ্গ হরিসংকীৰ্ত্তন আরম্ভ করিয়া দিলেন। আচার্য্যারত্ন আর বিরক্তি না করিয়া সন্ন্যাসগ্রহণের অমুষ্ঠানে প্রবৃত্ত হইলেন। শুভকৰ্ম্মের সহায় ভগবান্। আশ্চর্য্যের বিষয় কোথা হইতে প্রয়োজনীয় সামগ্রী সম্ভার আসিয়া জুটিয়া গেল, কেহ জানিতে পারিলেন না। ইতি পূর্বেই গৌরের সন্ন্যাসের কথা নগরী মধ্যে রাষ্ট্র হইয়া পড়িয়াছিল। তাই পল্লিগ্রামের সরলমতি নরনারীগণ অল্পসময় মধ্যেই দধি, দুগ্ধ, ঘৃত, চিনি, তাম্বুল, বজ্র, চন্দন, পুষ্প, ধূপ, দীপ প্রভৃতি সামগ্রী সম্ভার আরোজন করিয়া ভারতী ঠাকুরের কুটীর ঘারে আনিয়া সজ্জিত করিয়া দিল। এ দিকে গৌরচন্দ্র কীৰ্ত্তনানন্দে বিভোর হইয়া হাসিতে, কাঁদিতে, নাচিতে, নাচিতে মহাভাব ও মহামোহের জীবন্ত প্রতিমারূপে প্রতীয়মান হইতে লাগিলেন। সংকীৰ্ত্তনের স্বনিতে আকৃষ্ট হইয়া চারিদিক হইতে নরনারী, বালক বালিকা আসিয়া ভারতীর কুটীর বিরিয়া দাঁড়াইয়াছে; লোকে লোকারণ্য হইয়া গঙ্গাতীরের প্রশস্ত প্রান্তর ভূমি শোভা পাইতেছে। গৌরের তৎকালের ভাব ও মুকুন্দের মধুর কণ্ঠে মুগ্ধ হইয়া লোকসকল স্তম্ভিত হইয়া কাষ্ঠপুত্তলিকার ছায় দাঁড়াইয়া আছে। গৌরের নবীন বয়স ও অনিন্দ্যরূপ দেখিয়া এবং সন্ন্যাসের কথা শুনিয়া কত লোক কাঁদিয়া অস্থির হইতেছে; কেহ কেহ দীর্ঘনিঃশ্বাস ফেলিয়া বিধাতার নির্বন্ধকে দোষ দিতেছে। কতলোক

সুখভী ভাৰ্য্যার কথা শুনিয়া রোদন করিতেছে, কেহ বলিতেছে ; 'ধিক্ শাস্ত্রকারদিগকে, যাঁহারা এমন নিষ্ঠুর সন্ন্যাসের প্রথা সৃষ্টি করিয়াছেন।' কেহ বলিতেছে, 'হায়! ইহার মাতার ও ভাৰ্য্যার পক্ষে আজ কি কাল রজনীই পোহাইয়াছে, এ হেন ধনে সন্ন্যাসী করিয়া তাহারা কেমন করিয়াই বা দাঁচিবে?' বেলা বৃদ্ধির সঙ্গে সেই জনতা প্রগাঢ় হইতে লাগিল। ক্রমে বেলাবসান হইতে চলিল, তথাচ গোরের প্রেমাবেগ সঞ্চার হইল না, সংকীৰ্ত্তনও থামিল না। অবশেষে নিত্যানন্দের ইচ্ছিতে গৌরচন্দ্র একটু স্থির হইয়া উপবেশন করিলে, মুগুন করিতে নাগিত আসিয়া প্রণাম করিয়া বসিল। পরম সুন্দর চাঁচরকেশের সহিত শ্রীশিখার অন্তর্ধান হইবে ভাবিয়া ভক্তগণ কাঁদিয়া ব্যাকুল হইলেন। তৎশ্রবণে দর্শক-মণ্ডল মধ্যে ক্রন্দনের মহারোল পড়িয়া গেল। মধু নাগিত কুর তুলিবে কি, কাঁদিয়া ব্যাকুল হইয়া পড়িল। এদিকে গৌরচন্দ্রও প্রেমাতুরাগে গর গর হইয়া ও ভাবী নবজীবনের নব ভাব স্মরণ করিয়া একবার উঠিতে, একবার বসিতে, একবার কাঁদিতে, একবার নাচিতে লাগিলেন। স্তবরাং ক্ষৌর কন্দ বড় একটা অগ্রসর হইতে পারিল না। দর্শকমণ্ডলীর মধ্যে অনেকেই কাঁদিতেছিল, কিন্তু এক ব্যক্তির ভাবাতুরাগ দেখিয়া আর সকলে অত্যন্ত বিস্মিত হইল। সে ব্যক্তি গৌরানন্দের মুগুন দেখিতে দেখিতে হাহাকার করিয়া কাঁদিতে কাঁদিতে মুচ্ছিত হইয়া পড়িল। তাহার চারিদিকে লোক সকল বেষ্টন করিয়া দাঁড়াইল এবং তাহার পরিচয় জানিবার জন্য অনেকে আগ্রহ প্রকাশ করিতে লাগিল। একজন জিজ্ঞাসা করিল, এলোকটা কে?

অপর আগন্তুক উত্তর করিল, এ আমাদের গ্রামের গঙ্গাধর ভট্টাচার্য্য। প্রথম ব্যক্তি বলিল, আপনার নিবাস? উত্তর--চাঁকন্দী গ্রামে।

এইকথা হইতে হইতে মুচ্ছাপন্ন গঙ্গাধর ভট্টাচার্য্য চৈতন্য লাভ করিয়া উঠিয়া বসিল। এদিকে বেলাবসান হইয়া আসিল, নাগিত কোনমতে ক্ষৌরকার্য্য সমাধা করিলে গৌরচন্দ্র প্রায় সন্ধ্যাসময়ে গঙ্গানান করিয়া সন্ন্যাস গ্রহণের স্থানে আসিয়া বসিলেন। ভক্তগণ কাঁদিতে কাঁদিতে অরুণ-বর্ণের ডোর কোপীন পরাইয়া দিলেন এবং সর্কাসে চন্দন লেপন করিয়া দিয়া গলদেশ ও হস্ত কুন্তলমালায় বিভূষিত করিলেন।

তারপর গোবিন্দী গৌরচন্দ্র হস্তে সন্ন্যাসী প্রবেশ করিল, ৭৩ ও কলকাতা

পূর্বে গৌরচন্দ্র স্বপ্নলব্ধ যে মন্ত্র তাঁহাকে বলিয়াছিলেন, তাহা তাঁহার কর্ণে প্রদান করিলেন। গৌরচন্দ্র তখন প্রেমানন্দে বোল হরিবোল বলিয়া নাচিতে লাগিলেন, দেবগণ স্বর্গে আনন্দহনুভি বাজাইতে লাগিলেন, ভক্তগণ কাদিতে কাদিতে হরিবোল বলিয়া উঠিলেন, দর্শকমণ্ডলী গভীর নিনাদে হরিশ্রবণ দিয়া গগনমণ্ডল কাঁপাইয়া তুলিল। আর মহা-ভারতীয় ব্যাসোক্ত ভবিষ্যদ্বাণী পরিপূর্ণতা লাভ করিল, যথা—

“সুবর্ণবর্ণো হেমাঙ্গো বরাহশ্চন্দনাদ্রদী

সন্ন্যাসকৃচ্ছমঃ শাস্তো নিষ্ঠাশান্তিপরায়ণঃ।”

এদিকে ভারতী গোসাই গৌরের সন্ন্যাসাশ্রমোপযোগী নাম রাখিবার জন্ত ব্যস্ত হইয়া পড়িলেন। ভাবিয়া চিন্তিয়া কিছু স্থির করিতে না পারিয়া কিছু বিষয় হইয়া পড়িতেছিলেন, এমন সময়ে ভগবদাদেশের শুভ্র জ্যোতিতে তাঁহার হৃদয় পূর্ণ হইয়া গেল, বিধানালোকে তিনি ভবিষ্যতের ছবি দেখিতে পাইলেন এবং শুদ্ধা সরস্বতী তাঁহার কর্ণে অধিষ্ঠিত হইলেন। তখন তিনি নব সন্ন্যাসীর বক্ষে হস্ত দিয়া উচ্চৈঃস্বরে বলিতে লাগিলেন “নিমাই পণ্ডিত! শ্রবণ কর। মধুর ‘কৃষ্ণ’ নাম দিয়া তুমি সংসারমুখ অচৈতন্ত লোকদিগকে চেতনা দিয়াছ এবং ভাবী জীবনে কোটি কোটি নরনারী তোমা হইতে চেতনা লাভ করিবে, এজন্ত তোমার ‘ত্রীকৃষ্ণচৈতন্ত’ নাম প্রকাশ হইল; এখন হইতে এই নামেই তুমি পরিচিত হইবে।” এই কথার শেষ শব্দ আকাশে বিনীন হইতে না হইতে চারিদিকে আনন্দ পূর্ণ হরিশ্রবণ হইতে লাগিল, ত্রীগোরাঙ্গও নিজ নাম লাভ করিয়া পরিতুষ্ট হইলেন। আমরাও এখন হইতে ইহাকে কৃষ্ণচৈতন্ত নামে সম্বোধন করিতে থাকিব।

• সেই প্রদোষ সময়ে গৌরের ইঙ্গিতে মহাসঙ্কীর্ণন আরম্ভ হইল। সমস্ত রজনীতে, কীর্ণনের বিরাম হইল না। কখন একাকী, কখন গুরুশিষ্যে, কখন দলবদ্ধ হইয়া মহা নৃত্য হইতে লাগিল। প্রেমানন্দে কাটোয়া নগরী ভাসিয়া গেল; কত শত পাপী তাপী দেখিয়া শুনিয়া নবজীবন পাইল আমাদের পূর্বকথিত গঙ্গাধর ভট্টাচার্য্য গৌরের ত্রীকৃষ্ণচৈতন্ত নাম শুনিয়া ‘চৈতন্ত! চৈতন্ত!’ বলিতে বলিতে উন্মত্তের আয় গঙ্গাতীরে দৌড়িয়া চলিল; নৈশ আকাশ তাহার কর্ণ ধ্বনিতে প্রতিধ্বনিত হইতে লাগিল এবং প্রভাত কালে কোন মতে সে চাকন্দী গ্রামে বাইয়া উপস্থিত হইল। তদবধি “চৈতন্ত” ভিন্ন তাঁহার মুখে আর অত্র কথা উচ্চারিত

হইত না। গ্রামবাসী লোক তাঁহার সমভিব্যাহারীর নিকট পূর্বোক্ত
 আখ্যায়িকা শুনিয়া সে পাগল হইয়াছে মনে করিল এবং তদবধি তাঁহাকে
 কেপা চৈতন্য দাস নামে ডাকিতে লাগিল; তিনিও সেই নামে উত্তর দিতে
 লাগিলেন। ক্রমে তাঁহার পূর্ব নাম লোপ হইয়া চৈতন্যদাস নামই প্রকাশ
 হইল। পাঠক মহাশয় জিজ্ঞাসা করিতে পারেন, এ ব্যক্তি কে যে ইহার
 কথা এত করিয়া বলা হইল? খ্রীষ্টীয় বিধানে জিশ্বার অন্তর্ধানের পর যেমন
 পলই খ্রীষ্টধর্মের পৃষ্ঠপোষক ও প্রচারক ছিলেন, তেমনি গৌরবিধানে
 শ্রীগৌরানন্দের অগ্রকটের পর যে মহামতি বৈষ্ণবধর্মকে রক্ষা করিয়াছিলেন,
 যিনি শ্রীচৈতন্যের ইচ্ছায় তদীয় শক্তিসম্পন্ন হইয়া বঙ্গদেশকে উজ্জ্বল করিয়া-
 ছিলেন, যাহার অদম্য উৎসাহ ও অতুল্য ক্ষমতায় বঙ্গ দেশের সর্বত্র নূতন
 বিধানের নূতনালোক প্রবেশ লাভ করিয়াছিল, এবং গোস্বামীদিগের
 গ্রন্থনিচয় প্রচারিত হইয়াছিল, যাহার অলৌকিক সাধুতায় বনবিষ্ণুপুরের
 দস্যুরাজ বীরহাঙ্গীর দস্যবৃত্তি ছাড়িয়া পরম বৈষ্ণব হইয়াছিলেন, আমাদের
 উল্লিখিত কেপা চৈতন্য দাস সেই পরমভাগবত শ্রীনিবাস আচার্য্য প্রভুর
 পিতা।

দ্বিতীয় পরিচ্ছেদ ।

সন্ন্যাসান্তে ।

এই পরিচ্ছেদের লিখিত বিবরণে বৈষ্ণবগ্রন্থকারদিগের মধ্যে মত-
 ভেদ দৃষ্ট হয়। চৈতন্য ভাগবত, চৈতন্যমঙ্গল ও ভক্তিরত্নাকর গ্রন্থে
 বৈষ্ণব বর্ণিত আছে, চৈতন্যচরিতামৃত ও চৈতন্যচন্দ্রোদয় নাটকের বৃত্তান্ত
 তাহা অপেক্ষা কিছু বিভিন্ন। আমরা প্রথমোক্ত গ্রন্থকারদিগের অনুবর্তী
 হইয়া বক্তব্য বিষয় বলিয়া পরে শেষোক্ত গ্রন্থদ্বয়ের মত ব্যক্ত করিব।

সন্ন্যাসের নিশা প্রেমানন্দে অতিবাহিত হইল। গোবরের প্রেমভরদে
 পড়িয়া কঠোর বৈরাগী ভারতী গোসাইও ন্যাকি কামিয়া বিয়াভার হইলেন ;

ভাঁহার দণ্ড কমণ্ডলু কোথায় পড়িয়া রহিল; শুক শিষ্যে হাত ধরাধরি করিয়া, কখন কোলাকুলি করিয়া নাচিয়া কৃষ্ণানন্দে বিভোর হইলেন। শ্রীতকালের দীর্ঘযামিনী কোন দিক দিয়া পোহাইয়া গেল, কেহ টের পাইলেন না। রজনীপ্রভাতে শ্রীকৃষ্ণচৈতন্য চক্ৰশেখর আচার্য্যরত্নের পাদবন্দনা করিয়া বলিলেন, “পিতঃ! আপনি নবদ্বীপে গমন করুন; আমার শোকবিস্বনা জননী ও প্রাণের বন্ধুবর্গকে আমার সন্ন্যাসের কথা বলিয়া বলিবেন, “যে যদিও কর্তব্যপালন জ্ঞাত আনি বনগমন করিতেছি, তথাচ তাঁহাদের অন্তর হইতে আমি কখনই দূরে থাকিতে পারিব না। আর আপনি আমার পিতা, যখন স্মরণ করিবেন, আমায় দেখা পাইবেন।” আচার্য্যরত্নাদি শোকবিস্বনাচিত্তে কাদিতে কাদিতে নবদ্বীপাভিমুখে যাত্রা করিলেন এবং দিবাবসান সময়ে শচীগৃহে উপনীত হইয়া বৈষ্ণবমণ্ডলী সমক্ষে সব কথা খুলিয়া বলিলেন। গৌরের গমন হইতে এই তিন দিন পর্য্যন্ত নবদ্বীপ নগর বিষাদ ধাম হইয়াছে। ভক্তমণ্ডলী মৃতকর, শচী মাতা ও বিষ্ণুপ্রিয়াকে বেঁটন করিয়া বসিয়া গৌরগুণকীর্তন করিয়া কঁতাই কাদিতেছেন। মা শচীদেবী ও বিষ্ণুপ্রিয়া অচেতন হইয়া ভূমিতে পড়িয়া আছেন। প্রভাত সময়ে গৌর যাইবার কালে বাড়ীর অবস্থা বেক্রপ ছিল, সেইরূপ সকল বাসি পড়িয়া আছে, তিন দিন পর্য্যন্ত কেহ জল-বিন্দু স্পর্শ করেন নাই। এক্ষণে আচার্য্যরত্নের কথায় তাঁহাদের শোকাবেগ শতগুণ বৃদ্ধি হইল এবং নানাভাবে সকলে রোদন করিতে লাগিলেন। অদ্বৈতপ্রমুখ ভক্তগণ শোকে আত্মহারা হইয়া জীবনান্ত করিতে কৃত-সঙ্কল্প হইলেন। পরক্ষণেই প্রত্যাঘটিত হইলেন ‘আত্মহত্যারূপ, পাপে নির্মগ্ন হইও না, অঙ্গসময় মধ্যেই গৌরের সঙ্গে পুনর্মিলন হইবে।’ তখন তাঁহারা আপনাদের ভীষণ প্রতিজ্ঞা হইতে প্রতিনিবৃত্ত হইলেন। এইরূপে বিষাদের কালিমায় নবদ্বীপের আকাশ ছাইয়া ফেলিল। হৃৎখ বিষাদে মগ্ন হইয়া ভক্তমণ্ডলী কালের কুটিল গতির দিকে ডাহিয়া থাকিলেন।

এ দিকে আচার্য্যরত্নকে বিদায় দিয়া শ্রীকৃষ্ণচৈতন্য বনগমনে উদ্যত হইলেন। ভারতী গোস্বামী গৌরের প্রেমমন্ত্রে এতই মুগ্ধ হইয়াছিলেন যে, ভাঁহার গমনোদ্যোগ দেখিয়া বলিলেন, ‘আমিও তোমার সঙ্গে যাইব। এখানে একাকী থাকিয়া কি করিব? তোমার সঙ্গে সংকীর্ণনানন্দে

সুখে দিন কাটিয়া যাইবে । প্রেমানন্দের কণা পাইলে শুদ্ধ জ্ঞানযোগ
 ভাল লাগে না ।” গৌরচন্দ্র অমুমতি দিলেন অগ্রে ভারতী, মধ্যে নূতন
 সন্ন্যাসী, পশ্চাতে নিত্যানন্দ মুকুন্দ প্রভৃতি ভক্তগণ পশ্চিমাভিমুখে গমন
 করিতে লাগিলেন । গৌর তখন নবজীবনের নবভাবে বিভোর । পিঞ্জরাবহু
 পাখী যেমন পিঞ্জর হইতে বাহির হইতে পারিলে প্রমুক্ত আকাশে পূর্ণ
 উৎসাহে বিচরণ করিতে থাকে, তেমনি সংসার পিঞ্জর কাটিয়া গৌর
 পাখী আজ ব্রহ্মাণ্ডের সুপ্রশস্ত আকাশে বাহির হইয়াছেন, সংকীর্ণতার
 নীচসীমা তাঁহার পশ্চাতে পড়িয়া রহিয়াছে, প্রাণে অসীম অনন্তের
 ছায়া পড়িয়াছে, প্রেমের জলন্ত অনল ধক্ ধক্ করিয়া জলিয়া উঠিয়াছে
 এবং এত দিনে প্রাণনাথের সেবায় আত্মোৎসর্গ করিতে পারিবে নু বলিয়া
 আনন্দধারায় বুক ভানিয়া বাইতেছে ; গৌর আব্রাহার হইয়া ভাগবতের
 নিম্নোক্ত শ্লোক পুনঃ পুনঃ আবৃত্তি করিতে লাগিলেন ;—

“এতাং সমাস্থায় পরাশ্রয়নিষ্ঠা

মধ্যাসিতাং পূর্বতমৈম হস্তিঃ

অহস্তরিষ্যামি হরন্তপারং

তমো মুকুন্দাং ত্রিনিবেবৈয়ৈব ।”

পূর্বতন মহাত্মাদিগের অবলম্বিত পরাশ্রয়নিষ্ঠা আশ্রয় করিয়া মুকুন্দ
 চরণ সেবাদ্বারা আমি হস্তর অন্ধকার উত্তীর্ণ হইব ।

ভ্রাতৃগণ! সংসার মোহ উত্তীর্ণ হইতে হইলে পূর্বতন মহর্ষিদিগের
 অবলম্বিত পরাশ্রয়নিষ্ঠাই সার । পরমাশ্রিতে নিষ্ঠা স্থাপিত না হইলে
 তাঁহার চরণ সেবার অধিকার জন্মে না । অতএব তোমরা এখন অমুমতি
 কর, আমি নিভূতে বাইয়া পরাশ্রয়নিষ্ঠা অভ্যাস করি। এই বলিয়া
 অমুরাগ ভরে গৌরচন্দ্র দৌড়িতে আরম্ভ করিলেন । বহুগণ ও তাঁহার সঙ্গে
 ছুটিয়া চলিলেন । এদিকে অপক্লপ মুরতি নূতন সন্ন্যাসী দেখিয়া নগরের
 বহু সংখ্যক নর নারী তাঁহাদের অমুমতি করিতে লাগিলেন এবং গৌরের
 তৎকালের জলন্ত বৈরাগ্য ও প্রেম অবলোকন করিয়া, তাঁহার মাত’
 পত্নীর কথা স্মরণ করিয়া, কতরূপ বিলাপ করিতে লাগিলেন । শ্রীকৃষ্ণচৈত’
 তাঁহাদিগকে অতি মধুর ভাবে নিম্নলিখিত উপদেশ দিলেন ।

“ভাই সব! গৃহে প্রতিনিবৃত্ত হইয়া গৃহ ধর্ম্মে মনোযোগ কর । কি
 দেখে যেন সংসারের জাল হইতে না পড়ি । পবিত্র কণ্ঠব্যাক্ত জানে শ্রীকৃষ্ণ

উদ্দেশ্যে সকল ধর্ম সমারম্ভ কর। অহুদিন হরিনাম সংকীর্তন কর এবং কৃষ্ণগত প্রাণ হও। আমি প্রার্থনা করি, শুকাদিরও হৃদয় প্রেম যেন তোমাদের লাভ হয়।” লোক সকল প্রেমানন্দে গদ গদ হইয়া কাঁদিতে কাঁদিতে কিরিয়া চলিল।

দেখিতে দেখিতে শ্রীকৃষ্ণচৈতন্ত বঙ্কগণ সঙ্গে রাঢ় ভূমিতে আসিয়া উত্তীর্ণ হইলেন। রাঢ়দেশের উচ্চ ভূমি সকল পরম সুন্দর, সুপ্রশস্ত প্রান্তরের চারিদিকে অশ্বখবৃক্ষরাজি সারি সারি শোভা পাইতেছে, গাভীগণ মহানন্দে বিচরণ করিতেছে দেখিয়া গৌরের বৃন্দাবন ভাবাবেশ হইল এবং মত্ততার সহিত নৃত্য করিতে লাগিলেন। মুকুন্দ প্রভৃতি ভক্তগণ কীর্তন জুড়িয়া দিলেন। নাচিতে নাচিতে প্রভু বলিলেন, ‘বক্ত্রেশ্বর যে রনে তপস্বী করিতেছেন, আমি সেইখানে যাইয়া নিভূতে কৃষ্ণনাম করিব।’ এই বলিয়া নবনন্দ্যাসী উদ্ভট নৃত্য কীর্তন করিতে করিতে পশ্চিমাভিমুখে যাইতে লাগিলেন। বেলা অবসান হইল দেখিয়া ভক্তগণ তাঁহাকে লইয়া এক ব্রাহ্মণের বাড়ীতে আতিথ্য স্বীকার করিলেন, এবং কিছু জলযোগান্তে সকলে গৌরকে বেঠন করিয়া ব্রাহ্মণের বাহির বাড়ীতে শয়ন করিয়া থাকিলেন। রজনী তৃতীয় প্রহরের সময় নিত্যানন্দ জাগরিত হইয়া দেখেন, গৌরচন্দ্র শয্যায় নাই। অত্যন্ত ব্যস্তমনা হইয়া তিনি আর আর সঙ্গীদিগকে জাগাইলেন এবং সকলে ব্যস্ত সমস্ত হইয়া তাঁহার অবশেষে বাহির হইলেন। গ্রামখানি তন্ন তন্ন করিয়া খুঁজিয়া তাঁহার প্রান্তর ভূমিতে গমন করিলে নৈশ নিশ্চিন্ততা ভেদ করিয়া সুদূর হইতে বিলাপযুক্ত রোদনধ্বনি তাঁহাদের কর্ণকুহরে প্রবেশ করিল। শব্দ তত সুস্পষ্ট না হইলেও তাঁহার গৌরকৃষ্ণবিনির্গত বলিয়া বুঝিতে পারিলেন এবং শব্দানুসারে গমন করিয়া লক্ষ্যস্থানে উপস্থিত হইলেন। প্রভাতীয় ক্ষীণালোকে ভক্তগণ দেখিতে পাইলেন, নির্জনে প্রান্তর ভূমিতে বসিয়া সেই নবীন সন্ন্যাসী ক্ষেত্র জলে বুক ভাসাইয়া “কৃষ্ণরে প্রভুরে ওরে কৃষ্ণ মোর বাপ!” বলিয়া কাঁদিতেছেন, তাঁহার গভীর বিলাপধ্বনি নৈশ আকাশে প্রতিধ্বনিত হইয়া দিম্বাঙল কাঁপাইয়া তুলিতেছে; এবং সাক্ষাৎ বৈরাগ্য প্রতিমূর্তি হইয়া যেন তাঁহার রক্ষায় নিযুক্ত আছে। ভক্তগণ তাঁহার তদানীন্তন হইয়া তাঁহাদের ভাব দেখিয়া কাঁদিয়া ব্যাকুল হইলেন। মুকুন্দ অবসর পাইয়া মধুর কণ্ঠে সংকীর্তন গাইতে আরম্ভ করিলেন। রসময় হরিনাম

শুনিবামাত্র গৌরের ভাব পরিবর্তন হইল । তিনি অমনি উঠিয়া নৃত্য করিতে আরম্ভ করিলেন । এই রূপে গাইতে গাইতে, নাচিতে নাচিতে, এই অপূর্ণ ভক্তদল ক্রমাগত পশ্চিমাভিমুখে যাইতে লাগিলেন । হরি সংকীৰ্ত্তন কাহাকে বলে, তখন কেহ জানিত না । যে গ্রামের পথ দিয়া তাঁহারা যাইতে লাগিলেন, সকলে অবাক্ হইয়া তাঁহাদের ভাব গতিক দেখিতে লাগিলেন এবং তাঁহাদের কথা লইয়া গ্রামে গ্রামে কতই আন্দোলন চলিতে লাগিল । এই রূপে রাঢ়দেশ ধৃত করিয়া বিশ্বস্তর বক্তৃৎসরের আশ্রয়ভিমুখে চলিতে লাগিলেন । চারিক্রোশ মাত্র পথ অবশিষ্ট আছে, হঠাৎ তাঁহার গতি ফিরিল । যাইতেছিলেন পশ্চিমাভিমুখে, হঠাৎ পূর্বাভিমুখে হইলেন । সঙ্গীগণ কারণ জিজ্ঞাসা করিলে, তিনি উত্তর করিলেন, 'জগন্নাথ প্রভুর আদেশ হইয়াছে শীঘ্র নীলাচলে যাইতে ।' ভক্তগণ তাহা শুনিয়া পরম স্তম্ভী হইলেন । পাঠক মহাশয়ের স্বরণ থাকিতে পারে, যখন ইতি পূর্বে পুত্রের সম্মান গ্রহণের কথা শুনিয়া শচী মাতা জিজ্ঞাসা করিয়াছিলেন সম্মানান্তে তিনি কোথায় থাকিবেন? গৌর তখন জননীকে কিছু ঠিক করিয়া বলিতে পারেন নাই, এই মাত্র বলিয়াছিলেন 'যেখানেই থাকি না কেন, তোমারে মধ্যে মধ্যে দেখা দিয়া যাইব, বিশ্বরূপের শ্রায় নিরুদ্ধে হইয়া যাইব না ।' ভগবন্ত মহাত্মাদিগের এই এক বিশেষ লক্ষণ দেখা যায় যে, তাঁহারা চিরদিনই প্রিয়তমের স্নিগ্ধ আশ্রয় আশ্রয়কারী । সেই আশ্রয় মরিতে হয়, সেও ভাল, তথাপি পৃথিবীর কথায় সহস্র লাভ হইলেও তাঁহারা তাহা মানিতে প্রস্তুত নহেন । এবং মাত্র ভগবদাদেশেই, ভক্তচূড়ামণি প্রহ্লাদ জীবনান্তকারী বিপদকেও গ্রাহ্য করেন নাই; মহর্ষি ঈশা বৃক পাতিয়া ক্রুশের স্নানান্ত লইয়াছিলেন; আর তাহাতেই গৌরকে পথের ভিখারী করিল । বাহা হউক, প্রত্যাদেশের অভ্রান্তবাণী আজ তাঁহার ভবিষ্যতের বাসস্থান যেই নির্ণয় করিয়া দিল, অমনি মত্ত মাতঙ্গের গতি ফিরিল । মেঘ গিঙর শ্রায় আদেশের নির্দেশানুসারে তিনি গঙ্গাভিমুখে প্রতিনিবৃত্ত হইলেন । পথমধ্যে গ্রামবাসীদিগের কাহারও মুখে হরিনাম না শুনিয়া গৌরের হৃদয় বড় ব্যথিত হইল । তিনি বলিলেন, "এই কয়েক দিন ধরিয়া এই দেশে বেড়াইতেছি, কিন্তু হায়! কাহারও মুখে একবার "কৃষ্ণ হেন নাম" শুনিতে পাইলাম না, কি পরিতাপ! কি বিষম! এই ভাবে যাইতে যাইতে গৌর চন্দ্র

সঙ্গীদিগকে পশ্চাতে ফেলিয়া কিছু অগ্রগামী হইলেন এবং ধ্যানানন্দে বিভোর হইয়া এক স্থানে বাইয়া নিমীলিত নেত্রে নীরবে দাঁড়াইয়া থাকিলেন । তাঁহার সঙ্গীগণ নিকটবর্তী হইয়া বাহ্য দেখিলেন, তাহাতে বিস্ময়াবিষ্ট হইয়া গেলেন । তাঁহারা দেখিলেন, কয়েক জন গরুর রাখাল স্তিমিতনেত্র বিশ্বস্তরকে বেষ্টন করিয়া হরিবোল বলিয়া হাতে করতালি দিয়া ঘুরিয়া ঘুরিয়া নাচিতেছে ; মধ্য স্থানে দাঁড়াইয়া চৈতন্য প্রভু নামানন্দে ভাসিতেছেন । ধ্যান ভঙ্গ হইলে এই ব্যাপার দেখিয়া তিনি মহাস্বধী হইলেন এবং দেশবাসীদিগের মুখে হরিনাম না শুনিয়া প্রাণে যে কষ্ট হইয়াছিল, তাহা অপনীত হইল । সহস্র মুখে গোরচন্দ্র রাখাল বালকদিগকে জিজ্ঞাসা করিলেন, “এখান হইতে গঙ্গা কত দূর ?” বালকগণ উত্তর করিল, “এক প্রহরেঃ পথ ।”

...গঙ্গা নিকটবর্তী শুনিয়া গোরচন্দ্র গঙ্গাবগাহনের জন্ত দৌড়িতে লাগিলেন । সঙ্গের ভক্তগণ কেহ তাঁহার সঙ্গে চলিয়া উঠিতে পারিলেন না । কেবল নিত্যানন্দ তাঁহার দেহ রক্ষায় ব্যগ্র হইয়া কোনমতে তাঁহার সঙ্গে বাইতে পারিলেন । প্রায় সন্ধ্যাসময়ে উভয়ে গঙ্গাতীরে পৌছিলে গোরচন্দ্র মনের সাথে অবগাহন ও উদর পূরিয়া গঙ্গাজলপান করিয়া আপনাকে কৃতার্থ মনে করিলেন । গঙ্গা দর্শনে তাঁহার প্রেমাবেগ প্রবল হইয়া উঠিল । তিনি গঙ্গার স্তব পড়িতে পড়িতে প্রেমে বিহ্বল হইয়া উঠিলেন । “ব্রহ্মরূপের দ্রবভাবরূপিনী গঙ্গে ! তোমার জল প্রেমরস স্বরূপ, উহা পানে, স্নানে, অশেষ পাপ দূরীভূত হইয়া কৃষ্ণপ্রেম লাভ হয় । জগতের মঙ্গলের জন্তই তোমার মর্ত্যে আগমন ।” ভারতে জন্মগ্রহণ করিয়া কে না গঙ্গার ভাবে মুগ্ধ হইয়াছে ? প্রেমাবতার শ্রীগৌরানন্দ হইবেন না কেন ? নিত্যানন্দের সহিত গৌর সেই নিশা সে গ্রামে বাপন করিলে প্রভাতে অনুবর্তী ভক্তগণ আসিয়া মিলিত হইলেন । তখন গোরচন্দ্র নিত্যানন্দকে ডাকিয়া বলিলেন, “নিতাই ! আমার বিরহে মা ও শ্রীমাদাদি ভক্তমণ্ডলী স্ত্রিয়মাণ হইয়া আছেন ; তুমি শীঘ্র নবদ্বীপে গমন করিয়া তাঁহাদিগকে আশ্বস্ত কর এবং আমার আগমন সংবাদ দিয়া বলিও যে আমি তাঁহাদের দর্শনাপেক্ষায় শান্তিপুরে অবৈতাচার্য্যের গৃহে অবস্থিত করিতেছি । এখান হইতে শান্তিপুর বেশী দূর নয়, আমি গঙ্গা পার হইয়া ফুলিয়া নগরে ভক্ত হরিদাসের আশ্রম দর্শন করিয়া শান্তিপুরে বাইব ।

ভূমি ইতিমধ্যে নবদ্বীপ হইতে মা ও বন্ধুদিগকে লইয়া আচার্য্যভবনে আগমন করিও।” এই বলিয়া সকলে একত্র গঙ্গা পার হইলেন এবং নিত্যানন্দকে নবদ্বীপে পাঠাইয়া গৌরচন্দ্র ফুলিয়াভিমুখে চলিয়া গেলেন।

এই তো গেল চৈতন্যভাগবতপ্রমুখ গ্রন্থকারদিগের মত। ইহাদিগের মতে সন্ন্যাসযাত্রা হইতে এ পর্য্যন্ত দ্বাদশ দিন অতিবাহিত হইয়া গিয়াছে। পক্ষান্তরে চরিতামৃতে ও চন্দ্রোদয়নাটকে কিছু অন্তরূপ বর্ণনা দেখা যায়। চরিতামৃতের মতে সন্ন্যাস গ্রহণান্তে প্রথমে উন্নত হইয়া গৌরচন্দ্র বৃন্দাবনে বাইবার উদ্দেশে যাত্রা করিলেন; পশ্চাতে নিত্যানন্দ আচার্য্যরত্ন ও মুকুন্দ এই তিনজন মাত্র অনুগমন করিলেন। কবি কর্ণপূর বলেন যে, সঙ্গে কেবল মাত্র নিত্যানন্দই ছিলেন; আচার্য্যরত্নকে পূর্বেই বিদায় করিয়া দেওয়া হইয়াছিল। মহাপ্রভু প্রথমে আশ্রহারা হইয়া তিন দিন দিবা রাত্রি রাত্ দেশের মধ্যে দোড়াইয়া বেড়াইয়া ছিলেন। গোপবালকদিগকে, বৃন্দাবনে বাইবারি পুথ জিজ্ঞাসা করিলে, নিত্যানন্দের শিক্ষামত তাহারা তাঁহাকে গঙ্গাভীরের পথ দেখাইয়া দিয়াছিল। চরিতামৃতকার বলেন যে, এইখানে নিত্যানন্দ আচার্য্যরত্নকে নবদ্বীপে পাঠাইয়া বলিয়া দিলেন যে, “শচীমাতাও ভক্তগণকে লইয়া তিনি যেন শাস্তিপুরে অবৈততবনে যান। আমি কোনরূপে প্রভুকে লইয়া তথায় গমন করিব।” আচার্য্যরত্নকে বিদায় দিয়া নিত্যানন্দ প্রেমমুগ্ধ গৌরচন্দ্রের সম্মুখে যাইয়া দর্শন দিলেন। গৌর বিস্মিতের ছায় তাঁহাকে জিজ্ঞাসা করিলেন, “শ্রীপাদগৌসাই! আপনি কোথায় যাইবেন?”

নিত্যানন্দ উত্তর করিলেন, “তোমার সঙ্গে বৃন্দাবনে যাইব।”

জিজ্ঞাসা—বৃন্দাবন কত দূরে?

“এই যমুনা দর্শন কর” বলিয়া নিতাই গৌরকে গঙ্গাভীরে আনিলেন এবং কোন আগন্তককে দেখিতে পাইয়া তাঁহাদের আগমনসংবাদ অবৈতের সমীপে প্রেরণ করিলেন। এদিকে গৌরচন্দ্র পূর্বোক্ত প্রকারে গঙ্গাকে যমুনা জ্ঞান করিয়া শুব করিতে লাগিলেন; এবং স্নান সার্জন করিয়া আর্দ্র কোপিনে নাম কীর্জন করিতে প্রবৃত্ত হইলেন। ইতিমধ্যে অবৈতচাৰ্য্য সবাক্বে নূতন কোপিন বহির্কাস লইয়া নৌকারোহণে আগমন করিয়া নবীন সন্ন্যাসীর রূপ ও ভাবমধুরী দেখিয়া কাদিতে লাগিলেন। গৌরচন্দ্র

অঐতকে ভদ্রবস্ত্র দেখিয়া বিস্মিতের স্থায় জিজ্ঞাসা করিলেন, “আচার্য্য ! আমি বৃন্দাবনে আসিয়াছি, তুমি কেমন করিয়া জানিলে ?”

অঐত ভাক বুঝিতে পারিয়া কহিলেন, “প্রভু ! তুমি যেখানে, সেই বৃন্দাবন। আমার সৌভাগ্যে, তুমি আমার দেশে গঙ্গাতীরে আসিয়াছ।” এই বলিয়া আচার্য্য কাদিতে কাদিতে গৌরকে শুক কোপীন পরাইয়া দিলেন। বিশ্বস্তর বলিলেন, “বুঝিয়াছি, নিত্যানন্দ আমাকে বঞ্চনা করিয়া যমুনাদর্শনচ্ছলে গঙ্গাতীরে আনিয়াছেন।”

অঐত বলিলেন, “শ্রীপাদের কথা মিথ্যা নয়। যুক্তবেণী প্রয়াগ হইতে গঙ্গা, যমুনা ও সরস্বতী তিনে সম্মিলিত হইয়া এক ধারে প্রবাহিত হইতেছে, তন্মধ্যে, গঙ্গার মধ্যে সরস্বতী পূর্বদিকে ও যমুনার ধারা পশ্চিমে প্রবাহিত হইতেছে। তুমি বখন সেই পশ্চিম পারে অবগাহন করিয়াছ, তখন যমুনায় স্নান করা হইয়াছে। চারি দিন উপবাসী রহিয়াছ, এক্ষণে এই নৌকার গঙ্গা পার হইয়া আমার বাড়ীতে এক মুঠা রুকা শুকা ভাত খাইতে হইবে।”

নিতাই হাসিতে হাসিতে বসিয়া উঠিলেন, “রুকা শুকার কন্ম নয়। চারি চারি দিন উপবাসী আছি, ভোজনের আয়োজনটা ভাল না হ’লে তোমার বাড়ী যাওয়া হইবে না।” অঐত পরিহাস করিয়া বলিলেন, “কেন তোমার আবার উপাস কিসের? যেখানে যাও, উদর পূজা না হ’লে কি ছাড়।”

নিতাই উত্তর করিলেন, “আর পেটপূজা! উনি না হয় হরিপ্রেমরস পানে ক্ষুধা তৃষ্ণা নিবারণ করিয়াছেন; আমার তো আর সে রস নাই, আমি কি খেয়ে দাঁচি বল দেখি? উনি দণ্ড নিয়ে দিনরাত্রি মাঠে মাঠে ঘুরছেন, আমার এ কি দণ্ড যে আমি না খেয়ে, না শুয়ে পিছে পিছে ঘুরে মরি।”

অঐত মনে মনে নিত্যানন্দের অকুজিম ও সরল সৌহার্দের ভূয়সী প্রসংশা করিয়া বলিলেন, “এখন চল্ বামনা! পেটে পিটে বাহা হয় খেতে পাইবি এখন।” এই বলিয়া হাসিতে হাসিতে সকলে গৌরকে লইয়া নৌকারোহণে পর পারে চলিয়া গেলেন। এ বৃত্তান্তে ফুলিয়া বাইবার কথা নাই। এবং সন্ধ্যাস হইতে শান্তিপুরে আগমন পর্যন্ত চারি দিন রাজ্য অতিবাহিত হইয়াছে।

তৃতীয় পরিচ্ছেদ ।

শান্তিপুরে ।

বেলা অবসান হইয়াছে । শচীমন্দিরে ভক্তগণ সমবেত । শচীদেবী ভূপতিতা, সংজ্ঞাহীনা । আজ বার দিন নিমাই সন্ন্যাসে গিয়াছেন, শচী দেবীর এই বার দিন উপবাস । গভীর পুত্রশোকে শচীর মস্তিষ্ক বিকৃত হইয়াছে, তিনি জ্ঞাত্রত স্বপ্ন দেখিতেছেন । রামকৃষ্ণকে অক্লুর মথুরায় হরণ করিয়া লইয়া গিয়াছে, শচীদেবী যশোদার ভাবে বিহ্বলা, এক একবার চক্ষুক্ষ্মীলন করিয়া যাহাকে দেখিতেছেন, তাহাকেই জিজ্ঞাসা করিতেছেন, “হ্যাঁগো ! তোমরা কি মথুরাবাসী ? আমার রামকৃষ্ণ কেমন আছেন জান ?” এমন সময়ে নিত্যানন্দ আসিয়া উপনীত হইলেন । তাহাকে দেখিয়াই ভক্তগণ উচ্চৈঃস্বরে কঁাদিয়া উঠিলেন ; শচীদেবী একবার চাহিয়া দেখিয়া বলিয়া উঠিলেন, “তুমি কি অক্লুর এলে ? ঐ শুন গোষ্ঠ মাঝে সিদ্ধা বেণু বাজিতেছে ; আমি বলিয়া পাঠাইতেছি, আমার রামকৃষ্ণ যেন গহনবনে চলিয়া যান, তা’হলে তো অক্লুর ! তুমি তাঁদের ধরিতে পারিবে না ।” নিত্যানন্দ দেখিলেন, শচী প্রলাপ বকিতেছেন । আর কিছু না বলিয়া উচ্চরবে বলিয়া উঠিলেন, “গৌর আপনাকে দেখিবার জন্য শান্তিপুরে অর্ধেত ভবনে অপেক্ষা করিতেছেন । আপনাদের দইয়া বাইবার জন্য আমাকে পাঠাইয়া দিয়াছেন ।” ভক্তগণ শুনিয়া বিবাদ পরিত্যাগ করিলেন, আনন্দ উৎসাহে প্রকুল হইলেন । কথা শচীর কাণে প্রবেশ করিয়া অমৃত সিঞ্জন করিল ; মস্তিষ্কের জড়তা দূর হইল এবং অল্পে অল্পে জ্ঞান লাভ করিয়া তিনি নিত্যানন্দকে চিনিতে পারিলেন । অবিরল ধারায় নয়ন ও বক্ষঃস্থল ভাসিয়া যাইতে লাগিল । তিনি নিত্যানন্দের হাত ধরিয়া নীরবে কঁাদিতে লাগিলেন । নিত্যানন্দ শচীর দ্বাদশ উপবাসের কথা শুনিয়া বলিলেন, “মা ! আমি কি জানি যে তোমাকে প্রবোধ দিব ? তুমি কি শ্রীকৃষ্ণের রহস্য বুঝিতেছ না ? তোমার পুত্র অলোকসামান্য ; কে তাঁহার মহিমা জানিতে পারে ? তিনি যখন তোমার বুকে হাত দিয়া বারবার বলিয়াছেন যে, ঐহিক পারমার্থিকের তোমার যত ভার, সকলই তাঁহার, তখন তাঁহার উপর সম্পূর্ণরূপে নির্ভর করিয়া থাকা কি ভাল নয় ? যাহাতে তোমার ভাল হইবে, নিশ্চয়ই তিনি তাহা করিবেন ।

শোক সম্বরণ করিয়া নানাত্বিক কর ও শ্রীকৃষ্ণের ভোগের আয়োজন কর ; ইষ্টদেব উপবাসী থাকিলে প্রত্যাবার হয় ।”

শচীদেবী নিত্যানন্দের কথায় আশ্বস্ত হইয়া নানা দি করিয়া পাক করিলেন ; এবং ভক্তদিগকে আহার করাইয়া নিজে কিছু ভোজন করিলেন এবং পর দিন শান্তিপু্রে পুত্র দর্শনে বাইকার জন্ত আয়োজন করিতে লাগিলেন । এদিকে নিত্যানন্দের মুখে গৌরের ফুলিয়া গমন বৃত্তান্ত শুনিয়া তাঁহাকে দেখিবার জন্ত নবদ্বীপের স্ত্রী, বালক, বৃদ্ধ, সকলেই সাজিল । অতি প্রভাব হইতে যাত্রীগণ দলে দলে চলিতে লাগিল । খেয়াঘাট লোকে লোকারণ্য ; খেয়ারী পার করিয়া উঠিতে পারিতেছে না । কেহ বা নৌকায়, কেহ বা ভেলায়, কেহ কেহ ঘট বৃকে দিয়া এবং কেহ বা সম্বরণ করিয়া নদী পার হইয়া ফুলিয়া অভিমুখে চলিয়াছে । শান্তিপু্র, ফুলিয়া, নবদ্বীপ তখন এক পারে ; সুতরাং বর্তমান খড়ে নদী পারের কথাই লিখিত হইয়াছে । বাহা হউক, যাত্রীদল ফুলিয়া নগরে বাইয়া অপরাগ সন্ন্যাসী দেখিয়া কৃতার্থ হইল । গৌরচন্দ্র আগন্তুকদিগকে যথাযোগ্য স্নিষ্ট সম্ভাষণ করিয়া বিদায় দিয়া শান্তিপু্রে চলিয়া গেলেন ; কিন্তু জনতার হাত এড়াইতে পারিলেন না । যাত্রীদলও তাঁহার পশ্চাৎ পশ্চাৎ শান্তিপু্রে চলিল । চৈতন্তচরিতামৃতে ফুলিয়া গমনের কোন উল্লেখ নাই । চৈতন্তভাগবতে “ যদিও তহা উল্লিখিত হইয়াছে বটে, কিন্তু কি উদ্দেশ্যে তথায় গমন করিয়াছিলেন ও কোথায়ই বা অবস্থিতি করিয়াছিলেন, তাহার কোন বিশেষ বৃত্তান্ত দেখা যায় না । ‘ভক্ত হরিদাসের আশ্রমে বাই’ বলিয়া গৌর তথায় গিয়াছিলেন । ইহার পরে শান্তিপু্রে অবস্থিতি সময়ে হরিদাসের উপস্থিতি দেখা যাইবে । মনে হয়, হরিদাসের সাহিত সাক্ষাৎ করিয়া তাঁহাকে শান্তিপু্রে লইয়া যাওয়াই গৌরের ফুলিয়া যাওয়ার উদ্দেশ্য ছিল ।

নবীন সন্ন্যাসী শ্রীপাদ শ্রীকৃষ্ণচৈতন্ত মুকুন্দ হরিদাসের সহিত অদ্বৈত ভবনে উপনীত হইলে, আচার্য্য বিন্ময়ে আনন্দে পরিপ্লুত হইয়া তাঁহাকে গাঢ় আলিঙ্গন করিলেন । পূর্ব হইতেই তাঁহার আগমনের কথা নগরে রাষ্ট হইয়াছিল । তিনি আসিতে না আসিতে অদ্বৈতমন্দির লোকে পূর্ণ হইয়া গেল । সকলের মুখেই আনন্দ ও উৎসাহের চিহ্ন । আজ হইতে অদ্বৈত গৃহে মহামহোৎসব আরম্ভ হইল । অদ্বৈতাচার্য্যের শিষ্যপুত্র অচ্যুতানন্দ

দিগন্ত হইয়া ধূলিধূসরিত অঙ্গে খেলা করিতেছিল; সন্ন্যাসীকে দেখিয়া
সাঁষ্টাঙ্গে দণ্ডবৎ করিলে গোরচন্দ্র শিশুকে কোলে লইয়া মুখ চুসন
করিয়া বলিলেন, “কেমন অচ্যুত! অধৈতাচার্য্য আমার পিতা, তুমি
আমার ভাই; এস ভাই! আমরা ভাই ভাই খেলা করি।” কথিত আছে,
বালক অচ্যুতানন্দ উত্তর করিয়াছিলেন, ‘হাঁ দৈবযোগে তুমি কখন কখন
জীবের সখা হও বটে, কিন্তু সর্বদাই তুমি সকলের পিতা।’ এমন সময়ে
নিত্যানন্দ নবদ্বীপের ভক্তগণসঙ্গে শচীদেবীকে দোলায় চড়াইয়া
লইয়া উপনীত হইলেন। চরিতামৃতের মতে আচার্য্যরত্ন ইহাদিগকে
সঙ্গে করিয়া আনিয়াছিলেন; নিত্যানন্দ গৌরের সঙ্গে ছিলেন। বাহা
হউক, জননীকে দেখিয়া গোরচন্দ্র সাষ্টাঙ্গ দণ্ডবৎ হইলেন। শচী
পুত্রকে কোলে লইয়া পুত্রের মুণ্ডিত মস্তক ও সন্ন্যাসীর বেশ দেখিয়া
কঁদিয়া ব্যাকুল হইলেন; পুনঃ পুনঃ মুখ চুসন করিতে ও অঙ্গে হাত
বুলাইতে লাগিলেন। শচী কঁাদিতে কঁাদিতে বলিলেন, “বাবা নিমাই!
সন্ন্যাসী হয়েছি হুয়েছি, কিন্তু দেখিস্ বিশ্বম্ভূতের মত আমাকে যেন ফেলে
পালাস্ নে।” বিশ্বম্ভূতও জননীর ব্যাকুলতা দেখিয়া বিহ্বল হইয়াছিলেন।
তিনি বলিলেন, “মা! এই শরীর, মন সকলই তোমার, আমি জন্ম
জন্মান্তরে তোমার মত মায়ের ঋণ পরিশোধ করিতে পারিব না।
সহসা সন্ন্যাস করিয়াছি বলিয়া তোমার প্রতি, কখনও উদ্দাসীন হইতে
পারিব না। তুমি যে আজ্ঞা করিবে ও যেখানে থাকিতে বলিবে,
তাহাই করিব।” শচীদেবী আশ্বস্তচিত্তে অন্তঃপুরে প্রবেশ করিলে শ্রীগোরাঙ্গ,
নবদ্বীপের বহুদিগকে একে একে আলিঙ্গন করিয়া কুশল জিজ্ঞাসা করি-
লেন। সকলেই মহানন্দে মত্ত হইয়া পূর্বের বিরহ হুঃখ ভুলিয়া গেলেন।
অধৈতাচার্য্য সকলকে যথাযোগ্য সম্ভাষণ করিয়া প্রত্যেকের জন্ম স্বতন্ত্র
বাসস্থান ও পরিচারক নিযুক্ত করিয়া দিলেন। “অধৈত গৃহে মহামহোৎসব
আরম্ভ হইল। যথাসময়ে নানাবিধ অন্নব্যাঞ্জন প্রস্তুত হইলে গোরচন্দ্র
সবাক্ষবে ভোজন করিতে বসিলেন। স্বয়ং অধৈত পরিবেশন করিতে
লাগিলেন। আচার্য্যপত্নী সীতা দেবী আজ মনের উল্লাসে কতই পাক
করিয়াছেন। চৈ মরিচের ঝালে স্নাতা, নানাবিধ শাক, বার্তীকু যোগে
কোমল নিষপত্র ভাজা, মোচার ঘণ্ট, বড়ার অন্ন, মধুরান্ন প্রভৃতি আর ছন্দ-
প্রকারের অন্ন, যুগের দাইল, নানা প্রকার রস, কীরণলি, নারিকেলগুণ,

পিষ্টকাদি সমস্ত পায়সান্ন, ঘনাবর্ত ছন্দ, চাঁপা কলা, নারিকেল শস্য, ছানা-শর্করাযোগে স্নিগ্ধ পিষ্টক, সুবাসিত স্নান্ন আতপের সমস্তান্ন প্রভৃতি আহারের নানাবিধ জব্য প্রস্তুত হইয়াছে। এক এক জনের অন্নভূপের চারিদিকে পঞ্চাশ পঞ্চাশ বাঞ্জনপূর্ণ দোনা সজ্জিত। চৈতন্য প্রভু ভোজন করিবেন কি, অন্ন ব্যঞ্জনের পারিপাট্য দেখিয়া প্রেমামানন্দে বিহ্বল হইয়া পড়িলেন, এবং অঈশ্বরাচার্য্যকে ব্রিজ্ঞাসা করিলেন, “কোথার বসিব? এত ভাত তরকারী খাইতে পারিব না।” অঈশ্বত বলিলেন, “খেঁতে না পার, পাতে পড়িয়া থাকিবে।” চৈতন্য বলিলেন, “সন্ন্যাসীর পাতে উচ্ছিষ্ট রাখা কর্তব্য নয়।” আচার্য্য পরিহাস করিয়া বলিলেন, “তোমার সন্ন্যাসের ভারিভুরি আমি সব জানি, আর গোলে কাজ নাই, এখন খেঁতে বসো।” এই বলিয়া গৌরের হাত ধরিয়া নির্দিষ্ট আসনে বসাইয়া দিলেন। নিত্যানন্দ বলিয়া উঠিলেন, “পাঁচ পাঁচটা উপবাস ক’রে আছি, আজ দেখছি এই কয়টা ভাতে পেটই ভরিবে না।” অঈশ্বত বলিলেন, “বেশ তো সন্ন্যাসী দেখছি; সন্ন্যাসীর ধর্ম, যে বাহা দেয়, সন্তুষ্ট চিত্তে তাহাই লইতে হয়; অসন্তুষ্ট হইলে ধর্ম নষ্ট হয়। আমি দরিদ্র ব্রাহ্মণ, যে মুষ্টিকান্ন দিয়াছি, তা’তেই সন্তুষ্ট হও, লোভ ক’রো না।” নিতাই কৃত্রিম কোপভরে বলিলেন, “নিমন্ত্রণ করিতে গিয়েছিলে কেন? বচ চাইব, তত দিতে হ’বে।”

অঈশ্বত বলিলেন, “এটা কোথাকার ভ্রষ্ট অবস্থ। এমন করে দরিদ্র গৃহস্থকে জ্বালাতন কর্তে সন্ন্যাসী হয়েছো না কি? যা পেয়েছো, তা’তেই সন্তুষ্ট হও। আমার ঘরে আর ভাত নাই।”

এইরূপে হান্স কোতুকে ভোজন চলিতে লাগিল। শ্রীচৈতন্য এক এক ব্যঞ্জনের অর্দ্ধেক অর্দ্ধেক খাইয়া রাখিতে লাগিলেন; অঈশ্বত পুনরায় তাহা পূরণ করিয়া দিতে লাগিলেন। গৌর বলিলেন, “আর খেঁতে পার না।” অঈশ্বত উত্তর করিলেন, “তা হ’বে না, আগে বাহা দিয়াছি, তা’ সব খেঁতে হবে, এক্ষণে বাহা দিচ্ছি, তাহার অর্দ্ধেক খাইবে, অর্দ্ধেক রাখিবে।” নিতাই বলিলেন, “আজ যখন পেটই ভরিল না, তখন তো’র ভাত তুই নে” এই বলিয়া একমুষ্টি উচ্ছিষ্টান্ন লইয়া আচার্য্যের গায়ে ছড়াইয়া দিলেন। অঈশ্বত ভাত গায়ে লইয়া নাচিতে আরম্ভ করিলেন এবং বলিলেন, “চক্ষটোর এঁটু গায়ে ক’রে, আজ পবিত্র হলেম; হাঁরে নিতাই! গায়ে এঁটু দিয়ে আমার

আত্মকুল নাশ করিলি?” নিতাই বলিলেন, “কৃষ্ণের প্রসাদকে তুমি এঁই
 মনে অপরাধ করলে, একশত সন্ন্যাসী ভোজন না করালে এ পাপের প্রায়-
 শ্চিত্ত নাই।” অদ্বৈত কৃত্রিম ক্রোধ ভরে বলিলেন, “যা! যা! তোর মত
 সন্ন্যাসীতে আমার কাজ নাই, সন্ন্যাসী শুলাই ত আমার স্মৃতিধর্ম নাশ
 করিল।” ভোজন সমাধানান্তে সকলে বিশ্রাম করিলেন। অদ্বৈত মালা
 চন্দন লইয়া মহাপ্রভুর সেবা করিতে উপস্থিত হইলে, গৌর বলিলেন,
 “আমাকে অনেক নাচাইলে, আর কাজ নাই, এক্ষণে ভোজন করগে।”

সন্ধ্যা সমাগত হইলে অদ্বৈতাচার্য্যের বাহির প্রাঙ্গণে সংকীর্তন আরম্ভ
 হইল। শাস্তিপুরের লোক নূতন সন্ন্যাসীকে দেখিবার জন্য দলে দলে
 আসিতে লাগিল। রুগকালে প্রাঙ্গণ, গৃহ, লোকে পূর্ণ হইয়া গেল।
 গৌরের অপরূপ লাবণ্য, মুণ্ডিত মস্তক, পরিধেয় অরুণ বর্ণের কোপীন বহি-
 র্ধাস, গলায় হরিনামের মালা, সর্বাঙ্গ চন্দন মালায় স্নেহোদ্ভিত দেখিয়া
 সকলে মুগ্ধ হইয়া গেল। প্রথমে অদ্বৈতাচার্য্য গাইতে ও নাচিতে আরম্ভ
 করিলেন। তাঁহার স্বৈদ, পুলক, অশ্রু, কন্প, আনন্দ, উৎসাহ ও মত্ততায়
 লোকে প্রেমবিহ্বলচিত্তে কাঁদিতে লাগিল। তিনি এই পদ গাইতে
 লাগিলেন :—

“কি কহিব রে আজ কি আনন্দ ওর
 চিরদিনে মাধব মন্দিরে য়োর।”

ক্রমে গৌর নিতাই যোগ দিলে মুকুন্দ দত্ত এই পদ গাইতে
 লাগিলেন :—

“হাহা প্রাণপ্রিয় সখি! কিনা হৈল য়োরে;
 কানুপ্রেম বিধে য়োর তনুমন জরে।
 রাত্রিদিন পো'ড়ে মন সোয়াহু না পাঙ;
 বাহা গেলে কানু পাঙ, তাঁহা উড়ি যাঙ।”

ক্রমে গৌরের ভাবাবেগ উথলিয়া উঠিল, তিনি “বোল! বোল” বলিয়া
 এক প্রহর কাল উদ্ভণ্ড নৃত্য করিলেন। অত্যন্ত পরিশ্রম দেখিয়া ভক্তগণ
 কীর্তন ধামাইয়া তাঁহার শুশ্রূষা করিতে লাগিলেন। গৌরচন্দ্র যখন
 ভাবাবেশে সংকীর্তন মাঝে আছাড় খাইতে লাগিলেন, তখন শচীদেবী ইষ্ট-
 দেবতাকে সম্বোধন করিয়া বলিতে লাগিলেন, “দেব নারায়ণ! আমি

বাল্যকাল হইতে তোমার সেবা করিয়া আসিতেছি, এখন এই আশীর্বাদ চাই, যেন নিমাই পড়িলে তাঁর সঙ্গে ব্যথা না লাগে ।”

পর দিন প্রাতঃকালে শচীদেবী আচার্য্যকে বলিলেন, ‘আমি আর নিমায়ের দেখা কোথায় পাইব ? যে কয় দিন এখানে থাকেন, আমি স্বহস্তে রন্ধন করিয়া খাওয়াইতে চাই ।’ আচার্য্য শচীর কথার মর্ম বুঝিয়া তাহাতে সম্মত হইলেন । সেই দিন হইতে শচীদেবী স্বহস্তে পাক করিয়া বৈষ্ণবগণের সহিত পুজকে ভোজন করাইতে লাগিলেন । প্রাতে বন্ধুদিগের সহিত প্রেমালাপ, মধ্যাহ্নে সকলে একত্র ভোজন এবং সন্ধ্যাবেলায় বন্ধুজনের মধ্যে নৃত্যকীর্তনে গৌরের দিন অভিবাহিত হইতে লাগিল । শচীমাতার মেহে, অষ্টভৈরবের যত্ন ও অমুরোধে এবং ধর্মবন্ধুদিগের প্রেমের খাতিরে এক দুই করিয়া ক্রমে দশ দিন অভিবাহিত হইয়া গেল । গৌরের মন চঞ্চল হইয়া উঠিল এবং কর্তব্যের ক্রটি হইলে যেমন বিবেকের তাড়নার আশ্রয়ানি হয়, তিনি তেমনি অশান্তি অনুভব করিতে লাগিলেন । একাদশ দিনের প্রাতঃকালে গৌর-চন্দ্র সমবেত আত্মীয় ও মাতৃসন্নিধানে বলিতে লাগিলেন, “মা ! তোমার মত মা আমি যেন অন্য জন্মান্তরে পাই, তোমার প্রেমে আমি চিরাবদ্ধ । প্রাণের বন্ধুগণ ! তোমরা আমার চিরসঙ্গী, প্রাণ ছাড়া বায়, তবু তোমাদের ছাড়া বায় না । আমি যদিও সহসা সন্ন্যাস করিয়াছি, কিন্তু তা’বলে কি তোমাদের ছাড়িতে পারি ? এই দেখ, নীলাচলচন্দ্র দেখিতে বাইতেছিলাম, তোমাদের মেহই আমাকে নিবর্তিত করিয়া এখানে আকর্ষণ করিয়া আনিয়াছে । কিন্তু দেখ, সন্ন্যাস করিয়া আত্মীয় স্বজন লইয়া নিরুজ জন্মস্থানে থাকিলে কি সন্ন্যাসীর ধর্ম নষ্ট হয় না ? লোকে এই সব কথা য’লে কি নিন্দা কুৎসা রটাইতে ক্রটি করিবে ? তোমরা প্রাণের বন্ধু ; বাহাতে দুই দিক্ বজায় থাকে, তাহা কর ।”

কেহ কোন কথা না বলিতে শচীদেবী ধৈর্য্যসহকারে বলিয়া উঠিলেন, “বাপ নিমাই ! তুই যদি ঘরে থাকিস, তবেই আমার সুখ । কিন্তু তো’র সন্ন্যাসধর্মের হানি হইলে ও নিন্দা রটিলে আমার কষ্টের পরিসীমা থাকিবে না । বাপ রে ! বাহাতে তোর সংবাদ মাঝে মাঝে পাই ও কখন কখন সাক্ষাৎ পাই, এমন কোন স্থানে থাকিলে সকল দিক্ রক্ষা হয় । নীলাচলে বাসি মনে করেছিল, সেই বেশ যাগগা । লোক বাতায়তে সংবাদ পাইব,

অথবা শ্রীবাসাদিও মাঝে মাঝে যাইতে পারিবেন ; কিংবা গঙ্গানান উপলক্ষে
তুইও কখন কখন আসিয়া দেখা দিবে যেতে পারবি। আমি বলি,
সেই খানেই তোমার বাস নির্দিষ্ট হউক।” এই বলিয়া শচীদেবী অবিরল
অশ্রু ফেলিতে লাগিলেন।

গৌরচন্দ্র বুদ্ধিমতী মাতার সারগর্ভ কথা শুনিয়া মনে মনে তাঁহার
ভূয়সী প্রশংসা করিয়া প্রকাশে কহিলেন, “মা! তবে এখন বিদায়
দিও, সময়ে আসিয়া দেখা হইবে।” অদ্বৈত প্রভৃতিকে সোধোদন করিয়া
বলিলেন, “বন্ধুগণ! তবে এখন বিদায় হই, তোমরা স্ব স্ব গৃহে গমন
করিয়া হরিসংকীৰ্ত্তন কর গে; আমার সঙ্গে পুনরায় দেখা হইবে। কখন
আমি গঙ্গানানে আসিব, কখন বা তোমরা নীলাজি যাইবে।”

ভক্তগণের মধ্যে হরিদাস কাদিতে কাদিতে বলিয়া উঠিলেন, “ভুমি
তো নীলাচলে যাইবে; আমার গতি কি হইবে? আমার তো নীলাচল-
চন্দ্র দর্শনের অধিকার নাই। তোমার বিরহে আমি কিরূপে বাঁচিব?”

চৈতন্যদেব উত্তর করিলেন, “হরিদাস! আর কেঁদো না। তোমার
ক্রন্দনে আমি বড় ব্যাকুল হই। আমি তোমার জন্ম জগন্নাথের নিকট
প্রার্থনা করিয়া তোমাকে নীলাচলে লইয়া যাইব।”

অদ্বৈতচাঁদ্য শ্রীচৈতন্যকে অভিষিক্ত বিষয় হইতে প্রতিনিবৃত্ত করিয়া
আরও কিছুদিন রাবিবার উদ্দেশ্যে বলিতে লাগিলেন, “তোমার বখন
বাইবার ইচ্ছা হইয়াছে, কাহার সাধ্য প্রতিনিবৃত্ত করিবে? কিন্তু সময়
অতি দ্রুত। রাজার রাজার যুদ্ধ হইতেছে; পথে দস্যুগণ ফিরিতেছে;
অরাজকতা উপস্থিত। সে জন্য বলি, যে পর্য্যন্ত এই উৎপাতটা মিটিয়া
না যায়, সে পর্য্যন্ত এখানে থাকিলে হয় না কি?”

পাঠক মহাশয় জানেন এই সময়ে গোড়ের সুবাদারের সহিত
উৎকলরাজের সীমান্ত প্রদেশ লইয়া বিবাদ চলিতেছিল। এ ১৪৩৩ শক
অর্থাৎ ১৫০৯ খ্রীষ্টাব্দের কথা। বাহা হউক, অহুরাগী ভক্ত এ বাধায় কি
গম্ভীর হন? শ্রীচৈতন্য উত্তর করিলেন, “যতই কেন উৎপাত হউক
না; আমি অবশ্যই যাইব।”

অদ্বৈত অপ্রতিভ হইয়া বলিলেন, “তোমার বিষয় কে করিতে পারে?
যাঁহার নামে সকল বিষয় দূর হয়, সেই শ্রীহরি বখন তোমার হৃদয়ে, তখন
কাহার সাধ্য তোমার গতিরোধ করে?”

শ্রীচৈতন্য আর কিছু না বলিয়া জননীকে প্রদক্ষিণ করিয়া একেবারে যাত্রা করিলেন। নিত্যানন্দ, গদাধর, মুকুন্দ, গোবিন্দ, জগদানন্দ ও ব্রহ্মানন্দ, এই ছয় জন পূর্ব হইতেই তাঁহার সহিত যাইতে প্রস্তুত ছিলেন। এক্ষণে তাঁহার তাঁহার অনুসরণ করিলেন। চৈতন্যচরিতামৃতে চারিজন মাত্র সঙ্গীর নাম দেখিতে পাওয়া যায়, যথা—নিত্যানন্দ, জগদানন্দ, দানোদর পণ্ডিত ও মুকুন্দ দত্ত। অদ্বৈত কিরদূর পর্য্যন্ত কাদিতে কাদিতে স্বাক্ষীগণের অনুগমন করিলেন। শ্রীচৈতন্য তাঁহার হাত ধরিয়া অহুস করিয়া কহিলেন, “দেখুন, আপনি ব্যাকুল হইলে সকল দিক্ নষ্ট হইবে। কোথায় আপনি জননীকে প্রবোধ দিবেন ও ভক্তদিগের নেতা হইয়া রক্ষা করিবেন; না আপনি শোকে বিহ্বল হইলেন। প্রতিনিবৃত্ত হউন, ভক্তগোষ্ঠির ভার আপনার উপর।” এই বলিয়া গাড় প্রেমালিঙ্গন করিয়া গৌরচন্দ্র অদ্বৈতাচার্য্যকে প্রতিনিবৃত্ত করিয়া সঙ্গী গঙ্গার ধারে ধারে গমন করিতে লাগিলেন।

এদিকে অদ্বৈতগৃহে মহা ক্রন্দনের রোল উঠিল। শচীদেবী বজ্রাহতের স্তায় শায়িতা; ভক্তদল কাদিয়া ব্যাকুল। অদ্বৈত কিছুদিন তাঁহাদের শাস্তনা ও শুশ্রূষা করিয়া স্ব স্ব গৃহে পাঠাইয়া দিলেন।

চতুর্থ পরিচ্ছেদ ।

নীলাচল পথে ।

শ্রীচৈতন্য পথে আসিয়াই সঙ্গীদিগকে জিজ্ঞাসা করিলেন, “কাহার সঙ্গে কি আছে বল? বন্ধুগণ কাহাকেও কি পথের সম্বল দিয়াছেন?” সকলেই উত্তর করিলেন, ‘কাহারও সঙ্গে কিছু নাই। আপনার আদেশ ভিন্ন কাহারও সাধ্য নাই, কোন দ্রব্য আনিতে।’ উত্তর, “বেশ করিয়াছ, বৈরাগীর সঙ্গে কি কিছু রাখিতে আছে? আহারের ভাবনা কি? ভগবান্ দিলে বিজ্ঞান বনেও আপনা হইতে আসিয়া উপনীত হয়; নির্বাক্য স্থানেও সুখ স্বচ্ছন্দে দিন কাটিয়া যায়। আর যদি তাঁহার ইচ্ছা না হয়; তবে নানা রন্ধে ভাণ্ডার পূর্ণ থাকিলেও এক মুষ্টি মিলে না; রাজপুত্র হইলেও

উপবাসে দিন যায়। মনে কর অন্ন ব্যঞ্জন সকলই প্রস্তুত, এমন সময়ে জী পুত্রদিগের সহিত কলহ লাগিল; রাগ করিয়া গৃহস্থের সমস্ত দিন উপবাসে কাটিয়া গেল। অথবা ভোজনে বসিয়া হঠাৎ জ্বর আসিল; আর মুখের ভাতে ছাই পড়িল। তাই বলিতেছি, ভগবান্ না দিলে কেহ খাইতে পায় না, আর তিনি দিলে কেহই বঞ্চিত করিতে পারে না। দেখিতেছ না, সমস্ত সংসারে শ্রীকৃষ্ণ অন্নহস্ত দিয়াছেন; কে কোথা হইতে আনিতেছে, কে কাহাকে দিতেছে, মনুষ্যের তো কথাই নাই; কীট পতঙ্গ পর্য্যন্ত অবাধে কতই খাইতেছে, কতই পাইতেছে। কেবলই 'দীয়াতাং ভোজ্যতাং' বই আর নাই। এমন অন্নহস্ত থাকিতে থাওয়া পরার চিন্তা কি? যাঁহারা থাওয়া পরার সকল চিন্তা চিন্তামণিকে অর্পণ করিতে পারিয়াছেন, তাঁহারা ই স্থখী। বঙ্গগণ! আমরাও যেন সেই বিশ্বাসে বিশ্বাসী হইয়া বৈরাগ্য শিক্ষা করিতে পারি।" সমস্ত পথে এইরূপ তত্ত্ব কথা কহিতে কহিতে শ্রীকৃষ্ণচৈতন্যের ষাটীদল সন্ধ্যাকালে আঠিসারা নামক গ্রামে আসিয়া উত্তীর্ণ হইল। সেই গ্রামে অনন্ত পণ্ডিত নামে একজন বিষ্ণু-ভক্ত ব্রাহ্মণ ছিলেন। ষাটীদল তাঁহার বাড়ীতে আতিথ্য গ্রহণ করিয়া সমস্ত রজনী হরিসঙ্কীৰ্ত্তন ও কৃষ্ণকথা প্রসঙ্গে যাপন করিলেন এবং প্রভাতে গাভোখান করিয়া ভাগীরথীর কূলে কূলে গমন করিয়া বধাকালে ছত্রভোগ নামক গ্রামে আসিয়া উপনীত হইলেন। চৈতন্য-দেব যখন ছত্রভোগ দেখিয়াছিলেন, তখন সেখানে গঙ্গা শতমুখী হইয়া সাগর সঙ্গমে গমন করিতেছিলেন; অম্বুলিঙ্গ নামে এক জলময় শিবলিঙ্গ ছিল, তাঁহার নামে অম্বুলিঙ্গ ষাট সর্ষভ প্রসিদ্ধ হইয়াছিল। অম্বুলিঙ্গ শিব সঙ্ক্ষে শ্রীচৈতন্য এইরূপ প্রবাদ শুনিতে পাইয়াছিলেন।

ভাগীরথ সংরবংশ উদ্ধারের জন্ত অবনীতে গঙ্গা আনয়ন করিলে, শিব, গঙ্গার বিরহে আকুল হইয়া তাঁহার অনুগমন করিলেন ও ছত্রভোগে আসিয়া জলময়ী গঙ্গা দর্শনে অনুরাগে বিহ্বল হইয়া আপনিও জলময় হইয়া গঙ্গাতে প্রবেশ করিয়াছিলেন। পাঠক মহাশয়! এই আখ্যানিকাটী পৌরাণিক হইলেও ইহার ভাবের মূলে একবার প্রবেশ করুন। জল-ময়ী গঙ্গা তরঙ্গমালা বিস্তার করিয়া শতমুখী হইয়া সাগর সঙ্গমে চলিয়াছে; জলোচ্ছ্বাসে দিগ্‌মণ্ডল উচ্ছ্বসিত হইতেছে; ইহা দেখিলে কোন্ ভাবকের হৃদয়োচ্ছ্বাস না জন্মে, নয়ন জলে সর্ষভ জলময় হইয়া? এই ভাব মূলে

রাখিয়াই মহাযোগী শিবের জলময়ত্ব । সে যাহা হউক, ত্রীচৈতন্য অমূল্য ষাটে উপনীত হইয়া গঙ্গার শোভা দর্শন করিয়া অমুরাগে উচ্ছ্বসিত হইয়া উঠিলেন ও নৃত্য কীর্তন হুকার করিতে করিতে সবাক্বে জলাব-গাহন করিলেন । একদিকে গঙ্গার শতমুখী ধারা, অপরদিকে গৌরের নয়ন দিয়া শতমুখীধারা, উভয়ধারা মিশ্রণে শ্রেয়স্বিন্দের মহাত্মকান উঠিয়া গেল । হরিনাম কীর্তনে, আলাপনে, ধ্যানে, মহাভাব, গৌরের জলাভিষেক স্বর্গীয় ত্রীধারণ করিল । জুড়িয়ার বিজনবনে পবিত্র জর্দন ধারায় এক দিন দেবনন্দনও এমনি করিয়া স্নান করিয়াছিলেন । ভক্তের স্নানেও ভাবের জমাট । কে বুঝে এ ভক্তি লীলা ?

জেলা চব্বিশ পরগণার অন্তর্গত ডায়মণ্ডহারবার সবডিভিশনে মথুরাপুর নামে থানা আছে । ঐ থানার মধ্যে জয়নগর গ্রামের ও ক্রোশ দূরে খাড়ী নামে এক থানি ক্ষুদ্র গ্রাম আছে । ঐ খাড়ী গ্রামই প্রাচীন ছত্র-ভোগ । এক্ষণে তথায় গঙ্গা শুকাইয়া গিয়াছে ; কিন্তু অমূল্য শিবমন্দির ও চক্রতীর্থ পুঙ্খবিলি আছে । প্রাচীন অমূল্য ষাট যে সেইখানে অবস্থিত ছিল, তাহাতে সন্দেহ নাই । পূর্বোক্ত শিবগঙ্গার পৌরাণিক আখ্যায়িকা অনুসারে অতি প্রাচীনকাল হইতে এখানে চৈত্রকৃষ্ণাদ্বাদশীতে এক মেলা হইয়া থাকে । এই স্থান একটা তীর্থমধ্যে পরিগণিত । কালের কি বিচিত্র গতি ! যেখানে গঙ্গাসাগর সঙ্গম ছিল, ৪০০ বৎসর পরে সে স্থান শুষ্ক । সে যাহা হউক স্নানান্তে গৌরচন্দ্র আর্দ্র বসনে তীরে উঠিয়া কৃষ্ণপ্রেমে কাঁদিতে লাগিলেন । তাঁহার তাৎকালিকের তেজঃপুঞ্জভাব ও ভক্তির উচ্ছ্বাস দেখিয়া আগন্তুক নরনারী চারিদিকে বিস্ময়াবিষ্ট হইয়া দাঁড়াইয়া থাকিল ; দেখিতে দেখিতে লোকারণ্য হইয়া পড়িল । এমন সময়ে দোলায় চড়িয়া এক সম্ভ্রান্ত ধনী ব্যক্তি তথায় আসিয়া উপস্থিত হইলেন, এবং যান হইতে অবতরণ করিয়া লোকের ভিড় ঠেলিয়া গৌরের নিকটবর্তী হইয়া সাষ্টাঙ্গ প্রণিপাত করিয়া দণ্ডায়মান হইলেন । সন্ন্যাসীর প্রেমোচ্ছ্বাস দেখিয়া ধনীর প্রাণ গলিয়া গেল । ক্ষণকাল পরে ত্রীচৈতন্য জিজ্ঞাসা করিলেন, ‘তুমি কে ?’ আগন্তুক উত্তর করিলেন, ‘আমি আপনার দাস ।’ তখন পার্শ্বস্থ লোকে বলিয়া দিল ‘তিনি দক্ষিণ রাজ্যের অধিকারী ; নাম রামচন্দ্র খান ।’ গৌর বলিলেন, ‘সাপনি এ দেশের রাজা ; বেশ হয়েছে, আমরা কিরূপে নীলাচলে গমন করি, বলুন দেখি ?’ রামচন্দ্র খান বিনীতভাবে উত্তর করিলেন, ‘আপনার

আজ্ঞা আমার পালনীয়, তাহাতে সন্দেহ কি ? কিন্তু বর্তমান সময় বড়
 বিষম ; উৎকল ও বঙ্গরাজ্যে যুদ্ধ বাধিয়াছে ; সে দেশে যাইবার আসিবার
 কেহ পথ পাইতেছে না । রাজাজ্ঞায় স্থানে স্থানে ত্রিশূল পৌতা হইয়াছে,
 আগন্তুক দেখিলে প্রাণবধ করিতেছে । তাইতে ভাবিতেছি কোন্
 দিক্ দিয়া আপনাদের গোপনে পাঠাইয়া দি । আবার আমিই এদেশের
 শাস্তি রক্ষক, কোন স্থানে কিছু গোলযোগ বাধিলে যবনরাজ
 আমাকে রাখিবেন না ; ধন, প্রাণ, ইজ্জত, সব যাইবে । তাহাতে
 মনে বড় ভয়ও হয় । সে যাহা হউক, কপালে বাহা থাকে হইবে,
 আমি আজ রাত্রিতে নিশ্চয়ই আপনাদের পাঠাইয়া দিব । কোন চিন্তা
 করিবেন না । এক্ষণে অর্জবস্ত্র ত্যাগ করিয়া আতিথ্য গ্রহণ করুন ।”
 এই বলিয়া এক ব্রাহ্মণের বাড়ীতে লইয়া গিয়া রামচন্দ্র খান অতিথিদিগের
 সেবার আয়োজন করিয়া দিলেন । গৌরচন্দ্র নীলাচলচন্দ্র দেখিবার জন্ত
 মহা উৎকণ্ঠিত, ভাল করিয়া ভোজন করিতে পারিলেন না । ভোজনান্তে
 সংকীর্্তন আরম্ভ হইল । মৃদঙ্গ করতাল যোগে মুকুন্দ দত্ত যখন স্বস্বরে
 হরিগুণানুকীর্্তন করিতে লাগিলেন, তখন এক মহাভাবের তরঙ্গ উঠিয়া
 গেল । গৌরচন্দ্র নৃত্য জুড়িয়া দিলেন । ছত্রভোগবাসী দেখিয়া কৃতার্থ
 হইল । রাত্রি তৃতীয় প্রহরে সংকীর্্তন সমাপ্ত হইলে, রামচন্দ্র খান বলিলেন,
 “ঘাটে নৌকা প্রস্তুত, গমন করিলেই হয় ।” তখন শ্রীচৈতন্য হরিনাম
 স্মরিয়া সশিষ্যে তরণী আরোহণ করিয়া উড়িয়া রাজ্যাভিমুখে যাত্রা করি-
 লেন । নৌকায় উঠিয়া সেই গভীর নিশীথে মুকুন্দদত্ত প্রভৃতি হরিগুণ
 কীর্্তন করিতে লাগিলেন । নির্ঝোঁধ নাবিকগণ তাহা শুনিয়া ভয়বিহ্বল
 চিত্তে বলিতে লাগিল, “হায় ! হায় ! আজ বুঝি প্রাণ বাঁচিবে না । জলে কুণীর,
 ডাঙ্গার বাঘ, নৌকা ডুবিলে কিছুতেই রক্ষা নাই । বিশেষতঃ এদেশে জল-
 দস্যুর ভয়ে নৌকা বাইচ করা মহাবিপদ জনক । যে পর্য্যন্ত উড়িয়ার
 দেশে না যাই, গোঁসাই মহাশয়েরা সে পর্য্যন্ত চূপ করিয়া থাকুন ।” তাহা
 শুনিয়া গায়কগণ নীরব হইলেন । তখন গৌরচন্দ্র হৃদয় করিয়া বলিতে
 লাগিলেন, “কি ? বৈষ্ণবের আবার ভয় ? কাহাকে ভয় করিব ? তোমরা
 কি দেখিতেছ না সম্মুখে স্মদর্শন চক্র আগাদের রক্ষার জন্ত নিয়ত ঘুরি-
 তেছে । কাহার সাধ্য আমাদের অনিষ্ট করে ? ভাই সব ! বিশ্বাসচন্দ্র
 উদ্ভীলন কর, ভয় ভাবনা ছাড়, নাম সংকীর্্তন ছাড়িও না ।” তখন ভক্তগণ

আশ্বস্ত হইলেন। নৈশগগনে আবার সঙ্গীতের মধুর নিনাদ প্রতিধ্বনিত হইতে লাগিল। স্নদর্শন লাভ না হইলে স্নদর্শনের লীলা দর্শন করা অসম্ভব; সঙ্গীগণ তাই নাবিকের ভয়হৃৎক বাক্যে ভীত হইয়াছিলেন।

সমস্ত পথ সঙ্গীতানন্দে অহিবাহিত করিয়া ভক্তদল অবশেষে উৎকল রাজ্যের প্রয়াগঘাট নামক স্থানে আসিয়া নৌকা হইতে অবতরণ করিলেন। গৌরচন্দ্র উদ্দেশ্যে নমস্কার করিয়া গঙ্গাঘাট নামক ঘাটে স্নান করিলেন, এবং যুধিষ্ঠিরস্থাপিত মহাদেব দর্শন করিয়া উটপহার গমন করিতে লাগিলেন। প্রয়াগ ঘাট কোন্ স্থানে অবস্থিত, জানি না। অনুমান করি, হিজলীকাঁথি প্রদেশের স্থানবিশেষ হইবে। মধ্যাহ্ন উপস্থিত হইলে ত্রীচৈতন্য সঙ্গীদিগকে বলিলেন, 'তোমরা এই স্থানে বিশ্রাম কর, আমি ভিক্ষায় চলিলাম।' এই বলিয়া নিকটবর্তী এক গ্রামে বাইয়া গৃহস্থের দ্বারে দ্বারে ভিক্ষার্থী হইলেন। তাঁহার অপরূপ রূপমাধুরী দেখিয়া সকলেই সন্তোষের সহিত তণ্ডুল ও অত্রাত উত্তম খাদ্য প্রদান করিল। সঙ্গীদিগের আহারের উপযুক্ত পরিমাণ সংগ্রহ হইলেই গৌরচন্দ্র প্রতিনিবৃত্ত হইয়া বন্ধুদিগের নিকটে আসিলেন। তাঁহার সঙ্গীগণ ভিক্ষাজব্য দেখিয়া হাসিতে লাগিলেন এবং কৌতুক করিয়া বলিতে লাগিলেন 'হাঁ! বোধ হচ্ছে আমাদের পুষ্টিতে পারিবে।' জগদানন্দ এক বৃক্ষমূলে পাক করিলে গৌরচন্দ্র সবাক্বে মহানন্দে ভোজন করিলেন ও হরিনামানন্দে সেই বৃক্ষমূলে ধাপন করিয়া পরদিন প্রভাতে চলিতে আরম্ভ করিলেন। পথের মধ্যে এক দান ঘাট; দান না পাইলে দানী নদী পার করে না। সন্ন্যাসী দেখিয়া দানী বলিল, "আপনার সঙ্গে কয়জন লোক?" গৌরচন্দ্র তখন মহাভাবে নিমগ্ন; উত্তর করিলেন, "জগতে আমার কেহ নাই, আমিও কংহারও নই।" "আমি এক, দুই নই; কিন্তু সকলই আমার।" বলিতে বলিতে গৌরের চক্ষু দিয়া জল পড়িতে লাগিল। দানী বুঝিতে না পারিয়া বলিল, 'গোঁসাই! আপনি নৌকায় উঠুন, এ সকল লোকের কড়ি না পাইলে পার করিব না।' গৌরচন্দ্র নিমগ্ন চিত্তে অংগ বিকৃতি না করিয়া নৌকায় উঠিয়া পরপারে বাইয়া মাথা হেঁট করিয়া বসিয়া নীরবে কাদিতে লাগিলেন। দানী এই স্বর্গীয় ছবি দেখিয়া প্রথম পারে প্রত্যাগমন করিয়া নিত্যানন্দাদিকে ব্যাকুল ভাবে জিজ্ঞাসা করিল, "আপনার কে? কাহার লোক? আর ঐ সন্ন্যাসী ঠাকুরই বা কে? আমাকে ভাঙ্গিয়া বলুন।"

নিত্যানন্দ উত্তর করিলেন, “উনি জগদ্বিখ্যাত শ্রীকৃষ্ণচৈতন্য ঠাকুর ; আমরা উহার কিঙ্কর ।”

দানী। তবে উনি আপনাদের অস্বীকার করিলেন কেন ?

নিতাই। তাঁর লীলা কে বুঝিবে ? তখন দানী তাঁহাদিগকে পার করিয়া দিয়া ব্যাকুল প্রাণে গৌরের চরণে পড়িয়া কাঁদিতে লাগিল ও অপরাধ ক্ষমা চাহিলে শ্রীচৈতন্য দানীকে কৃপা করিয়া চলিতে লাগিলেন। এবং কতকদূরে সুবর্ণরেখা নদী পার হইয়া নদীজলে অবগাহন করিলেন ও অতি ব্যস্তসমস্ত হইয়া অগ্রবর্তী হইয়া চলিলেন। নিত্যানন্দ ও জগদানন্দ পাছে পড়িয়া রহিলেন। কতকদূরে বাইয়া গৌরচন্দ্র নিত্যানন্দের জন্ত এক বৃক্ষমূলে অপেক্ষা করিতে লাগিলেন। এদিকে জগদানন্দ নিত্যানন্দকে এক স্থানে বসিতে বলিয়া ভিক্ষাঘেষণে গ্রামে চলিলেন। শ্রীগৌরানন্দের দণ্ড গাছটী জগদানন্দ বহন করিয়া আসিতেছিলেন। ভিক্ষায় বাইবার সময়ে জগদানন্দ তাহা নিত্যানন্দের কাছে রাখিয়া গেলেন। নিতাই দণ্ড পাইয়া বসিয়া চিন্তায় মগ্ন হইয়া পড়িলেন এবং দণ্ডকে উদ্দেশ্য করিয়া বলিতে লাগিলেন, “ওহে দণ্ড ! আমি বাঁহাকে সদা হৃদয়ে বহিয়া বেড়াইতেছি, তিনি যে তোমাকে বহিবেন, এতো ভাল নয়।” এই বলিয়া বিরক্তি সহকারে নিতাই দণ্ডখানি তিন খণ্ড করিয়া ভাঙ্গিয়া ফেলিয়া হাসিতে লাগিলেন। জগদানন্দ প্রত্যাবর্তন করিয়া ভগ্ন দণ্ড দেখিয়া জিজ্ঞাসা করিলেন, “এ কি এ ! প্রভুর দণ্ড কে ভাঙ্গিল ?” নিতাই উত্তর করিলেন, “বাহার দণ্ড, তিনিই ভাঙ্গিয়াছেন ; আর কাহার সাধ্য তাহা ভাঙ্গিবে ?” জগদানন্দ আর দ্বিকল্পনা না করিয়া ভাঙ্গা দণ্ড তিনখানি কুড়াইয়া লইয়া কিছু বিবগ্ন অন্তরে যেখানে গৌর তাঁহাদের জন্ত অপেক্ষা করিতেছিলেন, সেইখানে তাঁহার অগ্রে ধণ্ডগুলিকে ফেলিয়া দিলেন। গৌর বলিলেন, “আমার দণ্ড ভাঙ্গিল কে ? তোমরা পথে কি কাহারও সহিত কলহ করিয়াছ ?” জগদানন্দ উত্তর করিল, “নিত্যানন্দ বিহ্বল চিত্তে এই কুকার্য্য করিয়াছেন।” গৌর একটু ক্রুদ্ধভাবে নিতাইকে জিজ্ঞাসা করিলেন, “কি ব্রত তুমি আমার দণ্ড ভাঙ্গিলে ?” নিতাই বলিলেন, “হাঁ ! একখান বাঁশ ভাঙ্গিয়াছি ; যদি ক্ষমা করিতে না পার, যে শাস্তি উচিত মনে কর, দাও।” গৌর বলিলেন, “বাহাতে সর্বদেব অধিষ্ঠিত, তাহা তোমার মতে বাঁশ হ’লো ; আচ্ছা হ’লো, হ’লো ; আমার একমাত্র সঙ্গী দণ্ড

খানি ছিল, তাহা বখন ভাঙ্গিয়া গেল, তখন আমার আর কেহ সঙ্গী নাই; হয় তোমরা আগে যাও, না হয় আমাকে বাইতে দাও”। মুকুন্দ গতিক বুঝিয়া বলিলেন, ‘আচ্ছা, তুমিই তবে আগে যাও, আমরা পাছে বাছি।’ ‘ভাল তাহাই হউক,’ বলিয়া গৌরচন্দ্র আগে আগে ছুটিয়া চলিলেন। বৈষ্ণবাচার্য্যগণ বলেন দণ্ড ভঙ্গ লীলার গূঢ় তাৎপর্য্য কেহই বুঝিতে পারেন নাই। কিন্তু আগা গোড়া বিবেচনা করিয়া দেখিলে এই মনে হয় যে, লৌকিক সন্ন্যাসের আড়ম্বরে ধর্ম্ম হয় না, তাহাই প্রতিপাদন করা গৌর ও নিতায়ের মনের উদ্দেশ্য ছিল। নিত্যানন্দের উপর যে গৌরের কোপ, সে কৃত্রিম ক্রোধ মাত্র।

চৈতন্যচন্দ্র একাকী পদব্রজে বখন জলেশ্বর নামক গ্রামে উপনীত হইলেন তখন দেবস্থানে জলেশ্বর মহাদেবের মহা ধুমধামে পূজা হইতেছিল। বহুবিধ বাদ্য কোলাহল শুনিয়া তিনি মন্দিরাভিমুখে গমন করিলেন, এবং পূজার ব্যাপার দেখিয়া বাদ্যের তালে তালে নাচিতে আরম্ভ করিলেন। তাঁহার সঙ্গীগণ জলেশ্বরে আসিয়া দেখিলেন যে, গৌরানন্দ মত্ত মাতঙ্গের ছায় মহানৃত্যে বিভোর। মুকুন্দ কীর্তন গাইত আরম্ভ করিলেন। তাহা শুনিয়া গৌরের নৃত্য দ্বিগুণ মাত্রার চড়িয়া উঠিল। অনেকক্ষণ পরে ভাবাবেগ শমিত হইলে গৌরচন্দ্র সঙ্গীদিগকে প্রিয় সম্বোধন করিয়া তাঁহীদের উপর ক্রোধ করার জন্ত হৃৎ প্রকাশ করিলেন। নিতাইকে বলিলেন, “কোথায় তুমি আমাকে ধৈর্য্য শিক্ষা দিবে ও আমার সন্ন্যাস ধর্ম্ম বাহাতে বজায় থাকে তাহা করিবে, না আরও আমাকে পাগল করিয়া তুলো। নিতাই! আর যদি তেমন কর, তবে আমার মাথা খাও।” সে রাত্রি জলেশ্বরে অবস্থিতি করিয়া যাত্রীদল প্রাতে পুণ্য গমন করিতে আরম্ভ করিলেন। বর্তমানে জলেশ্বর গ্রাম অতিবাহিত করিয়া সুবর্ণরেখা পার হইতে হয়; কিন্তু চারিশত বৎসর পূর্বে ঐ গ্রাম সুবর্ণ রেখার অপর পারে থাকা, এই বর্ণনা দ্বারা জানা বাইতেছে।

পথমধ্যে বাঁশদহ গ্রামে এক মদ্যপায়ী শাক্তকে ক্রুপা করিয়া গৌরচন্দ্র রেমুণা নগরে আসিয়া ক্ষীরচোরা গোপীনাথ বিগ্রহ দর্শন করিলেন। বালেশ্বরের ৫ মাইল পশ্চিমে রেমুণা অবস্থিত। এখানে গোপীনাথ বিগ্রহের মহিমার ফাল্গুনমাসে এক মেলা বসিয়া থাকে। পূর্বে মাধবেন্দ্রপুরী

গোবর্দ্ধনে গোপাল বিগ্রহ প্রতিষ্ঠা করিয়া তাঁহার আদেশে নীলাচলে মলয়জ চন্দন আনিতে বাইতেছিলেন; পথমধ্যে রেমুণায় আসিয়া গোপীনাথের অমৃতকেলি নামক ক্ষীরপ্রসাদ দেখিয়া, তাহা নিজে আশ্বাদ করিয়া গোপালকে ভোগ দিতে ইচ্ছা করিয়াছিলেন। কিন্তু তিনি অবাচিতবৃত্তি, কেহ স্নেহ করিয়া খাইতে দিগে ভোজন করিতেন, নতুবা উপবাসী থাকিতেন। ক্ষীর প্রসাদ খাইবার বাসনা জাগ্রত হওয়ায় পুরী মনে মনে লজ্জিত হইলেন এবং বিষ্ণু স্মরণ করিয়া অন্ততঃ বাইয়া রজনী বাপন করিতে লাগিলেন। এ দিকে গোপীনাথ পূজারীকে স্বপ্ন বোলে বলিলেন যে বার খানি ক্ষীরের মধ্যে তিনি এক খানি পুরীকে খাওয়াইবেন বলিয়া খড়ার অঞ্চলে লুকাইয়া রাখিয়াছেন, তাহা লইয়া গিয়া পুরীকে দেওয়া হউক। পূজারী সেই নিশীথ সময়ে বাজারে বাইয়া উচ্চৈঃস্বরে বলিতে লাগিলেন, “কাহার নাম মাধবেন্দ্র পুরী? তোমার জন্ত গোপীনাথ ক্ষীর চুরি করিয়া পাঠাইয়া দিয়াছেন, আসিয়া ভোজন কর।” সেই হইতে গোপীনাথের নাম ক্ষীরচোরা গোপীনাথ হইল। মাধবপুরীর এই প্রেমকাহিনী পূর্বে গৌরচন্দ্র স্বীয়াভীষ্টদেব ঈশ্বর পুরীর নিকট শুনিয়াছিলেন; সঙ্গীগণকে তাহাই বিস্তৃত আকারে বলিয়া প্রেমে গদ গদ হইলেন। এবং পূজারী প্রদত্ত ক্ষীরপ্রসাদ ভোজন করিয়া উষাকালে গন্তব্য পথে যাত্রা করিলেন। যথা সময়ে যাত্রীদল বাজপুরে বিরজার্কেত্রে আসিয়া উপনীত হইল। এখানে বৈতরণী নদী প্রবাহিত এবং অসংখ্য দেবালয় অবস্থিত। কিছু দূরে নাভিগয়া ও বিরজামন্দির। একে বাজপুরের প্রাকৃতিক দৃশ্য অতি মনোহর, তাহাতে আবার অসংখ্য দেবালয়ে দেবর্চনার সময় যুগপৎ শব্দ ঘণ্টা কাঁশর শব্দে দিব্যগুল আন্দোলিত হইলে আপনা হইতেই প্রাণে সাস্ত্বিক ভাবের উদয় হয়। গৌরচন্দ্র সঙ্গীদিগকে লইয়া প্রথমে দশাশ্বমেধঘাটে স্নানাবগাহন করিয়া আদিবরাহমন্দিরে বাইয়া নৃত্য কীর্তন করিলেন। বাজপুরের দৃশ্যে গৌরচন্দ্র বড়ই আনন্দানুভব করিতে লাগিলেন এবং নিৰ্জ্জন বিহারের জন্ত ব্যাকুল হইয়া সঙ্গীদিগকে ছাড়িয়া অদৃশ্য হইয়া পড়িলেন। সঙ্গীগণ ইতস্ততঃ অবেষণ করিয়া যখন তাঁহাকে পাইলেন না, তখন বিষম চিন্তে এক বৃক্ষতলে রজনী বাপন করিলেন। এদিকে ত্রীচৈতন্য বাজপুরের দ্রষ্টব্য সকল স্থান দেখিয়া এক নিৰ্জ্জন স্থানে বাইয়া ধ্যান সমাধিতে সমস্ত

রাত্রি অতিবাহিত করিয়া পরদিন প্রাতঃকালে বহুদিগের নিকট উপস্থিত হইলেন। তখন সকলে আনন্দে হরিধ্বনি দিয়া রাজপথে বাহির হইলেন এবং বখা সময়ে কটক নগরে পুণ্যসলিলা মহানদীতে স্নান করিয়া সাক্ষী গোপাল মন্দিরে আগমন করিলেন। এইখানে মহাপ্রভু নিত্যানন্দমুখে সাক্ষী গোপালের বৃত্তান্ত শুনিয়া প্রেমে গদ গদ হইয়াছিলেন।*

এখান হইতে যাত্রীদল ভুবনেশ্বরতীর্থে গমন করিলেন। ভুবনেশ্বর শিবধাম ও মহাতীর্থ; পুরীর ১০।১২ ক্রোশ উত্তরে অবস্থিত। ভুবনেশ্বরের মন্দির এক আশ্চর্য্য শিল্পনৈপুণ্যের স্থল। কোটি শিবমন্দির দ্বারা উহা সুবেষ্টিত।

কথিত আছে, কেশরী বংশের সুবিখ্যাত রাজা যযাতি কেশরী ৫০০ খ্রীষ্টাব্দে এই মন্দির নির্মাণ আরম্ভ করেন; আর ৬৫৭ খ্রীষ্টাব্দে তাঁহার প্রপৌত্র রাজা ললাটেন্দু কেশরীর সময়ে ইহা সম্পূর্ণ হয়। ক্রমাগত ১৫৭ বৎসর ধরিয়া এই বিশাল দেবমন্দিরের নির্মাণ কার্য চলিয়াছিল। ভুবনেশ্বরে বিন্দু সরোবর নামে পুত সলিলা প্রকাণ্ড দীর্ঘিকা আছে। কথিত আছে, ভগবান্ মহেশ্বর সর্বতীর্থের জল বিন্দু বিন্দু আনিয়া এই সরোবর স্থপ্নন করিয়াছিলেন। ভুবনেশ্বর শুষ্ঠ বারাণসী। স্বন্দ পুরাণে ভুবনেশ্বর উৎপত্তি

* নিত্যানন্দ গুরুর তীর্থ ভ্রমণে আসিয়া এই বৃত্তান্ত লোকমুখে শুনিয়া গিয়াছিলেন; আজ সুযোগ পাইয়া তাহাই খ্রীষ্টচতুস্তয়ের নিকট বিবৃত করিলেন।

বিদ্যানগরের দুইটি ব্রাহ্মণ তীর্থ ভ্রমণে গমন করিয়া কোন সময়ে বৃন্দাবনে উপনীত হইয়াছিলেন। ইহাদের একজন বয়োবৃদ্ধ ও সংকুলীন; অপর জন যুবক এবং জাত্যাংশে হীন। যুবকের সেবার তুষ্টি হইয়া বৃদ্ধ ব্রাহ্মণ গোবিন্দ দেবালয়ে গোপাল বিগ্রহের সম্মুখে তাঁহাকে স্বীয় কন্ডামান করিতে প্রতিজ্ঞাবদ্ধ হইয়াছিলেন; কিন্তু দেশে প্রত্যাগত হইলে স্বজন-দিগের প্রেরণায় ব্রাহ্মণ প্রতিজ্ঞা পালনে অসম্মত হইলেন এবং কবে কি বলিয়াছেন, স্মরণ নাই বলিয়া যুবকের কথা উড়াইয়া দিলেন। তাহাতে সেই যুবা বৃন্দাবনে বাইরা গোপাল বিগ্রহকে প্রসন্ন করিয়া সঙ্গে আনিয়া সর্বজন সমক্ষে সাক্ষী দেওয়াইলে বৃদ্ধ বিগ্রহ তাঁহাকে কন্ডা দান করিলেন। তদবধি দেবতার নাম সাক্ষী গোপাল হইল ও বিদ্যানগরে তাঁহার সেবা প্রতিষ্ঠিত হইল। পরবর্তী সময়ে উৎকলরাজ পুরুষোত্তম দেব। এই দেশ জয় করিয়া গোপালকে কটকে আনিয়া মন্দির প্রতিষ্ঠিত করিয়া দিয়া রাজসেবার বন্দোবস্ত দিয়া দিলেন। তাঁহার মহিমাকে গোপাল স্বপ্নে বহুমুখ্য মুক্তা নোলক চাহিয়া লইয়া নাসাতে রাখিলেন। এক্ষণে গোপালের মন্দির কটক হইতে প্রায় বিনম্রানের পথ ব্যবধানে পুণী

বিবয়ে লিখিত আছে যে কাশীরাজ নামে বারাণসীর রাজা কোন সময়ে শ্রীকৃষ্ণকে জয় করিবার ইচ্ছা করিয়া তপস্তায় মহাদেবকে সন্তুষ্ট করিয়া ওল্লস বরে শ্রীকৃষ্ণের বিরুদ্ধে সমর যাত্রা করিয়াছিলেন। কিন্তু সময়ে আপনি নিহত হইলেন, ও তাঁহার রাজধানী বারাণসীও ভস্মসাৎ হইয়া গেল। তখন কৃষ্ণের সুদর্শন চক্র মহাবিক্রমে শিবের দিকে ধাবিত হইলে মহাদেব ভয়ে ভীত হইয়া শ্রীকৃষ্ণের শরণাগত হইলেন ও অনুতপ্ত হৃদয়ে ক্রমা প্রার্থনা করিলেন এবং স্বীয় বাসস্থান বারাণসী নগরী ভস্মীভূত হওয়ার বাস করিবার জন্য একটি স্বতন্ত্র স্থান ভিক্ষা করিলেন। কথিত আছে, শ্রীকৃষ্ণ সদয় হইয়া শ্রীক্ষেত্রের উত্তরে একান্ত নামক বনভূমিতে তাঁহার বাসস্থান নির্দিষ্ট করিয়া দিলেন। এই স্থানই উত্তর কালে ভুবনেশ্বর বলিয়া বিখ্যাত হইল। এই আখ্যায়িকার মূলে কি সত্য আছে, জানি না; কিন্তু ইহা যে শৈব ধর্মের উপর বৈষ্ণব ধর্মের বিজয় কালে রচিত, তাহাতে সন্দেহ নাই। ভুবনেশ্বরের অন্নপ্রসাদ শ্রীক্ষেত্রের মহাপ্রসাদের স্থায় জাতি নির্বিশেষে স্পর্শ ও ভোজন করিতে পারে; কিন্তু অশ্রদ্ধা নইয়া যাইতে পারে না।

শ্রীচৈতন্য ভুবনেশ্বর দর্শনে মহা সুখী হইলেন এবং বিন্দু সরোবরে অবগাহন করিয়া শিবভাবে বিভোর হইয়া কতই নৃত্য কীর্তন করিলেন। সঙ্গীগণসঙ্গে প্রত্যেক শিবমন্দির পরিক্রমা করিয়া মহোল্লাসে নাচিতে নাচিতে তিনি কপিলেশ্বর শিবস্থানে উপনীত হইলেন। ভুবনেশ্বরের পূর্ব দক্ষিণকোণে কিঞ্চিৎ নূন এক মাইল ব্যবধানে কপিলেশ্বরের মন্দির অবস্থিত। এ মন্দির ভুবনেশ্বরের স্থায় জন্মকাল না হইলেও, একটি বিখ্যাত তীর্থ।

বৈষ্ণবীয় গ্রন্থে কপিলেশ্বরকে কপোতেশ্বর নামে অভিহিত করা হইয়াছে। কেন এইরূপ নামান্তর কথিত হইল, বলিতে পারা যায় না। কিন্তু উভয় নামই যে একস্থান নির্দেশক, তাহাতে সন্দেহ নাই। কপিলেশ্বর হইতে গোরচন্দ্র কমলপুরে আসিয়া ভার্গবী নদীতে স্নান করিলেন। মহানদী হইতে কৈয়াকই নামে যে শাখা প্রবাহিত হইয়াছে, তাহাই আবার কিছু দূরে আসিয়া দয়া ও ভার্গবী নামে বিধা বিভক্ত হইয়াছে। চৈতন্য চরিতামৃতের মতে কপিলেশ্বরের শিবদর্শনে অনুপস্থিতি সময়ে কমলপুরে নিত্যানন্দ দণ্ড ভঙ্গ করিয়া ভগ্ন খণ্ড ত্রয় ভার্গবীর জলে ভাসাইয়া দিয়াছিলেন। কমলপুর হইতে জগন্নাথের দেউল পর্যন্ত দুটিগোচর হইয়া

থাকে। শ্রীচৈতন্য ধ্বজা দর্শনে অস্থির ও বিহ্বল হইয়া পশ্চাৎকৃত অর্ধ-শ্লোক আবৃত্তি করিতে করিতে পাগলের স্থায় ছুটিতে লাগিলেন।

‘প্রাসাদাগ্রে নিবসতি পুরঃ স্নেহবজ্রারবিন্দঃ।

মামালোক্য সস্মিতবদনো বালগোপাল মূর্তিঃ।’

অর্থ—প্রাসাদের অগ্রমূলে ভগবান্ বালগোপাল মূর্তিতে আমাকে দেখিয়া কতই হাসিতেছেন।

গৌরের হৃদয় ভাবময়। মন্দির ধ্বজা দেখিয়া কত ভাবতরঙ্গই তাঁহার প্রাণে উঠিতে লাগিল? এইরূপে বাহুজ্ঞান শূন্য হইয়া হাসিতে, কাঁদিতে, আছাড় খাইতে খাইতে তিনি চারি দণ্ডের পথ তিন প্রহরে অতি-বাহিত করিয়া আঠার নালায় আসিয়া প্রকৃতিস্থ হইলেন। চরিতামৃতের মতে এই স্থানে আসিয়া নিত্যানন্দের নিকট দণ্ড চাহিলেন। উহা তিনি ভাঙ্গিয়া ফেলিয়াছেন শুনিয়া পূর্বের বর্ণনামুসারে নিত্যানন্দাদির সহিত কলহ করিয়া তিনি তাঁহাদিগকে পশ্চাতে ফেলিয়া একাকী জগন্নাথ দর্শনে অগ্রগামী হইয়াছিলেন। কিন্তু চৈতন্য ভাগবতকার বলেন যে, আঠার নালায় আসিয়া শ্রীচৈতন্য বন্ধুদিগকে বলিলেন, “প্রিয় মুহুদগণ! তোমরা আমাকে নীলাচলে আনিয়া জগন্নাথ দর্শন করাইয়া প্রকৃত বন্ধুর কাজ করিলে। এক্ষণে নিবেদন, আমি একাকী বাইয়া শ্রীমূর্তি দর্শন করিব; হয় তোমরা অগ্রগামী হও, না হয় আমাকে আগে বাইতে দাও।” মুকুন্দ বলিলেন “তুমি অগ্রগামী হও, আমরা প্রাতঃকৃত্য সারিয়া পশ্চাৎবর্তী হইব।” তাহা শুনিয়া চৈতন্য গৌসাই মহানন্দে একাকী অগ্রবর্তী হইলেন এবং অচিরে জগন্নাথ মন্দিরে আসিয়া জগমোহনে দাঁড়াইয়া নীলাচলনাথকে দেখিলেন। তাঁহার প্রাণে কতই প্রেম, কতই ভাব, কতই উচ্ছ্বাস হইতে লাগিল, তাহা বর্ণনা করা অসাধ্য। সেই সময়ে উৎকলরাজ্যের সভাপণ্ডিত সার্ক-ভোম ভট্টাচার্য্যও জগন্নাথ দর্শন করিতেছিলেন। প্রথমে তিনি নবাগত সন্ন্যাসীর দিকে বড় একটা লক্ষ্য করেন নাই। দর্শন করিতে করিতে গৌরের ভাবসিন্ধু উথলিয়া উঠিল; তিনি আশ্চর্য্যবশত করিতে পারিলেন না। প্রেমাবেগের সঙ্গে সঙ্গে জগন্নাথ বিগ্রহকে কোলে করিবার জ্ঞান তাঁহার মনে হৃদমণীয় ইচ্ছার উদ্রেক হইলে তিনি মন্দিরের মধ্যে বাইতে উদ্যত হইয়া এক উল্লম্বন প্রদান করিলেন। পরিহারি-গণ ছুড়ি হাতে তাঁহাকে মারিবার জ্ঞান চারিদিক হইতে ছুটিয়া আসিল,

তিনি মুচ্ছিত হইয়া মন্দির প্রাঙ্গণে পড়িয়া গেলেন। সার্কভোম ভট্টাচার্য্য ইহা দেখিয়া তাঁহার রক্ষার জন্য সমাগত হইয়া ‘হাঁ! হাঁ!’ করিয়া পড়িলেন। ভট্টাচার্য্যকে দেখিয়া পরিহারিগণ প্রহারে ক্ষান্ত হইল। সার্কভোম অপরূপ সুরভি সন্ন্যাসী দেখিয়া, তাঁহার যৌবনের সৌন্দর্য্য ও ভাবের প্রগাঢ়তা দেখিয়া মনে মনে বিচার করিলেন ইনি কোন মহাপুরুষ হইবেন। তখন তিনি নানা প্রকারে আগন্তকের চৈতন্য সম্পাদনার্থে যত্ন করিলেন; কিন্তু কিছুতেই কৃতকার্য্য হইতে না পারিয়া ও ভোগের সময় উপস্থিত দেখিয়া, পরিহারিদিগের দ্বারা মুচ্ছিত গোরচন্দ্রকে হাতাহাতি করিয়া বহাইয়া স্বভবনে আনাইলেন এবং এক নিভৃত কক্ষে শয়ন করাইয়া রাখিলেন। গোরের মুচ্ছার ভাবগতিক দেখিয়া ভট্টাচার্য্য একটু উদ্বিগ্ন হইয়া পড়িলেন; কিন্তু যখন নাসিকার নিকট তুলা ধরিয়া দেখিলেন যে তুলা ঈষৎ আন্দোলিত হইতেছে, তখন ভয়ের কারণ নাই, জানিয়া নিশ্চিন্ত হইলেন।

পঞ্চম পরিচ্ছেদ।

সার্কভোমোদ্ধার।

নিত্যানন্দাদি সিংহদ্বারে উপস্থিত হইবার পূর্বেই শ্রীচৈতন্য অচৈতন্য-ভাবস্থায় সার্কভোমতবনে নীত হইয়াছিলেন। তাঁহারা আসিয়া লোকমুখে ঐ বৃত্তান্তের কথক কথক আভাস বাহা শুনিতে পাইলেন, তাহাতে আর বুঝিতে বাকী থাকিল না যে, মহাপ্রভুকে লক্ষ্য করিয়াই লোকে ঐ সব কথা বলিতেছিল। তাঁহারা সার্কভোমের বাড়ীর উদ্দেশে যাইবার উদ্যোগ করিতেছেন, এমন সময়ে মুকুন্দদত্ত সেই পথে গোপীনাথ আচার্য্যকে আসিতে দেখিতে পাইলেন। গোপীনাথ নবদ্বীপের বিশারদের আমাতা ও সার্কভোমের ভগিনীপতি। ইনি মহাপ্রভুর এক জন ভক্ত ও তত্ত্বজ্ঞ; মুকুন্দের সহিত পূর্বে পরিচয় ছিল। মুকুন্দকে দেখিতে পাইয়া তিনি আশ্চর্য্যাব্বিত হইয়া জিজ্ঞাসা করিয়া উঠিলেন, “বা! তুমি এখানে কবে এলে? প্রভু কোথায়?” মুকুন্দ উত্তর করিলেন, “প্রভু সন্ন্যাস করিয়া আমাদের লইয়া নীলাচলে আসিয়াছেন এবং আমাদের পাছে ফেলিয়া একাকী জগন্নাথ-দর্শনে আসিয়াছিলেন। লোকমুখে শুনিয়া বুঝিতে পারিও না, তিনি

জগন্নাথ দর্শনে মুচ্ছিত হইয়া পড়িলে সার্কভোম তাঁহাকে নিজালয়ে লইয়া গিয়াছেন। এখন অল্প কথা কহিবার অবসর নাই, শীঘ্র তুমি আনাদের ভট্টাচার্য্যের বাড়ী দেখাইয়া দাও ।” গোপীনাথ তাঁহাদিগকে লইয়া সার্কভোমের বাড়ীতে চলিলেন, যাইতে যাইতে পথে মুকুন্দ, নিত্যানন্দাদির সহিত গোপীনাথের পরিচয় করিয়া দিলেন। সার্কভোমভবনে মহাপ্রভুকে অজ্ঞানাবস্থায় শয়ান দেখিয়া সকলে দুঃখিত হইলেন। সার্কভোম আগন্তুকদিগকে যথাযোগ্য অভ্যর্থনা করিয়া স্বীয় পুত্র চন্দ্রনন্দকে সঙ্গে দিয়া জগন্নাথ দর্শনে পাঠাইলেন। দর্শনান্তর সকলে প্রত্যাবর্তন করিলে মুকুন্দ মহাপ্রভুর কর্ণমূলে স্রবরে হরিসংকীৰ্ত্তন করিতে আরম্ভ করিলেন। তিন ণাহরকাল পরে গৌরসিংহ হৃদ্বার করিয়া উঠিলেন। তখন বেলাবসান হইয়াছে। সকলে মহানন্দে সমুদ্রস্নান করিয়া আসিলে সার্কভোম মহাপ্রসাদ আনাইয়া সকলকে পরিতোষরূপে ভোজন করাইলেন। খাইতে খাইতে গৌরচন্দ্র আনন্দোন্মাদে বলিতে লাগিলেন, “আমাকে অনেক করিয়া লাকরা তরকারী দিয়া, আর সকলকে তুমি যথেষ্ট পিঠাপানা ও ছানাবড়া দিও ।” সার্কভোম সে কথা না শুনিয়া তাঁহাকে সকল প্রকার প্রসাদ অতি যত্নের সহিত ভোজন করাইলেন। ভোজনের সময়ে অনেক কথাবার্তা চলিতে লাগিল। গৌর, নিতাইকে বলিলেন, “তোমাদের ছাড়িয়া আনিয়া আমি জগন্নাথ দর্শন করিলাম; জগন্নাথ দেখিয়া আমার মনে ইচ্ছা হইল, ধরিয়া আনিয়া তাঁহাকে হৃদয়মধ্যে রাখি; এই ভাবিয়া ধরিতে গিয়াছিলাম। তাহার পর কি হইয়াছে, জানি না।” নিত্যানন্দ বলিলেন, “সৌভাগ্যক্রমে সার্কভোম ভট্টাচার্য্য সেখানে ছিলেন; তোমাকে মুচ্ছিতাবস্থায় তুলিয়া এখানে আনিয়াছিলেন; তাই তোমার জীবন রক্ষা হইয়াছে।” সার্কভোম বলিলেন, “আর আপনি একাকী দর্শনে যাইবেন না। গোপীনাথ! তুমি ইহাকে সঙ্গে লইয়া প্রত্যহ দর্শন করাইয়া আনিও ।”

শ্রীচৈতন্য বলিলেন, “আজ হইতে প্রতিজ্ঞা করিতেছি, জগন্নাথ দর্শনে আমি মন্দিরের অভ্যন্তরে যাইব না; বাহিরে গরুড় স্তম্ভের পাশে দাঁড়াইয়া দেখিব।” আচমনান্তে গৌরকে বিশ্রামস্থানে উপবিষ্ট করাইয়া সার্কভোম গোপীনাথের সহিত নিকটে বসিয়া আলাপ করিতে লাগিলেন।

“গৌরসিংহের পূর্বাপ্রম কোথায়?” সার্কভোম জিজ্ঞাসা করিলেন।

গোপীনাথ উত্তর করিলেন, “নবদ্বীপের জগন্নাথ মিশ্রের ইনি কনিষ্ঠ পুত্র ও নীলাম্বর চক্রবর্তীর দৌহিত্র ; নাম বিশ্বস্তর ।” ভট্টাচার্য্য গৌরকে বলিলেন, “নীলাম্বর আমার পিতা বিশারদের সহাধ্যায়ী । জগন্নাথও তাঁহার মাত্র ছিলেন । সে সম্বন্ধে আপনি আমার গৌরবের পাত্র । বিশেষতঃ বখন আপনি সন্ন্যাস লইয়াছেন, তখন বিশেষ পূজনীয়, তাহাতে সন্দেহ নাই ।”

শ্রীচৈতন্য বিষ্ণু স্মরণ করিয়া বলিলেন, “আপনি আমাকে এরূপ বলিবেন না ; আপনি জগদগুরু, বেদান্তাধ্যাপক, পূজনীয় ব্যক্তি । আমি বালক সন্ন্যাসী, সদস্য জ্ঞান হীন, আমি আপনার শরণাপন্ন হইয়াছি । আপনার নিকট আমার কত শিখিবার আছে । আজ হইতে আমি আপনাকে গুরুস্থানে বরণ করিলাম ; আমাকে শিষ্যজ্ঞানে উপদেশ দিবেন ।”

সার্কভৌম জিজ্ঞাসা করিলেন, আপনার এখানে আসিবার উদ্দেশ্য কি ?

গৌর উত্তর করিলেন, “বাহিরের উদ্দেশ্য জগন্নাথ দর্শন । কিন্তু জগন্নাথ তো আর আমার সঙ্গে কথা কহিবেন না । আমার আসিবার মূল উদ্দেশ্য, আপনি এখানে আছেন বলিয়া । আপনাতে ভগবানের শক্তি পূর্ণরূপে অবস্থিত । আমি আপনার সংসর্গে থাকিয়া উপকৃত হইব বলিয়া এখানে আসিয়াছি । কিরূপ আচরণ করিলে আমার সন্ন্যাস ধর্ম বজায় থাকিবে ; আর সংসার মায়ায় না পড়িতে হয় ; কি খাইব, কি অধ্যয়ন করিব ; এই সব বিষয় আমাকে শিক্ষা দিতে হইবে ।”

সার্কভৌম গৌরের মধুর সম্ভাষণে মুগ্ধ হইয়া অধিক আত্মীয়তা করিয়া বলিতে লাগিলেন, “তুমি আমার বয়ঃ কনিষ্ঠ, তোমাকে ‘তুমি’ সম্বোধন করিতে পারি । কিন্তু তথাচ তুমি সর্বভ্যাগী সন্ন্যাসী, গৃহীদিগের বন্দনীয় । ভয় হয় এরূপ করিলে পাছে আমাকে অপরাধী হইতে হইবে ।”

গৌর বলিলেন, তা’ তো পারিবেনই । তাহা না করিলে মনে করিব আপনি আমাকে ভাল বাসিতেছেন না ।

সার্কভৌম । তোমার সকলই মিষ্ট লাগিতেছে । তোমাতে আজ যে ভক্তির উদয় দেখিলাম, নিশ্চয়ই বোধ হইতেছে, তোমাতে ভগবানের বিশেষ কৃপা অবতীর্ণ হইয়াছে । অচিরে যে তোমার মনোবাঞ্ছা পূর্ণ হইবে, তাহাতে সন্দেহ নাই । কিন্তু তুমি পরম সুবুদ্ধি হইয়া একটা অগ্রাধিকার্য্য করিয়াছ বলিয়া মনে হয় ।

সার্কভোম । সন্ন্যাসগ্রহণ করিলে কেন ? বিবেচনা করিয়া দেখ, মাথা মুড়াইয়া, জী পুত্র ছাড়িয়া সন্ন্যাসী হইলে কি লাভ ? লাভের মধ্যে আর কিছু হউক আর না হউক, প্রথমেই অহঙ্কারটা বিলক্ষণ হইয়া থাকে । সন্ন্যাসী কাহারও নিকট মাথা হেঁট করে না, অথচ নহাসম্মানিত ভক্তগণেরও প্রণাম লইতে ভয় করে না । যদি বল মাথেরেস্তাদির ত্রায় মহা মহা ভক্তগণও তো সন্ন্যাসী হইয়াছিলেন, তাঁহারা তো কই অহঙ্কৃত হন নাই । তাহার উত্তর এই যে, তাঁহারা গ্রাম্যরস ভোগ করিয়া ও ঔদ্ধত্যকে বিনাশ করিয়া জীবনের শেষ ভাগে সন্ন্যাসাশ্রমে আসিয়াছিলেন । তোমার নবীন যৌবন ; এ বয়সে তো সন্ন্যাসী হওয়া উচিত নয় ।

শ্রীচৈতন্য বিনীত ভাবে বলিলেন, ‘মহাশয় ! আমাকে সন্ন্যাসী বলিয়া মনে করিবেন না ; বাস্তবিক আমি সেরূপ কোন অভিপ্রায় লইয়া সন্ন্যাসী হই নাই । কৃষ্ণের বিরহে অস্থির হইয়া শিখা হুত্র ফেলিয়া দিয়া ঘরের বাহির হইয়াছি । অহঙ্কার বিনাশের জন্তই আমার শিখা হুত্র ত্যাগ । এখন আগনার নিকটে আমার এই প্রার্থনা যে, বাহাতে আমার সন্ন্যাস ধর্ম বজায় থাকে, সেরূপ উপদেশ দিবেন ।’

সার্কভোম বলিলেন, “আমাদের বাড়ীতে প্রত্যহ বেদান্ত পাঠ হইয়া থাকে, তুমি তাহা শুনিবে । সন্ন্যাসীর বেদান্ত শ্রবণ করা কর্তব্য । আর আমার বাড়ীতে তোমাদের থাকিবার বড় সুবিধা হইবে না ; আমার মাতৃস্বামীর বাড়ী খুব নির্জন স্থান ; সেইখানে তোমাদের বাসা করিয়া দিব ।” এই বলিয়া ভট্টাচার্য্য গোপীনাথকে গৌরের বাসস্থান নির্দিষ্ট ও আবশ্যকীয় দ্রব্যাদির আয়োজন করিয়া দিতে অনুমতি করিলেন । সার্কভোম মহাজ্ঞানী পণ্ডিত, কিন্তু ভক্তি রাজ্যের কিছুই জানিতেন না ; তাই গৌরের প্রকৃত মহত্ব বুঝিতে না পারিয়া বাৎসল্য ভাবে তাঁহার আধ্যাত্মিক কল্যাণের জন্ত এত উপদেশ দিলেন । গোপীনাথ নিগূঢ়তত্ত্ব জানিতেন । তিনি কিছু না বলিয়া মনে মনে হাসিতে লাগিলেন এবং ভট্টাচার্য্যের মাসীর বাড়ীতে গৌরের বাসস্থানাদি নির্দিষ্ট করিয়া দিয়া কালের গতি প্রতীক্ষা করিতে লাগিলেন ।

রজনী প্রভাত হইয়াছে । শ্রীকৃষ্ণ চৈতন্য গোপীনাথ আচার্য্যের সহিত জগন্নাথের শয্যাখান দর্শন করিয়া সার্কভোম ভট্টাচার্য্যের ভবনে আসিয়া দেখিলেন, ভট্টাচার্য্য বেদান্ত ব্যাখ্যা করিতেছেন ; তাঁহার ছাত্রবৃন্দ

মণ্ডলাকারে বসিয়া মনোযোগের সহিত শুনিতেছে। ত্রীচৈতন্যকে দেখিয়া সার্কভোম বলিলেন, “ভাল হইয়াছে, তুমি আসিয়াছ। সন্ন্যাসীর পক্ষে বেদান্ত শ্রবণ করা কর্তব্য, তুমি সাবহিতে বেদান্ত শ্রবণ কর। আর প্রতি দিন এই সময়ে পারায়ণ হইয়া থাকে; আমার অনুরোধ, তুমি প্রত্যহ আসিবে।” ত্রীচৈতন্য অতি বিনীত ভাবে উত্তর করিলেন “আপনি আমাকে যেরূপ স্নেহ করিতেছেন, তাহাতে আপনি বাহা বলিবেন, আমার পক্ষে তাহাই কর্তব্য।” এই বলিয়া মনোযোগ সহকারে বেদান্ত ব্যাখ্যা শুনিতে লাগিলেন। সপ্তাহ অতীত হইয়া গেল; চৈতন্যদেব প্রত্যহ নীরবে বেদান্ত শুনিলেন, অথচ ভাল মন্দ কিছুই মন্তব্য প্রকাশ করিলেন না। অষ্টম দিনে সার্কভোম জিজ্ঞাসা করিলেন, “সাত দিন পর্য্যন্ত বেদান্ত শুনিলে, কই কিছুই তো জিজ্ঞাসা করিলে না? কিছু বুঝিতে পারিতেছ কি না, জানিতে পারিলাম না।”

গৌর উত্তর করিলেন, ‘আপনার আজ্ঞায় সন্ন্যাসীর কর্তব্য কৰ্ম্ম বলিয়া শুনিতেছি। আমার বেদান্ত অধ্যয়ন নাই; সুতরাং আপনার ব্যাখ্যা বুঝিতে পারিতেছি না।’

সার্কভোম বলিলেন, “যে বুঝিতে পারে না, তাহার তো জিজ্ঞাসা করা উচিত। তুমি সাত দিন পর্য্যন্ত শুনিলে, অথচ কোন প্রশ্নই করিলে না। কি জানি তোমার মনে কি আছে?”

গৌর এবারে লৌকিক বিনয় ছাড়িয়া কহিলেন, “ব্যাসসূত্রের অর্থ অতি পরিষ্কার বুঝা যাইতেছে; কিন্তু আপনার ব্যাখ্যায় সে অর্থ প্রকাশ পায় না। সূত্রের অর্থ সুস্পষ্ট করিয়া প্রকাশের জন্য ভাষ্যের প্রয়োজন; যদি সেই ভাষ্যে সূত্রার্থকে অচ্ছিন্ন করিয়া কেলে, তবে ভাষ্যের প্রয়োজন কি? আপনার ভাষ্যে মুখ্যার্থ ছাড়িয়া গৌণার্থ কল্পনা করিতেছে।”

সার্কভোম অতীব বিস্মিত হইয়া জিজ্ঞাসা করিলেন, “কি প্রকারে?” গৌর বলিতে লাগিলেন, “বেদান্তের উদ্দেশ্য ব্রহ্ম নিরূপণ করা। সেই ব্রহ্ম অতি বৃহদ্বস্ত। তাঁহার প্রকৃত স্বরূপ কি, তাহা জীবের জ্ঞানাতীত। তবে সৃষ্টিরাজ্যে তিনি যত টুকু আপনাকে প্রকাশ করিয়া রাখিয়াছেন; আমরা তাঁহার কৃপায় তাহারই অত্যন্ন মাত্র বুঝিতে পারি। কিন্তু যে অনন্ত শক্তি, শুদ্ধ মুক্ত অনাবৃত অবস্থায় স্থিতিত হইয়া আছে, তাহার নাম নির্বিশেষ বা নিরাকার ব্রহ্ম। তাঁহার আমরা কি বুঝি?” সার্কভোম

বাধা দিয়া বলিলেন, “সৃষ্টি তো মিথ্যা; অবিদ্যা বা মায়ার বিজৃম্বিত। মায়ার ছুটিয়া গেলে জীব ও ব্রহ্ম একই। তিনি ভিন্ন কি জগতে আর কিছু আছে?”

গৌর। তিনি ভিন্ন আর কিছু নাই সত্য; কিন্তু তাঁহারই ইচ্ছায় এই সৃষ্টি লীলা; এই হৃদয়নিহিত আত্মজ্ঞান। কে বলিল, সৃষ্টি মিথ্যা বা কল্পিত জ্ঞান মূলক? সৃষ্টি কল্পনা নহে; তবে নখর মাত্র।

সার্কর্ভোম। তিনি ভিন্ন যদি জগতে আর কিছু নাই, তবে বল দেখি সৃষ্টিজ্ঞান কল্পিত হয় কি না?

গৌর। কা’র কল্পনা? সকল কল্পনার অতীত বিনি, তাঁহাকে কি মিথ্যা জ্ঞানের আকর ভূমি বলিবেন?

স। কখনই নয়।

গৌর। তাহা যদি না হয়, তবে একটু চিন্তা করিয়া দেখুন দেখি, - এই কল্পনা জ্ঞান বাহাকে আশ্রয় করিয়া আছে, সে ব্রহ্মের সহিত এক হইয়াও ব্রহ্ম হইতে ভিন্ন কি না? আমরা তাহাকেই জীব বলি। এবং এই জীব সৃষ্টি রাজ্যে ব্রহ্মের জ্ঞান লাভ করিতে সমর্থ।

সার্কর্ভোম বিচক্ষণ পণ্ডিত। গৌরের এই স্মৃতি পূর্ণ কথার জীবতত্ত্ব যে ঈশ্বর তত্ত্বের সহিত অভিন্ন হইয়াও ভিন্নাত্মক, তাহা বুঝিতে পারিয়া বলিলেন, “আচ্ছা তাহাই না হয় হইল; কিন্তু তাহাতেও তো প্রশ্নের বীমাংসা হইল না। তুমি বাহাকে সৃষ্টিলীলা বলিতেছ; কে বলিল, তাহা সত্য?”

গৌর। আত্মজ্ঞানই তাহার সাক্ষী। নানা বৈচিত্র্য পূর্ণ এই ব্রহ্মলীলা আত্মতত্ত্বের নিহিত। ব্রহ্ম আপনিই লীলারূপে বাহিরে, আত্মারূপে অন্তরে এবং ব্রহ্মরূপে সকলের মূলে। একের মধ্যে কি সূন্দর বৈচিত্র্যময় বৈতন্ধ্যব ও দ্বৈতের মধ্যে কি অনির্কটনীয় সামঞ্জস্যভূত একত্ব! বলুন দেখি, ইহাতে কা’র না প্রাণ মন গলিয়া যায়? এ হেন ঐশ্বর্য্যময়, পরিপূর্ণ ভগবানকে আপনি কোন্ সাহসে শুষ্ক নিরাকার নির্কিংশে বলাতে চান?

সার্কর্ভোম গৌরের ব্যাখ্যাতে মুগ্ধ হইলেন; কি বলিবেন স্থির করিতে না পারিয়া বলিয়া ফেলিলেন, “তবে শ্রীমচ্ছঙ্করাচার্য্য নির্কিংশে বাদ কেন শিক্ষা দিলেন?”

গৌর । কেন শিক্ষা দিলেন, জানি না । শুনিয়াছি, তিনি নাকি বৌদ্ধ-দিগকে পরাজয় করিবার জন্য আদিষ্ট হইয়া মায়াবাদ প্রচার করিয়াছিলেন ; কিন্তু তাঁহার নিজের মত অন্তরূপ ছিল । এই বলিয়া শ্রীচৈতন্য শঙ্করাচার্যের রচিত নিম্নোক্ত বচনটী ব্যাখ্যা করিলেন ।

“যদ্যপি ভেদাপগমে নাথ তবাহং, ন মামকীয়ত্বম্ ।

সামুদ্রো হি তরঙ্গঃ কচন সমুদ্রো ন তরঙ্গঃ ।”

“হে নাথ ! ভেদজ্ঞান অপগত হইলে যদিও সৃষ্টিতে ও তোমাতে প্রভেদ থাকে না ; তথাচ আমি তোমারই রচিত । তুমি কখনও আমার রচিত নও । সমুদ্রেরই তরঙ্গ হইয়া থাকে, তরঙ্গের সমুদ্র সম্ভবে না ।”

সার্কভোম বলিলেন, ‘তাহাই যেন হইল । কিন্তু সৃষ্টিতেও তো নির্কিশেষ তত্ত্বের উল্লেখ রহিয়াছে ।’

গৌর উত্তর করিলেন, যেমন নির্কিশেষ তত্ত্বের উল্লেখ আছে, তেমনি সবিশেষ তত্ত্বের কথাও আছে । কোন নির্দিষ্ট স্থান ধরিয়া বুঝিতে গেলে শাস্ত্রের স্বার্থ তত্ত্ব অবগত হইতে পারা যায় না । সমগ্র শাস্ত্রের তাৎপর্য ও অভিপ্রায় বুঝাই বুদ্ধিমানের কর্তব্য । সৃষ্টি যেমন বলিয়াছেন, ব্রহ্ম-নিরাকার, নিগুণ, হস্তপদাদি শূন্য, তাঁহার ইন্দ্রিয় নাই ; তিনি নাম, রূপ, উপাধি বিহীন, নীল লোহিতাদি বর্ণবিহীন, শুদ্ধ সত্ত্ব চৈতন্যময় ; তেমনি অনেক স্থানে বলিয়াছেন, তিনি ভেদ্যোময়, অমৃতময়, রসস্বরূপ, পরমহুন্দর, সহস্র সহস্র তাঁহার মন্তক, সহস্র সহস্র তাঁহার হস্ত পদ, তিনি সর্বত্রগামী, সকলই গ্রহণ, দর্শন ও শ্রবণ করেন ; সচ্চিদানন্দরূপ, শ্রাববানু, বিধাতা, পরম পুরুষ, পরমাত্মা । ইহার প্রকৃত তত্ত্ব এই বুঝিতে হইবে যে, সৃষ্ট্যতীতে তিনি নিগুণ নির্কিশেষ ; আর সৃষ্টি সম্বন্ধে সবিশেষ সঙ্গুণ, পরম পুরুষ ভগবান্ । আমরা সৃষ্টি সম্বন্ধীয় জীব ; সুতরাং সৃষ্টিতত্ত্ব প্রকাশিত ব্রহ্ম-স্বরূপেই আমাদের বিশেষ অধিকার ।

সার্কভোম গৌরের তত্ত্বজ্ঞানের গভীরতা অনুভব করিয়া, পূর্বে তাঁহাকে বালক সন্ন্যাসী জ্ঞানে যেরূপ উপেক্ষার চক্ষে দেখিয়াছিলেন, সে ভাব আর রাখিতে পারিলেন না । তাঁহার প্রতি শ্রদ্ধাভক্তির উদয় হইল । ভট্টাচার্য্য কিংকর্তব্যবিমূঢ়ের শ্রাব বলিয়া উঠিলেন, “তবে কি সৃষ্টিকার্যের সহিত ব্রহ্মের ঘনিষ্ঠ যোগ আছে ? তাঁহার সৃষ্টি প্রকৃতিই তো সব করিতেছে ; তবে আর তাঁহার বিধাতৃত্ব মানিবার প্রয়োজন কি ?”

শ্রীচৈতন্য বলিলেন, “বিধাতৃ ন! মানিলে চলিবে কেন? সৃষ্টি লীলার সূলেই তো বিধাতৃ। বাঁহা হইতে বিশ্ব উৎপন্ন হয়, উৎপন্ন হইয়া বাঁহা দ্বারা সুরক্ষিত হয় এবং অবশেষে বাঁহাতে লয় হইয়া যায়; এই যে ব্রহ্ম লক্ষণ বেদে নিরূপিত হইয়াছে, ইহাতেই তো তাঁহার বিধাতৃ শক্তির পরিচয় পাওয়া যাইতেছে। ব্রহ্মাণ্ডের সৃজন, পালন, লয়, ধিনি করিতেছেন; তাঁহাকে বিধাতা বলিবেন না কেন?”

সার্কভৌম এরূপ তর্ক যুক্তি পূর্বে আর কখন শুনে নাই। তিনি অজ্ঞান মায়াবাদী ভাষ্য পড়িয়া মায়াবাদ বা অদ্বৈতবাদকেই ব্রহ্মতত্ত্ব নির্দ্ধারণে চরম সিদ্ধান্ত হির করিয়া রাখিয়াছিলেন; অত্ৰদিকে তাঁহার চিন্তা স্রোত কখন আকৃষ্ট হয় নাই। এক্ষণে গৌরের নিকট এই কথা শুনিয়া তাঁহার অন্তরে আর এক চিদ্রাস্ত্রা খুলিয়া গেল ও নানা তত্ত্ব ভিজ্ঞাসা উপস্থিত হইল। তিনি ভিজ্ঞাসা করিলেন, “আচ্ছা, তাঁহাকে না হয় বিধাতা বলিয়া মানিলাম; কিন্তু তাঁহার শক্তি অনন্ত, কোথায় কোন্ ভাবে কি প্রকারে তাঁহার শক্তি কার্য্য করিতেছে, আমরা তাহার কি জানি? দয়া, করুণা, শাস্তি, পবিত্রতা, কামক্রোধাদি, জ্ঞান, প্রেম, পুণ্য, ইচ্ছা, ভৌতিক, জৈবিক, আধ্যাত্মিক ও আরও কত অজ্ঞেয় শক্ত্যাতি, সকলই তাঁহার শক্তি। ইহাদিগের আবার অনন্ত বৈচিত্র্য, অনন্ত বিভেদ, অনন্ত সমাবেশ। এ সব ভাবিতে গেলে আত্মহার্য্য হইতে হয়; কিছুই ঠিক করিয়া উঠিতে পারা যায় না। সে অবস্থায় শক্তিমানের পার্থক্য কিরূপে বুঝিব? শক্তি হইতে কি তিনি ভিন্ন?”

গৌর বলিলেন, “শক্তি তত্ত্বে তাঁহার প্রকাশ; কিন্তু শক্তি ও তিনি এক নহেন। শক্তি হইতে তাঁহাকে অভিন্নাত্মক মানিতে গেলে আবার নির্কিশেষ তত্ত্বেই আসা গেল; প্রেমের মীমাংসা কিছুই হইল না। প্রথমে আপনি যে নির্কিশেষ তত্ত্ব ব্যাখ্যা করিতেছিলেন, সে না হয় সত্ত্বা নির্কিশেষ; আর এখন বলিতেছেন শক্তি নির্কিশেষ। কল একই রূপ, উপাসনা তত্ত্ব কি কর্ণের দায়িত্ব, ইহার কোনটীতেই সাব্যস্ত হয় না। কিন্তু তাঁহাকে যদি সকল শক্তির কেন্দ্র স্থান বলিতে পারা যায়, তবে মীমাংসার বিষয় সুখসাধ্য হয়। সূর্য্যের একটা একটা কিরণকে যেমন সূর্য্য বলা যায় না, তাহা সূর্য্যের অত্যন্ত প্রকাশ মাত্র; তেমনি ভগবানের এক একটা শক্তিকে ভগবান্ বলা অসৌ-
কটিক। সে সব শক্তিকে ভগবানের প্রকাশ মাত্র।

চৈতন্যলীলায়িত ।

সার্কভোম । তাঁহাতে কোন্ শক্তি কিরূপে লীলা করিতেছে, কেমন করিয়া বুদ্ধি ?

চৈতন্য । পূর্বেই ত বলিয়াছি, অনন্তের অনন্তশক্তি জীবের বোধ-
ভীত । সৃষ্টি রাজ্যে তাঁহার যত শক্তি প্রকাশ হইয়াছে, তাহাও কেহ সম্পূর্ণ
হৃদয়ঙ্গম করিতে পারে না । তবে আত্মতত্ত্বে তাঁহার প্রকাশ । বাহার
যেমন জ্ঞান ও অধিকার ; শাস্ত্র ও গুরু উপদেশে যে যতদূর আয়ত্ত করিতে
পারিয়াছে, সে তত টুকুই জানিতে পারে । সচ্চিদানন্দ ভগবানের অনন্ত
অচিন্ত্য শক্তির মধ্যে তিনটি প্রধান। চিহ্নক্তির বিষয় আমরা জানিতে
পারি । তিনি 'সৎ' অর্থাৎ সর্বত্র সমানাবস্থায় নিত্য কাল আছেন ।
এই শক্তির নাম সন্ধিনী ; ইহাতেই দিগদেশকাল সমস্ত সৃষ্টি আশ্রিত ।
তিনি কিছু অচৈতন্য জড় বস্তু নহেন, চিরজীবন্ত জাগ্রত পুরুষ । এই শক্তিকে
'সম্বিত' শক্তি বলা যাইতে পারে । আর ভগবানের যে শক্তিতে প্রেম, আনন্দ,
আশ্রিত ; তাহার নাম হ্লাদিনী শক্তি । এই তিন শক্তিকেই অন্তরঙ্গ
চিহ্নক্তি বলা যায় । উহা ভগবদ্ভূপে চির প্রকাশিত । আর জীবশক্তি
তটস্থা ; উহা কেবল সৃষ্টি কালেই তাঁহাতে প্রকাশিত হইয়া থাকে ;
সৃষ্টান্তে নিদ্রিতাবস্থায় থাকে । অবশেষে, মায়াশক্তি বহিরঙ্গা ; তাহা ব্রহ্ম
হইতে প্রকাশ হইয়া ব্রহ্মরূপকে স্পর্শ অর্থাৎ ব্রহ্ম স্বরূপের উপর আধিপত্য
বিস্তার না করিয়া দূরে থাকে । সৃষ্টি লীলার উপরই ইহার প্রভাব ।
ইহার অর্থ এই যে, সচ্চিদানন্দ পুরুষের সৎ, চিৎ, আনন্দ, শক্তি তাঁহার
ইচ্ছায় অতি অপূর্ণরূপে সৃষ্টিতে প্রকাশিত হইয়াছে । এই অপূর্ণ শক্তি
হইতে অপূর্ণ জ্ঞান ; আবার অপূর্ণ জ্ঞানেই আন্তি বুদ্ধি । ইহারই নাম
মায়া । সুতরাং মায়ার প্রভাব ব্রহ্মের স্বরূপে থাকিতেই পারে না ।
মায়াবাদ ভাষ্যে মায়াকে অবস্ত বলা হইয়াছে ; প্রকৃত পক্ষে উহা অবস্ত
নয় ; অসম্পূর্ণ জ্ঞানমূলক মাত্র । এমন যে ঐশ্বর্যময় ভগবন্ত, ইহাকে
আপনি কোন্ সাহসে নিঃশক্তি নির্কিশেষ তত্ত্ব বলিতে চাহেন ? যে প্রভুর
ঐশ্বর্যের অন্ত নাই, জ্ঞানের অন্ত নাই ; বাঁ'র চিহ্নক্তিবিন্যাস ভক্ত হৃদয়ে
কত সুখতরঙ্গ তুলিয়া দেয় ; যিনি মায়াবল্লভের অতীত ; আপনি কোন্
প্রাণে তাঁহাকে মায়াযুক্ত জীবের সহিত অভেদ বলিতে সাহস করেন ?

সার্কভোম । তবে তাঁহার রূপ কি ?

চৈতন্য । তাঁহার ত্রিবিগ্রহ সচ্চিদানন্দময়, লীলাবিন্যাসী । পূর্ণানন্দ

বিগ্রহ, কল্পনার বিষয় নয়; প্রত্যক্ষসাধ্য। শ্রীবিগ্রহ যে না মানেন, সেই ত পাষণ্ডী। বুদ্ধ বেদ-মানেন নাই বলিয়া-তঁাহাকে নাস্তিক বলিয়া থাকেন; আর শ্রীবিগ্রহ, না মানিলে মানুষ যে ভীষণতর নাস্তিক হইয়া যায়, তাহা দেখিতেছেন না কেন? এক আপত্তি করিতে পারেন যে, বিকার না হইলে সৃষ্টি হয় না; কিন্তু কি তবে বিকারী হইয়া সৃষ্টি করিয়াছেন? এ আপত্তি অতি অকৰ্মণ্য। অচিন্ত্য অভাবনীয় শক্তি বাঁহার, তিনি কি সৃষ্টি-করিয়াও অবিকারী থাকিতে পারেন না? মণির কথা কি শুনে নাই? স্বর্ণ প্রসব করিয়াও মণি পূর্বের অবস্থায় যদি থাকিতে পারে, তবে বিচিত্রকৰ্ম্মা ভগবান্ কি সৃষ্টি করিয়াও মায়াতীত থাকিতে পারেন না। ত্রাস্তিজ্ঞানমূলক বিবর্তবাদ মত কোন মতেই টিকিতে পারে না।

সার্কভৌম অনেক বিচার বিভণ্ডা করিয়াও গোঁরের স্বপ্ন যুক্তির নিকট পরাস্ত হইলেন। শ্রীচৈতন্য অবশেষে ভট্টাচার্য্যকে বুঝাইয়া দিলেন যে, ভগবানের সহিত আমাদের চিরসম্বন্ধ। ভক্তি সেই সম্বন্ধ জ্ঞান বুঝাইয়া দেয়। আর প্রেমই প্রয়োজন, অর্থাৎ মানবজীবনের লক্ষ্য। ধর্ম্মের যদি কিছু লক্ষ্য থাকে, তবে তাহা প্রেম। বেদবাক্যে এই সিদ্ধান্তেই উপনীত হওয়া যায়। সার্কভৌম ভট্টাচার্য্য অবাক হইয়া শুনিতেছিলেন দেখিয়া গৌর বলিলেন, “ভট্টাচার্য্য! বিস্মিত হইও না; ভগবানে ভক্তিই পরম পুরুষার্থ। আশ্চর্য্যাম মুনিগণও ভগবানে ভক্তি করিয়া থাকেন। এই বলিয়া তিনি ভাগবতের পঞ্চাল্লিখিত শ্লোক আবৃত্তি করিলেন।

“আশ্চর্য্যামাশ্চ মুনয়ো নিগ্রহা অপ্যুপক্ৰমে,

কুরুন্ত্যহৈতুকাঃ ভক্তি মিথংভূতগুণো हरिः।”

ভা, ১।৭।১০

ভগবানের এতাদৃশ গুণ-সে, বাঁহারা আশ্চর্য্যাম ঋষি ও মোনব্রতাবলম্বী; বাঁহাদের সমস্ত হৃদয়গ্রন্থি ছিন্ন হইয়াছে; তঁাহারাও তঁাহাকে অহৈতুকী ভক্তি করিয়া থাকেন।

সার্কভৌম ভট্টাচার্য্য এই শ্লোক শুনিয়া বলিলেন, “এই শ্লোকের অর্থ শুনিতে আমার বড় বাঁহা হয়; কৃপা করিয়া আপনি এই শ্লোকটী ব্যাখ্যা করুন।”

শ্রীচৈতন্য উত্তর করিলেন, “আপনি মহাপণ্ডিত, আপনি আগে ব্যাখ্যা করুন, আমি পরে জানি।”

সার্কভৌম তখন আপনার পাণ্ডিত্যবলে শ্লোকের নয় প্রকার অর্থ করিলে, চৈতন্য প্রভু “আপনার এ ব্যাখ্যা ব্যতীত শ্লোকের আরও অভিপ্রায় আছে” বলিয়া শ্লোকের একাদশ পদের সহিত ‘আত্মারাম’ শব্দ মিলাইয়া অষ্টাদশ প্রকার ব্যাখ্যা করিলেন এবং আরও আশ্চর্য্যের বিষয় যে সার্কভৌমের ব্যাখ্যার একটিও ছুঁইলেন না। গৌরের ব্যাখ্যার মুখ্য তাৎপর্য্য এই যে, ভগবানের শক্তি ও গুণের অচিন্ত্য প্রভাবে শুকসনকাদি সিদ্ধ-সাধকগণও মুগ্ধ হইয়া যান; অত্থের কি কথা? তখন ভট্টাচার্য্য পরম বিস্মিত হইয়া পূর্বে চৈতন্যপ্রভুকে বালক বলিয়া যে উপেক্ষা করিয়া ছিলেন, তাহার অল্প মন্থ বেদনা পাইলেন এবং আপনার মূর্খতাকে দ্বিচার দিয়া তাঁহাকে ঈশ্বর বোধে স্তবস্ততি করিয়া শরণাপন্ন হইলেন। কথিত আছে যে, শ্রীকৃষ্ণ চৈতন্যদেব তখন ভট্টাচার্য্যের প্রতি কৃপা করিয়া প্রথমে চতুর্ভুজ নারায়ণ রূপ ও পরে দ্বিভুজ মুরলীধর রূপ দেখাইয়া কৃতার্থ করিয়াছিলেন। বাহা হউক, সার্কভৌমের তখন দিব্য জ্ঞান লাভ হইল; এবং নাম, প্রেম, ভক্তিতত্ত্ব, প্রভৃতি সকল বুঝিতে পারিয়া এক দণ্ডের মধ্যে এক শত শ্লোকে চৈতন্যস্বর রচনা করিয়া আবৃত্তি করিতে লাগিলেন ও প্রেমে উন্মত্ত হইয়া হাসিতে, কাঁদিতে, নাচিতে নাচিতে শ্রীচৈতন্যের পদ ধরিয়া বলিলেন, “প্রভো! ধন্য তোমার শক্তি; তর্কশাস্ত্র পড়িয়া পড়িয়া আমার হৃদয় লৌহপিণ্ডের স্থায় কঠিন হইয়াছিল; তাহাতেও এখন প্রেমভক্তি দিয়া গলাইয়া দিলে, তখন জগৎ উদ্ধার করা তোমার পক্ষে অতি সামান্য ব্যাপার বলিতে হইবে।” গোপীনাথ আচার্য্য পূর্ব হইতেই ইহা বুঝিতে পারিয়াছিলেন; এক্ষণে সুযোগ পাইয়া মহাপ্রভুকে হাসিতে হাসিতে বলিলেন, “সেই ভট্টাচার্য্যের তুমি কি অবস্থা করিলে?” গৌর, বলিলেন, “তুমি ভক্ত; তোমার সঙ্গগুণে জগন্নাথ দেব ইহাকে বিশেষ কৃপা করিলেন।”

পরদিন অরুণোদয়কালে শ্রীকৃষ্ণ চৈতন্য জগন্নাথ দর্শন করিয়া ও পূজা প্রদত্ত মালা মহাপ্রসাদ লইয়া সার্কভৌমভবনে আসিলেন। ভট্টাচার্য্য মহাপ্রভুর আগমন বার্তা পাইয়া শয্যা ত্যাগ করিয়া বাহিরে আসিয়া তাঁ বন্দনা করিয়া বসাইলে, গৌরচন্দ্র সার্কভৌমের হাতে মহাপ্রসাদ দিলেন। ভট্টাচার্য্যের তখন স্নান, সন্ধ্যা, দক্ষ্যাবনাদি প্রাতঃকৃত্য হইলেও তৎক্ষণাৎ সেই প্রসাদায় ভক্ষণ করিয়া বলিলেন, “শুধুই হউক, পর্য্যুসিতই হউক, অথবা বহুদূর দেশ হইতে আনীতই হউক; মহাপ্রসাদ

গাইলেই ভোজন করিবে, কালাকাল বিবেচনা করিবে না।” এই কথা শুনিয়া গৌরের আনন্দের সীমা থাকিল না। তিনি ভট্টাচার্য্যকে গাঢ় আলিঙ্গন করিলে, উভয়ে হাত ধরাধরি করিয়া আনন্দে নৃত্য করিতে লাগিলেন। স্নেহ, কল্প; অশ্রুতে উভয়েই ভাসিতে লাগিলেন।

তখন প্রেমাবিষ্ট গৌরচন্দ্র বলিতে লাগিলেন, “আজ আমি ত্রিভুবন জয় করিলাম; আজ আমার নিকট রৈকুণ্ঠের দ্বার উদঘাটিত হইল; আজ আমার সকল অভিলাষ পূর্ণ হইল। ভট্টাচার্য্য বেদ ধর্ম্ম লজ্বন করিয়া মহাপ্রসাদ খাইলেন। ইহার চেয়ে সৌভাগ্যের বিষয় কি আছে? আজ তুমি নিকপটে শ্রীকৃষ্ণ চরণ আশ্রয় করিলে; আজ তোমার ভববন্ধন ছিন্ন হইল, মায়া বিদূরিত হইল। না হ’বে কেন? বাহারা সর্বাস্তঃকরণে ভগবচ্চরণাশ্রয় করেন, স্বয়ং ভগবান্ কৃপা করিয়া তাঁহাদের মায়া হইতে উদ্ধার করিয়া থাকেন।” সেই হইতে ভট্টাচার্য্যের পাণ্ডিত্যভিমান দূরে গেল, গুঢ়া ভক্তির উদয় হইল। তিনি এখন হইতে ভক্তি শাস্ত্র বিনা অগ্র শাস্ত্রের আলোচনা ছাড়িয়া দিলেন।

সার্কর্ভৌম শ্রীগৌরানন্দকে সাধনের উপায় জিজ্ঞাসা করিলে, তিনি নাম সংকীর্তনই পরম সাধন উপদেশ দিয়া বলিলেন, “আপনাকে তুণ হইতেও নীচ বিবেচনা করিয়া ও তরু হইতেও সহিষ্ণু হইয়া নামসাধন করিতে হইবে; নইলে নাম গুণ ক্ষুরিবে না। মন, অভিমান, জ্ঞান, বিদ্যা, বুদ্ধি, ধন, জন, সম্পদ, সকলই প্রভুর চরণে অর্পণ করিয়া নাম সাধন করিতে হইবে।” সার্কর্ভৌম ভাগবতের একটা শ্লোকের শেষপদে ‘মুক্তিপদ’ স্থানে ‘ভক্তিপদ’ পাঠ করাইয়া আবৃত্তি করিলেন:—

‘তত্তেহমুক্ষুপাং মুপমীক্ষ্যমাণো, ভূজ্ঞান এবাম্মকৃতং বিপাকং;
হৃদবান্থপুন্ডি র্কিদধরমন্তে জীবন্ত বো ভক্তিপদে স দায়ভাক্ ॥’

ভা ১০।১৪।৮

হে প্রভো! তোমার কৃপা কবে হইবে? এই আশাপথ প্রতীক্ষা করিয়া যে ব্যক্তি অনাসক্ত চিত্তে স্বীয় কর্ম্মফল ভোগ করিয়া জীবন ধারণ করেন, তিনিই উত্তরাধিকারের দ্বায় তোমার ভক্তিপদে দায়াধিকার প্রাপ্ত হইয়া থাকেন।

শ্রীচৈতন্য জিজ্ঞাসা করিলেন, ‘মুক্তিপদ’ পাঠ পরিত্যাগ করিয়া ‘ভক্তিপদ’ বাসাইলে কেন?

ভট্টাচার্য্য উত্তর করিলেন “ভগবন্তক্তি বিমুখের মুক্তি তো পুরস্কার নয় ; দণ্ড স্বরূপ । কারণ সে জীবনের সাযুজ্য পাইয়া লীন হইয়া যায়, সেবা সুখাদির অধিকার পায় না । ভক্ত, সেবা ব্যতীত মুক্তি চাহেন না ; ব্রহ্ম-সাযুজ্য তাঁর নিকট স্বর্গার সামগ্রী । সুতরাং এমন হয় মুক্তিকে দায়াধিকার বলিলে ভক্তের প্রতি অত্যাচার হয় কিনা ?

চৈতন্য বলিলেন, “মুক্তিপদের যে ব্যাখ্যা করিলে, তাহা ছাড়া উহার অর্থান্তর অর্থ আছে । ‘মুক্তিপদ,’ বলিতে স্বয়ং ভগবান্কে বুঝায় । বহুব্রীহি সমাস কর না কেন ?”

সার্কভোম । তথাপি ও পাঠ লইতে পারি না । কারণ উহা দ্ব্যর্থ দোষযুক্ত । ‘মুক্তি’ শব্দটা শুনিতেই ভক্তের স্বর্ণা ও ভ্রাস জন্মে । ‘ভক্তি’ শব্দ বলিলে কেমন আনন্দ হয় ।”

চৈতন্যদেব এই কথায় আনন্দে হাসিতে লাগিলেন । নগরে রাষ্ট্র হইয়া গেল, মারাবাদী পণ্ডিত সার্কভোম ভট্টাচার্য্য চৈতন্যকৃপায় পরম ভক্ত হইয়াছেন । লোকে বলাবলি করিতে লাগিল “লোহাকে স্পর্শ না করাইলে স্পর্শ মণির গুণ টের পাওয়া যায় না । যখন কঠোর জ্ঞানী সার্কভোগের ভক্তি লাভ হইল, তখন ইনি স্বয়ং শ্রীকৃষ্ণ, সন্দেহ নাই ।” সেই হইতে উৎকলরাজের অভীষ্টদেব কানীমিশ্র ও নীলাচলের প্রধান প্রধান লোক শ্রীচৈতন্যের শরণাগত হইল । তাঁহার বশে চারিদিক পূর্ণ হইয়া গেল ।

ইহার পর একদিন সার্কভোম ভট্টাচার্য্য জগদানন্দ ও দামোদর পণ্ডিতকে নিজ বাটীতে ডাকিয়া মহাপ্রভুর জন্ত উত্তম উত্তম মহাপ্রসাদ দিলেন এবং স্বরচিত দুইটি শ্লোক একখানি তালপত্রে লিখিয়া জগদানন্দের হাতে দিয়া বলিলেন, “প্রভুকে দিও” । দুই জনে প্রসাদ ও পত্ৰী লইয়া বাসায় প্রবেশ করিতেছেন, এমন সময়ে দেখিলেন মুকুন্দ দত্ত দ্বারে দাঁড়াইয়া আছেন । তিনি জগদানন্দের হাত হইতে পত্ৰীখানি লইয়া পাঠান্তে বাহিরের ভিতের গায়ে শ্লোক দুইটি লিখিয়া রাখিলেন । পরে জগদানন্দ পত্ৰী লইয়া মহাপ্রভুকে দিলে তিনি পাঠ করিয়া বিরক্তি সহকারে ছিঁড়িয়া ফেলিলেন । কিন্তু ভক্তগণ ছাড়িবার পাত্র নহেন ; তাঁহারা ভিত্তিতে লিখিত শ্লোক আবৃত্তি করিয়া কণ্ঠস্থ করিলেন, ও সর্বত্র প্রচার করিয়া দিলেন । শ্লোক দুইটি এই :—

“বৈরাগ্য বিদ্যা নিজ ভক্তি যোগ শিক্ষার্থমেকঃ পুরুষঃ পুরাণঃ ;

ত্রীকৃষ্ণচৈতন্ত্য শরীরধারী। কৃপাধু ধি য় স্তমহং প্রপদ্যে ।”

“কালানুষ্ঠং ভক্তিযোগং নিজং যঃ, প্রাহুর্ভুং কৃষ্ণচৈতন্ত্য নাম।

আবির্ভূত স্তন্ত পদারবিন্দে, গাঢ়ং গাঢ়ং লীলতাং চিত্তভৃঙ্গঃ ।”

‘বে অদ্বিতীয় পুরাণ পুরুষ, বৈরাগ্য বিদ্যা ও ভক্তি যোগ শিক্ষা দিবার নিমিত্ত ত্রীকৃষ্ণচৈতন্ত্য রূপে দেহধারী হইয়া প্রকাশিত হইয়াছেন; সেই কৃপানিধির আমি শরণাপন্ন হই ।’

‘কালদোষে নষ্ট নিজ ভক্তিযোগ প্রকাশ করিবার জন্য ত্রীকৃষ্ণচৈতন্ত্য নামধারী হইয়া যিনি আবির্ভূত হইয়াছেন; তাঁহার পদারবিন্দে চিত্তভৃঙ্গ গাঢ়রূপে অধিষ্ঠান করুক ।’

কথা কিছু অসংলগ্ন হইয়া উঠিল। গোরের অসামান্য প্রতিভা ও গভীর তত্ত্বজ্ঞানময়ী শাস্ত্রব্যাখ্যা শুনিয়া পরাজিত ও মুগ্ধ হইয়া যিনি বড়ভুজ দেখিতে পাইলেন ও ঈশ্বর জ্ঞানে শত শ্লোকে গোরচন্দ্রের কতই স্তব করিলেন; তাঁহার রচিত উপরোক্ত শ্লোক দুইটা পড়িয়া চৈতন্তদেব বিরক্তি সহকারে কেন ছিঁড়িয়া ফেলাইলেন, তাহা বুঝা যায় না। পত্র ছিঁড়িয়া ফেলার যদি কিছু অর্থ থাকে, তাহা সে এই যে, উহাতে গোরকে ঈশ্বরবতার বলিয়া বর্ণনা করা হইয়াছিল। গোরচন্দ্র আপনাকে ঈশ্বরবতার বলিয়া পরিচয় দিতে যুগা করেন। কিন্তু যদি তিনি যুগা করিয়া পত্রই ছিঁড়িয়া থাকিবেন, তবে পূর্বে শত শ্লোকে আপনাকে ঈশ্বর বলিয়া বর্ণনা করিতে অনুমোদন করা সম্ভব হয় না। আর যিনি ঈশ্বরবতার রূপে বর্ণিত হইতে সঙ্কুচিত হন, তিনি ঈশ্বর পরিচায়ক বড়ভুজ মূর্তি ধারণ করিয়া দেখাইবেন, ইহাও অসম্ভব কথা।

তাইজে মনে হয়, বড়ভুজ রূপ প্রদর্শন ও ঠিক সেই সময়ে সার্কভৌম-কৃত শতক রচনা অন্তরিত্ত বর্ণনা। পরবর্তী কালে সার্কভৌম শতক রচিত হওয়া কিছুই অসম্ভব নহে। বাহা হউক, চৈতন্ত ভক্তগণ বলেন যে, পূর্বোক্ত শ্লোক দুইটা ভক্তের কণ্ঠমণিহার; ইহাতে সার্কভৌমের কীর্তি চক্কা বাদ্যের শ্রাব্য বিবোধিত হইয়াছে।

ষষ্ঠ পরিচ্ছেদ ।

দক্ষিণাপথে—বাস্তবদেবোদ্ধার ।

মাক-মাসের প্রথমে শ্রীচৈতন্য সন্ন্যাস গ্রহণ করিয়া ফাল্গুন মাসে নীলাচলে আগমন করেন ও ফাল্গুনের শেষে জগন্নাথের দোলযাত্রা দেখার পর চৈত্র মাসে সার্ক্সভোমকে কৃপা করেন। বৈশাখের প্রথমে তাঁহার দক্ষিণ-দেশ পর্য্যটনের ইচ্ছা হইলে তিনি বন্ধুদিগকে ডাকিয়া বিনীত ভাবে সকলের হাতে ধরিয়া বলিলেন;—“তোমরা আমার প্রাণাধিক বন্ধু, প্রাণ ছাড়া যাহ, তবু তোমাদের ছাড়িতে পারি না। তোমরা আমাকে এখানে আনিয়া জগন্নাথ দর্শন করাইয়া সত্য সত্যই বন্ধুর কার্য্য করিয়াছ। এখন তোমাদের নিকট আমি আর একটা ভিক্ষা চাহিতেছি। তোমরা অনুমতি কর, আমি দক্ষিণাপথে গমন করিব। জননীর নিকটে প্রতিশ্রুত আছি বিশ্বরূপের উদ্দেশে যাইতে; সে সত্য অবশ্যই পালন করিব। কিন্তু এবারে আমি একাকী যাইব, তোমাদের কাহাকেও সঙ্গে লইব না। সেতুবন্ধ হইতে যে পর্য্যন্ত ফিরিয়া না আসি, তোমরা সে পর্য্যন্ত এই স্থানে রহিবে।”

এই কথা শুনিয়া ভক্তগণ মহাহুঃখিত হইলেন এবং স্নান মুখে নীরবে রহিলেন। নিত্যানন্দ বলিলেন, “এ কেমন করিয়া হইতে পারে? তুমি একাকী যাইবে, ইহা কা’র প্রাণে সহ্য হয়? দক্ষিণের তীর্থপথ আমার সকলই জানা আছে, আমাকে আজ্ঞা দাও, আমি সঙ্গে যাইব। না হয়, আর দুই এক জন চলুক। বিপদসমাকুল পথে তোমার একাকী যাওয়া হইবে না। কি জানি কখন কি বিঘ্ন ঘটে?”

শ্রীচৈতন্য মৃদু মধুরস্বরে বলিলেন, “নিতাই! তুমি স্বজ্ঞাধার আর আমি নর্তক। তুমি যেমন নাচাও, আমি তেমনি নাচি। সন্ন্যাস গ্রহণ করিয়া আমি কোথায় বৃন্দাবনে যাইতেছিলাম, তুমি আমাকে অবৈত ভবনে লইয়া গেলে। নীলাচলপথে আসিতে আসিতে আমার প্রিয়দত্ত গাছটা ভাঙ্গিয়া ফেলিলে। দেখিতেছি, তোমাদের গাঢ় প্রেমে আমার কার্য্য পণ্ড হইতেছে। আমি গৃহত্যাগী সন্ন্যাসী, জগদানন্দ আমাকে

বিষয়ীর ছায় বিষয় ভোগ করাইতে চাহে। কি করি? সে বা' বলে, আমি ভয়ে তাই করি; না করিলে, ক্রোধভরে আমার সঙ্গে তিন দিন কথা কয় না। আমি বৈরাগ্য ধর্ম রক্ষার জন্ত শীতকালেও ত্রিসন্ধ্যা স্নান করি ও ভূমিতে শয়ন করি দেখিয়া মুকুন্দের হৃৎথের সীমা নাই। সে মুখে কিছু না বলিলেও তাহার হৃদয়ের হৃৎথে মুখ মলিন হয়। তাহার হৃৎথে আমার প্রাণ কাটিয়া যায়। দামোদর ব্রহ্মচারী, আমার সন্ন্যাস-ধর্ম রক্ষার জন্ত সদাই আমাকে শিক্ষাদণ্ড দিয়া থাকে। শ্রীকৃষ্ণের কৃপায় দামোদরের লোকাপেক্ষা নাই; আমি লোকাপেক্ষা ছাড়িতে পারি না। সেজন্য সে আমার স্বতন্ত্র ব্যবহার দেখিলেই ব্যবহার শিক্ষা দিয়া থাকে। ভ্রাতৃগণ! দিন কতক তোমরা নীলাচলে স্থির হইয়া থাক; আমি একেলা তীর্থ ভ্রমণ করিয়া আসি।”

নিন্দাচ্ছলে শ্রীচৈতন্যের ভক্তদিগের স্তুতি ও বাৎসল্যপূর্ণ মধুর সম্ভাষণ শুনিয়া চারিজনই তাঁহার সঙ্গে যাইবার জন্ত কত অনুরোধ করিলেন; কিন্তু তিনি কিছুতেই স্বীকৃত হইলেন না। তখন নিত্যানন্দ বলিলেন, “তোমার আজ্ঞাই শিরোধার্য্য, ইহাতে আমাদের স্বথ, হৃৎথ, বাহা হয় হইবে। কিন্তু আমার আর একটি নিবেদন আছে; কর্তব্য কিনা, বিবেচনা করিয়া দেখ। আর কিছু সঙ্গে না লইলেও কোপীন, বহির্কাস ও একটি জলপাত্র তো লইতে হইবে। তোমার দুই হাত নাম সংখ্যা গণনায় আবদ্ধ থাকিবে; এসব সামগ্রী কে বহিয়া যাইবে? বিশেষতঃ তুমি যখন প্রেমাবেশে অচৈতন্ত হইয়া পড়িবে, তখন তোমাকে কে রক্ষা করিবে? তাইতে বলি কৃষ্ণদাস নামে এই সরল ব্রাহ্মণকুমার তোমার জলপাত্র বস্ত্র বহিয়া পাছে পাছে যাউক। তোমার বাহা ইচ্ছা করিবে, একোন বিষয়ে কিছু বলিবে না।” শ্রীচৈতন্য এই প্রস্তাবে সম্মত হইয়া বন্ধুদিগকে লইয়া সার্কভৌম সদনে গমন করিলেন এবং তাঁহাকে নিজ সঙ্কল্প বলিলে তিনি অতি কাতর ভাবে কতক দিন অপেক্ষা করিতে অনুরোধ করিলেন। তাঁহার অনুরোধে গৌরচন্দ্র কিছু দিনের জন্ত যাওয়া স্থগিত রাখিতে বাধ্য হইলেন। এই সময় সার্কভৌমগৃহে নিমন্ত্রণভোজনে ও হরি কথা নৃত্য কীর্তনে গত হইল। পরে যাত্রার নিরূপিত দিন উপস্থিত হইলে, শ্রীচৈতন্য সার্কভৌমের নিকট অনুমতি চাহিয়া বলিলেন, “আপনি আমাকে আশীর্বাদ করিবেন যেন আমি তীর্থভ্রমণ ও বিশ্বকৃষ্ণের উদ্দেশ্য

করিয়া নিরাপদে নীলাচলে প্রত্যাগমন করিতে পারি।” সার্কভৌম ভাবি বিরহশোকে অধীর হইয়া কাঁদিতে লাগিলেন এবং চারিখানি নৃতন কোপীন ও বহির্কাস ও কতকগুলি মহাপ্রসাদান্ন ব্রাহ্মণ দ্বারা আলালনাথ পর্য্যন্ত পাঠাইয়া দিবার বন্দোবস্ত করিয়া দিয়া গৌরকে বলিলেন, “আমার একটা অনুরোধ রক্ষা করিও, গোদাবরী তীরে বিদ্যানগরে উৎকল রাজ-প্রতিনিধি রামানন্দ রায় আছেন। তাঁহার সঙ্গে একবার সাক্ষাৎ করিও। তিনি তোমার সঙ্গে যোগ্য পাত্র। তাঁহার দ্বারা রসিক ভক্ত আর দেখা যায় না। পাণ্ডিত্যের ও ভক্তির পরাকাষ্ঠা একাধারে, তাঁহাতেই সামঞ্জস্য ভূত হইয়াছে। তাঁহার অলৌকিক ভাবচেষ্টা বুঝিতে না পারিয়া প্রাকৃত বৈষ্ণব জ্ঞানে পূর্বে আমি তাঁহাকে কত পরিহাস করিয়াছিলাম। তোমার কুপায় এখন আমার জ্ঞানোদয় হইয়াছে। এখন তাঁহার মহত্ব অনুভব করিতে পারিতেছি। তাঁহাকে শূদ্র বিষয়ী জ্ঞানে উপেক্ষা করিও না। অবশ্য তাঁহার সঙ্গে আলাপ করিলে তাঁহার মহিমা জানিতে পারিবে।’ গৌরচন্দ্র এ কথা স্বীকার করিয়া জগন্নাথ মন্দিরে বাইয়া আশীর্বাদ অনুমতি গ্রহণ করিয়া সমুদ্রকুলের পথ দিয়া দক্ষিণাপথ ভ্রমণে যাত্রা করিলেন। সার্কভৌম স্বীয় পরিকর সঙ্গে সমুদ্র তীর হইতে কাঁদিতে কাঁদিতে গৃহে প্রতিনিবৃত্ত হইলেন। নিত্যানন্দাদি চারিজন ও গোপীনাথ আলালনাথ পর্য্যন্ত মহাপ্রভুর সঙ্গে চলিলেন। পুরীর ৪ ক্রোশ দক্ষিণে আলালনাথ দেবদন্দির। ত্রিচৈতন্য স্বশিষ্য মন্দিরের পুরোভাগে হরিসংকীৰ্ত্তন আরম্ভ করিলেন। সে দেশবাসীগণ সন্ন্যাসীর অপরূপ ভাব, পুলকাত্ম প্রভৃতি সাত্ত্বিক লক্ষণ দেখিয়া একপ্রাণে শুনিতে ও দেখিতে লাগিল। ক্রমে জনতা গাঢ়তর হইল; আবাল বৃদ্ধ বনিতা সকলেই অপরূপ সন্ন্যাসী দেখিতে আসিল। নিত্যানন্দ ভক্তগণকে বলিলেন;—“এইরূপে অগ্রে গ্রামে গ্রামে নৃত্য কীর্ত্তন হইবে, তাহার পূর্বাভাস আরম্ভ হইল।” মধ্যাহ্ন উত্তীর্ণ হইয়া গেল, তখাচ ভিড় কমিল না দেখিয়া নিতাই গৌরকে মধ্যাহ্ন স্নান করাইবার জন্ত লইয়া গেলেন এবং স্নানান্তে সঙ্গী কয়জনের সহিত মন্দিরাভ্যন্তরে প্রবেশ করিয়া বহির্দ্বার বন্ধ করিয়া দিলেন। ভোজনাদি সমাপন হইলে আবার দ্বার উন্মুক্ত হইল; আবার সংকীৰ্ত্তন আরম্ভ হইল। এবার জনতা আরও বাড়িয়া গেল। সন্ধ্যার পর কীর্ত্তনান্তে লোক সব হরিনাম গাইতে গাইতে, নাচিতে নাচিতে স্ব স্ব গৃহে প্রতিনিবৃত্ত হইল। সকলেই গৌরের জীবন্ত ধর্ম্মভাবে

অনুপ্রাণিত হইয়া বৈষ্ণব হইয়া গেল । রজনী প্রভাতে গৌরচন্দ্র স্নানান্তে ভক্তগণকে আলিঙ্গন করিয়া বিদায় হইয়া চলিয়া গেলেন । কৃষ্ণদাস পাছে পাছে বজ্র, জলপাত্র, বহিয়া চলিলেন । ভক্তগণ গৌরের বিচ্ছেদে মুচ্ছিত হইয়া পড়িলেন । গৌরচন্দ্র তখাচ একবার ফিরিয়াও তাকাইলেন না । ভক্তগণ সমস্তদিন উপবাসী থাকিয়া পরদিন প্রাতে হুঃখিতান্তঃকরণে নীলাচলে ফিরিয়া আসিলেন । এদিকে শ্রীচৈতন্য মত্ত সিংহের আশ্রয় নিম্ন-লিখিত নামোচ্চারণ করিতে করিতে পথ অতিবাহিত করিতে লাগিলেন ।

‘কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! রক্ষ মাং !

কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! পাহি মাং !

রাম রাঘব ! রাম রাঘব ! রাম রাঘব ! রক্ষ মাং !

কৃষ্ণ কেশব ! কৃষ্ণ কেশব ! কৃষ্ণ কেশব ! পাহি মাং !

এবারকার ভ্রমণে শ্রীচৈতন্যের ধর্ম খুব প্রচার হইতে লাগিল । বক্তৃতা সংকীর্ণন বা উপদেশে নহে, কিন্তু তাঁহার জলন্ত ধর্মজীবনের প্রতিভায় । বাহারা তাঁহার নিকট আসিয়া তদীয় ভাব দেখিল, ও তাঁহার সঙ্গে একত্র থাকিয়া সদালাপ করিতে সুযোগ পাইল, তাহারা তাঁহার ধর্মে অনুপ্রাণিত না হইয়া থাকিতে পারিল না । সেই সকল লোক আবার স্ব স্ব গ্রামে যাইলে, তাহাদের দেখিয়া অল্প লোক সাধু হইতে লাগিল । তাহাদের দেখিয়া অপর । এইরূপে সংক্রামক ব্যাধির আশ্রয় রানের দেখিয়া শ্রান, শ্রামের দেখিয়া নবীন, নবভক্তি বিধানের ভক্তি লাভ করিয়া কৃতার্থ হইতে লাগিলেন । সেতুবন্ধ পর্য্যন্ত প্রেম, নাম ও ভক্তি বিলাইতে বিলাইতে শচীনন্দন ভ্রমণ বিহার করিতে চলিলেন ।

আলালনাথের পর গৌরচন্দ্র কুর্শক্ষেত্রে উপনীত হইয়া কুর্শ দিগ্বাহের বন্দনা প্রণয়ন করিলেন এবং সমাগত লোকমণ্ডলকে নাম সংকীর্ণনের বস্ত্রাভাসাইয়া কুর্শ নামক বৈদিক ব্রাহ্মণের গৃহে অতিথি হইলেন । কুর্শ তাঁহার প্রেমভক্তি দেখিয়া তাঁহাকে ঈশ্বরাবতার জ্ঞানে পূজা করিলেন ; এবং পরদিন প্রাতে প্রাতঃস্নান করিয়া গৌর গমনোদ্যত হইলে, বিনীত ভাবে তাঁহার অনুগমন করিবার অভিলাষ জানাইলেন । চৈতন্য দেব তাঁহাকে বলিলেন, “তাহা কখন হইতে পারে না, গৃহস্থাপ্রম পবিত্র সাধন ক্ষেত্র । গৃহে বসিয়া নাম সাধন কর, বিষয়তরঙ্গে কখন পড়িও না ।

ফিরিয়া আসিবার সময়ে আবার আমাকে এইখানে দেখিতে পাইবে ।”

চৈতন্যলীলায়ত ।

সেতুবন্ধ পর্যান্ত যেখানে বাহার গৃহে শচীনন্দন অতিথি হইয়াছিলেন, সেই সেই গৃহের গৃহস্বামীগণ তাঁহার প্রতি এতই আকৃষ্ট হইয়াছিলেন যে, তাঁহার সঙ্গে সঙ্গী হইয়া যাইবার জন্য আগ্রহ প্রকাশ করিয়াছিলেন। কিন্তু সর্বত্রই গৌর তাঁহাদিগকে প্রতিনিবৃত্ত হইবার উপদেশ দিয়া ঘরে বসিয়া ভজন সাধন করিতে বলিয়াছিলেন। কুর্শকে বিদায় দিয়া শ্রীচৈতন্য শুভ যাত্রা করিয়া পথ অতিবাহিত করিতে লাগিলেন। ইতিমধ্যে বামুদেব নামে এক গলিত কুণ্ডী ব্রাহ্মণ শ্রীচৈতন্যের আগমন বার্তা শুনিয়া তাঁহাকে দেখিবার অভিলাষে কুর্শ ভবনে আসিয়া উপস্থিত হইলেন। বামুদেব পরম বিশ্বাসী ভগবদ্ভক্ত। তাঁহার অলৌকিক জীবে প্রেম শুনিলে অবাক হইতে হয়। তাঁহার সর্বদা গলিত কুণ্ড; ক্ষতস্থানে কীট সকল নিরন্তর অঙ্গের পুঞ্জ রক্ত পান করিতেছে। তাহাদিগকে দূরীভূত করা দূরে থাকুক, কোন কীট দৈবে খসিয়া পড়িলে তিনি তাহাকে উঠাইয়া আবার সযতনে সেই স্থানে রাখিয়া দিতেন। বামুদেব কুর্শালয়ে আসিয়া যখন শুনিলেন যে গৌর চলিয়া গিয়াছেন, তখন সাধু দর্শন হইল না বলিয়া বিবাদে কাদিতে কাদিতে মুচ্ছিত হইয়া পড়িলেন। কিন্তু কে জানে, কি অলৌকিক আকর্ষণে আকৃষ্ট হইয়া গৌর সেই মুহূর্ত্তে সেখানে ফিরিয়া আসিলেন এবং বামুদেবকে সপ্রেমে গাঢ় আলিঙ্গন করিয়া স্তম্ভী করিলেন। কথিত আছে, তাঁহার শ্রীঅঙ্গ স্পর্শে বামুদেব কুণ্ড রোগ মুক্ত হইয়া সুন্দর সুস্থ দেহ লাভ করিলেন। গৌরের অলৌকিক কৃপা দেখিয়া তাঁহার মন প্রাণ গলিয়া গেল। তখন তিনি গৌরের চরণ ধরিয়া অমৃতপ্ত হৃদয়ে কত স্তব করিতে লাগিলেন এবং শ্রীকৃষ্ণ উদ্দেশে কল্পিত দরিদ্র ব্রাহ্মণের ভাগবতীয় উক্তি অহুসরণ করিয়া বলিলেন, ‘কোথায় পাণ্ডী, দরিদ্র, কৃপাপাত্র, আমি, কোথায় ঈশ্বরাবতার তুমি? আমার গলিত দেহে তুমি যে আলিঙ্গন করিলে, ইহা জীবে সম্ভবে না। আমার গায়ের হৃগন্ধে, অতি জঘন্য লোকও পলাইয়া যায়, তাহা তুমি কেমন করিয়া স্পর্শ করিলে? কিন্তু প্রভো! আমি ব্যাধিগ্রস্ত হইয়া ভাল ছিলাম। এখন দেহগর্ভে অহঙ্কার উৎপন্ন হইয়া আমার সর্বনাশ করিতে পারে।’ গৌর বলিলেন, ‘সাধুদেহে অহঙ্কার আসিবে কেন? তুমি নিরন্তর শ্রীকৃষ্ণভজন কর, ও নাম সংকীর্ত্তন প্রচার কর। তোমা হইতে এদেশে জীব নিস্তার হইবে।’ এই বলিয়া শ্রীচৈতন্য অন্তর্ধান হইয়া গেলেন। কুর্শ ও বামুদেব শোকাভিভূত হইয়া কাদিতে

লাগিলেন। বাসুদেবকে উদ্ধার করিয়া ত্রীচৈতন্য তদীয় ভক্তসমাজে
“বাসুদেবামৃতপদ” নাম পাইয়াছিলেন।

সপ্তম পরিচ্ছেদ ।

দক্ষিণাপথে—রামানন্দ সঙ্গোৎসব ।

কুর্মক্ষেত্র হইতে গৌরচন্দ্র জিয়ড় নৃসিংহক্ষেত্রে আসিয়া নৃসিংহ
দেখিয়া স্তব বন্দনা করিলেন। এখানে ভূগর্ভে পাদমূল প্রোথিত নৃসিংহ
মূর্তি বিরাজমান। কথিত আছে, এক সরল বিশ্বাসী পুঁড়া গোয়ালের ঐ
স্থানে শস্তক্ষেত্র ছিল। সে প্রতিদিন সন্ধ্যাকালে গৃহে বাইবার সময়
ক্ষেত্রে অন্য রক্ষক না রাখিয়া ভগবানের নিকট প্রার্থনা করিয়া
ক্ষেত্রগুলি তাহার হস্তে সমর্পণ করিয়া যাইত। কিন্তু দেখিতে লাগিল,
প্রত্যহ রাত্রে কে তাহার শস্ত নষ্ট করিয়া যায়। সে হুঃখিত হইয়া ঈশ্বরের
নিকট প্রার্থনা করিল যে, যে তাহার শস্ত নষ্ট করে, তাহাকে যেন সে
দেখিতে পায়। এই বলিয়া রজনীতে এক স্থানে সে লুকাইয়া থাকিল—
কিছুক্ষণ পরে দেখিল যে, ভীষণমূর্তি এক বরাহ আসিয়া তাহার শস্ত
স্বাইতেছে। অমনি সে ধনুকে গুণ যোজনা করিয়া শূরকে বিদ্ধ করিল,
এবং গুনিতে পাইল, শূরর রাম! রাম! শব্দ করিয়া নিকটস্থিত গর্ভত
গুহার প্রবেশ করিল। তখন গোয়াল বুঝিল যে, সে শূর নহে; ভগবান্
তাহাকে ছলনা করিয়াছেন। ইহাতে সে নিতান্ত ব্যথিত চিত্তে উপবাসী
থাকিয়া তিন দিন পর্যন্ত ভগবানের নিকট আত্মদোষের ক্ষমা চাহিয়া
প্রার্থনা করিল। দৈববাণী হইল, ‘তোমার অপরাধ নাই, ঘরে যাওন’ পুঁড়া
ছাড়িবার পাত্র নয়; বলিল, ‘আমার দোষ ক্ষমা করিলে কেমন করিয়া
বুঝিব, যদি কোন প্রসাদ চিহ্ন দেখিতে না পাই?’ দৈববাণী উত্তর
করিল, ‘পাইবে’। পুঁড়া তখন দেশের রাজার নিকটে বাইয়া আদ্যোপান্ত
বিবৃত করিলে রাজা বলিলেন, ‘যদি তুমি দেখাইতে পার, তবে আমি
তোমার ক্রীত দাস।’ তখন রাজা নির্দিষ্ট স্থানে আসিয়া ব্যাকুলান্তঃকরণে
প্রার্থনা করিলে, দৈববাণী হইল, ‘তুমি যে জাতিবুদ্ধি ছাড়িয়া আমার ভক্তের
সম্মান করিয়াছ, তাহাতে আমি সন্তুষ্ট হইয়াছি। এইখানে দৃঢ় সেচন কর,
জল-চর্চা দেখিবে।’ তখন রাজার সেই স্থানে দৃঢ় সিঞ্চন হইতে লাগিল

চৈতন্যলীলামৃত ।

এবং একটু একটু করিয়া ভূগর্ভ হইতে অপরূপ নৃসিংহ মূর্তি উঠিতে লাগিল । দর্শকবৃন্দ বিস্মিত হইয়া গেল । জাহ্নু পর্য্যন্ত উঠিলে আজ্ঞাবাহী হইল, ‘আর উঠিবে না ; নিরস্ত হও ।’ রাজা তখন মহানন্দে সেই স্থানে মন্দির নির্মাণ করিয়া দিয়া মহা মহোৎসব করিলেন । কিছু দিন পরে জিয়ড় নামে এক সাধু মহাজন হই পুরজনা সমভিব্যাহারে দেবমূর্তি দেখিতে মন্দির মধ্যে প্রবিষ্ট হইলে হঠাৎ তাঁহার সঙ্গিনী হই জনকে পাষণ্ডময়ী হইয়া দেবচরণ লাভ করিতে দেখিয়া বিস্ময়ে রোদন করিতেছিলেন । দেবতা প্রসন্ন হইয়া তাঁহাকে বলিলেন, ‘রোদন ছাড় ; তোমার রমণীস্বয় সঙ্গতিলাভ করিয়াছেন । আজি হইতে তোমার নামে আমার নাম হইল ।’ সেই অবধি জিয়ড় নৃসিংহ নাম প্রকাশ হইল । চৈতন্যদেব নৃসিংহ মন্দিরে যাইয়া এই কিম্বদন্তী শুনিতে পাইয়াছিলেন ।

নৃসিংহ ক্ষেত্র ছাড়িয়া গৌরচন্দ্র কত দিন পরে গোদাবরী তীরে আসিয়া উপনীত হইলেন । গোদাবরী দেখিয়া বমুনা ও তীরস্থ বন দেখিয়া বৃন্দাবন স্মৃতি হওয়ার তিনি অনুরাগ ভরে বন মধ্যে অনেকক্ষণ নৃত্যকীর্তন করিলেন ; এবং নদী পার হইয়া পরপারে আসিয়া স্নানাবগাহন সাধ করিয়া ঘাটের কিছু দূরে জল সন্নিধানে বসিয়া নাম কীর্তন করিতে লাগিলেন । এই নগরের নাম বিদ্যানগর বা রাজমহেন্দ্রী । উহা উৎকল রাজ্যের দাক্ষিণাত্য প্রদেশের রাজধানী । অল্পক্ষণ পরে মহাপ্রভু দেখিলেন যে, বহুলোক সঙ্গে বাজনা বাজাইতে বাজাইতে এক বিচিত্র দোলায় চড়িয়া কোন সম্ভ্রান্ত ব্যক্তি ঘাটে স্নানাবগাহন জন্ত আসিলেন । তাঁহার সঙ্গে স্বাবক এবং বৈদিক ব্রাহ্মণগণ শাস্ত্রোচ্চারণ করিতে লাগিল । রাজপুরুষ বিধিमत স্নান তর্পণ সমাধা করিলেন । শ্রীচৈতন্য মনে মনে চিন্তা করিলেন, এই কি রাজা রামানন্দ রায়, বাঁহার কথা সার্কসভোম ভট্টাচার্য্য বলিয়া দিয়াছেন ? ইতিমধ্যে রাজপুরুষ সন্ন্যাসীকে দেখিয়া নিকটে আসিয়া প্রণাম করিলে, গৌর উঠিয়া শ্রীকৃষ্ণ স্মরণ করিয়া জিজ্ঞাসা করিলেন, “আপনি কি রাজা রামানন্দ রায় ?” আগন্তুক উত্তর করিলেন, “হাঁ, আমি সেই মন্দবুদ্ধি শূদ্রাধমই বটে ।” গৌর বলিলেন, “আমি নীলাচল হইতে আসিতেছি ; সার্কসভোম ভট্টাচার্য্য আপনার গুণ বর্ণনা করিয়া আপনার সঙ্গে সাক্ষাৎ করিতে বলিয়া দিয়াছেন । আপনার সঙ্গে সাক্ষাৎ করার জন্তই আমার এখানে আসা ; ভাল হইল যে অনায়াসে দর্শন পাইলাম ।” গৌরচন্দ্র

বাহু প্রসারিয়া রামানন্দ রায়কে গাঢ় আলিঙ্গন করিলেন। রায়ও তাঁহাকে আলিঙ্গিয়া প্রেমোন্মত্ত হইলেন। সুস্ত, শ্বেদ, অশ্রু, কম্প, পুলক, বৈবর্ণ্যতে উভয়ে বিহ্বল হইয়া ভূমিতলে পড়িলেন। কণকালের জ্ঞাত উভয়েই আত্মবিস্মৃত হইলেন। কে জানে ভক্তদিগের অন্তরে অন্তরে কি এক অদৃশ্য বৈদ্যাতিক তার আছে যে, পরিচয় না থাকিলেও দর্শন শ্রবণে পরস্পরকে চিনিতে বাকি থাকে না। দর্শক লোকেরা এই ব্যাপার দেখিয়া মনে মনে বিচার করিতে লাগিল, “এই সন্ন্যাসীকে মহা তেজোময় দেখিতেছি ; শূদ্রকে আলিঙ্গন করিয়া ইনি কাদিতেছেন কেন? আর আমাদের মহারাজ পরম গভীর ও পণ্ডিত ; ইনিই বা কেন সন্ন্যাসীস্পর্শে অস্থির হইলেন?” বাহা হউক, উভয়েই ধৈর্য্যাবলম্বন করিলে রায় রামানন্দ ক্রীচৈতন্তের কথার উত্তরে বলিলেন, “সার্কভোম আমাকে ভৃত্য জানে অতিশয় স্নেহ করিয়া থাকেন বলিয়া আমার উপকারের জ্ঞাত আপনাকে পাঠাইয়া দিয়াছেন। আজ আপনার দর্শন ও আলিঙ্গনে পবিত্র হইলাম। আমি অস্পৃশ্য রাজসেবী শূদ্রাধম ; আপনি সাক্ষাৎ নারায়ণ স্বরূপ হইয়াও আমাকে যে স্পর্শ করিলেন, সে আপনার কৃপার গুণ। মহাদিগের স্বভাবই এই যে, নিজের প্রয়োজন না থাকিলেও পানরদিগের গৃহে বাইয়া তাহাদিগকে কৃতার্থ করিয়া থাকেন। আপনার প্রভাব সাক্ষাতেই দেখিতেছি আমার সঙ্ঘের এই সহস্রাধিক লোকও আপনাকে দেখিয়া হরিনাম পুলকাত্মতে দ্রবীভূত হইয়াছে। গৌর বলিলেন, “না, তা’ নহ্ন। আপনি ভাগবতোত্তম ; আপনার মিলনে আমার প্রেমভক্তি লাভ হইবে বলিয়াই সার্কভোম এখানে আসিতে বলিয়া দিয়াছেন।” এইরূপ কথা বার্তার মধ্যে রাজার ইচ্ছিতে এক বৈদিক বিপ্র মহাপ্রভুকে নিমন্ত্রণ করিয়া স্তাহার গৃহে বাইতে অনুরোধ করিল। ক্রীচৈতন্ত নিমন্ত্রণ স্বীকার করিয়া রামানন্দ রায়কে বলিলেন, “আপনার মুখে কৃষ্ণ কথা শুনিতে বড় সাধ আছে। আমার যেন দর্শন পাই।” রায় বলিলেন, “যদি অধমকে তারিতে এখানে আসিয়াছেন, তবে পাঁচ সাত দিন থাকিয়া আমার দৃষ্ট মনকে সংশোধন করুন।” এই বলিয়া জৈব হাসিয়া রাজা রামানন্দ রায় দোলায় চড়িয়া বাজনা বাজাইতে বাজাইতে মহা সমারোহে প্রত্যাবর্তন করিলেন। ক্রীচৈতন্তও ব্রাহ্মণের সঙ্গে তদীয় গৃহে বাইয়া মধ্যাহ্নাদি সমাপন করিলেন।

করণ বংশীয় এক সম্ভ্রান্ত ব্যক্তির পাঁচ পুত্র। গোপীনাথ পট্টনায়ক, বাণীনাথ পট্টনায়ক, রামানন্দ রায় এবং আর দুই জন। বাঁহাদের নাম জানা যায় না। সপুত্র ভবানন্দ চিরদিন উড়িষ্যার রাজসংসারে উচ্চ উচ্চ রাজকার্য্য করিয়া আসিতেছেন। মালজেঠা দণ্ডপাঠ নামক প্রদেশে গোপীনাথ শাসন-কর্ত্তা। রামানন্দ রায় গোদাবরী প্রদেশের শাসন কর্ত্তা; তাঁহার উপাধি রাজা। ভবানন্দ ও বাণীনাথ নীলাচলে উচ্চ উচ্চ পদে অভিষিক্ত। শ্রীচেতন্তু নীলাচলে থাকার সময়ে এই গোষ্ঠি তাঁহার আনুগত্য স্বীকার করিয়া তাঁহারই পরিকর মধ্যে পরিগণিত হইয়াছিল। ভবানন্দের পাঁচ পুত্রের মধ্যে রামানন্দ রায় পরম পণ্ডিত ও রাধাকৃষ্ণের উপাসক; পরম ভক্ত এবং সর্বোচ্চ রাজপদে প্রতিষ্ঠিত। সংসারে থাকিয়া নির্লিপ্ত ভক্ত জীবনের উজ্জল আদর্শ, তাঁহার জীবন।

পূর্বোক্ত প্রকারে রাজা রামানন্দ ও শ্রীচেতন্তু স্ব স্ব স্থানে গমন করিলে উভয়ের পুনর্খিলনের উৎকর্ষায় সক্ষা উপনীত হইল। শ্রীচেতন্তু সায়াহ্ন স্থান সমাপন্নান্তে নিভূতে বসিয়া হরিনাম করিতেছেন, এমন সময়ে রামানন্দ রায় তাঁর মাত্র ভৃত্য সমভিব্যাহারে আসিয়া উপনীত হইলেন এবং মহাপ্রভুকে প্রণাম করিলে তিনি আলিঙ্গন করিলেন। উভয়ে ভৃত্যকে বাহিরে থাকিতে বলিয়া রহঃ স্থানে গিয়া নানা কথোপকথন করিতে লাগিলেন। শ্রীচেতন্তু জিজ্ঞাসা করিলেন, “সাধ্য বস্তু কি? নির্ণয় করুন।”

রামানন্দ উত্তর কবিলেন, “স্বধর্ম্মাচরণে বিমুভক্তি লাভ হয়। ব্রাহ্মণ, ক্ষত্রিয়, বৈশ্য, শূদ্র, এই চারি বর্ণের ব্রহ্মচর্য্য, গৃহস্থ, বানপ্রস্থ ও তৈক্ষ, এই চারি আশ্রমের ধর্ম্ম যেরূপ মর্যাদা দ্বিগুণ নিরূপণ করিয়াছেন; স্ব স্ব অধিকার ভেদে তাহাই যাজনা করিয়া ভগবানের আরাধনা করা উচিত।” শ্রীচেতন্তু বলিলেন, “এত বাহিরের কথা; নির্গূঢ় কথা কি? বল।” রামানন্দ বলিলেন, “ভগবানে কর্ম্মার্পণই সাধ্যসার। পান, ভোজন, দান, তপস্বাদি, যে কোন কর্ম্ম করা যায়; তাহার ফলাফলে উদাসীন থাকিয়া ভগবদ্ভিচ্ছার অনুরাগত হইয়া চলাই সার-ধর্ম্ম।”

শ্রীচেতন্তু। ‘এও বাহিরের ধর্ম্ম।’

রামানন্দ। তবে স্বধর্ম্ম ত্যাগই শ্রেষ্ঠ; বর্ণাশ্রম নিরূপিত ও বেদ-বিহিত সমস্ত ধর্ম্ম পরিত্যাগ করিয়া যে ব্যক্তি কেবল মাত্র ভগবচ্চরণ আশ্রয় করিতে পারেন, তিনিই শ্রেষ্ঠ সাধক।

শ্রীচৈতন্য । ইহাও বাহিরের কথা ।

রামানন্দ । জ্ঞানমিশ্রা ভক্তিই সাধ্য শিরোমণি । বাহ্যর অবিদ্যা দূরীভূত হইয়া বিশুদ্ধ ব্রহ্ম জ্ঞানের উদয় হইয়াছে ; বাহ্যতে ব্রহ্ম অবস্থিতি করেন ও যিনি ব্রহ্মে অবস্থিতি করেন ; বাহ্যর আকাঙ্ক্ষার নিবৃত্তি হইয়া শুভ, অশুভ, রোগ, শোক, সম্পদ, বিপদ সমজ্ঞান হইয়া চিত্ত নির্মল ও প্রশান্ত লাভ করিয়াছে ; তিনিই সর্বত্র সমভাবে ব্রহ্ম দর্শন লাভ করিয়া ব্রহ্মযোগরূপ পরাভক্তি লাভ করিয়া থাকেন ।

শ্রীচৈতন্য । ইহাও বাহিরের ধর্ম ; ইহার পর কি বল ।

রামানন্দ । জ্ঞান শূন্য ভক্তিই সাধ্যশ্রেষ্ঠ । জ্ঞানের পথ কুটিল, তাহাতে সর্বদাই সংশয় আসিয়া আত্মাকে কলুষিত করে । বিশেষতঃ সকলের পক্ষে কিছু জ্ঞান লাভ করা সম্ভব হয় না । পৃথিবীতে কয় জন জ্ঞানী ব্যক্তি দেখিতে পাওয়া যায় ? আর জ্ঞানের সীমাই বা কোথায় ? কে কতটুকু জ্ঞান লাভ করিতে পারে ? মানবজ্ঞান তো অতি অকিঞ্চিৎ-স্বর । অসীম জ্ঞান বস্তুকে কি ক্ষুদ্র মানবজ্ঞান আয়ত্ত করিতে পারে ? এই বিবেচনা করিয়া যিনি জ্ঞানানুসন্ধানে প্রয়াস না করিয়া সাধুসুখবিনিমুত ভগবৎ কথা শ্রবণ ও তাহা কায়মনোবাক্যে অবলম্বন করিয়া থাকেন ; অন্তের দুঃখাপ্য হইলেও ভগবান্ প্রায় এরূপ লোকের নিকট আত্মস্বরূপ প্রকাশ করিয়া থাকেন ।

শ্রীচৈতন্য । এ এক ব্রকম বটে । কিন্তু ইহার পর কি ? শুনিতে চাই ।

রামানন্দ । প্রেমভক্তিই সর্ব সাধ্যসার । প্রেমবিহীন কৃষ্ণপূজা-ভক্তের কখনই সুখকর হয় না । এক মাত্র প্রেমভক্তি রস লাভই তাঁহার লোভনীয় । কোটি জন্মার্জিত পুণ্য বলেও ঐ লোভ পাওয়া যায় না ।

শ্রীচৈতন্য । এও বটে । তার পর ?

রামানন্দ । মাত্র প্রেমই সাধ্য শিরোমণি । বাহ্যর নাম শ্রবণ মাত্র জগৎ পবিত্র হয় ; সেই ভগবানের নিত্য দাসদিগের চে'রে, আর সৌভাগ্য-বান্ কে ?

শ্রীচৈতন্য । এও বেশ ; তার পর কি ?

রামানন্দ । সধ্য প্রেমই সর্ব সাধ্য সার । জ্ঞানীরা ব্রহ্ম-সুখানুভূতিতে ও ভক্তগণ আরাধ্যরূপে ইহাকে প্রতীতি করেন ; যদি কেহ তাঁহার সহিত

সখ্যতা করিয়া তাঁহার অপার পারমেশ্বরী শক্তি ভুলিয়া গিয়া স্বথ হুঃখ সম্পন্ন
বিপদের বন্ধুর ছায় তাঁহাকে ভাবিতে পারে, তবে সে সাধকের সম শ্রেষ্ঠ
আর কে ?

শ্রীচেতন । এ উত্তম কথা । ইহার পর আর কিছু আছে ?

১ রামানন্দ । আছে, বাৎসল্য প্রেমই সাধ্য মার । সকল ভুলিয়া গিয়া
বাঁহারা ভগবানকে আপনার সন্তানের ছায় স্নেহ করিতে পারেন ; তাঁহাদের
তুল্য সাধক আর কে ? নন্দ যশোদার তুল্য কাহার নৌভাগ্য ?

শ্রীচেতন । অতি উত্তম ; তার পর ?

রামানন্দ । তার পর কাস্ত ভাব । ইহাই সকল সাধ্যের শ্রেষ্ঠ সাধ্য ।
ভগবানে আত্ম সমর্পণের ছায় আর কি আছে ? সতী স্ত্রী যেমন প্রিয়-
পতিকেকে শরীর, আত্মা, প্রাণ, মন, সকলই সমর্পণ করেন ; তেমনি কাস্তভাবে
ভক্ত সকলই তাঁহাতে সমর্পণ করিয়া নিশ্চিন্ত হন । ক্ষিত্যপতেছো মরুদ্যোম,
পঞ্চ ভূতের স্থায়িত্ব যেমন পর পর ভূতে বৃদ্ধি হইতে হইতে ক্ষিতিতে
শব্দ, স্পর্শ, রূপ, রস, গন্ধ, পাঁচটি তন্মাত্রাই থাকিয়া যায় ; তেমনি শাস্ত্রের
অচঞ্চলতা, দাস্ত্রের সেবা, সাধ্যের বিশ্বাস, বাৎসল্যের স্নেহ এবং কাস্তের
আত্ম সমর্পণ, সকলই কাস্তভাবে অন্তর্নিবিষ্ট । ভগবৎ প্রাপ্তির উপায় বহু-
বিধ । বাহার যে পছন্দ, তাহাই তাহার নিকট সর্বশ্রেষ্ঠ । কিন্তু সূক্ষ্মরূপে
দেখিতে গেলে কাস্তপ্রেমই সর্বশ্রেষ্ঠ । অতঃ প্রেমে ভগবানকে পাওয়া
গেলেও পরিপূর্ণ রূপে এক কাস্ত প্রেমেই যাওয়া যায় ।

শ্রীচেতন বলিলেন, ‘যত দূর বলিলেন, ইহাই সাধ্যের সীমা বটে ; কিন্তু
ইহার পর আর কিছু যদি থাকে, তবে বলুন ।’

রামানন্দ উত্তর করিলেন, ‘ইহার পরের কথা জিজ্ঞাসা করে এমন লোক
অগতে আছে বলিয়া জান্তাম না । যাহা হউক, ইহার পরেও আছে বই
কি ? শ্রীরাধিকার প্রেমই সর্ব সাধ্য শিরোমণি । কেন, জানেন না কি ? শত
কোটি গোপীর সঙ্গে রাসবিলাসে প্রবৃত্ত থাকিয়াও ভগবান্ রাধাপ্রেমে
এমনই মুগ্ধ যে, রাস-ছাড়িয়া তাঁহাকে লইয়া বন মধ্যে লুকাইয়াছিলেন ?

শ্রীচেতন জিজ্ঞাসা করিলেন, “ইহাতে রাধাপ্রেমের গৌরব হইল কৈ ?
গোপীদিগের সন্মুখে যখন রাধিকাকে লইয়া ভগবান্কে লুকাইতে হইল,
তখন সে প্রেমে অত্মাপেক্ষা হইল । তা’তে তো প্রেমের গৌরব হইল না ।
যদি জানিতাম, ভগবান্ শ্রীরাধিকার স্তব্ধ সর্ব সমক্ষেই গোপীদিগকে ত্যাগ

করিতে পারিতেন ; তবে বুঝিলাম, শ্রীরাধায় কৃষ্ণের গাঢ় অনুরাগ । আপ-
নার মুখ দিয়া অমৃতনদী প্রবাহিত হইতেছে ; বলুন এ কথার সামাধান কি ?

রামানন্দ বলিলেন, 'তা' নয় । রাধাপ্রেমই সর্বশ্রেষ্ঠ । রাসমণ্ডলে
যত গোপী নাচিতেছিলেন, তাঁহাদের প্রত্যেকের পাশে এক এক কৃষ্ণমূর্তি
নাচিতেছিল । রাধার পাশেও এইরূপ এক মূর্তি দাঁড়াইয়াছিল । সাধারণ
প্রেমে সর্বত্র সমভাব দেখিয়া শ্রীরাধিকার অভিমান উপস্থিত হইলে
তিনি রাসমণ্ডল ছাড়িয়া অভিমানিনী হইয়া চলিয়া গেলেন । নিগূঢ়
প্রেমেই অভিমান হয় ; সাধারণ প্রেমে হয় না । শ্রীরাধিকার অভি-
মান এই নিগূঢ় কুটিল প্রেম নিবন্ধনই হইয়াছিল । তাহাতেই সে প্রেমের
গভীরতা বুঝা বাইতে পারে । বাহ্য হউক, অভিমানিনী রাধার অশেষ
জ্ঞান ভগবান্ও রাসমণ্ডল ছাড়িয়া নিবিড় নিকুঞ্জ বনে বেড়াইয়া তাঁহাকে
পাইয়া কামনা উপভোগ করিয়া সুখী হইয়াছিলেন । শত কোটি গোপী-
তেও যে কাম নির্বাপন হইল না, একা রাধিকাতেই তাহা হইল । ইহাতেও
শ্রীরাধার প্রেমের গভীরতা বুঝুন ।"

শ্রীচৈতন্য মহা আনন্দিত হইয়া বলিলেন, "আমি ধন্য হইলাম ; বাহ্য
শুনিতে আপনার নিকট আসিয়াছিলাম, তাহা সকলই শুনিলাম । এখন
আর কল্লটী প্রশ্ন আছে, তাহার উত্তর দানে কৃতার্থ করুন । শ্রীকৃষ্ণের
ও শ্রীরাধিকার স্বরূপ কি ? রস কোন্ তত্ত্ব ? প্রেমই বা কি ? এই যে
'কাম' শব্দ বলিলেন, তাহাই বা কি ?"

রামানন্দ রায় উত্তর করিলেন, 'আমি এ সব তত্ত্বের কি জানি ? তুমি
বাহ্য বলাইতেছ, শুক পাখীর ত্রায় তাহাই বলিয়া বাইতেছি । তুমি
শাক্য ঈশ্বর ; হৃদয়ে প্রেরণা দিতেছ, জিহ্বায় তহপযোগী কথাও ফুটাই-
তেছ । আর আমার মুখ, বীণা যন্ত্রের ত্রায় বাজিয়া বাইতেছে ।'

শ্রীচৈতন্য রামানন্দের কথায় বাধা দিয়া বলিলেন,—'আমি মার্মাবাদী
সন্ন্যাসী, ভক্তিতত্ত্বের কিছুই জানি না । সার্বভৌমের সহবাসে আমার হৃদয়
নির্মল হইলে তাঁহাকে কৃষ্ণ ভক্তিতত্ত্ব কথা জিজ্ঞাসা করিয়াছিলাম । তিনি
বলিয়াছিলেন, রামানন্দ ব্যতীত কৃষ্ণভক্তি কেহ জানে না । তোমার মহিমা
শুনিয়া তোমার নিকট ভক্তিতত্ত্ব শিক্ষা করিতে আসিয়াছি । তুমি এখন
আমাকে সন্ন্যাসী দেখিয়া স্তুতি করিতেছ । এই কি তোমার উচিত ? সন্ন্যাসী
পুরুষ হইলেই হইবে না । তিনি শ্রীকৃষ্ণের তত্ত্ব জানেন, তিনিই শুক ।

শূদ্র ও কৃষ্ণতত্ত্ববেত্তা হইলে পরম গুরু পূজা পাইবার যোগ্য। আমাকে সন্ন্যাসী জানে বঞ্চনা করিও না। রাখাক্ষতত্ত্ব বলিয়া আমার অভিনয় পূর্ণ কর।’

রামানন্দ রায় মহাভাগবত ও প্রেমিক হইয়াও গৌরের ব্যাকুলতা ও অমুরাগ দেখিয়া ভাবপ্রমে টলনল করিতে লাগিলেন এবং অমুরাগ ভরে বলিয়া উঠিলেন, ‘বুঝিলাম তুমি স্বত্রধার, আমি নট। তুমি যেমন নাচাবে, আমাকে তেমনি নাচতে হ’বে। তুমি বীণাধারী, আমার বিহ্বা বীণাযন্ত্র; তুমি যেমন বাজাইবে, তাহাকে তেমনি বাজিতে হইবে। ওন! শ্রীকৃষ্ণই স্বয়ং ভগবান, পরম ঈশ্বর, সর্ব অবতারী ও সর্বশ্রেষ্ঠ। তিনি সচ্চিদানন্দ বিগ্রহ, সর্বৈশ্বর্য্য, সর্বমাধুর্য্য, সর্বরস, পরিপূর্ণ ব্রহ্মেন্দ্রনন্দন। তাঁহার অপ্রাকৃত নব যৌবন; তিনি চির নূতন, পরম সুন্দর। অনন্ত বৈকুণ্ঠ, অনন্ত ব্রহ্মাণ্ড ও অনন্ত অবতার, সকলের আশ্রয়। যত ভক্ত, যত সাধক, ও যত উপাসক, সকলের ভক্তি ও প্রীতির আশ্রয়ও বটেন ও বিষয়ও বটেন। যত রস, যত ভক্তি, যত তত্ত্ব, সব তাঁহাতেই পর্য্যবসিত। তিনি পরম পুরুষ, উজ্জল শ্রাম রসময়। কি পুরুষ, কি ঘোষিণ, কি স্থাবর জঙ্গম, সকলেরই চিত্তাকর্ষক। এমন কি আপনার মাধুর্য্যে আপনি বিভোর হইয়া আপনাকে, আপনি আলিঙ্গিতে চাহেন।’

শ্রীচৈতন্য প্রেমাবেগে বলিলেন, ‘বুঝাইয়া বল।’

রামানন্দ উত্তর করিলেন, ‘সচ্চিদানন্দ পরমেশ্বরের আনন্দেই সৃষ্টিলীলা। শ্রুতি বলিতেছেন, আনন্দ রূপ ঈশ্বর হইতেই সৃষ্টির আরম্ভ; আনন্দরূপেই স্থিতি এবং আনন্দরূপেই পর্য্যবসান। তিনি তো আপন আনন্দে আপনি মাতোয়ারা; তবে আবার লীলা কেন? ইহার উত্তর এই ‘বে, জীবকে সেই আনন্দের মধুর রস আন্বাদন করাইতে। শ্রুতি তাঁহাকেই ‘রস’ বলিয়া নির্দেশ করিয়াছেন। আনন্দরূপ, লীলাতত্ত্ব ও রসতত্ত্বের সহিত প্রকটিত হইলেই কৃষ্ণরূপ নিষ্পন্ন হয়। বাহা খাঁটি রস, তাহাই অমৃত; আর বাহা অমৃত, তাহাই চির নূতন; তাহাতে জরা, বার্দ্ধক্য, ক্ষয়, বিনাশ, কিছুই নাই। আবার বাহা লীলা; তাহাই পরমসুন্দর, সর্বচিত্তাকর্ষক, পরম কল্যাণময়, অরূপ রূপমাধুরী পূর্ণ। এখন দেখুন শ্রীকৃষ্ণ সর্বচিত্তাকর্ষক, পরম সুন্দর, নবকিশোর, অপ্রাকৃত পুরুষ কিনা? আনন্দরূপ হইতে সৃষ্টিলীলা; ইহাতে বুঝা যায়, তিনিই সকল অবতারের অবতারী, সকল কার্য্যধারণের মূলধারণ, সকল ইবকুণ্ঠ,

সকল ব্রহ্মাণ্ড ও সকল ঐশ্বর্যের অধীশ্বর । অড় ভগতের অতীত ধামের নাম শ্রীবৈকুণ্ঠ ; তাহার তিনটি প্রকোষ্ঠ ভেদ আছে । মথুরা, জ্ঞানরাগ্য ; দ্বারিকা, ঐশ্বর্য ধাম ; আর সর্বশ্রেষ্ঠ ব্রহ্মধাম, মাধুর্য্য পরিপূর্ণ । সেই ব্রহ্মধাম শ্রীকৃষ্ণের নিত্য লীলার স্থান । সেখানে তিনি অপ্রাকৃত গোপবালক বা শ্রীনন্দনন্দন, পিতা মাতার অকপট বাৎসল্যে ক্রীড়মান । সেখানে তিনি পরম সুন্দর হৃদয় সখা ; বিপদ সম্পদ, রোগ শোকের একমাত্র বন্ধু । সেখানে ঐশ্বর্য বা চিদ্বিভূতির লেশমাত্র নাই ; অথচ দাস্ত্র সেবার পরম পাত্র । আর সেখানে তিনি শৃঙ্গার রসময় নবনাগর । তাঁহাতে আত্মা পর্য্যন্ত সমর্পণ করিলেও হৃদয়ের আবেগ যায় না ; সকল দিয়াও আর্তি ফুরায় না । এই ভো শ্রীকৃষ্ণতত্ত্ব সংক্ষেপে বলিলাম । সহস্র সহস্র জিহ্বা হইলেও কৃষ্ণের গুণ বলিয়া শেষ করা যায় না । বলিতে বলিতে রায় রামানন্দ অধৈর্য্য হইলেন । গোরও অবহিত চিন্তে তনিতে লাগিলেন ।

রামানন্দ রায় বলিলেন, 'এখন শ্রীরাধিকার তত্ত্ব কিছু বলিতেছি । শ্রীকৃষ্ণের অনন্ত শক্তির মধ্যে তিন শক্তি প্রধান । যথা, চিহ্নশক্তি, মায়াশক্তি, ও জীবশক্তি । প্রথমটি অন্তরঙ্গা, দ্বিতীয়টি বহিরঙ্গা ও তৃতীয়টি তটস্থা । ইহার মধ্যে অন্তরঙ্গা চিহ্নশক্তিই তাঁহার স্বরূপশক্তি । যে শক্তি ঈশ্বরস্বরূপে না থাকিলে, ঈশ্বরত্ব অসম্ভব হয় ; তাহারই নাম চিহ্নশক্তি । এই শক্তি ঈশ্বরতত্ত্বে ওতপ্রোত রূপে চিরবিরাজিত । জীবশক্তি বা ক্ষেত্রজ্ঞাশক্তি কখন ঈশ্বরতত্ত্বে একটিত থাকে, কখন বা অপ্রকটিত ভাবে থাকে ; সেজন্য তটস্থা । আর মায়া শক্তি, ভগবান্ হইতে প্রকটিত হইয়া ভগবৎ স্বরূপে আপনার প্রভাব বিস্তার না করিয়া তাহার বাহিরে থাকে ; এ জন্য তাহা বহিরঙ্গা । এ কথার তাৎপর্য্য এই যে, ভগবানের পূর্ণ ও অনন্তশক্তি কিছু সমুদার সৃষ্টিকার্য্যে নিযুক্ত হয় নাই । উহার অত্যন্তাংশ মাত্র বিশ্বরচনার লিপ্ত থাকায় সৃষ্ট পদার্থমাত্রের অপূর্ণতা লাভ করিয়াছে । এই অপূর্ণতা নিবন্ধনই উহার মোহ, আস্তি ও অজ্ঞানতার অধীন হইয়াছে । এই অজ্ঞানতার নামই মায়াশক্তি । সে বাহ্য হউক, সমুদার চিহ্নশক্তিকে প্রধানতঃ তিনভাগে বিভক্ত করা বাইতে পারে । সচ্চিদানন্দ ঈশ্বরের 'সৎ বা 'নিত্যত্ব' প্রকাশিকা শক্তির নাম সন্ধিনী । 'চিৎ' বা চৈতন্য প্রকাশিকা শক্তির নাম সঙ্ঘিৎ । আর আনন্দ বা আনন্দ প্রকাশিকা শক্তির নাম 'স্বাদিনী' । শক্তির

সাহায্য ভিন্ন জৈশ্বরতত্ত্ব সম্যক্ জ্ঞানা যায় না । সুতরাং এই সকল শক্তি বা প্রকৃতিই আমাদেরকে পরম পুরুষ শ্রীকৃষ্ণকে জানাইয়া দিতেছে । পূর্বেই বলিয়াছি, সচ্চিদানন্দ জৈশ্বের আনন্দরূপই লীলার মূল কারণ । আবার এই হ্লাদিনী শক্তিই কৃষ্ণকে আনন্দ দান করে ; অথবা সুখরূপ কৃষ্ণ, হ্লাদিনী দ্বারা লীলা সুখসন্তোষ করিয়া থাকেন । ভক্তগণও এই হ্লাদিনী দ্বারা সুখরূপ কৃষ্ণের সুখ আনন্দ দান করিয়া থাকেন । অতএব জ্ঞানা বাইতেছে, ভগবানের বাবতীয় শক্তির মধ্যে হ্লাদিনীই সর্বশ্রেষ্ঠা । হ্লাদিনীর সার অংশ অর্থাৎ হ্লাদিনী হইতে সুখানন্দ দান করিলে ভগবৎ হৃদয়ে বা ভক্ত হৃদয়ে যে স্থায়ীভাব অঙ্কিত হয় ; তাহার নাম আনন্দ চিন্ময় রস ; অপর নাম প্রেম । এই প্রেম আবার প্রগাঢ় হইলে বাহ্য স্থায়ী হয় ; তাহার নাম মহাভাব । শ্রীরাধিকা এই মহাভাব স্বরূপিনী বই আর কিছু নন । এই মহাভাব সমস্ত চিন্তার সার চিন্তা বা চিন্তামণি । চিন্তামণিই শ্রীরাধিকার প্রকৃত স্বরূপ ; আর ললিতাদি সখীনিচয় তাঁহার কারবাহ । শ্রীরাধিকার প্রাকৃত কায়্য নাই । আবর্তিত কৃষ্ণস্নেহই তাঁহার উজ্জল বর্ণ । কারুণ্য রসের তারল্যে বা চিরনবীন রসের ও লাবণ্যরসের অমৃত জলে রাধারূপ যেন পুনঃ পুনঃ স্নাত হইয়াছে । লজ্জারূপ শ্রামসটি ও কৃষ্ণানুরাগ রূপ রক্তসটি পর্যায়ক্রমে রাধাদেহের শোভা বর্দ্ধন করিতেছে । প্রণয় বা মানকঙ্কলিকায় বন্ধ সমাচ্ছাদিত । সৌন্দর্য্যকুসুম, প্রণয়চন্দনে এবং স্নিত কান্তিকপূরে শ্রীঅঙ্গ বিলেপিত ও শ্রীকৃষ্ণের শ্রদ্ধিল রসমৃগমদে চর্চিত । প্রচ্ছন্নমান তাঁহার বেনীধিত্যাস । আর রসশাস্ত্রে যাহাকে নাগিকার ধারাদীরাশ্রক গুণ বলে, তাহা তাঁহার উত্তমাজের পট্টবাস । অনুরাগ, তাঁহার অধরের তাম্বূল রাগ । প্রেম কোটিল্য, নয়নের কজ্জল । সুদীপ্ত সাত্বিক ভাব, হর্ষাদি সকারিত্যাব, ও কিল কিঞ্চিৎসিদ্ধি রসশাস্ত্রের বিংশতিভাব, তাঁহার শ্রীঅঙ্গের ভূষণ । ত্রৈলোক্যে বত গুণশ্রেণি আছে, তাহা তাঁহার অঙ্গের পুষ্পমালা । সৌভাগ্য রূপ চাকু তিলক ললাটে সমুজ্জল ; আর প্রেমবৈচিত্র্য রত্নাদিতে মণ্ডিত কলেবর । তিনি মধ্যবয়স্ক হইলেও কিশোরী । নিজাঙ্গ সৌরভ পর্য্যঙ্কে কৃষ্ণসীলা বিভাসিনী মনোবৃত্তি সখীনিচয়ে পরিবৃত্তা হইয়া শ্রীরাধিকা সদা শ্রীকৃষ্ণসঙ্গ চিন্তা করিতেছেন ; কৃষ্ণনামগুণবশঃ শ্রবণ এবং কীর্তন করিতেছেন । তিনি নিরন্তর ভগবান শ্রীকৃষ্ণকে উজ্জল রসের নাধুর্য্য

আশ্বাদন করাইতে যত্নবতী। রাধার শ্রায় সৌভাগ্যশালিনী কে? তাহার শ্রায় সুন্দরী ও কলাবতীই বা কে আছে? শ্রীরাধিকার গুণ শ্রীকৃষ্ণই সংখ্যা করিতে পারেন না; তা' জীব ছার কি বলিবে?

শ্রীগোরাঙ্গ উত্তর করিলেন, 'ইহাতে কৃষ্ণ হইতে কৃষ্ণলীলার গোরবই অধিক বুঝা যাইতেছে। লীলাময়ী শ্রীরাধিকা হইতে আনন্দস্বরূপ শ্রীকৃষ্ণ, লীলা সম্বন্ধীয় মধুররস আশ্বাদন করিয়া বিভোর হইতেছেন; তাহাতেই শ্রীরাধার এত গোরব। আচ্ছা এই যে কৃষ্ণলীলা মনোবৃত্তি রূপ সখীর কথা বলিলেন, ইহা কোন্ তত্ত্ব?'

রায় রামানন্দ বলিলেন যে, 'সৃষ্ট জীবকে স্বীয় আনন্দরস আশ্বাদন করান, লীলাপ্রকাশের যেমন এক উদ্দেশ্য; তেমনি লীলার উজ্জল মাধুর্য-রস আশ্বাদন করিয়া স্বকীয় পূর্ণানন্দকে উচ্ছ্বসিত করা, অপর উদ্দেশ্য। বিন্দু, সিদ্ধাসঙ্গমে যেমন সুখী হইবে, আবার সিদ্ধ ও বিন্দুর বিন্দু দান লইয়া ততোধিক সুখী হইবেন। জীবের প্রেম ভগবানে, ভগবানের প্রেম জীবের; এই বিনিময়ে কি অপূর্ণ আনন্দলহরীই উঠিয়া থাকে? পরা প্রকৃতি ও মহাভাবময়ী শ্রীরাধিকা ভিন্ন এই সুখলহরী তুলিতে কাহারও সাধ্য নাই। কিন্তু কৃষ্ণলীলার মহাভাবময়ীর বিকাশ তো সখীর সাহায্য ভিন্ন হইতে পারে না। মহাভাবকে পরিপুষ্ট করে কে? লীলাময়ের আনন্দ চিন্ময় রসের যত কিছু বৃত্তি আছে, তাহারা। মঙ্গল, সৌন্দর্য, শোভা, সৃষ্টি, সূভাব, সুহাস, প্রণয়, অনুকূলতা, প্রভৃতি যাহা কিছু লীলাময়ী সদ্বৃত্তি; তাহারাই নিরন্তর মহাভাবের পরিপোষিণী। যেমন ক্ষুদ্র ক্ষুদ্র তরঙ্গিনীমিলনে মহানদী পরিপুষ্ট হইয়া প্রধাবিতা হয়; তেমনি ক্ষুদ্র ক্ষুদ্র আনন্দ চিন্ময় ভাবলহরী মহাভাবে সঙ্গতা হইয়া উহাকে নিরন্তর সম্বর্দ্ধন করিয়া থাকে। আনন্দরসের এই সকল খণ্ডই ললিতাদি সখী প্রকৃতি। ইহারা মহাভাবময়ী শ্রীরাধিকার পরিবারবর্গ হইয়াও তাহা হইতে অভিন্নাত্মিক। বলিতে কি ই'হারই শ্রীরাধিকার কায়বূহ রূপিনী। রাধা-কৃষ্ণের সুখবিভূ স্বপ্রকাশ হইলেও চিদ্বিভূতিরূপিনী সখীদিগের সাহায্য ব্যতীত অণকালও রসপুষ্টি লাভ করিতে সমর্থ হয় না। ইহাই সখীতত্ত্ব বা গোপীতত্ত্ব।'

শ্রীচৈতন্য প্রেমবিস্মল বাক্যে বলিলেন, 'এ সকল তত্ত্ব ত শুনিলাম।'

এক্ষণে রাধাকৃষ্ণের প্রেম বিলাস বর্ণন করিয়া অভিলাষ পূর্ণ কর।'

রামানন্দ উত্তর করিলেন, 'শ্রীকৃষ্ণ ধীরললিত নায়ক ; তিনি নানা রসে রসিক, নিত্য নবীন, পরিহাস বিশারদ এবং সদানন্দ। যখন নবজলধর শ্রামস্থান অর্পূর্ব ভঙ্গিতে হৃদয়ে উদিত হইয়া থাকিতে থাকেন ; তখন কি আর গৃহে মন ফিরিতে চায় ? রাধা সঙ্গে নিরন্তর কামজীড়াই তাঁহার কার্য্য।'

শ্রীচৈতন্য বলিলেন, 'উত্তম কথা ; কিন্তু ইহার পর আর যদি কিছু থাকে, বর্ণনা করিয়া পরিতৃপ্ত কর।'

রায় উত্তর করিলেন, 'ইহার পর আর কি আছে জানি না ; তবে প্রেমের বিবর্ত বিলাস নামে যে এক লীলা আছে, তাহা শ্রবণে তুমি স্মৃতি হইবে কি না, বলিতে পারি না। এই পরিদৃশ্যমান ব্রহ্মাণ্ডহর্ম্যো লীলারূপী কামশিল্পী, পুরুষশ্রেষ্ঠ শ্রীকৃষ্ণের চিত্তজত্বতে শ্রীরাধিকার মহাভাবময়ী প্রকৃতিজত্ব যখন উভয়ের নবানুরাগরূপ হিঙ্গুল বর্ণ প্রেমাক্তি দ্বারা গলাইয়া অভিন্ন রূপে অনুরঞ্জিত করিয়া তুলে ; তখনই প্রেমের বিবর্ত বিলাস হয়। বর্ষাকালীন প্রগল্ভা নদীর গোরবর্ণ জল, জলধির স্ননীল জলে মিশিয়া একাকার হইয়াও ঈষৎ রেখায় প্রতীয়মান হইতে থাকে।' এই বলিয়া রামানন্দ রায় প্রেমভরে স্বরচিত এক গীত গাইলেন।

'পহিলি হি রাগ নয়নভঙ্গ ভেল ; অমুদিন বাঢ়ল, অবধি না গেল।
না সো রমণ, না হাম রমণী ; হুঁহ মনে মনোভব পেঞ্চল জানি। এ সখি ! সে
সব প্রেমকাহিনী ; কানুঠামে কহবি বিছুরল জানি। না খোঁজলু দূতি,
না খোঁজলু আন ; হুঁহকো মিলনে মধ্যোতে পাঁচ বাণ। অবশই বিরাগ
তুহু ভেলি দূতি ; সুপুরুষ প্রেমক ঐছন রীতি।'

এই গান শুনিতেই শ্রীচৈতন্য প্রেম বিহ্বলচিত্তে স্বহস্তে রাম রায়ের মুখ আচ্ছাদন করিলেন এবং প্রেমাবেগ সংযত হইলে কহিলেন, 'এখন কামতত্ত্ব কি ? বলিলেই সাধ্যানির্গম্য সমাপ্ত হয়।' রামানন্দ রায় উত্তর করিলেন, 'লীলা সুখ আশ্বাদন করিতে ভগবানের যে স্মৃতি কামনা, তাহারই নাম কাম। ইহা কেবল এক মহাভাবময়ী রাধিকাতেই পরিতৃপ্ত হয় ; অতএব তাহা তৃপ্ত হইতে পারে না। আমাদের ইন্দ্রিয়তৃপ্তির বাসনাকে কাম বলা যায় বটে ; কিন্তু তাহা আমাদের নরকের কারণ। ভগবৎসেবার জন্ত যে স্মৃতি বাসনা বা লোভ ; তাহার নাম 'কাম' নহে, উহা নির্মল প্রেম। জীবকে কামে মজার, প্রেমে ভজার। গোপীদিগের

থানাই তাঁহার সাহিত্য-জীবনের আরম্ভ। এই থানেই সম্পাদন কার্যে ব্যাপ্ত হন, এবং আমাদের অনুন্নয়নের গন্ধ নাই; “চৈতন্যচরিত ও চৈতন্য ধর্ম” প্রবন্ধ লিখিতে আরম্ভ করেন নোরাধিকার এই সমূহই এই “লীলামৃত” পুস্তকে পরিণত হইয়াছে। ইহার পুঙ্খনই তাঁহাকে দূত বাঙ্গলা পদ্যে অনুবাদ করেন, এবং রামমোহন রায় খানি ক্ষুদ্র পদ্য পুস্তিকা প্রকাশ করেন। ১৮৮৭ খ্রীঃ ১লা এপ্রিলে নাই। বেতন হয়। ১৩ই এপ্রিল (১৮৮৭) কুষ্টিয়া বদলি হন। ১৮৮৭ খ্রীঃ ১লা এপ্রিলে অক্টোবর কুষ্টিয়া হইতে নোয়াখালি গমন করেন। ১৮৯১ খ্রীঃ ২২রা রমিয়া যারি এক বৎসরের ফার্মে লইয়া কলিকাতা আসিয়া “লীলাসুত” করেন। তৎপরে দেশে বান এবং সে স্থল হইতে বহুদিনের বাসাইতেছ, করিতে ভারতবর্ষের নানা স্থান ভ্রমণ করিতে বহির্গত হন। ইংল্যান্ড। দেখিতে তাঁহার বড় সাধ ছিল; এই যাত্রায় তাহা দেখিলেন, এ লীলা; বোম্বে, পুনা, দিল্লি, আগ্রা, কাশী, বৃন্দাবন, ভারতের প্রধান প্র. দাস্ত স্থান পরিদর্শন করিলেন। ভ্রমণ-বৃত্তান্ত প্রকাশ করিতে তাঁহার। একান্ত ইচ্ছা ছিল, কিন্তু তাহা কার্যে পরিণত হইল না। বিধাইহা তার ইচ্ছা কে বুঝিবে, ভক্ত প্রাণ ভরিয়া সর্বস্থানে বিধাতার নাই। প্রচার করিয়া বহুদিনের মনের বাননা পূর্ণ করিয়া কলিকাতায় প্রত্যাগত হইলেন। ভারতভ্রমণে তাঁহার স্বাস্থ্য একেবারে ভগ্ন হইল, কলিকাতায় আসার পর উপর্যুপরি ৫ বার বক্তৃতার বেদনার ও অরে কাতর হইলেন। এক বৎসরের পর পুনঃ দুই বারে ৫ মাস বিদায় গ্রহণ করিলেন। কিন্তু বিধাতা শেষ বারের ৩ মাস ছুটি তাঁহাকে সম্ভোগ করিতে দিলেন না। পাছে গদগ্নেষ্ঠ তাঁহাকে অবিস্মাস করেন, এই জন্তই বুঝি বা, ভক্ত ২৫শে আষাঢ়, ৮ই জুলাই ১৮৯২ খ্রীঃ জীবনলীলা শেষ করিয়া অনন্ত-ধানে যাত্রা করিলেন।

ভক্ত জগদীশ্বর যে যে স্থানে গমন করিয়াছিলেন, আজ সে সকল স্থানেই হাহাকার উঠিয়াছে। কলিকাতা, ত্রিখণ্ড, বাগেরহাট, কুষ্টিয়া ও নোয়াখালির বন্ধুগণ আজ কাঁদিয়া আকুল হইতেছেন। ত্রিখণ্ডের অসমাপ্ত স্কুলগৃহ আজ চতুর্দিক শূন্য দেখিতেছে। কুষ্টিয়া ব্রাহ্মসমাজ-মন্দির ও স্কুলগৃহের ইষ্টকে ইষ্টকে জগদীশ্বর বাবুর নাম খোদিত রহিয়াছে। আজ তাঁহার পত্নী, বালা-সহচরী, যৌবনের সহায়, কাঁদিয়া ধরা সিক্ত করিতেছেন, আর আমাদের হৃৎ কে বর্ণনা করিতে সক্ষম? এত বিলাপধ্বনি শ্রবণ করিয়াও মহাধোয়ী

করিয়া গেল। আমি সেই ভীষণ ঋণানে মাতৃহীন হইয়া চাৰিদি
 রামানন্দ উত্তর নাম। কাঁদিয়া কাঁদিয়া সংসারের অনিত্যতা অনুভব করিতে লাগি-
 রসিক, নিত্য নর সোণার প্রতিমা, মাতৃদেহ, আশুক্ষ লম্বিত কেশদাম, সেই লাবণ্য
 শ্রামস্বন্দর অপূর্ববিনির্দিষ্ট সেই দম্পত্য, সেই শোভনীয় হৃদয় মুখন্ডল দেখিতে দেখিতে
 আর গৃহে মন স্থির হইয়া গেল। সেই মুরতিমোহন কত দিন হইল ধরাধাম পরিত্যাগ
 ক্রীচৈতন্য বা কিন্তু আজও আমার অন্তরে উজ্জ্বল রূপে সেই চিত্র জাগিতেছে। সেই
 বর্ণনা করিয়া গুঁঠিই আমার হৃদয়ের দেবতা, জীবনাকাশে আশা-নক্ষত্র। আমি বধূ
 রায় উত্তর নাম না আমার আত্মার নিভৃত স্থলে আসিয়া কত সান্দ্রনা দেন, কত নর
 প্রেমের বিবরণ শুনান। তাহা আর কেহ দেখিতে বা শুনিতে পায় না। ঋণানে
 স্মৃতি হইবে ক্রমা করিয়া কাঁদিতে কাঁদিতে বাড়িতে ফিরিয়া আসিলাম। ঘর বাড়ী
 আঁধার দেখিতে লাগিলাম। এই দিন হইতে সংসারটা আমার নিকট কে
 লীলারূপী হইয়া গেল।”

মহাভাবময় এই ধানে ধর্মের আরম্ভ, এই ধানেই বৈরাগ্যের অভ্যাস। কৃষ্ণনগর
 দ্বারা গিয়া হইতে ক্রমে ক্রমে তিনি এট্রাস, এল-এ, বি-এ, বি-এল, পরীক্ষায় উত্তীর্ণ
 বিলাস লেন। কলেজে থাকিতে থাকিতে তাঁহার মাতুল বুঝিয়াছিলেন, ভাগি-
 জলে য় পৌত্তলিক ধর্ম রক্ষা করিবে না। কলেজে থাকার সময় এ জন্ত
 থাকে শ্রম বাবুকে অনেক সময়ে অনেক নির্যাতন ও তিরস্কার সহ করিতে হইত।
 গাই ছিল। একবার তাঁহাকে মাতুল বাড়ী হইতে বহিষ্কৃত পর্যন্ত হইতে হইয়াছিল।
 প্রবেশিকা পরীক্ষায় ১৪ টাকা এবং এল-এ পরীক্ষায় তিনি ২৫ বৃত্তি পাইয়া
 ছিলেন; নির্যাতনের সময় তাহা দ্বারাই চলিত। বি-এল পরীক্ষায় পা
 কিছু দিন কৃষ্ণনগর, তারপর দিনাজপুরে ওকালতি করেন। যে রোগে
 তাঁহার মর্ত্যলীলা শেষ হইয়াছে, দিনাজপুরে সেই বক্রত রোগের সূত্রপাত।
 দিনাজপুরে স্বাস্থ্যভঙ্গ হওয়ার মেদিনীপুর গেলেন। সেখানে ৪ বৎসর
 ওকালতি করিলেন। কিন্তু তাঁহার হৃদয়ে যে ধর্মবিশ্বাস বদ্ধমূল হইতেছিল,
 তাহার উত্তেজনায় তিনি দীর্ঘকাল ওকালতি করিতে পারিলেন না। এত
 পরিত্যাগ করিয়া মুন্সেফ লইলেন। ১৮৭৮ খ্রী: ২৮ সে অক্টোবর কাঁথি
 অস্থায়ী মুন্সেফ হন। কাঁথি, মেদিনীপুর, বাকুড়া, জাজপুর এতৃতি স্থানে
 কয়েক বার অস্থায়ী মুন্সেফ হওয়ার পর, ১৮৭৯ খ্রী: ১৬ই ডিসেম্বর ২০
 বেতনে নেলফামারীর স্থায়ী মুন্সেফ হইলেন। ১৮৮২ খ্রী: ২৭ এ ফেব্রুয়ারি
 কাঁটোয়ার দ্বিতীয় মুন্সেফ হন। এই বৎসর ১লা জুলাই ২৫০ বেতনে উন্নীত
 হন। ১৮৮৩ খ্রী: ইং জুন বংশোদ্ভূতের প্রধান বাগেরহাট বদাল হন।

নিঃস্বার্থ প্রেম কেবল কৃষ্ণকে সুখ দিতে । তাহাতে কামনার গন্ধ নাই ; সুতরাং উহা প্রেম । ভগবান্ বধন গোপীদিগের ও শ্রীরাধিকার এই সুনির্মল প্রেম আশ্বাদন জন্ত সুতীত্র লালসার্কুত হইলেন ; তখনই তাহাকে শৃঙ্গার রসরাজ মূর্তি বলা যায় ।’

শ্রীগোরাঙ্গ বলিলেন, ‘সাধ্যবস্ত এই পর্য্যন্তই, তাহাতে সন্দেহ নাই’ । তোমার অন্তর্গত্রে এ সব ‘বুঝিলাম’ । কিন্তু সাধন বিনা তো সাধ্যবস্ত লাভ হইতে পারে না ; অতএব কৃপা করিয়া উহা পাইবার উপায় বলিয়া দাও ?’

রামানন্দ উত্তর করিলেন, ‘আমি তোমার ক্রীড়ার পুতুল ; বা’ বলাইতেছ, তাই বলিতেছি । আমার মুখে তুমিই বক্তা ; আবার তুমিই শ্রোতা । সাধনের রহস্য কথা বর্ণন করি, শুন । রাধাকৃষ্ণের এই গুঢ় লীলা ; ঐশ্বর্য্য ভাবের তো কথাই নাই, মাধুর্য্য ভাবেও জানা যায় না । দাস্ত বাৎসল্যাদি ভাবেরও অগোচর । একমাত্র সখীদিগেরই ইহাতে অধিকার । সখীরাই এই লীলা পুষ্টি করিয়া বিস্তার করেন ; আবার তাহারাই ইহা আশ্বাদন করেন । সখীদিগের আনুগত্য ভিন্ন ইহা পাইবার উপায় নাই । পূর্বেই বলিয়াছি, সখীদিগের প্রেম, নিঃস্বার্থ । তাহার কৃষ্ণলীলার সুখ আশ্বাদন করিতে চাহেন না ; শ্রীকৃষ্ণের সঙ্গে রাধিকার মিলন করাইয়াই অধিক সুখ অনুভব করিয়া থাকেন । শ্রীরাধা ব্রজকুমুদবিধু শ্রীকৃষ্ণের প্রেম কল্ললতা ; আর সখীগণ সেই লতিকার পত্রপুষ্প । লীলামৃত জলে এই ‘লতিকা’ অভির্ষিক্ত হইলে, পল্লবাদি তাহাতেই সম্বদ্ধিত হইয়া থাকে ; তাহাদের জন্ত পৃথক্ সিঞ্চনের প্রয়োজন হয় না । এই নিঃস্বার্থ গোপীপ্রেম লাভ করিতে না পারিলে, রাধাকৃষ্ণের যুগল ভাব লাভের উপায়ান্তর নাই । বেদধর্ম্ম, লোকধর্ম্ম পরিত্যাগ করিয়া, জাতি, কুল, ধন, মান, ভয়ভাবনা, ঘোগ তপস্তার আশা ছাড়িয়া দিয়া, সুতীত্র অনু-রাগময়ী ভক্তিপথে সিদ্ধভাবময়ী কোন গোপীর ভাবে আপনাকে অনু-প্রাণিত করিয়া, তত্ত্ব গোপীভাবামৃত লাভ করিতে হয় । সাধক দেহে গোপীর সিদ্ধদেহ আরোপ করিয়া গোপীর আনুগত্য স্বীকার করিতে হয় । তবে কালে সিদ্ধিলাভ করিয়া রাধাকৃষ্ণের যুগল ভাব লাভে সমর্থ হইতে পারা যায় ।’

এবং প্রেমাবেশে উভয়ে গলাগলি করিয়া কঁাদিতে লাগিলেন । ভাবের জমাটে কোন্ দিক্ দিয়া রাত্রি পোহাইয়া গেল, কেহ বুঝিতে পারিলেন না । বিদায়কালে রামরায় বলিলেন, “যদি আমাকে কৃপা করিতে এখানে আসিয়াছ, তবে দিন দশ থাকিয়া আমার পামর মনকে পরিশুদ্ধ কর ।”

শ্রীচৈতন্য উত্তর করিলেন, “তোমার গুণ শ্রবণে যেমন আসিয়াছিলাম, তেমনি রাধাকৃষ্ণতত্ত্ব শুনিয়া কৃতার্থ হইলাম । বুঝিলাম, রাধাকৃষ্ণ প্রেমবসের তোমাতেই সীমা । দশদিন কি, আমি যত দিন বাঁচিব, তোমার সঙ্গ ছাড়িতে পারিব না । নীলাচলে হইজনে একত্র থাকিয়া মধুর কৃষ্ণ কথায় কাল কাটাইব । ইহার পর সেদিনকার জ্ঞাত রাজা রামানন্দ রায় বিদায় হইয়া গেলেন । পরদিন সন্ধ্যার পর উভয়ে আবার মিলিত হইলে অত্যাশ্চর্য কথাবার্তার পর শ্রীচৈতন্য জিজ্ঞাসা করিলেন, ‘বিদ্যা মধ্যে কোন্ বিদ্যা সার?’ রামানন্দ উত্তর করিলেন,—‘কৃষ্ণ ভাক্তি বিনা আর বিদ্যাই নাই ।’ শ্রীচৈতন্য জিজ্ঞাসা করিলেন ‘কোন্ কীর্তি বড়?’

উত্তর । কৃষ্ণভক্ত বলিয়া বার খ্যাতি ।

প্রশ্ন । শ্রেষ্ঠ সম্পত্তি কি ?

উত্তর । বা’র রাধাকৃষ্ণ প্রেম আছে, সেই সর্বাপেক্ষা ধনী ।

প্রশ্ন । হৃৎকের মধ্যে গুরুতর কি ?

উত্তর । কৃষ্ণভক্তি বিরহের ছায় আর হৃৎখ নাই ।

প্রশ্ন । মুক্তের মধ্যে শ্রেষ্ঠ কে ?

উত্তর । বাহার কৃষ্ণপ্রেম আছে ।

প্রশ্ন । গানের শ্রেষ্ঠ কি ?

উত্তর । রাধাকৃষ্ণের প্রেমকেলি গীত ।

প্রশ্ন । শ্রেয়ঃ কি ?

উত্তর । কৃষ্ণভক্তের সঙ্গ বিনা জীবের শ্রেয়ঃ নাই ।

প্রশ্ন । স্মৃতির মধ্যে শ্রেষ্ঠ কি ?

উত্তর । কৃষ্ণনামগুণ লীলাই প্রধান স্মরণ ।

প্রশ্ন । ধ্যেয়ের মধ্যে কি ধ্যান কর্তব্য ?

উত্তর । রাধাকৃষ্ণ পদাশুজ ধ্যান ।

প্রশ্ন । কোন্ স্থানে বাস কর্তব্য ?

উত্তর । ব্রজলীলার স্থানে ।

প্রশ্ন। শ্রেষ্ঠ শ্রবণ কি ?

উত্তর। রাধাকৃষ্ণের প্রেমলীলাই কর্ণরসায়ন।

প্রশ্ন। শ্রেষ্ঠ উপাস্ত্র কি ?

উত্তর। রাধাকৃষ্ণ—যুগল নাম।

প্রশ্ন। মুক্তিবাঞ্ছাকারী ও ভক্তিবাঞ্ছাকারীর মধ্যে প্রভেদ কি ?

উত্তর। যেমন স্থাবর দেহে ও দেবদেহে। অরসজ্ঞ কাক নিমের তিত্ত ফল খায়, আর রসজ্ঞ কোকিল আত্ম মুকুলের মাধুর্য্য পান করে; এই প্রভেদ।

এইরূপ কথাবার্তার পর নৃত্য কীর্তনে রজনী অবসান হইলে রামানন্দ রায় স্বস্থানে গমন করিলেন। আট দশ দিন এমন করিয়া কাটিয়া গেলে রামানন্দ রায় গৌরের প্রেমাবেগ ও অপূর্ণ ভাবলহরী বতই দেখিতে পাইলেন, ততই তাঁহার অলৌকিকত্বে বিশ্বাস করিতে লাগিলেন। এক দিন রাত্রিতে রামরায় গৌরচরণে নিবেদন করিলেন, “এই কয় দিনে কৃষ্ণ-তত্ত্ব, রাধাতত্ত্ব, লীলতত্ত্ব, প্রেমতত্ত্ব, রসতত্ত্ব, কত তত্ত্বই আমার হৃদয়ে প্রকাশিত হইল। আমি জন্মেও এত তত্ত্ব কখন জানিতাম না। বুঝিলাম, ভগবান্ নারায়ণ যেমন ব্রহ্মার হৃদয়ে বেদ প্রকাশ করিয়াছিলেন, তুমি কৃপা করিয়া অলক্ষ্যেতে এত তত্ত্ব আমার হৃদয়ে ক্ষুণ্ণ করিয়া দিয়াছ। এ শক্তি অন্তর্ধামী ভগবান্ ভিন্ন কাহারও নাই। তিনি বাহিরে কাহাকে কিছু না বলিয়া হৃদয়ে বস্তুতত্ত্ব উন্মোচিত করিয়া দেন। এখন আমার মনে একটা সংশয় উপস্থিত হইয়াছে; কৃপা করিয়া তাহা অপনয়ন করিয়া দাও।”

শ্রীচৈতন্য জিজ্ঞাসা করিলেন, “কি ?” রামানন্দ উত্তর করিলেন, “বলিয় ? প্রথমে তোমাকে সন্ন্যাসীরূপ দেখিয়াছিলাম। এখন দেখিতেছি যেন শ্রাম-রূপ। আর যখন তোমার সম্মুখে এক কাক্ষনময়ী পঞ্চালিকা রহিয়াছে; তাহার গৌরকান্তির আভাষ তোমার সর্বাঙ্গ আচ্ছাদিত। আবার দেখিতেছি, যেন তুমি বংশীবদন শ্রামসুন্দররূপে ভাবময় সচঞ্চল আঁখিতে আমাকে দেখিতেছ। ইহার কারণ কি ? আমাকে অকপট ভাট্টব বল। এ যে দেখি বড়ই চমৎকার !” গৌরচন্দ্র উত্তর করিলেন, “রাধাকৃষ্ণ তোমার কি না প্রগাঢ় প্রেম, সেই জন্ত এরূপ দেখিতেছ। প্রেমিক মহাজনগণ প্রেমনেত্রে স্থাবরজঙ্গমেও শ্রীকৃষ্ণমূর্তি দেখিতে পান। স্থাবর জঙ্গমের মূর্তি তাঁহাদের নেত্রগোচর হইলে, সর্বত্রই ইহঁদের ক্ষুরণ হইয়া থাকে। শুন নাই কি

শাস্ত্রে লিখিত আছে ভাগবতোক্তন ব্রহ্মরূপাধিষ্ঠানে সকলই পরিপূর্ণ দেখেন। তাঁহার নিকট তরুলতা, পত্রপুষ্প, সকলেই আপনাদের মধ্যে প্রকাশমান পরমেশ্বরকে দেখাইয়া দিয়া যেন মধুধারা বর্ষণ করিতে থাকে। তুমি রাধাকৃষ্ণের প্রেমিক ভক্ত; সর্বত্র রাধাকৃষ্ণ দর্শন করা তোমার পক্ষে কিছুই বিচিত্র নয়।

যখন এই আলাপ হইতেছিল, তখন উভয়েই প্রেমে ভরপুর। রামানন্দ কৃত্রিম কোপ প্রকাশিয়া বলিয়া উঠিলেন, ‘প্রভু! আমার কাছে আর চালাকি করিও না। আমি সব বুঝিয়াছি। শ্রীরাধিকার ভাবকান্তি অঙ্গীকার করিয়া গৃঢ়রূপে নিজ রস আন্বাদন করিবার জন্ত অবতীর্ণ হইয়া আনন্দে ত্রিভুবন প্রেমে ভাসাইলে। এখানে আমাকে উদ্ধার করিতে আনিয়া আবার কপট ব্যবহার করিতেছ কেন?’

গৌরচন্দ্র উচ্চহাস্ত করিয়া কহিলেন, ‘রামরায়! আমিও এক পাগল, আর তুমিও এক পাগল। আমরা উভয়েই সমান পাগল। আমার পাগলামি শুনিলে লোকে উপহাস করিবে, সে জন্ত কোথায়ও কিছু বলি না। তুমি ঠিক বলিয়াছ, আমার গৌরদেহ নয়; রাধাক্ষস্পর্শ জন্ত গৌরাক্ষ হইয়াছে। শ্রীরাধিকা তো ব্রজেশ্বরনন্দন বিনা আর কাহাকেও স্পর্শ করেন না। আমি তাঁহার ভাবে স্বীয় আত্মা অনুভাবিত করিয়া কৃষ্ণমাধুর্য্যরস আন্বাদন করিতেছি। এ কথা অন্যের নিকট গোপ্য হইলেও তোমার কাছে লুকাইতে পারি না। কথা গোপনে রাখিও, লোকে শুনিলে উপহাস করিবে।’ এই বলিয়া গৌরচন্দ্র নাকি রামানন্দকে রসরাজ, মহাভাব, হই রূপে বিবর্তিত অপূর্ণ রূপ দেখাইয়াছিলেন। রামানন্দ সেরূপ দেখিয়া মুচ্ছিত হইয়া ভূমিতে পড়িলে, গৌর তাঁহাকে জোড়ে করিয়া ধরিয়া রাখিলেন। মুচ্ছাবসানে রামানন্দ রায় গৌরের সম্মাসী রূপ দেখিয়া পূর্বদৃষ্ট রূপ স্বপ্ন দর্শনের স্থায় আশ্চর্য্য দর্শন ভাবিয়া বিস্মিত হইলেন।

এইরূপ প্রেমালোকে, রসলীলা ও তত্ত্ব বিচারে, অপরূপ দর্শনে, কৃষ্ণ-কথারঙ্গে, শ্রীচৈতন্য বিদ্যানগরে রাজা রামানন্দের সহিত দশরাত্রি অতিবাহিত করিলেন। কবিরাজ গোস্বামী বলিয়াছেন, তামা, কাঁশা, রূপা, সোনা, রত্ন চিস্তামণি মিশ্রিত কোন খনি পাইয়া খুঁড়িতে থাকিলে লোকে, যেমন ক্রমে ক্রমে উত্তম বস্তু লাভ করে; তেমনি রামানন্দ ও শ্রীচৈতন্যে এ কথা, ও কথা হইতে হইতে কতই মল্যবান তরুলতা আলোচিত হইয়া-

ছিল, তাহার সংখ্যা করা যায় না। দামোদর স্বরূপের কড়চা অমুসারে তিনি চরিতামূর্ত্তে বাহা লিখিয়াছেন, তাহারই ছায়া লইয়া এই পরিচ্ছেদের বৃত্তান্ত লিখিত হইল। রসরাজ মহাভাব মূর্ত্তি দর্শনে রামানন্দের মূর্ছা ও রাধাজ্ঞ স্পর্শনে গৌরচন্দ্রের আত্ম প্রকাশ সম্বন্ধে কথা বার্তা, কি ভাবে হইয়াছিল, তাহা স্মরনিক পাঠক আপন আপন আলোকে বুঝিয়া লইবেন।

দশম রাত্রির শেষে গৌরচন্দ্র রামানন্দের নিকট বিদায় চাহিয়া বলিলেন, 'তুমি বিষয় ছাড়িয়া নীলাচলে যাইবার উদ্যোগ কর; এদিকে আমিও তীর্থ ভ্রমণ করিয়া অচিরে তথায় প্রত্যাবর্ত্তন করিতেছি। উভয়ে এক সঙ্গে থাকিয়া নিরন্তর কৃষ্ণ আলাপনে সময় কাটাইব।' পরস্পর গাঢ় আলিঙ্গনের পর রামানন্দ রায় বিদায় হইয়া গেলে গৌরচন্দ্র শয়ন করিলেন এবং রজনী অবসানে শয্যা ত্যাগ করিয়া প্রাতঃকৃত্য সমাধানান্তে বিদ্যানগর পরিত্যাগ করিয়া প্রব্রজ্যায় চলিয়া গেলেন।

অষ্টম পরিচ্ছেদ ।

দক্ষিণাপথে—তীর্থ দর্শন ।

অতঃপর গৌরচন্দ্র যে সব তীর্থ দর্শন করিলেন, বৈষ্ণব গ্রন্থকারেরা তাহার আনুক্রমিক বর্ণনা করিতে পারেন নাই; সংক্ষিপ্ত রূপে ইতস্ততঃ উল্লেখ করিয়াছেন মাত্র। দাক্ষিণাত্য প্রদেশে তৎকালে কন্নী, জ্ঞানী, বোদ্ধ, রামানুজ সম্প্রদায়, শ্রীবৈষ্ণব, মধ্বাচার্য্যমূর্ত্তের তত্ত্ববাদী, প্রভৃতি বহুবিধ ধর্ম সম্প্রদায়ের পণ্ডিত ছিলেন। তাঁহাদের সকলকেই শ্রীচৈতন্য তর্কযুদ্ধে পরাস্ত করিয়া বৈষ্ণবধর্মের বিজয়নিশান উড্ডীন করিলেন। বিদ্যানগরের পর শ্রীচৈতন্য গৌতমীগঙ্গায় স্নান করিয়া মল্লিকার্জুন তীর্থে মহেশ মূর্ত্তি দর্শন করিলেন। গোদাবরীর নামান্তর গৌতমী। বোধ হয়, গোদাবরীর শাখান্তর বৈনগঙ্গাই এখানে গৌতমীগঙ্গা নামে অভিহিত হইয়াছে। তাহার পর তিনি আহোবালে নগরে যাইয়া রামানুজ প্রতিষ্ঠিত মঠ ও নৃসিংহ বিগ্রহ দর্শন করিয়া সিদ্ধবট নামক স্থানে রামসীতা দেখিলেন। সিদ্ধবটে একটা ব্রাহ্মণ তাঁহাকে অতিথি সংকার করিয়াছিল। এই ব্রাহ্মণ নিবস্তুর রামনাম জপ করিত। এখান হইতে গৌরচন্দ্র

স্বন্দক্ষেত্রে স্বন্দ দর্শন করিয়া ত্রিমঠে যাইয়া বামনমূর্তি দর্শন করিলেন। ত্রিমঠ হইতে তিনি পুনর্ব্বার সিদ্ধবটে আসিয়া তাঁহার পূর্ব্ব পরিচিত রামদ্বপী ব্রাহ্মণের গৃহে অতিথি হইলেন। কিন্তু এবারে এক আশ্চর্য্য দেখিলেন। ঐ বিপ্র তাহার পূর্ব্বাভ্যাস্ত রামনাম ছাড়িয়া এখন নিরন্তর কৃষ্ণনাম জপিতেছে। আহা! রাধে চৈতন্যদেব তাহাকে কারণ জিজ্ঞাসা করিলে ব্রাহ্মণ বলিল, “তোমার প্রথম দর্শনপ্রভাবে আমার চিরদিনের অভ্যাস যুচিয়া এই নূতন অভ্যাস হইয়াছে। তোমাকে কৃষ্ণনাম করিতে দেখিয়া আমি ইচ্ছা পূর্ব্বক একবার ‘কৃষ্ণ’ ‘কৃষ্ণ’ বলিয়াছিলাম। সেই হইতে রাম নামের পরিবর্তে আমার জিহ্বা হইতে কেবল কৃষ্ণনামই স্কুরিত হইতেছে ও আমার চিরকালের স্বভাব একেবারে অন্তর্হিত হইয়াছে।” এই বলিয়া ব্রাহ্মণ পরব্রহ্ম বাচক রামনামের ও কৃষ্ণনামের মহিমা ব্যাখ্যা করিয়া কৃষ্ণনামের গৌরবাধিক্য বর্ণন করিল এবং বিনীতভাবে নিবেদন করিল যে, “আপনাকে কৃষ্ণ স্বরূপ মনে হইতেছে।” তখন শ্রীচৈতন্য তাহাকে কৃপা করিয়া ভ্রমিতে ভ্রমিতে বৃদ্ধ কাশীতে আসিয়া শিব দর্শন করিলেন। এবং তথা হইতে নিকটবর্ত্তী কোন এক সম্ভ্রান্ত গ্রামে যাইয়া অবস্থিতি করিতে লাগিলেন। এই গ্রামে তৎকালে ব্রাহ্মণ সম্ভ্রম বহুবিধ লোকের বাস ছিল। তার্কিক, মীমাংসক, দার্শনিক, মায়াবাদী, স্মার্ত্ত, পৌরাণিক, প্রভৃতি নান্য পণ্ডিতগণ এখানে বিদ্যা চর্চা করিতেন। ইহা ভিন্ন এখানে বৌদ্ধদিগেরও এক আশ্রম ছিল। কথিত আছে, এই সকল পণ্ডিতদিগের সম্মে শ্রীচৈতন্যের তুমুল তর্কযুদ্ধ বাধিয়াছিল; এবং তিনি স্বীয় অসাধারণ শক্তিপ্রভাবে সকলকে পরাজিত করিয়া স্বমতে আনিতে সক্ষম হইয়াছিলেন। গৌরের অসাধারণ সৌন্দর্য্য ও প্রেমাবেশ দেখিয়া লক্ষ লক্ষ লোক বৈষ্ণবধর্ম্ম অবলম্বন করিল। ইহা শুনিয়া বৌদ্ধাচার্য্য বিচারজিগীষু হইয়া স্পষ্ট সহকারে গৌরের নিকট আসিয়া নব প্রশ্ন করিলেন। তাঁহার নব প্রশ্নের বিচার্য্য বিষয় এই :—

- ১। ঈশ্বর জগতের স্রষ্টা নহেন, তিনি অনন্ত জ্ঞানবস্ত্ত মাত্র।
 - ২। ‘জগতের অস্তিত্ব নাই, ইহা অবিদ্যা সমুৎপন্ন।
 - ৩। অহং তত্ত্ব কি?
 - ৪। পরলোকের অস্তিত্ব সম্ভবে কি না?
 - ৫। বুদ্ধ দৃষ্টি লাভের উপায় কি?
 - ৬। নির্ব্বাণতত্ত্ব কি?
 - ৭। বৌদ্ধ দর্শন।
 - ৮। বেদাদি অপৌরুষেয় কি রূপে?
 - ৯। সত্ত্ব ও নিগুণবাদের প্রকৃতি কি?
- লিখিত আছে

যে, শ্রীচৈতন্য স্বীয় অসাধারণ তর্কশক্তি প্রভাবে এই সকল জটিল প্রশ্নের উত্তর দিয়া বুদ্ধমতকে খণ্ড বিখণ্ড করিয়া ফেলিয়াছিলেন। দেখিয়া শুনিয়া উপস্থিত পণ্ডিতমণ্ডলী অবাক্ হইয়া গেলেন এবং বৌদ্ধাচার্য্য লজ্জায় অধোবদন হইলেন। গৌরের বিষ্ণুভক্তির কথা শুনিয়া কতকগুলি দুষ্ট বুদ্ধ তর্কে হারিয়া গিয়া তাঁহাকে জয় করিবার মানসে নিভৃতে যুক্তি করিয়া এক থালিতে কতক অপবিত্র অন্ন পূর্ণ করিয়া তাঁহাকে থাইতে দিতে আনিতেছিল। কিন্তু বিধাতার কি আশ্চর্য্য লীলা! হঠাৎ এক বৃহদাকার পক্ষী আসিয়া ঠোঁটে করিয়া সেই থালি উর্দ্ধে তুলিতে গেলে বৌদ্ধাচার্য্যের মাথায় পড়িল। থালিখানি তেরুছে পড়াতে আচার্য্যের মাথা ফাটিয়া রক্ত পড়িতে লাগিল; আচার্য্য ধরায় পড়িয়া মূচ্ছিত হইলেন। বুদ্ধগণ হাহাকার করিয়া কাঁদিতে লাগিল এবং শ্রীচৈতন্যের কোপে ঐরূপ হইয়াছে, মনে করিয়া তাঁহার চরণে ধরিয়া মিনতি করিয়া তাহাদের গুরুকে বাঁচাইতে বলিতে লাগিল। গৌর তাহাদিগকে আচার্য্যের কর্ণমূলে উচ্চৈঃস্বরে রামকৃষ্ণ, হরিনাম, উচ্চারণ করিতে বলিলে তাহারা ঐরূপ করিল। তখন বৌদ্ধাচার্য্য চৈতন্য লাভ করিয়া গৌরকে বিনয় মিনতি করিতে লাগিলেন। দর্শকমণ্ডলী দেখিয়া বিস্মিত হইল। এই প্রস্তাবের মূলে কতটুকু সত্য আছে, জানি না। কবিরাজ গোস্বামী মহাশয় বাহা লিখিয়াছেন; তাহাই এখানে উল্লিখিত হইল।

মহাপ্রভু উপরোক্ত স্থান হইতে ত্রিপদী জিম্মে বাইয়া চতুর্ভুজ বিষ্ণু বিগ্রহ দর্শন করিয়া ব্যক্টগিরি হইয়া ত্রিপদী নগরে রামসীতা দেখিতে পাইলেন। মাদ্রাজের উত্তর পশ্চিমে ত্রিপতির পর্বত। ইহারই শৃঙ্গ বিশেষের নাম ব্যক্টাডি। ব্যক্টগিরি মাদ্রাজের ৩৬ ক্রোশ উত্তরে অবস্থিত। শকাব্দ একাদশ শতাব্দীতে এখানে রামানুজাচার্য্য শিবমন্দির অধিকার করিয়া বিষ্ণুবিগ্রহ স্থাপিত করেন। ত্রিপদীনগর ত্রিপতির পাহাড়ে অবস্থিত। এখানেও রামানুজ প্রতিষ্ঠিত রামমূর্তি রহিয়াছে। তাহার পর গৌরচন্দ্র পানা নরসিংহ দর্শন করিয়া শিবকাঞ্চী ও বিষ্ণুকাঞ্চীতে আসিয়া শিবপার্বতী ও লক্ষ্মীনারায়ণ দেখিতে পাইলেন। মাদ্রাজের দক্ষিণ পশ্চিম কোণে বর্তমান চিম্বলপট্ট জেলায় পেলার নদীর তীরে কঞ্জীভরম বা কাঞ্চীপুরম নগর এখনও বর্তমান রহিয়াছে। ইহাকেই বৈষ্ণবগ্রন্থে শিবকাঞ্চী ও বিষ্ণুকাঞ্চী নামে অভিহিত করা হইয়াছে।

ইহার পর শ্রীগোরাঙ্গ মাজারের দক্ষিণ পশ্চিম বর্তমান চিঙ্গলপট্ট ও আর্কট জেলার স্থানে স্থানে এই সকল তীর্থ দর্শন করিলেন, যথা; ত্রিমল্ল, ত্রিকালহন্তী, পক্ষতীর্থ, বৃদ্ধকাল, পীতাম্বর ও শিয়ালী ভৈরবী। তাজোরের উত্তরপূর্বে শিয়ালী নগর দৃষ্ট হয়; এখানে ভৈরবীর মূর্তি আছে। অনন্তর শচীনন্দন কাবেরী নদীর তীরে মহাবন, দেবস্থান, প্রভৃতি স্থানে মহাদেব দর্শন করিয়া শৈবদিগকে বৈষ্ণব করিলেন এবং ক্রমে ক্রমে কুম্ভকর্ণ তীর্থ, পাপনাশন তীর্থ প্রভৃতি দর্শন করিয়া শ্রীরঙ্গক্ষেত্রে আসিয়া রঙ্গনাথ দর্শন করিয়া প্রেমে বিহ্বল হইলেন। মাহুরার পূর্বদিকে শ্রীরঙ্গ দ্বীপ কাবেরী নদীর দুইটা শাখা দ্বারা পরিবেষ্টিত। কথিত আছে যে, রামানুজাচার্য্য কর্তৃক রঙ্গনাথ বিষ্ণুবিগ্রহ প্রতিষ্ঠিত হইয়াছিল। শ্রীরঙ্গ-দ্বীপ রামানুজ বৈষ্ণবদিগের প্রধান তীর্থস্থান। রঙ্গনাথের মন্দিরপ্রাঙ্গণে শ্রীচৈতন্য সংকীর্তন ও নৃত্য করিয়া প্রেমে বিহ্বল হইলেন দেখিয়া বেঙ্কট ভট্টনামে সেই স্থানবাসী জনৈক ব্রাহ্মণ গোরের প্রতি বড়ই আকৃষ্ট হইলেন; এবং কীর্তনাবসানে যত্নের সহিত তাঁহাকে নিমন্ত্রণ করিয়া স্বগৃহে লইয়া গেলেন। বেঙ্কটভট্ট শ্রীবৈষ্ণব সম্প্রদায়ভূক্ত, লক্ষ্মীনারায়ণ উপাসক। তাঁহার তিন সহোদর—ত্রিমল্ল ভট্ট, বেঙ্কট ভট্ট ও শ্রীপ্রবোধানন্দ সরস্বতী। বেঙ্কটের পুত্র গোপাল ভট্ট তৎকালে বালক ছিলেন। শ্রীচৈতন্যের প্রেম-চেষ্টা দেখিয়া বেঙ্কট এতই মুগ্ধ হইলেন যে, ভোজনান্তে তাঁহাকে বলিলেন ‘সম্প্রতি বর্ষাকাল উপস্থিত। এই চাতুর্মাসে তীর্থ পর্য্যটন অসম্ভব। অতএব আমি নিবেদন করি যে, এই চারিমাস আপনি এখানে থাকিয়া সুখে সময়ান্তিপাত করুন।’ শ্রীচৈতন্য তাঁহার প্রস্তাবে সম্মত হইলে বেঙ্কট ভট্ট নিজগৃহে তাঁহার বাসস্থানাদি নির্দিষ্ট করিয়া দিয়া অতিভক্তির সহিত গোরের সেবা করিতে লাগিলেন। শ্রীচৈতন্য ভট্টগৃহে চারিমাস কাল সুখে অবস্থিতি করিতে লাগিলেন। প্রাতঃকালে কাবেরীতে স্নান করিয়া রঙ্গনাথ দর্শন করা, দুই সন্ধ্যায় সেখানে হরিনাম সংকীর্তন ও নৃত্যাদি বিলাস করা, ভট্টের সহিত ভগবদ্বিব্যক কথোপকথন ও হস্ত পরিহাস করা, তাঁহার দৈনন্দিন কার্য্যের মধ্যে পরিগণিত হইল। বেঙ্কটভট্টের স্বগোষ্ঠিবর্গ গোরের অলৌকিক চরিত্র যতই দেখিতে লাগিল, ততই তাহাদের তাঁহার প্রতি গভীর ভক্তি হইতে লাগিল। গ্রামস্থ ব্রাহ্মণসম্প্রদায় ও অপরাপর লোক তাঁহার মধুর আবেশে মুগ্ধ হইয়া কতই স্মরণীয় কথিত লাগিলেন। ক্রমে ক্রমে

সকলেই কৃষ্ণভক্তি লাভ করিয়া হরিসঙ্কীর্ণনে উন্মত্ত হইয়া গেল। শ্রীরঙ্গ-
ক্ষেত্রের ব্রাহ্মণগণ শ্রীচৈতন্যকে স্বয়ংগৃহে আহ্বানের নিমন্ত্রণ করিতে লাগিলেন।
কিন্তু অবশেষে নিমন্ত্রণ সংখ্যা এতই অধিক হইয়া পড়িল যে, চারি মাসকাল
এক এক দিন করিয়া খাইয়াও গৌরচন্দ্র সকল নিমন্ত্রণ রক্ষা করিয়া উঠিতে
পারিলেন না। বালক গোপাল ভট্ট সর্বদা গৌরের সঙ্গে কালযাপন
করিভেন ও তাঁহার ইচ্ছা প্রতিপালনে তৎপর থাকিভেন। থাকিতে থাকিতে
গৌরের অপরূপ রূপমাধুরী, অলৌকিক প্রেমভক্তি এবং স্নমধুর ব্যবহার
তাঁহার শৈশব অন্তঃকরণে চিরসুদৃষ্টি হইয়া গেল, আর অপনোত হইল না।
ইহার পর ইনি পিতা মাতার স্বর্গারোহণে গৃহ, পরিজন ছাড়িয়া সম্পূর্ণরূপে
চৈতন্যচরণ আশ্রয় করিয়াছিলেন এবং বৃন্দাবনে বাইয়া রূপসনাতনের সঙ্গে
মিলিত হইয়া ধর্মচর্চায় অবশিষ্ট জীবন অতিবাহিত করিয়াছিলেন। বৈষ্ণব
সমাজে গোপালভট্ট ছয় গোস্বামীর অন্ততম গোস্বামীরূপে পূজিত হইয়া
আসিতেছেন।

রঙ্গনাথের মন্দিরে এক ব্রাহ্মণ প্রতিদিন প্রাতে গীতা পাঠ করিত। ব্রাহ্মণ
মূর্খ, ব্যাকরণজ্ঞানে বঞ্চিত; বাহা উচ্চারণ করিত, সকলই অশুদ্ধ ও বিকৃত।
তাহা শুনিয়া কত লোক তাহাকে পরিহাস করিত, কেহ গালি দিত ও
নিন্দা করিত। কিন্তু ব্রাহ্মণ সে সব গ্রাহ্য না করিয়া আবিষ্টচিত্তে অষ্টাদশ
অধ্যায় গীতা যতক্ষণ সমাপ্ত না হইত, ততক্ষণ পড়িতে ছাড়িত না। আরও
আশ্চর্য্য এই যে, সেই মূর্খ ব্রাহ্মণ বাহা পড়িত, তাহার এক বর্ণও সে যে
বুঝিতে পারিত, তাহার পাঠ শুনিয়া ইহা কেহই মনে করিতে পারিত না।
অথচ অধ্যয়নকালে তাহার নয়নাশ্রিতে বক্ষুঃস্থল ভিজিয়া যাইত; পূর্নকে
সর্বশরীর কণ্টকিত হইত; কম্প, হঙ্কার, স্বেদ, প্রভৃতি সাত্ত্বিক লক্ষণ সকল
দেখা যাইত। শ্রীচৈতন্য দেবালয়ে যাইয়া প্রতিদিন এই ব্যাপার দেখিয়া
বিস্মিত হইতেন। এক দিন তাহার পাঠ সমাপ্ত হইলে গৌর তাহাকে
নিভৃত স্থানে ডাকিয়া লইয়া জিজ্ঞাসা করিলেন, “আপনার গীতা পাঠে এত
সুখ হয়, ইহার কারণ কি? আপনি ইহার কি অর্থ আশ্বাদন করিয়া থাকেন?”
ব্রাহ্মণ উত্তর করিল, ‘আমি মূর্খ, শব্দার্থজ্ঞান আমার কিছুই নাই; অশুদ্ধ,
শুদ্ধ কিছুই জানি না। কিন্তু যতক্ষণ পড়িতে থাকি, ততক্ষণ দেখি যেন
অর্জুনের রথে শ্যামসুন্দর শ্রীকৃষ্ণ অশ্ববরা ধারণ করিয়া যুঁই মধুর বাক্যে
অর্জুনের হৃদয় পূর্ণ করিয়া দিতেছেন। তাহাকে দেখিয়া আমার আনন্দো-

ছায়া হয়। এই জন্ত লোকের উপহাস সহিয়াও আনি গীতা পাঠ ছাড়িতে পারি না।”

শ্রীচৈতন্য ব্রাহ্মণের এই সরল ও অকৃত্রিম বিশ্বাসের কথা শুনিয়া আনন্দিত হইয়া বলিলেন “গীতাপাঠ আপনারই সার্থক ! ইহাতে আপনিই শ্রেষ্ঠ অধিকারী” । এই বলিয়া ব্রাহ্মণকে গাঢ় আলিঙ্গন করিলেন । শ্রীচৈতন্যের প্রেমালিঙ্গন পাইয়া ব্রাহ্মণের ভাবসিন্দু উখলিয়া উঠিল ; তাহার মন নির্দ্বন্দ্ব হইল এবং গৌরের মহিমা বুদ্ধিতে পারিয়া চারি মাস কাল ছায়ার আঁহা তাঁহার সঙ্গে সঙ্গে থাকিয়া কৃতার্থ হইয়া গেল ।

বেঙ্কট ভট্টের সঙ্গে গৌরের সখ্যতাব দিন দিন গাঢ়তর হইতে লাগিল । বেঙ্কট এক জন সোজা লোক ; লক্ষ্মীনারায়ণে অগাধ বিশ্বাসী । গৌরচন্দ্র তাঁহার সঙ্গে সময়ে সময়ে কত পরিহাসই করিতেন । এক দিন তিনি হাসিতে হাসিতে ভট্টকে জিজ্ঞাসা করিলেন, “তোমার লক্ষ্মী ঠাকুরাণী বিষ্ণুর বক্ষঃস্থিতা পতিব্রতা শিরোমণি হইয়াও গোয়ালার ছেলে কুককে কেন ভজিতে চাহিয়াছিলেন ? আর ইহাতে তাঁহার পতিব্রত্য ধর্মই বা কিরূপে রক্ষা হইল ?” ভট্ট গম্ভীরভাবে উত্তর করিলেন, “কৃষ্ণ ও নারায়ণ একই তত্ত্ব । কেবল কৃষ্ণেতে লীলাধিক্য, এই মাত্র । ইহাতে লক্ষ্মী নারায়ণের ভার্য্যা হইয়াও কৃষ্ণ ভজন করিতে চাহিলে তাঁহার পতিব্রত্য ধর্মের হানি হইতে পারে না । আমার মোটা বুদ্ধিতে তো এই বুঝি ; ইহাতে পরিহাস করিতেছ কেন ?”

শ্রীচৈতন্য ততোধিক পরিহাসব্যঞ্জক ভাবে বলিলেন, “আচ্ছা তা যেন হ’লো ; কিন্তু শাস্ত্রে শুনিয়াছি যে, লক্ষ্মী কৃষ্ণসঙ্গে রাসকেলি করিতে অধিকার পান নাই । অথচ শ্রুতিগণ তপস্তা করিয়া রাসে অধিকারিণী হইয়াছিলেন । ইহার কারণ কি ?”

ভট্ট এবারে কিছু মুঞ্চিলে পড়িলেন ; দিশা না পাইয়া উত্তর করিলেন, “আমি অতি ক্ষুদ্র ব্যক্তি ; ভগবানের অগাধ লীলার কি বুঝি ? তুমি যদি বুঝাইয়া দাও, তবে কৃতার্থ হই।”

গৌরচন্দ্র হাসিতে হাসিতে বলিলেন, ‘শ্রীকৃষ্ণ বিগ্রহ মাধুর্য্য পূর্ণ ও সর্ব চিত্তাকর্ষক । ব্রহ্মাও মধ্যে এমন কেহ নাই যে, তাঁহাকে দেখিয়া স্থির থাকিতে পারে । অথচ মাধুর্য্যগুণে ব্রজবাসী জন, কখন পূজা জানে উত্তমের নীচে, কখন সখা জানে খেলার দারাইয়া কাঁধে

চড়ে, আবার কখন সামান্য নায়ক জ্ঞানে তাঁহাতে আসক্ত হয়; অথচ কেহই তাঁহাকে ঈশ্বর বলিয়া জানিতে পারে না। ব্রহ্মজন ভিন্ন এ লীলার অস্ত্রের অধিকার নাই। সেই ব্রহ্ম শ্রুতিগগকেও ব্রহ্মদেবীর শরীর লইয়া এই লীলা স্রুথের অধিকার লাভ করিতে হইয়াছিল। কিন্তু তোমার লক্ষ্মী ঠাকুরাণী তাহা না করিয়া দেবীদেহে রাসবিলাস অভিলাষ করিয়াছিলেন; তাহাতেই সিদ্ধকাম হইতে পারেন নাই। কৃষ্ণ আনার গোয়ালী; গোপীগণ তাঁহার প্রেমসী। দেবী বা অস্ত্র জ্যো, কৃষ্ণ অঙ্গীকার করেন না। এখন বুঝিলে তো, তোমার লক্ষ্মী কেন রাস গান নাই।”

বেঙ্কট ভট্টের মনে এত দিন এই অভিমান ছিল যে, নারায়ণই স্বয়ং ভগবান্ এবং তাঁহার ভজনেই সর্বশ্রেষ্ঠ। এক্ষণে গোবরের মুখে নারায়ণ হইতে শ্রীকৃষ্ণের গৌরবাধিক্য শুনিয়া তিনি ম্লানমুখে নীরব হইয়া থাকিলেন। শ্রীচৈতন্য তাঁহার মনের অবস্থা বুঝিয়া পরিহাসটীকে আরও গভীর করিবার জন্ত বলিলেন “ভট্টজি! সন্দেহ করিও না। শ্রীকৃষ্ণ পূর্ণ ভগবান্; নারায়ণ তাঁহার ঐশ্বর্যরূপ বিলাস বিগ্রহ মাত্র। শ্রীকৃষ্ণের এই অসাধারণত্ব হেতু নারায়ণের শক্তি লক্ষ্মীর কৃষ্ণের প্রতি এত তৃষ্ণা। অথচ নারায়ণ গোপীদিগের চিত্তাকর্ষণ করিতে একটুও সমর্থ নহেন। কোন সময়ে গোপীদিগকে কোতুক করিতে শ্রীকৃষ্ণ চতুর্ভুজ নারায়ণ বিগ্রহ ধরিয়াছিলেন। কিন্তু গোপীরা তাহা দেখিয়া মুখ কিরাইয়াছিলেন।

এই সব কথায় বেঙ্কট ভট্টের মুখ শুকাইয়া গেল এবং কৃষ্ণ অপেক্ষা স্বীয় অর্ভীষ্ট নারায়ণের অপকর্ষতা শুনিয়া তিনি মনে মনে বড়ই দুঃখিত হইলেন। পরম কারুণিক শ্রীচৈতন্য তাঁহার দুঃখ নিবারণ জন্ত পরিহাস রাখিয়া গভীরভাবে বলিলেন, “বন্ধো! দুঃখ করিও না; আমি তোমাকে পরিহাস করিয়াছি। নারায়ণে তোমার বেক্ষপ বিচলিত বিশ্বাস; তাহার ভূয়সী প্রশংসা না করিয়া থাকা যায় না। বাস্তবিক কথা এই যে, ঈশ্বরতত্ত্বে ভেদ বুদ্ধি করা মহা অপরাধের কথা। যেমন একই মণি আধারাদি ভেদে নীল, লোহিত, পীত, নানা বর্ণে সুরঞ্জিত হইয়া পৃথকরূপে শোভাধারণ করিয়া থাকে; তেমনি উপাসনাভেদে একই ভগবান্ নানা ভক্তের চিত্তে বিশ্বাসানুরূপ নানা রূপে প্রতিভাত হইয়া দেখা দেন। ইহাতে লক্ষ্মী ও গোপী, কৃষ্ণ ও নারায়ণে ভেদ করিবার কোন কারণ নাই। পরিহাস করিয়া তোমার প্রাণে কে কল্পে বিশ্বাস, তবুও সামান্য লক্ষ্মী কর

এই কথা শুনিয়া বেকট ভট্ট হর্ষোৎকুল নয়নে গৌরের প্রতি গভীর কৃতজ্ঞ হইয়া ও তাঁহার অসাধারণ ঐশ্বর্য উপলব্ধি করিয়া বলিলেন, “আমি অতি পাপের জীব ; ধন্য আমি যে লক্ষ্মী নারায়ণের কৃপায় তোমার এখানে শুভাগমন হইয়াছে । তুমি সাক্ষাৎ ঈশ্বর ; তা’ই কৃপা করিয়া আমাকে শ্রীকৃষ্ণের মহিমা ও ভক্তিতত্ত্ব শুনাইয়া কৃতার্থ করিলে ।” ভট্ট এই বলিয়া গৌরের চরণে পড়িলেন ও গৌরও তাঁহাকে আগ্নিঙ্গন দানে স্নান করিলেন ।

এইরূপে চাতুর্দশ পূর্ণ হইলে শ্রীগৌরান্ধ রঙ্গনাথ দর্শন করিয়া পুনরায় তীর্থ ভ্রমণে যাত্রা করিলেন । বেকটভট্ট সগোষ্ঠিবর্গে কাদিতে কাদিতে অনেক দূর তাঁহার অনুগমন করিলেন । তখন শ্রীচৈতন্য তাঁহাদিগকে সাস্থনা করিয়া গৃহে পাঠাইয়া দিলেন এবং নীলাঞ্জির শৃঙ্গ বিশেষ ঋষত পর্বতে আসিয়া নারায়ণ দর্শন করিলেন । এখানে আসিয়া গৌরচন্দ্র শুনিলেন যে, মাধবেন্দ্র পুরীর প্রধান শিষ্য ও তাঁহার গুরু ঈশ্বরপুরীর অধ্যাপক ভ্রাতা, পরমানন্দপুরী তথায় চাতুর্দশ বাপন করিতেছেন । গৌর অতি মাত্র ব্যগ্র হইয়া তাঁহার সহিত সাক্ষাৎ করিলেন এবং একত্র কৃষ্ণ-কথারঙ্গে তিন দিন বাপন করিলেন । পরমানন্দ পুরী বলিলেন, “আমি সম্প্রতি পুরুষোত্তম দেখিয়া বঙ্গদেশে গঙ্গান্নানে বাইব ।” গৌর বলিলেন, “আপনার নিকটে সর্বদা থাকিতে আমার ইচ্ছা ; আপনি আমার প্রতি সদয় হইয়া বঙ্গদেশ হইতে যদি পুরুষোত্তমে প্রত্যাবর্তন করেন ; তবে ভাল হয় । আমিও তত দিন সেতুবন্ধ হইতে ফিরিয়া আসিয়া আপনার সহিত মিলিত হইতে পারিব ।” ইহার পর পুরী মহাশয় পুরুষোত্তমে চলিয়া গেলেন এবং গৌরচন্দ্র শ্রীশৈলে আসিয়া শিবদুর্গা দর্শন করিয়া কামকোষ্ঠি বা বর্তমান কঙ্কুকোনম্ নগরে আসিয়া উপনীত হইলেন । এই নগর তাম্রোলের উত্তর পূর্বে অবস্থিত এবং একটা প্রসিদ্ধ তীর্থ স্থান । ইহা প্রাচীন কোল রাজ্যের রাজধানী ছিল । কামকোষ্ঠি হইতে গৌরচন্দ্র দক্ষিণ-মথুরা বা মাছুরা নগরে আসিয়া উপনীত হইলেন । এই নগর ভীমে নদীর তীরে । কিন্তু বৈষ্ণব কৃবি লিখিয়াছেন যে, এখানে গৌরচন্দ্র কৃতমালা নামক নদীতে স্নানাবস্নাহন করিয়াছিলেন । বোধ হয়, ভীমের নামই কৃতমালা হইবে । সে যাহা হউক, এই নগরে একটা রামভক্ত ব্রাহ্মণ গৌরকে সাদরে নিমন্ত্রণ করিয়া স্বভাবনে লইয়া গিয়া বেলা দুই প্রহর পর্যন্ত পাকা-দির কোনই আয়োজন করিলেন না । তা’ই দেখিয়া শ্রীচৈতন্য বিজ্ঞানী

করিলেন, ‘পাক হইল না কেন?’ ব্রাহ্মণ রামভাবে বিভোর ছিলেন, উত্তর করিলেন, ‘কি করিব মহাশয়! আমার অরণ্যে বাস, বনের মধ্যে তো পাক সামগ্রী কিছু পাওয়া যায় না। লক্ষ্মণ বস্ত্রশাক, ফল মূল, আনিতে গিয়াছেন; আসিলে সীতা ঠাকুরাণী রন্ধন করিবেন।’ গৌরচন্দ্র তাঁহার উপাসনার ভাব দেখিয়া বড়ই সুখী হইলেন। তখন ব্রাহ্মণ আন্তেব্যস্তে পাক করিয়া অতিথিকে ভোজন করাইয়া নিজে উপবাসী থাকিলেন। গৌর সুখাইলে তিনি কাদিতে কাদিতে বলিতে লাগিলেন যে, “জগন্নাথ জগৎলক্ষ্মী সীতাদেবীকে রাক্ষসে স্পর্শ করিয়াছে; এও কি প্রাণে সয়? আমার জীবনে কাজ নাই, জলে প্রবেশিয়া মরিব?” চৈতন্যদেব তাঁহাকে সান্ত্বনা দিবার জন্য বলিলেন, “আপনার বুকিবার ভুল হইয়াছে; সীতার মূর্ত্তি প্রাকৃত নয়; উহা চিদানন্দময়ী। তাহা স্পর্শ করিবার শক্তি দূরে থাকুক, প্রাকৃত চক্ষু দর্শন করিতে সমর্থ নহে। রাবণের সাধ্য কি সীতাকে হরণ করিতে? সে সীতাকে স্পর্শ করিতে গেলে সীতা অন্তর্দ্বান হইয়া ছিলেন। মায়াময়ী সীতাকৃতি রাবণ ছুঁইয়াছিল মাত্র। আমার এই ব্যাখ্যা ঠিক; আপনি বিশ্বাস করিয়া হৃৎক দূর করুন।” ব্রাহ্মণ আশ্বস্ত হইলে গৌরচন্দ্র হুর্কেনন নগরীতে রঘুনাথ, মহেন্দ্রশৈলে পরশুরাম দেখিয়া সেতুবন্ধে বাইরা ধনুতীরে স্নান করিলেন। কৃতমালার সাগরসঙ্গম স্থানে সেতুবন্ধ অবস্থিত। সেখানে নৌকায় উঠিয়া ধনুঃ প্রণালী পার হইরা রামেশ্বর দ্বীপে যাইতে হয়। গৌরচন্দ্র রামেশ্বর শিব দর্শন করিয়া বিশ্রামান্তে বিপ্লবভায় কূর্ণ পুরাণ শুনিত গেলেন। সেখানে পতিব্রতের উপাখ্যান মধ্যে রাবণ কর্তৃক মারা সীতাহরণ বৃত্তান্ত শুনিয়া ও নিজের ব্যাখ্যার পোষক প্রমাণ পাইয়া তাঁহার পরিচিত রামভক্ত ব্রাহ্মণের জন্য সেই পুষ্টি সংগ্রহ করিয়া লইলেন। তদন্তর তিনি পুনরায় দক্ষিণ মথুরায় আসিয়া সেই পুস্তক রামদাসকে দিলে তিনি অতি আনন্দিত হইলেন এবং নানা প্রকারে গৌরচন্দ্রের স্তুত করিয়া সেদিন অতিথি সৎকার করিয়া তাঁহাকে বিদায় দিলেন। ত্রিচৈতন্য এখন তাত্রপর্ণী নদীর তীরে তীরে পাণ্ডা রাজ্য ভ্রমণ করিতে লাগিলেন। এই রাজ্য বর্তমান টিনিভেলী জেলার অন্তর্গত; দক্ষিণমথুরা উহার রাজধানী ছিল। এই স্থানে বহুতর হিন্দুকীর্তি এখনও বিদ্যমান রহিয়াছে। তৎপরে গৌরচন্দ্র এই সব স্থান দেখিলেন;—

নয় ত্রিপদী, চিরডালা, তিলকাণ্ডী, গজেন্দ্র মোক্ষণ, পানাগড়ি, চামতা-

পুর, শ্রীবৈকুণ্ঠ, মলয়পর্বতে অগস্ত্যাশ্রম, কঙ্কাকুমারী এবং আমলীতলা। ইহার পরে শ্রীচৈতন্য মালাবর উপকূলে মল্লার বা মালাবর দেশে আগমন করিলেন। এই দেশ এখন মাল্ভাজ প্রেসিডেন্সীর একটি জেলা; প্রধান নগর কালীকট। এখানে আসিলে গৌরের একটি বিপদ উপস্থিত হইল। তৎকালে এ দেশে ভট্টমারী বা ভট্ঠহরি নামে এক ধর্ম সম্প্রদায় ছিল। উহারা ভট্ঠহরিকে স্বীয় সম্প্রদায় প্রবর্তক বলিয়া স্বীকার করে এবং স্ত্রী, পুত্র, অশ্বাদি পশু এবং অস্ত্র শস্ত্র লইয়া দেশে দেশে ভ্রমণ করিয়া বেড়ায়। পার্থক্য মহাশয়ের স্মরণ আছে যে, শ্রীচৈতন্যের সঙ্গে কৃষ্ণদাস নামে এক ব্রাহ্মণ আসিয়াছিল। ভট্টমারীগণ তাহাকে সুন্দরী স্ত্রীর সহিত বিবাহ দিয়া খন ঐশ্বর্য্য দিবে বলিয়া ভুগাইয়া আপনাদের দল মধ্যে আনিয়া রাখিয়া ছিল। শ্রীচৈতন্য জানিতে পারিয়া ভট্টমারীদিগের আড্ডায় গিয়া বলিলেন, “দেখ তোমরাও সন্ন্যাসী, আমিও সন্ন্যাসী। তবে আমার ব্রাহ্মণকে তোমরা আটকাইয়া রাখ; এ কি ভাল হয়?” এই কথা শুনিয়া দম্য প্রকৃতি ভট্টমারীগণ অস্ত্র শস্ত্র লইয়া তাঁহাকে মারিতে আক্রমণ করিল। কিন্তু কে জানে কি আশ্চর্য্য! তাহাদের অস্ত্র সকল হাতে হইতে পড়িয়া পরস্পরের গায়ে আঘাত লাগিল। ইহাতে ভট্টমারীগণ কে কোন্ দিকে পলাইতে লাগিল। তাহাদের স্ত্রী পুত্র কাঁদিয়া ব্যাকুল হইল; একটা মহা হুলস্থূল পড়িয়া গেল। এই সুযোগে শ্রীচৈতন্য কৃষ্ণদাসকে দেখিতে পাইয়া চুপে ধরিয়া বলে টানিয়া লইয়া দৌড়িতে লাগিলেন এবং সেই দিনেই পরশ্বিনী বা পাপনাশিনী নদীর তীরস্থ কোন ভদ্র গ্রামে বাইয়া আশ্রয় লইলেন। এই স্থানে আদিকেশবমন্দিরে শ্রীচৈতন্য নৃত্যকীর্ত্তন করিলে তাঁহার ভক্তিভাব দেখিয়া বহু লোক তাঁহার প্রতি আকৃষ্ট হইল। এখানে তিনি “ব্রহ্মসংহিতা” নামক ভক্তিপূর্ণ এক আধ্যাত্মিক গ্রন্থ পাইয়া অতি যত্নের সহিত লেখাইয়া লইলেন। পরবর্ত্তী সময়ে এই গ্রন্থ ও কৃষ্ণকর্ণামৃত তাঁহার ধর্ম প্রচার পক্ষে অমোঘাস্ত্র হইয়াছিল। ব্রহ্মসংহিতায় গোবিন্দমহিমা ও কৃষ্ণতত্ত্ব অতি বিশদরূপে বর্ণিত আছে। “ঈশ্বরঃ পরমঃ কৃষ্ণঃ সচ্চিদানন্দবিগ্রহঃ” ইত্যাদি শ্লোক ব্রহ্মসংহিতার। হৃৎখের বিষয় যে, এমন মূল্যবান গ্রন্থের প্রথম পাঁচ অধ্যায় ভিন্ন অবশিষ্টাংশ এখন পাওয়া যায় না। তৎপরে গৌরচন্দ্র মধ্বাচার্য্যের দীক্ষা স্থান অনন্তপদ্মনাভে আসিয়া অনুভূতধর শিব দেখিলেন এবং

তথা হইতে শ্রীজনার্দন দেধিয়া পরোক্ষি বা পুষ্টি নামক শ্রীমন্মধ্বাচার্য্যের প্রতিষ্ঠিত দেবস্থানে আসিলেন। ইহার পরে তিনি শৃঙ্গগিরি বা শৃঙ্গপুরে শঙ্করাচার্য্যের প্রতিষ্ঠিত শিংহারী মঠে আসিলেন। এই স্থান কোচিন দেশে তুঙ্গভদ্রা নদী তীরে অবস্থিত এবং এখানে শঙ্করাচার্য্য সরস্বতীর পাদ-
 পীঠের নিকট ভারতী সম্প্রদায় সৃষ্টি করিয়াছিলেন। ইহার পর শ্রীগোরাঙ্গ তুলব দেশে চতুঃসন সম্প্রদায় প্রবর্তক শ্রীমন্মধ্বাচার্য্যের প্রধান স্থান উদিপী নগরে আসিয়া উড়ুপ কৃষ্ণ দর্শন করিয়া স্থায়ী হইলেন। এই স্থান সমুদ্র হইতে ১৥ ক্রোশ দূরে। উড়ুপ কৃষ্ণ সম্বন্ধে কিম্বদন্তী আছে যে, কোন বণিকের অর্ণবপোত হারিকা হইতে আসিতে তুলব দেশের উপকূলে সমুদ্রমধ্যে জলমগ্ন হয়। এই পোতে গোপীচন্দন মূর্তিকার মধ্যে বাল গোপাল মূর্তি লুক্কায়িত ছিল। মধ্বাচার্য্যকে স্বপ্নাদেশ হওয়ায় তিনি উহা আনিয়া উদিপী নগরে প্রতিষ্ঠিত করেন। মধ্বাচার্য্যের অমুর্ষবর্তীগণকে তত্ত্ববাদী বলা যায়। তত্ত্ববাদীগণ গৌরকে মার্য্যবাদী সন্ন্যাসী জ্ঞানে প্রথমে বড় একটা গ্রাহ করে নাই; পরে তাঁহার প্রেমভক্তির প্রভাব দেধিয়া সম্মান করিয়াছিল। শ্রীচৈতন্য তাঁহাদিগকে সাধ্য সাধন তত্ত্ব জিজ্ঞাসা করিলে তত্ত্বাচার্য্য কহিলেন, “শ্রীকৃষ্ণে কন্মার্পণ করিয়া পঞ্চবিধ মুক্তি লাভ করাই শ্রেষ্ঠ সাধন।” গৌর তাঁহাদিগকে শাস্ত্রাদি প্রমাণ দ্বারা বুঝাইয়া দিলেন যে, কৃষ্ণ ভক্তের পক্ষে কন্ম ও মুক্তি দুইই পরিত্যাজ্য। শ্রবণ কীর্তনাদি নববিধ ভক্তিযোগে প্রেম ও সেবা লাভই পরম সাধন। তত্ত্ববাদীগণ বিচারে পরাস্ত হইয়া তাঁহার শরণাগত হইলেন। ইহার পর গৌরচন্দ্র নিম্নলিখিত তীর্থগুলি দর্শন করিলেন;—কল্কতীর্থ, ত্রিতকুপ বিশালা, পঞ্চাপসরা, গোকর্ণ শিব, দ্বৈপায়ণি, সুপারক, কোলাপুরের দেবালয়াদি এবং পাণ্ডুপুর বা পাণ্ডারপুর। পাণ্ডারপুর বর্তমান বোম্বাই প্রেসিডেন্সীর অন্তর্গত ভীম নদীর তীরে অবস্থিত। ইহা বিঠল বা বিধুল ভক্তদিগের প্রধান স্থান। এখানে বিঠল বা বিধুল দেবের মন্দির আছে। শ্রীগোরাঙ্গ ঐ মন্দিরে নৃত্য কীর্তন করিলেন। বিঠল-ভক্তগণ বিঠলদেবকে বিষ্ণুর নবম অবতার বুদ্ধদেব বলিয়া বিশ্বাস করেন। ইহাদিগকে এক প্রকার বৌদ্ধ বৈষ্ণব বলা যাইতে পারে। পুণ্ডলিক নামক ব্যক্তি এই সম্প্রদায়ের প্রবর্তক। এই সময়ে মাধবেন্দ্র পুরীর অগ্রতম শিষ্য শ্রীরঙ্গপুরী ঐ গ্রামে কোন ব্রাহ্মণ গৃহে অবস্থিতি করিতেছিলেন। শ্রীচৈতন্য এই শুভ বার্তা

পাইয়া ব্যাকুলান্তঃকরণে পুরীকে দর্শন করিলেন এবং প্রেমাবেশে তাঁহাকে সাষ্টাঙ্গ দণ্ডবৎ প্রণাম করিলেন । শ্রীরঙ্গপুরী গোরের প্রেম, পুলক, অশ্রু, কম্প, দেখিয়া প্রসন্ন চিত্তে বসিলেন, “শ্রীপাদ ! উঠ ; তোমাকে দেখিয়া মনে হইতেছে যে, আমার ইষ্টদেবের সহিত তোমার কোন সম্বন্ধ থাকিবে ; নইলে একরূপ প্রেম লক্ষণ তো অত্যন্ত সম্ভবে না।” শ্রীচৈতন্য বিনীত ভাবে ঈশ্বরপুরীর সম্বন্ধ জ্ঞাপন করিলে উভয়ে প্রেমানন্দে গলাগনি নৃত্য কীর্ত্তন ও ভাবাবেশে ক্রন্দন করিলেন । এক দিন শ্রীরঙ্গপুরী তাঁহার জন্মস্থান কোথায় ? জিজ্ঞাসা করিলে, তিনি নবদ্বীপের নাম করিলেন । পুরী উত্তর করিলেন, “আমি আমার গৌসায়ের সঙ্গে একবার নদীয়ার গিয়াছিলাম এবং জগন্নাথ মিশ্র নামক ব্রাহ্মণের গৃহে অতিথি হইয়াছিলাম । জগন্নাথ পত্নী শচীদেবী রন্ধন কার্য্যে অধিতীয়া । তিনি আমাদিগকে অপূর্ণ মোচার ঘণ্টা রাখিয়া খাওয়াইয়াছিলেন, তাহার আশ্বাদ এখনও ভুলিতে পারি নাই । আহা ! তাঁহাদের এক ষোণ্য পুত্র অতি অল্প বয়সে সন্ধ্যায় গ্রহণ করিয়া শঙ্করারণ্য নাম লইয়া দেশ পর্যাটন করিতে করিতে এই তীর্থে আসিয়া সিদ্ধি প্রাপ্ত হইরাছেন ।” শ্রীচৈতন্য উত্তর করিলেন, “পূর্বাশ্রমে শঙ্করারণ্য আমার ভ্রাতা এবং জগন্নাথ আমার পিতা ।” কৃষ্ণকথা আলাপনে ও এইরূপ প্রসঙ্গে পাঁচ সাত দিন কাটিয়া গেলে শ্রীরঙ্গপুরী দ্বারকা তীর্থে গমন করিলেন । শ্রীচৈতন্য গৃহস্থ ব্রাহ্মণের অমুরোধে আরও চারি দিন তথায় অবস্থিতি করিয়া পর্যাটনার্থে বহির্গত হইলেন এবং বর্তমান হাইদ্রাবাদ রাজ্যে কৃষ্ণবিদ্যা নদীর তীরে তীরে নানা দেশ ভ্রমণ করিতে লাগিলেন । কিছু দিন পরে তিনি এক গ্রামে আসিয়া ব্রাহ্মণমণ্ডলীর মধ্যে “কৃষ্ণকর্ণামৃত” নামক কৃষ্ণলীলা বিষয়ক মধুর গ্রন্থ অদীত হইতেছে, শুনিতে পাইয়া প্রেমে বিহ্বল হইলেন ; এবং অমুসন্ধানে গ্রন্থ কর্ত্তা বিলম্বজল ঠাকুরের জীবনের কথা শুনিতে পাইয়া আবিষ্ট হইলেন । অতি যত্নের সহিত তিনি ঐ গ্রন্থখানি সংগ্রহ করিয়া লইলেন । সিদ্ধান্ত বিষয়ক ব্রহ্ম সংহিতা এবং লীলা বিষয়ক কৃষ্ণকর্ণামৃত, এই দুই গ্রন্থ পাইয়া চৈতন্যদেব মহা আনন্দিত হইলেন এবং ভক্তদিগকে উপহার দিবেন বলিয়া অতি যত্নের সহিত রাখিয়া দিলেন । তৎপরে তিনি কৃষ্ণার তীর হইতে উত্তর পশ্চিমাভিমুখে নানা রাজ্য ভ্রমণ করিতে করিতে তাপী বা তাপ্তী নদীর তীরে সাহেবতীপুর নামক গ্রামে আসিয়া নদীতে অবগাহন

করিলেন। কৃষ্ণা হইতে তাপ্তী বহুদূরে; মধ্যে নানা জনপদ অবস্থিত। মাহেশ্বরীপুরে আসিতে শ্রীচৈতন্য বে যে স্থান দিয়া আসিয়াছিলেন, বৈষ্ণব গ্রন্থে তাহার নামোল্লেখ নাই। বোধ হয় তিনি বর্তমান হাইদ্রাবাদ রাজ্য ভ্রমণ করিয়া বেয়ার ও নাগপুরের মধ্য দিয়া তাপ্তী তীরে আসিয়া থাকিবেন। ইহার পর নানা দেশ পরিদর্শন করিতে করিতে গৌরচন্দ্র নর্মদা তীরে আগমন করিলেন এবং ধনুতীর্থ দর্শন করিয়া নির্ঝিঙ্কা বা বর্তমান কালী সিদ্ধ নদীতে স্নানাবগাহন করিলেন। সেই স্থান হইতে তিনি পৌরাণিক স্ম্যামুখ পর্বত দেখিয়া দণ্ডাকরণে আসিয়া উপনীত হইলেন। এখানকার বনমধ্যে অতিবৃদ্ধ, অতিস্থূল, ও অতিউচ্চ, সপ্ত তাল বৃক্ষ ছিল। কথিত আছে শ্রীচৈতন্য তাহাদিগকে আলিঙ্গন করায় তাহারা অন্তর্হিত হইয়া গিয়াছিল। এখান হইতে শ্রীচৈতন্য রামায়ণোল্লিখিত পম্পা সরোবরে স্নান করিয়া পঞ্চবটী ঘনে গমন করিলেন এবং তথা হইতে বর্তমান আহম্মদনগরের উত্তর পশ্চিমে নাসিক প্রাধিক বা নাসিক নগরে গমন করিয়া ব্রহ্মগিরি হইয়া গোদাবরীর উৎপত্তি স্থান কুশাবর্তে গমন করিলেন। এখানে গোদাবরীর সপ্ত শাখা মিলিত হইয়া গোদাবরী নামে প্রবাহিত হইতেছে। সপ্ত গোদাবরী দর্শন করিয়া গোদাবরীর ধারে ধারে নানা দেশ পর্য্যটন করিতে করিতে চৈতন্য প্রভু পুনরায় বিদ্যানগর বা রাজমহেন্দ্রীতে আসিয়া রাজা রামানন্দের সহিত সাক্ষাৎ করিলেন। পুনর্জিলনে উভয়েই মহা আনন্দিত হইলেন এবং গৌরচন্দ্র রামানন্দকে স্বীয় তীর্থ বৃত্তান্ত বিবৃত করিয়া ব্রহ্মসংহিতা ও কৃষ্ণ-কর্ণামৃত উপঢৌকন দিলেন। শ্রীচৈতন্য বলিলেন, ‘তুমি যে সব সিদ্ধান্ত পূর্বে আমাকে শুনাইয়াছ, এই দুই গ্রন্থ তাহাই সাক্ষ্য দিতেছে।’ রামানন্দ রায় গৌরের সঙ্গে গ্রন্থবয় পাঠ করিয়া স্মৃথী হইলেন এবং নকল করিয়া লইয়া আসল গ্রন্থ গৌরকে ফিরাইয়া দিলেন। পুনরায় দুই বন্ধুতে পাঁচ সাত দিন রাত্রিতে নানা প্রসঙ্গ হইতে লাগিল। রামানন্দ বলিলেন, ‘তোমার ইচ্ছানুসারে আমি রাজাকে লিখিয়াছিলাম। মহারাজ দয়া করিয়া আমাকে নীলাচলে বাইতে আদেশ দিয়াছেন। আমি যাইবার উদ্যোগ করিতেছি।’

শ্রীচৈতন্য উত্তর করিলেন, ‘আমিও তোমাকে লইতে এখানে আসিয়াছি।’ রাজা বলিলেন, ‘আমার এখনও সব কাজ সারা হয় নাই। বিশেষতঃ আমায় সঙ্গে হাতী ঘোড়া সৈন্য কোরাহল থাকিবেন। তোমার তাহা

ভাল লাগিবে না। তুমি আগে যাত্রা কর, আমি দিন দশেকের মধ্যে সকল সমাধান করিয়া তোমার অনুগমন করিতেছি।' শ্রীচৈতন্য বিদ্যানগর হইতে যাত্রা করিয়া পূর্ব পরিচিত পথে হাঁটিতে হাঁটিতে আলালনাথে আসিয়া উপনীত হইলেন, এবং সঙ্গী কৃষ্ণদাস দ্বারা নিত্যানন্দাদির নিকট সংবাদ পাঠাইয়া দিয়া নিজে পাছে যাইতে লাগিলেন। ভক্তগণ তাঁহার প্রত্যাগমন সংবাদ পাইয়া আনন্দে নাচিতে নাচিতে আসিয়া পথমধ্যে দর্শন পাইয়া সুখসাগরে ভাসিতে লাগিলেন। সার্কভৌম ভট্টাচার্য্য, জগন্নাথের প্রধান পাণ্ডা ও উৎকলরাজের ইষ্টদেব কানীশ প্রভৃতি বড় বড় সম্ভ্রান্ত লোক সমুদ্রতীরে আসিয়া তাঁহার প্রত্যাগমন করিলেন এবং সকলে একত্র জগন্নাথদর্শন করিলে শ্রীচৈতন্য সার্কভৌমের আলয়ে যাইয়া অবস্থিতি করিলেন ও বহুগণের নিকট তীর্থ যাত্রা বৃত্তান্ত বলিয়া সমস্ত রাত্রি জাগরণ করিলেন।

শ্রীচৈতন্যের জীবনে এই তীর্থ ভ্রমণ এক মহাব্যাপার। যখন রেলওয়ে ছিল না, রাস্তা ঘাট ভাল ছিল না, বস্ত্রভক্ষণ ও দস্যু তরুরে দেশ সমাকীর্ণ; সে সময়ে একাকী পদব্রজে দুর্গম পথে এত দেশ ভ্রমণ করা কম পুরুষের পরিচায়ক নহে।

নবম পরিচ্ছেদ ।

ভক্ত সমাগম ।

শ্রীচৈতন্য দক্ষিণাপথে গমন করিলে উৎকলরাজ গজপতি প্রতাপরুদ্র এক দিন কটক হইতে সার্কভৌম ভট্টাচার্য্যকে ডাকাইয়া পাঠাইলেন। ভট্টাচার্য্য রাজার সহিত সাক্ষাৎ করিলে রাজা তাঁহাকে জিজ্ঞাসা করিলেন, “শুনলাম গোড়দেশ হইতে এক মহাত্মা নীলাচলে আসিয়া আপনার গৃহে অবস্থিতি করিতেছেন ও আপনাকে বহুকুপা করিয়াছেন। আমি কি তাঁহার দর্শন পাইতে পারি না?” ভট্টাচার্য্য উত্তর করিলেন, “আপনি যাহা শুনিয়াছেন, সকলই সত্য। কিন্তু তিনি বিরক্ত সন্ন্যাসী, নির্জন স্থানে থাকেন। রাজদর্শন নিষিদ্ধ বলিয়া প্রাণান্তেও রাজসমীপে যান না। তথাচ কোন কৌশলে আপনাকে দেখাইতে পারিতাম; কিন্তু সমুদ্র তিন দক্ষিণ দেশ ভ্রমণে বাহির হইয়াছেন।”

রাজা বলিলেন, “জগন্নাথদর্শন ছাড়িয়া দক্ষিণে যাইবার কারণ কি?”

সার্কভোম উত্তর করিলেন, ‘তিনি সামান্য মহাপুরুষ নহেন’; সাক্ষাৎ শ্রীকৃষ্ণ, মনুষ্য দেহে অবতীর্ণ হইয়াছেন। তীর্থ সকলকে পবিত্র করিতেই তিনি তীর্থ যাত্রা করিয়াছেন।’

রাজা বলিলেন, ‘আপনি মহাবিজ্ঞ ব্যক্তি; আপনি যখন তাঁহাকে কৃষ্ণ বলিতেছেন, তখন আপনার কথা অবিশ্বাস করিতে পারি না। বাহা হুউক, তিনি আসিলে যেন একবার দর্শন পাই।’

ভট্টাচার্য্য বলিলেন “তিনি অল্পকালেই প্রত্যাগত হইবেন; কিন্তু তাঁহার জন্ম একটা বাসার প্রয়োজন। শ্রীমন্দিরের নিকট অগচ নির্জনস্থান হইলে ভাল হয়। আপনাকে এরূপ একটা স্থান নির্দিষ্ট করিয়া দিতে হইবে।”

রাজা একটু চিন্তা করিয়া বলিলেন, “আমার ইষ্টদেব কাশীমিশ্রের বাড়ীতে তাঁহার সুন্দর বাসা হইতে পারিবে। আপনি আমার নামে মিশ্র মহাশয়কে বলিয়া সেই স্থান ঠিক করিয়া রাখুন।”

ভট্টাচার্য্য রাজসমীপ হইতে বিদায় লইয়া আসিয়া রাজার ইচ্ছা কাশীমিশ্রকে নিবেদন করিলে কাশী মিশ্র আপনাকে মহা ভাগ্যবান্ মনে করিয়া বাসার স্থান ঠিক ঠাক্ করিয়া রাখিলেন।

প্রতাপ রুদ্র গঙ্গাবংশের শেষ রাজা। ১৫০৪ হইতে ১৫৩২ খ্রীষ্টাব্দ পর্য্যন্ত ইনি উড়িষ্যার সিংহাসনে আসীন ছিলেন। ইনি প্রথম বয়সে বৌদ্ধধর্মের প্রতি সহানুভূতি দেখাইয়া ছিলেন। কিন্তু পরে বৈষ্ণব হইয়া বৌদ্ধধর্মকে একবারে উৎকল হইতে দূরীভূত করিয়া দিয়াছিলেন। খ্রীষ্টচৈতন্যের জীবনের প্রভাব ইহার ধর্মানুরাগ আরও সুদীপ্ত হইয়াছিল।

পূর্বে কথিত হইয়াছে যে, খ্রীষ্টচৈতন্য তীর্থযাত্রা হইতে আসিয়া প্রথম রজনী শশিষ্যে সার্কভোমের আলয়ে বাপন করিলেন। রজনীপ্রভাতে ভট্টাচার্য্য তাঁহাকে জগন্নাথ দর্শন করাইয়া কাশীমিশ্রের ভবনে লইয়া যাইয়া বলিলেন, ‘এই বাড়ী তোমার জন্ম বাসা নির্দিষ্ট করিয়া রাখিয়াছি। ইহা তোমার পছন্দ হয় তো?’

খ্রীষ্টচৈতন্য বাসস্থান দেখিয়া পরম সন্তুষ্ট হইলেন। বাড়ীটা যেমন পরি-
কল্পিত, তেমনি নির্জন; অগচ জগন্নাথমন্দিরের নিকট। ভট্টাচার্য্য

বলিলেন, 'প্রভু! এই বাসা অঙ্গীকার করিয়া কানীশিশ্রের আশা পূর্ণ কর।' এই সময়ে কানীশিশ্র সগোষ্ঠিবর্গে আসিয়া তাঁহার চরণতলে পতিত হইলে শ্রীচৈতন্য তাঁহাকে আলিঙ্গন দানে কৃপা করিলেন। এবং বলিলেন, 'আমার এই দেহ তোমাদেরই, তোমরা ইহাকে যেমন করিয়া রাখিতে চাও, রাখ; আমার তাহাতে মতামত কি?'

এই সময়ে নীলাজির প্রধান প্রধান লোক শ্রীচৈতন্যের নিকট পরিচিত হইতে আসিয়া উপস্থিত হইলেন। সকলে উপবিষ্ট হইলে সার্কভোম ভট্টাচার্য্য একে একে এই সকল ব্যক্তির পরিচয় করিয়া দিলেন।

জগন্নাথের সেবক জনার্দন, সুবর্ণবেত্রধারী কৃষ্ণদাস, লিখনাধিকারী শিখি মাহিতি, প্রহ্লাদ মিশ্র নামে বৈষ্ণব, জগন্নাথের মহাশোয়ার দাস নামক ব্যক্তি, শিখি মাহিতির ভ্রাতা মুরারি মাহিতি, চন্দনেশ্বর, সিংহেশ্বর, মুরারি নামক ব্রাহ্মণ, বিষ্ণুদাস, প্রহররাজ মহাপাত্র এবং পরমানন্দ মহাপাত্র প্রভৃতি। এই সকল লোক এইক্ষণ হইতে শ্রীচৈতন্যের একান্ত অহুগত হইয়া থাকিলেন। এই সময়ে রামানন্দ রায়ের পিতা ভবানন্দ রায় চারি পুত্রসঙ্গে আসিয়া উপস্থিত হইলে ভট্টাচার্য্য তাঁহার পরিচয় করিয়া দিলেন। ভবানন্দ প্রণাম করিলে চৈতন্যদেব তাঁহাকে আলিঙ্গন দিয়া বলিতে লাগিলেন "রামানন্দের ছায় রত্ন ষাঁহার পুত্র, তাঁহার সৌভাগ্যের সীমা কি? তুমি সাক্ষাৎ পাণ্ডু, তোমার স্ত্রী কুন্তীদেবী ও তোমার পাঁচ পুত্র, পঞ্চপাণ্ডব।" ভবানন্দ বলিলেন, 'আমি শূদ্রাধম, তাহাতে আবার বিবয়ী; তবে যে তুমি কৃপা করিয়া আমাদিগকে স্পর্শ করিলে, সে কেবল তোমার ক্ষমার লক্ষণ। যাহা হউক, পঞ্চপুত্র সহ তোমার আত্মসমর্পণ করিলাম। এই বাণীনাথ তোমার সনীপেই থাকিবে। যখন বাহা প্রয়োজন হইবে, আপনার জন বিবেচনায় ইহাকে আদেশ করিও; সঙ্কোচ করিলে মহা হুঃখিত হইব।' মহাপ্রভু বলিলেন, "তোমাদের কাছে আর সঙ্কোচ কি? তোমরা তো আমার পর নও। দিন পাঁচেকের মধ্যে রামানন্দ আসিবেন। তখন আমার আনন্দ বাজার পূর্ণ হইবে।" ইহার পর ভবানন্দকে বিদায় দিয়া শ্রীচৈতন্য বাণীনাথকে নিকটে থাকিতে অহুমতি দিলেন।

সার্কভোম ভট্টাচার্য্য ছাড়া আর সকল লোক বিদায় হইয়া গেলেন। শ্রীচৈতন্য তাঁহার দক্ষিণঘাত্যার সঙ্গী কৃষ্ণদাসকে নিকটে ডাকাইলেন এবং ভট্টনারায়ণে তাঁহাকে ছাড়িয়া কানীশ কান্দুর লোভে একপেয়ে পলাইয়া

গিয়াছিল ও তাহাকে উদ্ধার করিয়া আনিতে তিনি যে বিপদে পড়িয়াছিলেন, তাহা বিবৃত করিয়া বলিলেন 'এখন আমি ইহাকে দেশে আনিয়া দিয়া বিদায় দিতেছি। উহার যেখানে ইচ্ছা চলিয়া যাউক, আমার নিকট থাকিতে পাইবে না।' এই কথা শুনিয়া কৃষ্ণদাস কাদিতে লাগিল। সে দিনকার মত সভা ভঙ্গ হইল। শ্রীচৈতন্য মধ্যাহ্ন করিতে উঠিয়া চলিয়া গেলেন।

নিত্যানন্দাদি কৃষ্ণদাসের ক্রন্দনে ছঃখিত হইয়া তাহাকে আশ্বাস দিয়া নিকটে রাখিলেন এবং সময়ান্তরে শ্রীচৈতন্যকে বলিলেন, 'তোমার দক্ষিণ গমন সংবাদে শচীমাতা ও অবৈতাচার্য নবদ্বীপের ভক্তসকল উৎকণ্ঠিত আছেন। তোমার আগমন বার্তা দিতে গোড়দেশে একজন লোক পাঠাইতে চাই; ইহাতে কি অভিপ্রায় হয়?' গৌরচন্দ্র বলিলেন 'তোমাদের সাহা ইচ্ছা কর'। তখন প্রচুর মহাপ্রসাদ সঙ্গে দিয়া মহাপ্রভুর নীলাচলে প্রত্যাগমন সংবাদ দিতে নিত্যনন্দ কৃষ্ণদাসকে সঙ্গে পাঠাইয়া দিলেন। কৃষ্ণদাস নবদ্বীপে আসিয়া শচীমাতাকে ও শ্রীবাসাদি ভক্তগণকে সংবাদ সহ মহাপ্রসাদ দিয়া শান্তিপুরে অবৈতাচার্যকে সমাচার প্রদান করিলেন। শুভ সংবাদ পাইয়া ভক্তগণের আনন্দের পরিসীমা থাকিল না। বাহুদেব দত্ত, মুরারি গুপ্ত, শিবানন্দ সেন, আচার্য রত্ন, বক্রেশ্বর পণ্ডিত, আচার্য নিধি, দামোদর পণ্ডিত, শ্রীমান পণ্ডিত, বিজয় দাস, ধোলাবেটা শ্রীধর, রাঘব পণ্ডিত, হরিদাস ঠাকুর প্রভৃতি বাবতীয় ভক্তমণ্ডলী এই আনন্দের সংবাদে আচার্য গৃহে উপনীত হইলে অবৈতাচার্য এতদুপলক্ষে দুই দিন উৎসব করিলেন। তখন সকলে নীলাচলে যাইতে যুক্তি দৃঢ় করিয়া একত্র নবদ্বীপে শচীমাতার ভবনে বাইয়া তাহার আজ্ঞা লইলেন। 'কুণীন গ্রামবাসী' সত্যরাজ, রামানন্দ, প্রভৃতি ও শ্রীশঙ্করানী মুকুন্দ, নরহরি ও রঘুনন্দন, এই কথা শুনিয়া নীলাচলে প্রভু দর্শনে বাইবার জন্য প্রস্তুত হইয়া নবদ্বীপে আসিয়া তাহাদিগের সহিত একত্র হইলেন। গৌরবিরহে মৃত-প্রায় নবদ্বীপ যেন আবার নবজীবন পাইয়া উঠিল। ইহার কিছু পূর্বে পরমানন্দপুরী দক্ষিণাপথ হইতে নবদ্বীপে আসিয়া শচীগৃহে অবস্থিতি করিতে ছিলেন। শচীমাতা তাহাকে অতিথ্যের সহিত সেবা করিতেছিলেন। তিনি গৌরের নীলাচলে আগমন শুনিতে পাইয়া পূর্বপ্রতিজ্ঞানুসারে গৌরে প্রভুদেবের ভক্তসকলকে সঙ্গে লইয়া ভক্তমণ্ডলীর গমনোদ্যোগ

না হইতে হইতে অগ্রসূচি চলিয়া গেলেন এবং অচিরে নীলাচলে পৌছিয়া গৌরের সহিত সাক্ষাৎ করিলেন । শ্রীচৈতন্য তাঁহাকে পাইয়া মহানন্দে প্রণাম করিয়া বলিলেন ‘আপনার সঙ্গে থাকিতে আমার বড় ইচ্ছা, আমার কৃপা করিয়া নীলাজি আশ্রয় করুন ।’ পুরী উত্তর করিলেন ‘বঙ্গদেশে তোমার আগমন বার্তা পাইয়া শচীদেবী ও ভক্তগণ মহানুখী হইয়াছেন । ভক্তগণ এখানে আসিবার উদ্যোগ করিতেছেন । তাঁহাদের বিলম্ব দেখিয়া আমি শীঘ্র চলিয়া আসিয়াছি ।’ শুধন গৌরচন্দ্র পুরীর অল্প কানীমিশ্রের সেই বাড়ীর মধ্যে নির্জনে একখানি ঘর ও সেবার জন্ত একটি কিছুর নির্দিষ্ট করিয়া দিলেন ।

দিন দিন কানীমিশ্রের বাড়ী জমকাইয়া উঠিতে লাগিল । প্রাতঃকালে সার্কভৌমভট্টাচার্য্য, পরমানন্দপুরী প্রভৃতি নানা ভক্তগণ গৌরানন্দ সভায় বসিয়া নানা সংপ্রসঙ্গ করিয়া থাকেন । একদিন এমনি সময়ে স্বরূপ দামোদর আসিয়া গৌরের পদতলে লুটাইয়া পড়িয়া কঁাদিতে লাগিলেন । ইহার নিবাস নবদ্বীপে, পূর্বাশ্রমে নাম পুরুষোত্তম আচার্য্য । শ্রীগৌরানন্দ প্রাঙ্গণ লইলে ইনিও অহুরাগে বারাণসী নগরীতে যাইয়া শিখা স্ত্র ফেলাইয়া দিয়াসী হইলেন ; কিন্তু যোগপট গ্রহণ করিলেন না । ইনি পরম বিরক্ত শ্রীকৃষ্ণভক্ত এবং শ্রীচৈতন্যে একান্ত অহুরাগী । সন্ন্যাসাশ্রমে ইহার নাম স্বরূপ হইল । বেদান্তাদি অশেষ শাস্ত্রে ইহার জ্ঞান পণ্ডিত আর দেখা যায় না । ভক্তিশাস্ত্রে, রসশাস্ত্রে ও কাব্যশাস্ত্রেও ইনি অদ্বিতীয় । ইহার কণ্ঠ-স্বর অতি মধুর । কবিরাজ গোস্বামী বলিয়াছেন, ইনি সঙ্গীতশাস্ত্রে গন্ধর্ব্ব সম । শ্রীগৌরের নীলাচল আগমন সংবাদ পাইয়া শুক্ল অহুমতি লইয়া এই সর্ব্বগুণাধিত ব্যক্তি চৈতন্যচন্দ্রের দল আলোকিত করিতে মিলিত হইলেন । শ্রীচৈতন্য, পদতলে পতিত স্বরূপকে তুলিয়া গাঢ় আলিঙ্গন করিলেন এবং প্রেমানন্দে বিহ্বল হইয়া কণকাল উভয়ে নীরবে অশ্রুমোচন করিতে লাগিলেন । কতকক্ষণ পরে গৌর বলিলেন, ‘তুমি যে আসিবে, তাহা আজ স্বপ্নে দেখিয়াছি । ভাল হ’ল । আমি অন্ধ ছিলাম, আজ চক্ষুর দ্বারা লভ করিলাম ।’

স্বরূপ কঁাদিয়া বলিলেন, ‘প্রভু ! আমি তোমার চরণে বোর অপরাধী । তা’নইলে তোমাকে ছাড়িয়া অস্ত্র বাইব কেন ? আমি তোমাকে ছাড়িয়া ছিলাম বটে, কিন্তু তুমি তো আমাকে ছাড়িলে না । তাই কৃপাপাণ প্রণাম

জড়াইয়া বাঁধিয়া আনিলে । এখন আমার অপরাধ ক্ষমা করিয়া চরণে স্থান দাও ।’ তখন স্বরূপ দামোদর নিত্যানন্দাদির চরণ বন্দনা করিলে গৌরচন্দ্র সার্কভোম ভট্টাচার্য্য, ও পরমানন্দপুরীর সহিত তাঁহার পরিচয় করিয়া দিলেন । স্বরূপ যথাযোগ্য সকলের পদবন্দনা করিলেন । শ্রীচৈতন্য স্বরূপের জন্ত কাশীমিশ্রের বাড়ীর নিভৃত স্থানে একখানি ঘর নির্দিষ্ট করিয়া দিয়া পরিচর্য্যার্থ একটা ভৃত্য নিযুক্ত করিয়া দিলেন । এখন হইতে স্বরূপ গোস্বামী শ্রীচৈতন্যের প্রধান সভাসদ হইলেন । কেহ কোন গীত, শ্লোক বা গ্রন্থ রচনা করিয়া শ্রীচৈতন্যের নিকট দেখাইতে আনিলে, ভক্তিসিদ্ধান্ত বিরুদ্ধ হইয়াছে কি না, তাহা স্বরূপ পরীক্ষা করিয়া না দিলে প্রভুর নিকটে যাইতে পাইত না । স্বরূপ সর্বদা নির্জ্ঞান সাধনে রত থাকিতেন, বড় একটা কথা কহিতেন না । কেবল নিভৃতে বসিয়া বিদ্যাপতি, চণ্ডীদাস ও গীতগোবিন্দের সুললিত পদ মহাপ্রভুকে শুনাইয়া তাঁহার চিত্ত বিনোদন করিতেন । অল্পদিন মধ্যেই স্বরূপ সকল ভক্তগণের প্রিয়তম ও মহাপ্রভুর যেন দ্বিতীয় স্বরূপ হইয়া উঠিলেন ।

আর এক দিন গৌরচন্দ্র সভা করিয়া বসিয়া আছেন, এমন সময়ে গোবিন্দ আসিয়া প্রণাম করিয়া বলিতে লাগিলেন, ‘আমার নাম গোবিন্দ, ঈশ্বরপুরীর ভৃত্য । সিদ্ধি প্রাপ্তকালে পুরী গোঁসাই আমাকে কৃষ্ণ চৈতন্যের নিকট থাকিয়া তাঁহার সেবা করিতে আদেশ করিয়াছেন ; তাই আপনায় নিকট আসিলাম । পুরীর অপর ভৃত্য কাশীশ্বরও তীর্থদর্শন করিয়া শীঘ্র আসিবেন ।’ শ্রীচৈতন্য বলিলেন, ‘পুরীশ্বর নাকি আমাকে বড় কৃপা করেন, তাই তোমাকে পাঠাইয়াছেন ।’ সার্কভোম বলিলেন, ‘পুরী গোঁসাই মহাবিজ্ঞ হইয়া শূদ্রসেবক রাখিলেন কেন ?’ শ্রীচৈতন্য বলিলেন ‘ভগবৎপরায়ণ মহানুভবদিগের চরিত্র সাধারণের বোধগম্য নহে । তাঁহারা বেদমর্থ্য হইতে প্রেমের ধর্ম্মই গৌরবাস্তিত মনে করিয়া থাকেন, ও স্নেহসেবা পাইলে বেদমর্থ্যাদা লজ্জন করিতে কিছুমাত্র সম্মুচিত হন না ।’ এই বলিয়া তিনি গোবিন্দকে প্রগাঢ় আলিঙ্গন করিলেন ও সকলের সহিত যথাযোগ্য পরিচয় করিয়া দিয়া সার্কভোমকে জিজ্ঞাসা করিলেন, ‘ভট্টাচার্য্য ! বল দেখি এখন উপায় কি ? গুরুর ভৃত্য আমার মাত্র ব্যক্তি । তাঁহাকে কি প্রকারে আপন সেবায় নিযুক্ত করি ? অথচ গুরুর আজ্ঞাই বা কিরূপে অবহেলা করি ?’ ভট্টাচার্য্য শাস্ত্রের দৃষ্টান্ত দিয়া গুরুর আজ্ঞাই পালনীয়

বলিয়া স্বীয় মত প্রকাশ করিলে শ্রীচৈতন্য গোবিন্দকে নিজ সেবকরূপে
অঙ্গীকার করিলেন । সেই হইতে গোবিন্দ গৌরের মহা প্রিয়পাত্র ও
প্রধান সের্বক হইয়া সকল ভক্তের সমাধান করিতে লাগিলেন । রামাই
ও নন্দাই নামে আর দুই ব্যক্তি ও ছোট হরিদাস ও বড় হরিদাস
দুই কীর্তনীয়া গোবিন্দের সাহায্যার্থে নিযুক্ত হইয়া পরিচর্যা করিতে
লাগিলেন ।

অপরদিনে মুকুন্দ দত্ত গৌরকে সংবাদ দিলেন যে, ব্রহ্মানন্দ ভারতী
আসিয়াছেন । গৌরচন্দ্র সম্মুখে বলিলেন, 'কোথায় ? তিনি গুরু, আমিই
তাহার নিকট বাইব ।' এই বলিয়া মুকুন্দের সহিত তিনি ব্রহ্মানন্দের
সমীপে বাইয়া উপনীত হইলেন । ভারতীর মৃগচন্দ্র পরিবেশ দেখিয়া
গৌরচন্দ্র মনে মনে কিছু হঃখিত হইলেন এবং দেখিয়াও যেন দেখেন নাই
এইরূপ ভাবে মুকুন্দকে কহিলেন 'তিনি কোথায় ?' মুকুন্দ বলিলেন, 'এই
দেখ সম্মুখে বিদ্যমান ।'

গৌর বলিলেন, 'মুকুন্দ ! তোমার কি বুদ্ধিভ্রম হইয়াছে যে এক জনকে
অশ্রব্যাক্তি বলিতেছ ? ভারতীগোঁসাই চন্দ্রাশ্বর পরিবেশ কেন ?
এই কথায় গৌরের মনের ভাব বুঝিতে পারিয়া ভারতী মনে মনে বিতর্ক
করিতে লাগিলেন, 'সত্যই তো আমি বড় সন্ন্যাসী, এই মনে করিয়াই
কি কেবল দান্তিকতার অশ্র চন্দ্রাশ্বর পরি না । ইহাতে ধর্মপথে কিছু সাহায্য
হয় না । তবে আর ইহা পরিব না ।' এই ভাবিয়া ব্রহ্মানন্দ ভারতী
তখনই মৃগচন্দ্র ছাড়িয়া বহির্কাস পরিলেন । শ্রীচৈতন্য তাহার পদবন্দনা
করিলে তিনি গৌরকে আলিঙ্গন দিলেন । তখন উভয়ে শিষ্টাচার আলাপ
হইতে লাগিল । ব্রহ্মানন্দ গৌরকে সচল ব্রহ্ম বলিয়া স্তুতি করিলে
গৌরও তাঁহাকে সচল ব্রহ্ম বলিলেন । ইহাতে উভয়ের মধ্যে কোতূহল
তর্ক বাধিলে সার্কভোম ভারতীর দিক্ হইয়া গৌরের ব্রহ্ম প্রতিপাদন
করিতে চেষ্টা করিলেন । গৌর বলিলেন, 'বিষ্ণু ! বিষ্ণু ! ভট্টাচার্য্য কি বলি-
তেছ ? অতিস্তুতি সর্বনাশের কারণ । সাবধান এক্ষণ স্তব আর করিও
না ।' এখন হইতে ব্রহ্মানন্দ গৌর সম্মুখানে বাস করিতে লাগিলেন ।
ভগবান্ আচার্য্য ও রাম ভট্টাচার্য্য নামে দুই ব্যক্তিও সর্বকার্য্য ছাড়িয়া
গৌরের নিকট অবস্থিতি করিতে লাগিলেন । কতকদিন পরে ঈশ্বর-
পুত্র অপর দুইজন কালীধর নামিয়া উপনীত হইলেন । ইহা শুনি বলবান্

ছিলেন। লণ্ড হস্তে লোকের ভিড় ঠেলিয়া গৌরকে জগন্নাথ দর্শন করান তাঁহার সেবার কার্য্য নিরূপিত হইল।

একদিন সার্কর্ভোম ভট্টাচার্য্য শ্রীচৈতন্যকে বলিলেন, ‘বদি অভয় দাও, তাহা হইলে একটা নিবেদন করিতে চাই।’ গৌর উত্তর করিলেন, ‘নির্ভয়ে বল, উপযুক্ত হইলে শুনিব, নচেৎ নয়।’ সার্কর্ভোম সঙ্কিতভাবে বলিলেন- ‘রাজা প্রতাপ রুদ্র তোমার দর্শন করিতে বড়ই উৎকণ্ঠিত হইয়াছেন।’ শ্রীচৈতন্য কর্ণে হস্ত দিয়া বলিলেন, ‘বিষ্ণু ! বিষ্ণু ! ভট্টাচার্য্য ! একপ অযোগ্য কথা বলিলে কেন ? আমি বিরক্ত সন্ন্যাসী। আমার পক্ষে রাজদর্শন স্ত্রীদর্শনের আয় অতীব গর্হিত।’ সার্কর্ভোম বলিলেন, ‘কিন্তু রাজা জগন্নাথ সেবক এবং পরমভক্ত।’

শ্রীচৈতন্য। তথাচ রাজা কালসর্পের আয় পরিত্যাজ্য। কাষ্ঠনির্মিত রমণীমূর্তি দেখিলে যেমন বিকার জন্মিবার সম্ভাবনা, তেননি ঐশ্বর্য্যশালী নৃপতিদর্শনে ধনভূষণ প্রবল হইয়া প্রলোভন জন্মিতে পারে। একপ ক আর যেন তোমার মুখে না আইসে। পুনরায় বলিলে আমাকে এখানে দেখিতে পাইবে না।’ সার্কর্ভোম আর বিরুদ্ধি না করিয়া চলিয়া গেলেন।

কথিত আছে রাজা প্রতাপরুদ্র শ্রীচৈতন্যের দর্শন জ্ঞাত এই ব্যাকুল হইয়াছিলেন যে, তিনি সার্কর্ভোমকে এক পত্রে লিখিলেন যে, ভট্টাচার্য্য যেন গৌরভক্তদিগকে তাঁহার নামে অহ্নয় করিয়া তাঁহাদের দ্বারা অহ্ন রোধ করাইয়া মহাপ্রভুর সম্মতি করান। এই পত্রে তিনি আরও লিখিলেন যে, বদি গৌরচন্দ্র তাঁহাকে দর্শন না দেন, তাহা হইলে তিনি রাজ্য ঐশ্বর্য্য ছাড়িয়া সন্ন্যাসী হইয়া চলিয়া যাইবেন। সার্কর্ভোম ঐ পত্র নিত্যানন্দাদিকে দেখাইলে তাঁহার প্রথমতঃ এ সম্বন্ধে কোন কথা গৌরকে জানাইতে সাহসী হইলেন না। পরে সার্কর্ভোমের অত্যন্ত অনুরোধে অনুরুদ্ধ হইয়া গৌরের নিকট কেবল এই কথা বলিবেন মাত্র, কোন অনুরোধ করিবেন না, বলিয়া নিত্যানন্দ অঙ্গীকার করিলেন। তদনুসারে ভক্তবৃন্দ ঐ পত্রের কথা গৌরের নিকট বলিলে তিনি রুষ্ট হইয়া বলিলেন, ‘তবে তোমাদের ইচ্ছা যে আমি রাজসেবী হইয়া বিষয় ভোগ করি ?’ নিতাই কহিলেন, ‘তা’ নয়, তোমার বাহা ইচ্ছা তাহাই কর।’ কিন্তু রাজা বড় ব্যাকুল হইয়াছেন, তাঁহার উৎকণ্ঠা নিবারণ জ্ঞ

তোমার একখানি বহির্কাস পাঠাইতে চাই।' গৌর তাহাতে সম্মত হইলে একখানি বহির্কাস রাজসমীপে পাঠান হইল। রাজা নানি মহাপ্রভুর পরিধের বলিয়া সেখানিকে মাথায় রাখিয়া পূজা করিতে লাগিলেন। ইহার পর রাজা রামানন্দ রায় দ্বারা পুনরায় অনুরোধ করিলে গৌর সেবার সম্মত হইয়া রাজার পুত্রকে আলিঙ্গন করিলেন; এবং রাজা সেই পুত্রকে আলিঙ্গন করিয়া আপনাকে কৃতার্থমুগ্ধ জ্ঞান করিতে লাগিলেন।

তদনন্তর রাজা প্রতাপরুদ্র নীলাচলে আসিয়া উপনীত হইলেন। তাঁহার সঙ্গে রামানন্দ রায়ও আসিয়াছিলেন। রামানন্দ নীলাচলে আসিয়াই সর্বপ্রথমে গৌরসমীপে যাইয়া দণ্ডবৎ করিলেন। গৌরচন্দ্র তাঁহাকে দেখিয়া মহা আনন্দিত হইলেন এবং সকল ভক্তের সহিত তাঁহার যথাযোগ্য মিলন করাইয়া দিলে রামানন্দ বলিলেন 'তোমার পরামর্শ-লুপ্তারে বিষয় ছাড়িয়া নীলাচলে তোমার চরণে অবস্থিতি করিব। রাজাকে জানাইলে, রাজা তোমার নাম শুনিয়া হৃষ্টচিত্তে আমার প্রার্থনা গ্রাহ্য করিয়াছেন। আমাকে আমার নির্দিষ্ট বেতন দিবার অঙ্গীকার করিয়া তোমার চরণসেবা করিতে বলিয়াছেন। আর তিনি তোমার দর্শনলাভের জন্য কত মিনতি করিয়াছেন।' শ্রীচৈতন্য বলিলেন, 'তুমি ভক্ত; তোমাকে যে রাজা এত অনুগ্রহ করিয়াছেন, তাহাতেই শ্রীকৃষ্ণ তাঁহাকে কৃপা করিবেন।' ইহার পর শ্রীচৈতন্য রামানন্দকে জিজ্ঞাসিলেন, 'রায়! কমল-নয়ন দেখিয়াছ তো?' রামানন্দ 'না' বলিলে গৌর বলিলেন, 'বড় স্মৃতির করিয়াছ, আগে জগন্নাথ দেখিয়া এখানে আসা উচিত ছিল; যাও এখন দর্শন করগে।' রামানন্দ হাসিতে হাসিতে উত্তর করিলেন, 'কি করিব, চরণরথ, হৃদয়সারথি; যেখানে লইয়া যাব, জীবনরথী সেইখানেই যাব।' এখন হইতে রামানন্দ নীলাচলে শ্রীচৈতন্যের নিকট অবস্থিতি করিতে লাগিলেন।

নীলাচলে আসিয়া রাজা প্রতাপ রুদ্র সার্বভৌম ভট্টাচার্য্যকে ডাকাইয়া জিজ্ঞাসা করিলেন, 'আমার বিষয় প্রভুকে বলিয়াছিলে কি?' ভট্টাচার্য্য বলিলেন, 'হাঁ, কিন্তু তিনি রাজদর্শন করিবেন না। অধিকন্তু আবার যদি বলি, তাণ্ডী হইলে অন্ত্র চলিয়া যাইবেন; ইহাও বলিয়াছেন।'

ইহা শুনিয়া রাজা অত্যন্ত দুঃখিত হইলেন এবং খেদ করিয়া বলিলে

লাগিলেন, ‘জগাই মাধাই প্রভৃতি পাপীকে তিনি উদ্ধার করিয়াছেন । কেবল প্রতাপরুদ্র ছাড়া আর সকলেই কি তাঁ’র দয়ার পাত্র ? আচ্ছা, তিনি প্রতিজ্ঞা করিয়াছেন, আমার দর্শন দিবেন না । আমিও প্রতিজ্ঞা করিলাম, তাঁহাকে না দেখিয়া ছাড়িব না ।’ সার্কভোম রাজার অনুগাংগ দেখিয়া বিস্মিত হইলেন, এবং বলিতে লাগিলেন, ‘দেব ! বিষাদ ছাড়ুন ; অবশ্যই আপনার মনোভিলাষ পূর্ণ হইবে । তিনি প্রেমাত্মী, আপনার গাঢ় প্রেমের নিকট অবশ্যই পরাজিত হইবেন । আজও রামানন্দ রায় আপনার জন্ত বলিয়াছিলেন ; তাহাতে মন অনেক নরম হইয়াছে । তবে আপনি এক কাজ করিবেন, রথযাত্রার দিনে প্রভু জগন্নাথবল্লভ উদ্যানে যখন বিহার করিবেন, তখন দীনভাবে তাঁহার নিকটে যাইয়া ভাগবত আবৃত্তি করিবেন ।’ রাজা জিজ্ঞাসিলেন, ‘জ্ঞানযাত্রা কবে ?’ ভট্টাচার্য্য উত্তর করিলেন, ‘আর তিন দিন বাকি আছে ।’ রাজাকে এইরূপে আশ্বস্ত করিয়া ভট্টাচার্য্য বিদায় হইয়া আসিলেন ।

জ্ঞানযাত্রা দেখিয়া খ্রীষ্টেতত্ত্ব, কে জানে কি ভাবিয়া ভক্তমণ্ডলী ছাড়িয়া বিরহ বিহ্বলচিত্তে একাকী আলালনাথে চলিয়া গেলেন । সার্কভোম এই সংবাদ পাইয়া ব্যাকুলচিত্তে তাঁহার অনুগমন করিয়া ‘গৌড়ের ভক্তগণ আসিতেছেন’ ইত্যাদি অহুন্নয় বিনয় করিয়া ফিরাইয়া আনিলেন এবং তাঁহাকে বাসায় রাখিয়া রাজসমীপে উপনীত হইয়া গৌরের প্রত্যাগমন সংবাদ জানাইলেন । এই সময়ে গোপীনাথ আচার্য্য রাজসভায় আসিয়া রাজাকে আশীর্বাদ করিয়া ভট্টাচার্য্যকে সম্বোধন করিয়া বলিলেন, ‘বঙ্গদেশ হইতে মহাপ্রভুর দুইশত ভক্তবৈষ্ণব আসিয়া নগরে উপস্থিত হইয়াছেন । তাঁহাদের জন্ত বাসার স্থান ও মহাপ্রসাদ চাই ।’ রাজা বলিলেন, ‘পড়িছাকে আদেশ পাঠাইয়া দাও, সে যেন সব সরবরাহ করে ।’ এই বলিয়া প্রতাপরুদ্র সার্কভোমকে কহিলেন, ‘মহাপ্রভুর ভক্তদিগকে একে একে আমাকে চিনাইয়া দাও দেখি ।’ সার্কভোম বলিলেন, ‘তবে চলুন, প্রাসাদনিধরে আরোহণ করা যাউক । গোপীনাথ সকলকে চিনাইয়া দিবেন । আমি সকলকে চিনি না । ভক্তদল এই পথ দিয়াই যাইবেন ।’

তখন প্রতাপরুদ্র, সার্কভোম ও গোপীনাথ, তিনজনে অটালিকার উপর উঠিলেন । এমন সময়ে বৈষ্ণবদলও নিকটস্থ হইল । পথের অপর পার্শ্ব দিয়া স্বরূপসোমোদর ও গোবিন্দ মাধব ও মহাপ্রসাদ লইয়া তাঁহাদিগকে আগ-

বাড়াইয়া লইতে আসিলেন । স্বরূপ সর্বপ্রথমে অদ্বৈতাচার্য্যের গলায় মালা দিয়া প্রণাম করিলেন ও গোবিন্দ মহাপ্রসাদ দিলেন । আচার্য্য গোবিন্দের দিকে ডাকাইলে স্বরূপ তাঁহার পরিচয় করিয়া দিলেন । এইরূপে শ্রীবাস পণ্ডিত আদি সকলকেই মালা প্রসাদ দিয়া স্বরূপ গৌনাই অগ্রসার লইয়া চলিলেন । গোপীনাথ অট্টালিকার উপর হইতে রাজাকে একে একে সকলের পরিচয় দিয়া দিলে রাজা বলিলেন, ‘এরূপ তেজঃপুঞ্জ বৈষ্ণব আর কোথায়ও দেখি নাই । ইহাদের প্রেমচেষ্টা, নৃত্যকীর্তন, সকলই অদ্ভুত ।’

সার্কভৌম উত্তর দিলেন, ‘এই প্রেমিকদল ও প্রেমসংকীৰ্তন চৈতন্তের সৃষ্টি । কলিযুগের ধর্ম্য নামসংকীৰ্তন প্রবর্তন করিয়া প্রভু এবারে পার্শ্ব আর রাখিবেন না ।’

রাজা । যদি চৈতন্তই শ্রীকৃষ্ণ, তবে পণ্ডিতগণ তাঁহাতে বিভ্রম কেন ? ভট্টাচার্য্য । তাঁহার কৃপা ভিন্ন তো তাঁহাকে চেনা যায় না ।

রাজা । আচ্ছা, এই সব বৈষ্ণব জগন্নাথ না দেখিয়া চৈতন্তের বাগ্য দিকে কেন চলিলেন ?

ভট্টাচার্য্য । প্রেমের রীতিই এই । ইহারা সকলেই মহাপ্রভুকে প্রাক্ষিপেৎকা ভালবাসেন । তাই আগে তাঁহাকে দেখিয়া তাঁহার সঙ্গে জগন্নাথ দর্শন করিবেন । এইরূপ আলাপের পর রাজা অট্টালিকা হইতে নামি কাশীমিশ্র ও পড়িছাকে ডাকাইয়া ভক্তগণের জন্ত বাসা ও মহাপ্রসাদ সজ্জা করিতে আদেশ দিলেন ।

এদিকে ভক্তদল কাশীমিশ্রের ভবনাভিমুখে গমন করিতে লাগিলেন । সে, হরিশ্রবণ, হুঙ্কার, গর্জন ও উৎসাহ, দেখিলে মৃতপ্রাণেও উৎসাহ সঞ্চার হয় । গোপীনাথ ও সার্কভৌম রাজসমীপ হইতে বিদায় লইয়া ভক্তদল অনুগমন করিতে লাগিলেন । এই সময়ে শ্রীচৈতন্ত পথমধ্যে ভক্তদিগকে দর্শন দিলেন । তখন একটা যে আনন্দোচ্ছ্বাস উঠিল, তাহা বর্ণনা যোগ্য নহে । শ্রীচৈতন্ত, অদ্বৈত প্রভৃতি ভক্তগণকে একে একে প্রেমালিঙ্গ ও স্বাগত জিজ্ঞাসা করিয়া সুখী করিলেন ।

মুকুন্দ দত্তের জ্যেষ্ঠ বামুদেব দত্তকে শ্রীচৈতন্ত বলিলেন, ‘তোমার ব্রহ্মসংহিতা ও কৃষ্ণকর্ণামৃত, দুই পুথি আনিয়াছি ; উহা স্বরূপের নিকট আছে ; চাহিয়া লইয়া পাঠ করিও ।’ সকলের সঙ্গে প্রেমলাপ করি

শ্রীচৈতন্ত বলিলেন, ‘আমার হরিশ্রবণকে প্রাক্ষিপেৎকা ভালবাসি ।’

হরিদাস রাজপথে পড়িয়া কাঁদিতেছেন ও বলিতেছেন, 'আমি নীচ জাতি ;
মন্দিরের নিকটে বাইবার অধিকার নাই; কেমন করিয়া প্রভুর দর্শন পাইব ?'
এই সময়ে কাশীমিশ্র ও পড়িছা আসিয়া বলিলেন, 'ভক্তগণের বাসা ঠিক
হইয়াছে ও মহাপ্রসাদ প্রস্তুত ।' শ্রীচৈতন্য গোপীনাথকে বলিলেন 'তুমি
বৈষ্ণবদিগকে লইয়া বাসায় যাও । বাণীনাথ ! তুমি মহাপ্রসাদ আনাইয়া
আমার বাসায় রাখ ; সকলে একত্র ভোজন করিব ।' ভক্তদিগকে গৌর
বলিলেন, 'এখন বাসায় গিয়া দ্রব্যাদি গুছাইয়া রাখিয়া সমুদ্র স্নানান্তে আমার
এখানে ভোজন করিতে আসিবে ।' এই বলিয়া ব্যস্তসমস্ত হইয়া তিনি
রাজপথে যেখানে হরিদাস পড়িয়াছিলেন, সেখানে উপস্থিত হইয়া তাঁহাকে
তুলিয়া আলিঙ্গন করিলেন । হরিদাস বলিলেন, 'ছি প্রভু ! আমি নীচ
জাতি, আমাকে ছুঁইও না ।' শ্রীচৈতন্য উত্তর করিলেন 'তোমাকে স্পর্শ করি,
পবিত্র হইতে ।' এই বলিয়া কাশীমিশ্রকে বলিলেন, 'আমার বাসার নিকট
গুপ্পাদ্যানের মধ্যে নির্জনে একখানি ঘর আছে, আমাকে সেইখানি ভিক্ষা
দিতে হইবে ।' কাশীমিশ্র উত্তর করিলেন, 'তোমারই সব, যাহা ইচ্ছা
দেবে । আমাকে জিজ্ঞাসা কেন ?' তখন শ্রীচৈতন্য হরিদাসকে সেই ঘরে
লইয়া গিয়া বাসা দিলেন ও বলিলেন, 'এইখানে থাকিয়া হরিনাম করিবে ।
গোবিন্দ তোমার জন্ম প্রত্যহ প্রসাদ দিয়া যাইবেন ; আমাকেও এখানে
রোজ দেখিতে পাইবে ।' নিত্যানন্দ, জগদানন্দ, দামোদর ও মুকুন্দ প্রভৃতি
হরিদাসকে পাইয়া মহা সুখী হইলেন ।

এদিকে গৌরচন্দ্র সমুদ্রস্নান করিয়া বাসায় আসিয়া বৈষ্ণবদিগের
ভোজনের আয়োজন করিতে লাগিলেন । অবৈতাদিও বাসা লইয়া স্নানান্তে
ভোজনের জন্ত গৌরের আবাসে উপনীত হইলেন । শ্রীচৈতন্য তাঁহাদিগকে
যোগাক্রম করিয়া বসাইয়া স্বহস্তে মহাপ্রসাদ পরিবেশন করিতে লাগিলেন ।
স্বরূপ গোস্বামী তাঁহাকে বলিলেন, 'তুমি না বসিলে কেহ খাইতে চাহেন না ।
নিত্যানন্দ, পুরী, ভারতী, সকলে তোমার অপেক্ষায় হাত তুলিয়া বসিয়া
আছেন । তুমি ভোজনে ব'সো ; আমি পরিবেশন করিতেছি ।' শ্রীচৈতন্য
তখন গোবিন্দের দ্বারা হরিদাসের জন্ম প্রসাদ পাঠাইয়া দিয়া ভোজনে
বসিলে স্বরূপ, দামোদর, জগদানন্দ, পরিবেশন করিতে লাগিলেন । সকলে
হরিধ্বনি দিয়া মহানন্দে ভোজন করিয়া আচমন করিলে শ্রীচৈতন্য তাঁহা-
দিগকে নাক্যচন্দন দিয়া বিশ্রামার্থে বাসায় পাঠাইয়া দিয়া আপনিও বিশ্রাম

করিলেন। সায়াহ্নে সমস্ত বৈষ্ণব গৌরান্দ্র সভায় সমাগত হইলে রামানন্দ
রায় উপনীত হইলেন। গৌরচন্দ্র রামানন্দের সহিত অধৈতাদি গোষ্ঠী
ভক্তগণের পরিচয় করিয়া দিলে সকলে আনন্দে হরিকথায় ও প্রেমালোকে
প্রবৃত্ত হইলেন। ইহার পর শ্রীচৈতন্য সর্বভক্ত সঙ্গে জগন্নাথমন্দিরে গমন
পূর্বক সন্ধ্যারতি অন্তে সংকীৰ্ত্তন আরম্ভ করিয়া দিলেন। আজ গোরের
উৎসাহ দেখে কে? বঙ্গীয় ভক্তগণের সঙ্গে উৎকলের ভক্তগণের মিলনে
যে আনন্দ ভরঙ্গ উঠিয়াছে, সেই ভরঙ্গে গৌর আজ মাতোয়ারা হইয়া
উল্লাসে কীর্ত্তনের চারিটা সম্প্রদায় বাঁধিয়া দিলেন। আটধান খোল ও
বজ্রিশ ছোড়া করতাল বাজিতে লাগিল। কীর্ত্তনের স্বর নৈশ আকাশ
বিদীর্ণ করিয়া তরঙ্গায়িত হইতে লাগিল। নিলাজিবাসী নরনারী ধাইয়া
দেখিতে আসিল; রাজা প্রতাপরুদ্র অমাত্যগণে পরিবৃত্ত হইয়া অট্টালিকায়
আরোহণ করিয়া দেখিতে শুনিতে লাগিলেন। কীর্ত্তনের সম্প্রদায় মধ্যে গৌর-
চন্দ্র জগন্নাথমন্দির বেষ্ঠন করিয়া নাচিতে লাগিলেন এবং অশ্রু, কম্প, পুলকে
ভাসিয়া উন্নতের ত্রায় হইয়া উঠিলেন। লোক সকল দেখিয়া শুনিয়া বিস্মিত
ও স্তম্ভিত হইয়া গেল। নৃত্যাবসানে গৌরচন্দ্র কীর্ত্তনের সম্প্রদায় লইয়া
মন্দিরের পশ্চাৎ ভাগে দাঁড়াইয়া গান করিতে আদেশ দিলেন এবং নিত্যা-
নন্দ, অধৈত, শ্রীবাস ও বক্রেশ্বরকে এক এক সম্প্রদায়ে নাচিতে বলিলেন।
তাহাদের মহানৃত্যে মন্দিরের প্রাঙ্গণ যেন কম্পিত হইতে লাগিল। এই
রূপে সে দিনকার সঙ্কীৰ্ত্তন শেষ হইলে শ্রীচৈতন্য বাসায় আসিয়া ভক্তগণকে
মহাপ্রসাদ ভোজন করাইয়া স্ব স্ব বাসায় বিশ্রামার্থে বিদায় দিলেন।
বৈষ্ণবেতিহাসে এই কীর্ত্তন বেড়াকীর্ত্তন নামে অভিহিত হইয়াছে।

নীলাজির পবিত্র ক্ষেত্রে শ্রীচৈতন্যের প্রেমের হাট বসিয়া গেল। নবদ্বীপে
শ্রীবাস অল্পনে অল্প সংখ্যক ভক্ত লইয়া এত দিন যে লীলা হইয়া আদি-
য়াছে, তাহাই এখন বৃহদাকারে জগন্নাথক্ষেত্রে অভিনীত হইতে চলিল।
চারিদিক্ হইতে নদীসকল প্রধাবিত হইয়া যেমন সমুদ্রে সম্মিলিত হয়,
তেমন্নি ভারতের নানা স্থান হইতে ভক্তগণ আসিয়া উৎকলের জগন্নাথ-
ক্ষেত্রে গৌরসঙ্গরে মিলিতে লাগিলেন। বঙ্গের ভক্তগণ এখন হইতে প্রতি
বৎসর রথযাত্রার পূর্বে পুরুষোত্তমে আসিয়া ৪৫ মাস গোরের সঙ্গে একত্র
থাকিয়া কার্ত্তিক মাসে দেশে প্রত্যাগমন করিতে লাগিলেন। যাবৎ
গৌরচন্দ্র পৃথিবীতে ছিলেন, তাহা হইলে তাহাদের ইচ্ছা হইত যে, তাহারা

ইহার পর তাঁহাদের জী, বালকগণও আসিতে লাগিলেন। ইহা ভিন্ন গদাধর, মুকুন্দ, হরিদাস, প্রভৃতি একেবারেই নীলাজি আশ্রয় করিয়া থাকিলেন। ইচ্ছা করে, এই নীলার হাটে মিশিয়া জনমের মত আত্ম-বিক্রয় করিয়া থাকি।

দশম পরিচ্ছেদ ।

ক্ষেত্রবিলাস ।

জগন্নাথের রথযাত্রার দিন নিকটবর্তী হইলে ত্রিচৈতন্য কানীমিশ্র, পড়িছাপাত্র ও সার্কর্ভোম ভট্টাচার্য্যকে ডাকিয়া গুণ্ডিচামন্দির মার্জনা করিবার জন্ত অনুমতি চাহিলেন। রথযাত্রার সময়ে যে মন্দিরে যাইয়া জগন্নাথ অবস্থিতি করেন, তাহার নাম গুণ্ডিচা মন্দির। ইহা শ্রীমন্দির হইতে প্রায় এক মাইল দূরে, ইন্দ্রহায় দীর্ঘিকার তীরে অবস্থিত। ভট্টাচার্য্যাদি এই এক নূতন লীলা হইবে, মনে ভাবিয়া গৌরের প্রস্তাব অনুমোদন করিলেন ও তাঁহার অনুজ্ঞানুসারে এক শত কলসী ও শত সম্ভারজ্ঞানী আনিয়া দিলেন। গৌরচন্দ্র দলের সমস্ত ভক্তগণকে ডাকিয়া স্বীয় অভিপ্রায় বিজ্ঞাপন করিয়া সকলকে মালাচন্দনে স্নশোভিত করিলেন ও প্রত্যেকের হস্তে কলসী ও সম্ভারজ্ঞানী দিয়া হরিশ্রবণ করিয়া মহোৎসাহে গুণ্ডিচা মন্দিরে চলিলেন। হরিনাম সঙ্কীৰ্ত্তন করিতে করিতে ভক্তগণ মহানন্দে মন্দির বাড়িয়া ও ধুইয়া নির্মল করিলেন। ধুলা ঝাড়া, কাঁকর বাছা ও ঝুল ঝাড়ার ধুমই বা কত! ঘর ধুইবার সময়ে এক বঙ্গীয় যুবক জল আনিয়া ত্রিচৈতন্যের চরণে ঢালিয়া কিঞ্চিৎ পান করিলে গৌর কৃত্রিম কোপ প্রকাশ করিয়া স্বরূপকে ডাকিয়া বলিলেন, ‘দেখ তো তোমার গোড়িয়ার রীতি! সে আমার পাদোদক খাইয়া আমাকে পাতকী করিতে চাহে।’ স্বরূপ সেই যুবককে ধাক্কা দিয়া বাহির করিয়া দিলে গৌর তাহাকে ডাকিয়া মিষ্ট কথায় তুষ্ট করিলেন। প্রক্ষালনের পর ত্রিচৈতন্যের ইঙ্গিতে সঙ্কীৰ্ত্তন আরম্ভ হইল ও গৌর চিত্তে লাগিলেন।

দলের মধ্যে এক বিশাল ভাবতরঙ্গ উছলিয়া উঠিল। নৃত্যক্ষেত্রে দলবদ্ধ হইয়া গৌরচন্দ্র ইন্দ্রছায়েয় জলে নামিয়া কতকক্ষণ জলক্রীড়া করিয়া নানাস্থে নিকটবর্তী উপবনে যাইয়া বিশ্রাম করিতে লাগিলেন। এদিকে বাণীনাথ পাঁচ শত জনের উপযুক্ত নানাবিধ মহাপ্রসাদ আনিয়া সকলকে ভোজন করিতে আহ্বান করিলেন। উদ্যান গৃহের পিড়ার উপর শ্রীচৈতন্য, পরমানন্দ পুরী, সার্বভৌম, ব্রহ্মানন্দ ভারতী, অদ্বৈত, নিত্যানন্দ, শ্রীবাস, আচার্য্য রত্ন, প্রভৃতি সারি গাঁথিয়া ভোজনে বসিলেন। তাহার তলে, তাহার তলে, এইরূপ ক্রমে সেই বিশাল ভক্তগোষ্ঠি বসিয়া গেলেন। শ্রীচৈতন্য হরিদাস ! হরিদাস ! বলিয়া ডাকিলে হরিদাস দূর হইতে বলিলেন, ‘আপনি ভক্তসঙ্গে ভোজন করুন ; আমি নীচ অশুভ, আমি এ সঙ্গে বসিব না। গোবিন্দ আমাকে প্রসাদ দিবেন।’ শ্রীচৈতন্য তাঁহার মনের ভাব বুঝিয়া আর কিছু বলিলেন না। তখন স্বরূপ, জগদানন্দ, কানীশ্বর, গোপীনাথ আচার্য্য, বাণীনাথ, শঙ্কর ও দামোদর, এই কয়জন পরিবেশন করিতে লাগিলেন। ভক্তগণ হরিধ্বনি দিয়া, প্রেমালাপ ও আমোদকৌতুক করিতে করিতে ভোজন করিতে লাগিলেন। গোপীনাথ ভগিনীপতি, সার্বভৌম ছালক। গোপীনাথ বলিলেন ‘কি ভট্টচাব্ ! তোমার সাবেক চালচলন কোথায় গেল ? আচ্ছা, বল দেখি, সে ভাল ছিল, কি, এ পরমানন্দ ভাল ?’ ভট্টাচার্য্য গম্ভীর ভাবে উত্তর করিলেন ‘আর আমাকে লজ্জা দিও না। তোমার প্রসাদেই তো আমার এ সম্পদ লাভ হইয়াছে।’ অদ্বৈত নিত্যানন্দকে ব্যঙ্গ করিয়া কহিলেন, ‘আরে ! এ অবধূতটার সঙ্গে খাইয়া আমার জ্ঞাত গেল দেখুহি। প্রভুর কি ! উনি তো সন্ন্যাসী ; উহার অন্তঃস্পর্শে দোষ নাই।’ এইরূপ মহানন্দে সে দিনকার বনভোজন সমাপ্ত হইল।

রথযাত্রার দিন গৌরচন্দ্র প্রাতঃস্নান করিয়া ভক্তগণে পরিবৃত হইয়া জগন্নাথের বিজয়োৎসব দর্শন করিলেন। বলিষ্ঠ দয়িতাগণ জগন্নাথ, সূত্ৰদ্বা, ও বলরামকে হাতাহাতি করিয়া মন্দিরের বাহিরে আনিয়া বিগ্রহগুলির কটিদেশে পটুডুরি বাঁধিয়া সুসজ্জিত অত্যাচ্চ তিনখানি রথোপরে আরোহণ করাইল। চারিদিকে বাদ্য কোলাহল হইতে লাগিল। লোক সকল আনন্দোৎসাহে ‘জয় জগন্নাথ ! মহাপ্রভু ! মণিমা !’ বলিতে লাগিল। রাজা প্রতাপরুদ্র পাত্রমিত্রে পরিবৃত থাকিয়া রথযাত্রার সব বন্দোবস্ত করিয়া দিতে লাগিলেন এবং আশাধীন অর্ঘ্যসমর্পণ করিয়া ও চন্দ্রনাথের

পাত্র হাতে লইয়া রথের আগে আগে পথ পরিষ্কার করিয়া চলিলেন । স্বয়ং ভূপতি হইয়া তুচ্ছ সেবায় রত হইলেন । গোড়গণ রথ টানিতে লাগিল । মহা ধুমধামের সহিত রথ গুণ্ডাভিমুখে চলিতে লাগিল । এদিকে শ্রীচৈতন্য, পুরী, ভারতী ও ভক্তবৃন্দকে সহস্রে মালা চন্দন পরাইয়া কীর্তনের জন্য চারিটা দল বাঁধিয়া দিলেন । এক এক দলে একজন মূল গায়ক, পাঁচজন দোয়াড়, একজন প্রধান নর্তক ও দুই খানি করিয়া সুদক্ষ নিযুক্ত থাকিল । প্রথম সম্প্রদায়ে স্বরূপ মূলগায়ক ; দামোদর, নারায়ণ, গোবিন্দ দত্ত, রাঘব পণ্ডিত ও গোবিন্দানন্দ গায়ক ; এবং অষ্টৈত, নর্তক নিযুক্ত হইলেন । দ্বিতীয় দল শ্রীবাস প্রমুখ ; গঙ্গাদাস, হরিদাস, শ্রীমান, শুভানন্দ, ও শ্রীরাম পণ্ডিত গায়ক ও নিত্যানন্দ নর্তক হইলেন । তৃতীয় দলে মুকুন্দ গায়ক ; বাসুদেব, গোপীনাথ, সুরারি, শ্রীকান্ত ও বল্লভ সেন গায়ক ও হরিদাস ঠাকুর নর্তক হইলেন । চতুর্থ দলে গোবিন্দঘোষ মূল গায়ক ; অশ্ব হরিদাস, বিষ্ণুদাস, রাঘব, মাধব ও বাসুদেবঘোষ গায়ক, এবং বক্রেশ্বর পণ্ডিত নর্তক । ইহা ছাড়া কুলীন গ্রামের সত্যরাজ রামানন্দের এক দল, অষ্টৈত পুত্র অচ্যুতানন্দের আর এক দল এবং শ্রীখণ্ডের নরহরি, রঘুনন্দের তৃতীয় দলও গাইতে লাগিল । রথার্থে চারি সম্প্রদায়, দুই পার্শ্বে দুই সম্প্রদায় ও রথের পশ্চাতে এক সম্প্রদায় মহোল্লাসে কীর্তন করিতে করিতে চলিল । শ্রীচৈতন্য স্বয়ং এই সাত স্থানেই চক্রের স্থায় ঘুরিয়া বেড়াইতে লাগিলেন । ইহাতে সাত সম্প্রদায়ের ভক্তগণই মনে করিতে লাগিলেন, ‘প্রভু বুঝি আমাদের দলের সঙ্গে সঙ্গেই চলিয়াছেন’ । প্রতাপ-রুদ্র কীর্তনে প্রেমোল্লাস দেখিয়া অবাক হইয়া গেলেন । কাশ্মিরি ও সার্বভৌম রাণাকে বলিলেন ‘মহারাজ ! আপনার ভাগ্যের সীমা নাই ।’ এইরূপে রথ কতকক্ষণ চলিলে শ্রীচৈতন্য, স্বরূপ প্রভৃতি প্রধান প্রধান দশ-জন গায়ককে সম্প্রদায়সমূহ হইতে পৃথক করিয়া লইয়া তাঁহাদের সঙ্গে আপনি ‘সেই তো পরাণনাথকে পাইবু ; যার লাগি মদনদহনে ঝুরি গেহু ।’ এই ধুয়া ধরিয়া গাইতে লাগিলেন ; এবং উর্দ্ধমুখে প্রেমপূর্ণ নেত্রে ‘জয়তি জননিবাসঃ’ ইত্যাদি শ্লোকাবৃত্তি করিয়া শ্রীকৃষ্ণের স্তবপাঠ করিতে লাগিলেন । নাচিতে, গাইতে, স্তবপাঠ করিতে করিতে গোরের মহা-ভাবের উদয় হইল । স্বেদ, কম্প, পুলকাক্রান্তে তিনি বিবল হইয়া পড়িলেন ।

রথ ধীরে ধীরে বাইতে লাগিল । হঠাৎ ভাবান্তর উপস্থিত হওয়ায় শ্রীচৈতন্য নানা শ্লোক পড়িতে লাগিলেন ।

গৌরের তৎকালিকের রথাগ্রে নর্তনের ভাব শ্রীরূপগোস্বামী এই করুণী কথায় সুন্দর বর্ণনা করিয়াছেন । “ধিনি প্রভূত প্রেমতরঙ্গে ভাসমান হইয়া নীলাচলপতির রথাগ্রে মহোল্লাসে নৃত্য করিতে করিতে অবশাদ হইয়া পড়িতেন ; এবং ষাঁহাকে বেষ্টন করিয়া বৈষ্ণবগুণ মহানন্দে সঙ্কীৰ্ত্তন করিত ; সেই চৈতন্যদেব আর কি আমার নয়নগোচর হইবেন ?”

এই সকল ভাবাবেশে বিভোর হইয়া শ্রীচৈতন্য বারম্বার ভূমিতে পড়িয়া বাইতে লাগিলেন । নিত্যানন্দাদি তাঁহার দেহরক্ষায় নিযুক্ত হইলেন । একবার এইরূপে পড়িয়া গেলে ও নিত্যানন্দাদি কীৰ্ত্তনানন্দে একটু অন্তমনস্ক থাকিলে, রাজা প্রতাপরুদ্র সম্মুখে বাইয়া ছই হস্তে বেষ্টন করিয়া মহাপ্রভুকে তুলিয়া নিজের বহুদিনের মনের সাধ পরিপূর্ণ করিলেন । গৌরচন্দ্রও বাহুজ্ঞান লাভ করিয়া রাজাকে দেখিয়া বলিয়া উঠিলেন, “ছি ! ছি ! ধিক্ আমাকে ! আমার আজ বিষয়ীর স্পর্শ হইল ?” রাজা ভয় পাইয়া দূরে গেলেন । সার্কভোম তাঁহাকে ইঙ্গিত করিয়া বলিলেন “ভয় নাই, আপনি হাড়ীর তায় হীনভাবে রথাগ্রে যে ঝাঁট দিতে দিতে বাইতেছেন, ইহাতে প্রভু আপনার উপর পরম সন্তুষ্ট হইয়াছেন । তাঁহার ভক্তগণ বিষয়ীসংস্পর্শে ভোগবিলাসী না হইয়া পড়ে, কেবল এই উদ্দেশ্যে তাহাদের শিক্ষা দিবার জন্য ঐরূপ বলিলেন ।” রাজা তাহাতে আশ্বস্ত হইলেন । এই সব গোলযোগে রথ দাঁড়াইয়া গিয়াছিল । গোড়গণ বিধিসমত বল প্রয়োগ ও টানাটানি করিয়াও চালাইতে পারিল না । কথিত আছে, মহাপ্রভু রথের পশ্চাতে বাইয়া মাথা দিয়া ঠেলিবা মাত্র রথ হড় হড় করিয়া চলিতে লাগিল ও অবিলম্বে বলগণ্ডি নামক স্থানে আসিয়া উপনীত হইল । এইস্থান শ্রীমন্দির ও গুণ্ডিচার প্রায় মধ্যপথে অবস্থিত । ইহার একপার্শ্বে জগন্নাথবল্লভ নামক সুপ্রশস্ত রাজকীয় প্রুশোদ্যান ও বামপার্শ্বে বহুসংখ্যক ব্রাহ্মণের নিবাসভূমি । এই স্থানের নিকটে জগন্নাথের মাসীর বাড়ী । মাসীর খুদের পিটা না থাইয়া জগন্নাথ গুণ্ডিচারে যান না । বলগণ্ডিতে রথ দাঁড়াইলে পূর্বাগর নিয়মানুসারে বহুবিধ ভোগ প্রদত্ত হইতে লাগিল । রাজার, রাণীর, অমাত্যবর্গের, উৎকলবাসীদিগের এবং সামান্য যাজিকদিগের অবস্থোচিত পৃথক্ পৃথক্ ভোগদ্রব্য দাঁড়াইয়া দাঁড়াইয়া উৎসর্গ করা হইতে লাগিল । গৌর মন্ডলে

এতক্ষণ রথাগ্রে নৃত্য কীর্তন করিতেছিলেন। ভোগ দিবার অল্প লোকের অতিশয় ভিড় হওয়ায় উদ্যানमध्ये প্রবেশ করিয়া উদ্যানগৃহের পিড়ায় তাবাবেশে শুইয়া পড়িলেন। পরিশ্রমজন্ত শরীর দিয়া দর বিগলিতধারে ঘর্ষ পড়িতেছিল। পুষ্পোদ্যানের শীতলবায়ু সেবায় তিনি সুখানুভব করিতে লাগিলেন। ভক্তগণও কেহ বৃক্ষতলে, কেহ ছর্কাদলের উপরে, বসিয়া বিশ্রাম করিতে লাগিলেন।

সার্কভৌম ভট্টাচার্য্যের উপদেশানুসারে মহারাজ প্রতাপরুদ্র সুযোগ বুঝিয়া দীনহীন বৈষ্ণবের বেশে পুষ্পোদ্যানে প্রবেশ করিলেন এবং ভক্তগণের অনুমতি লইয়া সাহসে ভর করিয়া শ্রীচৈতন্য যেখানে চক্ষু মুদ্রিয়া শুইয়াছিলেন, সেইখানে ঘাইয়া তাঁহার পদযুগল ধরিয়া পাদসম্বাহন করিতে এবং স্মিষ্টস্বরে ভাগবতীয় রাসলীলার শ্লোকাবৃত্তি করিতে লাগিলেন। মহাপ্রভু তখন ভাবে বিভোর; শ্লোক শুনিয়া বড়ই সুখানুভব করিতে লাগিলেন। রাজা ‘তব কথামৃতং’ শ্লোকটি আবৃত্তি করিবামাত্র তিনি মহানন্দে উঠিয়া বসিলেন এবং ‘তুমি আমাকে যে অমূল্যধন দিলে, আমার কি আছে যে তাহার প্রতিদান দিব? এই আলিঙ্গন লও’ বলিয়া নৃপতিকে আলিঙ্গন করিলেন এবং শ্লোকটি পুনঃ পুনঃ আবৃত্তি করিতে লাগিলেন।

“তব কথামৃতং তপ্তজীবনং, কবিভিরীড়িতং কল্যাপহং ;

শ্রবণমঙ্গলং শ্রীমদাততং, ভুবি গৃনাস্তি যে ভূরিদা জনাঃ ।”

গোপীগণ শ্রীকৃষ্ণকে বলিতেছেন ‘হে প্রিয়! তোমার কথামৃত, সমুপ-
জনের জীবন, ব্রহ্মজদিগের ভোগ্য, শ্রবণমঙ্গল, শাস্তিপ্রদ এবং পাপনাশক।
যাহারা উহা পান করাইতে পারেন, তাঁহারাই ভূরিদ অর্থাৎ, প্রকৃত
দাতা।’

প্রতাপরুদ্র বহুদিনের অভীষিত আলিঙ্গন লাভ করিয়া হর্ষে প্রেমে
গদগদ হইলেন; তাঁহার চক্ষুঃ দিয়া জলধারা পড়িতে লাগিল। মহাপ্রভু
ভাবোন্মত্ত; বারম্বার ‘ভূরিদা! ভূরিদা!’ বলিতে লাগিলেন; কিন্তু প্রতাপ
রুদ্রকে চিনিতে পারিলেন না। শ্রীচৈতন্য বিজ্ঞাসা করিলেন, ‘তুমি কে যে
আচম্বিতে এখানে আসিয়া আমাকে কৃষ্ণলীলামৃত পান করাইলে?’
ছদ্মবেশী রাজা উত্তর দিলেন, ‘আমি তোমার দাসের দাস হইতে চাই।’
কথিত আছে, প্রভু ঐশ্বর্য্য দেখাইলেন রাজা কৃতার্থ হইয়া বিদায় হইলেন;

এবং ভক্তগণকে বন্দনা করিয়া উদ্যানের বাহির হইয়া চলিয়া গেলেন।
 ক্ষণকাল পরে রাজাজ্ঞায় বাণীনাথ বলগণ্ডিতোলের নানাপ্রকার কল স্নান
 মিষ্টান্নাদি বহুতর প্রসাদ আনিয়া উদ্যান পূর্ণ করিয়া ফেলিলেন। মহাপ্রভু
 মধ্যাহ্ন সমাপনান্তে ভক্তগণ সহ আনন্দে প্রসাদ ভোজন করিলেন। তাঁহাদের
 ভোজন হইলে বহুতর প্রসাদ উদ্ধৃত হইল দেখিয়া শ্রীচৈতন্য গরিব, দুঃখী,
 অন্ধ, আতুরদিগকে ভোজন করাইতে অনুমতি দিলেন। প্রায় হাজার
 লোক হরিধ্বনি দিয়া ভোজন করিল দেখিয়া প্রভু বড় প্রীত হইলেন এবং
 তাহাদিগকে হরিনাম উপদেশ দিয়া বিদায় দিলেন।

অপরাহ্ন সময়ে গুণ্ডিচা মন্দিরে রথ আসিলে বিগ্রহদিগকে পট্টভূরি দিয়া
 মন্দিরে অবতরণ করান হইল। শ্রীচৈতন্য দলসহ পূর্ববৎ রথের আগে
 আগে নৃত্য কীর্তন করিতে করিতে গুণ্ডিচায় আসিলেন; এবং ঐ নয় দিন
 জগন্নাথ গুণ্ডিচায় থাকিলেন, তিনিও সেই নয় দিন ভক্তগণসঙ্গে সেখানে
 অবস্থিতি করিতে লাগিলেন। জগন্নাথ নীলাচলের রাজা, রাজসেবার
 থাকিতে ভাল না লাগিলে বৎসরান্তে একবার রথে চড়িয়া বনবিহারে
 বহির্গত হইলেন। ইহারই নাম রথমহোৎসব। এই বনবিহারের ভাবে
 শ্রীকৃষ্ণের বৃন্দাবনলীলা স্মৃতিপথে উদ্ভূত হইলে শ্রীচৈতন্যের প্রেমানন্দ
 উথলিয়া উঠিল। এই নয়দিন তিনি কেবলই বৃন্দাবন ভাবে ডুবিয়া থাকি-
 লেন। বাহা হউক, নৃত্য কীর্তন সমাপনান্তে সে দিনকার মত তিনি আই-
 টোটার ষাইয়া সবারূপে বিশ্রাম করিলেন। এই নয়দিনে বৈষ্ণবদলের
 মধ্যে মহামহোৎসব লাগিয়া গেল। মুখ্য মুখ্য নয়জন ভক্ত প্রভুকে এক
 একদিন করিয়া নিমন্ত্রণ খাওয়াইতে লাগিলেন। প্রাতঃকালে ইন্দ্রদ্রাঘে
 স্নান ও জলকেলিতে, তৎপরে সবারূপে নানা উদ্যান ও বন ভ্রমণে, মধ্যাহ্নে
 আইটোটা পল্লীতে বন্ধুদিগের গৃহে নিমন্ত্রণ ভোজনে, সায়াক্ষে গুণ্ডিচা মন্দিরে
 নৃত্য সংকীর্তনে এবং রজনীতে জগন্নাথবল্লভ উদ্যানে একত্র শয়ন ও
 কোতুকে এই কয়দিন অভিবাহিত হইতে লাগিল। কোন দিন ইন্দ্রদ্রাঘে
 কোন দিন বা নরেন্দ্র নামক বৃহৎ দীঘীতে জলকেলি হইতে লাগিল। সকলে
 মিলিয়া বৃহৎ এক মণ্ডলাকারে বা ক্ষুদ্র ক্ষুদ্র বহু মণ্ডলাকারে পরস্পরের
 প্রতি জল ফেলাফেলি কখন বা জলমণ্ডুকদিগের ডাকের সহিত করবাঘা
 ও কখন দুই দুই জনে জলযুদ্ধ; এইরূপ বাল্যক্রীড়া হইতে লাগিল। অধৈতে
 সিত্যানন্দ, বিদ্যানিধি, ব্রজপতি, সুর্য্যসিংহ, সুকুমার, শ্রীধরগণ্ডিত

গদাধরে, রাঘব পণ্ডিত বক্রেস্বরে এবং সার্কভোম রামানন্দে জলযুদ্ধ হইল । গান্ধীর্ষ্য পরিত্যাগ করিয়া সকলে শিশুর স্থায় খেলা করিতে ও বিবাদ করিতে লাগিলেন । শ্রীচৈতন্য ঈশ্বর হাসিয়া গোপীনাথকে বলিলেন 'দেখ ! আর সকলের বা'হোক, সার্কভোম ও রামানন্দ মহাগান্ধীর, পণ্ডিত ও পদস্থ লোক হইয়া বালকের স্থায় চঞ্চলতা করিতেছেন ; তুমি উ'হাদের নিষেধ করনা কেন ?' গোপীনাথ উত্তর করিলেন, 'তোমার কৃপা একবিন্দু উচ্ছ-সিত হইলে মেরুমন্দির প্রভৃতি পর্বত ডুবিয়া যায় ; তা' এ ছই খণ্ড শৈলের কি কথা ?' আর সার্কভোমকে লক্ষ্য করিয়া কহিলেন, 'শুকনো তর্কের খইল খেয়ে মরুছিলেন, এখন লীলামৃত পেয়েছেন ; তাই পেটভরে খাচ্ছেন ।' তখন গৌর অদ্বৈতকে ডাকিয়া তাঁহার পৃষ্ঠে উঠিলেন । আচার্য্য গৌরকে পৃষ্ঠে করিয়া সাঁতার দিয়া বেড়াইতে লাগিলেন । ভক্তগণ বলিলেন, প্রভু শেষশায়ী লীলা করিতেছেন ।

জলক্রীড়াতে শ্রীচৈতন্য সে দিন পুরী ভারতীকে লইয়া অদ্বৈতের বাগায় নিমন্ত্রণ খাইলেন । ভক্তগণ প্রসাদ ভোজন করিলেন । সন্ধ্যায় গুণ্ডিচা প্রাক্ষণে সংকীৰ্ত্তন আরম্ভ হইল এবং কীর্ত্তনান্তে গৌরচন্দ্র এক একদিন এক এক ভক্তকে নাচাইতে লাগিলেন । যে দিনে নিজের গান করিয়াছিলেন ও বক্রেস্বর পণ্ডিত নাচিয়াছিলেন, সেদিনকার দৃশ্যে সকলে দিশাহারা, জ্ঞানহারা হইয়া, প্রেমে উগ্ৰস্তের স্থায় হইয়াছিল । বৃন্দাবনলীলার অমূল্য সরণ করিয়া শ্রীচৈতন্য রজনীযোগে উদ্যানে উদ্যানে প্রতি বৃকতলায় মনের স্মৃতি নুচিয়া বেড়াইতে লাগিলেন । এই নৃত্যের সময়ে বাসুদেবদত্ত ভিন্ন আর কেহ গাইতে পাইত না । স্বরূপ মৃদঙ্গ বাজাইতেন ।

রথোৎসবের পঞ্চমীতিথিতে হোরাপঞ্চমী নামে জগন্নাথ মন্দিরে এক কোরুজঙ্গম উৎসব হইয়া থাকে । রাজা প্রতাপরুদ্র কাশীমিশ্রকে ডাকিয়া এবারে সেই উৎসব খুব জাঁকজমকের সহিত করিতে ও শ্রীচৈতন্যকে দেখাইয়া স্মৃতি করিতে আদেশ করিলেন । নিরুপিত দিনে শ্রীমন্দির লোকে লোকারণ্য, নানা বাদ্যোদ্যম হইতেছে ; এমন সময়ে মিশ্র মহাশয় ভক্তগণ পরিবৃত্ত গৌরচন্দ্রকে আইটোটা হইতে ডাকিয়া আনিয়া উত্তম স্থানে বসাইলেন । জগন্নাথের প্রেয়সী লক্ষ্মীবিগ্রহ শ্রীমন্দিরে আছেন । জগন্নাথ বনবিহারে গিয়াছেন, লক্ষ্মীকে লইয়া বান নাই । লক্ষ্মী বিরহ-বিধুরা হইয়া যে পাণ্ডাগণ জগন্নাথকে বনবিহারে বাহির করিয়া লইয়া

গিয়াছিল, তাহাদিগকে দণ্ড দিবার জ্ঞা স্বীয় দাসীদিগকে হুকুম দিলেন। দাসীগণ পাণ্ডাদিগকে একেবারে বাঁধিয়া ফেলিয়া কটুক্তি করিতে লাগিল। পাণ্ডাগণ ভয়ে বিহ্বল হইয়া অঙ্গীকার করিল যে অতি শীঘ্র জগন্নাথকে আনিয়া দিবে। লক্ষ্মীঠাকুরাণী তখন তাহাদের মুক্তি দিয়া দেবদাসীদিগের সঙ্গে গৃহে প্রত্যাগমন করিলেন। লক্ষ্মীবিগ্রহকে নানা বস্ত্রালঙ্কারে ভূষিত করিয়া দেবদাসীগণে পরিবৃত্ত কবাইয়া জাঁকজমক ও বাদ্যকোলাহলের মধ্যে বাহিরে আনিয়া উৎসবে এই রঙ্গ অভিনীত হইল। শ্রীচৈতন্য ও তাঁহার ভক্তগণ দেখিয়া মুখে কাপড় দিয়া হাসিতে লাগিলেন। বর কেন ক্ষুদ্র বিষয় হউক না, মহানুভব ব্যক্তিগণ তাহা হইতে কিছু শিক্ষালাভ না করিয়া ছাড়েন না। তাই রসিকচূড়ামণি গৌরচন্দ্র এই ছেলেখেলায় জায় কোতুকজনক ব্যাপার দেখিয়া স্বরূপকে জিজ্ঞাসা করিলেন; ‘জগন্নাথ সুন্দরাতলে বনবিহারে গিয়াছেন, লক্ষ্মীকে সঙ্গে লন নাই কেন? স্বরূপ উত্তর করিলেন, ‘জগন্নাথের বনবিহার কৃষ্ণের ব্রজলীলা বই তো নয়। ব্রজলীলার গোপী ভিন্ন লক্ষ্মীর অধিকার নাই। লক্ষ্মীকে সেই জ্ঞা লইয়া যাওয়া হয় নাই।’

শ্রীচৈতন্য। কিন্তু এ বনবিহারে জ্ঞাতা বলদেব, ভগিনী সুভদ্রা সঙ্গে গিয়াছেন। গোপীদিগের সহিত ব্রজবিহার গুপ্তলীলা; তাহা ত প্রকট হইতে পারে না। তবে লক্ষ্মীর এত রাগ কেন?

স্বরূপ। প্রেমবতী কান্তার স্বভাবই এই যে, স্বামীর ঔদাস্যতাবে তাঁহার রাগ উপস্থিত হয়। কথায় কথায় ব্রজদেবীদিগের মনের কথা উঠিয়া পড়িলে স্বরূপদামোদর ধীরা, অধীরা, ধীরাধীরা, মুক্কা, মধ্যা, প্রগলভা প্রভৃতি নারিকালক্ষণ বিবৃত করিয়া শ্রীরাধিকার বাম্য, কোটিন্য, কিলকিঞ্চিত, কুটুমিত, হর্ষ, সঞ্চারি, বিলাস, প্রভৃতি মহাভাবের উপাদানগুলি বর্ণনা করিলেন। মহাপ্রভু প্রেম উন্নত হইয়া ‘বোল! বোল!’ বলিতে লাগিলেন। শ্রীবাস পণ্ডিত কোতুক করিয়া স্বরূপকে বলিলেন, “দেখ, আমার লক্ষ্মীর কত ঐশ্বর্য! তোমার ঠাকুর রাজভোগ ছেড়ে বৃন্দাবনের ফল ফুল লইতে ও গোয়ালাবাড়ী দই দুধ খেতে গিয়া কি কুকর্ষই করিয়াছেন?” শ্রীবাসের পরিহাস শুনিয়া ভক্তগণ হাসিতে লাগিলেন। শ্রীচৈতন্য বলিলেন, ‘পণ্ডিত! আপনার নারদস্বভাব; তাই বৈকুণ্ঠের ঐশ্বর্য আপনার এত ভাল লাগে। কিন্তু স্বরূপ ও লক্ষ্মীদাসী।

বৃন্দাবনের মাধুর্য্যময় বিগুহ সম্পদ ভিন্ন ঐশ্বর্য্যমুখ ইহার ভাল লাগিবে কেন ?' দামোদর তখন প্রগল্ভতা সহকারে ব্রহ্মসংহিতার শ্লোকাবৃত্তি করিয়া বলিলেন 'শুন শ্রীবাস ! মাধুর্য্যপূর্ণ চিন্ময় বৃন্দাবনধামের অলৌকিক কথা ! সেখানকার একমাত্র রাজা পরমপুরুষ ভগবান্ ; কত শত শোভাময়ী লক্ষ্মীই সেখানকার কান্তাগণ ; তাহার ভূমি চিন্তামণি ; গৃহাদি দাসদাসীগণও চিন্তামণিময় ; কল্পপাদপই বন ; ভগবৎ সেবাবাসনাই কামধেনু ; সেখানকার অধিবাসীরা ভগবদ্বিচ্ছা পালন ও ভগবৎসেবা ভিন্ন অস্ত্রধনের প্রয়াসী নহে ; সেখানে ভগবদ্বাগীরূপা বংশীই প্রিয়সখীর শ্রায় উপদেশ দেয় ; প্রেমামৃতই সেখানকার জল, কণ্ঠধ্বনিই মধুর সঙ্গীত এবং সহজ গমনই নৃত্য । এক চিদানন্দ জ্যোতিঃ সেখানে চিরবিরাজিত ।' শ্রীবাস এই কথা শুনিয়া আনন্দে বগল বাজাইয়া নাচিতে লাগিলেন, শ্রীচৈতন্য প্রেমভরে 'বোল ! বোল !' বলিতে লাগিলেন ; চারি সম্প্রদায় তখন মৃদঙ্গ করতাল যোগে সংকীৰ্ত্তন জুড়িয়া দিলে গৌর নাচিতে লাগিলেন ; লোক সকল মুগ্ধ হইয়া গেল । বেলা তৃতীয় প্রহরে নৃত্যকীৰ্ত্তন থামিলে গৌরচন্দ্র নরেন্দ্রে স্নান করিয়া উদ্যানে বাইরা বন্ধুগণ সহ ভোজন করিলেন ।

এইরূপে আনন্দ আচ্ছাদে, ভাবে, প্রেমে, আট দিন গত হইলে নিরুপিত সময়ে জগন্নাথের ভিতর বিজয় অর্থাৎ মন্দিরে প্রত্যাগমন হইল । গৌরচন্দ্র পূর্ব্বের শ্রায় রথাগ্রে কীৰ্ত্তন করিতে করিতে গুণ্ডিচা হইতে নীলাচলে আসিলেন । যে সকল পট্টভূরী দ্বারা জগন্নাথকে বাঁধিয়া রথ হইতে অবতরণ করান হইল, জগন্নাথের ভরে তাহা ছিঁড়িয়া বাইতে লাগিল দেখিয়া শ্রীচৈতন্য একগাছি ডুরী লইয়া কুলীনগ্রামী রামানন্দ সভ্যরাজ খানকে দেখাইয়া আদেশ করিলেন, 'প্রতি বর্ষে দেশ হইতে এই আদর্শে খুব মজবুত করিয়া ডুরী নির্মাণ করিয়া আনিয়া মহোৎসবে প্রদান করিবে । এই ডুরীতে অনন্তরূপী শেখ অধিষ্ঠিত আছেন জানিয়া ভক্তির সহিত এই কার্য্যে প্রবৃত্ত হইবে।' সেই অবধি কুলীনগ্রামী ভক্তের পট্টভূরী যোগান ব্রতের মধ্যে পরিগণিত হইয়া গেল ।

রথোৎসবের গোলমাল চুকিয়া গেলে বন্ধুর ভক্তগণ গৌরচন্দ্রকে এক এক দিন নিমন্ত্রণ করিয়া স্ব স্ব বাসায় ভোজন করাইতে লাগিলেন । তাহার মধ্যে অদ্বৈতাচার্য্যের বাসায় কিছু অধিক পরিমাণে নিমন্ত্রণ হইত ;

শ্রীচৈতন্য আচার্য্যের সঙ্গে কত হাস্য পরিহাস ও কৌতুক করিতেন। এক দিন অদ্বৈতাচার্য্য পুষ্পচন্দন লইয়া গৌরের বাসায় গিয়া তাঁহাকে পূজা করিলে গৌরচন্দ্র সেই কুম্ভাদি কাড়িয়া লইয়া নাকি 'যোহসি সোহসি নমোস্ত তে' মন্ত্র পড়িয়া আচার্য্যের পূজা করিয়াছিলেন। আর এক সময়ে শ্রীচৈতন্য নিজ বাসায় অদ্বৈতের সাক্ষাৎ পাইয়া জিজ্ঞাসিলেন, 'আচার্য্য! কোথা হইতে আসিলেন?' অদ্বৈত উত্তর করিলেন, 'জগন্নাথদর্শন করিয়া।'।

শ্রীচৈতন্য। কহ ত কিরূপে জগন্নাথ দেখিলে?

অদ্বৈত। কেন, দর্শনান্তে প্রদক্ষিণ করিলাম।

গৌর হাসিয়া বলিলেন, 'তোমার হা'র।'।

অদ্বৈত। কেন?

গৌর। আমি অমন করিয়া ঠাকুর দর্শন করি না। প্রদক্ষিণ করিতে যতক্ষণ ঠাকুরের দিকে পৃষ্ঠ দিতে হয়, ততক্ষণ তো দর্শন হয় না। আমি কেবল অনিমিষনয়নে মুখপানে তাকাইয়া থাকি।

অদ্বৈত। এ কথার অধিকারী তোমাতিনি জগতে আর কেহ নাই। তা' আমি কেন? এ বিষয়ে তোমার নিকট সকলেরই হা'র মানিতে হয়। গৌরচন্দ্র কৌতুক করিয়াছিলেন। অদ্বৈতের উত্তর শুনিয়া হাসিয়া উঠিলেন।

বঙ্গের ভক্তগণ চাতুর্শাস্ত্র নীলাচলে অবস্থিতি করিয়া জগন্নাথের নানা মহোৎসবে প্রভুসঙ্গে নানা লীলা করিতে লাগিলেন। জন্মাষ্টমীদিনে শ্রীচৈতন্য ভক্তগণ সহ গোপবেশ ধারণ করিয়া দধি জুখের ভার স্বন্ধে লইয়া মহোৎসবের স্থানে আসিয়া নাচিতে লাগিলেন; কানাই খুঁটিয়া নন্দ ও জগন্নাথ মাহিতি বশোদা সাজিলেন। রাজা প্রতাপ রুদ্র, সার্বভৌমাধিপতি দধি হরিজার জলে অভিষিক্ত হইয়া মহোৎসবে যোগ দিলেন। অদ্বৈত, মহাপ্রভুকে বলিলেন 'কেমন গোয়ালী দেখিব, লগুড় ফিরাও দেখি।' শ্রীচৈতন্য এক বৃহৎ লগুড় হাতে লইয়া নানারূপ কৌশলে ঘুরাইয়া ফিরাইয়া ভাঁজিয়া দর্শকদিগকে চমৎকৃত করিলেন। বিজয়া দশমীদিনে লঙ্কাবিজয় স্মরণ করিয়া মহাপ্রভু সমস্ত ভক্তগণকে বানরসৈন্য সাজাইয়া আপনি হনুমান সাজিলেন ও ভাবে আবিষ্ট হইয়া বৃহৎ এক বৃক্ষশাখা স্বন্ধে লইয়া লঙ্কার গড়ে যেন ফেলিয়া গড় ভাঙিতেছেন মনে করিয়া

বলিতে লাগিলেন, 'কাঁহা রে রাবণা ? আয়ে পাণী ! জগন্নাথ! সীতাকে হরণ করিয়াছি। আর কি তো'র রক্ষা আছে ? সবংশে মারিয়া ফেলিব।' দর্শকগণ প্রভুর ভাবাবেশ দেখিয়া চমৎকৃত হইয়া জয় জয় রবে গগন পূর্ণ করিয়া ফেলিল। দীপাযিতা, রাসযাত্রা ও উখানদ্বাদশীদিনেও এইরূপ নানা আমোদ কোতুকের সহিত মহোৎসব হইল। যাহারা ধর্ম সাধনকে শুদ্ধ কঠোর ব্যাপার মনে করিয়া থাকেন, তাঁহারা গৌরের এই সব লীলা কোতুক দেখিলে বুঝিতে পারিবেন যে পান, ভোজন, শয়নাদি নিত্যকর্মের মধ্যে, আমোদ, আহ্লাদ, কোতুক, মহোৎসবের মধ্যে গভীর আধ্যাত্মিক ভাবের যোগ রাখিতে পারিলে ঈশ্বর আরাধনা কেমন সুখময় হইয়া উঠে ; জীবনযাত্রা কেমন আনন্দ সম্ভোগের ব্যাপার হইয়া যায় ।

বঙ্গীয় ভক্তগণের স্বদেশ যাত্রার দিন নিরুটবর্তী হইলে গৌরচন্দ্র অদ্বৈতকে সম্মানপুরঃসর বলিলেন "প্রতিবৎসর ভক্তগণকে নীলাচলে আনিয়া শুণ্ডিচা মহোৎসব দেখাইবেন এবং চাতুর্মাস্ত আমার সহিত অবস্থিতি করিয়া আমাকে স্মৃতি করিবেন। এক্ষণে দেশে ফিরিয়া যাউন এবং আচণ্ডালে হরিনাম ও হরিভক্তি দিয়া দেশ পবিত্র করুন, জন্ম সফল করুন।" শ্রীবাস পণ্ডিতের গলা জড়াইয়া ধরিয়া কাঁদিতে কাঁদিতে গৌর বলিলেন 'তোমার অঙ্গনে সঙ্কীর্ণনে আমি নিত্য নাচিব। কেবল তুমি দেখিবে, আর কেহ দেখিতে পাইবে না। আমার মাকে এই বস্ত্রখানি ও মহাপ্রসাদগুলি দিয়া আমার দণ্ডবৎ প্রণাম বলিবে ও আমার অপরাধ ক্ষমা করিতে বলিবে। আমি দুর্মত্তির বশবর্তী হইয়া তাঁহার সেবা ছাড়িয়া সন্ন্যাস করিয়াছি। তাঁ'র সেবা আমার পরমধর্ম ; তাহা ছাড়িয়া সন্ন্যাসী হওয়ায় আমার ধর্ম হওয়া দূরে থাকুক, ধর্ম নাশ করিয়াছি। বাতুল না হ'লে কি আর এমন কর্ম কেহ করে ? মাকে বলো, বাতুল পুত্রের অপরাধ ঘেন ক্ষমা করেন। সংসারের মধ্যে প্রেমের ত্রায় আর কি ধন আছে ? সেই মাতৃপ্রেম ছে'ড়ে আমি সন্ন্যাস লইয়া কি করিব ? মা'কে বলো আমি তাঁর আজ্ঞাতেই নীলাচলে আছি ; এবং মধ্যে মধ্যে তাঁহার চরণ দর্শনে যাইব। আর আমি নিত্যই তাঁর কাছে যাই, তিনি ক্ষুণ্ণি বিবেচনায় সত্য বলিয়া বুঝিতে পারেন না। কোন দিন তিনি উত্তম অন্নবাজন পাক করিয়া নিমন্ত্রণ করিবেন। এসকল কথা কহিয়া রাহা আমার ঘরে নাই, কে

খাইবে,' বলিয়া কতই কাঁদিয়া ছিলেন। আমি তখনই তাহা জানিতে পারিয়া গিয়া ভোজন করিয়াছিলাম। মা চক্ষুঃস্নান করিয়া শূণ্যপাত্র দেখিয়া বিস্মিত হইয়া মনে করিলেন 'আমি কি তবে বাড়িতে ভূনিয়া গিয়াছি?' এই আশঙ্কায় পাকপাত্র অহুসস্থান করিয়া দেখিলেন যে ঐ সব পাত্রে অন্নব্যঞ্জন পূর্ণ রহিয়াছে। মনভ্রান্তি হইয়াছিল মনে করিয়া তিনি আবার অন্নাদি বাড়িয়া আমার উদ্দেশে সমর্পণ করিলেন। বিগত বিজয়া দশমীদিনে এইরূপ হইয়াগিয়াছে। মাকে এই সব কথা বলিয়া তাঁহার প্রীতি করাইয়া দিও যে, আমি সর্বদা তাঁহার সন্নিকটেই আছি।' গৌরচন্দ্র এই কথা বলিতে বলিতে শোকে বিহ্বল হইয়া পড়িলেন; কিন্তু বন্ধুদিগকে তাহা বুঝিতে না দিয়া অন্তর ভক্তগণকে মিষ্টালাপে বিদায় দিতে লাগিলেন। রাঘব পণ্ডিতের সরল বিশ্বাস ও সেবার আয়োজনের নিষ্ঠাভক্তি বর্ণন করিয়া তাঁহাকে আলিঙ্গন করিলেন। শিবানন্দ সেনকে গৌরচন্দ্র বলিলেন 'প্রতিবর্ষে ভক্তগণের সঙ্গে লইয়া তুমি পথে প্রতিপালন করিয়া আনিবে। তুমি ইহায়ে প্রতিপালক হইলে। আর তোমার গ্রামবাসী বাসুদেব দত্তের আর বাস-সম্বন্ধে তোমাকে সম্পূর্ণ দৃষ্টি রাখিতে হইবে। বাসুদেব পরম উদার, বায় উপার্জন করেন, তাহাই ব্যয় করিয়া ফেলেন। গৃহস্থ ব্যক্তি সঞ্চয় করা কর্তব্য; না করিলে কুটুম্বাদি প্রতিপালিত হয় না। ইহার আয়ব্যয় তোমার অজ্ঞাত নাই। তুমি ইহার সরথেল হইয়া সব সমাধান করিয়া দিও।' কুলীনগ্রামী সত্যরাজকে সম্বোধন করিয়া প্রবুঝিলেন 'প্রতিবর্ষে পুটুদুরী লইয়া আসিবে। গুণরাজ খাঁ বলিয়াছিলেন 'নন্দনন্দন কৃষ্ণ মোর প্রাণনাথ'। সেই এক কথায় তোমাদের বংশের নিকট আমি চিরবিজীত হইয়া আছি। তোমাদের ত কথাই নাই, তোমার গ্রামের কুকুর পর্যন্ত আমার যেমন প্রিয়, এমন আর কেহই নয়।' সত্যরাজ বলিলেন 'আমি গৃহস্থ বিষয়ী; সাধন ভজন কিছুই জানি না। আমার এখন কর্তব্য কি? যদি শ্রীমুখে কিছু উপদেশ দেন, তবে কৃতার্থ হই।' শ্রীচৈতন্য বলিলেন 'নিরন্তর হরিনাম সংকীর্তন, শ্রীকৃষ্ণসেবা ও বৈষ্ণবসেবন করা তোমার কর্তব্য।' সত্যরাজ বলিলেন 'বৈষ্ণব চিনিব কিরূপে?'

তাঁহাকে বৈষ্ণব বলিয়া জানিয়া সম্মান করিবেন। এইরূপে নাম স্মরণ
 হইলে 'সংসারাসক্তি ছুটিয়া' বাইবে এবং নববিধ ভক্তি লাভ করিয়া
 কৃতার্থ হইতে পারিবে।' পরে শ্রীধণ্ডের মুকুন্দদাস, নরহরি ও রঘুনন্দনের
 দিকে তাকাইয়া প্রভু বলিলেন 'মুকুন্দ! রঘুনন্দন তোমার পুত্র, না তুমি
 তাঁহার পুত্র?' মুকুন্দ উত্তর করিলেন "রঘুই আমার পিতা, আমি তাহার
 পুত্র। কেননা আমাদের কৃষ্ণভক্তি রঘুনন্দন হইতে।" শ্রীচৈতন্য এই
 কথা শুনিয়া হৃষ্টচিত্তে বলিলেন 'ঠিক বলিয়াছ; বাঁহা হইতে ভক্তিলাভ
 হয়, তিনিই গুরু।' তখন গৌরচন্দ্র সর্বজন সমক্ষে মুকুন্দের গুণকীর্তন
 করিয়া বলিতে লাগিলেন, 'ইহার ঞ্জয় শ্রীকৃষ্ণে নির্মল নিগূঢ় প্রেম
 দেখা যায় না। ইনি স্নেহরাজের রাজবৈদ্য। এক দিন উচ্চ টুঙ্গিতে
 বসিয়া রাজা ইহার সঙ্গে চিকিৎসা সম্বন্ধে কথাবার্তা কহিতেছিলেন।
 শিখিপুচ্ছের আড়ানি দ্বারা সেবক রাজাকে ব্যজন করিতেছিল। শিখি-
 পুচ্ছ দেখিয়া মুকুন্দের শ্রীকৃষ্ণমূর্তি হওয়ায় প্রেমে অজ্ঞান হইয়া
 টুঙ্গি হইতে পড়িয়া গিয়াছিলেন। রাজা ব্যস্তসমস্ত হইয়া লোক দ্বারা
 তাঁহার চৈতন্য সম্পাদন করিয়া জিজ্ঞাসা করিলেন, 'বড় বেদনা হইয়াছে
 কি?' ইনি বলিলেন, 'না।' রাজা পুনরায় সুধাইলেন, 'এমন হইল কেন?'
 মুকুন্দ আসল কথা লুকাইয়া বলিলেন, 'আমার মৃগিবাধি আছে।' কিন্তু
 রাজা বুঝিমান; ভিতরকার কথা বুঝিতে পারিয়া ইহাকে মহাসিদ্ধ জ্ঞান
 করিলেন। মুকুন্দকে গৌর বলিলেন, 'তুমি ধন উপার্জনে' ক্ষান্ত হইও
 না। রঘুনন্দন কৃষ্ণসেবা করিবেন ও নরহরি আমার ভক্তগণ সঙ্গে থাকি-
 বেন।' সার্বভৌম ও বিদ্যাবাচস্পতিকে একত্র দেখিয়া গৌর বলিলেন,
 'সম্প্রতি শ্রীকৃষ্ণ দাক্ষবন্ধরূপে ও ভাগীরথী জলবন্ধরূপে অবতীর্ণ হইয়াছেন।
 সার্বভৌম দাক্ষবন্ধের ও বাচস্পতি জলবন্ধের সেবা করিতেছেন।' মুরারি
 গুণ্ডকে উদ্দেশ্য করিয়া প্রভু বলিলেন, 'ইনি রামচন্দ্রের একান্ত উপাসক;
 কিন্তু আমি এক সময়ে ইঁহার নিকট শ্রীকৃষ্ণের গুণগরিমা কীর্তন করিয়া
 ইহার মন ফিরাইয়া দিয়াছিলাম। ইনি আমাকে বলিয়াছিলেন, 'আমি
 তোমার আজ্ঞাকারী, বাহা বলিবে তাহাই করিব।' কিন্তু রাজি
 কালে চিন্তা করিয়া প্রাতে কাদিতে কাদিতে আমাকে বলিলেন,
 'রামচন্দ্রের পদে আমি মাথা বেচিয়াছি, কোন্ প্রাণে তাঁহাকে ছাড়িব?
 তা' পারবো না।' এই বলিয়া ইনি বিদ্বল হইলেন। তখন আমি বলি

লাম, সাধু! সাধু! এই প বিশ্বাস চাই ; নইলে কি ধর্ম লাভ হয় ? তুমি কেন রামচন্দ্রকে ছাড়াবে ? আমি তোমার বিশ্বাস পরীক্ষার জন্য কেবল কোতুক করিয়াছিলাম ।’ এই বলিয়া গৌর মুরারিকে আলিঙ্গন করিয়া বলিলেন, ‘তুমি আমার প্রাণসম ।’ গৌরচন্দ্র বামুদেব দত্তের গুণের অনেক প্রশংসা করিলে দত্ত নিজ গুণ শুনিয়া লজ্জিত হইয়া বলিলেন, ‘প্রভু! তোমার চরণে আমার এক নিবেদন আছে ; জগতে জীবের দ্বঃখ আর দেখিতে পারি না। হরিবিমুখ জনের পাপক্লেশ দেখিয়া আমার প্রাণ বিদীর্ণ হইতেছে । আমার এই প্রার্থনা যে, তাহাদের সকল পাপ আমার স্বন্ধে চাপাইয়া দাও ; তাহারা নিষ্পাপ হইয়া উদ্ধার হইয়া বাউক । আমি তাহাদের হইয়া নরক যন্ত্রণা ভুগিব ।’ গৌরচন্দ্র বামুদেবের ব্যাকুলতা দেখিয়া প্রেমবিহ্বল হইলেন এবং সক্রমণ বচনে বলিতে লাগিলেন, ‘তুমি ভক্তশ্রেষ্ঠ প্রজ্ঞাদের শক্তিধর । ভগবান্ ভক্তাধীন ; তুমি যখন এই প্রার্থনা করিলে, তখন অবশ্যই সকল জীব উদ্ধার হইয়া যাইবে । তোমাকে তিনি কেন নরকভোগ করাইবেন ? ভগবান্ সর্বশক্তিমান্ । তিনি কি ভক্তের কাতর প্রার্থনার ব্রহ্মাণ্ডের জীবকে উদ্ধার করিতে পারেন না! আর অনন্তকোটি ব্রহ্মাণ্ডে বাঁ’র লীলা ; একটা ব্রহ্মাণ্ডের জীব উদ্ধার হইলে কি সৃষ্টি লীলার কিছু হানি হইতে পারে ?’ আর আর ভক্তগণকেও শ্রীচৈতন্য এইরূপে একে একে আলিঙ্গন প্রেমালাপ করিয়া বর্ষান্তে আসিতে অনুরোধ করিয়া বিদায় দিলেন । ভক্তগণ বিষমুখচিত্তে দলবদ্ধ হইয়া স্বদেশাভিমুখে যাত্রা করিলেন । হরিদাস ঠাকুর, গদাধর পণ্ডিত, গুণী, ভারতী, স্বরূপ, জগদানন্দ, দামোদর, গোবিন্দ ও কাশীধর এবং উৎকল ভক্তগণ প্রভুর নিকটে থাকিলেন । গদাধর পণ্ডিতকে যমেরা টোটায থাকিবার অনুমতি হইলে তিনি সেইখানে বাস করিলেন এবং গোপীনাথ বিগ্রহের সেবা প্রকাশ করিয়া সাধন ভজন করিতে লাগিলেন ।

একদিন সার্বভৌম ভট্টাচার্য্য শ্রীচৈতন্যকে বলিলেন, ‘এখন গোড়ের ভক্তগণ চলিয়া গেলেন, তোমারও নিমন্ত্রণ থাকিবার অবসর হইল । আমার গৃহে যদি আসাবধি ভিক্ষা কর, তবে বড় সুখী হই ।’

শ্রীচৈতন্য উত্তর করিলেন ‘এক স্থানে অধিক দিন ভোজনে সম্মানীয় ধর্ম হানি হয় । তোমার গৃহে এক মাসের নিমন্ত্রণ লইতে পারি না ।’

সার্বভৌম । তবে বিশ দিনের লয় ।

শ্রীচৈতন্য। তাও পারি না।

সার্কর্ভোম। তবে ১৫ দিনের।

গৌর। না; তোমার বাড়ীতে একদিন নিমন্ত্রণ লইতে পারি। সার্কর্ভোম অনেক মিনতি করিয়া ৫ দিনের জন্ত সম্মত করাইলেন। এবং পুরী গোঁসাইকে আর পাঁচদিনের ও অত্যাশ্চর্য্য সম্মানদ্বিগুণে দুই দুই দিনের নিমন্ত্রণ করিয়া এক মাস পূর্ণ করিলেন। ভট্টাচার্য্য বলিলেন, 'এক দিনে অধিক লোককে বলিলে ভাল করিয়া সেবা করিতে পারিব না; সেবা পরাধ হইবে। অতএব এক দিন এক এক জনকে ভোজন করাইয়া ক্রমে একমাসে ব্রত উদ্‌যাপন করিব।' বাহা হউক, ভট্টাচার্য্য সে দিন শ্রীচৈতন্যকে নিমন্ত্রণ করিয়া বাড়ীতে আসিয়া পাকের আয়োজন করিলেন। ভট্টাচার্য্যের এক কন্যা ছিল, তাহাকে বাঠী বলিয়া ডাকিত। ভট্টাচার্য্যের গৃহিণী বাঠীর মাতা দুই প্রহরের মধ্যে বিবিধ ব্যঞ্জন ও মিষ্টান্নাদির সহিত অন্ন প্রস্তুত করিয়া ফেলিলেন। পাকশালার দক্ষিণ দিকে দুই খানি নূতন ঘর ছিল। এক খানি শালগ্রাম বিগ্রহের ভোগ মন্দির, আর একখানি শ্রীচৈতন্যের ভোজনের জন্ত নিভৃত স্থানে নির্মিত হইয়াছিল। উহার বাহির দিকে একটি ছয়ার এবং পাকশালার দিকে দ্বিতীয় ছয়ার। সেই গৃহে বৃহৎ কদলী পত্রে শুপাকারে অন্ন সজ্জিত হইয়া পীতবর্ণ স্নগন্ধি গব্যঘূতে সিক্ত হইল। তাহার চারিদিকে কেয়াপাতের ডোঙ্গা ও মোচার খোলার সারি সারি বিবিধ ব্যঞ্জন সজ্জিত হইল। এক শাকই দশ প্রকার, কত তরকারী, ভাজা, দাইল, অন্ন, বড়া, পিষ্টক, ছন্ধ, ক্ষীর, ছানা, রস্তু প্রভৃতি ফল; নানা উপচারে খাদ্য দ্রামগ্রী রক্ষিত হইল। বৃহৎ পিড়িতে নেত পট্টবস্ত্র মণ্ডিত করিয়া রাখা হইল এবং অন্ন ব্যঞ্জনের উপর তুলসী সুগন্ধী দেওয়া হইল। শ্রীচৈতন্য অন্ন ব্যঞ্জন দেখিয়া খাইবেন কি, প্রেমে বিহ্বল হইলেন এবং ভট্টাচার্য্যকে বলিলেন, 'ভূরি ধন্য যে এইরূপ অন্নব্যঞ্জন শ্রীকৃষ্ণে ভোগ দিয়াছ? এত অন্ন সময়ের মধ্যে কেমন করে এত সামগ্রী প্রস্তুত করিলে? বাহা হউক, এত অন্ন খাইতে পারিব না; অন্ন কিছু কিছু তুলিয়া আনাকে স্বতন্ত্র স্থানে দাও।' ভট্টাচার্য্য বলিলেন, 'না খাইতে পার, পড়িয়া থাকিবে। ভোজনে ব'সো।' শ্রীচৈতন্য তাঁহার খাতিরে ভোজনে বসিলেন। বাহির দিকের ছয়ার

লাগিলেন। অমোঘ ষষ্ঠাচার্য্য নামে এক কুলীন ব্রাহ্মণের সহিত ষষ্ঠী
কন্তার বিবাহ হইয়াছিল। সে ভট্টাচার্য্যের গৃহে ঘরজামাই থাকিত।
পরিনিদ্রা করা অমোঘের স্বভাব। সে ভোজনগৃহের নিকট আসিয়া
ঘরের মধ্যে উকি মারিয়া দেখিয়া বলিতে লাগিল, 'বাগরে! খাওয়া
দেখ। ১০।১২ জনের ভাত সন্ন্যাসীটা একলা খাচ্ছে।' ভট্টাচার্য্য ক্রোধ-
ভরে তাহার পানে তাকাইলে সে পলাইয়া গেল। ভট্টাচার্য্য হাতে লাঠি
লইয়া তাহাকে মারিবার জন্ত পিছে পিছে দৌড়িলেন, কিন্তু ধরিতে না
পারিয়া ফিরিয়া আসিয়া নানা প্রকারে শাপ শাপান্ত ও ভৎসনা করিতে
লাগিলেন। এ দিকে ষষ্ঠীর মাতাও 'ষষ্ঠী বিধবা হউক' বলিয়া গালি পাড়িতে
লাগিলেন। শ্রীচৈতন্য তাঁহাদের রকম দেখিয়া হাসিতে লাগিলেন ও
বলিলেন, 'হয়েছে কি যে তোমরা এমন করে উহাকে গালি দিতেছ?
অমোঘ তো কিছু অন্ডায় বলে নাই। বাস্তবিক অন্নব্যঞ্জন তো অধিক
পরিমাণে দিয়াছ।' এই বলিয়া গৌরচন্দ্র তাঁহাদিগকে সম্বুট করিতে অধিক
পরিমাণে ভোজন করিলেন। এবং আচমনান্তে মুখশুদ্ধি লইয়া গমনোদ্যত
হইলে ভট্টাচার্য্য অত্যন্ত হঃখিত হইয়া বলিলেন, "হায়! নিন্দা করাইবার
জন্ত তোমাকে নিমন্ত্রণ করিয়াছিলাম। আমাদের এ অপরাধ যে অমার্জ-
নীয়।' শ্রীচৈতন্য পতিপত্নীকে নানারূপ প্রবোধ দিয়া বাসায় প্রত্যাগমন
করিলেন। ভট্টাচার্য্য তাঁহার বাসা পর্য্যন্ত সঙ্গে বাইয়া নানারূপে আশ্বিননা
করিতে লাগিলেন। চৈতন্যদেব তাঁহাকে সাস্থনা করিয়া গৃহে পাঠাইলেন।
কিন্তু ভট্টাচার্য্য বাড়ীতে আসিয়া ব্রাহ্মণীকে বলিলেন "চৈতন্যপ্রভুর যে
নির্দী করে, তাহাকে রধ না করিলে অথবা আশ্বহত্যা না করিলে পাপের
প্রায়শ্চিত্ত হয় না। কিন্তু ব্রহ্মহত্যা মহাপাতক, তাহা করিব না; তবে ঐ
নিন্দকের আর মুখ দেখিব না। তাহাকে পরিত্যাগ করিলাম। ষষ্ঠীকে
বল যে নিন্দুক ও পতিত পতিকে সে ছাড়ুক।" অমোঘ এ দিকে যে
পলাইয়াছে, আর সে রাজ্যে বাড়ীতে আসিল না। দৈবাৎ সেই রাজ্যে
অমোঘ বিমুচিকারোগাক্রান্ত হইয়া মৃতপ্রায় হইল। ভট্টাচার্য্য প্রাতঃকালে
সে সংবাদ শুনিয়া বলিলেন 'ঈশ্বরাপরাধের ফল সঙ্গে সঙ্গে ফলিয়াছে। ভালই
হইল, দৈব সহায় হ'য়ে আমার অভীষিত কার্য্য করিয়া দিলেন।' এ দিকে
গোপীনাথ আচার্য্য মহাপ্রভুকে এই সংবাদ দিলে ও ভট্টাচার্য্য সপত্নীক
উৎসাহী আছেন জানাইলে, শ্রীচৈতন্য প্রভুসমুপস্থিত হইয়া অমোঘকে মঙ্গল

শুভ্রা করিয়া স্নহ করিলেন ও সে নীরোগ হইলে বিধায় বৃকে হাত দিয়া বলিতে লাগিলেন 'ব্রাহ্মণের হৃদয় সহজেই নির্মল, ভগবানের বসিবার উপযুক্ত আসন। তবে এই পবিত্র স্থানে মাৎস্য্য চণ্ডালকে বসাইয়া কেন অপবিত্র করিলে? এখন অনুতাপ কর। উঠ! অবশ্যই ভগবান্ তোমার কৃপা করিবেন।' অমোঘ অনুতাপে জর্জরিত হইয়া আপন গালে আপনি চড়াইতে লাগিল ও শ্রীচৈতন্যের চরণে ধরিয়া ক্ষমা ভিক্ষা করিয়া কাদিতে লাগিল। শ্রীচৈতন্য প্রসন্নচিত্তে হাসিতে হাসিতে বলিলেন, 'সার্কভোম-সম্বন্ধে তুমি আমার পরম স্নেহপাত্র। তোমার কি আমি কোন অপরাধ লইতে পারি? আর ছুঃখ করিও না। উঠ! নিরন্তর কৃষ্ণনাম লও ও কৃষ্ণ সেবা কর।' ইহার পর গৌরচন্দ্র অমোঘকে সঙ্গে লইয়া সার্কভোমের নিকটে যাইয়া বলিলেন 'অমোঘ বালক, আমাদের ছেলে; তা'র উপর কি রাগ করিয়া উপবাসী থাকিতে আছে? এই দেখ অমোঘ স্বীয় দোষ বুঝিতে পারিয়া অনুতপ্ত হইয়াছেন। ইহাকে গ্রহণ কর। ভগবানের কৃপায় এ ভক্তি লাভ করিয়া পরম বৈষ্ণব হইবে।' এইরূপ নানা কথায় শান্তর জামাতায় মিলন করাইয়া দিয়া শ্রীচৈতন্য বাসায় আসিলেন।

একাদশ পরিচ্ছেদ।

গৌড়ে প্রত্যাগমন।

সন্ন্যাসের পর চারি বৎসর গত হইয়াছে। শচীনন্দন নীলাদ্রির পুণ্ড্র ভূমিতে স্নত্বে বাস করিতেছেন। ক্রমে দুই বৎসরে দাক্ষিণাত্য ভ্রমণ ও নীলাচলে প্রত্যাগমন করিয়াছেন। তৃতীয় বৎসরে বৃন্দাবন গমনে ইচ্ছা হইলে রামানন্দ সার্কভোমকে মনোভাব জ্ঞাপন করিলেন। বিচ্ছেদের ভয়ে তাঁহারা আজ কাল করিয়া দুই বৎসর কাটাইয়া দিলেন। পঞ্চম বৎসরে বঙ্গদেশের ভক্তগণ রথযাত্রার পূর্বে আসিয়া রথযাত্রা দর্শন করিয়াই দেশে প্রত্যাগমন করিলেন; অস্তান্ত বর্ষের ত্রায় চাতুর্মাশ্য নীলাচলে থাকিলেন না। ভক্তগণ বিদায় হইয়া গেলে শ্রীচৈতন্য একদিন রামানন্দ রাসের ও সার্কভোমের ভট্টাচার্য্যের নিকটে বলিলেন, 'বৃন্দাবন যাইবার জন্য

আমি নিতান্ত উৎসাহী। বিশেষতঃ বঙ্গদেশে আমার দুইটি প্রিয়তম বস্তু আছে ; প্রথম জননী, দ্বিতীয় জাহ্নবী । তাঁহাদিগকে দর্শন করা নিতান্ত প্রয়োজন । তোমাদের দুই জনের বাধায় যাইব, যাইব, করিয়া দুই বৎসর কাটাইয়া দিলাম, যাইতে পারিলাম না । এক্ষণে প্রসন্ন হইয়া আমাকে যাইতে অনুমতি দাও । উভয়ে পরামর্শ করিয়া বলিলেন, ‘এখন বর্ষা সমাগত হইল, পথে যাইতে বড় কষ্ট হইবে ; আগামী বিজয়াদশমীদিনে যাত্রা করিবেন ।’ শ্রীচৈতন্য এই কথায় সন্তুষ্ট হইলেন এবং বর্ষার কয়েক মাস কাটাইয়া দিয়া বিজয়ার দিনে শুভ যাত্রা করিলেন । জগন্নাথের প্রসাদ ও মালা চন্দন সংগ্রহ করিয়া লইয়া শচীনন্দন প্রাতঃকালে যাত্রা করিলেন । উৎকলবাসী সমস্ত ভক্তগণ সঙ্গে সঙ্গে অনুগমন করিতে লাগিলেন । গদাধর পণ্ডিতকে ডাকিয়া শ্রীচৈতন্য বলিলেন, ‘তোমার ক্ষেত্রসন্ন্যাস ছাড়া উচিত নয়, তুমি যাইও না ।’ পণ্ডিত উত্তর করিলেন, ‘তুমি যেখানে, সেই নীলাচল । আমার ক্ষেত্র সন্ন্যাস রসাতলে বাউক ।’

শ্রীচৈতন্য বলিলেন ‘তোমার গোপীনাথের সেবা ছাড়া উচিত নয় ।’

পণ্ডিত । তোমার চরণ দর্শনের কাছে কোটি সেবাও তুচ্ছ ।

শ্রীচৈতন্য । হি ! হি ! অমন কথা বলো না । তুমি সেবা ছাড়িলে আমার অপরাধ হইবে । এখানে থাকিয়া সেবা কর, আমি সুখী হইব ।

গদাধর পণ্ডিত রাগ ও অভিমানে উত্তর করিলেন, ‘আমি তোমার সঙ্গেও যাইব না, তোমার জন্তে ও নয় । একাকী যাবো—সঙ্কল্প, শচী মাতাকে দর্শন করা । ইহাতে প্রতিজ্ঞাসেবা ছাড়ার যে দোষ হয়, হইবে ; আমি তাহার ভাগী । তবুও আমি যাইব ।’

শ্রীচৈতন্য ইহার পর আর দ্বিকুক্তি করিলেন না । গদাধর পণ্ডিত দল ছাড়া হইয়া একাকী পাছে পাছে যাইতে লাগিলেন । কতক দূর আসিলে গৌরচন্দ্র কতক লোককে বিদায় দিলেন । তথাচ প্রধান প্রধান ভক্তগণ সঙ্গ পরিত্যাগ করিলেন না । পুরী গোঁসাই, স্বরূপ দামোদর, জগদানন্দ, মুকুন্দ, গোবিন্দ, কান্দিখর, হরিদাস ঠাকুর, বজ্রেশ্বর পণ্ডিত, গোপীনাথ আচার্য্য, দামোদর পণ্ডিত, এবং রামাই, নন্দাই, প্রভৃতি সঙ্গ চলিতে লাগিলেন । ভবানীপুরে আসিয়া সকলে অবস্থিতি করিলেন । এখানে রামানন্দ রায় ও সার্কভৌম ভট্টাচার্য্য দোলারোহণে আসিয়া মিলিত হইলেন । বাগীনাথ বাহক দ্বারা অনেক মহাপ্রসাদ পাঠাইয়া ছিলেন । ভোক্তৃনাথ

যাত্রীদল ভুবনেশ্বর হইয়া কটকে উপনীত হইলেন। বিধাত্তত্ত্ব সাক্ষীগোপাল দর্শনান্তে স্বপ্নেশ্বর নামক বিপ্রভবনে আতিথ্য গ্রহণ করিয়া বকুলতলায় বিশ্রাম করিতে লাগিলেন। এদিকে রামানন্দ্রায় রাজপ্রাসাদে যাইয়া প্রতাপরুদ্রকে সংবাদ দিলে রাজা ব্যগ্রচিত্তে বকুলতলায় আসিয়া প্রভুকে দর্শন করিয়া অনেক দিনের মনের সাধ মিটাইলেন। কারণ ইহার পূর্বে রথের সময়ে পুষ্পোদ্যানের যে দর্শন, সে প্রভুর অন্তর্দর্শন বিহীন অবস্থায়। শ্রীচৈতন্য সে সাক্ষাতে রাজাকে চিনিতে পারেন নাই। রাজা প্রেমগদগদচিত্তে পুনঃ পুনঃ সাক্ষাৎ প্রার্থনা করিলে শ্রীচৈতন্য কৃপাপরবশ হইয়া স্বীয় প্রতিজ্ঞা ভঙ্গ করিয়া রাজাকে অরুপট আলিঙ্গন দিলেন এবং রাজার নিকট প্রেম-ভক্তি দেখিয়া মহাসুখী হইলেন। নানারূপ কথাবার্তায় রাজা ও অমাত্য বর্গকে সম্ভাষণ করিয়া বিদায় দিয়া গৌরচন্দ্র যাইবার উদ্যোগ করিতে লাগিলেন। এদিকে মহারাজ প্রতাপরুদ্র মহাপ্রভুর গমনের সুবিধার জন্ত রাজাজ্ঞা প্রচার করিয়া দিলেন। সীমান্ত প্রদেশ পর্যন্ত রাজকর্মচারীদিগের প্রতি আদেশ হইল, নানা প্রকার সামগ্রীসম্ভার আনিয়া প্রভুর সেবা করিতে। সৈন্যগণ বেত্র হস্তে সঙ্গে যাইতে, বাসস্থানের বন্দোবস্ত করিতে ও বিনা ক্লেশে ঘাটা দি পার করিয়া দিতে আদিষ্ট হইল। হরিচন্দন ও মঙ্গরাজ নামক সচিবদ্বয় ও রাজা রামানন্দকে প্রভুর সঙ্গে যাইতে আদেশ হইল। এদিকে মহরের চিত্রোৎপলা নদীঘাটে পারে যাইবার জন্ত উৎকৃষ্ট তরঙ্গী রক্ষিত হইল। নগরের পথে ও ঘাটে রমণীয় তোরণ ও স্তম্ভ নির্মিত হইল। মহাপ্রভু মধ্যাকালে যাত্রা করিবেন জানিতে পারিয়া রাজা বৃহৎ বৃহৎ হস্তীর উপরে পটমণ্ডপ রচনা করিয়া তাহার মধ্যে রাজমহিষী, পুরন্দরী ও পরিজনদিগকে লইয়া, যাইবার পথে অপেক্ষা করিতে লাগিলেন। নিরুপিত সময়ে চৈতন্যদেব গণসহ নদীঘাটে আসিয়া স্নানাবগাহন করিলেন। এই সময়ে রাজা মহিষীদিগকে সঙ্গে লইয়া পাদবন্দনা করিলে গৌর কৃপা আশীর্বাদ করিলেন। গদাধর পণ্ডিতকে ডাকিয়া হাতে ধরিয়া গৌর বলিলেন, 'প্রতিজ্ঞাসেবা ছাড়িয়া আমার সঙ্গে আসিতে যে সঙ্কল্প করিয়াছিলে, তাহা তো সিদ্ধ হইল। সেবা ত্যাগ প্রথম অপরাধ, দ্বিতীয় সুখ বাঞ্ছা করিয়া আমার সঙ্গে থাকিবার অভিলাষ, দ্বিতীয় অপরাধ। ইহাতে তোমার ধর্ম হানি হইবে জানিয়া আমি বড়ই দুঃখিত হইয়াছি। অতএব আমার কেন, নীলাচলে ফিরিয়া যাও। আমার শপথ লাগে যদি

আর আপত্তি কর। এই বলিয়া চৈতন্যদেব সপার্বদে নৌকায় উঠিলেন। গদাধর নদীতীরে সৈকত ভূমিতে পড়িয়া কাদিতে লাগিলেন। সার্বভৌম ভট্টাচার্য্য পণ্ডিতকে সুস্থ করিয়া সঙ্গে লইয়া প্রত্যাবর্তন করিলেন। জ্যোৎস্নাময়ী রাত্রি দেখিয়া গৌরচন্দ্র নদী পার হইয়া চতুর্দার নামক স্থানে আসিয়া রজনী বাপন করিলেন। প্রাতঃকালে রাজাজ্ঞায় নীলাচল হইতে অনেক মহাপ্রসাদ আসিয়া উপনীত হইল। গৌরচন্দ্র সমস্ত প্রাতঃকৃত্য সমাধানান্তে প্রসাদ ভোজন করিয়া পথ অতিবাহন করিতে প্রবৃত্ত হইলেন। যাজপুরে আসিয়া গৌরচন্দ্র রাজামাত্যদ্বয়কে বিদায় দিলেন, এবং রামানন্দের সঙ্গে কৃষ্ণকথা রঙ্গে রেশুণা (কোন মতে ভদ্রক) পর্য্যন্ত আগমন করিলেন। যেখানে যান, সেইখানে রাজাজ্ঞায় গৌর মহাসুখে অবস্থিতি করিতে লাগিলেন। রাজকীয় কর্মচারীগণ ঘোড় হতে তাঁহার ইচ্ছা সম্পাদন করিতে লাগিলেন।

রেশুণা হইতে গৌরচন্দ্র রামানন্দরায়কে বিদায় দিলে রায়, শোকে বিহ্বল হইয়া কাদিতে কাদিতে প্রতিনিবৃত্ত হইলেন। ইহার পর গৌরচন্দ্র উৎকল রাজ্যের সীমান্ত প্রদেশে আসিয়া উপনীত হইলে রাজকর্মচারী মহাপাত্র তাঁহাকে মহাসমাদরে গ্রহণ করিলেন। দুই চারি দিন বিশ্রামের পর মহাপাত্র বলিলেন, 'ইহার পর পিছলদা পর্য্যন্ত সব দেশ মদ্যপ যবন রাজার অধিকার। সে ব্যক্তি অতি হৃদ্যন্ত ; তাহার ভয়ে কেহ পথে চলিতে ও নদীতে নৌকা বাহিতে পারে না। আপনি দিনকতক এখানে বিশ্রাম করুন। আগে তাহার সহিত সন্ধিস্থাপন করিয়া লুই ; পরে আপ্সাদিগকে নৌকারোহণে দেশে পাঠাইব।' এই মদ্যপ যবনরাজ কে, তাহার সঠিক বৃত্তান্ত পাইবার উপায় নাই। অমুমান হয়, একজন পরাক্রান্ত মুসলমান ভূম্যধিকারী অথবা বঙ্গেশ্বরের সীমান্ত প্রদেশের শাসনকর্তা হইবেন। এই সময়ে যবনরাজের এক গুপ্ত চর ছদ্মবেশে উড়িয়া কটকে আসিয়া চৈতন্যদেবের মূর্তি, আচরণ ও প্রেমচেষ্টা দেখিয়া মুগ্ধ হইয়া গেল ও স্বীয় প্রভুকে যাইয়া নিবেদন করিল 'জগন্নাথ হইতে এক সন্ন্যাসী অনেক সিদ্ধ পুরুষ সঙ্গে আসিয়াছেন। সকলেই হাসে, কানে, নাচে, গায়, এবং কৃষ্ণপ্রেমে বিহ্বল হইয়া কি করে, তাহার ঠিকানা নাই। লক্ষ লক্ষ লোক তাঁহাকে দেখিতে আসিয়া কৃষ্ণপ্রেমে পাগল হইয়া বাইতেছে।' এই বলিয়া সেই লোক পাগলের স্থায় হাগিতে, কাদিতে,

নাচিতে লাগিল, দেখিয়া যবনাধিপের মন কিরীতধারীল। তখন তিনি আপন বিশ্বাসকে উৎকল রাজকর্মচারীর সমীপে পাঠাইলেন। বিশ্বাস মহাপাত্রের নিকট যবনরাজের গৌরান্দর্শনে ব্যাকুলতা ও তাঁহার প্রতি বন্ধুতাব্যবহা জ্ঞানাইলে মহাপাত্র বলিলেন, 'নিরস্ত্র হইয়া কেবল মাত্র ৪৫টা ভৃত্য সমভিব্যাহারে আসিতে অঙ্গীকার করিলে, আসিতে বলিও।' বিশ্বাস যবনশিবিরে প্রত্যাগত হইয়া এই সংবাদ জ্ঞানাইলে, স্নেহাধিপ হিন্দুর বেশ ধারণ করিয়া উড়িয়া শিবিরে আসিলেন ও চৈতন্যদেবকে দর্শন করিয়া প্রেমবিহ্বলচিত্তে পুনঃ পুনঃ মাষ্টাঙ্গ প্রণিপাত করিয়া কাদিতে লাগিলেন। মহাপাত্র তাঁহাকে বহু সম্মান করিয়া অভ্যর্থনা করিলেন। যবনরাজ ক্রীচৈতন্যকে বলিতে লাগিলেন, 'হার! কেন আমি মুসলমান বংশে জন্মিয়াছিলাম? তা' না হলে তো তোমার চরণ সেবা করিয়া পাপ হইতে নিষ্কৃতি পাইতে পারিতাম।' মহাপাত্র বলিলেন, 'প্রভু! তুমিই ধন্য! যে নাম গ্রহণে চণ্ডালও পবিত্র হয়, ইনি তোমার প্রভাবে সেই পবিত্র হরিনাম লইয়া যে ধন্য হইবেন, তাহাতে আশ্চর্য কি? কে ইহার অন্তরে থাকিয়া মন ফিরাইয়া দিল?' ক্রীচৈতন্য যবনরাজকে কৃপা করিয়া হরিনাম দীক্ষা দিলেন। যবনরাজ বলিলেন, 'প্রভু! আমি ঘোর পাপী; কত যে পাপ করিয়াছি, তার সীমা নাই। যদি এই অধমকে কৃপা করিলেন; তবে আপনার সেবা করিতে অধিকার দেন, আমি ধন্য হইয়া যাই।' সুকুম্ভ দত্ত সময় বুঝিয়া বলিলেন, 'বদ্র দেশে যাইতে প্রভুর বড় ইচ্ছা হইয়াছে; আপনি যদি তাহার বন্দোবস্ত করিয়া দেন, তবে বড় উপকার হয়।' স্নেহপতি উত্তর করিলেন, 'এ আর একটা কঠিন ব্যাপার কি?' অতঃপর তিনি বৈষ্ণবগণের যথাযোগ্য পান বন্দনা করিয়া বিদায় হইয়া গেলেন। উৎকলরাজপ্রতিনিধি যবনরাজের সহিত আলিঙ্গন কোলাকুলি করিয়া অনেক সামগ্রীসম্ভার দিয়া মিত্রতা স্থাপন করিলেন। উভয় রাজ্যে সন্ধি হইয়া গেল। পর দিন প্রাতে অনেক নৌকা সাজাইয়া যবনপতি বিশ্বাস পাঠাইয়া প্রভুকে দলসহ নিজ শিবিরে আনিলেন। মহাপাত্রও সঙ্গে সঙ্গে আসিলেন। স্নেহরাজ প্রভুর পদবন্দনা করিয়া এক স্নবহং নূতন নৌকার রমণীয় প্রকোষ্ঠে গণ সহ উঠাইয়া দিয়া জলদস্যু ভয়ে আর দশখানি নৌকার সৈন্য পূর্ণ করিয়া স্বয়ং সঙ্গে চলিলেন। ক্রীচৈতন্য উৎকল রাজপ্রতিনিধিকে আলিঙ্গন দিয়া বিদায় করিলে, মহাপাত্র কাদিতে কাদিতে প্রতিনিবৃত্ত হইলেন। বঞ্চিত আছে, মন্ত্ৰধর নামক দুই

নদী পার করাইয়া এই যবনরাজ পিছলদা পর্য্যন্ত সঙ্গে আসিলেন এবং নিরাপদ স্থানে পৌছিয়াছেন জানিয়া প্রভুর পাদবন্দনা করিয়া সাক্ষ লোচনে বিদায় হইয়া চলিয়া গেলেন।

এদিকে মহাপ্রভু সেই নৌকারোহণে অচিরে পানিহাটি বা বর্তমান পেনেটা গ্রামে আসিয়া উপনীত হইয়া নাবিকদিগকে কৃপাসাতি পুরস্কার দিয়া বিদায় করিয়া গেলেন। যে পথে গৌরচন্দ্র পেনেটা আসিলেন, ইহা কোন্ পথ, ঠিক জানা যায় না। অনুমান হয়, স্ববর্ণরেখা নদীর মুখ দিয়া বঙ্গোপসাগর পার হইয়া ভাগীরথীতে প্রবেশ করিয়া থাকিবেন। পানিহাটি গ্রামে গৌরভক্ত রাঘব পণ্ডিতের বাসস্থান। প্রভু আসিয়াছেন শুনিতে পাইয়া রাঘব পণ্ডিত স্বশিষ্যে যাইয়া মহা সমাদরে গৃহে আনিলেন ও নানা উপচারে গণসহ প্রভুর সেবা করিলেন। রাঘবের ভগিনী দময়ন্তী দেবী প্রভুর একান্ত ভক্ত; নানা খাদ্য সামগ্রী প্রস্তুত করিয়া প্রভুকে ভোজন করাইলেন। গৌর আসিয়াছেন শুনিয়া রাঘব-গৃহে মহা জনতা হইল। এঁড়িয়াদহ নিবাসী গদাধর দাস, পুরন্দর পণ্ডিত, পরমেশ্বর দাস ও রাঘবশিষ্য মকরধ্বজ করকে এইখানে মহাপ্রভু কৃপা করিলেন। নিত্যানন্দও এইখানে গৌরের সঙ্গে মিলিত হইলেন। রাঘব-গৃহে একদিন অবস্থিতি করিয়া গৌরচন্দ্র প্রাতঃকালে কুমারহট্ট বা বর্তমান হালিসহর গ্রামে শ্রীবাস ভবনে আগমন করিলেন। গৌরের সন্ন্যাসগ্রহণ ও উৎকল যাত্রার কিছু পরেই শ্রীবাস পণ্ডিত নবদ্বীপের বাস পরিত্যাগ করিয়া কুমারহট্টে বাস করিয়াছিলেন। এরূপ কিম্বদন্তী আছে, গৌরের অনুপস্থিতিতে পণ্ডিতের উপর অত্যন্ত নির্যাতন হওয়ার তিনি বাসস্থান পরিবর্তন করিতে বাধ্য হইয়াছিলেন। তবে নবদ্বীপে তাঁহার প্রবাস-বাটি ছিল; মধ্যে মধ্যে তথায় যাতায়াত করিতেন এবং সময়ে সময়ে থাকিতেন। চারি সহোদরের মধ্যে এখন কেবল শ্রীবাস ও শ্রীরাঘ জীবিত ছিলেন। গৌর, পণ্ডিতের অনেক পোষ্য ও সাংসারিক কষ্ট দেখিয়া ধন উপার্জনের জন্ত উপায় উদ্ভাবন করিতে বলিলে বিশ্বাসী শ্রীবাস হাতে তিন তালি দিয়া বলিলেন, 'যদি তিন উপবাসের পরও ভক্ষ্য দ্রব্য আপনা হইতে না আইসে, তাহা হইলে গঙ্গায় ঝাঁপ দিয়া ডুবিয়া মরিব, তথাপি উপার্জনের চিন্তাকে মনে ঠাঁই দিব না।' গৌরচন্দ্র শ্রীবাসের বিশ্বাস ও নির্ভর

করিতে হইবে? কৃষ্ণ কৃপায় সব আপনা হইতে বিধার বাইবে।' শ্রীবাসের গৃহে সঙ্কীৰ্ত্তনে, ভাগবত শ্রবণে ও পণ্ডিতের বিদূষক লীলার মহানন্দে গোরের দিন অতিবাহিত হইতে লাগিল। বাসুদেব দত্ত ও শিবানন্দ সেনের নিবাসও কুমারহাটে। গৌরচন্দ্র তাঁহাদের গৃহে বাইয়াও কত লীলা কোতুক করিতে লাগিলেন। গোবিন্দ, মাধব ও বাসুদেব শ্রীচৈতন্যের প্রাণাপেক্ষাও প্রিয়। ইহার তিন ভ্রাতাই অতি সুগায়ক; গোরের আদেশে নীলাচল হইতে আসিয়া নিত্যানন্দের সঙ্গে সঙ্গে অবস্থিতি করিতেছিলেন। ইহাদের পৈতৃক বাস কুমারহাটে। গৌর বাসুদেবকে বলিয়াছিলেন, 'আমার শরীর পর্য্যন্ত তোমার। আমাকে তুমি যে হাটে বেচ, আমি সেই খানেই বিকাই।' আচার্য্য পুরন্দরের সহিত শ্রীবাস মন্দিরে সাক্ষাৎ হইলে গৌর ইহার পাদ-বন্দনা করিলেন। পাঠক মহাশয়ের মনে আছে, ইহাকে গৌর পিতৃসম্বোধন করিতেন। গোরের নবদ্বীপ ত্যাগের পর ইনিও কুমারহাটে উঠিয়া আসিয়া ছিলেন। বাহা হউক, কতক দিন শ্রীবাসগৃহে বিহার করিয়া ও শ্রীরাম পণ্ডিতকে শ্রীবাসের সেবা করিবার জ্ঞান বিশেষ উপদেশ দিয়া গৌরচন্দ্র শশিষ্যে বিদ্যাচাম্পতির গৃহে আসিয়া উপনীত হইলেন। বিদ্যাচাম্পতি সার্কভৌম ভট্টাচার্য্যের কনিষ্ঠ সহোদর ও নবদ্বীপের স্বর্গীয় মহেশ্বর বিশারদের পুত্র। বোধ হয়, শ্রীচৈতন্যের সন্ন্যাসগ্রহণের পর বিদ্যাচাম্পতি নবদ্বীপ পরিত্যাগ করিয়া কুমারহাটের নিকটে গঙ্গাতীরে বাস করিয়া ছিলেন। শ্রীচৈতন্য লোক সংঘট্ট এড়াইতে ও নির্জনে গঙ্গাবাস করিতে তাঁহার আশ্রয়ে আগমন করিলেন। বাচাম্পতি মহাশয় পরমানন্দিত হইলেন। কিন্তু সূর্য্যের উদয় কি কখন গোপনে থাকে? গোরের আগমন বার্তা চারিদিকে রাষ্ট্র হইয়া পড়ায় নবদ্বীপ অঞ্চল ও অত্যাশ্রয় অনেক স্থান হইতে বহুসংখ্যক লোক আসিতে লাগিল। বন, উপবন, মাঠ, ঘাট, লোকে পরিপূর্ণ হইয়া গেল। কেহ বা নৌকায়, কেহ ভেলায়, কেহ কেহ বা ষট বুকে দিয়া গঙ্গাপার হইয়া গৌরাদর্শনে আসিতে লাগিল। বালক, বৃদ্ধ, যুবা, স্ত্রী, পুরুষ, প্রভৃতি মনুষ্যের গহনে ক্ষুদ্রগ্রামে স্থান হইল না। শ্রীচৈতন্য তাহাদিগকে হরিনাম উপদেশ দিয়া বিদায় দিতে লাগিলেন। কিন্তু লোকের ভিড় তখাচ কমিল না। দিন দিন মহা জনতা হইতে লাগিল। গৌরচন্দ্র লোকের ভিড়ে উত্থল হইয়া বাচাম্পতির অজ্ঞাতে নিম্নোক্ত প্রভৃতি কয়েক জন মাত্র বিশ্বাসী বন্ধু সঙ্গে লইয়া নবদ্বীপের নিকট

কুলিয়া গ্রামবাসী এই গ্রাম নামক ব্যক্তির গৃহে পলাইয়া গিয়া আশ্রয় লইলেন। এদিকে গৌরকে লুকাইয়া রাখিয়াছেন বলিয়া আগন্তুক লোক সকল বাচস্পতিকে তিরস্কার ও নির্যাতন করিতে লাগিল। কিন্তু বাচস্পতি, গৌর কোথায় গিয়াছেন, কিছুই অবগত নহেন। স্মৃতরাং লোক নির্যাতনে বড়ই মুঞ্চিলে পড়িলেন। পরে শ্রভুর কুলিয়া গমনের সংবাদ শুনিতে পাইয়া বিদ্যা-বাচস্পতি আত্মদোষ ক্ষালনার্থ সেই সব লোক সৃঙ্গে লইয়া কুলিয়ায় আসিলেন ও চৈতন্ত শ্রভুকে অনুরোধ করিয়া সকলের সমক্ষে আনিয়া তাঁহাকে লুকাইয়া রাখার অবস্থা কলঙ্ক হইতে নিষ্কৃতি লাভ করিলেন। কুলিয়াতে জন-কোলাহল আরও ভীষণ হইয়া উঠিল। অনন্ত অর্কুদ লোক আসিয়া গ্রাম, গ্রাস্তর, বন, জঙ্গল ছাইয়া ফেলিল। ঘাটে বহুসংখ্যক নৌকা রাখিয়াও পারের স্বন্দোবস্ত হইল না। গ্রামে দোকানী পসারী বসিয়া এক মহা মেলা হইয়া গেল। কথিত আছে, যে সকল লোক গৃহস্থাত্মে থাকার সময়ে গৌরের নিন্দা কুৎসা রটাইত, তাহার অমৃতপু হৃদয়ে তাঁহার শরণাগত হইল। তিনি তাহাদিগকে কৃষ্ণনাম ও কৃষ্ণভক্তি উপদেশ দিয়া বিদায় করিলেন। কুলিয়াতে যে সকল লোককে শ্রীচৈতন্ত রূপা করিয়াছিলেন, তাহাদিগের মধ্যে চাঁপাল গোপাল ও দেবানন্দ পণ্ডিত প্রধান। চাঁপাল গোপালের পূর্ব বৃত্তান্ত এই গ্রন্থের পূর্বভাগে লিখিত হইয়াছে*। এই ব্যক্তি সাধু অপরাধের জন্ত কুষ্ঠ ব্যাধিতে কষ্ট পাইতেছিল। গৌরের সন্ন্যাসগ্রহণের পূর্বে একদিন গঙ্গার ঘাটে সে তাঁহার চরণে ধরিয়াছিল। গৌরচন্দ্র তখন তাহাকে প্রসন্ন করেন নাই। এক্ষণে তাঁহার কুলিয়ায় ক্ষণগমন সংবাদ পাইয়া সে ব্যক্তি অমৃতপু হৃদয়ে তাঁহার চরণে পড়িয়া কাঁদিতে লাগিল। গৌর প্রসন্ন বদনে ও করুণ বচনে তাহাকে বলিলেন, 'দেখ! শ্রীবাসের স্থানে তোমার অপরাধ আছে; হৃষ্টবুদ্ধি পরিত্যাগপূর্বক তাঁহার নিকট ক্ষমা প্রার্থনা কর। তিনি তোমায় প্রসন্ন হইলে তোমার ব্যাধি দূর হইবে।' পরে সে শ্রীবাস পণ্ডিতের প্রসন্নতা লাভ করিয়া ব্যাধি মুক্ত ও নিষ্পাপ হইয়াছিল।

দেবানন্দ পণ্ডিতের পরিচয় পূর্বেই দেওয়া হইয়াছে।† ইনি সার্কভোমের পিতা মহেশ্বর বিশারদের প্রতিবাসী; একজন পরম জ্ঞানী

* ২০৫ পৃষ্ঠা দেখ।

† পূর্বভাগ, ৮৫ পৃষ্ঠা দেখ।

ও ধার্মিক ব্যক্তি ছিলেন। শ্রীবাস পণ্ডিতের নিকটবিধার যে অপরাধ ছিল, তাহার জন্ত গৌর একদিন ইঁহাকে নবদ্বীপের রাজপথে দেখা পাইয়া অনেক মিষ্ট ভৎসনা করিয়াছিলেন। সে ভৎসনা ইনি নীরবে সহ্য করিয়াছিলেন। কিন্তু পাপ স্বীকার করিয়া ক্ষমা প্রার্থনা করেন নাই। গৌরচন্দ্রের নীলাচলে অবস্থিতি করার সময়ে ভক্ত বক্রেখর পণ্ডিতের সঙ্গে ইহার পরিচয় হইয়াছিল। বক্রেখর তাঁহার আলয়ে কিছু দিন বাস করিয়া ছিলেন। বক্রেখরের অদ্ভুত প্রেম চেষ্টা, উদ্ভূত নৃত্য কীর্তন দেখিয়া শুনিয়া দেবানন্দ প্রেমভক্তির আশ্বাদন জানিতে পারিয়াছিলেন। গৌরের কুলিয়ায় উদয়ের পর বক্রেখর এক দিন প্রেমে নাচিতে নাচিতে দেবানন্দের গলা ধরিয়া প্রভুর নিকট লইয়া গিয়াছিলেন। চৈতন্যদেব তাঁহাকে অতুতপ্ত জানিয়া পূর্বকৃত অপরাধ ক্ষমা করিয়া প্রসাদ করিয়াছিলেন। দেবানন্দ জিজ্ঞাসা করিলেন, 'সাধুনিন্দা ও পরনিন্দা জনিত পাপ কিসে ক্ষয় হয়?'

চৈতন্য দেব উত্তর করিলেন, "নিন্দিত ব্যক্তির নিকট নিজ পাপ স্বীকার করা, তাঁহার স্তুতি করা, পুনরায় আর নিন্দা না করা এবং কৃষ্ণনাম উচ্চারণ করা, ইহার প্রায়শ্চিত্ত।'

দেবানন্দ বলিলেন, 'আমি ভাগবত পড়াই বটে, কিন্তু ইহার প্রকৃত অর্থ নিজে বুঝিতে পারি না। আপনি অল্পগ্রহ করিয়া আমাকে ভাগবতার্থ বুঝাইয়া দেন।' কথিত আছে, শ্রীচৈতন্য সর্বভক্তসমন্বয়ে ভাগবতের আদ্যন্তে ভক্তিই একমাত্র প্রয়োজন, ব্যাখ্যা করিয়া দেবানন্দকে উপদেশ-চ্ছলে সর্বভক্তকে শিক্ষা দিয়াছিলেন। শ্রীচৈতন্যের কুলিয়াবিজয় স্মরণার্থে প্রতিবর্ষ কার্তিক মাসে সেখানে এক মেলা বসিয়া থাকে। অষ্টিকাকলিনার নিকটে ভাগীরথী তীরে কুলিয়াগ্রাম অবস্থিত।

সাতদিন কুলিয়া গ্রামে অবস্থিতি করিয়া ও বহুবিধ লোককে প্রেমভক্তি শিক্ষা দিয়া শ্রীচৈতন্য দলবল সহ শান্তিপুরে অদ্বৈত ভবনে আসিয়া উপনীত হইলেন। ইহার কিছু পূর্বে আচার্য্যভবনে একজন সন্ন্যাসী অতিথি হইয়া আচার্য্যকে জিজ্ঞাসা করিয়াছিলেন, 'কেশব ভারতী চৈতন্যের কে? অদ্বৈত তত্ত্বেরে 'গুরু' এই কথা বলিবা মাত্র অদ্বৈতের পঞ্চম বর্ষীয় পুত্র অচ্যুতানন্দ হুঃখিত ও কুপিত হইয়া পিতাকে তিরস্কার করিলেন, "চৈতন্যই তো জগদগুরু, তাঁহার আবার গুরু কে? আপনি এরূপ বলিতেছেন কেন?" অদ্বৈত পিতৃপুত্রের জন্ম। চৈতন্যনিন্দা দেখিয়া প্রেম্যানন্দে সাতোয়ারা হইয়া

পুত্রকে কোলে কাঁই আঁজিনায় নাচিয়া বেড়াইতে লাগিলেন। এমন সময়ে শ্রীচৈতন্য সানন্দে হরিবোল দিয়া আচার্য্য সমক্ষে উপস্থিত হইলেন। আচার্য্যের আনন্দসিন্ধু উথলিয়া উঠিল। হরিনামের ঘোর ঘটা পড়িয়া গেল ও মহা মহোৎসব লাগিয়া গেল। অবৈত বাহক ও দোলা পাঠাইয়া নবদ্বীপ হইতে শচীদেবীকে আনিলেন। মাতা পুত্রের পুনর্মিলনে সুখতরঙ্গ বহিতে লাগিল। শচীমাতা স্বহস্তে রন্ধন করিয়া প্রাণের নিমাইকে খাওয়াইতে লাগিলেন। নবদ্বীপের সব ভক্ত আসিয়া একত্রিত হইলেন। প্রত্যাগমন কালে পুনরায় আসিবেন, বলিয়া গৌরচন্দ্র ভক্তগোষ্ঠি সহিত বৃন্দাবন দর্শনোদ্দেশ্যে যাত্রা করিলেন। সঙ্গে অগণ্য লোক যাইতে লাগিল। পথে বতই অগ্রসর হইতে লাগিলেন, লোক সংখ্যা আরও বৃদ্ধি হইতে লাগিল। প্রত্নব্রহ্মচারী নামে গৌরের এক জন উড়িয়া ভক্ত সঙ্গে ছিলেন। ইনি নৃসিংহ উপাসক ছিলেন বলিয়া চৈতন্য তাঁহাকে আদর করিয়া নৃসিংহানন্দ বলিয়া ডাকিতেন। চৈতন্য প্রভুর মথুরায় যাইতে পথশ্রম না ভয়ে, এই জন্ত ইহার মনে বড় সাধ হইয়াছিল যে, কুলিয়া গ্রাম হইতে মথুরা পর্য্যন্ত পথ রত্ন দিয়া বাঁধাইয়া দেন; তাহার উপরে নিৰ্ব্বৃত্ত কুসুমশয্যা পাতিয়া দেন; পথের দুই ধারে প্রস্তুতকুসুম বকুল তরুরাজি পুতিয়া দেন; মাঝে মাঝে নির্মলসলিলা পুষ্করিণী কাটিয়া দেন; তাহাতে জলচর নানা পক্ষী ক্রীড়া করে, পাদপছারায় সুশীতল বায়ু প্রবাহিত হয় এবং বকুল ডালে পাখী সব কলকণ্ঠে গান করিতে থাকে। ভক্ত মনে মনে এইরূপ করিয়া পথ বাঁধিয়া রাজমহলের নিকটবর্ত্তী কানারের নাটশালা পর্য্যন্ত আসিয়া, কে জানে কি জন্ত, 'তাঁহার আর আগে যাইতে ইচ্ছা হইল না। তাহাতে মনোবলে তিনি বৃষ্টিতে পারি লেন যে, এবার গৌরের বৃন্দাবনে যাওয়া হইবে না; কানারের নাটশালা হইতে ফিরিতে হইবে। এই কথা তিনি নাকি ভক্ত বৃন্দের নিকট প্রকাশ করিয়াছিলেন। যাহা হউক, শ্রীচৈতন্য ভক্ত দল ও লোকসমাগম লইয়া অল্প দিন মধ্যে বঙ্গের তৎকালের রাজধানী গোড় নগরের নিকটবর্ত্তী রামকেলি গ্রামে আসিয়া উপনীত হইলেন। সহর কোতয়াল গোড়ের খরকে জানাইল এক সম্মাসী বহুসংখ্যক লোক সঙ্গে আসিয়া নিরবধি ভূতের সংকীৰ্ত্তন করিতেছে*। সৈয়দ হুসেন সা বা দ্বিতীয় আলাউদ্দীন

তখন বঙ্গের সিংহাসনে অধিষ্ঠিত। তিনি ^{স্ববিধার} তাঁহার হিন্দু সভাসদগণকে সম্মানসম্বন্ধে জিজ্ঞাসা করিলে, কেশবছত্রী, রূপ ও সাকর মল্লিক বা দবীরথাস আতঙ্কিত হইয়া উত্তর করিলেন, 'ভিখারী সম্মানী তীর্থ-পর্যটন করিতে যাইতেছে, তাঁহার সঙ্গে দুই চারি জন ভিক্ষুক চলিয়াছে। তাঁহার এমন কি শক্তি যে, হজুরের মনোযোগ আকর্ষণ করিতে পারেন। মুসলমান কর্মচারীগণ আপনার নিকট ঠকামি করিয়াছে, তাহাদের কথায় কর্ণপাত করিবেন না।' এ দিকে তাঁহারা গোপনে চৈতন্য প্রভুকে অন্ত্র চলিয়া যাইতে অনুরোধ করিয়া পাঠাইলেন। তাঁহাদের এই আশঙ্কা হইয়াছিল যে, যবনজাতি ঘোর অবিশ্বাসী; যদিও মুখে ভাল কথা বলিতেছে, কি জানি কখন কি বিপদ ঘটায়? কিন্তু তাঁহাদের আশঙ্কার কোন কারণ ছিল না। কারণ সৈয়দ হুসেন সাহা ত্রিচৈতন্যের প্রতি নিষ্ঠুরাচরণ করা দূরে থাকুক, তাঁহার থাকিবার ও সঙ্কীর্ণন প্রচারের সুবিধা করিয়া দিবার জন্ত; ও কাজীগণ তাঁহার প্রতি অন্ত্র আচরণ করিতে না পারে, তজ্জন্ত রাজা রাজা প্রচার করিয়া দিলেন।

রূপ ও সাকর মল্লিকের বীরথাস ও দবীরথাস উপাধি ছিল। ইহারা কে, পাঠকমহাশয় জানিতে চাহেন কি? ত্রিচৈতন্যের প্রেমমত্তে মুগ্ধ হইয়া ধুলির ভ্রায় রাজকীয় পদমর্যাদা ও ধন সম্পদ ত্যাগ করিয়া কুছা করঙ্গ লইয়া চৈতন্যরঙ্গভূমিতে যাহারা রূপ, সনাতন বলিয়া ধ্যাত; বৈরাগ্যের জলন্ত প্রতিমূর্তি সেই মহাপুরুষদ্বয়ই গোড়সচিব রূপ, সাকর মল্লিক। কর্ণপুর সত্য সত্যই তাঁহাদের সম্বন্ধে লিখিয়াছেন :—

‘যঃ প্রাগেব প্রিয়গুণগণৈর্গাঢ়বদ্ধোইপি যুক্তো

গেহাধ্যাসাদ্রস ইব পরো মূর্ত্ত এবাদ্যমূর্ত্তঃ।

প্রেমালাপৈর্দৃঢ়তর পরিষদ্বিরজৈঃ প্রয়াগে

তং ত্রিরূপং সমমনুপমেনানুজগ্রাহ দেবঃ।’

যিনি প্রিয়তমের গুণে সমাকৃষ্ট হইয়া রামকেলিগ্রামে প্রেমালাপ ও আলিঙ্গনরূপা লাভ করিয়া সংসার মায়া হইতে মুক্তিলাভ করত মূর্ত্তমান মধুর রসের ভ্রায় শোভা পাইতেছিলেন, সম্প্রতি ভ্রাতা অনুপমের সহিত সেই রূপকে চৈতন্যরঙ্গে প্রাপ্ত হইয়াছেন।

“গৌড়েস্ত্রীভাবিভূষণমণি স্ত্যক্তা। য স্বাক্ষাং শ্রিয়ং
রূপশ্রাগ্রজ এষ এব তরুণীং বৈরাগ্যলক্ষ্মীং দধে ।

অন্তর্ভক্তিরসেন পূর্ণসরসো বাহ্যেহবধূতাকৃতিঃ

শৈবালৈঃ পিহিতং মহাসুর ইব প্রীতিপ্রদ স্তম্বিদাম্ ।”

রূপাগ্রজ এই সনাতন গৌড়েশ্বরের সভার অলঙ্কার ছিলেন। ইনি মহাসম্পত্তি রূপা লক্ষ্মীকে পরিত্যাগ করিয়া নবীনবৈরাগ্য লক্ষ্মীকে আশ্রয় করিয়াছেন। শৈবালাচ্ছাদিত মহা সরোবরের স্থায় ইহার স্বরূপ ভক্তিরসে পূর্ণ; কিন্তু বাহিরে অবধূত বেশ। ইনি ভগবত্তত্ত্বজ্ঞদিগের প্রীতিপ্রদ।

কর্ণাটদেশে ভরদ্বাজগোত্রে সর্বজ্ঞ নামে এক ব্রাহ্মণ রাজা ছিলেন। ইনি যজুর্বেদী ব্রাহ্মণ হইলেও সকল বেদে অদ্বিতীয় পাণ্ডিত্য লাভ করিয়াছিলেন। অনিরুদ্ধ নামে তাঁহার পুত্র। অনিরুদ্ধের দুই পুত্র; জ্যেষ্ঠ রূপেশ্বর এবং কনিষ্ঠ হরিহর। রূপেশ্বর শাস্ত্রে ও হরিহর শস্ত্র বিদ্যায় পারদর্শী হইয়াছিলেন। দুই পুত্রকে স্বীয় রাজ্য বিভাগ করিয়া দিয়া পিতা অনিরুদ্ধ পরলোকে গমন করিলেন। কতক দিন পরে হরিহর জ্যেষ্ঠের রাজ্য কাড়িয়া লইল। রূপেশ্বর নিরুপায় হইয়া আটটি অবৈধ আপনার পরিজনবর্গ ও কিছু ধন সম্পত্তি লইয়া স্বীয় বন্ধু পোরন্দ্র দেশের শিখরেশ্বর রাজার আশ্রয়ে পলাইয়া গেলেন ও তদবধি সেইখানে বাস করিতে লাগিলেন। রূপেশ্বরের পুত্র পদ্মনাভ। ইনি যৌবন কাল হইতেই বেদাদি অশেষ শাস্ত্রে ব্যুৎপত্তি লাভ করিয়াছিলেন এবং জগন্নাথ উপাসক ছিলেন। ইনি গঙ্গাবাস করিবার অভিপ্রায়ে শিখর রাজ্য পরিত্যাগ করিয়া বঙ্গদেশে মবহট্ট অর্থাৎ নৈহাটি গ্রামে আসিয়া বাস করিলেন এবং পুরুষোত্তম মূর্তি স্থাপন করিয়া মহা মহোৎসবে প্রতিষ্ঠা করত পরম সুখে বাস করিতে লাগিলেন। পদ্মনাভের অষ্টাদশ কন্যা এবং পাঁচটি পুত্র জন্মিয়াছিল। পুরুষোত্তম, জগন্নাথ, নারায়ণ, সুরারি, ও মুকুন্দ, এই পাঁচটি পুত্র। মুকুন্দের পুত্র কুমার বাল্যকাল হইতেই পরম ধার্মিক শুদ্ধাচারী ব্রাহ্মণ ছিলেন। কথিত আছে যে, দৈবাৎ যখন দর্শন হইলে ইনি সে দিন উপবাসী থাকিতেন ও প্রায়শ্চিত্ত না করিয়া পার ভোজন করিতেন না। ইনি অতি নিরীহ ব্যক্তি ছিলেন; জ্ঞাতিদিগের

নামক গ্রামে উঠিয়া গেলেন এবং বাতায়ানের সুবিধার জন্য বশোহরের অন্তর্গত কতয়াবাদ নামক গ্রামে দ্বিতীয় বাসস্থান নির্দিষ্ট করিলেন। কুমার দেবের অনেক সম্মান সম্ভূতি হইয়াছিল। ইহাদের মধ্যে স্নোষ্ঠ সনাতন, মধ্যম রূপ, ও কনিষ্ঠ বল্লভ বা অল্পমই, বৈষ্ণব সমাজে সুবিখ্যাত। বল্লভের পুত্র শ্রীজীব গোস্বামী। সনাতন ও রূপ বাণ্যকাল হইতেই নানা বিদ্যায় পারদর্শী হইলেন। তাঁহাদের প্রথম বুদ্ধি ও গুণ মন্ত্রণা কোশলের কথা সর্বত্র প্রচারিত হইয়া পড়িল। কথিত আছে, গোড়াধিপ যখন রাজ্য তাঁহাদের অসাধারণ বিদ্যা ও বুদ্ধিমত্তার কথা শুনিয়া ডাকিয়া আনিয়া উচ্চতম রাজকার্য্যে নিযুক্ত করিয়াছিলেন। যবনের অধীনতা করিতে ইচ্ছা না থাকিলেও অপমান ও নিপীড়নের ভয়ে তাঁহাদিগকে রাজ-কার্য্য অঙ্গীকার করিতে হইয়াছিল। তাঁহাদের সাধু মন্ত্রণায় গোড়াধিপের রাজ্যের শ্রীবৃদ্ধি হওয়ার বাদসাহ স্বল্প করে তাঁহাদিগকে অনেক জমিদারী দিয়াছিলেন। রামকেলিগ্রামে তাঁহারা বাসস্থান নির্দিষ্ট করিলেন এবং অল্প দিনেই খুব যশস্বী, প্রতাপাশ্রিত, দানশীল ও ধার্মিক বলিয়া বিখ্যাত হইয়া পড়িলেন। নানা দেশ হইতে তাঁহাদের সভাতে ব্রাহ্মণ পণ্ডিত, গায়ক, লোকদক, নর্তক, কবি সকল, আসিতে লাগিলেন। সভাতে নানা শাস্ত্রের বিচার চলিতে লাগিল। তাঁহারা মুক্তহস্তে দান করিয়া সকলকে সুখী করিতে লাগিলেন। নৈহাটি হইতে অনেক জাতি কুটুম্ব আনাইয়া রামকেলিতে বাস করাইলেন এবং কণাট দেশ হইতে পূর্ব পুরুষদিগের অনেক জাতি আনাইয়া ভট্টবাটী নামে গ্রাম তাঁহাদের বাস জন্য দিলেন। কথিত আছে, ঞ্চায়াদি দর্শনশাস্ত্রে দুই ভ্রাতা অদ্বিতীয় পণ্ডিত ছিলেন। ভট্টাচার্য্যগণের মধ্যে কোন বিষয়ে তর্ক বাধিলে তাঁহারা মীমাংসা করিয়া দিতেন। সনাতন একদিন স্বপ্নে দেখিলেন যেন এক বিপ্র আসিয়া তাঁহাকে শ্রীমদ্ভাগবত গ্রন্থ উপহার দিয়া গেলেন। তদবধি তিনি ভাগবত অধ্যয়নে একান্ত অহুরক্ত হইয়া পড়িলেন। সনাতনকৃত দশম টীপনীতে টীকাকার সার্কভৌম ভট্টাচার্য্য ও বিদ্যাবাচস্পতিকে গুরু ও পরমানন্দ ভট্টাচার্য্য, রামভদ্র, ও বাণীলাস নামক ব্যক্তিব্রতকে উপদেষ্টা বলিয়া বন্দনা করিয়া গিয়াছেন। বোধ হয়, বিদ্যাচর্চায় ইহারা তাঁহার গুরু ছিলেন। নব-দ্বীপের বহুতর ব্রাহ্মণ পণ্ডিত তাঁহাদের সভায় বাতায়াত করিতেন এবং বিদ্যা

রূপসনাতন পুরুষানুক্রমে বৈষ্ণবধর্মাবলম্বী । প্রথম হইতেই তাঁহাদের ধর্ম-
পিপাসা অতি বলবতী দেখা গিয়াছিল ও সাধন প্রগাঢ় ছিল । বাড়ীর নিকট
এক নিভৃত স্থানে কদম্বাদি বৃক্ষচ্ছায়ায় রাখাকুণ্ড, শ্রামকুণ্ড খনন করিয়া দুই
ভাই বৃন্দাবনলীলা স্মরণ করিতেন ও নামাদি গ্রহণে রত থাকিতেন । অতঃ
ব্রাহ্মা, পদ ও ক্ষমতার অধিকারী হইয়াও রূপসনাতন মহাবিনয়ী ও দীন
ভাবাপন্ন ছিলেন । ভক্তিরত্নাকরপ্রণেতা বলিয়াছেন যে, তাঁহাদের পুরুষ
পুরুষানুক্রমে পরম শুদ্ধাচারী ব্রাহ্মণ ছিলেন ; বিশেষতঃ তাঁহাদের পিতা
শ্লেচ্ছদর্শন হইলে অনুতাপ করিয়া প্রায়শ্চিত্ত করিতেন, আর তাঁহারা
শ্লেচ্ছসেবী, শ্লেচ্ছ সঙ্গী ও শ্লেচ্ছ ব্যবহারে রত হইলেন ভাবিয়া দুই লাভ
আপনাদিগকে যবন হইতেও হীন মনে করিতেন । এবং তজ্জন্তু সময়ে
সময়ে তাঁহারা অনুতপ্ত হৃদয়ে আপনাদিগকে যে শ্লেচ্ছ বলিতেন, তাহা
হইতেই অনেকে ভ্রমক্রমে তাঁহাদিগকে মুসলমান বলিয়া থাকেন । সে বাহা
হউক, চৈতন্য লীলায় চারিজন ভক্তে চারি প্রকারের গুণ অতি পরিস্ফুটরূপে
প্রকাশ পাইয়াছিল । রামানন্দের জিতেন্দ্রিয়তা, দামোদরের নিরপেক্ষতা,
হরিদাসের সহিষ্ণুতা ও রূপ সনাতনের দীনতা, সর্বত্র প্রসিদ্ধ ।

রূপসনাতনের শ্লেচ্ছত্ব সম্বন্ধে আমরা সর্বতোভাবে ভক্তিরত্নাকর-
প্রণেতার সহিত একমত হইতে পারিলাম না । তাঁহারা যে ব্রাহ্মণরূপে
জন্মগ্রহণ করিয়াছিলেন ও বৈরাগ্যগ্রহণের পূর্বেই সংস্কৃতশাস্ত্রে অশেষ
পারদর্শিতা লাভ করিয়াছিলেন, তাহাতে সন্দেহ নাই । কিন্তু শ্লেচ্ছসেবা
করিতেন বলিয়াই যে তাঁহারা আপনাদিগকে শ্লেচ্ছ মনে করিতেন, এরূপ
মনে করিতে পারা যায় না । কারণ তাহা হইলে নীলাচলে যখন গমন
করিয়াছিলেন, তখন কেবল তাঁহারাই কেন যবন হরিদাসের বাসায় থাকি-
তেন ? যমেশ্বর টোটার বাইবার সময়ে সনাতন গোস্বামী কেন যবনের নিষিদ্ধ
পথ ছাড়িয়া তপ্তবালুকাময় সমুদ্রপথে গিয়াছিলেন ? এবং কেনই বা পংক্তি
ভোজনে বসিতেন না ? এই সকল কথার উত্তর ভাবিতে গেলে আপনা
হইতেই মনে হয়, কোন প্রকারে তাঁহারা যবনভাবাপন্ন হইয়া থাকিবেন ।

রাজপরিবার, হইতে গৃহে প্রত্যাগত হইয়া রূপ ও সাঁকর মল্লিক চৈতন্য-
চন্দ্রের সাক্ষাৎ দর্শন মানসে রাজি বিতীয় গ্রহণের সময় বেশ পরিবর্তন
করিয়া রামকেলিতে লুকাইয়া যাত্রা করিলেন । চৈতন্যদেবের সম্মান গ্রহণের
পর লোক পরম্পরায় তাঁহার গুণের কথা শুনিয়া তাঁহারা তৎপ্রতি একান্ত

অনুরক্ত হইয়া পড়িয়াছিলেন এবং মধ্যে দুই একবার পত্র দ্বারা আপনাদের কর্তব্য বিষয়ে উপদেশ চাহিয়াছিলেন । শ্রীচৈতন্য সেই সকল পত্রের উত্তরে একটীমাত্র সংস্কৃত কবিতা লিখিয়া পাঠাইয়াছিলেন । কবিতাটি এই:—

‘পরব্যাসিনী নারী ব্যগ্রাপি গৃহকর্ম্মহু

তমেবা স্বাদয়ত্যন্ত নবসঙ্গরসায়নম্ ।’

অর্থাৎ পরপুরুষে আসক্তা কুলনারী গৃহকর্ম্মে ব্যস্তা থাকিয়াও মনে মনে যেমন রসবিশেষ আন্বাদন করিয়া থাকে, তদ্রূপ বিষয়কর্ম্মে লিপ্ত থাকিয়াও ভগবানের রসামৃতে মন মগ্ন রাখিবে । দবীর খাস সেই অনুসারেই চলিয়া আসিতেছিলেন । এখন রামকেলিতে প্রভু আসিয়াছেন শুনিয়া আর থাকিতে পারিলেন না । দুই ভাই দস্তে ভূণ করিয়া প্রথমতঃ হরিদাস ও নিত্যানন্দের সঙ্গে সাক্ষাৎ করিলে তাঁহারা চৈতন্যের নিকট লইয়া গেলেন । রাজমন্ত্রীদ্বয় দর্শন পাইয়াই প্রভুর চরণতলে পড়িয়া বিনয় করিয়া কত কাদিতে লাগিলেন । চৈতন্যদেব আলিঙ্গন দিয়া বলিলেন ‘উঠ ! উঠ ! ভয় নাই ; মঙ্গল হইবে ।’ বীরখাস দবীরখাস স্তব করিয়া বলিতে লাগিলেন, ‘জয় শ্রীকৃষ্ণ চৈতন্য ! আমাদের ছায়া পাপাত্মা আর নাই ; আমাদের উদ্ধার কর । আমাদের কথা বলিতেই লজ্জা করে । জগাই মাধাই হইতেও আমরা ঘোর পাপী । একে স্নেহস্রাতি, স্নেহসঙ্গী ও স্নেহসেবী ; তাহাতে বিষয়ের গভীরতমরূপে পড়িয়াছি । সেখান হইতে আমাদের তুলিয়া লয় তোমাভিন্ন এমন বলবানই বা আর কে আছে ? তোমার অসীম দয়্য ; আমাদের যদি কৃপা না কর, তবে আর দয়া চরিতার্থই বা কোথায় করিবে ? হে প্রভো ! আমাদের কি এমন সুদিন হইবে ; যখন বিষয় বাসনা বিসর্জন দিয়া নিরন্তর তোমার অনুচর ও কিঙ্কর-রূপে সেবাত্রত লইয়া জীবনকে ধৃত করিতে পারিব ?’

শ্রীচৈতন্য উত্তর করিলেন, ‘বীরখাস ! দবীরখাস ! দৈন্ত ছাড়, তোমাদের দৈন্তে আমার হৃদয় বিদীর্ণ হয় । তোমরা আমার পুরাতন বন্ধু । পূর্বে কত যে পত্র লিখিয়াছিলে, তাহাতেই ত তোমাদের হৃদয় জানিতে পারিয়াছি । উত্তরে বাহা উপদেশ দিয়াছি, তাহাও ত জান । তোমাদের বৃড় ভালবাসি, তাই এখানে আসিয়াছি ; নইলে রামকেলিতে আসার আমার কোন প্রয়োজন ছিল না । তা ভাল হ’ল, তোমাদের দেখা পেলাম । এখন যেন বাও, শ্রীকৃষ্ণ অবতীর্ণ হইয়া আমাদের অচিরাৎ উদ্ধার করি-

বেন ।' এই বর্ণিয়ারী শ্রীচৈতন্য উভয় ভ্রাতাকে আলিঙ্গন করিলেন ও মস্তকে হাত দিয়া আশীর্বাদ করিলেন । এবং সকল ভক্তগণকে বলিলেন, 'সকলে কৃপা করিয়া এই দুই জনকে উদ্ধার কর ।' তখন নিত্যানন্দ, হরিদাস, শ্রীবাস, গদাধর, মুকুন্দ, জগদানন্দ, মুরারি ও বক্রেশ্বর, প্রভৃতি ভক্তগণের সহিত দুই ভ্রাতার পরিচয় করিয়া দিলে, সকলে তাঁহাদের আলিঙ্গন করিলেন । তাঁহারা ভক্তগণের পাণ্ডি বন্দনা করিলেন । শ্রীচৈতন্য বলিলেন, 'এখন হইতে ইহাদের যবন নামে কেহ ডাকিতে পাইবে না । ইহাদের নাম হইল রূপ ও সনাতন ।' নৈশগগন বিদীর্ণ করিয়া হরিধ্বনি উঠিল । রূপসনাতন চৈতন্যের শক্তিসঞ্চার হেতু নবজীবন পাইলেন । বিদায় হইয়া যাইবার সময় সনাতন চৈতন্যকে বলিলেন, 'প্রভু ! শীঘ্র এস্থান হইতে চলিয়া যাও । নিষ্ঠুর ও খল ববন রাজকে বিশ্বাস করিতে পারা যায় না । যদিও সে এখন তোমাকে ভক্তি করিতেছে; কিন্তু কি জানি বিপদ ঘটাইতেই বা আটক কি ? বিশেষতঃ তুমি শান্তি পাইবার জন্ত শ্রীবৃন্দাবনধামে যাইবে । এত লোক সঙ্গে লইয়া যাওয়া কি ভাল ? সাম্বিক ধামে একাকী যাওয়াই উচিত । অতএব নিবেদন করি, শীঘ্র এখান হইতে প্রত্যাবর্তন কর ।' শ্রীচৈতন্য পরদিন প্রত্যুষেই যাত্রা করিয়া কানায়ের নাটশালাগ্রামে চলিয়া আসিলেন এবং দিবাভাগে তীর্থদর্শন করিয়া রজনীতে সনাতনের উপদেশের বিষয় চিন্তা করিয়া বৃন্দাবন যাওয়া স্থগিত করিলেন । প্রাতে গঙ্গাস্নান করিয়া পুনরায় তিনি শান্তিপুরে অষ্টৈতাচার্য্যের আশ্রমে প্রত্যাবর্তন করিলেন । এখানে শচীমাতাকে আনা হইয়া দশদিন পর্য্যন্ত মহা মহোৎসবে অতিবাহিত করিলেন । শচীদেবী স্বহস্তে পাক করিয়া পুত্রকে ভোজন করাইতে লাগিলেন । এই সময়ে অষ্টৈতাচার্য্যের গুরু শ্রীমন্মাধবেন্দ্র পুরীর তিথি আরাধনা উপলক্ষে অষ্টৈত গৃহে মহামহোৎসব হইল । মুরারি গুপ্ত রান্ধ ভক্ত । তিনি এক রামাষ্টক রচনা করিয়া ভাবে গদগদ হইয়া ভক্তমণ্ডলীর নিকট পাঠ করিলে গৌরচন্দ্র তাঁহার ললাটে 'রামদাস' নাম লিখিয়া দিলেন । রঘুনাথ দাস আসিয়া মহোৎসবে বোগ দিলেন এবং চৈতন্য প্রভুর নিকট উপদেশ লইয়া গৃহে প্রত্যাবর্তন করিলেন । শ্রীচৈতন্য মাতা ও ভক্তদের নিকট বিদায় লইয়া ও সে বৎসর ভক্তদলকে নীলাচলে যাইতে নিষেধ করিয়া কেবলমাত্র বলভদ্র আচার্য্য ও দামোদর পণ্ডিতকে সঙ্গে লইয়া পুরুষোত্তমে যাত্রা করিলেন । পথে বরাহনগরে ভাগবতধর্ম্মাচার্য্য এক

ব্রাহ্মণের নিকট ভাগবত শুনিয়া প্রেমে বিহ্বল হইয়া পাঠকে ভাগবতা-
চার্য্য উপাধি প্রদান করিলেন এবং যে পথে আসিয়াছিলেন, সেই পথ দিয়া
নীলাচলে চলিলেন। হরিদাসাদি ভক্তবৃন্দ পশ্চাদ্গামী হইলেন। রাজা
প্রতাপরুদ্র জানিতে পারিয়া পূর্বের স্থায় পথে পরিচর্যা জ্ঞাত লোক
রাখিয়াছিলেন। গৌর নীলাচলে আসিয়া বহুলোক সমাগমহেতু সনা-
তনের পরামর্শানুসারে বৃন্দাবন গমন স্থগিত করিয়া যে প্রকারে কানায়ের
নাটশালা হইতে প্রতিনিবৃত্ত হইয়াছিলেন, সে কথা, এবং রূপসনাতনের
মিলনকথা সার্বভৌম ও রামানন্দের নিকট বর্ণনা করিলেন।

দ্বাদশ পরিচ্ছেদ ।

বৃন্দাবন বিহার ।

শ্রীচৈতন্য নীলাচলে প্রত্যাগত হইয়া বৃন্দাবনে যাইবার ইচ্ছা প্রকাশ
করিলে ভক্তগণ বর্ষার কয়েক মাস প্রতীক্ষা করিতে অনুরোধ করিলেন।
তাহাদের অনুরোধ এড়াইতে না পারিয়া শচীনন্দন বর্ষাকাল নীলাচলে
অবস্থিতি করিলেন। বর্ষান্তে একদিন তিনি স্বরূপ, রামানন্দকে নিভৃত
ডাকিয়া বলিলেন, ‘আমি রাত্রিযোগে একাকী শ্রীবৃন্দাবন যাত্রা করিব ;
আমার সঙ্গে কেহ যাইতে পারিবে না। প্রাতঃকালে ভক্তদল যদি আমার
অনুগমন করিতে চায়, তোমরা তাহাদের আটক করিও।’

স্বরূপ উত্তর করিলেন, ‘তা’ কেমন করিয়া হইবে ? বনপথে তুমি একাকী
কি প্রকারে যাইবে ? তোমাকে পাক করিয়া কে দিবে ও জলপাত্র
বহির্কাসই বা কে বহিয়া যাইবে ? আমি বলি একজন বিশ্বস্ত ব্রাহ্মণ সঙ্গে
যাউক।’ শ্রীচৈতন্য বলিলেন, ‘কাহাকে সঙ্গে লইব ? এক জনকে লইলে
আর সকলেই মনক্ষুণ্ণ হইবে। তবে একজন নবাগত অথচ সংস্কারাধিত
সঙ্গী জুটিলে লইতে পারি।’

স্বরূপ উত্তর করিলেন, ‘কেন ? বলভদ্রাচার্য্য সেদিন মাত্র তোমার
সঙ্গে গোড় হইতে আসিয়াছেন। তাহারও তীর্থ ভ্রমণ করিবার ইচ্ছা আছে।
বিবেচনা করিয়া এক ব্রাহ্মণ ভৃত্য সঙ্গে আনিলে, তাহার সঙ্গে যাইলে

বেশ হইবে।' চৈতন্যদেব এই প্রস্তাব অনুমোদন করিয়া বলভদ্র ভট্টাচার্য ও তাঁহার সঙ্গী ভৃত্যকে সঙ্গে লইয়া কাহাকেও না বলিয়া রজনীযোগে নীলাচল হইতে শুভ যাত্রা করিলেন। প্রাতঃকালে প্রভুর অদর্শনে ভক্তদল কঁাদিয়া ব্যাকুল হইলেন এবং বৃন্দাবন যাত্রার কথা বুঝিতে পারিয়া তাঁহার অনুগমনে উদ্যত হইলেন। স্বরূপ গোস্বামী প্রভুর মনের ভাব বলিয়া তাঁহাদিগকে জ্ঞাস্ত করিলেন। শ্রীচৈতন্য লোক সমাগমের ভয়ে প্রসিদ্ধ রাজপথ পরিত্যাগ করিয়া উপপথে গমন করিতে লাগিলেন এবং কটক নগর ডাহিনে ফেলিয়া গভীর অরণ্য মধ্যে প্রবেশ করিলেন। বৈষ্ণবগ্রন্থে এই পথ 'ঝারিখণ্ড' বনপথ বলিয়া বর্ণিত হইয়াছে। অনুমান হয় ছোটনাগপুর প্রদেশের বনপথেই শ্রীচৈতন্য গমন করিয়া থাকিবেন। বনের শোভা দর্শনে, কলনাদী বিহঙ্গগণের গান শ্রবণে, মন্থর মন্থরী নৃত্য দর্শনে, কুরঙ্গ মাতঙ্গদিগের ইতস্তত পাদসঞ্চারণে গৌরের বৃন্দাবন ভাব উথলিয়া উঠিল। তিনি অনবরত নাচিতে, গাইতে, মহাভাবে আবিষ্ট হইয়া পথ অতিবাহিত করিতে লাগিলেন। গৌরচন্দ্র অনেকদিন উচ্চকণ্ঠে হরিসংকীর্তন করেন নাই। এখন নির্জন বন পাইয়া মনের সুখে সপ্তম স্বরে কৃষ্ণগুণানুকীর্তন করিয়া নাচিতে নাচিতে চলিলেন। বনপথে দলে দলে ব্যাঘ্র, হস্তী, শূকর, গণ্ডার, ভল্লুকগণ বিচরণ করিতেছিল; গৌরচন্দ্র নির্ভয়ে তাহাদের মধ্য দিয়া নাচিয়া গাইয়া চলিলেন। ভট্টাচার্য ও তাঁহার সঙ্গী তদর্শনে মহাভীত হইয়া পড়িলেন। কিন্তু কথিত হইয়াছে গৌরচন্দ্রের প্রেমবিহ্বলতা ও ধর্মোন্মত্ততা দেখিয়া হিংস্র স্থাপদেরাও এক পাশ হইয়া দাঁড়াইত। একদিন পথে প্রকাণ্ড ব্যাঘ্র গুইয়াছিল। আবেশে গৌর তাহার গায়ে পা দিয়াছিলেন। বাঘ দেখিয়া তিনি 'কহ কৃষ্ণ! কহ কৃষ্ণ!' বলিয়া হাতে তালি দিয়া নাচিতে লাগিলেন; অমনি সেই হিংস্রপশুও নাকি তালে তালে নাচিয়া উঠিল। আর একদিন শ্রীচৈতন্য এক নদীতে স্নানাবগাহন করিতেছিলেন, এমন সময়ে এক মত্তহস্তিষূধ জলপান করিতে আসিল। গৌর 'কৃষ্ণ কহ'! বলিয়া তাহাদের গায়ে জল ফেলাইয়া দিলে তাহারা তাহাদের স্বরে কৃষ্ণনাম উচ্চারণ করিয়া নাচিতে, জড়াজড়ি করিতে, চীৎকার করিতে ও লুঠন দিতে লাগিল। পথ গমন-কালে গৌরের ঋধুর কণ্ঠধ্বনি শুনিয়া দলে দলে মৃগগণ আসিয়া গা টাটিতে লাগিল। গৌর তাহাদের গায়ে হাত বুলাইত বুলাইত তাহাদের

নৈসর্গিক চিত্রের শ্লোকাবৃত্তি করিয়া প্রেমে বিহ্বল হইয়া পড়িলেন ।
 কথিত আছে, ব্যাঘ্র, মৃগ, শূকরগণ, পরস্পরের প্রতিহিংসা বৃত্তি ভুলিয়া
 গিয়া গৌরের সঙ্গে ভালে ভালে নৃত্য করিয়াছিল ও পরস্পরের মুখ চুষন
 করিয়াছিল । বলভদ্র আচার্য্য দেখিয়া শুনিয়া চমৎকৃত ও বিস্মিত হইলেন ।
 ময়ূর ময়ূরীগণ নাচিতে লাগিল, তরুলতা কুল পুষ্পদিয়া অভ্যর্থনা করিতে
 লাগিল ; এবং হরিনামে সমস্ত বন যেন প্রতিধ্বনিত হইতে লাগিল ।
 নিবিড় বনভূমি উত্তীর্ণ হইয়া গৌরচন্দ্র সাঁওতাল ও ভিলদিগের জনপদে
 প্রবেশ করিলেন এবং হরিনাম দিয়া সব দেশ পবিত্র করিয়া তুলিলেন ।
 বনপথে বাইতে সব দিন আহারীয় সামগ্রী মিলিত না । সে জন্ত ভট্টাচার্য্যকে
 কখন কখন ২৪ দিনের তপ্তুল সংগ্রহ করিয়া লইতে হইত । বনমধ্যে বস্ত্র-
 শাক ও ফলমূল তুলিয়া তিনি পাক করিতেন, গৌরচন্দ্র পরমসুখে ভোজন
 করিতেন । উষ্ণ প্রস্রবণের জলে স্নানে ও বস্ত্র ভোজনে ও আরণ্য কাঠের
 অগ্নির তাপে শীত নিবারণ করিয়া তিনি সুখানুভব করিতে লাগিলেন ।
 যে গ্রামে যান, গ্রামবাসীরা আভ্যর্থনাপুৰ্ণ, উদ্ভিদ, দধি, দুগ্ধ, স্বত ও গুড় দিয়া
 তাঁহাদের অভ্যর্থনা করিতে লাগিল । দাক্ষিণাত্য ভ্রমণে পূর্বে যেমন হরিনাম
 দিয়া তদ্দেশবাসীদিগকে মুগ্ধ করিয়াছিলেন, এক্ষণে ঝারিখণ্ডের অসভ্য
 লোকদিগকেও তেমন বৈষ্ণব করিতে লাগিলেন । নির্জুন বন ভ্রমণে, বস্ত্র-
 ভোজনে ও বলভদ্রের সেবায় গৌরচন্দ্র এতই সুখানুভব করিলেন যে, এক-
 দিন ভট্টাচার্য্যকে ডাকিয়া বলিলেন ;—‘শুন ভট্টাচার্য্য ! আমি অনেক দেশে
 বেড়াইয়াছি, কিন্তু এবারে তোমার সঙ্গে আসিয়া এই নির্জুন বনপথে
 যেমন সুখ পাইলাম, আমার জীবনে এমন সুখ আর পাই নাই । দেখ
 শ্রীহরি কেমন দয়ালু ! আমি তো বঙ্গদেশে, মাতা ও ভক্তগণকে দেখিয়া
 ভক্তবৃন্দের সঙ্গে বৃন্দাবনে বাইব মনে করিয়াছিলাম । সঙ্গে লক্ষ কোটি
 লোক চলিয়াছিল । ভগবান্ জানিতেন, আমার তাহাতে সুখ হইবে না ।
 তাই সনাতনের মুখে বলিয়া আমাকে প্রতিনিবৃত্ত হইতে শিক্ষা দিয়া-
 ছিলেন । তিনি কৃপার সাগর ! দীন হীনে এমন দয়া আর কাহারই বা
 আছে ? তাঁর কৃপা বিনে কাহারও কি সুখ হইতে পারে ?’ এই বলিয়া
 গৌর ভট্টাচার্য্যের গলা ধরিয়া আলিঙ্গন করিয়া বলিলেন ‘তোমার
 প্রসাদে আমার এই সুখ হইল । কি দিয়া তোমার উপকার করিব ?
 আমার কি আছে ?’

যে সঙ্গে আনিয়াছ ও আমার হাতে খাইতেছ, এ কি তোমার কম দয়া। অধম কাককে তুমি গরুড়ের আসন দিয়াছ। আমি ধন্ত হইয়াছি।' এইরূপ কথাবার্তার যাত্রীদল মধ্যাহ্নসময়ে বারানসীধানে আসিয়া উপনীত হইলেন; এবং মণিকর্ণিকার ঘাটে স্নানাবগাহন জন্ত গমন করিলেন। সেই সময়ে তপনমিশ্র গঙ্গাস্নান করিতে আসিয়াছিলেন। তিনি অপরাধ রূপমাধুরী সন্ন্যাসী মূর্তি দেখিয়া প্রথমে কিছু বিস্মিত হইলেন ও অনেক দিনের পর দেখায় হঠাৎ চিনিতে পারিলেন না। পরে গৌরচন্দ্র সন্ন্যাস লইয়াছেন স্মরণ করিয়া ও তিনিই ইনি, মনে করিয়া আসিয়া পাদ বন্দনা করিলেন। গৌর তাঁহাকে আলিঙ্গন করিয়া স্বাগত ভিজ্ঞাসা করিয়া স্নানাবগাহন করিয়া অন্নপূর্ণা, বিশ্বেশ্বর ও বিন্দুমাধব দেখিয়া মিশ্রের বাড়ীতে বাইয়া অবস্থিতি করিলেন। পাঠক মহাশয় তপন মিশ্রকে চিনিতে পারিয়া ছেন কি? অধ্যাপনা কালে বঙ্গদেশে গমন করিয়া নিমাই পণ্ডিত বাঁহাকে উপদেশ দিয়া কান্ধী বাইতে বলিয়াছিলেন, ইনিই সেই ব্যক্তি। মিশ্র মহানন্দে প্রভুকে ভোজন করাইয়া সপরিবারে ভোজনশেষ খাইলেন। বলভদ্র আচার্য্য পৃথক্ পাক করিলেন। শ্রীচৈতন্য শয়ন করিলে মিশ্রো পুত্র বালক রঘুনাথ পাদ সন্ধান করিলেন। এই রঘুনাথ উত্তরকালে রঘুনাথ ভট্ট গোস্বামী নামে শ্রীচৈতন্যের ছয় গোস্বামীর অন্যতম বলিয়া প্রসিদ্ধ হইয়াছিলেন। তপন মিশ্রের চন্দ্রশেখর নামে এক বৎ কাশীতে বাস করিতেন। ইনি জাতিতে বৈদ্য, ব্যবসা গ্রন্থ লেখা। সখার পাইয়া তিনি আসিয়া শ্রীচৈতন্যের চরণ বন্দনা করিলেন। চন্দ্রশেখর বলিলেন, “আমাদের পেরম’ সৌভাগ্য যে তুমি আপনা হইতে কাশীতে আসিয়াছ। এখানে কৃষ্ণ কৃষ্ণ কেহ বলে না। কেবল মায়া, ব্রহ্ম, বড়দর্শন লইয়া বিচার বিতণ্ডা শুনিতে শুনিতে তিক্তবিরক্ত হইয়াছি। মিশ্র কৃপা করিয়া আমাকে কৃষ্ণ কথা শুনান। হুই বন্ধুতে নিজ্জনে বসিয়া তোমার চরণ ধ্যান করি ও মনের দ্বন্দ্ব পরস্পর বলাবলি করি।’ মিশ্র বলিলেন, ‘প্রভু! যতদিন কাশীতে থাকিবে, আর কোথায় নিমজ্ঞ লইতে পাইবে না। আমার বাড়ীতে ভিক্ষা লইতে হইবে।’ এক মহারাত্রি ব্রাহ্মণ তপন মিশ্রের বাড়ীতে আসিয়া কৃষ্ণচৈতন্যের রূপমাধুরী ও প্রেমচৌর্য দেখিয়া বড়ই তাঁহার পক্ষপাতী হইয়াছিল। এই ব্যক্তি শ্রীপাদ প্রকাশানব

দ্বামীর নিকট বেদান্ত পড়িত। শ্রীপাদ প্রকাশানন্দ তৎকালে বারা-
 নসীস্থ সন্ন্যাসী পরমহংসদিগের অগ্রণী ছিলেন। বেদান্তে তাঁহার অগাধ
 পাণ্ডিত্য ও তিনি শঙ্করাচার্য্যপ্রদর্শিত মায়াবাদ মতের একজন প্রসিদ্ধ
 নেতা। তিনি বহু শিষ্য পরিবৃত্ত হইয়া মঠে বসিয়া বেদান্ত পড়াইতেছিলেন,
 এমন সময়ে উপরোক্ত মহারাষ্ট্রীয় ব্রাহ্মণ তাঁহাকে সংবাদ দিলেন যে ‘জগন্নাথ’
 হইতে কৃষ্ণচৈতন্য নামে এক ‘সন্ন্যাসী’ আসিয়াছেন; তাঁহার যেমন রূপ,
 তেমনি ভগবন্নিষ্ঠা, প্রেম চেষ্টা, ও গভীর সাধন। নিরন্তর তিনি কৃষ্ণনাম
 করিতেছেন, হাসিতেছেন, কাঁদিতেছেন, নাচিতেছেন; দুই চক্ষে অবিরল
 প্রেমধারা ঝরিতেছে। দেখিলে বোধ হয় যেন তিনি সাক্ষাৎ নারায়ণ।’
 প্রকাশানন্দ শুনিয়া হাসিয়া উঠিলেন ও উপহাস করিয়া কহিতে লাগিলেন,
 ‘হাঁ! শুনিয়াছি বাঙ্গলা দেশীয় একজন ভাবুক সন্ন্যাসী নাকি ভাবকালি
 করিয়া লোক প্রতারণা করিয়া বেড়াইতেছে। সে ব্যক্তি কেশব ভারতীর
 শিষ্য, মহা ইন্দ্রজাল বিদ্যা জানে এবং লোক সুস্থ করিতে খুব মন্ববৃত্ত।
 কতকগুলো লোক জুটাইয়া এখন দেশে দেশে নাচিয়া বেড়াইতেছে।
 সার্কর্ভোম ভট্টাচার্য্য মহাবিজ্ঞ পণ্ডিত; তিনিও নাকি তাহার সঙ্গে পড়িয়া
 পাগল হইয়া গিয়াছেন। তুমি তা’র নিকটে বাইও না। বেদান্ত শ্রবণ কর।
 উচ্ছৃঙ্খল লোকের সঙ্গে মিশে কি দুই কুল হারাবে? আর তাও বলি, কাশী-
 পুরে তা’কে ভাবকালি বেচিতে হয় না।’ ব্রাহ্মণ এই কথায় অত্যন্ত
 হুঃখিত হইল এবং সভা হইতে উঠিয়া আসিয়া শ্রীচৈতন্যের নিকট মনোহুঃখ
 নিবেদন করিয়া বলিল, ‘কিন্তু প্রভো! এক আশ্চর্য্য দেখিলাম, তিনবার
 চেষ্টা করিয়াও সে কৃষ্ণচৈতন্য নাম উচ্চারণ করিতে পারিল না; কেবল
 চৈতন্য, চৈতন্য, বলিল। ইহার কারণ কি?’ শ্রীচৈতন্য হাসিতে হাসিতে
 উত্তর করিলেন, ‘মায়াবাদী সন্ন্যাসী কৃষ্ণাপরাধী; কাজেই তাঁহার
 জিহ্বার নাম ক্ষুণ্ণি হইল না। চৈতন্য নাম না আসিবে কেন? ব্রহ্ম চৈতন্য,
 মায়ী, অধ্যাস, ইত্যাদি শব্দ লইয়াই ত তাঁহাদের নাড়া চাড়া। জীবের
 যেমন নামে, দেহে ও স্বরূপে ঐক্য নাই; ভগবানের সেরূপ নহে। ভগবানের
 নাম, বিগ্রহ, স্বরূপ একই; লীলাগুণ, সব সচ্চিদানন্দময়। নাম নাগী,
 দেহ দেহী, সকলই লীলা জ্যোতিঃপূর্ণ, লীলানন্দময়। কৃষ্ণের গুণানন্দ বা
 লীলানন্দের কাছে ব্রহ্মানন্দ কোন্ হার বস্তু? আত্মারামগণও লীলানন্দে
 আকৃষ্ট না হইয়া পারেন না। সন্ন্যাসী সন্ন্যাসী লীলায়ও কি নরিতে? তাই

লীলানন্দপূর্ণ রসময় কৃষ্ণনাম উচ্চারণ করিতে পারে নাই। আর আমি-
আমি ত কাশীর হাটে ভাবকালি বেচিতে আসিয়াছি। গ্রাহক না জুটিলে
আমার মাল বিকাবে না। কিন্তু বোঝাই বা টেনে বেড়াব কত? উচিত যাম
না পাইলে অল্পস্বল্প মূল্যে ছেড়ে দিয়ে যাবো। তবু বোঝা বয়ে আর কিবুতে
'পারি না।' এই বলিয়া তিনি উচ্চ হস্ত করিলেন এবং মহারাষ্ট্রীকে কৃপা-
কর দয়া করিয়া বিদায় করিলেন। চন্দ্রশেখর ও মিশ্রের সেবার ও আগ্রহে, ইচ্ছা
না থাকিলেও দশদিন কাশীতে অবস্থিতি করিয়া এবং প্রত্যাগমনকালে পুন-
রায় আসিবেন অঙ্গীকার করিয়া শ্রীচৈতন্য বলভদ্র আচার্য্যকে সঙ্গে নইয়
প্রকাশ্য রাজপথে যাত্রা করিলেন।

কাশীতে অবস্থান সময়ে শ্রীচৈতন্য অন্ততঃ সুবুদ্ধি রায়ের যে প্রকারে
জীবনদান দিয়াছিলেন, তাহা অতি অদ্ভুত কথা। নিম্নে সে কথা বলিতেছি।

সুবুদ্ধি রায়ের সঠিক পরিচয় ইতিহাসে পাওয়া যায় না। বৈষ্ণবগণ
এইমাত্র বর্ণিত আছে যে, তিনি কোন সময়ে গোড় নগরে বিপুল ভূমি-
কারী ছিলেন ও তৎকালে গোড়ের ভাবী রাজা সৈয়দহুসেন সাহা তাঁহার
অধীনে সামান্য চাকুরী করিতেন। সুবুদ্ধি রায় একটা দীর্ঘ কাটাইবার
ভার সৈয়দ হুসেনের উপর দিয়াছিলেন এবং ঐ কার্য্যে দোষ পাইয়া তাঁহাকে
চাবুকের দ্বারা প্রহার করিয়াছিলেন। কালের বিচিত্র গতি। সংসারে
চিরদিন কাহারও সমান যায় না। ভাগ্যলক্ষ্মী সৈয়দহুসেনের প্রতি প্রসন্ন
হইল। তিনি গোড়ের সিংহাসনে অধিরোহণ করিলেন। বৈষ্ণবগণের
বলেন যে, সৈয়দ হুসেন সাহা অকৃতজ্ঞ ছিলেন না। সুবুদ্ধি রায়
তাঁহাকে প্রহার করিয়াছিলেন, তাহা ভুলিয়া গিয়া, তাঁহার অল্প প্রতিপালিত
হইয়াছিলেন বলিয়া রায়কে খুব বাড়াইলেন এবং ধন সম্মানে বিভূষিত করি-
লেন। সৈয়দের রাণীর চিত্ত কিন্তু অন্তরূপ। স্বামীর নির্যাতন শ্রবণ করিয়া
তাঁহার হৃদয়ে প্রতিহিংসানল জলিয়া উঠিল; তিনি রায়কে মারিয়া ফেলিবার
জন্ত গোড়াধিপকে পুনঃ পুনঃ উত্তেজিত করিতে লাগিলেন। সৈয়দ কহিলেন
'রায় আমার অন্নদাতা প্রতিপালক, তাঁহাকে কেমন করিয়া মারিয়া
ফেলিব?' রাণী বলিলেন, 'তবে উহার জাতি নাশ কর।' রাজা উত্তর করি-
লেন, 'তাহা হইলে সে বাঁচবে না।' রাণী নির্বুদ্ধাতিশয় প্রকাশ করিলে
রাজা অগত্যা স্বীকার করিলেন এবং কারোয়ার জল খাওয়াইয়া সুবুদ্ধি
রায়ের হিংস্রাশ্বিনী দমন করিয়া দিলেন। রায় লজ্জার ও অপমানের স্বর্ণ

নাশজনিত নির্বোধে ত্রিযমাণ হইয়া বিষয় বিভব, স্ত্রী পুত্র ফেলিয়া পাগলের
 ছায় ছুটিতে ছুটিতে বারাণসীধামে আগমন করিলেন । পণ্ডিতদিগকে প্রায়-
 শ্চিত্ত বিধি জিজ্ঞাসা করিলে তাঁহার বলিলেন, 'এ সামান্য পাণ নহে, তপ্ত স্বত
 গলাধঃকরণ করিয়া জীবনান্ত করা, ইহার একমাত্র প্রায়শ্চিত্ত ।' রায় সে কথা
 শুনিলেন না ; তাঁহার স্বদয়ে এ ভীষণ প্রায়শ্চিত্তের বিধি স্থান পাইল না ।
 তিনি পাগলের ছায় কাশীর রাস্তায় রাস্তায় বেড়াইতে লাগিলেন । এমন
 সময়ে শ্রীচৈতন্য কাশীতে আসিয়া হরিনামের মহিমা প্রচার করিলেন ।
 সুবুদ্ধি রায় গৌরের শরণাপন্ন হইলেন এবং নিজ বৃত্তান্ত বলিয়া উপদেশ
 চাহিলেন । গৌর বলিলেন, 'বৃন্দাবনে গিয়া নিভৃতে বসিয়া হরিনাম জপ
 কর ; এক নামে সব পাণ বাইবে, দ্বিতীয় নামে প্রেমভক্তির উদয় হইবে ।
 এই তোমার পক্ষে উচিত প্রায়শ্চিত্ত ।' রায়ের প্রাণ আনন্দে নাচিয়া উঠিল ;
 তিনি চৈতন্য চরণে সার্থক প্রণাম করিয়া বৃন্দাবনে গমনোদ্দেশ্যে অবোধ্য
 প্রয়াগ হইয়া কিছুদিন নৈমিষারণ্যে বসতি করিতে লাগিলেন । এবং মথুরায়
 আসিয়া শুনিলেন যে গৌরচন্দ্র বৃন্দাবন হইতে প্রয়াগে চলিয়া গিয়াছেন ।
 গৌরের সহিত সাক্ষাৎ না হওয়ায় রায় বড়ই বিষণ্ণ হইলেন । এখানে তিনি
 এক অদ্ভুত সাধন আরম্ভ করিয়া দিলেন । বন হইতে কাঠ আনিয়া নগরে
 বেচিতে লাগিলেন এবং দিনান্তে এক পরসার চানা চিবাইয়া বাকি পরসার
 দীন হুঃখী দরিদ্র পথিকদিগের সেবায় প্রবৃত্ত হইলেন, এবং সারা নিশা
 হরিনাম সাধন করিতে লাগিলেন । অচিরে সুবুদ্ধি রায় পরম ভক্ত হই-
 লেন । বারাণসীর পণ্ডিতদিগের ব্যবহার্য কাহার প্রাণান্ত হইতেছিল,
 চৈতন্য কৃপায় তিনি আজ পরমানন্দে জীবন যাপন করিতে লাগিলেন ।

অল্প দিনের পর শ্রীচৈতন্য প্রয়াগে আসিয়া ত্রিবেণী স্নান ও বিন্দুমাধব দর্শন
 করিয়া নৃত্যকীর্তন করিলেন । যমুনাদর্শনে তাঁহার বৃন্দাবন লীলা স্মৃতিপথে
 উদিত হইল । প্রভু দিশাহারা হইয়া যমুনার বাঁপ দিতে উন্মত্ত হইলে ভট্টা-
 চার্য্য ধরিয়া রাখিলেন । তিন দিন প্রয়াগে থাকিয়া যাত্রীগণ মথুরা উদ্দেশ্যে
 যাত্রা করিলেন । পূর্বে যেমন দাক্ষিণাত্যের পথে, গ্রামে গ্রামে, নগরে
 নগরে নাম প্রেম প্রচার করিয়াছিলেন ; পশ্চিমের পথে গ্রামে চৈতন্যদেব
 তাহাই করিতে লাগিলেন । পশ্চিমের লোক সব বৈষ্ণব হইতে লাগিল ।
 মথুরায় আসিয়া গৌরচন্দ্র বিশ্রাম তীর্থে স্নান করিলেন এবং কেশবমন্দিরে
 কেশব দর্শন করিয়া প্রেরাবেশে হাসিতে কাদিতে ও নাচিতে নাচিতে

সংকীৰ্ত্তন করিতে লাগিলেন। তাঁহার ভাব চেষ্টা দেখিয়া বহুতর লোক সমাগত হইল। আগন্তুকদিগের মধ্যে এক ব্রাহ্মণও প্রেমাবেশে নাচিতে লাগিল। শ্রীচৈতন্য ভানে বিভোর; তাঁহার গলা ধরিয়া কোলাহল করিয়া ঘুরিয়া ঘুরিয়া নাচিতে লাগিলেন। নৃত্যাবসানে উভয়ে বসিয়া বিশ্রাম করিতে লাগিলেন। কেশবপূজারী প্রভুর সৎকার অভ্যর্থনা করিল। শ্রীচৈতন্য আগন্তুক ব্রাহ্মণকে নিভৃত্তে জিজ্ঞাসা করিলেন, ‘আপনি যেরূপ সরল প্রেমিক, এরূপ ত অন্তর দেখিতে পাই না। আমার অপরাধ মার্জ্জনা করিবেন, এ প্রেমধন আপনি কেমন করিয়া কোথায় উপার্জন করিলেন?’ ব্রাহ্মণ বলিল, ‘শ্রীপাদ মাধবেন্দ্রপুরী যখন মথুরায় আসিয়া ছিলেন, রূপ করিয়া তিনি আমার বাড়ীতে ছিলেন ও আমাকে দীক্ষিত করিয়া আমার হাতে ভিক্ষা করিয়াছিলেন। আমি সনোড়ীয়া ব্রাহ্মণ। সনোড়ীয়ার হাতে সন্ন্যাসীগণ আহ্বার করেন না। কিন্তু শ্রীমন্মাধবেন্দ্র সে বিচার করেন নাই।’

পরিচয় পাইয়া শ্রীচৈতন্য ব্রাহ্মণের পায়ে পড়িয়া প্রণাম করিলেন এবং বলিলেন, ‘আপনি আমার গুরু স্থানীয়। আমাকে নমস্কার করিলেন কেন?’

ব্রাহ্মণ সন্ন্যাসীকে প্রণত হইতে দেখিয়া ভয় পাইয়া বলিল, ‘আপনি ওরূপ করিতেছেন কেন? আমি গৃহী, আপনি সন্ন্যাসী হইয়া আমাকে প্রণাম করিলে আমার অপরাধ হইবে। কিন্তু আপনার প্রেম দেখিয়া আমার মনে সন্দেহ হইতেছে যে আপনি মাধবেন্দ্রের কোন সম্বন্ধ রাখেন। এরূপ প্রেমচেষ্টা ত অন্তর সম্ভবে না।’ বলভদ্র আচার্য্য কহিলেন, ‘ইনি শ্রীমন্মাধবেন্দ্র শিষ্য শ্রীপাদ জৈষ্ঠরপুরীর শিষ্য।’

ব্রাহ্মণ পরিচয় পাইয়া মহানন্দ মনে শ্রীচৈতন্যকে গৃহে লইয়া গেলেন এবং বলভদ্র আচার্য্য দ্বারা বিধিमत পাক করাইয়া ভোজনার্থ প্রভুকে ডাকিলে তিনি বলিলেন, ‘আপনি গুরু সম্পর্কীয়; বিশেষতঃ শ্রীমন্মাধবেন্দ্র আপনার হাতে খাইয়াছিলেন। আমাকে আপনি কেন স্বহস্তে ভিক্ষা দিবেন না?’ বলভদ্রের প্রস্তুত করা অন্ন না খাইয়া শ্রীচৈতন্য সনোড়ীয়ার গৃহে ভোজন করিলেন; বলভদ্র ও তাঁহার বিপ্র পৃথক্ খাইলেন। শ্রীচৈতন্যের অলৌকিক কথা নগরে রাষ্ট্র হইলে মথুরীর বহু লোক, তাঁহার নিকট সমাগত হইতে লাগিল। তিনি সকলকে নাম প্রেম উপদেশ দিয়া কৃতার্থ করিতে লাগিলেন। সনোড়ীয়া ব্রাহ্মণ প্রভুকে ক্রমে ক্রমে মথুরার তীর্থ সকল দেখাইতে লাগিল। শ্রীচৈতন্য যমুনার চরিত্র ঘাটে স্থান করিয়া

স্বায়ম্ভু, বিশ্রাম, দীর্ঘ, বিষ্ণু, ভূতেশ্বর ও গোকর্ণাদি তীর্থ দর্শন করিলেন । ইহার পর বৃন্দাবনীয় চৌরাশী ক্রোশ বিস্তীর্ণ দ্বাদশ বন দর্শনেচ্ছুক হইয়া ত্রিচৈতন্ত বলভদ্র ও তাঁহার সেবক এবং সনোড়ীয়াসঙ্গে সঙ্গে লইয়া মধুবন, তালবন, কুমুদবন, বেহলাবন, ভাণ্ডীরবনাদি বারটি বন দেখিতে লাগিলেন । নির্জুন বনস্থলীতে তিন চারিটি বন্ধু দিন রাত্রি ভ্রমণ করিতে লাগিলেন । দিনমানের নির্ঝরিতে স্নান করেন ও বলভদ্র বৃক্ষমূলে বস্ত্র ফলমূলে ভোজন দ্রব্য প্রস্তুত করেন ; প্রভু পরমসুখে ভোজন করেন এবং রজনীতে বৃক্ষ-তলে শুইয়া বাপন করেন । গৌরের দিন এই নির্জুন শান্তি রসপূর্ণ বৃন্দাবনদর্শনে পরম সুখে অতিবাহিত হইতে লাগিল । এ সময়ে তাঁহার ভাবাবেশ আর ছাড়িত না, অষ্ট প্রহর তিনি ভাবে মাতোয়ারা হইয়া প্রকৃতির নিরুপম সৌন্দর্য্যে ডুবিয়া থাকিতেন ; অভ্যাসগুণে স্নান ভোজন নির্বাহ হইয়া বাইত । কথিত হইয়াছে যে, পুরুষোত্তমে গৌরের যে প্রেম ছিল, ঝারিখণ্ডপথে তাহা শতগুণ, মথুরা দর্শনে সহস্রগুণ ও বনলীলার লক্ষগুণ বর্দ্ধিত হইয়াছিল । সে বাহা হউক, বৃন্দাবনের সৌন্দর্য্যে গৌরচন্দ্র মুগ্ধ হইয়া গেলেন । গাভী সকল কে জানে কি ভাবে তাঁহাকে দেখিয়া উর্জপুচ্ছে ও হস্মারবে তাঁহার কাছে আসিয়া অঙ্গ চাটিতে লাগিল ; তিনি তাহাদের গাত্র কণ্ঠ ঘন করিয়া দিয়া মহাস্বপ্ন অনুভব করিতে লাগিলেন । হরিণগণ দলে দলে তাঁহার সঙ্গে বাইতে লাগিল ; কেহ গা চাটে, কেহ শৃঙ্গ দিয়া তাঁহার গা চুকাইয়া দেয় ও তিনি প্রেমে বিহ্বল হইয়া কখন কখন তাহাদের গলা ধরিয়া রোদন করেন । শিশীগণ পুচ্ছ বিস্তার করিয়া নাচিতে লাগিল । পিকাদি বিহঙ্গগণ কলকণ্ঠে গাইতে লাগিল ও উড়িয়া তাঁহার মাথায়, স্বর্গে ও হাতে বসিতে লাগিল । তাহার মাথার হিংসায় কখন প্রতারিত হয় নাই ; বা ব্যাধের জ্বলে কখন পড়ে নাই ; তাই তাদের এত বিশ্বাস । তরু লতাগণ বেন অনেক দিনের পরিচিত বন্ধুকে পাইয়া অক্ষুরূপ পুলক প্রকাশ করিয়া মধুরূপ অশ্রু ধারা বর্ষণ করিয়া ফলপুষ্প মুকুল ভরে নতশাখে আলিঙ্গন করিয়া অভ্যর্থনা করিতে লাগিল । তিনিও তাহাদের আলিঙ্গন করিয়া গভীর ধ্যানে মগ্ন হইয়া গেলেন । পূর্ণচন্দ্র উদিত হইয়া খবল কোমুদী-বসনে বনস্থলীকে আবৃত করিয়া মধুধারা বর্ষণ করিতে লাগিল । স্নতময়ী রজনীতে গৌরচন্দ্র তমালতরুতলে ধ্যানানন্দে বিভোর আছেন ; হঠাৎ তাঁহার দুই স্বন্ধে শারীশুক উড়িয়া আসিয়া বসিল । তাহার সম্মুখ

শ্রায় কথা বলিতে পারে। শুক বলিল, 'আমাদের প্রভু জগন্মোহন
শ্রীকৃষ্ণ বিশ্বসংসার রক্ষা করুন'। শারিকা বলিল, 'শ্রীরাধিকার প্রেম
সৌন্দর্য কেমন শোভা পাইতেছে দেখ ? তিনি তোমার জগন্মোহনের
চিত্তমোহিনী।' শুক উত্তর করিল, 'শারিকে ! কৃষ্ণ আমার বংশীধারী,
চিত্তহারী ও মদনমোহন।'।

শারিকা বলিল, 'মহাপ্রকৃতি রাধার সঙ্গে মদনমোহনই বল ও
মোহনই বল, সবই সাজে।' নইলে ত তিনি নিশ্চয়, ইচ্ছা শূন্য, অচেতন
ও আপন মোহে আপনি মোহিত।'।

শারী শুক উড়িয়া গেল। শ্রীচৈতন্য ধ্যানভঙ্গে শিহরিয়া উঠিলেন।
এই সময়ে প্রত্যেক বস্তুর গোরের কৃষ্ণক্ষুর্তি হইয়া নানা বিকার হইতে
লাগিল। কখন তিনি মূর্ছিত হন, কখন কণ্টকাকীর্ণ বনভূমিতে লুণ্ঠন করেন,
অন্ন দিয়া কৃষির ধারা পড়ে। বলভদ্র ও মাথুর ব্রাহ্মণ নানা প্রকারে
তাঁহার সেবা শুশ্রূষা করিয়া পথ অতিবাহিত করিতে লাগিলেন।

এইরূপে শ্রীচৈতন্য আরিষ্ঠ নামক গ্রামে উপনীত হইয়া গোপবানক-
দিগকে 'রাধাকুণ্ড কোথায়' ? জিজ্ঞাসা করিলেন। ছইটি ধাতুক্ষেত্র প্রদর্শিত
হইলে গৌরচন্দ্র তাহার জলে ভক্তিপূর্বক স্নান করিলেন এবং কুণ্ডের স্রাব
করিতে লাগিলেন। কৃষ্ণলীলার তীর্থ সকল পূর্ব হইতেই লুপ্ত হইয়া
গিয়াছিল। চৈতন্যদেব এইরূপ অহুসঙ্কান পস্থা অবলম্বন করিয়া লুপ্ত তীর্থ
উদ্ধার করিতে লাগিলেন। এখান হইতে তিনি স্মরন সঙ্কোচের দর্শন
করিয়া গোবর্দ্ধন শৈলের নিকট গোবর্দ্ধন গ্রামে আসিয়া হরিদেব বিগ্রহ
দেখিলেন। গোবর্দ্ধনগিরি দেখিয়া সমুদায় কৃষ্ণলীলা তাঁহার স্মৃতিপটে
উদ্ভিত হইল ; তিনি ভাগবতীয় শ্লোকাবৃতি করিয়া গিরিরাজের স্তব করিতে
লাগিলেন। ভট্টাচার্য ব্রহ্মকুণ্ডে বাইয়া পাক করিলে চৈতন্যদেব ভোজন
করিয়া হরিদেব মন্দিরে রাজি বাপন করিলেন। শ্রীমদ্রাধবেন্দ্রপুরী প্রতি-
ষ্ঠিত গোপাল বিগ্রহ গোবর্দ্ধন শৈলের উপরে অন্নকূট নামক পল্লীতে
স্থাপিত। গৌরচন্দ্র মনে মনে চিন্তা করিলেন, 'আমি ত পবিত্র লীলাভূমি
শৈলের উপরে উঠিব না ; তবে গোপালের দর্শন পাই কি রূপে ?' এ দিকে
সেই রাজিতে অন্নকূট গ্রামে একজন লোক প্রচার করিয়া দিল যে 'গ্রাম
লুপ্তিতে তুড়ুয়াসোয়ার আসিতেছে, তোমরা সব পলাও'। গ্রামের লোক
পলাইয়া নানাদিকে চলিয়া গেল ; পুজারীগণ গোপাল লইয়া গাঁওলী গ্রামে

কুকাইয়া রাখিল। গৌরচন্দ্র প্রাতঃকালে মানস গদ্যায় শ্রবণ করিয়া গোব-
 র্দ্ধন পরিক্রমা করিয়া বাসায় ফিরিয়া আসিবার সময় এই সংবাদ পাইয়া
 গাঁঠুলী বাইয়া গোপাল দেখিয়া প্রেমে গদগদ হইলেন। মাধবেন্দ্রের পবিত্র
 চরিত্র তাঁহার স্মৃতিপথে উদ্ভূত হইয়া তাঁহাকে মহাস্বপ্নী করিল। তিন দিন
 পর্যন্ত গোপাল দর্শন করিয়া ত্রিচৈতন্য কাম্যাবনে জীলাস্থান দর্শন করিলেন।
 এবং সেখান হইতে নন্দীশ্বর ঠৈশলে পাবনকুণ্ডে শ্রবণ করিয়া পর্বতোপরি
 যাইয়া ব্রহ্মেন্দ্র, ব্রহ্মেশ্বরী ও কৃষ্ণমূর্ত্তি দর্শন করিলেন। সেখান হইতে তিনি
 খদির বনে শেখশায়ী ও খেলা তীর্থ দেখিয়া ভাণ্ডীর বনে আসিলেন। এখানে
 যমুনা পার হইয়া ভদ্রবন, শ্রীবন, লোহবন, ও মহাবন হইয়া গোকুল নগরে
 যাইয়া ভগ্নমূল যমলার্জুন দেখিয়া প্রেমআনন্দে নাচিতে লাগিলেন। এবং
 যন পরিক্রমা সমাপ্ত করিয়া পুনরায় মথুরায় আসিয়া সেই ব্রাহ্মণের গৃহে
 অবস্থিতি করিতে লাগিলেন। এদিকে ত্রিচৈতন্যের সাধুতা ও প্রেমের
 কথা চারিদিকে রাষ্ট্র হওয়ায় নিত্য নিত্য অসংখ্য লোক তাঁহার দর্শনে
 আসিতে লাগিল। লোক ভিড়ে ত্যক্ত হইয়া তিনি যমুনার নিকট অক্রুর
 তীর্থে আসিয়া বাস করিতে লাগিলেন। অক্রুর তীর্থের নিকট কৃষ্ণলীলা
 সময়ের এক বৃহৎ তেঁতুল গাছ ছিল। তাহার মূলদেশে পিড়ির আকারে
 উত্তম বাঁধান। গৌর সেইখানে আপন আসন নির্দিষ্ট করিয়া যমুনা দর্শন ও
 হরিনাম সঙ্কীৰ্ত্তন করিতে লাগিলেন। এখানেও বহুতর লোক সমাগম
 হইতে লাগিল দেখিয়া তিনি প্রত্যাষে বৃন্দাবনের বনমধ্যে পলাইয়া বাইয়া
 সাধন ভজন করিতে লাগিলেন। তৃতীয় প্রহরে তেঁতুল তলার ফিরিয়া
 আসিয়া শ্রাবণগাহনান্তে অক্রুরে বাইয়া ভোজন করেন। সেই সময়ে
 আগন্তুকদিগকে নানা উপদেশ দিতেন ও তাহাদের সঙ্গে সংপ্রসঙ্গ করি-
 তেন। কৃষ্ণদাস নামে এক ব্যক্তি রত্নপুত্র জাতি যমুনাপারে বাস
 করিত। সে এই সময়ে ত্রিচৈতন্যের উপদেশে বৈষ্ণব হইয়া পরিবারাদি
 ছাড়িয়া নিরন্তর তাঁহার নিকট বাস করিতে লাগিল।

এই সময়ে একটা রহস্যজনক ব্যাপার উপস্থিত হইল। যে সকল লোক
 চৈতন্য দর্শনে আসিত, তাহারা তাঁহার রূপলাবণ্য ও প্রেমচেষ্টা দেখিয়া
 এবং উপদেশ শুনিয়া তাঁহাকে মানুষজ্ঞান করিতে পারিত না। তাই
 দেশময় এক জনরব উঠিয়া গেল যে পুনরায় বৃন্দাবনে শ্রীকৃষ্ণ প্রকট হইয়া-
 ছেন। ০. In the original manuscript, the text continues with the story of the devotees' devotion to Chaitanya.

দেখিলেন, বহুতর লোক মহা কোলাহল করিয়া বৃন্দাবনে যাইতেছে। তাহাদিগকে জিজ্ঞাসা করায় তাহারা বলিল, ‘কালিদহের জলে শ্রীকৃষ্ণ প্রকট হইয়া রজনীতে কালিয় শিরে নৃত্য করিয়াছেন এবং কালিয়ের মস্তকমণি দীপ্তি পাইয়াছে। লোকে এই কথা বলায় আমরা দেখিতে যাইতেছি।’ শ্রীচৈতন্য কথা শুনিয়া জীবৎ হস্ত করিলেন। বলভদ্র ভট্টাচার্য্য সরল লোক। তিনি বলিলেন, ‘প্রভু! অনুমতি করুন, একবার কৃষ্ণদর্শন করিয়া আসি।’ শ্রীচৈতন্য তাহার গায়ে চাপড় মারিয়া উত্তর করিলেন “মূর্খদিগের কথায় তুমিও যে প্রতারিত হইলে দেখিতেছি। শ্রীকৃষ্ণ কলিকালে প্রকাশিত হইবেন কেন? পাগলামি করিও না; চুপ কর থাক। আচ্ছা, যাইতে হয়, না হয়; কাল রাত্রে যাইও।” পরদিন প্রাতঃকালে পরিচিত কোন ভক্তলোক নিকটে আসিলে শ্রীচৈতন্য হাসিতে হাসিতে জিজ্ঞাসা করিলেন ‘কেমন কালিয়দহে কৃষ্ণ দেখিয়াছেন ত?’ সে ব্যক্তি হাসিয়া বলিল, ‘প্রভু! সে রহস্য আর কি বলিব? কালিদহের জলে নৌকায় চড়িয়া রাত্রি যোগে কৈবর্ত মসাল জালিয়া মৎস্য ধরিতেছিল। মূর্খলোক না বুঝিয়া নৌকাকে সর্প, মসালকে মাণিক ও ধীবরকে কৃষ্ণ বলিয়া প্রচার করিয়া দিয়াছে।’

শ্রীচৈতন্য বলভদ্রকে বলিলেন, ‘শুনলে কেমন কৃষ্ণ প্রকট হয়েছেন?’

আগন্তুক ব্যক্তি বলিল, ‘তা বা’ হোক কথা মিথ্যা নয়। লোকে বৃন্দাবনে কৃষ্ণ দেখিতেছে, সত্য।’

শ্রীচৈতন্য জিজ্ঞাসা করিলেন, ‘কোথায়?’

‘আগন্তুক। কেন আপনি সন্ন্যাসী, জঙ্গম নারায়ণ। আপনি বৃন্দাবনে প্রকাশ হইয়াছেন, দেখিয়া লোক উদ্ধার হইয়া যাইতেছে।’

শ্রীচৈতন্য। বিষ্ণু! বিষ্ণু! এ কি কথা! সাবধান আর, এমন কথা মুখে আনিও না। জীবাদমে কি কৃষ্ণজ্ঞান করিতে আছে? শ্রীকৃষ্ণ বর্ডৈধর্ষ্য পরিপূর্ণ অলস্ত সূর্য্যের স্থায়। সন্ন্যাসীই বল, আর জীবই বল, তাহার অত্যন্ত কিরণ কলার সহিত তুলিত হইতে পারে না। যে জীব ও জীবের সমবুদ্ধি করে, সে পাষাণ, ঘোর অপরাধী।

মথুরাবাসীগণ মাধবেন্দ্রশিষ্য সেই ব্রাহ্মণ দ্বারা শ্রীচৈতন্যকে নিমন্ত্রণ করিতে লাগিলেন। ভট্টাচার্য্য তাহার মধ্যে এক একটা নিমন্ত্রণ বাছিয়া লইতে লাগিলেন। এক দিনে মথুরা নিমন্ত্রণ আসিতে লাগিল।

ত্রয়োদশ পরিচ্ছেদ ।

প্রয়াগে—রূপানুগ্রহ ।

প্রয়াগে আসিয়া শ্রীচৈতন্য সঙ্গীগণ সহ মকর যাত্রায় ত্রিবেণী স্নান করিয়া পূর্বপরিচিত এক মহারাজীয় বিপ্রেয় গৃহে অবস্থিতি করিতে লাগিলেন । বাসাটি অতি মনোহর স্থানে অবস্থিত । গঙ্গা যমুনা সরস্বতীর সঙ্গম স্থান ত্রিবেণী ঘাটের উপর পরিষ্কার একখানি বর ; সম্মুখে একটা ক্ষুদ্র পুষ্পোদ্যান । শ্রীচৈতন্য সেই ঘরে বাসা নির্ধারণ করিলেন । প্রাতে ত্রিবেণীঘাটে স্নান করিয়া বিন্দুমাধব দর্শন, নৃত্য কীর্তন ও সংপ্রসঙ্গে পরম শ্রুথে দিন অতিবাহিত হইতে লাগিল । তাঁহার বরভা-
দিকে রাষ্ট্র হইয়া পড়িলে দলে দলে লোক আসিয়া তাঁহার ইতি-
হইতে লাগিল । হরিনামের ও হরিপ্রেমের বস্তায় প্রয়াগ নগর পতি-
গেল । তিনটি প্রবল নদীর সম্মিলিত তরঙ্গপ্রবাহ বেনগরকে ডুবাই-
পারে নাই, চৈতন্যের প্রেমবস্তায় আজ তাহা ডুবিয়া গেল । একাদী-
বিন্দুমাধবের প্রাক্ষণে গৌর প্রেমোন্মত্ত হইয়া মহানৃত্য করিতেছেন, লোক লোকারণ্য হইয়াছে, ভিড় ঠেলিয়া তাঁহার নিকটে যাওয়া দুরূহ ।
দর্শকমণ্ডলী গৌরের ভাবাবেশ দর্শনে অবাক হইয়া চিত্তপুত্তলীর স্থায়-
স্থির রহিয়াছে । এই লোকারণ্যের বাহিরে দীনবেশে দুইটি অপরি-
চিত পুরুষ, ভিড় ঠেলিয়া বাইবার চেষ্টা করিয়া বাইতে না পারিয়া নৃত্যাস্ত-
অপেক্ষা করিতেছে । লোক দুইটির মলিন-মুখশ্রী ও মলিন বেশ হইলেও-
মুখ দেখিলে রোধ হয় যেন ইহারা কোন সম্ভ্রান্ত বংশীয় ; কি কারণে মলিন-
বেশে প্রয়াগে আসিয়াছেন ও কাহাকে যেন খুঁজিতেছেন । অনুরাগ,
উৎসাহ ও বৈরাগ্য যেন মুখ দুটির বাহির হইতেছে । অনেকক্ষণ পরে
গৌরচন্দ্রের ভাবাবেশ কমিয়া আসিল, নৃত্য কীর্তন থামিল, লোক ভিড়
আস্তে আস্তে কমিতে লাগিল । গৌর শৈথিল্যলাভ করিয়া বহুগণসহ বাসায়া
আসিলেন । আগন্তুক দুইজনও তাঁহার অনুগমন করিয়া নীরবে পশ্চাৎ
পশ্চাৎ আগমন করিলেন । গৌর উপবিষ্ট হইলে তাঁহারা তাঁহার পদতলে
পড়িয়া দণ্ডবৎ নুতন করিলেন । গৌরচন্দ্র চিনিতে পারিয়া আনন্দভরে 'কে,
কপটো এক এস' বলিয়া বাহু প্রসারণ করিয়া গাঢ় আলিঙ্গন করিলেন ।

এবং জিজ্ঞাসা করিলেন, 'ইনি কে?' শ্রীকৃষ্ণ উত্তর করিলেন, 'আমার কনিষ্ঠ, নাম শ্রীবল্লভ মল্লিক।' শ্রীচৈতন্য তাঁহাকেও গাঢ় আলিঙ্গন করিয়া বলিলেন, 'দেখ রূপ! কৃষ্ণ কেমন দয়ালু? বিদয়কূপ হইতে তোমাদের উদ্ধার করিলেন।'।

পাঠক মহাশয়ের স্মরণ আছে, রামকেনিতে সাক্ষাতের সময় রূপ সনাতনের জিজ্ঞাসায় শ্রীচৈতন্য উপদেশ দিয়াছিলেন, "শ্রীকৃষ্ণ বিষয় হইতে তোমাদের অতি দ্বারায় উদ্ধার করিবেন; এখন রাজদরবারে ফিরিয়া গিয়া অন্তরে বৈরাগ্য লইয়া বাহিরে বিষয় সেবা করগে।" ছুই ভাই গৃহে প্রত্যাগমন করিয়া তীব্র বৈরাগ্যের উত্তেজনায় নিভৃতে বসিয়া বিষয় ত্যাগের উপায় উদ্ভাবন করিতে লাগিলেন। এবং আশ্বে আশ্বে সম্পত্তি আদি কণিগোদিগকে কতক চল্লসীপের বাটীতে ও কতক কতেরাবাদে পাঠাইয়া জিজ্ঞা রাজা বা রাজানুচরবর্গ তাঁহাদের অভিপ্রায় বুঝিতে পারিল না। হ্যাঁ আছে, বিষয় বাসনার শেবগ্রন্থি হইতে নিষ্কৃতি পাইবার জন্য তাঁহার। এংপরায়ণ ব্রাহ্মণ দ্বারা পুরস্চরণ করাইলেন এবং হৃদয়ের গতি পরীক্ষা করিতে লাগিলেন। রূপের কর্মস্থান মফস্বলে। সুতরাং তিনিই প্রথমে মন-সামনা পূর্ণ করিবার সুযোগ পাইলেন। বহু ধন সম্পত্তি ও নগদ টাকার ছইখানি নোকা সাজাইয়া তিনি স্বদেশাভিমুখে যাত্রা করিলেন। বাইবার কালে দশ হাজার টাকা গোড়ের কোন বিশ্বস্ত বণিকের নিকট গচ্ছিত রাখিয়া গেলেন। উদ্দেশ্য, আবশ্যক হইলে ননাতন তাহা ব্যবহার করিতে পারিবেন। বাড়ী আসিয়া রূপ ছইজন বিশ্বস্ত চর নীলাচলে পাঠাইয়া উপদেশ দিয়া দিগেন যে, শ্রীচৈতন্য বনপথে বৃন্দাবনে যাত্রা করিলেই তাহার যেন সংবাদ তাঁহাকে দেয়। কিছু দিনান্তরে চর ছইজন ফিরিয়া আসিয়া প্রভুর বৃন্দাবন যাত্রা জ্ঞাপন করিলে, রূপ অগ্রজ সনাতনকে গোড় নগরে এক পত্র লিখিলেন। পত্রের মর্ম্ম এই যে "প্রভু বৃন্দাবনে গিয়াছেন; আমরা ছুই ভাই তাঁহার নিকট চলিলাম। আপনি যে কোন উপায়ে হউক শীঘ্র আসুন। টাকার প্রয়োজন হইলে—বণিকের নিকট সন্ধান লইবেন।" বল্লভকে সঙ্গে লইয়া অতুল ঐশ্বর্য্য ও পরিজনদিগকে পরিত্যাগ করিয়া রূপ মল্লিক কহা করঙ্গ সার করিলেন। স্বর্গে জয় জয় শব্দ হইল, শ্রীগৌরানন্দের ভক্তিবিধানপূর্ণতা লাভ করিতে চলিল এবং সংসারাসক্তি ও সুখেরিলাসের হর্ষের উপর বৈরাগ্যের বিজয় নিশান উড়ীয়ায়মান হইল।

শ্রীচৈতন্য জিজ্ঞাসা করিলেন, 'রূপ! সনাতনের সংবাদ কি?' রূপ উত্তর করিলেন, 'শুনিয়েছি, তিনি রাধাঘারে বন্দী। আমি তাঁহাকে পত্র লিখিয়া আসিয়াছি। বিশেষ সংবাদ কিছু বলিতে পারি না।' তুমি কৃপা করিয়া তাঁহাকে উদ্ধার না করিলে তাঁহার নিষ্কৃতি নাই।' শ্রীচৈতন্য হাসিয়া উত্তর করিলেন, 'তাঁহার উদ্ধার হইয়াছে; শীঘ্রই আমার সঙ্গে সাক্ষাৎ হইবে।' ইহার পর গৌর রূপ, বল্লভ ও আর আর বন্ধুগণকে লইয়া ত্রিবেণীর ঘাটে মধ্যাহ্নাদি সমাপন করিলেন। বলভদ্র পাক করিলে শ্রীচৈতন্য আহাৰ করিলেন। রূপ ও অনুরূপম সে দিন তথায় প্রসাদ পাইলেন। শ্রীচৈতন্যের বাসার পার্শ্বে ঘাটের উপর তাঁহাদের বাসা নির্দিষ্ট হইল।

এদিকে শ্রীকৃষ্ণের রামকেলি পরিত্যাগের পর সনাতন মনে মনে চিন্তা করিলেন, 'বাদসাহ আমাকে যে অত্যন্ত প্রীতি করেন, তাহাই সনাতনের কারণ। কোন প্রকারে যদি তাঁহার বিরক্তিভাজন হইতে পারি, বরজা-মঙ্গল। তাহা হইলে বিক্ষোভ লাগিবে।' এই ভাবিয়া ইতি-অস্বাস্থ্যের ভাণ করিয়া রাজদরবারে গমনাগমন বন্ধ করিয়া দিবানিশি সা-পতি ভজন ও সংপ্রসঙ্গে অতিবাহিত করিতে লাগিলেন। গোড়েশ্বর, রাজমন্ত্রী পীড়ার সংবাদে রাজকীয় বৈদ্য পাঠাইয়া দিলেন। চিকিৎসক দেখিয়া শুনিয়া রিপোর্ট করিলেন, মন্ত্রীর কোন পীড়া নাই। একদিন সনাতন ব্রাহ্মণ পণ্ডিতদিগের সহিত শ্রীমদ্ভাগবতের বিচারে প্রবৃত্ত আছেন, হঠাৎ নকিব ফুকরাইয়া উঠিল; অনুরূপবর্ণের সহিত গোড়েশ্বর সনাতনের বৈঠকখানায় আসিয়া উপস্থিত। দবীরখাস সমস্রমে উঠিয়া রীতিমত অভ্যর্থনা করিয়া রাজা অতিথিকে বসিতে আসন দিলেন। রাজা বলিলেন, 'হাকীম সাহেব রিপোর্ট দিয়াছেন, তোমার কোন অসুখ নাই। তবে ব্যাপার খানা কি?'

সনাতন বিনীত ভাবে বলিলেন, 'শরীরের অসুখ ত কিছু নহে। মনে সুখ নাই, কিছু ভাল লাগে না। তাই রাজদরবারে যাইতে পারি নাই।'

গোড়েশ্বর উত্তর করিলেন, 'সামান্য মানসিক অসুখের জন্য কাজ কর্ম বন্ধ করা কি ভাল হয়? দেখ, তোমার হাতেই আমার সব কাজ। তুমি কাজ ছাড়িলে যে আমার সব নষ্ট হ'য়ে যায়। তার কি বল? তোমার মনের ভাব কিছু বুঝিতে পারিতেছি না। খুলে বল, সেই মত

হাতিসা রূপকে ডাকাত বলায় সনাতন মনে মনে বিরক্ত হইলেন।
 আর এখন যে অবস্থা, তাহাতে মানুষকে আর ভয় নাই। সকল ভয়ের ভয়,
 ঈশ্বরের ভয়ানক যিনি, তাহাতে যে প্রাণ সঁপিয়াছে, সে কি বাদসাহ
 হইতে ভয় পায়? তাই তিনি ধীর ও গভীরভাবে উত্তর করিলেন, 'হজুর!
 আপনি স্বাধীন রাজা। অপরাধী ব্যক্তিকে দণ্ড দিতে সম্পূর্ণ ক্ষমতাবান।'

গৌড়েশ্বর এই কথায় আর ধৈর্য্য রাখিতে পারিলেন না; অল্পচরবর্গকে ইঙ্গিত করিয়া উঠিয়া চলিয়া গেলেন। সিকদারগণ অগ্নি সনাতনের হাতে হাতকড়ি দিয়া তাঁহাকে বন্দী করিয়া লইয়া গেল; তাঁহার বিষয় সম্পত্তি রাজ-সরকারে জব্দ হইল। পৃথিবীর ধন, মান, পদগৌরবের দশাই এই প্রকার! ইহা জানিয়া শুনিয়াও লোক বিষয়মরীচিকায় এত ভ্রান্ত হয় কেন, বুঝা যায় না। এই সময়ে উড়িষ্যার সীমান্ত প্রদেশে উৎকলরাজের সহিত গৌড়েশ্বরের তুমুল যুদ্ধ চলিতেছিল। যুদ্ধের ভীষণসংবাদ পাইয়া রাজা স্বয়ং যুদ্ধক্ষেত্রে যাইতে পরামর্শ স্থির করিলেন; এবং সনাতনকে বন্দীশালা হইতে আনিয়া মিষ্টভাষায় সন্ধে যাইতে অনুরোধ করিলেন। সনাতন দৃঢ়তাব্যঞ্জক স্বরে উত্তর করিলেন, 'হুজুর! দেবতা ব্রাহ্মণে হুঃখ দিতে যাইবেন; আমি সন্ধে থাকিয়া কিরূপে তাহার সাহায্য করিব? এ বিষয়ে বান্দা নিতান্ত অক্ষম জানিবেন।'

এই কথাই বাদিসাহের ক্রোধের বীজ পাকিল না। কিছু সনাতন তাঁহার

স্ত প্রিয় । কি কারণে মাথা গরম হইয়া মতিভ্রান্তি হইয়াছে বিবেচনা করিয়া অত্যাহিতের আজ্ঞা না দিয়া তাঁহাকে বন্দীশালায় পাঠাইয়া দিয়া অল্প সময়ান্তরমুখে যাত্রা করিলেন এবং বাইবার সময়ে সনাতনকে যত্নে কাধিবার জন্ত গোপনে কর্মচারীদিগকে আদেশ দিয়া গেলেন । শ্রীচৈতন্য প্রয়াগে আসিয়া এই সব সংবাদ বিশ্বস্ত চরমুখে পূর্বেই শুনিতে পাইয়াছিলেন ।

প্রয়াগের অদূরে যমুনাপারে আশ্বলীগ্রাম । আশ্বলীগ্রামের বর্তমান নাম আড়াইল । আমরা যে সময়ের কথা বলিতেছি, তখন বল্লভ ভট্ট নামে কোন ধর্ম্মানুরাগী ব্যক্তি তথায় বাস করিতেন । ভট্ট একজন পণ্ডিত ব্যক্তি ; ভাগবতে তাঁহার খুব বিদ্যা ছিল । বল্লভ ভট্ট উত্তরকালে বল্লভাচারী নামে বৈষ্ণব সম্প্রদায় সৃষ্টি করিয়াছিলেন । স্বীয় সম্প্রদায়ে তিনি বল্লভাচার্য্য নামে বিখ্যাত । উত্তর পশ্চিমাঞ্চল ও গুজরাটে অনেক বল্লভাচারী বৈষ্ণব দেখা যায় । বল্লভাচারীগণ শ্রীচৈতন্যকে পরমগুরু বোধে ভক্তি করিয়া থাকেন । বল্লভ ভট্ট ইতিপূর্বে লোক পরম্পরায় মহাপ্রভুর গুণচরিত্র শ্রবণ করিয়া তাঁহার প্রতি একান্ত অনুরক্ত হইয়াছিলেন । এখন প্রভু প্রয়াগে আসিয়াছেন জানিতে পারিয়া তিনি শ্রীচৈতন্যের সহিত সাক্ষাৎ করিলেন এবং শ্রীচৈতন্য তাঁহাকে আলিঙ্গন করিলেন । উভয়ে হরিকথা হইতে লাগিল । বল্লভ ভট্ট শ্রীচৈতন্যের প্রেমচেষ্টা দেখিয়া মুগ্ধ হইয়া গেলেন । শ্রীচৈতন্য রূপ ও বল্লভের সঙ্গে তাঁহার পরিচয় করিয়া দিলেন । দুই ভাই ভট্টকে প্রণাম করিলে ভট্ট তাঁহাদিগকে আলিঙ্গন করিতে উদ্যত হইলেন । ‘আমরা নীচজাতি, ছুঁইও না’ বলিয়া তাঁহারা পলাইয়া গেলেন । শ্রীচৈতন্য কোতুক করিয়া হাসিয়া ভট্টকে বলিলেন, ‘ইহারা অতি হীনজাতি ; তুমি মহা কুলীন বৈদিক ব্রাহ্মণ ; ইহাদের ছুঁইও না ।’ বল্লভ ভট্ট প্রভুর মনের ভাব বুঝিতে পারিয়া উত্তর করিলেন, ‘যখন ইহাদের জিহ্বাগ্রে হরিনাম বর্তমান, তখন চণ্ডাল হইলেও ইহারা পূজ্যতম । ভগবানের নাম-সাহারা গ্রহণ করেন, তাঁহারাই ত বেদপরায়ণ ব্রাহ্মণ ।’ শ্রীচৈতন্য ভট্টের এই কথায় পরম প্রীতলাভ করিলেন এবং প্রেমাবেশে শাস্ত্রীয় শ্লোক পাঠ করিয়া বলিতে লাগিলেন, ‘নমস্কৃতরূপ প্রদীপ্তাগ্নি দ্বারা সাহাদের জাতিজনিত দূষ্কৃতি ভস্মীভূত হইয়া হৃদয় পবিত্র হইয়াছে ; পণ্ডিতেরা এরূপ চণ্ডালেরও সম্মান করিয়া থাকেন । কিন্তু বেদজ্ঞ হইয়াও ভক্তিহীন হইলে তাঁহাদের নিকট সম্মান পায় না । প্রাণহীন পুত্তলিক

কাকে বস্ত্রালঙ্কারে সুসজ্জিত করা যেমন বিড়ম্বনা মাত্র, তেমনি ভক্তি ব্যক্তির সংকুলে জন্ম, পাণ্ডিত্য, রূপ, পুরুষচরণ, সকলই বৃথা ।’ বলত ভট্ট ই পর গণ সহিত গৌরচন্দ্র ও রূপ, বলতকে নিমন্ত্রণ করিয়া নৌকায় আরো করাইয়া স্ব গৃহে লইয়া চলিলেন । যমুনায় স্নচিকণ নীল জল দেখিয়া প্রভু ভাবলহরী উথলিয়া উঠিল । তিনি আশ্বহারা হইয়া মধ্য যমুনায় বাঁপ দিয়া পড়িলেন ; সঙ্গীগণ ভয় বিহ্বলচিত্তে ধরাধুরি করিয়া তাঁহাকে নৌকা উঠাইলেন ; এবং বেঁধেন করিয়া বসিয়া থাকিলেন । শ্রীচৈতন্যের প্রেমাবেগে তখনও থামে নাই । তিনি নৌকার উপর নাচিতে লাগিলেন । নৌকা টলমল করিতে লাগিল । এইরূপে আশ্বলীর ঘাটে নৌকা পৌঁছিলে বলত ভট্ট মধ্যাহ্ন করাইয়া অতিথিদিগকে গৃহে লইয়া গেলেন । এবং সকলকে নূতন বহির্বাস কোপীন, পাদ্য অর্ঘ্য, পুষ্প চন্দন, মালা দিয়া পূজা করিলেন ও ভট্টাচার্য দ্বারা পাক করাইয়া পরিভোষ রূপে ভোজন করাইলেন । ভোজনাতে শ্রীচৈতন্য বিশ্রাম করিতেছেন, এমন সময়ে রঘুপতি উপাধ্যায় নামে এক পণ্ডিত আসিয়া তাঁহার সহিত সাক্ষাৎ করিলেন । রঘুপতি ত্রিহৃত দেশের লোক, মহা পণ্ডিত এবং ভক্তিপিপাসু পরম বৈষ্ণব । শ্রীচৈতন্য তাঁহার পরিচয় লইয়া সাদরে আলিঙ্গন করিলেন এবং বলিলেন, ‘আপনি রূপা করিয়া আমাকে কিছু কৃষ্ণকথা শুনান ।’ উপাধ্যায় স্বরচিত শ্লোক-বৃত্তি করিয়া ব্যাখ্যা করিলেন :—

“সংসারতাপে সম্ভাপিত হইয়া কেহ নিঃস্বর্ণ ব্রহ্মের, কেহ বা ঐশ্বর্যশালী ঈশ্বরের কেহ বা পুরাণাদি সম্মত সাকার রূপের উপাসনা করিতেছেন । আমি কিন্তু সৌভাগ্যশালী নন্দের শরণাপন্ন হই ; কারণ তাঁহার প্রাক্ষণে পর-ব্রহ্ম লীলা বিহার করিতেছেন ।”

শ্রীচৈতন্য বলিলেন, ‘আর কিছু বলুন ।’ রঘুপতি আর একটা শ্লোক ব্যাখ্যা করিয়া বলিলেন, ‘পূর্বব্রহ্ম গোপবৃদ্দিগের মনশ্চোর রূপে বিরাম করিতেছেন ; এ কথা কহাকেই বা বলি, কেই বা বিশ্বাস করে ।’ উপাধ্যায় একজন প্রেমিক ভক্ত, কৃষ্ণলীলার নিগূঢ় তাৎপর্য জানেন মনে করিয়া শ্রীচৈতন্য নানা প্রশ্ন করিতে লাগিলেন । রঘুপতি ব্যাখ্যা করিলে গৌর জিজ্ঞাসা করিলেন, ‘রূপের মধ্যে শ্রেষ্ঠ কি ?’ রঘুপতি উত্তর দিলেন, ‘শ্রামরূপ ।’

চৈতন্য । কেন ?

ত্রয়োদশ পরিচ্ছেদ ।

১৪৭

রঘুপতি । শ্রামরূপের ত্রায় স্নিগ্ধ, স্নন্দর ও আনন্দপ্রদ আর কি আছে ? কাল রূপ বিভীষিকা উপন্ন করে ; উজ্জল শ্বেত, গৌর, কি কলরূপে চক্ষু বলসাইয়া দেয় ; উহা ভেজ ও তীব্রতা ব্যঞ্জক হইতে পারে । কিন্তু নবজলধর শ্রামরূপ স্বতই মাধুর্য্যময়, আনন্দপূর্ণ, স্নিগ্ধ । সে রূপে যে ভাবে, তাহার অন্যই বৃণা ।

শ্রীচৈতন্য । আহা ! কি স্নন্দর ! আচ্ছা বলুন দেখি, শ্রামরূপের নিবাস ভূমি কোথায় ? কোন্ পুরী শ্রেষ্ঠ ?

রঘুপতি । তাও কি আবার বলিতে হবে ? মাধুর্য্যপূর্ণ, স্নখপূর্ণ ও রসপূর্ণ মধুপুরীই শ্রামরূপের অধিষ্ঠান ভূমি ; সকল ধামের শ্রেষ্ঠ ধাম । শক্তি ধামে, ঐশ্বর্য্য ধামে, ভয়ানক ধামে, লীলাবৈচিত্র্য্য থাকিলেও মাধুর্য্য ধামের কাছে কেহ নয় । শ্রামরূপই মধুপুরী বা মধুপুরীতেই শ্রামরূপ ।

শ্রীচৈতন্য । কৃষ্ণের বাল্য, পৌরুষ, কৈশোরাবস্থার মধ্যে কোনটী শ্রেষ্ঠ ?

রঘুপতি । কৈশোর লীলার ত্রায় আর কি আছে ? যৌবন সমাগনের পূর্বাবস্থার নাম কৈশোর । কৈশোরে সকলই নূতন ; অন্তরে নিত্য নবরস সঞ্চারিত, বাহিরে নিত্য নবভাব বিকসিত । সে যে কি অনির্ব্বচনীয় আনন্দময়, তাহা নবকিশোর না হইলে জানা যায় না । আর জানে সে, যে নবকিশোরে মজিয়া যায় । মাধুর্য্যময় শ্রামরূপই নবীন কিশোর, চির নূতন ও উপাদেয় ; সহস্রবার দেখিলেও পুরাতন হইবার নহে ।

শ্রীচৈতন্য প্রেমোন্মত্ত হইয়া জিজ্ঞাসা করিলেন, 'তবে কোন্ রস শ্রেষ্ঠ, যাতে মজিলে এ লীলা ক্ষুণ্ণ হয় ?'

রঘুপতি । যাতে আত্মসমর্পণ করায়, লাজ, কুলে অলাঞ্জলি দিয়া উন্নত করিয়া তুলে, সেই মধুর রসই সর্ব্ব শ্রেষ্ঠ । অত্যাশ্রয় রসে কৃষ্ণের নিকট কিছু না কিছু সঙ্কোচ থাকিয়া যায় ; আদিরসে সঙ্কোচ ভয় থাকিতে পারে না । থাকিলে আত্ম সমর্পণ অসম্ভব । আমি ভাল হই আর মন্দ হই, পাপী হই, বা পুণ্যবান হই, কুৎসিত হই বা স্নন্দর হই, তোমারই নাথ ! তোমারই । এই আমাকে লও, আত্মসাৎ কর ; মধুর রসের ইহাই পরিণতি ।

এই কথায় শ্রোতা ও বক্তা উভয়েরই আনন্দসিক্ত উল্লসি উঠিল । আশ্রয় হারা হইয়া উভয়ে কোলাকুলি করিয়া নাচিতে লাগিলেন । বস্ত্র ভট্ট ও অত্যাশ্রয় দর্শকগণ স্তব্ধ হইয়া গেলেন । গ্রামের লোক শ্রীচৈতন্যের অলৌকিক কথা শুনিয়া আসিয়া সাক্ষাৎ করিল ; ব্রাহ্মণ পণ্ডিত সকলে তাঁহার প্রশংসা

করিতে লাগিল এবং সকল লোক হরিপ্রেম লাভ করিয়া বৈষ্ণব হইয়া গেল।
ক্রমে জনতা বাড়িতে লাগিল দেখিয়া ভট্ট শ্রীচৈতন্যকে প্রয়াগে লইয়া আ-
লেন। ত্রিবেণী ঘাটের বাসায় দিন দিন লোকের ভিড় বৃদ্ধি ও সাধন ভঞ্জে-
ব্যাঘাৎ উপলব্ধি করিয়া চৈতন্যদেব দশাশ্বমেধে বাইয়া নির্জনে স্থানে বসি-
করিলেন এবং সেইখানে দশদিন পর্য্যন্ত শ্রীরূপ গোস্বামীকে তত্ত্ব উপদেশ-
দিয়া নিজ শক্তি সঞ্চার করিলেন। ভক্তিরসামৃতসিন্ধুর উপক্রমণিকায়
শ্রীরূপ এ কথা স্বীকার করিয়াছেন। “অতি ক্ষুদ্র হইয়াও আমার হৃদয় বাহ্য-
প্রেরণায় রসবর্ণনে সমর্থ হইতেছে; সেই চৈতন্যদেবের বন্দনা করি।” বাহ্য-
হউক, পূর্বে রায় রানানন্দের মুখে মহাপ্রভু যে সব তত্ত্ব শুনিয়াছিলেন,
রূপকে সেই সব তত্ত্ব শিক্ষা দিলেন। কৃষ্ণতত্ত্ব, রাধাতত্ত্ব, ভক্তিতত্ত্ব, রসত-
তত্ত্বই, তাঁহার শ্রীমুখে ক্ষুরিত লাগিল। রূপ গোস্বামী কৃতার্থ হই-
গেলেন। পূর্বজীবনে বাদসাহের চাকুরীতে যে অতুল ঐশ্বর্য্য উপার্জন করি-
ছিলেন, এখন তাহা অতি অকিঞ্চিৎকর বোধ হইতে লাগিল। তখন জি-
মনে মনে অনুতাপ করিতে লাগিলেন, ‘জীবনের পূর্বভাগ কি অপকর্ম্মে
কাটাইয়াছি?’ হীরক পাইলে কাহারই বা কাচে আগ্রহ হয়? শ্রীরূপে
হৃদয়ে নানা জিজ্ঞাসা উঠিতে লাগিল। তিনি প্রশ্ন করিলেন, ‘জীবের স্বরূপ
কি? ভক্তিরস কাহাকে বলে?’

শ্রীচৈতন্য উত্তর করিলেন, ‘গুন রূপ! ভক্তিরসসিন্ধু গভীর অনন্ত-
তাহার সকল কথা বলা যায় না। আচ্ছা, তোমাকে তার এক বিন্দু আশ-
্রয় করাইতেছি। প্রথমে জীব লক্ষণ বলিতেছি। ভগবানের অনাদ্যন-
চিহ্নরূপের অতি স্বল্প হইতে স্বল্পতর অংশ জীব। কেশাগ্রকে শতভাগ
করিয়া তাহাকে শত সহস্র অংশ করিলে যেমন ক্ষুদ্র হয়, জীবের স্বরূপ
তদপেক্ষাও সূক্ষ্ম। অনেকে জীবকে অপরিমিত, নিত্য, সর্বব্যাপী, ইত্য-
ইতে অভিন্ন কল্পনা করিয়া থাকেন। কিন্তু তাহা কল্পনামাত্র। জীব সর্ব-
শরীরধারী, জনন মরণ ধর্ম্মশীল। সে স্বভাব পরিহার না করিয়াও কি
আপনি আপনার নিয়ামক হইতে পারে? শাস্ত্র শাসকের ধর্ম্ম কিরূপ
পাইবে? শ্রুতি বলিয়াছেন, যে মনে করে আমি ব্রহ্মস্বরূপ জানিয়াছি
তাহার কিছুই জানা হয় নাই। ব্রহ্ম এমনি অনাদ্যনন্ত মহানু ও পূর্ণ। ব্র-
অপূর্ণ জীব কি কখন তাঁহার সমান হইতে পারে? জীব বলিতে আমি
স্বাভাব জন্মমাত্রক যাবতীয় সৃষ্টি প্রকৃতির নিদেহ করিতেছি। সকলই পু-
CCO. In Public Domain. Digitized by eGangotri and Sarayu Trust. Funding by MoE-IKS

চিহ্নরূপের অত্যন্ত চিত্রকণ মাত্র । হাবর বাদ দিলে জঙ্গমকে তিন ভাগে বিভক্ত করা যাইতে পারে । তির্থ্যক, জলচর, ও স্থলচর । স্থলচরের মধ্যে মানুষের সংখ্যা আবার অতি অল্প । মানুষের মধ্যে আবার স্নেহ, পুলকিত, বোদ্ধাই অধিকাংশ । অতি অল্প সংখ্যক বেদনিষ্ঠ । বেদনিষ্ঠের মধ্যে অধিকাংশই মুখে বেদ মানিয়া থাকে মাত্র, কার্যে ধর্মের ধার ধারে না, কিছুই মানে না । ধর্ম্মাচারীর মধ্যে আবার অধিকাংশই কর্মনিষ্ঠ, বাহিরের আড়ম্বর পূর্ণ অন্তঃসার শূন্য যাগযজ্ঞে রত । কোটি কর্মনিষ্ঠের মধ্যে একটি জ্ঞানী পাওয়া যায় কি না, সন্দেহ । জ্ঞানিগণের মধ্যে জীবমুক্তের সংখ্যা অতি অল্প । আবার কোটি কোটি মুক্ত পুরুষ ধৃষ্টিতে একটি ভক্ত পাওয়া যায় কি না সন্দেহ । এক্ষণে বুঝিলে ভক্তি কেমন হ্রস্ব ভ জিনিষ ?

বলিতে বলিতে গোরের প্রেমাবেগ উচ্ছ্বসিত হইল, তিনি আনন্দে বিহ্বল হইয়া বলিলেন, ‘শুন রূপ ! যদি কোন ভাগ্যবান জীব কৃষ্ণরূপায় ভক্তিলতার একটি অতি ক্ষুদ্র বীজও লাভ করিতে পারেন ও শ্রবণ কীৰ্ত্তন জলে নিয়ত তাহা সেচন করিতে পারেন, তবে অবশ্যই তাহা অঙ্কুরিত হইয়া বাড়িয়া ব্রহ্মাণ্ড ভেদ করিয়া উঠিবে । পরব্যোম, ব্রহ্মলোক ও আসক্তি-শূন্য বিরজাক্ষেত্রও তাহাকে আটকাইতে পারিবে না । কিন্তু গোঁড়াতে নিয়তই শ্রবণাদি জল ঢালিতে হইবে ; বিরাম দিলে লতাটি শুকাইয়া যাইবে । সাবধান ! সাধু অপরাধ হাতিমাতা বেন না জন্মে ; অগ্নিলে তোমার লতা মারিয়া ফেলিবে । আরও ভয় প্লাছে, জল সেচন পাইয়া লতার গায়ে উপশাখা বাড়িতে পারে ; ভুক্তিমুক্তিস্পৃহা, সন্দেহ কুটিনাটী, লাভ প্রতিষ্ঠা বাহা, ইত্যাদি বহুবিধ আগাছা বাড়িতে পারে । সাবধানে সে সব উন্মূলিত না করিলে ভক্তিলতা বাড়িবে না । কিন্তু এই লতা একবার বাড়িয়া উঠিলে আপনিই প্রকাণ্ড আকার ধারণ করিয়া কৃষ্ণচরণকল্পবৃক্ষে জড়াইয়া ধরিবে । তখন উহাতে কত সুন্দর ফুল ফুটিবে, ফলভরে অবনত হইবে ও ফল আন্বাদন করিয়া মালী শ্রম সার্থক মানিবে । অবশেষে এই লতা ধরিয়াই মালী কল্পবৃক্ষে উঠিতে পারিবে । এই ফলের নাম কি জ্ঞান ? প্রেম । ইহার নিকট চতুর্ভুজ অতি তুচ্ছ ।’ গৌরচন্দ্র আশ্রয় গংবরণ করিয়া বলিলেন, ‘কথায় কথায় অবাস্তব কথা আনিয়াছি । কি বলিতেছিলাম ?’

শ্রীরূপ উত্তর করিলেন, ভক্তির লক্ষণ ব্যাখ্যা করিবেন, বলিয়াছিলেন ।

শ্রীচৈতন্য কহিলেন “হঁ, অত্ৰ বাহ্য পরিভাষা পূর্বক ইন্দ্রিয়াদির সাহায্য

লইয়া একাগ্রচিত্তে ও পবিত্র ভাবে যে ভগবদমুখীলন করা যায়, তাহার নাম ভক্তি। অথবা ভগবানের গুণ চরিত শ্রবণাদি হইতে সাগরাভিমুখী নদীর গতির ত্রায় তাঁহাতে যে অবচ্ছিন্না মনোগতি উৎপন্ন হয়, তাহাকেও ভক্তি বলা যাইতে পারে। এই ভক্তি সাধন করিতে গেলে সর্বদাই সাবধান থাকিতে হইবে যেন ভুক্তি মুক্তি স্পৃহা হৃদয়ে না থাকে।”

শ্রীকৃষ্ণ জিজ্ঞাসা করিলেন, ‘এই ভক্তি হইতে কিরূপে প্রেম প্রকাশ হইতে পারে?’

শ্রীচৈতন্য উত্তর দিলেন, ‘ভগবৎ কৃপায় মানবহৃদয়ে স্বভাবতই কতকগুলি স্নেহকোমল ভাবের বীজ নিহিত আছে। সেই গুলিকে হৃদয়ে উদ্দীপন করার নামই সাধন। পূর্বেই বলিয়াছি, ইন্দ্রিয়াদির সাহায্যে শ্রবণ, কীৰ্ত্তন, দর্শনাদির দ্বারা এই সাধন করিতে হয়। এই অবস্থায় ভক্তির নাম সাধন ভক্তি। সাধন ভক্তি আবার দুই প্রকার, বৈধী ও রাগানুগ। অনুরাগবিহীন হৃদয়ে কেবল শাস্ত্র ও গুরুপদেশ ধরিয়া যে ভাবসাধন করা যায়, তাহার নাম বৈধী ভক্তি। আর অভিলষিত বস্তুতে শ্রবণ কীৰ্ত্তনাদি অপেক্ষিত স্বাভাবিক প্রেমময় প্রগাঢ় তৃষ্ণার নাম রাগময়ী ভক্তি।

শ্রীকৃষ্ণ। অনুরাগবিহীন ব্যক্তির ভাব সাধন কেমন করিয়া সম্ভবে?

শ্রীচৈতন্য। কেবল মাত্র শ্রদ্ধার উদয় হইলে হইতে পারে। শ্রদ্ধাও অনুরাগে অনেক প্রভেদ। ‘শ্রদ্ধা’ অর্থ ভাল বলিয়া অনুমোদন করা। উহা হইতে সাধু সঙ্গ করিতে ইচ্ছা জন্মিতে পারে, সাধু সঙ্গ হইতে শ্রবণ কীৰ্ত্তনে মনোনিবেশ হয়। তাহা হইতে ক্রমে নিষ্ঠা, শ্রবণাদিতে কৃতি, ও অবশেষে আসক্তি ও রতি জন্মে। রতি হইতে প্রেমলাভ হয়।

শ্রীকৃষ্ণ। প্রেমের স্থায়িত্ব কি?

শ্রীচৈতন্য। ভগবানে স্নেহ, মান, প্রণয়, অনুরাগ, সখ্যাজা, প্রভৃতি হইতে মহাভাব পর্য্যন্ত প্রেমের স্থায়িত্ব রসলীলা হইতে পারে।

শ্রীকৃষ্ণ। এ সকলের কি কোন শ্রেণী বিভ্রাস নাই?

শ্রীচৈতন্য। আছে বৈ কি? শুন নাই কি শাস্ত্র, দাস্ত্র, সখ্য, বাৎসল্য, ও মধুর রতি কি রস যাই বল, প্রেমের স্থায়িত্ব, এই পাঁচ প্রকার অবস্থায় প্রকাশ হইয়া থাকে। এই পাঁচটি স্থায়িরসে আগন্তুক বা আকস্মিক কারণে যদি হান্স, অদ্বৈত, বীর, করুণ, রোজ, ভয়ানক ও বীভৎস, সাতটি গোণরসের যোগ হয়, তাহা হইলে ভক্তের প্রাণে সমস্ত রসভেদ ও লীলাভিষিক্ত

প্রকাশ হইতে পারে । উহাতে সাধককে কখন হাস্য, নাচায়, কাঁদায়, রাগায়, মৌনী করে এবং কত ভাব তরঙ্গে ভাসাইয়া ডুবাইয়া দেয় ।

শ্রীরূপ । রত্নির যে পাঁচটি স্থানিভাব বলিলেন, তন্মিত্র আর কোন রূপ বিভাগ আছে কি না ?

শ্রীচৈতন্য । আছে, দুই প্রকার ভক্তির প্রকৃতি ভেদে রত্নি দুই প্রকার । বৈধী ভক্তি যোগে ঐশ্বর্য জ্ঞান মিশ্রা ও রাগময়ী ভক্তিতে কেবলা রত্নি উৎপন্ন হয় । যে রসেরই ভক্ত হউন না কেন, ঐশ্বর্য জ্ঞানমিশ্রা রত্নিতে শ্রীতি সঙ্কুচিত হয় ; ভয় বা সঙ্কম বৃদ্ধি পায় । যেমন বাৎসল্য রসে, শ্রীকৃষ্ণ বনুদেব ও দেবকীকে প্রণাম করিলে তাঁহাকে ঈশ্বর বোধে পিতা মাতার মনে ভয় সঞ্চার হইয়াছিল । সখ্য রসে কৃষ্ণের বিশ্বরূপ দর্শন করিয়া অর্জুনের সখ্য-শ্রীতি সঙ্কুচিত হইয়া মনে সঙ্কম ও ভয়ের উদয় হইয়াছিল এবং মধুররসে, কৃষ্ণ পরিহাসচ্ছলে কৃষ্ণকীকে ছাড়িয়া বাইবেন বলিলে কৃষ্ণের ঈশ্বরত্ব অরণ করিয়া কৃষ্ণকীর ত্রাস জন্মিয়াছিল । কিন্তু কেবলা রত্নিতে ঈশ্বরে ঐশ্বর্য-জ্ঞান থাকে না, কেবল শুদ্ধ প্রেমের উদয় হয় । নন্দ যশোদা কৃষ্ণের ঐশ্বর্য ভুলিয়া সামান্ত আশ্রয় জ্ঞানে বাৎসল্য করিতেন । শ্রীদাম আদি রাখালগণ সখা জ্ঞানে তাঁহার কাঁধে চড়িতেন ও গোপাঙ্গনারা সামান্ত নায়ক বিবেচনায় কত মত ভাল বাসিতেন । একস্থানে ভয় বা সঙ্কমযুক্ত শ্রীতি, অপর স্থানে ঈশ্বরের অসীম ঐশ্বর্য ও ক্ষমতা ভুলিয়া গিয়া নিতান্ত আত্মীয় জনের ত্রায় ব্যবহার, দুই প্রকার রত্নির এই দুই প্রকার প্রকৃতি । কেবলা রত্নিতে দাস্তভার থাকিলেও তাহা ঐশ্বর্য জ্ঞান জনিত নহে, প্রেমজনিত সেবার দাসত্ব । স্বামীকে যেমন জ্ঞী দাসীর ত্রায় সেবা করেন, পুত্রকে পিতা মাতা যেমন স্নেহ সেবা করিয়া থাকেন, তদ্রূপ ।

শ্রীরূপ । পঞ্চরসের প্রকৃতি কি, তাহা বিশেষ করিয়া বলুন ।

শ্রীচৈতন্য । ভগবানে নিষ্ঠা বুদ্ধির নামই শম বা শাস্তরস । ইহার দুইটি গুণ, যথা বাসনা ত্যাগ ও কৃষ্ণে একাগ্রতা । আকাশের শব্দগুণ যেমন সকল ভূতেই বিদ্যমান, সেইরূপ শাস্তরসের এই দুই গুণ, পর পর সকল রসে থাকা অবশ্যসম্ভাবী । ইহা ভিন্ন অন্ত্যাত্ম রস সম্ভবে না । কিন্তু কেবল শাস্ত রসে ঈশ্বরে গাঢ় মমতা হয় না, ঈশ্বরকে সাফাৎ লীলাময় পুরুষরূপে প্রতীয়মান হয় না । শাস্ত ভক্তের নিম্নলিখিত অন্তঃকরণে কেবল মাত্র বৃদ্ধিরূপে রাগ জ্ঞান প্রতিভাত হয় । তাহার পর দাস্ত রত্নিতে শাস্তের

বাসনা ত্যাগ ও একাগ্রতা ; অধিকন্তু প্রভু জ্ঞান বা ঐশ্বর্য্যজ্ঞান হেতু সজ্জন ও গৌরবজনিত সেবা । তৃতীয় সখ্য রতি । উহাতে শাস্তের গুণ ও দাস্তের সেবার উপর পূর্ণ বিশ্বাস । ঈশ্বরসম্বন্ধে বিশ্বাস নহে, বন্ধুর প্রতি বন্ধুর যেমন বিশ্বস্ত ভাব, অগৌরব, অসন্তোচ এবং গমতা যুক্ত বিশ্বাস, তেমনি । চতুর্থতঃ বাৎসল্যরতি । শাস্ত, দাস্ত, ও সখ্যের গুণ ব্যতীত ইহাতে স্নেহের ভাব অর্থাৎ ভক্ত আপনাকে পালক ও শ্রীকৃষ্ণকে পাল্য জ্ঞান করিয়া থাকেন এবং ভাড়ন, ভৎসন, লালন, ও সেবা করিয়া আপনার বাৎসল্য রতি চরিতার্থ করেন । অবশেষে মধুর রতিতে প্রথমোক্ত চারি রসের সমস্ত গুণ ও তদ্ব্যতীত আত্ম সমর্পণ হইয়া রস লীলা পূর্ণাঙ্গ প্রাপ্ত হয় । যেমন আকাশের শব্দগুণ, বায়ুর শব্দ ও স্পর্শ গুণ, অগ্নির শব্দ, স্পর্শ, ও রূপ, জলের শব্দ স্পর্শ, রূপ ও রস গুণ, সমস্তই পৃথিবীতে বিদ্যমান ; অধিকন্তু গন্ধগুণ তাহার বিশেষত্ব ; তেমনি শাস্ত দাস্তাদির সমস্ত গুণ ও অধিকন্তু আত্মসমর্পণ মধুর রসে বিদ্যমান । ইহাই সর্বোৎকৃষ্ট রতি । ইহার পর আর রস নাই, রতি নাই । এই সংক্ষেপে ভক্তি রসের বিষয় তোমাকে বলিলাম । ইহার বিস্তার বলিতে সময়ও নাই, শক্তিও নাই । ভগবান্ হৃদয়ে থাকিয়া তোমাকে সব বুঝাইয়া দিবেন । তখন তুমি এ সব তত্ত্ব প্রচার করিতে সমর্থ হইবে । কৃষ্ণ-কৃপার অতি মূর্খও মহা পণ্ডিত হয় ; অজ্ঞও ভবসিদ্ধু পারে যায় এবং অন্ধ আতুর তরিয়া যায় । দশ রাত্রি পর্য্যন্ত শ্রীচৈতন্য এই রূপে শ্রীকৃষ্ণকে উপদেশ দিয়া বলিলেন, ‘আমি কল্য প্রাতে বারাণসী যাত্রা করিব ।’

শ্রীকৃষ্ণ উত্তর করিলেন, ‘যদি আজ্ঞা হয়, আমিও সঙ্গে আসি । তোমার ছাড়িয়া কোথায় যাইব ও কেমন করিয়াই বা থাকিব ?’

শ্রীচৈতন্য রূপের মস্তকে হাত দিয়া বলিলেন, ‘আমার আদেশ পালন করা তোমার কর্তব্য । যদি আসিয়াছ, তবে যাহাতে তোমার হিত হয়, তাহা করা আমার কর্তব্য । এখন দুই ভাই বৃন্দাবনে যাও ; তাহার পর বঙ্গদেশ দিয়া নীলাচলে আমার সহিত মিলিত হইবে ।’ শ্রীকৃষ্ণ দ্বিকৃষ্টি না করিয়া সন্মত হইলেন ।

শ্রীচৈতন্য প্রভাতে নৌকারোহণে বারাণসী যাত্রা করিলেন । শ্রীকৃষ্ণ ও বল্লভ অশ্রু দিকে মাথুর ব্রাহ্মণ ও কৃষ্ণদাস ব্রজপুত্রের সঙ্গে মথুরাভিমুখে গমন করিলেন ।

চতুর্দশ পরিচ্ছেদ ।

কাশীধামে—সনাতন শিক্ষা ।

শ্রীচৈতন্য বায়াগসী নগরীর প্রান্তভাগে উন্নীত হইয়া দেখিলেন, চন্দ্রশেখর বৃক্ষমূলে বসিয়া যেন কাহার প্রতীক্ষা করিতেছেন। জিজ্ঞাসায় চন্দ্রশেখর বলিলেন, 'রজনীশেষে স্বপ্ন দেখিয়াছি যেন তুমি কাশীতে আসিয়াছ, তাই প্রত্যাশা হইতে এখানে আসিয়া অপেক্ষা করিতেছি।' শ্রীচৈতন্য তাঁহাকে প্রেমালিঙ্গন করিলে সকলে শেখরের ভবনে গমন করিলেন। সেখানে তপন মিশ্র ও পূর্বপরিচিত মহারাত্রীর ব্রাহ্মণ আসিয়া মিলিলেন। তপন মিশ্র নিমন্ত্রণ করিয়া বাত্রীদলকে আহ্বান করাইয়া গৌরকে নিবেদন করিলেন যে কাশীতে অবস্থিতকালে অন্তত যেন নিমন্ত্রণ না করেন। শ্রীচৈতন্য পাঁচ সাত দিন মাত্র কাশীতে থাকিবেন বিবেচনায় এই প্রস্তাবে সন্মত হইলেন। চন্দ্রশেখরের বাড়ীতে বাসা নির্দিষ্ট হইল, এবং তপন মিশ্রের গৃহে ভোজন করিতে লাগিলেন।

গৌড়ের বন্দীশালে সনাতন কারাবদ্ধ, তাঁহার হস্তে পদে লৌহশৃঙ্খল। গৌড়েশ্বর উৎকলে গিয়াছেন। এমন সময়ে সনাতন শ্রীকৃষ্ণের পত্নী পাইয়া কারামোচনের উপায় চিন্তা করিতে লাগিলেন। একদিন তিনি কারাধ্যক্ষকে নির্জনে দেখা পাইয়া অভিবাদন করিয়া বলিলেন, 'আপনি জিন্দাপীর! কেতাবসরিতে মহাপণ্ডিত ও ধার্মিক ব্যক্তি। কোরাণ সরিতে লেখা আছে, নিজধন দিয়া যদি একটি বন্দীকেও কারামোচন করিতে পারা যায়, তাহা হইলে আল্লাতালার তাঁহাকে সংসারবন্ধন হইতে মুক্ত করেন। আমার দ্বারা পূর্বে আপনি অনেক উপকার পাইয়াছেন। এক্ষণে আমাকে মুক্ত করিয়া প্রত্যাগমন করুন, এই আমার বিনীত প্রার্থনা। আমি আপনাকে পাঁচসহস্র টাকা দিব। আপনাদিগের পুণ্য ও অর্থ, দুই লাভ হইবে।' কারাধ্যক্ষ ভদ্রতা ব্যঞ্জক স্বরে উত্তর করিলেন, 'আপনাকে ছাড়িতে ইচ্ছা হয় বটে, কিন্তু হৃদয় রাজাকে বড় ভয় হয়।' সনাতন বলিলেন, 'রাজা দক্ষিণে বুদ্ধক্ষেত্রে গিয়াছেন। ফিরিয়া আসিবেন কিনা সন্দেহ। যদি আসেন, তাঁহাকে বলিবেন যে গঙ্গার নিকট বহির্দেশে গিয়া সে শৃঙ্খল সহিত গঙ্গায় বাঁপ দিয়া কোথায় চলিয়া গিয়াছে, বহু অর্থ-

সন্ধানও খোঁজ পাওয়া যায় নাই। আপনার ইহাতে ভয়ের কোন কারণ নাই। কেন না আমাকে কেহ দেখিতে পাইবে না। আমি এ দেশে থাকিব না। দরবেশ হইয়া সন্ধান যাইব।’ ইহাতেও যবনের মন উঠিল না দেখিয়া সনাতন রূপ পরিত্যক্ত সাত হাজার টাকা আনাইয়া তাহার অগ্রে রান্নীকৃত করিলেন। কারাধ্যক্ষ লোতে পড়িয়া টাকাগুলি আত্মসাৎ করিলেন এবং রজনী যোগে শৃঙ্খল কাটিয়া সনাতনকে গঙ্গাপার করিয়া দিলেন। বিশ্বস্ত ভৃত্য জ্ঞানকে সঙ্গে লইয়া প্রকাশ্য রাজপথ ছাড়িয়া রাজমন্ত্রী কান্দাল বেশে উপপথে ধাইয়া চলিলেন। ধন্য অন্নুরাগ ! তুমি রাজাকে পথের কান্দাল, দাস্তিককে তুণসম নীচ এবং মাহুষকে দেবতা করিতে পার। রাত্রি দিন চলিয়া চলিয়া শ্রীসনাতন পাতড়া নামক পর্বতের নিকট আসিয়া উপনীত হইলেন। এখানে একজন ভূমিক থাকিত, সে ঘাটি ছাড়িয়া না দিলে পর্বত পার হইবার উপায় নাই। এই ভূমিক দম্ভ প্রকৃতির লোক। কথিত আছে, তাহার নিকট একজন গণক ছিল ; সে হাত গণিয়া কাহার নিকট কত টাকা আছে বলিয়া দিত ; ভুঞা তদনুসারে পথিকের প্রাণবিনাশ করিয়া লুণ্ঠিয়া লইত। সেই গণক কাণে কাণে ভুঞাকে বলিল যে, সনাতনের নিকট আটটি স্তব্ধ মোহর আছে। ভুঞা সনাতনকে বলিল, ‘এক্ষণে স্নান ভোজন কর, রাত্রিযোগে লোক দিয়া পর্বত পার করিয়া দিব।’ এই বলিয়া বহু সমাদর করিয়া সনাতনের আহালাদির উদ্যোগ করিয়া দিল। সনাতন স্নান ভোজন করিয়া, ভুঞার ব্যবহারে কিছু সন্দিগ্ধ হইলেন, এবং জ্ঞানকে জিজ্ঞাসা করিলেন, তাহার নিকট কিছু টাকাকড়ি আছে কি না ? জ্ঞান এবাংকে মুস্থিলে পড়িল। কারণ তাহার নিকট সত্যি আটটি মোহর ছিল। সে ধনলোভ ছাড়িতে পারে না, অথচ মনিবের নিকট একেবারে মিথ্যা বলিতেও সাহসী হইল না। ভাবিয়া চিন্তিয়া জ্ঞান বলিল, তাহার নিকট সাতটি মোহর আছে। সনাতন তাহাকে অনেক ভৎসনা করিয়া বলিলেন, ‘এই কাল বম কেন সঙ্গে আনিয়াছ ?’ তখন ঐ সাতটি মোহর চাহিয়া লইয়া সনাতন গৌসাই ভুঞাকে অর্পণ করিয়া মধুর বচনে কহিলেন, ‘এই সাত মোহর আমার নিকটে ছিল, ইহা আপনি গ্রহণ করিয়া আমাকে পর্বত পার করিয়া দিউন। আমি রাজবন্দী, প্রকাশ্য সড়কে যাইতে পারি না। আমাকে উদ্ধার করিয়া দিলে আপনার পুণ্য হইবে।’

ভুঞা সনাতনকে পর্বত পার করিয়া দিলেন, আপনার ভৃত্যের অঞ্চল আটটি

মোহর ছিগ, তাহা আমি পূর্বেই জানিতে পারিয়াছি। এই মোহর আপনি না দিলে আমার লোক আজ রাত্রিতে আপনাকে মারিয়া ফেলিয়া লুটিয়া লইত। তা' আপনার সরল ব্যবহারে আমি সন্তুষ্ট হইলাম; মোহর লইব না। চারি জন লোক দিয়া আপনাকে পাহাড় পার করিয়া দিব।'

সনাতন ভুঞার কথায় কিছু ব্যথিত হইয়া বলিলেন 'আমার মোহরে প্রয়োজন নাই; বরং সঙ্গে থাকিলে উহার লোভে কে কখন প্রাণে মারিয়া ফেলিবে। আপনি উহা স্বচ্ছন্দে গ্রহণ করুন।' ইহার পর ভুঞার চারি জন পাইক সঙ্গে করিয়া সনাতন রাত্রে রাত্রে পর্বত পার হইলেন এবং পর পারে যাইয়া ঈশানকে জিজ্ঞাসা করিলেন 'সত্য কি আর একটা মোহর তোমার নিকটে আছে?' সে 'আছে' কহিলে, সনাতন তাহাকে মোহর লইয়া স্বদেশে যাইবার অনুমতি দিয়া একাকী হাতে করিয়া ও স্বর্দ্ধে ছিন্ন কস্থা লইয়া নির্ভয়ে পথ অভিবাহিত করিয়া চলিলেন। কতক দিন পরে তিনি বর্তমান মজঃপুর জেলার অন্তর্গত হাজিপুরে আসিয়া পৌঁছিলেন এবং সম্মা সমাগত দেখিয়া একটা উদ্যানে বৃক্ষতলে বসিয়া বিশ্রাম করিতে লাগিলেন। তখন হাজিপুরে গোড়েশ্বরের রাজকর্মচারীগণ থাকিতেন। শ্রীকান্ত নানে সনাতনের ভগিনীপতি, গোড়াধিপের অনৈক কর্মচারী। তিন লক্ষ টাকা লইয়া তিনি দিল্লীতে বাদসাহকে কর দিতে বাইতেছেন; সম্রাতি হাজিপুরের রাজপ্রাসাদে অবস্থিতি করিতেছেন। তিনি উচ্চ প্রাসাদ হইতে ককীর বেশী সনাতনকে দেখিয়া চিনিতে পারিয়া রজনীযোগে একটা বিষস্ত ককীর বেশী সনাতনকে দেখিয়া চিনিতে পারিয়া রজনীযোগে একটা বিষস্ত ভৃত্য সঙ্গে লইয়া তাঁহার সাহিত সাক্ষাৎ করিলেন। হুইজনে অনেক কথা-বার্তা হইল। সনাতন স্বীয় বন্ধন মোক্ষণের বিষয় বলিলে শ্রীকান্ত তাঁহাকে বৈরাগ্য হইতে প্রতিনিবৃত্ত করিবার জন্য অনেক অহুন্নয় বিনয় করিলেন। কিন্তু মহাপুরুষের মন কিছুতেই টলিল না দেখিয়া শ্রীকান্ত হুইচারি দিন নিভুতে রাজপ্রাসাদে থাকিতে অহুরোধ করিলেন। সনাতন তাহাতেও সম্মত না হইয়া বলিলেন 'এই মুহূর্ত্তেই চলিয়া যাইব, আমাকে তুমি গঙ্গাপার করিয়া দাও।' শ্রীকান্ত তাঁহার ছেঁড়া কাঁথা দেখিয়া কাঁদিতে লাগিলেন এবং অগত্যা একখানি মূল্যবান ভোট কয়ল লইতে সম্মত করাইয়া বিষস্ত লোক দ্বারা গঙ্গাপার করাইয়া দিলেন। সনাতন অদম্য উৎসাহে শ্রীচৈতন্যের মিলন-শায় ছুটিলেন। আর কতক দিনে বারাণসীনগরে আসিয়া সনাতন গোসাই প্রোক্ত মুখে শ্রীচৈতন্যের আগমনবার্তা শুনিতে পাইয়া অহুস্কানে চতু-

শেখরের বাহির বাটীতে আসিয়া প্রাঙ্গণে বসিয়া পড়িলেন । শ্রীচৈতন্য তখন ভিতর প্রকোষ্ঠে ; বুঝিতে পারিয়া চন্দ্রশেখরকে বলিলেন ‘দেখ ত বাহিরে একজন বৈষ্ণব বসিয়া আছে কি না ?’ চন্দ্রশেখর বাহির বাটীতে দেখিয়া ফিরিয়া বাইরা বলিলেন ‘তৈ কোন বৈষ্ণব ত দেখিলাম না ।’ শ্রীচৈতন্য জিজ্ঞাসা করিলেন ‘কেহই কি নাই ?’ চন্দ্রশেখর উত্তর করিলেন, ‘একজন দরবেশ আছে ।’ শ্রীচৈতন্য বলিলেন ‘তাঁহাকে ডাকিয়া আন ।’ চন্দ্রশেখর বাহিরে আসিয়া আগন্তুককে ডাকিয়া লইয়া অভ্যন্তরে প্রবেশ করা মাত্র, চৈতন্য দেব পিঁড়া হইতে আন্তব্যস্তে উঠানে নামিয়া আসিয়া সনাতনের গলা ধরিয়া গাঢ় আলিঙ্গন করিতে লাগিলেন । সনাতন প্রেমাধিষ্ট চিত্তে রোদন করিতে লাগিলেন । দুইজনে অনেকক্ষণ গলা ধরাধরি করিয়া রোদন করিলে শ্রীচৈতন্য সনাতনকে পিঁড়ার উপরে লইয়া গিয়া নিজ পার্শ্বে বসাইয়া স্বহস্তে তাঁহার অঙ্গে হাত বুলাইতে লাগিলেন । চন্দ্রশেখর দেখিয়া শুনিয়া অবাক্ হইয়া গেলেন । সনাতন বলিলেন ‘ছি প্রভো ! অস্পৃশ্য স্থগিত পাপীকে স্পর্শ করিও না ।’ চৈতন্য উত্তর দিলেন ‘তোমার হৃদয় ভগবজ্জনের স্পর্শে আমি আজ পবিত্র হইলাম । মহাজনগণ পরম পবিত্র তীর্থ স্বরূপ । তাঁহাদের সংস্পর্শে তীর্থমানের পুণ্য হয় ।’

সনাতন বলিলেন ‘আমি যে অস্পৃশ্য ববন ।’

শ্রীচৈতন্য । চতুর্বেদী ব্রাহ্মণ হইলেই ভক্ত হয় না । স্বপচ রেছও ভক্তিবলে ভগবানের প্রিয় অন্তরঙ্গ হইতে পারেন । দ্বাদশগুণযুক্ত ব্রাহ্মণ অপেক্ষা তাঁহার কোটিগুণে শ্রেষ্ঠ ।

সনাতন । আমি ত আর ভক্ত নই, আমি যে মহাপাপী ।

শ্রীচৈতন্য । তা’ আমি বুঝিয়া লইব । কিন্তু সনাতন ! দেখ, কৃষ্ণ কেমন দয়াময় ! তোমাকে মহা রোরব হইতে তুলিয়া আনিলেন । ধন্য শ্রীহরি ! তোমার কৃপাই ধন্য । অপার গভীর তব কৃপার মহিমা আমি কি বুঝি ?

সনাতন । আমি শ্রীকৃষ্ণ জানি না । তোমার কৃপাবলেই সংসারসাগর পার হইলাম, এই জানি ।

তখন শ্রীচৈতন্য জিজ্ঞাসা করিলেন ‘কেমন করিয়া কারামুক্তি পাইলে ?’ সনাতন আদ্যোপান্ত নিবেদন করিলে গৌর বলিলেন ‘তোমার ভাই রূপ ও বল্লভের সঙ্গে আমার প্রয়াগে সাক্ষাৎ হইয়াছিল ও কতক দিন তাঁহাদের সঙ্গে একত্র ছিলাম । তাঁহারা এখন রূপাবনন্দনগণে গিয়াছেন ।’ তখন

মিশ্র ও চন্দ্রশেখরের সঙ্গে সনাতনের পরিচয় করিয়া দিয়া খ্রীষ্টেতত্ত্ব চন্দ্রশেখরকে বলিলেন ‘এখন ইহাকে ক্ষোর ও স্বান করাইয়া ভজবেশ করাইয়া দাও । দরবেশবেশ ভাল লাগে না ।’ সনাতন গঙ্গান্নান করিয়া আসিলে চন্দ্রশেখর তাঁহাকে নূতন বস্ত্র দিলেন । কিন্তু তিনি তাহা গ্রহণ করিলেন না । তপন মিশ্রের নিকটে এক পুরাতন ধুতি চাহিয়া লইয়া দুই খণ্ড করিয়া কোপীন বহির্বাস করিয়া পরিলেন । ‘সেদিন তপন মিশ্রের গৃহে সকলের ভোজন হইল ; সনাতন খ্রীষ্টেতত্ত্বের শেষ প্রসাদ পাইলেন । অপরাহ্নে মহারাষ্ট্রী ব্রাহ্মণের সঙ্গে সনাতনের পরিচয় হইলে তিনি গৌসাইকে মহানিমন্ত্রণ করিলেন । মহানিমন্ত্রণের অর্থ সনাতন বাবৎ কালীপুরে থাকিবেন, তাবৎ তাঁহার গৃহে ভোজন করিবেন । সনাতন তাহা স্বীকার না করিয়া মাধুকরী করিয়া উদর পোষণ করিতে লাগিলেন । রাজমন্ত্রী পথের ভিখারী হইলেন । খ্রীষ্টেতত্ত্ব সনাতনের কঠোর বৈরাগ্য দেখিয়া সন্তুষ্ট হইলেন ; কিন্তু তাঁহার গায়ের বহুমূল্য ভোটকঞ্চল দেখিয়া মনে মনে একটু অসন্তুষ্ট থাকিলেন । সনাতন তাহা বুঝিতে পারিয়া একদিন গঙ্গান্নানে বাইরা একজন হুঁখী কান্দালীকে কঞ্চলখানি দিয়া তাঁহার ছেঁড়া কাঁথা লইয়া অঙ্গাবৃত করিয়া চৈতত্ত্বের নিকটে আসিলেন । খ্রীষ্টেতত্ত্ব জিজ্ঞাসা করিলেন ‘তোমার ভোটকঞ্চল কোথায় ?’ সনাতন আদ্যোপান্ত নিবেদন করিলে গৌর বলিলেন—‘উহা আমি বুঝিয়াছি । ভগবান্ তোমার বিষয় ভোগ ঘুচাইয়া শেব ভোগ রাখিবেন কেন ? সত্বৈদ্য রোগের চিকিৎসা করিয়া কি রোগশেষ রাখিয়া ‘দেন ? মূল্যবান্ কঞ্চল গারে মাধুকরী করা কি উপহাসের বিষয় নয় ?’ সনাতন বিনীতভাবে বলিলেন ‘তোমার কৃপায় যে আমার কুবিষয় ভোগের শেষ ইচ্ছাটুকু গিয়াছে, ইহাতে কৃতার্থ হইলাম ।’

ক্রমে ভগবৎ কৃপায় সনাতনের তত্ত্বজিজ্ঞাসা ক্ষুরিতে লাগিল । দিনে দিনে তিনি খ্রীষ্টেতত্ত্বকে নানা প্রশ্ন করিতে লাগিলেন । খ্রীষ্টেতত্ত্ব পাঁচ সাত দিনমাত্র কালীতে থাকিবেন মনে করিয়া আসিয়াছিলেন । কিন্তু সনাতনের প্রশ্ন মীমাংসার ও সংপ্রসঙ্গে দুই মাস কাটিয়া গেল । সনাতনের জিজ্ঞাসা ও খ্রীষ্টেতত্ত্বের মীমাংসা বৈষ্ণব সমাজে ‘সনাতন শিক্ষা’ নামে মহা সম্মানিত । পূর্বে সার্কর্ভোম ভট্টাচার্য্যকে খ্রীষ্টেতত্ত্ব বৈতর্কিকতত্ত্ব বিষয়ে যে উপদেশ দিয়াছিলেন, রামানন্দ রায়ের নিকট ত্রিকুঞ্চতত্ত্ব ও ত্রিরাধিকাতত্ত্ব যাহা শ্রবণ করিয়াছিলেন ও প্রয়াগে ত্রিকুপকে ভক্তিতত্ত্ব বিষয়ে যে শিক্ষা দিয়াছিলেন,

সেই সকল তত্ত্ব ও ব্রহ্মবিচার প্রভৃতি বিষয় তিনি সনাতনকে শিক্ষা দিলেন। বট্‌সন্দর্ভ, ভক্তিরসামৃত সিদ্ধি ও উজ্জল নীলনগি প্রভৃতি গ্রন্থে পরবর্তী সময়ে রূপ, সনাতন ও জীবগোস্থানী অতি বিস্তৃতরূপে এই সকল তত্ত্ব সনালোচনা করিয়াছেন। নিম্নে আমরা অতি সংক্ষিপ্তভাবে সনাতন শিক্ষার বিষয়গুলি লিপিবদ্ধ করিতেছি। পাঠকগণ দেখিবেন, এই শিক্ষার চারিটী বিষয় মৌল্য-সিত হইয়াছে। প্রথমতঃ তত্ত্ববিচার ও ত্রীকুণ্ডতত্ত্ব, দ্বিতীয়তঃ জীবতত্ত্ব, তৃতীয়তঃ জীবের কর্তব্য কি? ও চতুর্থতঃ জীবের প্রাপ্য কি? জীবের কর্তব্য ভগবানে ভক্তি করা বলিয়া নির্ণীত হইয়াছে। ইহাতে আত্মবন্দিকরূপে জ্ঞানকর্মাতির গোপন ও ভক্তির শ্রেষ্ঠত্ব, তাহার মধ্যে আবার রাগানুগা ভক্তিই সর্বশ্রেষ্ঠরূপে প্রদর্শিত হইয়াছে। জীবের প্রাপ্য ভগবৎপ্রেম। উহা মুক্ত্যাগি চতুর্ভুজ হইতেও লোভনীয়। বৈকুণ্ঠ গ্রন্থে এই চারি বিষয়কে সাধ্য, সম্বন্ধ, অভিধেয়, ও প্রয়োজন, নামে অভিহিত করা হইয়াছে। আমরাও বথাসাধ্য ঐ ভাবা রক্ষা করিতে চেষ্টা করিব।

সনাতন গোস্থানী শ্রীচৈতন্যের চরণ ধরিয়া দৈন্ত বিনয় করিয়া বলিলেন ‘আমি নীচ জাতি, নীচ সঙ্গ ও নীচ কর্মে দুর্ভাগ্য মানবজীবন বৃথা নষ্ট করিয়াছি। যদি কৃপা করিয়া কুবিশয় গর্ত হইতে উদ্ধার করিয়া আনিয়াছ, তবে আমার কর্তব্য কি, বলিয়া দাও। আমি কে? কি জন্ত সংসারে আদিয়াছি? আমাকে কেনই বা দ্বিতাপে দ্বর্জিত করিতেছে? কিনে আমার নন্দন হইবে? আমার প্রাপ্যবস্তুই বা কি? ও আশ্রয়দাতাই বা কে? এই সব প্রশ্নের সহজ দিয়া আমার উপকার কর।’ শ্রীচৈতন্য উত্তর করিলেন ‘শ্রীকৃষ্ণের পূর্ণ রূপ তোমার উপর। তুমি সকল তত্ত্বই জান। তোমাকে কি দ্বিতাপ রেশ দিতে পারে? তুমি ভগবানের শক্তিদয়। সাধু জনের স্বভাবই এই, সমুদায় জানিয়াও দৃঢ় নিশ্চয়ের জন্ত হিজ্ঞাসা করিয়া থাকেন। আচ্ছা, আমি একে একে সব তত্ত্ব বলিয়া বাইতেছি, তুমি শুনিয়া যাও। জগতে ভক্তি প্রবর্তন করিতে তুমিই বথার্থ যোগ্যপাত্র। তোমার নিকট এ সব কথা বলিব না, ত আর কাহাকে বলিব? প্রথমে তত্ত্ববিচার বলিতেছি, শ্রবণ কর।

তত্ত্ববিচার ও ত্রীকুণ্ডতত্ত্ব।

এক অখণ্ড, অব্যয়, জ্ঞানবস্তুকেই তত্ত্ব বলা যায়। তিনিই সৃষ্টাদির আদিকারণ, তাহার কারণ কেহ নাই। তাহার সত্তাতেই জগতের সত্তা,

তিনি না থাকিলে কিছুই থাকে না। তাঁহার তুল্যও কেহ নাই, তাঁহা হইতে শ্রেষ্ঠও কেহ নাই। তিনি শুদ্ধ, আনন্দ, চিন্ময়। ঋতি সকল তাঁহার কথা। উচ্চৈঃস্বরে গান করিয়া শেষ করিতে পারে নাই। তিনি সর্বেশ্বর, সকলের আশ্রয় ও কিশোরশেখর রসরাজ মূর্তি। আমি তাঁহাকেই ব্রহ্মের ব্রহ্মেন্দ্রনন্দন শ্রীকৃষ্ণ বলিতেছি। এই তত্ত্ব-বস্তুর অনন্ত প্রকাশের মধ্যে তিনটি মুখ্য প্রকাশ আছে। ব্রহ্ম, আত্মা ও ভগবান্ তিনটি পৃথক বস্তু নহে, একই বস্তুর তিনটি প্রকাশ মাত্র। ব্রহ্মস্বরূপ নির্বিশেষ জ্যোতির্ময়; ইনি শ্রীকৃষ্ণের অঙ্গকাস্তি। অনন্ত বিশ্বস্থিতিতে যে জ্যোতিঃ প্রকাশিত, তাহা ব্রহ্মজ্যোতির ছায়া মাত্র। তাঁহার সত্ত্বাতে সকলই সত্যবৎ প্রতীয়মান। বস্তুতঃ চন্দ্র, সূর্য্য, বিদ্যাৎ, নক্ষত্র, কি অগ্নি, কিছুই দ্বারা সে জ্যোতিঃ প্রকাশ হইবার নহে। একমাত্র বিশুদ্ধ তত্ত্ব জ্ঞানে কিঞ্চিদ্ভিন্ন বুঝা যায়। নির্বিশেষ উপাসকগণ জ্ঞানমার্গে এই ব্রহ্মজ্যোতিতে আনন্দে নিমগ্ন থাকেন। দ্বিতীয় পরমাত্মা। ইনি চৈতন্যময় অন্তর্ধামী, আত্মারাম, অন্তরতর, অন্তরতম। হিরণ্যমে পরে কোষে ইহাকে ধ্যান করিয়া যোগিগণ নিম্নলিখিত চক্ষে যুগ-যুগান্ত কাটাইয়া দেন। তৃতীয় ভগবান্, ইনি লীলাবিগ্রহ। নরলীলার ও মানব-ইতিবৃত্তে তাঁহার দর্শন হইতে পারে। দীপশিখা হইতে যেমন তত্ত্বল্য দীপ-শিখা প্রজ্জ্বলিত হয়; তেমনি ইনি কৃষ্ণের একদৈশিক প্রকাশ হইয়াও কৃষ্ণ হইতে অভিন্ন। লীলা ভিন্ন ভক্তি চরিতার্থের স্থান নাই। স্মরণ কেবল ভক্তি-যোগেই ভগবানের বিবিধ ঐশ্বর্য্য প্রতীয়মান হইয়া থাকে। অনন্ত রূপ-বৈচিত্রের মধ্যে ভগবানের তিনটি রূপ প্রধান। স্বয়ংরূপ, ভদেকাশ্র রূপ ও আবেশ রূপ। আনন্দঘন ও প্রেমঘন ব্রহ্মেন্দ্রনন্দনই স্বয়ং রূপ*। শ্রীবৃন্দাধনে লীলাপ্রকাশ যোগমায়া সাহায্যে কেবল ভক্তকে স্পর্শ দিবার জন্ত। নইলে এই রূপ নিত্যলীলার নিত্যপ্রকাশ; কখন ইহার অপ্রকটাবস্থা নাই। এই রূপ অনাদিসিদ্ধ। যে উপায়ে ইহা আশ্বাদন করা বাইতে পারে, তাহা পরে বলিব। স্বয়ং রূপ দুইভাবে প্রকাশ হয়। তাহার নাম প্রাভব বিলাস ও বৈভব বিলাস। প্রাভব বিলাসে একই বিগ্রহ বহুস্থানে বহু পরিমাণে লক্ষিত হয়; যেমন রাসমণ্ডলে। বৈভব বিলাসে সেই বিগ্রহ বিভিন্নরূপে প্রতীয়মান হইয়া থাকে। যেমন বলরামাদি। ভগবদাত্মার অহুপ্রাণিত, অথচ শ্রীকৃষ্ণের স্বয়ং রূপ হইতে বিভিন্ন রূপের নাম ভদেকাশ্র রূপ। ইহার

* বিশেষ বাখ্যা বাবানন্দ উৎসবে সপ্তম পরিচ্ছেদে ৫৮ পৃঃ দেখ।

দুইটি প্রকার ভেদ, বিলাস ও স্বাংশ। তাহার মধ্যে বিলাস রূপের আবার
 বিলাস প্রকাশ ভেদে অনন্ত রূপ বৈচিত্র্য প্রকটিত হইয়া থাকে। তাহার
 মধ্যে বাসুদেব, সঙ্কর্ষণ, প্রহ্লাদ ও অনিরুদ্ধ, এই চারিটি প্রধান। ইহাদিগকে
 বাহ্যতত্ত্বও বলে। বাসুদেব অর্থাৎ নর লীলার আদি সূক্ষ্ম চিত্ততত্ত্ব, সঙ্কর্ষণ
 অংস্কার তত্ত্ব (Individuality), প্রহ্লাদ কাম অর্থাৎ প্রেমতত্ত্ব ও অনিরুদ্ধ
 লীলাতত্ত্ব। এই চারিতত্ত্বের সহিত জড় সৃষ্টির কোন সংশ্রব নাই। ইহা
 মায়াভীত ধামে ভগবানের লীলাতত্ত্ব রূপে বিলম্বিত হইতেছে। স্বাংশ-
 বিলাসে ভগবৎস্বরূপ অনন্তরূপে অবতীর্ণ হইয়া থাকে। তাহার মধ্যে পুরুষ-
 বতার, লীলাবতার, গুণাবতার, মনস্তরাবতার, বৃণাবতার ও শক্ত্যাবেশ-
 বতার প্রধান। যেমন উপক্ষয়শূন্য জলধি হইতে কোটি কোটি ক্ষুদ্র জন-
 প্রবাহ বহির্গত হইয়া থাকে, তেমনি স্বত্বনিধি ভগবান্ হইতে অসংখ্য অব-
 তার এ জগতে অবতীর্ণ হইয়াছে। সনাতন! লীলাময় ভগবানের অবতারের
 কথা কি বলিব? কেহ কেহ বলে, জড়রূপা প্রকৃতি হইতেই সৃষ্টি রামের
 প্রকাশ। ইহা মূর্খের কথা। অন্ধ জড়শক্তির এমন কি ক্ষমতা আছে
 যে, সর্বসৌন্দর্য্য, সর্বসুখকোশলপূর্ণ, এই অতুলনীয় বিশ্বসৃষ্টি প্রকাশ
 করিতে পারে? অগ্নির শক্তিতে উত্তপ্ত হইয়া লৌহ যেমন দাহিকাশক্তি
 লাভ করিয়া থাকে; তেমনি জড়ই বল আর পরমাণুই বল, বা প্রধান
 প্রকৃতিই বল, দৈবশক্তিতে অনুপ্রাণিত না হইলে তাহার সাধ্য কি যে সৃষ্টি
 প্রকাশ করিবে? স্থলদর্শী লোক তলাইয়া না দেখিয়াই জড়প্রকৃতিতে
 আদিকারণ বলিয়া ভ্রমে পতিত হইয়াছে। অনন্ত শক্তির মধ্যে ত্রীকোণ
 তিন শক্তি প্রধান। ইচ্ছা, জ্ঞান ও ক্রিয়া। পূর্বেই বলিয়াছি, বাসুদেব
 জ্ঞানের অধিষ্ঠাতা, সঙ্কর্ষণ ক্রিয়া ও ইচ্ছার অধিষ্ঠাতা। সঙ্কর্ষণ শক্তিতেই
 সমস্ত সৃষ্টিলালা প্রকাশিত হইতেছে। এইরূপে যে সকল শক্তি প্রপঞ্চরূপে
 অবতীর্ণ হইতেছে, তাহাদেরই সাধারণ নাম অবতার। বিশ্বে অবতীর্ণ হইবার
 পূর্বে সে সকলই পরব্যোমে ত্রীকোণবক্ষে লুক্কায়িত ছিল। পূর্বোক্ত অবতার
 সকলের মধ্যে পুরুষাবতার তিন। কারণাক্ষিশায়ী বা প্রথম পুরুষ; গর্ভো-
 দকশায়ী বা দ্বিতীয়পুরুষ। বেদে ইহাকে কখন হিরণ্য গর্ভ, সর্বাত্মধারী
 ও কখন সহস্রশীর্ষা পুরুষ বলিয়াছেন। তৃতীয় ক্ষীরোদকশায়ী বা মহাবিশু।
 ইনি পুরুষাবতার ও গুণাবতার উভয় শ্রেণির মধ্যেই সন্নিবিষ্ট হইয়া থাকেন।
 বিবেক আদিকারণে অবস্থিত চৈতন্যরূপের নাম কারণাক্ষিশায়ী। এই কারণ-

একে ভগবানের সৃষ্টিবিষয়িনী ইচ্ছা অথবা মায়া বলা যায় । মায়াই স্রীলাই
 নিমিত্ত কারণ । তন্নিমিত্ত ইহার আর একটি বৃত্তি আছে, বাহার নাম প্রধান বা
 উপাদান কারণ । কুন্তকারের ইচ্ছা ঘটের নিমিত্ত কারণ, আর দণ্ডমুক্তি-
 কাদি উপাদান কারণ । কিন্তু জগৎস্রষ্টার ইচ্ছাই জগতের নিমিত্ত ও উপা-
 দান, উভয়বিধ হেতু । অর্থাৎ তিনি বিনা উপাদানে কেবল ইচ্ছামাত্র এই
 বিশ্ব সৃষ্টি করিয়াছেন । এই ইচ্ছা বা মায়ার অভ্যন্তরে যে পুরুষ অর্থাৎ ভগবৎ
 অবস্থিত, তিনি স্বয়ং মায়াতীত হইয়াও সমুদায় মায়ার প্রবর্তক । ইহার
 তাৎপর্য্য এই যে, সৃষ্টিবিষয়ক চৈতন্যাংশ অপূর্ণ হইলেও অপূর্ণতাজনিত অসত্য
 বা ভ্রান্তি জ্ঞান তাঁহাতে থাকিতে পারে না । কেননা তাঁহা পূর্ণ পুরুষের সহিত
 অখণ্ডরূপে সংযুক্ত । ইনিই কারণাক্রিয়াদ্বয়ী । ইহা হইতে মহত্ত্বাদি ক্রমে
 সমুদায় সৃষ্টি প্রকাশ হইয়াছে । ইনি কত বড় মহান, তাহা এই বলিলেই
 পর্যাপ্ত হইবে যে, যেমন গবাক্ষের দ্বারে জ্যাসরেণু গমনাগমন করে, তেমনি
 এই পুরুষের নাসারন্ধ্র দিয়া নিখাস প্রস্থাসের দ্বারা কোটি কোটি ব্রহ্মাণ্ড
 উৎপন্ন ও লয় পাইতেছে । কত কত ব্রহ্মা, বিষ্ণু, শিব, ইহার রচিত ব্রহ্মাণ্ড-
 নিচয় শাসন করিতেছেন । বিশ্ব ব্রহ্মাণ্ড সৃষ্টি করিয়া সৃষ্টিসমষ্টির অভ্যন্তরে
 পুরুষরূপী যে ভগবদংশ স্থিতি করিতেছেন, তিনি দ্বিতীয় পুরুষ । আর যে
 বিরাট্ পুরুষ ব্যষ্টি জীবের অভ্যন্তরে থাকিয়া প্রত্যেকের সুখ, দুঃখ, সম্পদ,
 বিপদ, আদি বিধান করিয়া পুত্র নির্দ্বিধে প্রতাপালন করিতেছেন, তিনি
 তৃতীয় পুরুষ বা মহাবিষ্ণু নামে পরিচিত । এক্ষণে লীলাবতারের কথা
 বলি, শ্রবণ কর । লীলার জন্ত ভগবানের অসংখ্য অবতার । তাহার মধ্যে
 মৎস্য, কূর্ম্ম, বরাহ, অশ্ব, নৃসিংহ, হংস, ক্ষত্রিয়, বিপ্র ও দেবতাди প্রধান ।
 স্রষ্টা স্বয়ং সৃষ্ট রূপে লীলা করিয়া থাকেন, এ অতি অদ্ভুত রহস্য ! গুণাব-
 তারের কথা শুনি । রজঃ স্বৰূপ ও তমোগুণে অত্যন্ত মাত্র চৈতন্যাংশ বিনি-
 যোগ করিয়া ভগবান্ ব্রহ্মা, বিষ্ণু ও শিবরূপে যে এক এক ব্রহ্মাণ্ডে সৃষ্টি,
 স্থিতি ও লয় করিতেছেন, তাহারই নাম ত্রীকৃষ্ণের গুণাবতার । পূর্বেই
 বলিয়াছি, বিষ্ণুর পুরুষাবতার ও গুণাবতার, উভয়ই বলা গিয়া থাকে ।
 এখন মনুষ্যাবতারের কথা শ্রবণ কর । ব্রহ্মার এক দিনে ১৪ মনুষ্য ।
 তাহার এক এক মনুষ্যের এক এক মনুষ্যরাধিপ । কাজেই ব্রহ্মার এক দিনে
 ১৪টি মনুষ্যাবতার হইয়া থাকে । ব্রহ্মার জীবন ব্রহ্ম পরিমাণে ১০০ বৎসর ।
 অতএব ব্রহ্মার জীবনে ৫০৪০০০ মনুষ্যাবতার হয় । বুঝিয়া দেখ, মহাকাল

ভূক্ত মহাকালে কত অবতার । এক্ষণে যুগাবতারের কথা বলি, শুনিয়া যাও । সত্য, ত্রেতা, দ্বাপর, কলি, এই চারিযুগ । এই যুগ চতুর্থে ক্রমান্বয়ে ভগবান্ গুরু, রক্ত, কৃষ্ণ, পীত, এই চারি বর্ণ ধরিয়া অবতীর্ণ হইয়া থাকেন ; এবং অধর্ম দূরীভূত করিয়া ধ্যান ধারণা, বাগযজ্ঞ, পূজা অর্চনা ও নাম সঙ্কীৰ্ত্তন রূপ তত্ত্ব যুগের ধর্ম প্রবর্তন করিয়া থাকেন ।

এইখানে সনাতন প্রশ্ন করিলেন, কলিযুগের অবতার কে ? অনুগ্রহ করিয়া বলিয়া দিন ।

শ্রীচৈতন্য উত্তর করিলেন, অত্যাশ্র যুগের অবতার যেমন শাস্ত্রীয় লক্ষণ মিলাইয়া বুঝিতে হয়, কলিযুগের অবতারও তেমনি শাস্ত্র দ্বারা বুঝিয়া লইতে হইবে । পণ্ডিতগণ লক্ষণ বিচার করিয়া তাহা স্থির করিয়া দেন । অবতার নিজে কিছু ‘আমি অবতার’ বলেন না । আমরা ক্ষুদ্র জীব, আমাদের মহাজনানুসরণ করাই কর্তব্য ।

সনাতন । কি কি লক্ষণে তাহা স্থির হইতে পারে ?

শ্রীচৈতন্য । স্বরূপ লক্ষণ ও তটস্থ লক্ষণে । আকৃতি প্রকৃতি স্বরূপ লক্ষণ ; কার্য দ্বারা যে জ্ঞান, তাহার নাম তটস্থ লক্ষণ ।

সনাতন । আপনি বলিলেন, কলিযুগের অবতারের পীতবর্ণ ; তিনি নাহ প্রেম প্রচার করিবেন । এক্ষণ লক্ষণাক্রান্ত ব্যক্তি কে ?

কুট রাজনীতি বিশারদ রাজমন্ত্রী সনাতন তাঁহাকে ফাঁদে কেলিবার লত এতক্ষণ যে কৌশলজাল বিস্তার করিতেছিলেন, সরলবক্তা শ্রীচৈতন্য এক্ষণে তাহা বুঝিতে পারিয়া হাসিয়া বলিলেন ‘সনাতন ! চাতুরী ছাড় ; এখন শক্ত্যাবেশাবতারের কথা শুনি ।’ যাহাতে ও যেখানে ভগবচ্ছক্তি প্রকাশ হইয়াছে, তাহাই শক্ত্যাবেশাবতার । গোণ ও মুখ্য ভেদে তাহা দুই প্রকার । যেখানে অত্যন্নমাত্র কৃষ্ণশক্তি প্রকাশ, তাহা গোণ ও যেখানে জ্ঞানাদি বিশেষ বিশেষ শক্তি বিশেষ বিশেষ ভাবে প্রকট হয়, তাহা মুখ্য শক্ত্যাবেশ । সনকাদিতে জ্ঞানশক্তি, নারদে ভক্তি, পৃথুতে পালনশক্তি ও পরশুরামে দৃষ্টদমনশক্তি, ইত্যাদি প্রকাশিত বলিয়া তাঁহার মুখ্য শক্ত্যাবেশান্তর্গত । এইরূপে লীলার সময় শ্রীকৃষ্ণ অনন্তদেশে অনন্তকালে নিত্যলীলা করিতেছেন । সে লীলার আরম্ভও নাই, শেষও নাই, বিরামও নাই । জ্যোতিঃচক্র বেনন অবিরাম মহাব্যোমে ঘুরিতেছে ; কৃষ্ণলীলাচক্রও সেইরূপ অনাদিকাল হইতে অনন্ত ব্রহ্মাণ্ডে ঘুরিয়া বেড়াইতেছে । এমন ব্রহ্মাণ্ড নাই, যেখানে কোন

কোন লীলা সংঘটিত হইতেছে না। তাহার মধ্যে শ্রীকৃষ্ণের ব্রজলীলাই পূর্ণতম ; তিনি ব্রজে পূর্ণতমরূপে বিরাজিত। তন্নিম্ন অন্যত্র তাঁহার লীলা পূর্ণ ও পূর্ণতর শক্তিতে প্রকাশিত হইয়াছে।

সনাতন জিজ্ঞাসা করিলেন ‘ব্রজেন্দ্রনন্দন শ্রীকৃষ্ণই পূর্ণতম। তাঁহার তত্ত্ব ও স্বরূপ বিগ্রহের বিষয় কিছু বলুন।’

শ্রীচৈতন্য রায় রামানন্দের নিকট বহিা শুনিয়াছিলেন, শাস্ত্রীয়প্রমাণ ও যুক্তির সহিত সনাতনের প্রশ্নের উত্তরে তাহাই বিশদরূপে বুঝাইয়া দিলেন। পুনরুক্তি ভয়ে আমরা তাহা এখানে লিখিলাম না। পাঠক সেই অংশ রামানন্দ উপাধ্যানে পাঠ করিয়া লইবেন।

সনাতন পুনরবার জিজ্ঞাসা করিলেন ‘শ্রীকৃষ্ণের ঐশ্বর্য, মাধুর্য ও লীলা-মহিমার কথা কিছু শুনিতে চাই।’

শ্রীচৈতন্য উত্তর করিলেন ‘অনন্ত পুরুষের অনন্ত গুণলীলার কথা কে বলিতে পারে? তাঁহার ঐশ্বর্যের সীমা নাই, লীলারও অন্ত নাই, এবং লীলার স্থান ব্রহ্মাণ্ডেরও সংখ্যা হয় না। তিনি বোগমায়াপ্রিত হইয়া নিয়তই ক্রীড়া করিতেছেন। জড়াভীত ধামের নাম পরব্যোম বা বৈকুণ্ঠ। এমন কত বৈকুণ্ঠ আছে, তাহার অন্ত নাই। এই সকল বৈকুণ্ঠের উপরে কৃষ্ণলোক অবস্থিত। বৈকুণ্ঠ সকল যেন দলশ্রেণি, কৃষ্ণলোক সেই দলের মধ্যে কর্ণিকার। কৃষ্ণলোককে ব্রজধাম বলা যায়। উহাই মাধুর্য লীলার স্থান। সেখানে অপ্রাকৃত মাতা, পিতা, মধা, প্রেয়সী ও পারিষদ্বর্গে বেষ্টিত হইয়া মহাযোগেশ্বর শ্রীকৃষ্ণ নিয়তই মধুর লীলা করিতেছেন। পৃথিবীতে শত বর্ষের জন্ম নরাকারে অবতরণ নিভালীলার ছায়াবলম্বনে মাত্র।

‘ব্রজধামের নিম্নে বিষ্ণুলোক বা ঐশ্বর্যধাম। এখানে কৃষ্ণ বিষ্ণুরূপে বিবিধ ঐশ্বর্য প্রকাশ করিয়া লীলা করিতেছেন। তাঁহার আজ্ঞায় কত ব্রহ্মা, বিষ্ণু, শিব, যে কত ব্রহ্মাণ্ড শাসন করিতেছেন, তাহার সংখ্যা হয় না। বিষ্ণু-লোকের নিম্নে বিরজার এ পারে বাসবাস। তাহারও অগণ্য প্রকোষ্ঠ। ইহার নাম দেবীধাম বা মায়াধাম। অনন্ত জীব ইহার অধিবাসী, আর মায়া তাঁহার দাসী হইয়া সকলকে স্ব স্ব কার্যে নিযুক্ত রাখিয়াছে। একটা শাস্ত্রীয় ইতিহাস বলিয়া কৃষ্ণের অনন্ত লীলার কথা ভাল করিয়া বুঝাইয়া দিতেছি। যাহা বলিব, তাহা তাঁহার এক পাদ বিভূতি সম্বন্ধে ; অবশিষ্ট জিপাদ বিভূতি বাক্য মনের অগোচর।

‘এক দিন সৃষ্টিকর্তা ব্রহ্মা শ্রীকৃষ্ণদর্শনের জন্ত ঐশ্বর্য্যধাম দ্বারিকা আসিয়া দ্বারপালের দ্বারা সংবাদ পাঠাইলেন । দ্বারী ফিরিয়া আসিয়া জিজ্ঞাসিল - ‘আপনি কোন্ ব্রহ্মা’ ? ব্রহ্মা বিস্মিত হইয়া উত্তর পাঠাইলেন তিনি সনকপিতা চতুর্মুখ । দ্বারপাল ব্রহ্মাকে কৃষ্ণসন্যাসে লইয়া গেলে ব্রহ্মা ভগবানের পদবন্দনা করিলেন । শ্রীকৃষ্ণ তাঁহার আগমনের উদ্দেশ্য জিজ্ঞাসা করিলে, ব্রহ্মা বলিলেন ‘তাহা পরে বলিব ; সংপ্রতি জিজ্ঞাসা করি আমাকে ‘কোন্ ব্রহ্মা’ বলিলে কেন ? ব্রহ্মাওমধ্যে আর ব্রহ্মা আছে কি ? ভগবান্ এই কথায় মৌন হইয়া কিছু কালের জন্ত ধ্যানস্থ হইলেন । পরক্ষণেই চতুর্মুখ ব্রহ্মা দেখিলেন দশ, বিশ, শত, সহস্র, অযুত, কোটি, মুখযুক্ত অগণ্য ব্রহ্মা আসিয়া ভগবচ্চরণ বন্দনা করিয়া বলিলেন ‘আজ আমাদের পরম সৌভাগ্য যে আপনি স্মরণ করিয়াছেন ; দাসেদের প্রতি কি কোন আশ্রা আছে ?’ শ্রীকৃষ্ণ হাসিয়া উত্তর করিলেন ‘না, তোমাদের দেখিতে ইচ্ছা হওয়ায় স্মরণ করিয়াছি । তোমরা ভাল আছ ত ? তোমাদের ব্রহ্মাও মধ্যে ত এখন দৈত্য ভয় নাই ?’ ব্রহ্মাগণ বলিলেন ‘তোমার প্রশ্নাদে সর্ব্বত্র মঙ্গল ।’ তাঁহার বিদায় হইয়া গেলে সনকপিতা বড় কাঁকরে পড়িয়া ‘ভগবানের স্তব করিতে লাগিলেন ।’

শ্রীচেতন বলিলেন ‘সনাতন ! ইহাতেই বুঝিতেছ কৃষ্ণের ঐশ্বর্য্য কত ও দ্বারিকার বিভূতিমহিমাই বা কি ?’ বলিতে বলিতে শ্রীমন্মহাপ্রভুর মাধুর্য্যরসে চিত্ত পরিপূর্ণ হইয়া গেল । তিনি অল্পপ্রাণভরে মাধুর্য্য বর্ণন করিতে লাগিলেন ।

‘সনাতন ! কৃষ্ণমাধুর্য্য অমৃতরসের সাগর । সান্নিপাতী রোগীর জ্বর আমার মন পিপাসার্ত্ত হইয়া তাহা শুবিয়া পান করিতে চায় । কিন্তু হৃদৈববৈদ্য চিকিৎসা করিতেছে কিনা ; তাই এক বিন্দুও পান করিতে দিলে না । শ্রীকৃষ্ণের বত লীলা আছে, তাহার মধ্যে নরলীলাই সর্ব্বোত্তম । নরবপু, গোপবেশ, নবকিশোর বয়স, ললিত জিভঙ্গ, বংশীধারী, শিখিপিচ্ছ-চূড়াধারী, লাবণ্যামৃতসার, স্নগোলদেহ, মদনমোহন রূপ, এই লীলার কেমন উপযোগী ! বিশুদ্ধ সত্ত্বময়ী চিহ্নকি বোগমায়াকে অবলম্বন করিয়া ভগবান্ ভক্তদিগের মনের মতন করিয়া এইরূপ নিত্যলীলা হইতে প্রকাশ করিয়াছেন । অন্তের কথা দূরে থাক্, এ রূপ দেখিয়া ভগবান্ স্বয়ংই মুগ্ধ হইয়া আশ্বাদান করিতে সক্ষম । নিখিল ব্রহ্মাও একুপে আকৃষ্ট হইবে না কেন ?

‘বৃন্দাবনের নিকুঞ্জবনে সখাসঙ্গে গোচারণ, গোপীননোরথে চড়িয়া বিবিধ কামক্রীড়া, এবং পিতামাতার মধুর স্নেহে বাৎসল্যলীলা, মনে করিলে কার না হৃদয় উথলিয়া উঠে? যত গোপীগণ! ঐহারা নেত্রভরিয়া এই রূপ-রস নিরন্তর পান করিয়াছেন। এ মাধুরীর কি সন্ধান আছে? পরব্যোম-বাসী দেবগণ ও লক্ষ্মীগণের এ মাধুর্য লাভ অসম্ভব। কর্ম যোগ তপস্যা জ্ঞান জপ ধ্যানের ত কথাই নাই। বৈধীভক্তিতেও এ মাধুর্য পাওয়া যায় না। কেবল এক রাগময়ী ভক্তিতে ব্রহ্মাশ্রিতজনের ভাগ্যে ইহা সুলভ। গোপীর ভাবরূপ দর্পণে কৃষ্ণের এই মাধুর্য নুর্ভি পড়িলে উভয়ই নিরন্তর বাড়িতে থাকে, কেহ কাহাকেও হারাইতে পারে না। গোপীভাবে অনু-ভাবিত না হইলে হৃদয়দর্পণে এ রূপ প্রতিবিম্বিত হয় না।

‘সনাতন! দেখ, দেখ, কৃষ্ণাঙ্গে চাঁদের হাট বসিয়াছে। মণিরত্ন হইতে সূচিকণ দুই গণ্ড, দুই চন্দ্র বলমল করিতেছে; সূন্দর ললাটে চন্দনবিন্দু অষ্টমীর ইন্দু; করনখের চাঁদগুলি বাঁশীর উপর খেলিতেছে; আর পদনখের চাঁদগুলি নূপুরের নিচে নাচিতেছে; শ্রবণবুগলে বুগল চাঁদ মকর কুণ্ডলের সঙ্গে জুলিয়া বেড়াইতেছে; অধরচাঁদ স্নিত জ্যোৎস্নামৃত বিলাইয়া দিতেছে; এবং বিপুল আয়ত নয়নচন্দ্র দুইটা দৃষ্টিজ্যোৎস্নায় মদনের মাথা ঘুরাইয়া দিতেছে। আহা! লাবণ্যজলে স্নেহময় গোবিন্দবদন কেনন ভাসিতেছে! এ মুখ যে দেখিল না, তাহার ত বৃথা জন্ম। কোটি জন্মের পুণ্যফলে এ মুখ দেখিতে পাওয়া যায়। হায়! বিধির কি অবিচার দেখ দেখি? যে কৃষ্ণানন দেখিবে, তাহাকে কি দুইটা চক্ষু দিতে হয়? দুই চখে কত টুকুই বা দেখা যায়। যদি কোটি চক্ষু পাইতাম, তবে জানিতাম এক প্রকারে দর্শন হইল বটে।’

বলিতে বলিতে শ্রীচৈতন্য আশ্রহারী হইয়া মাধুর্য্যসাগরে ডুবিয়া গেলেন। তাঁহার নিকট তখন সকলই মধুময় হইয়া গেল। তিনি ব্রাস্ত-চিত্তে বলিতে লাগিলেন ‘সনাতন! কৃষ্ণমুখ স্নেহাকর কি মধুর! তাহার লাবণ্য আবার মধুর হইতে স্নমধুর। তাহার স্নিতজ্যোৎস্না স্নমধুর হইতে স্নমধুর, আবার তাহা হইতে স্নমধুর! আর বংশীর ছিদ্রমধ্যে যখন অধরামৃত ও স্নিত কর্পূর শব্দামৃতের সঙ্গে প্রবেশ করে, এবং ধ্বনিক্রমে পরিণত হইয়া চারিদিকে বিস্তৃত হইয়া ব্রহ্মাণ্ড ভেদ করিয়া বৈকুণ্ঠে ধাবিত হয়, বল দেখি তাহাতে কে নাতোয়ারা না হইয়া থাকিতে পারে? যোগীন্দ্র মনীরেবের মোগ তপস্যা ভাঙ্গিয়া যায়, পতিব্রতা সতীর পাতিব্রতা নষ্ট হইয়া

‘বায়, লক্ষ্মীদিগকে বলে আকর্ষণ করে : তা’ সরলা গোপবালাদিগের দোষ কি ? তাঁহাদের গৃহধর্ম, লোকধর্ম, বেদধর্ম, লজ্জা, ভয়, সব জ্ঞান লুপ্ত হইবে না কেন ? তাঁহারা অভিসারিণী হইয়া কৃষ্ণচরণে আত্মসমর্পণ করিবেন না কেন ?’ বলিতে বলিতে চৈতন্যদেব নীরবে সুখসাগরে ভাসিতে লাগিলেন ।

জীবতত্ত্ব ও সম্বন্ধবিচার ।

ক্ষণকাল পরে হৈর্যালাভ করিয়া চৈতন্য বলিলেন ‘এক্ষণে জীবতত্ত্ব বলিতেছি, শ্রবণ কর । শ্রীকৃষ্ণের স্বরূপ যেমন অখণ্ডচিৎ বা প্রভু চৈতন্য; জীব তেমনি তাঁহার অংশাংশ ক্ষুদ্র বা অহুচৈতন্য । একটি আশ্রয়, অপরটি আশ্রিত । সঙ্গাগত উভয়ে এক হইলেও জীবের প্রকৃতি শ্রীকৃষ্ণের নিত্য-দাস । অর্থাৎ তিনি মহান্ প্রভু ; মায়া তাঁহাকে অভিভূত করিতে পারে না ; তিনি মায়ার অধীশ । আর জীব মায়ার দাস ও মায়াভিভূত । সর্ব-দাই সে আপন দুর্বলতা অনুভব করিতেছে । যতক্ষণ সে মায়াভিভূত, ততক্ষণ কৃষ্ণ যে তাহার প্রভু ও আশ্রয়, তাহা বুঝিতে পারে না, বা ভুলিয়া যায় । মায়া ছাড়িতে পারিলেই সে স্বীয় স্বরূপ ও সম্বন্ধ বুঝিতে পারে ।’

সনাতন জিজ্ঞাসিলেন ‘এই মায়া বস্তুটা কি ? মায়ার প্রবর্তক কে ? ও জীব মায়াভিভূতই বা হয় কেন ?’

শ্রীচৈতন্য উত্তর করিলেন ‘শাস্ত্রকারেরা মায়ার অনেক লক্ষণ নির্দেশ করিয়াছেন ও করিতে গিয়া মায়া সম্বন্ধে এতই মতভেদ ও গোলোষণা করিয়াছেন যে, সহসা তাহা হইতে তত্ত্বনির্বাচন করা বড় কঠিন ব্যাপার । মায়ার সাধারণ অর্থ প্রাপ্তিজ্ঞান । বাহা বা’ নয়, তাহাকে তাই জ্ঞান করা । যেমন শরীরে আত্মজ্ঞান উপস্থিত হইয়া জৈশ্বর হইতে আমি স্বতন্ত্র, এই জ্ঞান জন্মাইয়া দেয় । এই ভ্রম জ্ঞানের প্রবর্তক কে ? জৈশ্বর ? না—তা’ বলিতে পারি না । যিনি অধিল ব্রহ্মাণ্ডপতি, পরম কারুণিক, তিনি কেন ইচ্ছা করিয়া মানুষকে ভ্রমে ফেলাইবেন ? তবে কথা এই, পূর্ণপুরুষ পূর্ণ শক্তিতে বিশ্ব সৃজন করেন নাই । এই লীলাকে এইরূপ করিবার জন্য যতটুকু শক্তিই বল, আর ইচ্ছাই বল, প্রয়োজন হইয়াছিল, যিনিয়োগ করিয়াছেন মাত্র । এবং মানুষকে স্বাধীনভাবে শ্রেয়োমার্গে চলিবার জন্য উপদেষ্টা, শাস্ত্র ও

বিবেক দিয়াছেন। মানুষ যদি জানিয়া শুনিয়া গুরুপদেশ, শাস্ত্রবাণী ও আত্মা বা বিবেকের কথা না শুনিয়া মোহের পথে বাইতে চায়, সে কাহার দোর? মানুষের দোষ নয় কি? তবেই দেখ, মানুষের প্রবর্তক মানুষ নিজেই কি না?’

সনাতন জিজ্ঞাসা করিলেন ‘পূর্ণ পুরুষ অপূর্ণ শক্তিতে সৃষ্টিলাভ না করিলে ত মানুষের উৎপত্তি সম্ভবিত না।’ এক হিসাবে তাঁহাকেই ত মানুষের প্রবর্তক বলিতে হয়।’ শ্রীচৈতন্য উত্তর করিলেন ‘তা, বটে; সৃষ্টিলাভই ত মায়া বা অপূর্ণ শক্তির কার্য্য। কিন্তু সনাতন! দেখ, কৃষ্ণ তথাপি কেমন দয়াময়! জীব তাঁহাকে চিরদিন ভুলিয়া না থাকে, এ জন্ত বেদপুরাণাদি অশেষ শাস্ত্র, শুক নারদ প্রভৃতি অগণ্য উপদেষ্টা দিয়াছেন ও সর্বোপরি বিবেক শক্তিতে চৈতন্য গুরুরূপে স্বয়ং প্রতিনিয়ত প্রকাশমান থাকিয়া আমা-দিগকে শ্রেয়ের পথে লইয়া বাইতেছেন।

‘মনে কর কোন পিতা অনেক ধন ঘরে পুঁতিয়া রাখিয়া স্বর্গারোহণ করিয়াছেন। পুত্র তাহা জানিতে না পারিয়া খুব দারিদ্রে পড়িল। এমন সময়ে সর্বজ্ঞ গণক আসিয়া তাহাকে বলিল যে, তাহার ঘরে পিতৃত্যক্ত অনেক ধন আছে। সে ব্যক্তি তখন সমস্ত ঘর খুঁড়িয়া ধনের উদ্দেশ্য করিতে লাগিল; কিন্তু তথাপি পাইল না। তখন সেই দয়ালু দৈবজ্ঞ বলিলেন, ‘দক্ষিণ দিকে খুঁড়িও না, ভীমরুল বোলতা আছে, দংশন করিবে; পশ্চিমে বক্ষ আছে; এবং উত্তরে কৃষ্ণ অজাগর আছে। পূর্বদিকে অল্প মাটি তুলিলেই ধন পাইবে।’ সেইরূপ, সাধুগুরু ও শাস্ত্রের কৃপায় মানুষ জ্ঞান, কর্ম, যোগমার্গ ছাড়িয়া ভক্তি পথে গেলেই মায়া ছাড়িয়া অমূল্য প্রেমধন পাইয়া থাকে। যেমন ধন লাভের ফল সুখ ভোগ, তেমনি প্রেমলাভের ফল কৃষ্ণসন্তোগ। মায়াত্যাগ প্রেমের সাক্ষাৎ ফল না হইলেও কৃষ্ণসন্তোগ সুখোদয়ে মায়া আপনি ছাড়িয়া যায়। অপূর্ণ শক্তির আধার জীবকে মানুষের দাস করিয়াও ভগবান তাহাকে উহা হইতে উত্তীর্ণ করিবার যত্ন দয়া করিয়া কেমন উপায় সকল করিয়া দিয়াছেন! জীব অহুঁচৈতন্য ও কৃষ্ণদাস; সে যখন তাহার প্রভু চৈতন্যকে জানিতে পারে, তখনই তাহার সম্বন্ধ তবের অভিজ্ঞতা জন্মে।

‘মোটের উপর শ্রীকৃষ্ণতত্ত্ব ও জীবতত্ত্ব বিষয়ে কথা এই দাঁড়াইতেছে যে, এক ভগবৎসত্ত্বা ভিন্ন আর কিছুই নাই। সেই সত্ত্বা অদ্বয় জ্ঞানতত্ত্ব। যে অবস্থায় তিনি মায়াতীত স্বরূপ শক্তিতে অবস্থিতি করেন, সেই অবস্থায় তিনি

‘পূর্ণপুরুষ শ্রীকৃষ্ণ। যখন স্বাংশ শক্তিতে অবস্থিতি করেন, তখন তাঁহার নাম প্রহ্লাদ সর্ষপাদি বাহতত্ত্ব ও নানা অবতারগণ। ইহার মায়াভীত হইয়াও স্বরূপ শক্তির ন্যূনতা হেতু অপূর্ণ। আর যখন এই তত্ত্ব বিভিন্নাংশ শক্তিতে অবস্থিতি করেন, তখনই তিনি জীব। এই জীব দুই প্রকার। নিত্য-মুক্ত। তাঁহার কৃষ্ণের সীলার সহায় ও পারিষদ। দ্বিতীয় বদ্ধজীব, মায়ার দাস। কৃষ্ণের কৃপায়, সাধু ও শাস্ত্রের প্রসাদে ও চৈতন্যগুরু বিবেকের উপদেশে ইহার মায়াযুক্ত হইয়া ভক্তিলাভ করিয়া কৃষ্ণপ্রেম পাইবার অধিকারী।

এখন বলি, মায়াও দুই প্রকার। পূর্ণ পুরুষ পূর্ণশক্তি সঙ্কোচ করিয়া স্বাংশ ও বিভিন্নাংশে লীলা প্রকাশ করায় যে অপূর্ণ জ্ঞান জন্মে, তাহাকেও এক প্রকার মায়া বলা যাইতে পারে। এ মায়া জীবের সৎসাগত। ইহাতে জীব, দৈব হইতে অভিন্ন জানিয়াও আপনার ক্ষুদ্রত্ব ও সেবকত্ব অনুভব করে। ইহা জীবপ্রকৃতি হইতে অপনীত হইবার নহে। দ্বিতীয় শ্রেণীর মায়া জীবের স্বকর্ম্মার্জিত। ইহাকে মোহ বা ভ্রমজ্ঞান বলা যাইতে পারে। ইহা শাস্ত্র, গুরু, ও ভগবানের কৃপায় অপনীত হইলে জীব কৃষ্ণপ্রেমের অধিকারী হইয়া থাকে।’

অভিধেয় তত্ত্ব ।

শ্রীচৈতন্য বলিলেন ‘তত্ত্ববস্তু নির্ণীত হইলে এবং জীবতত্ত্ব বা আত্মতত্ত্বের জ্ঞান জন্মিলে, সম্বন্ধতত্ত্ব পরিজ্ঞাত হইয়া থাকে, তাহা পূর্বে বলিয়াছি। যে উপায়ের দ্বারা এই সম্বন্ধের অনুশীলন হইয়া জীব আপনার অভীপ্সিত প্রাপ্য কি, জানিতে পারে, তাহার নাম অভিধেয়। সোজা কথায় শ্রীকৃষ্ণ ভজনের মুখ্য উপায়কেই অভিধেয় বলা যাইতে পারে। শ্রীকৃষ্ণ ভজন বিনা যে জীবের গত্যন্তর নাই, তাহা জননী রূপা কি শ্রুতিগণ, ভগিনীরূপা কি স্মৃতি সকল, আর ভ্রাতৃ স্বরূপ কি পুরাণাদি, একবাক্যে বলিয়া দিতেছে। পূর্বে পূর্বতন মহর্ষিগণ নানাপ্রকার উপায়কে ভজনের মুখ্যপথ বলিয়া নির্দেশ করিয়া গিয়াছেন। কেহ বর্ণাশ্রমাচরণে, কেহ কর্ম্মযোগকে, কেহ জ্ঞানপথকে, কেহ নির্বিকল্প সমাধি লাভকে, এবং কেহ বা ভক্তিমার্গকে প্রকৃষ্ট উপায় বলিয়াছেন। ইহার মধ্যে সূচত্বর সাধক কোন্টী শ্রেষ্ঠ পথ, বিচার করিয়া লইবেন। পরন্তু শ্রদ্ধা না জন্মিলে ভজনসম্বন্ধ হইতে পারে না।

স্বাহার যেমন অধিকার বা শ্রদ্ধা জন্মিয়াছে, তাঁহার সাধনপথও তদনুসারে
 উন্নত হইয়া থাকে । শ্রদ্ধা বা অধিকার ত্রিবিধ ; উত্তম, মধ্যম, এবং অধম ।
 যিনি শাস্ত্র যুক্তির সহিত স্বীয় বিশ্বাস মিলাইয়া অভিলষিত বস্তুতে স্বেচ্ছা
 বিশ্বাসী, তিনি উত্তম অধিকারী । যিনি শাস্ত্র যুক্তি জানেন না, অথচ দৃঢ়
 শ্রদ্ধাবান, তিনি মধ্যম অধিকারী । আর বাহার কেন্দ্রল শ্রদ্ধা, তিনি নিকৃষ্ট
 অধিকারী । সমস্ত অধিকারীগণের একই উপাশ্রয় শ্রীকৃষ্ণ । শ্রীকৃষ্ণভজন
 না করিয়া যিনি যে উপায়ই অবলম্বন করুন না কেন ; তাহাতে কোন ফল
 হইতে পারে না । আর ভগবৎপাসক কোন বিশেষ পথ অবলম্বন না করিলেও
 পূর্ণ মনোরথ হইবেন, তাহাতে সন্দেহ কি ? সে বাহ্য, হউক, বর্ণাশ্রম ধর্ম
 কি ? একবার বিবেচনা করা বাউক । ব্রাহ্মণ, ক্ষত্রিয়, বৈশ্য, ও শূদ্র, চারি
 বর্ণের ও ব্রহ্মচর্য্য, গৃহস্থ, বানপ্রস্থ, ও ভিক্ষুক, এই চতুরাশ্রমের শাস্ত্রনির্দিষ্ট
 ধর্মের নাম বর্ণাশ্রম ধর্ম । বর্ণাশ্রমীগণ ভগবানকে না ভজিয়া যুগযুগান্ত
 নির্দ্ধারিত নিয়ম প্রতিপালন করিলেও মায়ামোহের হাত হইতে নিষ্কৃতি
 পাইতে পারে না । দ্বিতীয়তঃ কর্মযোগ । শাস্ত্রনির্দিষ্ট বর্ণাশ্রমের কর্মানুষ্ঠান
 ও যত কিছু সাধুকর্ম, এ সকলকেই কর্মসংজ্ঞা দেওয়া বাইতে পারে । কর্ম
 থাকিলেই তাহার কর্তা থাকিবে ; এবং কর্তৃত্ববোধের সঙ্গে সঙ্গে অহং জ্ঞান
 থাকিবে । ‘এই সমুদায় সাধুকর্ম আমি করিতেছি,’ এবং প্রকার অহ-
 ঙ্কারজনিত কর্মকে কখনই ভগবদ্ভাভের প্রকৃষ্ট উপায় বলা বাইতে পারে না ।
 তাহাতে লাভই বা কি ? লাভের মধ্যে পুণ্যের বাসনা লইয়া কর্ম করার
 পুণ্যসঞ্চয় হইয়া স্বর্গসুখাদি ভোগ হইতে পারে ; এবং ভোগান্তে
 আবার যোনিভ্রমণ করিতে হয় । তাহার পর জ্ঞান । বেদবেদান্তাদি
 ভূরি ভূরি গ্রন্থ অধ্যয়ন করিয়া বাহার মনে করে, ‘আমরা জ্ঞানী ও জীবমুক্ত’,
 তাহাদের সকল শ্রম, তপস্বী লাভার্থে ভূবাবস্থাভীতদের ত্রায় কি বৃথা-হয় না ?
 অহঙ্কার যুক্ত শুদ্ধ জ্ঞানে কি বাক্য মনের অতীত, সকল জ্ঞানের অতীত
 বস্তুকে ধরিতে পারা যায় ? মানবীয় জ্ঞানের সীমাই বা কতটুকু ? তদ্বারা
 কি অসীম অনন্ত জ্ঞান তত্ত্ব আয়ত্ত্ব হইতে পারেন ? সসীম অসীমকে জানিবে
 কি প্রকারে ? আর অসীম যিনি, তিনিই বা সসীম ক্ষুদ্র মানুষের ভ্রান্তি-জ্ঞান-
 লব্ধ তত্ত্বকে বিচার করিবেন কিরূপে ? তাহার পর নির্বিকল্প সমাধি । ‘সোহং’
 বা আমিই ব্রহ্ম, এই সাধনা কি বিড়ম্বনার জন্ত নয় ? জীবপ্রকৃতি কি
 কখন ঈশ্বরপ্রাণ লাভ করিতে পারে ? অথচ নির্বিকল্প সমাধি লক্ষ্যই

‘সোহং জ্ঞানলাভ । কিন্তু এই সকল সাধন যখন সুকোমল ভাবযুক্ত হুটাইয়া দিবার সাহায্য করে, তখনই তাহাদের সার্থকতা । বর্ণাশ্রম ধর্ম যখন ভগবৎজনের উদ্দেশে অল্পাঙ্গিত হইয়া সুকোমল শ্রদ্ধা জন্মাইয়া দেয়; কর্মযোগ যখন কর্মভোগের জন্ত না হইয়া ভগবৎসেবার সাহায্য করে; নিজের ভোগ সুখের, বা স্বর্গ ভোগের বাঞ্ছা ছাড়িয়া ঈশ্বরপ্রীতি বর্দ্ধনের উদ্দেশে অল্পাঙ্গিত হয়; ফলাকাঙ্ক্ষা শূন্য হইয়া যখন সমস্ত কর্ম তাঁহাতে অর্পিত হয়; নিরঞ্জন ব্রহ্মজ্ঞান যখন ভগবন্ত উদ্বোধনার সাহায্য করে; নিরর্থক তত্ত্বজ্ঞানে তাঁহার নিরূপাধি সৌন্দর্য্য দেখাইয়া দিয়া হৃদয়ের ভাব-কলিকা সকল ফুটাইয়া দেয়; যোগ যখন ‘সোহং’ উদ্দেশে অল্পাঙ্গিত না হইয়া সেই আত্মারামের নিরর্থকজ্যোতি আত্মায় বিকীর্ণ করাইয়া ভক্তি উন্মীলনের সাহায্য করে; তখনই তাহারা সার্থক । তখন ত জ্ঞান, যোগ, কর্ম, এরূপ নান ভেদ থাকে না, সবই যে ভক্তিময় হইয়া যায় । ০

‘আর ইহাও বলি যে, আত্মারাম মূনি সকলও ভগবানে ভক্তি করিয়া আপনাদিগকে কৃতার্থ মনে করিয়াছেন । তবেই দেখ, বিশুদ্ধ ভক্তি ভিন্ন আর অন্য পথ নাই । ভুক্তি, মুক্তি, সিদ্ধিকামী, বা অন্ত্যকামীগণও গাঢ় ভক্তি-যোগে যদি একবার ‘হে প্রভো ! আমি তোমারই’ বলিয়া শরণাপন্ন হয়, তাহা হইলে তাহারা তাঁহার চরণলাভে সমর্থ হয় । ঐব স্থানাভিনায়ী হইয়া তপস্তা করিয়াও কৃতার্থ হইয়াছিলেন । কিন্তু এই ভক্তিনাভ সহজে হয় না । ভগবানের কৃপায় বহুকালে লাভ হইয়া থাকে । তখন স্বয়ং প্রভু অন্তরে অন্তর্যামীরূপে ও বাহিরে আচার্য্যরূপে তাহাকে শিক্ষা দিয়া থাকেন । তখন সাধকের সাধুসঙ্গ করিতে শ্রদ্ধা জন্মিয়া থাকে । সনাতন ! সাধুসঙ্গের গুণ আর কত বলিব ? সাধুসঙ্গ লাভে সর্বানর্থ নষ্ট হইয়া সিদ্ধিলাভ হয় ।’

সনাতন জিজ্ঞাসা করিলেন, ‘সাধু কি প্রকারে চেনা যায় ?’

শ্রীচৈতন্য । সাধুতে এই সকল গুণ দৃষ্ট হইয়া থাকে । তিনি কৃপালু, অকৃতদ্রোহ, সত্যকেই সার করিয়াছেন, সর্বত্র সমদর্শন, বদান্ত, মৃদু, শুচি, অকিঞ্চন, সর্বোপকারী, শাস্ত, অকান, নিরীহ, স্থির, রিপুজয়ী, মিতভুক্ষু, অপ্রমত্ত, মানদ, অমানী, গম্ভীর, ককণ, মৈত্র, কবি, দক্ষ, মোদী, এবং সর্ব-প্রকারে শ্রীকৃষ্ণ চরণ আশ্রয় করিয়াছেন । এমন সাধুসঙ্গ পাইলে ত হয় !’

সনাতন জিজ্ঞাসিলেন ‘কাহার সঙ্গ পরিভোগ করা উচিত ?’

শ্রীচৈতন্য । অশান্ত, মূঢ়, দেহে আত্মাভিমানীগণের ও অভক্ত জনের, জীসঙ্গে অম্লরক্ত জনের এবং বাহারা ঐরূপ লোকের সঙ্গ করে, তাহাদের সঙ্গ বর্জন করা উচিত । অগ্নিদাহমধ্যে লৌহপিঞ্জরে অবস্থান করাও ভাল, তথাচ এরূপ লোকদিগের সহিত একত্র বাস করা উচিত নয় । তবেই দেখ, বর্ণাশ্রম ধর্ম ও অসংসঙ্গ পরিত্যাগ পূর্বক শ্রীকৃষ্ণচরণে শরণ না লইলে ভক্তিলভের উপায় নাই । অকিঞ্চন শরণাগত হইতে হইবে; তাহা যেন মনে থাকে ।

সনাতন জিজ্ঞাসা করিলেন ‘শরণাগত ব্যক্তির লক্ষণ কি ?’

শ্রীচৈতন্য বলিলেন ‘ভগবৎসেবার অমুকুল বিষয়ে সংকল্প, প্রতিকূল পরিত্যাগ, সুখে দুখে সম্পদে বিপদে তিনি রক্ষা করিবেন, এই বিশ্বাস, তাহার রক্ষিত্বেরে আত্মসমর্পণ, তাহার কার্যে আত্ম-বিসর্জন ও তাহাতে নিষ্ঠামতি, এই ছয়টি শরণাগতের লক্ষণ । শুন সনাতন ! এইরূপে সাধু-সঙ্গ ও শরণাগতি লাভ হইলে সাধন ভক্তির আরম্ভ হইয়া থাকে । স্বভাবজ-বতঃসিদ্ধ কতকগুলি ভাব মানবাস্তরে নিহিত আছে, সেই গুলিকে উদ্দীপন করার নামই সাধন । ইচ্ছাদির সাহায্যে বদ্বারা এই সকল ভাব সাক্ষি করিতে পারা যায়, তাহারই নাম সাধন ভক্তি । শ্রবণ কীর্তনাদি তাহার ক্রিয়া । প্রেম তাহার ফল । মনে ভাবিও না যে, কৃষ্ণপ্রেম সাধনার যোগ্য । সাধন করিয়া কেহ সে প্রেম পাইতে পারে না । উহা নিত্যসিদ্ধ হইয়া মানবাস্তরে রহিয়াছে । চিত্ত পরিশুদ্ধ ও নির্মল হইলে শ্রবণ কীর্তনাদি যোগে তাহা উদয় হয় মাত্র । দর্পণের ময়লা নিদ্রাস্ত হইলে উহাতে প্রতিবিম্ব তাহা উদয় হয় মাত্র । দর্পণের ময়লা নিদ্রাস্ত হইলে উহাতে প্রতিবিম্ব তাহা উদয় হয় মাত্র । এই সাধন ভক্তি দুই প্রকার; যেমন আপনা হইতেই দেখা যায়, সেইমত । এই সাধন ভক্তি দুই প্রকার; এক বৈধীভক্তি, অপর রাগামুগা । অমুরাগবিহীন ব্যক্তি কেবল শাস্ত্রাজ্ঞায় যে সাধন করেন, তাহারই নাম বৈধী ভক্তি । গুরুপদাশ্রয় প্রভৃতি ইহার চৌষট্টিটি অঙ্গ আছে । তাহার মধ্যে স্বধর্মী ও আপনা হইতে শ্রেষ্ঠ সাধুগণের সঙ্গ, নামকীর্তন, ভাগবত শ্রবণ, মথুরাবাস, * এবং শ্রদ্ধা পূর্বক শ্রীমূর্তির অর্চনা, এই পাঁচটি প্রধান । এই সকল সাধনাদ্বয়ের মধ্যে কেহ এক, কেহ বা বহু অঙ্গ সাধন করিয়া কৃতার্থ হইয়াছেন । যেমন ভগবানের গুণলীলা শ্রবণে রাজা পরীক্ষিৎ, কীর্তনে বাসনন্দন গুরুদেব, অরণে প্রহ্লাদ, পাদ সেবার

* ভাবনা দ্বারা ভগবানকে সনীপস্থ জ্ঞান করিয়া শ্রবণ কীর্তনে মগ্ন হওয়ার নাম

‘লক্ষ্মী, পূজায় পৃথু রাজা, অভিবন্দনে অক্রুর, দাস্যে পবন তনয়, সখ্যে অর্জুন, এবং আত্ম-নিবেদনে বলি রাজা সিদ্ধি লাভ করিয়াছিলেন। আর অপর্যায়-বাদি বহু অঙ্গ সাধন করিয়াছিলেন। কামনা পরিত্যাগ করিয়া শাস্ত্রাঙ্গার ভক্তিসাধন করিলে সাধক কখন পাপাচরণ করিতে পারেন না; প্রমাদ বশতঃ করিলেও অন্তর্ধানী হইলি তাঁহার অন্তরে থাকিয়া সংশোধন করিয়া দেন। এক্ষণে রাগাঙ্গিকা ও রাগানুগা ভক্তির সাধন বলি, শ্রবণ কর। অভিলষিত বস্তুতে শ্রবণ কীর্তনাদি অনপেক্ষিত স্বাভাবিক প্রেমময়ী প্রগাঢ় তৃষ্ণার নাম রাগ বা অনুরাগ। রাগময়ী ভক্তির নাম রাগাঙ্গিকা ভক্তি। ইষ্টে গাঢ় তৃষ্ণা, ও আবেশ বা লোভই ইহার প্রাণ। কেবল ব্রজবাসী জনেই উহা সুস্পষ্ট বিরাজমান। বৃন্দাবন লীলার ইহার প্রকাশ; ললিতাদি সখীগণই ইহার অধিকারিণী ও শ্রীমতী রাধিকাই ইহার একমাত্র সম্ভোগত্রী। যে সব সাধক ব্রজবাসী জনের অনুগত হইয়া রাগাঙ্গিকার অনুসরণ করিয়া থাকেন, তাঁহাদের ভক্তিকে রাগানুগা বলা যায়। তাঁহারা শাস্ত্র, যুক্তি, কিছুই মানেন না। রাগানুগা ভক্তির অনুসরণকারী সাধকের সাধন হই প্রকার; বাহ্য ও অন্তর। বাহিরে সাধকদেহেতে বৈধী ভক্তি সাধনের দ্বায় শ্রবণ কীর্তনাদি ভক্তি অঙ্গ আচরণ করা এবং অন্তরে ব্রজভাবের কোন একটা সখী, সখা, বা পিতামাতাকে, নিজ আদর্শ স্থানে রাখিয়া ও সেই আদর্শ ব্যক্তির সিদ্ধ-দেহ পাইয়াছেন, মনে মনে এইরূপ চিন্তা করিয়া, সেই ভাবে কৃষ্ণ সেবা করা। ইহা কিন্তু অন্তরের অগোচরে খুব গোপনে করিতে হইবে। এই সাধনে ভক্ত ভগবানকে পতি, পুত্র, সখ্যদ, মনে করিয়া সেবা করিয়া থাকেন। সংক্ষেপে এই অভিধেয় তত্ত্ব বলিলাম।’

প্রয়োজনতত্ত্ব ।

শ্রীচৈতন্য বলিলেন ‘ধর্ম্মার্থ, কাম, মোক্ষ; চারিটা পুরুষার্থ বা অভীক্ষিত বস্তু শাস্ত্রে নিরূপিত থাকিলেও জীবের বথার্থ প্রয়োজন প্রেম; উহাই তাহার লক্ষ্য, উহাই তাহার প্রাপ্য এবং উহাই তাহার নিয়তি। দৃঢ় অধ্যবসায় ও ব্যাকুলতার সঙ্গে ভক্তিসাধন করিতে পারিলে কালে উহা লাভ হইতে পারে। ভক্তিসাধনের প্রথম সোপান হইতে ক্রমে ক্রমে যেক্ষণে প্রেমলাভ হইতে পারে, তাহা বলিতেছি শুন।

‘ভগবানের কৃপায় যখন জীবের সৌভাগ্য উদয় হয়, তখনই তাহাতে

‘ভগবান্ শ্রীকৃষ্ণই নায়করত্ন এবং পরাপ্রকৃতি মহাভাবময়ী শ্রীরাধাই সৰ্ব-
শ্রেষ্ঠ নায়িকা। তাঁহাদের লইয়াই প্রেমলীলা। অত্ৰ নায়ক নায়িকাকে
কল্পনা করিলেও মহাপাতক হয়। গুণাধার কৃষ্ণের অনন্ত গুণ ; ও ভাব-
ময়ী রাধার অনন্ত গুণ। জীবে যে সকল গুণের অতি সামান্যভাংশ অপরি-
ক্ষুট রূপে দেখিতে পাওয়া যায়, ভগবানে সেই সকল গুণ অনন্ত ও পূর্ণরূপে
পরিক্ষুট। লীলাবিহারীর রসলীলা তাইতে এত মধুর ! পূর্বে রূপকে
আমি এই সব তত্ত্ব শিখাইয়া ভক্তি প্রচার করিতে বলিয়াছি। তুমিও এই
সব তত্ত্ব লিখিয়া রাখ, সময়ে বৃন্দাবনে বসিয়া প্রচার করিও। এই পর্য্যন্ত
প্রয়োজন তত্ত্ব।’

সনাতন অতি দীনভাবে গোবরের চরণ ধরিয়া বলিলেন ‘আমি অতিনীচ
মূর্খ, কুবিষয় গর্ভে পড়িয়াছিলাম। তাহা হইতে উদ্ধার করিয়া আনিয়া
দেবাদির দ্বন্দ্বিত কত তত্ত্বই শিখাইলে। কিন্তু তোমার কৃপা ভিন্ন ত এ
সকল তত্ত্ব আমার ক্ষুণ্ণি পাইবে না। আমার মাথায় চরণ দিয়া আশীর্বাদ
কর, যেন এ সব কথা আমি বখাযোগ্য বর্ণনা করিতে সমর্থ হই।’

শ্রীচৈতন্য সনাতনের মাথায় হাত দিয়া বলিলেন ‘শ্রীকৃষ্ণের কৃপায় এ সব
তত্ত্ব তোমাতে ক্ষুরিবে, ক্ষুরিবে।’

পঞ্চদশ পরিচ্ছেদ ।

আত্মারাম শ্লোকার্থ ।

গৌড়রাজসচিব শ্রীসনাতন শ্রীচৈতন্যকে জিজ্ঞাসা করিলেন ‘শুনিয়াছি
পূর্বে সার্কর্ত্তোম ভট্টাচার্য্যের নিকট তুমি ভাগবতীয় ‘আত্মারাম’ শ্লোকের
আঠার প্রকার অর্থ করিয়া শুনাইয়াছ। কৃপা করিয়া সেই সব ব্যাখ্যা
আমাকে শুনাইলে কৃতার্থ হই।’

শ্রীচৈতন্যদেব উত্তর করিলেন ‘আমি পাগল, ভট্টাচার্য্যের নিকট কি
পাগলামি করিয়াছিলাম, মনে নাই। ভট্টাচার্য্য বুঝি সে সব কথা সত্য মনে
করিয়া লইয়াছেন ? আচ্ছা দেখি, তোমার সম্বলে কিছু অর্থ ক্ষুণ্ণি হয় কি
না। সহজে আমার মুখে কোন ব্যাখ্যা ক্ষুণ্ণি হয় না ; ভক্তের সঙ্গে ও
শক্তিমানের সহিত কিছু বলিতে পারি। শ্লোকটী এই।

‘আত্মারামাশ্চ মুনয়ো নিগ্রহা অগ্ন্যুৎক্রমে

কুর্কন্ত্যহৈতুকীং ভক্তি মিথস্তৃতগুণো হরিঃ ।’

‘আত্মা’ শব্দের অর্থ ব্রহ্ম, দেহ, মন, বস্তু, ধৃতি, বুদ্ধি, ও স্বভাব। এই সকলে যাহারা রমণ অর্থাৎ স্মৃতি অবস্থিতি করেন, তাঁহারা এই আত্মারাম। ‘মুন’ শব্দে মননশীল, যথা তপস্বী, ব্রতী, যতী ও ধর্মী মুনী।

‘নিগ্রহাঃ’ অর্থ যাহাদের অবিদ্যা বা মায়ামগ্নিত গ্রস্থি নাই। শাস্ত্রাদি জ্ঞান বিহীন, মূর্খ, নীচ, স্বেচ্ছ, ধর্মসংশয়ী ও নির্দীনকেও নিগ্রহা বলা বাইতে পারে।

‘উৎক্রম’ বলিতে যাহার বৃহৎ ক্রম। ‘ক্রম’ শব্দে পাদবিক্ষেপ, শক্তি, কল্প, পরিপাটি, যুক্তি ও আক্রমণ। ইহার তাৎপর্যার্থ এই যে, যিনি বিভূ-রূপে সর্বত্র ব্যাপিয়া আছেন, সকলকে ধারণ ও পোষণ করিতেছেন, মায়াক্রান্তিতে বিচিত্র ব্রহ্মাণ্ড সকল সৃজন করিতেছেন ও মাধুর্য্যশক্তিতে পরব্যোমে ও গোলোকাদিতে লীলা করিতেছেন।

‘কুর্কন্তি’ পদ পরস্মৈপদী, ‘এই জন্ত যে উপাসনার ফল ভগবানে অর্পণ।

‘অহৈতুকী’ শব্দে বাস্তবস্তর রহিত। ভুক্তি অর্থাৎ অনন্ত ভোগ, অষ্টাদশ প্রকার সিদ্ধি ও পঞ্চ প্রকার মুক্তির বাস্তবশূন্য।

‘ভক্তি’ শব্দের অর্থ পূর্বেই বলিয়াছি। সাধনভক্তি ও প্রেমভক্তি। রতিভেদে প্রেমভক্তি আবার নয় প্রকার।

‘মিথস্তৃতগুণঃ’ শব্দের তাৎপর্যার্থ সর্বাঙ্গকর্ষক, সর্বাক্লাদক, রসস্বরূপ, পূর্ণানন্দময়। কৃষ্ণের সৎ, চিত্ত, আনন্দ, রূপের গুণ অনন্ত। অনন্তগুণে বিশ্বচরাচর স্বাবর জন্ম কীট পতঙ্গ সকলেই আকৃষ্ট ও মুগ্ধ।

‘হরিঃ’ শব্দের নানার্থের মধ্যে দুইটি প্রধান। প্রথম, যিনি অমঙ্গল হরণ করেন; দ্বিতীয়, যিনি প্রেম ও করুণা দানে প্রাণ মন হরণ করিয়া লয়েন। অমঙ্গল হরণ প্রথমাবস্থায়, প্রাণ মন চুরি করা শেখাবস্থায়। তাঁহাকে যে স্মরণ করে, প্রথমে তাঁহার তিনি সর্ববিধ তাপ ও অবিদ্যাক্রকার নাশ করিয়া শ্রবণ কীর্তনে রুচি দেন। তাহা হইতে ক্রমে প্রেম প্রকাশ করিয়া শেষে তাহার আত্মা প্রাণ মনাদি হরণ করিয়া একেবারে আত্মসাৎ করিয়া ফেলেন।

‘অপি’ ও ‘চ’ দুই অসার পদ, যেখানে যে অর্থ থাকে, তাহা করিতে

তাহার একটু শ্রদ্ধা জন্মে । বিশ্বাস ও পবিত্র ভাবে ভগবচ্চরিত্র শুনিবার বা জানিবার যে ইচ্ছা, তাহার নাম শ্রদ্ধা । এই শ্রদ্ধা হইতে সাধুসঙ্গ লাভের বাসনা জন্মে । তখন জীব সাধুসঙ্গে থাকিয়া তাহার গুণলীলা শুনিতে ভালবাসে । সাধুসঙ্গ করিতে করিতে ও তাহার গুণ লীলা শুনিতে শুনিতে আপনা হইতেই সাধনের দিকে মন যায় । শ্রবণ, কীর্তন, স্মরণ, অর্চন, বন্দনা, প্রভৃতি সাধনাদির অল্পশীলন আরম্ভ হয় । সাধনের এমনই স্বভাব যে অল্পশীলন করিতে করিতে নিজের পাপের দিকে দৃষ্টিপড়ে । কেন, তা' জান ? তাহার গুণ চরিত্র শুনিতে শুনিতে, বলিতে বলিতে, ভাবিতে ভাবিতে, একটা জীবন্ত পবিত্র আদর্শ অন্তঃকক্ষের নিকট উপস্থিত হইয়া থাকে এবং সেই আদর্শ-দর্পণে নিজের চরিত্র প্রতিবিম্বিত হইয়া তাহার মলিনতা, পাপ, আবর্জনা, চখে আঙ্গুল দিয়া দেখাইয়া দেয় । ক্রমে অভ্যস্ত পাপ ছাড়িতে মন হয়, রিপুসংঘমে দৃঢ় প্রতিজ্ঞা হয়, শম, দম, তিষ্ঠিকা, শিষ্টা হয় ; সংসারাসক্তির বন্ধন শিথিল হয় এবং সকল প্রকার অনর্থ দূরীভূত হইয়া যায় । এই অবস্থার আসিলে সাধকের মনে নিষ্ঠা জন্মে । বিশ্বাস, শ্রদ্ধা, ও পবিত্রতা সহকারে সাধনপথে অবিচলিত থাকার নাম নিষ্ঠা । এতদিন ভাঙ্গা ভাঙ্গা, আলগা আলগা ভাব ছিল, এখন আর তাহা থাকে না । নিষ্ঠার পর যে ভাব সোপানে উঠিতে হয়, তাহার নাম রুচি । এতদিন বাহ্য রোগীর তিক্ত ঔষধ সেবনের ছায় কেবল কর্তব্য জ্ঞানের অমুরোধে অমুষ্ঠিত হইত, সেই শ্রবণাদি এখন সুখস্বরূপ হইয়া দাঁড়ায় । সাধন এখন প্রীতিকর ও সুখকর হইয়া জীবনের অন্তর্গত হইয়া যায় । তাহার পর আসক্তি জন্মে । নেশাখোরের নেশা খাওয়ার মত শ্রবণ কীর্তন না হইলে আর প্রাণ বাচে না । আসক্তি যখন প্রগল্ভা আকার ধারণ করে ; অর্থাৎ যখন এমন অবস্থা হয়, যে অবস্থায় ভগবৎ কথা ভিন্ন অত্র কথা বলিতে কি শুনিতে ভাল লাগে না; তাহার কাজ ভিন্ন অত্র কাজে মন বসে না, চক্ষু অত্র রূপ দেখিতে চায় না; মন অত্র চিন্তা করিতে ভালবাসে না; কেবলই তাহার কথা কহিতে, শুনিতে, তাহাকে দেখিতে ইচ্ছা করে, যেখানে তাহার কথা হয়, সেখানে থাকিতেই মন চায় ; যে তাহার কথা বলে, তাহাকেই ভাল লাগে ; তখন হৃদয় মধ্যে নানা সুকোমল ভাব কুমুম ফুটিয়া উঠে । জোয়ারের জলে যেমন পুষ্কের পঙ্কিল মাটি ধুইয়া গিয়া নবশক্তিশালিনী উর্বরা পলি মাটি পড়িয়া থাকে ; তেমনি সুভাবের তরঙ্গে কুভাব সব চলিয়া যায় ; হৃদয় বিগুণ-

‘ভাবে পূর্ণ হইয়া উঠে। ইহাকে পণ্ডিতেরা ভাবোৎপত্তি, রত্নাসুর, বা প্রীত্যসুর, বলিয়া থাকেন। যে ভাবাই দেওনা কেন, বস্তু এইরূপ।

‘পলিমানির পর পলি পড়িয়া যেমন পুরু হয়; আর পূর্বের পচা মাটা থাকে না; কুসুম স্তম্ভাণের লেপের পর প্রলেপ দিলে যেমন ঘন হয়, তেমনি যখন হৃদয়ে ভাবের পর ভাব, তাহার উপর ভাব পড়িয়া পড়িয়া জমাট হইয়া যায়, তখনই প্রেমোৎপত্তি হইয়া থাকে। ভাব বা রতি এবং প্রেম, কাছাকাছি হইলেও উভয়ের মধ্যে অনেক প্রভেদ। উভয়ের প্রকৃতি এবং বিকাশ ছই বিভিন্ন।’

সনাতন জিজ্ঞাসা করিলেন ‘কিরূপ প্রভেদ? ভাঙ্গিয়া বলুন।’

শ্রীচৈতন্য বলিলেন ‘বাহার হৃদয়ে ভাবাসুর জন্মিয়াছে, তাঁহাতে এই সব লক্ষণ প্রতীয়মান হইয়া থাকে। তিনি চির ক্ষমাশীল; মারিয়া কেলিলেও নীরবে সহ করেন ও শত্রুকে ক্ষমা করেন। শারীরিক, মানসিক, কোন ক্ষোভেই তাঁহাকে ক্ষুব্ধ করিতে পারে না। যেমন রাজা পরীক্ষিৎ তক্ষক-দংশনে নিকটে মৃত্যু জানিয়াও ভীত ও ক্ষুব্ধ না হইয়া অমাত্যবর্গকে হরি-গাথা গান করিতে বলিয়াছিলেন। তিনি বৃথা সময় নষ্ট না করিয়া ভগবান্নামগানে ও ভগবৎ সেবায় নিরন্তর রত থাকেন। দিবানিশি বাক্যের দ্বারা স্তব করিয়া, মনের দ্বারা চিন্তা করিয়া এবং শরীর দ্বারা সেবা করিয়াও পরিতৃপ্ত হন না, এবং অশ্রুজল মোচন করিতে করিতে সমস্ত জীবন সমর্পণ করিয়াও কিছু করা হইল না, মনে করেন। তাঁহার বিষয় বাসনা ও ভোগ-কামনা থাকে না। তাহার সাক্ষী মহারাজ ভরত, যখন ভোগ লালসা অত্যন্ত বলবতী হয়, সেই যৌবন কালেই অস্ত্রের অভিলষণী ও হস্ত্যজ স্ত্রী, পুত্র, স্ত্রী, রাজ্য, ভগবানের জন্ত অনায়াসে পরিত্যাগ করিয়াছিলেন। তিনি মহাবিনয়ী ও নিরতিমানী হন। মহারাজ ভরত শত্রুদিগের গৃহে ভিক্ষা বাজ্রা করিতে ও অতি অন্ত্যজদিগকেও দণ্ডবৎ প্রণাম করিতে অপমান বোধ করেন নাই। তাঁহার প্রাণে কখন নিরাশা আসে না, অপিচ ভগবান্কে নিশ্চয়ই পাইবেন, এই আশা সূদৃঢ় বদ্ধমূল হয়। ভগবানের মিলনাশায় তাঁহার অত্যন্ত উৎকর্ষা হইয়া থাকে। প্রেমিক ভক্ত বিশ্বমঙ্গল তাহার সাক্ষী। তিনি মিলনাশায় কি না করিয়াছিলেন? মিলনের বিষ-কারী চক্ষুরদ্বয় উৎপাটিত করিতে একটুও কুণ্ঠিত হন নাই। তাঁহার নাম-গুণগানে রুচি ও অত্যন্ত আসক্তি জন্মে এবং কৃষ্ণলীলার স্থানে বসতি

‘করিতে অত্যন্ত আগ্রহ হয় । বালিকা রাধা স্নমধুর স্বরসংযোগে যখন কৃষ্ণনামাবলি কীর্তন করিয়া নীলোৎপল সদৃশ নয়ন দিয়া মুক্তাবলির ত্রায় অশ্রুবিন্দু ফেলিতেন, তাহা দেখিলে কাহার প্রাণনা বিদীর্ণ হইত ?’ বিষমঙ্গল ঠাকুর ‘হে প্রভো ! তোমার সকলই মধুর ; তুমি মধুর হইতেও মধুর, বড়ই মধুর’ বলিয়া যে কাদিতেন, তাহাতেই নামাসক্তির প্রভাব বুঝা যাইতে পারে । ভাবাস্কুর বিকাশের চিহ্ন এই সব । এখন প্রেম বিকাশের কথা বলি শুন ।’

সনাতন ‘বলুন’ বলিলে শ্রীচৈতন্য বলিতে লাগিলেন ‘যাহার হৃদয়ে নবপ্রেরমা উন্মীলিত হইয়াছে, তাঁহার বাক্য, চেষ্টা, ভাব, ভজন, সকলই লোক বুদ্ধির অতীত । তিনি কখন হাসেন, কখন কাদেন, কখন গান করেন, কত কি বলেন, নৃত্য করেন, মোনীর হইয়া থাকেন, আবার কখন অত্যন্ত চীৎকার করেন ; লোকে কিছু বুঝিতে না পারিয়া তাঁহাকে বাতিক-গ্রস্ত মনে করে । প্রেম যেমন স্নকোমল, নির্মল, ও স্নিগ্ধ ; তেমনি মহা-মাদক, উগ্র এবং উত্তপ্ত । সৌভাগ্যবান ব্যক্তিই তাহার এক বিন্দু পান করিয়া থাকেন ।’

সনাতন জিজ্ঞাসা করিলেন ‘প্রেমের ও রত্নের কি বুদ্ধি নাই ? যদি থাকে, তবে তাহার বাড়িয়া যে যে ভাব-বৈচিত্র্য প্রকাশ করে, তাহা বর্ণন করুন ।’

শ্রীচৈতন্য । মূল ইক্ষুরস নির্মল হইতে হইতে যেমন গুড়, খণ্ড, শর্করা, মিছরি, বিশুদ্ধ মিছরি, রূপে পরিণত হইয়া আনন্দনের উৎকর্ষতা লাভ করে, তেমনি প্রেম বুদ্ধি পাইয়া ঘনীভূত হইয়া স্নেহ, প্রণয়, মান, রাগ, ক্ষয়-রাগ, ভাব, ও মহাভাব, পর্য্যবসিত হইয়া প্রেমিকের হৃদয়ে বিভিন্ন আনন্দ উদ্দীপিত করে । পূর্বে যে রত্নের কথা বলিয়াছি, সাধনা ও অধিকারী ভেদে তাহা পাঁচ প্রকার । শাস্ত, দাস্য, সখ্য, বাসন্ত্য, ও মধুর । এই পাঁচ রসের বিষয় পূর্বে প্রয়াগে তোমার ভাই রূপকে বলিয়াছি ; তাহা আর পুনরুল্লেখ করিব না । তবে সেই পাঁচ রসের স্থায়িত্বকে যে পাঁচটা রত্ন বলে, তাহাই এখন বিবেচ্য বিষয় । শাস্তরসের শাস্ত রত্নের বুদ্ধির সীমা প্রেম পর্য্যন্ত ; তাহা আর বাড়ে না । সনক সনাতন প্রভৃতি শাস্ত রসের উক্ত । তাঁহাদের রত্ন বাড়িয়া কৃষ্ণপ্রেম পর্য্যন্ত হইয়াছিল, তাহার উপর যায় নাই । দাস্য রত্ন বাড়িয়া রাগ পর্য্যন্ত উঠিতে পারে, আর উঠে না ।

কৃষ্ণসারথি দ্বারকাদির রতি প্রেমের উপর এক সোপান উঠিয়া রাস পর্যন্ত প্রাপ্ত হইয়াছে। তাহাতে দেখিতে পাওয়া যায় সেবক প্রভুকে স্নেহ ও প্রণয় বা অবস্থা বিশেষে অভিমানও করিতে পারেন। সখ্য ও বাৎসল্য রতি অল্পরাস পর্যন্ত উঠে। কিন্তু একমাত্র মধুর রতিই কেবল ভাব মহাভাবে উঠিয়া চরম সীমা পাইতে পারে। অত্র রতিতে তাহা সম্ভবে না। এ রতিতে ভক্তের ভগবানের উপর স্নেহ, মান, প্রণয়, কোপ, সকলই হইতে পারে। শাস্ত ও দাস্ত রতির কেবল দুইটি মাত্র প্রকার ভেদ; যোগ ও বিরোগ। কিন্তু সখ্য, বাৎসল্য ও মধুরের অনন্ত বিভেদ ও অনন্ত বৈচিত্র্য। মধুর রতি মহাভাবে পরিণত হইলে প্রধানতঃ উহাতে দুইটি বিভেদ হয়, রুঢ় ও অধিরুঢ়। দ্বারিকালীলার মহিষী-দিগের রুঢ় ও ব্রজলীলার গোপীদিগের অধিরুঢ় মহাভাব। অধিরুঢ় মহাভাব দুই প্রকার। সম্ভোগাবস্থার মদন ও বিরহাবস্থার মোহন নামে খ্যাত। মদনে স্পর্শ চুষনাদি অনেক বৈচিত্র্য। কিন্তু মোহনে উদ্বর্ণা ও চিত্রজন্ম, দুইটি মাত্র প্রকার ভেদ। লমরগীতার দশটি শ্লোকে ত্রীরাধার যে দশদশা বর্ণিত হইয়াছে; তাহা চিত্রজন্মের চিত্র। উদ্বর্ণা ভাবে বিরহ চেষ্টায় যে প্রেম বৈচিত্র্য জন্মে, তাহার নাম দিব্যোন্মাদ। এই বিরহভাবে সাধক সর্বত্র ভগবৎসুখী লাভ করেন। এমন কি আপনাকেও কৃষ্ণ বলিয়া মনে লাভি হইয়া থাকে।

‘শুন সনাতন! এই সব কৃষ্ণভক্তিরূপের স্থায়িত্ব। এ ভাব পাইলে ভক্তের স্নেহের সীমা থাকে না। কিন্তু এই সব ভাবে যদি বিভাব, অল্পভাব, সাধিক, ব্যভিচারী, চারিটি সাময়িক ভাব মিলিত হয়, তাহা হইলে যে কি অপূর্ণ রস উৎপন্ন হয়, তাহা বর্ণনা করিতে পারা যায় না। দৃষ্টিতে যেমন ধও, কপূর, মরিচ, ও লবণ, নিশাইয়া রসালো নামে অমৃতরস প্রস্তুত হয়, তেমনি। বিভাব দুই প্রকার; আলম্বন ও উদ্দীপন। প্রেমের বিষয় ভগবদর্শনাদি, আলম্বন ও বংশীস্বরাদি শ্রবণ, সাময়িক উদ্দীপন। প্রিয়তমের হস্ত ও নৃত্য গীতাদি দর্শন শ্রবণে অল্পভাব উত্তেজিত হইয়া থাকে। অঙ্গ-সুস্তাদি সাধিকের মধ্যে পরিগণিত। ও নির্বেদ হর্ষাদি, তেত্রিশটি সঞ্চারী ভাব ব্যভিচারী। এই সমস্তের আংশিক বা পূর্ণ মিলনে কি মনোহর রসলীলাই উৎপন্ন হইয়া থাকে! কিন্তু সনাতন! রসের আলম্বন, নায়ক নায়িকা ও আশ্রয়, ভক্ত। আলম্বন ও আশ্রয় ভিন্ন রসলীলা হয় না। পূর্ব প্রে

হইবে। 'চ' শব্দ একতর প্রাধাত্তে, সমুহার্থে, ইতরেরতর যোগে, সংযোগার্থে, যত্নে, পাদপুরণে, ও অবধারণে, ব্যবহৃত হয়। আর 'অপি' শব্দ সম্ভাবণা, প্রশ্ন-
 দ্বিজ্ঞাসা, ভয়, নিন্দা, সংযোগ, উহার্থ ও যথেষ্ট ক্রিয়া সম্পাদন অর্থে, প্রযুক্ত
 হয়। শ্লোকের একাদশ পদের এই বিভিন্নার্থ। এক্ষণে বাহার যে অর্থ
 যেখানে লাগে, তাহা দিয়া শ্লোকের যত প্রকার ব্যাখ্যা হইতে পারে, বলি-
 তেছি, শ্রবণ কর।' এই বলিয়া শ্রীচৈতন্য অসাধারণ পাণ্ডিত্য ও নৈপুণ্য
 সহকারে শ্লোকের একবৃষ্টি প্রকার অর্থ নিম্পন্ন করিলেন। তাহাতে তিনি
 দেখাইলেন যে, কি ব্রহ্মোপাসক, কি পরমাত্মার উপাসক ও কি ভগবানের
 তত্ত্ব, জ্ঞানপথেই হউক, যোগ ভক্তি কি কর্মপথেই হউক, অকামী হউন,
 মোক্ষকামী হউন, কি সাক্ষীকামী হউন, সাধুসঙ্গের গুণে ও ভগবানের
 কৃপায় কামাদি দুঃসঙ্গ অর্থাৎ কৈতব, আত্মবঞ্চনা, এবং মোক্ষবাস্তা পর্যন্ত
 ছাড়িয়া শুদ্ধা ভক্তি লাভ করিতে পারেন। ব্রহ্মোপাসক ত্রিবিধ; সাধক,
 ব্রহ্মস্বরপ্রাপ্ত, ও ব্রহ্মলয়। আত্মোপাসক ত্রিবিধ; মুমুকু, জীবমুক্ত, ও প্রাপ্ত-
 স্বরূপ। ও যোগারূঢ়, যোগারূঢ়, ও প্রাপ্তসিদ্ধ, তিন প্রকার যোগী। এ সক-
 লকে শেষে শুদ্ধা ভক্তির আশ্রয় নহিতে হয়। ইহাদের কথা দূরে থাকুক, সামান্য
 জীবগণ, শ্লেচ্ছাদি, কদাচারী ও পাপাচারীগণ; এমন কি স্বাবর জঙ্গম পশু
 পক্ষী, সকলেই সাধুসঙ্গ ও কৃষ্ণ কৃপাগুণে ভক্তি লাভ করিয়া কৃতার্থ হইয়া
 থাকে। কেহই তাহার কৃপালাভে বঞ্চিত হয় না। ব্রহ্মাদি দেবগণও এই
 অহৈতুকী ভক্তির জন্ত লালসিত। অতঃপর শ্রীচৈতন্য শ্রীমদ্ভাগবত গ্রন্থের
 বহু প্রশংসা করিয়া তাহার সর্দর্শ সনাতনকে শিক্ষা দিয়া প্রচার করিতে
 উপদেশ দিলেন।

তখন সনাতন অতি বিনীত ভাবে বলিলেন 'আপনি যে সব তত্ত্ব
 আমাকে শিখাইয়া গ্রন্থকারে বর্ণন করিতে বলিলেন; আমার ভয় হইতেছে,
 আমি হইতে তাহা সম্পন্ন হইবেন না। অতএব কৃপা করিয়া ভবিষ্যৎ গ্রন্থ-
 নিচয়ের সূত্র করিয়া দিউন।' শ্রীচৈতন্য হাসিয়া বলিলেন 'তোমা দ্বারাই
 কৃষ্ণ সব কাজ সম্পন্ন করিয়া লইবেন, তাহাতে কোন আশঙ্কা করিও না।
 তথাচ তোমার সম্ভোষার্থ আমি কোন কোন গ্রন্থের সূত্র করিয়া দিতেছি।'
 এই বলিয়া গৌরচন্দ্র শ্রীমুখ হইতে কতক সূত্র রচনা করিয়া দিলেন। সনাতন
 গৌসাই তাহা লিখিয়া লইলেন।

হুই মাস ধরিয়া শ্রীচৈতন্য সনাতনকে শিক্ষা দিয়াছিলেন।

সন্ন্যাসী গোষ্ঠিতে ।

কাশীতে অবস্থানকালে শ্রীচৈতন্য ইচ্ছা করিয়া সন্ন্যাসীদিগের সঙ্গ পরিহার করিতেন। প্রকাশানন্দ প্রমুখ পরমহংসগণ একে সর্বদাই তাঁহার নিন্দা করিয়া বেড়াইত, তাহাতে উহাদের সভাতে গর্বপূর্ণ আত্মাভাষা জ্বলিয়া উঠিত। কখন সৎপ্রসঙ্গ হইত না, এই জন্তই চৈতন্যদেব তাঁহাদের সঙ্গে মিশিতেন না। পরমহংসগণ ইহাতে অপমানিত জ্ঞান করিয়া পূর্ণমাত্রায় তাঁহার নানাবিধ নিন্দা ও কুৎসা প্রচার করিয়া বেড়াইতে লাগিল। চন্দ্রশেখর, তর্পন মিশ্র ও মহারাত্রী বিপ্র সেই সব নিন্দাবাদ শুনিয়া মর্শ্বাস্তিক হইয়া একদিন তাঁহাকে বলিতে লাগিলেন, ‘আর সহ্য হয় না ; তোমার নিন্দা শুনিতে শুনিতে শ্রবণ ও প্রাণ বিদীর্ণ হইতেছে।’ শ্রীচৈতন্য ক্রোধে হাসিলেন। এমন সময়ে একটা ব্রাহ্মণ হঠাৎ সেখানে আসিয়া গৌরকে বলিতে লাগিল ‘আজ আমি কাশীবাসী সমস্ত সন্ন্যাসী পরমহংসদিগকে নিমন্ত্রণ করিয়াছি, আপনি কৃপা করিয়া যদি একবার পদধূলি দেন, আমার অনোবাস্তা পূর্ণ হয়। আপনি সন্ন্যাসীসভায় যান না, তা’ জানি। তবুও যদি আমাকে কৃপা করেন, বড়ই অনুগ্রহীত হই।’ এরূপ নিমন্ত্রণ গৌরচন্দ্র কতবার অত্যাখ্যান করিয়াছেন। এবারে কিন্তু করিলেন না। নিমন্ত্রণ গ্রহণ করিলেন। কেন করিলেন, পরে প্রকাশ হইবে।

ব্রাহ্মণগৃহে মধ্যাহ্নে সন্ন্যাসীদিগের সভা বসিয়াছে। কাশীর সমস্ত দণ্ডী, সন্ন্যাসী ও পরমহংসই সে সভায় আসীন। সকলের অগ্রণী ত্রীপাদ প্রকাশানন্দ স্বামী মধ্যে বসিয়া অগল্ভতা সহকারে বেদান্ত আলোচনা করিতেছেন; চৈতন্যদেব এমন সময়ে উপনীত হইয়া পাদপ্রক্ষালনান্তে সন্ন্যাসীদিগকে নমস্কার করিয়া নিম্নাসনে উপবেশন করিলেন। প্রকাশানন্দ গৌরকে মৌখিক সম্মান করিয়া বলিলেন ‘ত্রীপাদ গৌসাই! এদিকে আসুন, নীচে কেন বসিলেন?’ গৌরচন্দ্র বিনীত ভাবে উত্তর করিলেন ‘আমি অতি হীন সম্প্রদায়, আপনাদের সঙ্গে বসিবার উপযুক্ত নই।’

তখন প্রকাশানন্দ স্বয়ং তাঁহার হাত ধরিয়া সভার মধ্যখানে আনিয়া বসাইলেন, ‘এবং জিজ্ঞাসা করিলেন, ‘আপনারই নাম ত্রীকুণ্ডচৈতন্য? আপনি কেশব ভারতীর শিষ্য?’

উত্তর। আজ্ঞে।

প্রশ্ন। আপনি সম্প্রদায়ী সন্ন্যাসী, এই গ্রামে থাকেন, অথচ আমি

দিগকে দর্শন দেন না কেন ? শুনিতে পাই, ভাবুকদিগের সঙ্গে মিশে ভাবকের স্রাব সর্বদা নৃত্যকীর্তন করেন। বেদান্ত পাঠ ও বেদান্ত শ্রবণ সন্ন্যাসীর পরম ধর্ম; তাহা ছাড়িয়া ভাবুকতা করেন কেন ?

শ্রীচৈতন্য প্রচলিত বিক্রপতার সহিত উত্তর করিলেন “শুন ইহার কারণ। আমাকে অতি মূর্খ দেখিয়া গুরু বলিয়াছিলেন “তোম বেদান্তে অধিকার নাই; কৃষ্ণনাম জপ কর, তাহাতেই সিদ্ধমনোরথ হবি।” সেই আজ্ঞাক্রমে আমি নাম লইতে আরম্ভ করিলাম। নাম জপিতে জপিতে আমার মতিভ্রান্তি হইল; আমি দিশাহারা হইয়া উন্মত্তের স্রাব হানিতে, কাঁদিতে, নাচিতে, গারিতে, লাগিলাম। আবার একটু সাবাস্ত হইয়া মনে মনে বিচার করিলাম “আমি কি পাগল হইলাম? কৃষ্ণনামে কি আমার মতিচ্ছন্ন হইল?” তখন গুরুপদে নিবেদন করিলাম—“মহাশয়! এ কি মত্ত দিলেন? আমি যে নাম-জপে পাগল হয়ে গেলামি।” গুরু বলিলেন “না বাপু! পাগল হও নাই। তোমার পরম ভাগ্য যে নামের ফলে তুমি প্রেমানন্দামৃত লাভে সমর্থ হইয়াছ। কৃষ্ণনামের ফলে এই প্রেম। ইহার নিকট চতুর্ভুজ তুচ্ছ।” শুনিলেন শ্রীপাদ! আমার নাচিবার গাইবার কারণ। আমি কিছু ইচ্ছা-পূর্বক নাচি না, গাই না।”

শ্রীচৈতন্যের স্মৃতিভূর ও স্মৃষ্টি বচনভঙ্গি শুনিয়া সন্ন্যাসীগণ মুগ্ধ হইলেন। তখন প্রকাশানন্দ বলিলেন, ‘আচ্ছা, তা বেন হ’ল, বেদান্ত শুনে নাকেন?’

শ্রীচৈতন্য বলিলেন ‘যদি দুঃখিত না হন, তবে তাহার কারণ বলি।’

সন্ন্যাসীগণ বলিয়া উঠিলেন ‘না, না, আপনি মহাতেজস্বী সন্ন্যাসী। আপনি বাহা বলিবেন, তাহা কখন অসঙ্গত নহে। বাহা ইচ্ছা হয়, বলিয়া যাউন।’

শ্রীচৈতন্য বলিতে লাগিলেন ‘বেদান্ত সূত্র ঈশ্বরবাক্য, স্বয়ং নারায়ণ ব্যাসরূপে বলিয়াছেন। উহাতে ব্রহ্ম, প্রমাদ, বিপ্রলিপ্সা, প্রভৃতি থাকিতে পারে না। উপনিষদতত্ত্ব পরম পবিত্রতত্ত্ব। কিন্তু শ্রীমান্ শঙ্করাচার্য্য তাহার যে ভাষ্য করিয়াছেন, তাহাতে সূত্রের মূখ্যবৃত্তি অচ্ছন্ন হইয়া গৌণার্থ কল্পিত হইয়াছে। শুনিলে পরমার্থ হানি হয়। আচার্য্যেরও দোষ নাই; তিনি ঈশ্বর প্রেরণায় বৌদ্ধদিগকে জয় করিবার জন্য ঐরূপ ভাষ্য রচনা করিয়াছেন ও এই বলিয়া শ্রীচৈতন্য সার্কভোম ভট্টাচার্য্যের

নিকট যেরূপ ব্যাসস্বত্বের ব্যাখ্যায় নির্বিশেষবাদে দোষারোপ করিয়া সবিশেষ ব্রহ্মলীলা ব্যাখ্যা করিয়াছিলেন, সেইরূপ ব্যাখ্যা করিয়া পরম হংসদিগকে চমৎকৃত করিলেন। সার্বভৌমপ্রকরণে এই সব কথা দেখাইয়াছে। পাঠক মহাশয় দেখিয়া লইলেন।

শ্রীচৈতন্য বলিলেন ‘মোটের উপর, ব্রহ্মস্বরূপ অতি বৃহৎ, বাক্য মনে অগোচর। জীব সাংগাত্য চিদংশ মারাবদ্ধ। তাহাকে ব্রহ্মের সহিত অভিন্নতার অপেক্ষা আর অধিক অপরাধ কি হইতে পারে?’

প্রকাশানন্দপ্রমুখ সন্ন্যাসীগণ গৌরের অসাধারণ বিচারকৌশল ও যুক্তিবৃত্ত কথা শুনিয়া অবাক হইয়া গেলেন। প্রকাশানন্দ ক্ষণকাল নীরব থাকিয়া বলিলেন ‘আচ্ছা, আচার্য্যের ভাষা না হয় ভ্রান্ত বলিয়া স্বীকার করিলাম। কিন্তু বেদান্তের প্রকৃত অর্থ কি? আপনি ইহার কিরূপ ব্যাখ্যা করেন?’

তখন শ্রীচৈতন্য বেদান্তনিষ্পন্ন ব্রহ্মই যে পরমতত্ত্ব ও একমাত্র উপাত্ত; জীব তাঁহা হইতে ভিন্ন হইয়াও অভিন্ন ও তাঁহার দাস; ও জীবের সহিত তাঁহার কি সম্বন্ধ; তাঁহাকে পাইবার উপায় ও জীবের লক্ষ্য কি; তাহা একে একে বিশদরূপে বুঝাইয়া দিলেন। এই সব কথা পূর্বে সম্বন্ধ, অতিথেরাদি তত্ত্বে, লিখিত হইয়াছে। সন্ন্যাসীগণ শুনিয়া মুগ্ধ হইয়া গেলেন। সেই দিন হইতে কানীশ সর্বত্র শ্রীকৃষ্ণ চৈতন্যের জয় ঘোষণা হইতে লাগিল। কথিত আছে, প্রকাশানন্দ প্রভৃতি সন্ন্যাসীগণ তাঁহার অনুবর্তী হইয়াছিলেন এবং এখন সন্ন্যাসীসভায় শ্রীচৈতন্যের নিন্দার পরিবর্তে স্তুতি হইতে লাগিল। একদিন শ্রীচৈতন্য বিন্দুমাধবের মন্দিরপ্রাঙ্গণে ভক্তগণ সহ নৃত্যকীর্তন করিতেছেন, এমন সময়ে প্রকাশানন্দ স্বশিষ্যে আসিয়া দর্শন শ্রবণে পুলকিত হইয়া চৈতন্যের পাদবন্দনা করিলেন। শ্রীচৈতন্য অমনি নৃত্য বন্ধ করিয়া তাঁহার চরণ ধরিয়া বলিলেন ‘এ কি! আপনি মহা পূজার্ত; আমি আপনার শিষ্যের বোগ্য নই; আমার প্রতি এরূপ অশ্রদ্ধা আচরণ করিতেছেন কেন?’ প্রকাশানন্দ বলিলেন ‘আপনি সাক্ষাৎ নারায়ণ, লোক নিস্তার জন্য নররূপে অবতীর্ণ হইয়াছেন; পূর্বে না বুঝিয়া যে নিন্দা করিয়াছি, তাহা মার্জনা করুন।’

শ্রীচৈতন্য কর্ণে অঙ্গুলি দিয়া বলিলেন ‘বিষ্ণু! বিষ্ণু! আমি জীবাশ্রম! আপনি জগদগুরু হইয়া আমাকে এমন বলিছেন, আমার অপরাধ হইবে!’

তখন উভয়ে অনেক শাস্ত্রালাপ হইল। কান্নীর মারাবাদী সন্ন্যাসীগণ ও আপামর সাধারণ সকলেই এখন হরিসংকীৰ্ত্তন করিয়া প্রেমে বিহ্বল হইল। সমস্ত বারাণসীপুরী প্রেমে টলমল করিতে লাগিল। শ্রীচৈতন্য বাসায় আসিয়া জ্বৎ হস্ত করিয়া ভক্তগণকে বলিলেন 'কেমন হে! কান্নীতে ভাবকালি বেচিতে এসেছিলাম। গ্রাহক না থাকায় বিক্রী হয় নাই। তাহাতে তোমরা মনে বড় দুঃখিত হয়েছিলে; সেজন্ত বিনামূল্যে বেচে গেলাম।' চন্দ্রশেখর প্রভৃতি হাসিতে লাগিলেন। অতদিনে প্রভাতে উঠিয়া সনাতনকে বৃন্দাবনে বিদায় করিয়া দিয়া বলভদ্র আচার্য্যের সঙ্গে শ্রীচৈতন্য নীলাচলে যাত্রা করিলেন। তখন মিশ্র, রঘুনাথ, চন্দ্রশেখর, সঙ্গে যাইতে ইচ্ছা প্রকাশ করিলে তাহাদিগকে বলিলেন 'যাহার ইচ্ছা হয়, পরে আমাকে দেখিতে আসিবে; এখন আমি একা যাইব।' তৎ পরে পূৰ্ণ আগত ঝারিখণ্ড পথে নিদ্রান্ত হইয়া গেলেন এবং যথাসময়ে নীলাচলে উপনীত হইয়া ভক্তগোষ্ঠীর আনন্দ বর্দ্ধন করিলেন।

সন্ন্যাস হইতে ছয় বৎসর কাল এইরূপে পর্য্যটনে, আলাপে, বিচারে, প্রচারে, শ্রীচৈতন্যের মর্ত্যজীবন অতিবাহিত হইল। এই কালকে তাঁহার ধর্ম জীবনের প্রৌঢ়াবস্থা বলা যাইতে পারে। চরিতামৃতের এইখানে মধ্যলীলা শেষ হইয়াছে। ইহার পর অষ্টাদশ বর্ষ তিনি একাদিক্রমে নীলাচলে বাস করিয়া সাধন ভজনের পরাকাষ্ঠা লাভ করিয়াছিলেন এবং অলৌকিক প্রেমবিকার দেখাইয়া জগৎকে মুগ্ধ করিয়াছিলেন। সে স্বর্গের ছবি যে দেখিয়াছে, সে মজিয়াছে। আমার লেখনীর সাধ্য নাই যে তাহা বর্ণনা করিতে পারে। তবে সাধুদিগের পদাঙ্গুসরণ করিয়া যথা কথঞ্চিৎ সেই অলৌকিক কথা বলিতে এখন প্রবৃত্ত হইব।

ষোড়শ পরিচ্ছেদ ।

শ্রীরূপ সঙ্কোচসব ।

চৈতন্য জীবনের সন্ন্যাস হইতে নীলাচল প্রত্যাগমন পর্য্যন্ত ছয় বৎসরের ঘটনা আমরা পূর্বের পঞ্চদশ পরিচ্ছেদে একরূপ বর্ণনা করিলাম। তাঁহার

বৃন্দাবন হইতে প্রত্যাগমন করিয়া তিনি আর কোথায়ও যান নাই ; নিরন্তর সংকীৰ্ত্তন বিলাসে, ধর্ম্মালাপে, ভক্তি প্রচারে, ও ঈশ্বর সন্তোষে, অনুরক্ত থাকিতেন। এই আঠার বৎসরকে আবার দুই ভাগে বিভক্ত করা যাইতে পারে; প্রথম ছয় বৎসর ও শেষ বার বৎসর। প্রথম ছয় বৎসর নাম সংকীৰ্ত্তন, নৃত্য গীত, পাঠব্যাখ্যা, দ্বন্দ্বপ্রসঙ্গ, হাস্ত পরিহাস, নিমন্ত্রণ ভোজন, আচণ্ডালে প্রেমভক্তি প্রচার, ও গোড়ের ভক্তগণ সঙ্গে বিবিধ নীলা কোতুকে কাটিয়া যায়। এ ছয় বৎসরের ঘটনার মধ্যে শ্রীকৃষ্ণের নীলাচলে আগমন ও এক বর্ষ স্থিতি, ছোট হরিদাসের দণ্ড, শ্রীচৈতন্যের প্রতি দামোদর পণ্ডিতের বাক্যদণ্ড, সনাতন গোস্বামীর নীলাচলে আগমন, নিত্যানন্দকে গোড় দেশে প্রচারার্থে প্রেরণ, অদ্বৈতের বাসায় নিমন্ত্রণ ভোজনাদি, বল্লভ ভট্টের আগমন ও শিক্ষা, রামচন্দ্রপুরীর আগমন ও শ্রীচৈতন্যের ভিক্ষা-সঙ্কোচ, রায় রামানন্দ স্থানে প্রছিন্ন মিশ্রের কৃষ্ণকথা শ্রবণ, গোপীনাথ পট্টনায়কোক্ত্যব, হরিদাসের নির্যাতন, ও রঘুনাথ দাসের আগমন, প্রধান। এই সময়েই শ্রীচৈতন্য প্রচারিত প্রেমভক্তির কথা ভারতের সর্বত্র রাষ্ট্র হইয়া পড়িয়াছিল এবং নানা দেশের নানা শ্রেণীর লোক তাঁহাকে দেখিবার জন্য সর্বদা নীলাচলে আসিত ও তাঁহার কৃপোপদেশ লাভ করিয়া আনন্দমনে প্রত্যাগমন করিয়া স্ব স্ব দেশে নামপ্রেম প্রচারে ব্রতী হইত।

যে যে ভক্ত গৃহসংসার পরিত্যাগ করিয়া এই সময়ে শ্রীচৈতন্যের সঙ্গে নীলাদ্রিতে বাস করিতেছিলেন, তাঁহাদের মধ্যে গদাধর পণ্ডিত, বক্তেশ্বর পণ্ডিত, দামোদর পণ্ডিত, স্বরূপ দামোদর, শঙ্কর, হরিদাস; জগদানন্দ, ভবানন্দ, গোবিন্দ, কাশীশ্বর, পরমানন্দ পুরী, ব্রহ্মানন্দ ভারতী, ও রঘুনাথ দাস গোস্বামীর নাম উল্লেখ যোগ্য। ক্ষেত্রবাসী রায় রামানন্দ, সার্কভৌম ভট্টাচার্য্য, শিখি মাইতি, কাশীমিশ্র, প্রভৃতি সংসারী হইয়াও নিরন্তর তাঁহার কাছে থাকিতেন।

নিত্যানন্দ, অদ্বৈত, শ্রীবাস, মুরারি, প্রভৃতি বঙ্গের বহুসংখ্যক ভক্ত-মণ্ডলী প্রতিবর্ষে নীলাদ্রিতে আসিয়া চারিমান চৈতন্যসঙ্গে অবস্থিতি করিয়া বঙ্গদেশে ফিরিয়া যাইতেন। সন্ন্যাসের পর ২৩ বৎসরের মধ্যে ইহার বিংশতি বৎসর কাল অবাধে যাতায়াত করিয়াছিলেন।

শ্রীচৈতন্যের আদেশে বৃন্দাবনে রূপ, সনাতন, জীব, গোপালভট্ট, রঘুনাথ ভট্ট, প্রভৃতি বাস করিয়া প্রেমভক্তি প্রচার করিতেছিলেন, নারায়ণ

তপন নিশ্র, চন্দ্রশেখর, প্রভৃতি হরিনামের মহিমা ঘোষণা করিতেছিলেন ; তাঁহরা কখন নীলাচলে আসেন নাই ।

চৈতন্যজীবনের শেষ দ্বাদশ বৎসরের ঘটনা অলৌকিক । দিনে দিনে বিরহ ক্ষুধা, প্রলাপ বাক্য কখন, এবং ভ্রমময়ী চেষ্টা, প্রকাশ হইতে লাগিল । রোমকূপে রক্তোদগম হইত, দন্ত নড়িত, শরীর কখন ক্ষীণ হইয়া বাইত, আবার কখন ফুলিয়া উঠিত । হস্ত পদের অস্থিসন্ধি বিস্তার হইয়া বাইত, রাত্রে নিদ্রা হইত না, সর্বদা, হাহতাস ! ও ভাবে বিহ্বলতা । এই কালের প্রধান লীলার মধ্যে চটক পর্বতে ভ্রমণ, সিংহদ্বারে পতন, কুম্ভানুক্ৰতি, সমুদ্রে পতন, ভিত্তিতে মুখসম্ভর্ষণ, উপবনে ভ্রমণ, গীতগোবিন্দাদির শ্লোকোচ্চারণ, প্রলাপ কথনাদি, উল্লেখযোগ্য । এখন আর প্রচার নাই, কেবলই আচরণ ও সম্ভোগ । এই সব মধুর কথা আমরা পরবর্তী পরিচ্ছেদ সকলে প্রকাশ করিতে চেষ্টা করিব ।

রূপ গোস্বামী বল্লভের সঙ্গে প্রয়াগে শ্রীচৈতন্যের রূপা-উপদেশ লাভ করিয়া মথুরায় আসিয়া উপনীত হইলেন, এবং সুবুদ্ধি রায়ের সহিত মিলিত হইয়া দ্বাদশবন ভ্রমণ করিলেন । সনাতনের কারামোচন ও বারাগসী আগমন সংবাদ শুনিতে পাইয়া একমাস মাত্র বৃন্দাবন বাসের পর রূপ ও বল্লভ গঙ্গাতীরের পথে জ্যেষ্ঠের অনুসন্ধানে প্রত্যাবর্তন করিলেন । ওদিকে সনাতন গোস্বামী কানীতে শ্রীচৈতন্যের নিকট উপদিষ্ট হইয়া শ্রীরূপের মিলনাশায় প্রয়াগে আসিলেন এবং তথা হইতে রাজপথ ধরিয়া অতি দ্রুত-ভাবে মথুরায় চলিয়া গেলেন । রূপ ও বল্লভ প্রয়াগে আসিয়া শুনিলেন, সনাতন রাজসরান দিয়া বৃন্দাবনে গিয়াছেন । সুতরাং ভাই ভাই সাক্ষাৎ হইল না । মথুরায় আসিয়া সনাতন সুবুদ্ধি রায়ের সহিত মিলিত হইলেন । সুবুদ্ধি তাঁহাকে অনেক স্নেহ মমতা করিতে লাগিলেন । সনাতন তাহাতে বৈরাগ্যের ব্যাঘাৎ হইবে মনে করিয়া বনমধ্যে চলিয়া গেলেন এবং মথুরা-মাহাত্ম্য শাস্ত্র সংগ্রহ করিয়া বনে বনে বেড়াইয়া বৃন্দাবনের লুপ্ত তীর্থ সকল উদ্ধার করিতে লাগিলেন ও মহা বৈরাগ্য অবলম্বন করিয়া কঠোর সাধনায় প্রবৃত্ত হইলেন ।

কনিষ্ঠ বল্লভকে সঙ্গে লইয়া রূপ গোস্বামী বারাগসীতে আসিয়া তপন-নিশ্র, চন্দ্রশেখর ও মহারাজীয় ব্রাহ্মণের সঙ্গে মিলিত হইলেন এবং তাঁহাদের মুখে সনাতনের প্রতি প্রভুর রূপা, উপদেশ ও পরমহংসদিগের মধ্যে হরি-

নাম প্রচারের বিবরণ শুনিয়া সুখী হইলেন। প্রভুর নীলাচলে যাত্রার সংবাদ গোড়দেশে পাঠাইয়া এবং দিন দশ কাশীতে বাস করিয়া দুই ভাই বঙ্গদেশে চলিলেন। বৃন্দাবনে অবস্থিতিকালে কৃষ্ণ লীলার নাটক রচনা করিবার জন্ত রূপের মনে ইচ্ছা হইয়াছিল এবং সেইখানেই গ্রন্থের স্থচনা করিয়া তাহার মঙ্গলাচরণ শ্লোক লিখিয়াছিলেন। এক্ষণে পথে যাইতে যাইতে তিনি নাটকের ঘটনা ভাবিতে লাগিলেন ও দিবাভাগে যে কিছু রচনা হইত, সন্ধ্যাকালে প্রবাসাশ্রমে বসিয়া কড়চা করিয়া লিখিয়া রাখিতে লাগিলেন। গোড়দেশে আসিয়া হঠাৎ জরবিকারে বলভের গঙ্গালাভ হইল। তাঁহার চিকিৎসা, সেবা, ও অন্ত্যেষ্টিক্রিয়া আদি, করিতে শ্রীকৃষ্ণের নবদ্বীপে আসিতে কিছু বিলম্ব হইয়া গেল। সুতরাং তিনি নবদ্বীপে পৌছিয়া দেখিলেন, গোড়ের ভক্তবৃন্দ মহাপ্রভুর নীলাচলে আগমন সংবাদ পাইয়া ইতিপূর্বে যাত্রা করিয়া চলিয়া গিয়াছেন। তাঁহার সহিত কাহারও সাক্ষাৎ হইল না। তিনি কালবিলম্ব না করিয়া একাকী উৎকলদেশে যাত্রা করিলেন।

এদিকে নিত্যানন্দ অদ্বৈত প্রভৃতি ভক্তগণ দল বাঁধিয়া নীলাচলে যাইতেছেন। শিবানন্দ সেন তাঁহাদের তত্ত্বাবধায়ক। ষাট পার করা ও পথে প্রতিপালন করার ভার তাঁহার উপর। তাঁহার সঙ্গে একটা কুকুর যাইতেছিল। সকলে নিদ্রা গেলে কুকুর গ্রহরীর কার্য্য করিত। শিবানন্দ তাহাকে বড় ভালবাসিতেন। নীলাচলের নিকটে এক রাত্রিতে তিনি পাচক ব্রাহ্মণকে জিজ্ঞাসা করিলেন ‘কুকুর ভাত পাইয়াছে ত?’ এ অনুসন্ধান তিনি প্রতি রজনীতেই করিতেন। ভৃত্য বলিল ‘না, তাহাকে আর খুঁজিয়া পাওয়া যায় নাই।’ শিবানন্দ কহিলেন ‘সে কি?’ সে রাত্রি ও পরদিন প্রাতে অনেক অনুসন্ধান করা হইল, কিন্তু কুকুরকে আর পাওয়া গেল না। যাহা হউক, সকলে ত্রস্তভাবে নীলাচলে আসিলেন। মহাপ্রভু সকলকে অভ্যর্থনা করিয়া লইয়া পূর্বের স্থায় বাসা দেওয়াইলেন। ভক্তগণ তাঁহাকে পাইয়া মহানন্দিত হইলেন। পরদিন প্রাতে শিবানন্দ প্রভৃতি ক্রীচৈতন্তের বাসায় যাইয়া দেখিয়া আশ্চর্য্য হইলেন, তাঁহাদের সেই কুকুর প্রভুর অঙ্গে বসিয়া প্রভুপ্রদত্ত নারিকেল শস্ত খাইতেছে ও আনন্দে লেজ নাড়িতেছে। ক্রীচৈতন্ত তাহাকে বলিতেছেন—‘বল, রাম কৃষ্ণ হরি।’ কথিত আছে; কুকুর দুই দিন পরে কুকুর দেহ ছাড়িয়া দিব্যদেহে বৈকুণ্ঠে গিয়াছিল।

রূপ গৌসাই আজ সত্যভামাপুরে আসিয়া পথশ্রমে নিদ্রিত। স্বপ্নে দেখিতেছেন যে, এক দিব্যান্ধনা রসগীমূর্তি তাঁহার সম্মুখে আসিয়া যেন বলিতেছেন ‘আমার নাটক তুমি পৃথকরূপে রচনা কর; আমার বরে সুন্দররূপে সম্পন্ন হইবে।’ নিদ্রাভঙ্গে রূপ ভাবিলেন ‘দেবী সত্যভামা আমাকে হারিকালীলার নাটক পৃথক করিয়া লিখিতে বলিলেন। আরি ভাবিয়াছিলাম, ব্রজলীলা ও পুরুলীলা একত্র বর্ণন করিব। ভাষা হইল না, হুই প্রস্তাবনা, হুই নান্দী, হুই ঘটনা ও হুই নাটক করিতে হইবে। দেবীর আদেশ শিরোধার্য।’ এই ভাবিতে ভাবিতে রূপ গোস্বামী প্রভাত হইলে গৃহ অতিবাহিত করিতে লাগিলেন এবং অচিরে নীলাচলে পৌছিয়া অল্প-সন্ধান করিয়া হরিদাসের বাসায় আসিয়া উপনীত হইলেন। হরিদাসের সঙ্গে তাঁহার পূর্বে রামকেলিতে অল্প পরিচয় ছিল; কিন্তু উভয়ে উভয়কে বিশেষরূপে জানিতেন। অতএব হরিদাস রূপকে পাইয়া যে খুব সুখী হইলেন, তাহাতে আশ্চর্য্য কি? শ্রীচৈতন্যের নিয়ম ছিল, প্রতিদিন জগন্নাথের উপল-ভোগ দেখিয়া হরিদাসকে দেখিতে আসিতেন। এ দিন আসিলে হরিদাস ও রূপ দণ্ডবৎ প্রণাম করিলেন। প্রভু প্রথমতঃ রূপকে তত লক্ষ্য করেন নাই। হরিদাসকে আলিঙ্গন করিতে গেলে হরিদাস বলিলেন ‘রূপ প্রণাম করিতেছেন।’ মহাপ্রভু রূপের নাম শুনিয়া ও যুগপৎ তাঁহাকে দেখিয়া দ্বিমুখে আনন্দে মগ্ন হইলেন এবং গাঢ় আলিঙ্গন করিয়া কাছে বসাইয়া কত কথা জিজ্ঞাসা করিতে লাগিলেন। শ্রীচৈতন্য জিজ্ঞাসা করিলেন ‘সনাতন কোথায়?’ রূপ উত্তর করিলেন ‘তাঁর সঙ্গে আমার সাক্ষাৎ হয় নাই; আমি গঙ্গাতীর-পথে আসিতেছি। প্রমাণে আসিয়া, শুনিলাম, তিনি জঙ্গ-পথে বৃন্দাবন বাজা করিয়াছেন।’

শ্রীচৈতন্য। অল্পম? চৈতন্যদেব আদর করিয়া বল্লভকে অল্পম বলিয়া ডাকিতেন।

রূপ। আসিতে আসিতে গোড়দেশে তাঁহার গদা প্রাপ্তি হইয়াছে।

শ্রীচৈতন্য শুনিয়া হৃৎকম্প প্রকাশ করিলেন। অনেক কথা বার্তার পর রূপ গৌসাইকে হরিদাসের তত্ত্বাবধানে রাখিয়া মহাপ্রভু বিদায় হইয়া গেলেন। পরদিন অষ্টমত, নিত্যানন্দ, গদাধর, রামানন্দ, স্বরূপ, প্রভৃতিকে সঙ্গে আনিয়া শ্রীচৈতন্য রূপের সঙ্গে পরিচয় করিয়া দিলেন এবং সকলকে বলিলেন ‘তোমরা রূপকে রূপা কর, যেন ইনি রসশাস্ত্র ও ভক্তিশাস্ত্র প্রকাশ

‘করিতে সমর্থ হন।’ রূপের বিনয় ও সৌজন্তে সকলেই মুগ্ধ হইলেন। রূপ সকল ভক্তের প্রিয়পাত্র হইয়া উঠিলেন।

রূপ গোস্বামী হরিদাসসঙ্গে নিভৃতে পরমসুখে বাস করিতেছেন। চৈতন্যদেব প্রত্যহ আসিয়া তাঁহাদের সঙ্গে শ্রীতি-আলাপ ও বনিষ্ঠতা করিয়া যান। ক্রমে জগন্নাথদেবের রথযাত্রা নিকটবর্তী হইল। পূর্বের ন্যায় শুণ্ডিচা-সার্জ্জন, বন্য ভোজন, রথাগ্রে নৃত্যকীর্তন, সকলই হইল। রূপ দেখিয়া শুনিয়া কৃতার্থ হইলেন। রথের সম্মুখে চৈতন্যদেব ভাবে বিভোর হইয়া সামান্য একটা আদিরসের শ্লোক পুনঃ পুনঃ আবৃত্তি করিয়া নাচিতে লাগিলেন। ভক্তগণের মধ্যে স্বরূপ ব্যতীত কেহই সেই শ্লোকের সঙ্গে প্রভুর মনের ভাবের যোগ কি, বুঝিতে সমর্থ হইল না। সকলেই মুগ্ধ চাওয়া চাহি করিয়া ভাবিতে লাগিলেন ‘প্রভু একরূপ শ্লোক কেন আবৃত্তি করিতেছেন?’ সে শ্লোকটি এই:—

“যঃ কোমারহরঃ স এব হি বর স্তা এব চৈত্রক্ষণা
স্তে চোগ্নীলিতমাণতীস্বরভয়ঃ প্রোচাঃ কদম্বানিলাঃ ।
স। চৈবান্মি তথাপি তত্র সুরত-ব্যাপার লীলা-বিধৌ
রেবা-রোধসি বেতসীতরু তলে চেতঃ সমুৎকণ্ঠ্যতে” ।

কোন নারীকা বলিতেছে ‘সখি! যিনি কোমার কালে আমার মন হরণ করিয়াছিলেন, এখনও তিনিই আমার কান্ত; সেই সকল মধুসামিনীও বর্তমান; তির্ধনকার মত বিকশিত মালতীস্বরভি সম্পূর্ণ পরম সুখ বসন্তানিলও প্রবাহিত হইতেছে; এবং সেই আমিও রহিয়াছি; তথাচ লীলাস্থান রেবাভীরের সেই বেতসীকানন মনে করিয়া আমার চিত্ত উৎকণ্ঠিত হইতেছে।’

রথ কুরাইয়া গেলে ভক্তগণ বে বাহার স্থানে চলিয়া গেলেন; রূপ গোস্বামী বাসায় আসিয়া চৈতন্যের মনে মনে ভাবানুযায়ী সেই শ্লোকের অনুরূপ শ্লোক তালপত্রে লিখিয়া চাটল শুষ্কিয়া রাখিয়া দিলেন। রূপ রচিত শ্লোক এই:—

‘প্রিয়ঃ সোহয়ং কৃষ্ণঃ সহচরি কুরুক্ষেত্রমিলিত
সুধাহং সা রাধা তদিদমুভয়োঃ সঙ্গমসুখং ।
তথাপ্যন্তঃ খেলনমুরমুরলীপঞ্চমজুষে

মনো মে কালিন্দীপুলিনবিপিনায় স্পৃহয়তি” ।

কুরুক্ষেত্রে কুরুসঙ্গে মিলিতা হইয়া শ্রীরাধা সখীকে বলিতেছেন 'হে সখি !
সেই বৃন্দাবনবিহারী প্রাণবল্লভ হরি এখানে উপস্থিত ; আমিও সেই ; রাধা
মিলিতা হইয়াছি ; আমাদের মিলনজনিত সুখও সেইরূপ ; তথাপি শ্রীবৃন্দা-
বনের নিকুঞ্জ কাননোখিত মধুর মুরলী-ধ্বনি, বাহা বসুনা-পুলিন আন্দোলিত
করিয়া ক্রীড়া করিয়া বেড়াইত, মনে ভাবিয়া আমার মন উদ্বিগ্ন হইতেছে ।'

জগন্নাথের রথযাত্রায় শুণ্ডিচা স্থিতি, রাধাকৃষ্ণের কুরুক্ষেত্রমিলনাভিনয়
স্মরণ করিয়া মহাপ্রভুর ভাবপ্রবণ হৃদয় পূর্ণোদ্ভূত আদি রসের শ্লোকাবৃত্তি
করিয়া তাহা প্রকাশ করিয়াছিল । সুচতুর রূপ বুদ্ধিতে পারিয়া তাহা এই-
শ্লোকে নিবদ্ধ করিয়া রাখিলেন ।

পরদিন রূপ সমুজ্জ্বলানে গিয়াছেন । শ্রীচৈতন্য হরিদাসের বাসায় আসিয়া
উর্দ্ধে চাহিতে হঠাৎ তালপত্রে সেই শ্লোক দেখিয়া প্রেমান্বিত হইয়া পড়ি-
লেন । রূপ স্নানান্তে আসিয়া তাঁহাকে তদবস্থ দেখিয়া সাত্ত্বিক প্রণাম
করিলেন । চৈতন্য তাঁহার পৃষ্ঠে প্রেমের চাপড় মারিয়া জিজ্ঞাসা করিলেন
'আরে ! তুই আমার মনের ভাব কেমন করিয়া জানিনি ?' এবং ঐ শ্লোক-
স্বরূপকে দেখাইয়া বলিলেন 'বল দেখি, রূপ আমার মনের কথা কেমন
করিয়া টের পাইল ?'

স্বরূপ উত্তর করিলেন 'তোমার রূপায় ।' শ্রীচৈতন্য বলিলেন 'প্রয়াগের
প্রথম আলাপেই বুঝিয়াছিলান, ইনি খুব উচ্চ প্রকৃতির লোক । যোগ্যপাত্র
বিবেচনায় আমি ইহাকে অনেক উপদেশ দিয়াছি । তুমিও তাঁহাকে রস-
শাস্ত্রের নিগূঢ়তত্ত্ব সকল বলিয়া দিও ।'

শ্রীরূপ গোস্বামী বাসায় বসিয়া আপন অভিলষিত নাটক লিখিতেছেন ।
হঠাৎ শ্রীচৈতন্য আসিয়া 'কি পুঁথি লিখিতেছ ?' বলিয়া একটি পাতা তুলিয়া
লইলেন । রূপের হস্তাক্ষর মুক্তা-পংক্তির আয় পরম সুন্দর । গৌর দেখিয়া
বড় সুখী হইলেন এবং ভাবাবেশে অক্ষরের স্তুতি করিতে লাগিলেন । অক্ষ-
রের বিষয়, শ্লোক দেখিয়া তাঁহার প্রেমাবেগ আরও উখলিয়া উঠিল । তিনি
পড়িতে লাগিলেন :—

"তুণ্ডে তাণ্ডবিনী রতিং বিতম্বতে তুণ্ডাবলি-লক্শ্নে
কর্ণকোড়কড়ম্বিনী ঘটয়তে কর্ণারুদেভ্যঃ স্পৃহাং ।

চেতঃ প্রাঙ্গণসঙ্গিনী বিজয়তে সর্বেশ্বরিয়াণাং কৃতিং

নো জানে জনিতা কিয়দ্বিরম্ভৈঃ কৃষ্ণেতি বর্ণদ্বয়ী ।"

জানি না 'কৃষ্ণ' এই দুইটা বর্ণ কত অমৃত দিয়া গঠিত হইয়াছে ? যখন ইহা রসনায় নৃত্য করিতে থাকে, তখন রসনাশ্রেণি লাভের জন্য বাসনা হয়। যখন কর্ণরঞ্জে অক্লুরিতা হয়, তখন দশকোটি কর্ণলাভের স্পৃহা বলবতী হয়, এবং চিত্তপ্রাঙ্গণে প্রবেশ করিলে সকল ইন্দ্রিয়-ব্যাপার স্তম্ভিত হয়।

শ্রীচৈতন্য নামানন্দে বিভোর হইলেন ; হরিদাস নাচিতে লাগিলেন এবং শত মুখে শ্লোকের প্রশংসা করিয়া বলিলেন 'এমন নাম মাহাত্ম্য ত কখন শুনি নাই।' গৌর উঠিয়া বাইবার সময় রূপকে ইসারায় বলিলেন 'রূপ! কৃষ্ণকে ব্রজ হইতে বাহির করিও না ; কৃষ্ণ কখন ব্রজ ছাড়িয়া অত্র বাস না। যদুবংশ সম্ভূত কৃষ্ণ অত্র ব্যক্তি ; কিন্তু ব্রজেন্দ্র নন্দন কখন বৃন্দাবন ছাড়েন না।'।

শ্রীচৈতন্য চলিয়া গেলে রূপ বিম্বিত হইয়া ভাবিতে লাগিলেন 'পূর্বে সত্যভামা দেবী স্বপ্নে দুই নাটক করিতে অনুমতি দিয়াছেন। এখন দেখিতেছি, প্রভুর আজ্ঞা ও তাহাই। আগে দুই নাটকের একত্র রচনা করিয়াছি। বাহা হউক, এখন দুই নান্দী, দুই প্রস্তাবনা ও দুই সংঘটনা পৃথক রচনা করিব।' এইরূপে রূপ গোসাই নাটক রচনার গাঢ় মনোযোগ করিলেন।

একদিন শ্রীচৈতন্য, সার্বভৌম ভট্টাচার্য্য, রামানন্দ রায়, স্বরূপ, অষ্টবর্ত, গদাধর, নিত্যানন্দ, প্রভৃতি বহুবিধ ভক্তবৃন্দ সঙ্গে লইয়া হরিদাসের কুটীরে আসিয়া সভা করিয়া বসিলেন। রূপ ও হরিদাস পিড়ার নীচে উপবেশন করিলে গৌর তাঁহার হৃদয়ানুবাদের শ্লোকটা পড়িয়া শুনাইতে . রূপকে আদেশ করিলেন। রূপ লজ্জায় মৌনী হইলে স্বরূপ গোসাই সেই শ্লোক ভক্তবৃন্দকে শুনাইয়া শ্রবী করিলেন। শ্রীচৈতন্য রূপকে নাটকের নাম-মাহাত্ম্যের শ্লোক পড়িতে আদেশ করিলে রূপ তাহা প্রতিপালন করিলেন। ভক্তগণ শ্লোক শুনিয়া রূপের ভূয়সী প্রশংসা করিতে লাগিলেন। রামানন্দ রায় জিজ্ঞাসা করিলেন—'কি কোন গ্রন্থ রচনা করিতেছ ?' স্বরূপ রূপের হইয়া উত্তর করিলেন 'হাঁ, পুরলীলা ও ব্রজলীলা বিষয়ক কৃষ্ণলীলাঙ্গক নাটক লিখিতেছিলাম। প্রভুর আজ্ঞায় এখন গ্রন্থ খানিকে দু'ভাগ করিয়া ললিত-মাধব ও বিদগ্ধমাধব নামে দুই খানি প্রেমরসপূর্ণ উৎকৃষ্ট নাটক রচনা করিতেছেন।' রায় কহিলেন 'নান্দী-শ্লোক পড় দেখি শুনি।'।

রূপ তাহা পড়িলেন। রামানন্দ রায় একে একে প্রশ্ন করিয়া গ্রন্থের

অনেকাংশ শুনিয়া লইলেন। শ্রীকৃষ্ণ গৌরের অনুমতি লইয়া মধুর ভাষায় পাত্র-সন্নিবেশ, প্ররোচনা, প্রেমোৎপত্তি, পূর্বানুভূতি, বিকারচেষ্টা, প্রণয়-পত্রিকা, ভাবের স্বভাব, সহজ প্রেমের প্রকৃতি, মুরলীনিশ্বন, ও দ্বিতীয় গ্রন্থের নান্দী প্রভৃতি অংশ আবৃত্তি ও ব্যাখ্যা করিয়া সভাস্থ সকলকে মুগ্ধ করিলেন এবং অবশেষে অতি বিনীতভাবে রামানন্দ রায়কে সম্বোধন করিয়া বলিতে লাগিলেন ;—‘কোথায় স্বর্ঘ্য সম আপনি ? আর কোথায় ক্ষুদ্র খদ্যোতিক আমি ? আপনার আগে যে ঐশ্বর্য করিয়া মুখ-বাদান করিলাম, অনুগ্রহ করিয়া সে অপরাধ মার্জনা করিতে হইবে।’

রায় জিজ্ঞাসা করিলেন ‘দ্বিতীয় নাটকের পাত্র-সন্নিবেশের অংশ বল দেখি ?’ ‘কলানিধি নাচিতে নাচিতে রঙ্গভূমি মধ্যে কিরাতরাজের প্রাণ-সংহার করিয়া বধা সময়ে তারার পাণিগ্রহণ করিবেন’ শ্লোক আবৃত্তি করিয়া কৃষ্ণ কহিলেন ‘এ শ্লোক দ্ব্যর্থ। ইহাতে অব্যক্ত ভাবে নাটকের বিষয় সূচিত হইয়াছে। ইহার নাম উদ্ঘাত্যক প্রস্তাবনা।’ রামানন্দ রায় তখন শ্রীচৈতন্যকে বলিতে লাগিলেন ‘সহস্রমুখে রূপের কবিতার প্রশংসা করিতে হয়। অমৃতধারার আয় ইহাতে কি মধুর প্রেমপারিপাট্যই বর্ণিত হইয়াছে ! সে কবি কবিই নয়, আর সে ধানুকী বীরই নয়, বাঁহাদের কাব্য রচনা ও শক্তিরূপে পরস্পরকে বিদ্ধ হইয়া তাহার মাথা না ঘুরাইয়া দেয়। রূপের কবিতা উহাতে কৃতকার্য হইয়াছে।’ কৃষ্ণকে বলিলেন ‘আচ্ছা, কৃষ্ণ ! একবার তোমার নাটকবয়ে, ইষ্টদেব বন্দনা শুনাও দেখি ?’

কৃষ্ণ এবার মুস্থিলে পড়িলেন ও মাথা হেঁট করিয়া নীরবে থাকিলেন। গৌর বলিলেন ‘লজ্জা কি ? বৈষ্ণবসমাজে গ্রন্থের কল শুনাইবে ; এ তো তোমার সৌভাগ্য !’ কৃষ্ণ অগত্যা পড়িলেন :—

“পূর্বে যে মধুর রস জগতে আর কখন প্রদত্ত হয় নাই, সেই নিজ ভক্তি-সম্পদ প্রদান করিবার জন্ত যিনি কৃপা করিয়া কলিযুগে অবতীর্ণ হইয়াছেন, ও বাঁহার অঙ্গকান্তি সুবর্ণকান্তি হইতেও সুন্দর, সেই শচীনন্দন হরি তোমা-দের হৃদয় কন্দরে প্রকাশিত হউন।’

এই পর্য্যন্ত শুনিয়াই গৌর রোষাবেশে বলিয়া উঠিলেন—‘আর না, ঢের হইয়াছে। হায় ! কৃষ্ণরস-কাব্য-সুধাসিকুর নির্মল জলে অতিস্তুতি রূপ আরজল কেন মিশাইয়া ফেলিয়াছ ? ইহাতে সব যে নষ্ট হয়ে গেল !’

রামানন্দ রায় হাসিতে হাসিতে উত্তর করিলেন—‘না, তা কেন হবে ?

‘রূপের অমৃত সুধারস কবিতার মধ্যে এক বিন্দু কপূরকণা প্রদত্ত হয়েছে বই ত নয় ? ইহাতে আশ্বাদনের আরও ঔৎকর্ষ সাধিত হইয়াছে ।’

গৌর সেইরূপ বিরক্তির সহিত বলিলেন ‘ছি! ছি! ইহাতেও তোমার আনন্দ ? এ যে উপহাসের কথা ! কোথায় লজ্জিত হইবে, না আনন্দ প্রকাশ করিতেছ ?’

রামানন্দ উত্তর করিলেন ‘অভীষ্টদেবের বন্দনা কে না করিয়া থাকে ? আপনি ইহাতে এত আশঙ্কাই বা কেন করিতেছেন ? ইষ্টদেবতাকে কি কেহ কৃষ্ণ হইতে স্বতন্ত্র মনে করিতে পারে ?’

গৌর নীরব হইলেন । ভক্তগণ বলিয়া উঠিলেন ‘আমরা রূপের কবিতা শুনিয়া মুগ্ধ হইয়া গিয়াছি ।’ রামরায় গৌরকে বলিলেন ‘রূপ তোমার শক্তি প্লাইয়াছে; তাই এ সব রসলীলা বর্ণন করিতে সমর্থ হইয়াছে ।’

গৌর । তোমরা সকলে রূপা করিয়া ইহাকে বর দাও, যেন ইনি প্রেমরসপূর্ণ ব্রজলীলা বর্ণন করিতে সমর্থ হন । ইহার জ্যেষ্ঠভাই সনাতনের স্তায় বিজ্ঞ ব্যক্তি চক্ষে দেখা যায় না । তোমার ন্যায় ভীষ্মের বৈরাগ্য, পাণ্ডিত্য, ও দৈন্য । ইহাদের দুই ভাইকে আমি বৃন্দাবনে ভক্তিশাস্ত্র প্রচার করিতে নিযুক্ত করিয়াছি ।

রাম রায় । আপনার যখন ইচ্ছা হয়েছে, অবশ্যই তাহা পূর্ণ হইবে ।

গৌর তখন রূপকে একে একে সকল ভক্তের পাদবন্দনা করিতে বলিলে রূপ তাহাই করিলেন ।

সভাভঙ্গ হইল । ভক্তগণ বিদায় হইয়া গেলে হরিদাস রূপকে বলিলেন ‘তোমার ভাগ্যের সীমা নাই । যে সব তত্ত্ব বর্ণনা করিয়াছ, তাহা অতি হৃদ্য ।’

রূপ বলিলেন ‘আমি সামান্ত ব্যক্তি । আমি কি জানি ? মহাপ্রভুর প্রেরণায় যে কিছু বলিতে পারি ।’

চারিমাস পরে গৌড়দেশের ভক্তগণলী স্বদেশে চলিয়া গেলে রূপ গোসাই দোলষাত্রা পর্য্যন্ত নীলাচলে থাকিয়া শ্রীচৈতন্যের সহিত জগন্নাথের দোলষাত্রা দর্শন করিলেন । তাহার পর চৈতন্যদেব রূপকে আলিঙ্গন করিয়া বলিলেন ‘বৃন্দাবনে যাও; দুই ভাই মিলিত হইয়া ভক্তি ও রসশাস্ত্র প্রচার, লুপ্ততীর্থ উদ্ধার, ও কৃষ্ণসেবা করিও । আমার একবার তথায় ঘাইবার ইচ্ছা আছে । আর সনাতনকে একবার এখানে পাঠাইয়া দিও ।’ রূপ

গৌসাই গৌরকে প্রণামবন্দনা করিয়া, হরিদাস ও অন্যান্য ভক্তগণের নিকট বিদায় লইয়া নীলাচল হইতে নিষ্কান্ত হইয়া বঙ্গদেশ দিয়া বৃন্দাবন যাত্রা করিলেন ।

সপ্তদশ পরিচ্ছেদ ।

ছোট হরিদাসের দণ্ড ।

শতানন্দ খাঁ নামে একজন লোক অতিশয় বিষয়াসক্ত ছিলেন । তাঁহার জ্যেষ্ঠ পুত্র ভগবান্ আচার্য্য বিষয়-বিস্মৃৎ বৈরাগ্যপ্রবণ চিত্ত । পিতার অবস্থা বিষয় পিপাসা দেখিয়া ভগবান্ বিরক্ত হইলেন এবং বৈরাগ্যপ্রিয় করিয়া নীলাচলে বাইয়া ত্রীচৈতন্ত চরণে আশ্রম-সমর্পণ করিলেন ; একথা পূর্বে বলা হইয়াছে । ভগবান্ পরম বৈষ্ণব ও সুপণ্ডিত ; সুতরাং ক্রমে স্বরূপ গোস্বামীর সঙ্গে তাঁহার প্রগাঢ় সখ্যতা জন্মিল । মহাপ্রভু ভগবান্কে বিশেষ কৃপা করিতে লাগিলেন । অন্ত্যস্ত সঙ্গুণের মধ্যে ভগবান্ অতি সুপাচক ছিলেন । মাঝে মাঝে নানা সুস্বাদু ব্যঞ্জনাদি পাক করিয়া তিনি ত্রীচৈতন্তকে নিমন্ত্রণ করিয়া খাওয়াইতেন । ভগবানের কনিষ্ঠ সহোদরের নাম গোপাল ভট্টাচার্য্য । ইনি কাশীতে বেদান্ত পাঠ সমাপন করিয়া পুরুষোত্তমে জ্যেষ্ঠের নিকট আগমন করিলেন । ভগবান্ তাহাকে পাইয়া খুব সুখী হইলেন এবং ত্রীচৈতন্তের সহিত মিলিত করিয়া দিয়া বেদান্ত-প্রসঙ্গ করিতে বলিলেন । গোপালের শারীরিক ভাষ্যের ব্যাখ্যা শুনিয়া চৈতন্তদেব হৃদয়ে সুখ পাইলেন না । কিন্তু ভগবানের খাতিরে মুখেও কিছু প্রকাশ না করিয়া গোপালকে মিষ্ট কথা বলিয়া বিদায় করিয়া দিলেন । অত্রদিনে ভগবান্ আচার্য্য স্বরূপ গৌসাইকে বলিলেন ‘এসো, আজ সকলে মিলে গোপালের নিকট বেদান্ত ভাষ্য শুনিগে । গোপাল কাশী থেকে বড় সুশিক্ষিত হয়ে এসেছে ।’

স্বরূপ গৌসাই প্রণয়কোপ প্রকাশ করিয়া কহিলেন ‘গোপালের সঙ্গে থেকে দেখছি তোমার বুদ্ধিব্রষ্ট হয়েছে ; তাই মায়াবাদ ভাষ্য শুনিতে কোতুক হয়েছে । মায়াবাদটা কি, তা কি জান না ? তুমি, আমি, সকলই বস্তু ; কৃষ্ণ যে সকলের সেব্য, তা’ তা’তে নাই । এ হেন মায়াবাদ শুনে শ্রদ্ধা কি প্রদান করিবে ?’

ভগবান্ উত্তর করিলেন ‘আমাদের কৃষ্ণগত প্রাণি; আমাদের মম কি শারীরিক ভাষা ফিরাইতে পারে?’

স্বরূপ বলিলেন ‘তথ্যচ মায়াবাদ শ্রবণ বৈষ্ণবের নির্বিঘ্ন। জীবজান বলিত, ঈশ্বরে অজ্ঞান, এ সব কথা শ্রবণাই নয়।’

ভগবান্ লজ্জায় অধোবদন হইলেন। দিন দুই পরে গোপাল দেশে চলিয়া গেলেন।

ইহার পর একদিন ভগবান্ আচার্য্য শ্রীচৈতন্যকে ভোজনের নিমন্ত্রণ করিলেন এবং নানাবিধ তরকারী পাক করিয়া ছোট হরিদাসকে বলিলেন ‘তুমি শিখি মাইতির ভগিনীর নিকট এক মোন উত্তম আতব চাউল ভিক্ষা করিয়া আনগে। তাঁহাকে বলিও, প্রভু ঐ চাউলের অন্ন ভোজন করিবেন।’

ছোট হরিদাসের নাম পূর্বে উল্লিখিত হইয়াছে। এ ব্যক্তি শ্রীচৈতন্যের ঐকজন কীর্তনীয়া; স্মৃষ্টি কীর্তনে প্রভুর চিত্তবিনোদন করিত এবং তাঁহার বাসায় অবস্থিতি করিত।

শিখি মাইতির ভগিনীর নাম মাধবী দেবী। তিনি বৃদ্ধা তপস্বিনী ও পরম বৈষ্ণবী। শ্রীচৈতন্য স্বয়ং অনেক সময়ে তাঁহাকে শ্রীরাধিকার পরিচরিকার মধ্যে গণনা করিয়া বলিতেন ‘জগতের মধ্যে সাড়ে তিন জন মাত্র শ্রীরাধিকার প্রিয়পাত্র; স্বরূপ, রামানন্দ, ও শিখি মাইতি, এবং অর্ধেক তাঁহার ভগিনী।’ বাহা হউক, সরলমতি হরিদাস চাউল আনিয়া দিলে অন্ন পাক হইল। শ্রীচৈতন্য ভোজনে বসিয়া অন্নের রূপ দেখিয়া ও সুগন্ধ লইয়া খুব আনন্দিত হইয়া আচার্য্যকে জিজ্ঞাসা করিলেন ‘এমন উত্তম তত্ত্ব কোথায় পেয়েছ?’ আচার্য্য উত্তর করিলেন ‘মাধবী দেবীর কাছে ভিক্ষা করিয়া আনা ইয়াছি।’ শ্রীচৈতন্য পুনরায় জিজ্ঞাসিলেন, ‘কে ভিক্ষা আনিতে গিয়াছিল?’ আচার্য্য ছোট হরিদাসের নাম করিলেন। শ্রীচৈতন্য আর কিছু প্রকাশ না করিয়া ভোজন করিলেন এবং বাসায় আসিয়া গোবিন্দকে বলিয়া দিলেন ‘আজ হইতে হরিদাসকে এখানে আসিতে দিও না।’ গোবিন্দ প্রভুর আজ্ঞা প্রতিপালন করিল। ছোট হরিদাসের গৌরান্দর্শনে যাওয়া বন্ধ হইল। সরলমতি কীর্তনীয়া তাহার অপরাধ কি, বুঝিতে না পারিয়া দুঃখে ভ্রিয়মাণ হইল এবং তিন দিন অনাহারে থাকিয়া গৌরবিরহে দুঃখ হইতে লাগিল।

স্বপ্নাদি শ্রীচৈতন্যের নিকটে বাইয়া বিনীতভাবে নিবেদন করিলেন 'প্রভু! হরিদাস কি অপরাধ করিয়াছে যে, তাহার জ্ঞান দ্বার নিষিদ্ধ হইয়াছে? বেচারী তিন দিন পর্য্যন্ত উপবাসী আছে।'

শ্রীচৈতন্য উত্তর করিলেন 'গৃহত্যাগী বৈরাগী হইয়া যে প্রকৃতি সম্ভাবণ করে, আমি তাহার মুখ দেখিতে চাই না। জান না কি আমাদের ইচ্ছায় সকল কেমন দুর্ব্বার? তা'তে আবার জীসঙ্গ। কাঠনির্ম্মিত জীমূর্ত্তিও মুনি জনের মন টলাইয়া দিতে শুনা গিয়াছে। অথ জীলোকের কথা দূরে থাকুক, বৈরাগীর পক্ষে মাতা, ভগিনী, কিংবা কন্ডার সঙ্গেও নিঃস্বর্গে থাকা উচিত নয়। এই সব ক্ষুদ্রপ্রাণী লোক নির্ম্মল বৈরাগ্য ধর্ম্মে কলঙ্ক দিতে বসিয়াছে; তাই মর্কট বৈরাগ্যের ছলনায় জীসম্ভাবণ করিয়া ইচ্ছায় চালনার সুবিধা করিয়া লইতেছে।'

শ্রীচৈতন্য সন্ন্যাসীদের উত্তর দিবার অবকাশ না দিয়া যোযন্তরে গৃহভ্যন্তরে চলিয়া গেলেন।

অত্রদিনে অবসর পাইয়া বন্ধুগণ শ্রীচৈতন্যকে হরিদাসের জ্ঞান নিবেদন করিলেন 'তাহার বিলক্ষণ শিক্ষা হয়েছে। আর এমন কর্ম্ম করিবে না। আপনি প্রসন্ন হউন।'

গৌর পূর্ব্বের স্থায় দৃঢ়তা-ব্যঞ্জকস্বরে উত্তর করিলেন 'কি করিব বল? আমার নিজের মন আমার বশ নয়। প্রকৃতি-সম্ভাবী বৈরাগীকে সে দেখিতে চায় না। তোমরা নিজ নিজ কর্ম্ম করগে; এ কথা ছাঁড়িয়া দাও। পুনরায় একথা তুলিলে আমাকে এখানে দেখিতে পাইবে না।'

ইহা শুনিয়া বৈষ্ণবগণ কাণে হাত দিয়া উঠিয়া গেলেন। এনারে সকলে যুক্তি আঁটিয়া পরমানন্দ পুরীকে ধরিলেন। পুরী গৌসাই মহাপ্রভুর বাসায় আসিয়া উপস্থিত। প্রভু প্রণাম করিয়া জিজ্ঞাসিলেন 'কি জ্ঞান আগমন হয়েছে? দাসের প্রতি কি আজ্ঞা?' পুরী একেবারেই বলিয়া বসিলেন 'হরিদাসকে প্রসন্ন হও।' এ কথা শুনিয়া চৈতন্যের মুখ গম্ভীর হইল। তিনি বলিলেন 'গুরুদেব! আপনি এই সব বৈষ্ণব লইয়া এখানে থাকুন; আমাকে আজ্ঞা দিন, কেবল মাত্র গোবিন্দকে সঙ্গে লইয়া আলালনাথে চলিয়া যাই।' এই বলিয়া গোবিন্দকে ডাকিয়া শ্রীচৈতন্য গমনোন্মুখ হইলেন। পুরী গৌসাই মহা কঁাকরে পড়িলেন এবং আন্তেব্যস্তে গৌরকে কিরূপে লইয়া বলিলেন 'তোমার বাহা ইচ্ছা কর; তোমাকে কে

‘চাঁদাইতে পারে? লোকের হিতের জন্ত তুমি বাহা করিবে, আনাদের সাধ্য’ কি যে তাঁহার সম্মানধারণ করিতে পারি?’

তখন স্বরূপাদি ভক্তগণ নিরাশ্বাস হইয়া হরিদাসের নিকট বাইরা বুঝাইতে লাগিলেন ‘শুন ভাই হরিদাস! আমরা যে তোমার বন্ধু, তাহা বিশ্বাস কর। আমরা অনেক চেষ্টা করিয়াও মহাপ্রভুর মনের গতি কিরূপে জানিতে পারিলাম না। ইহার উপর তুমি যদি রাগ করিয়া থাক, তবে আরও বিপদ বাড়িবে। অতএব মন ভোজন করিয়া এখন সুস্থ হও।’ মনে সব চুকিয়া যাইবে।’

হরিদাস মন ভোজন করিয়া শাপান্ত অপেক্ষা করিতে লাগিল। যখন ক্রীষ্টেত জগন্নাথ মন্দিরে, বা সমুদ্রতীরে বাইতেন অথবা অত কোন কারণে বাহির হইতেন, হরিদাস দূরে দণ্ডায়মান হইয়া প্রণাম করিত এবং একদৃষ্টে তাঁহার পানে তাকাইয়া থাকিত। চৈতন্যদেব কিন্তু কিরূপে জানিতেন না। গোঁরের অন্তঃকরণ প্রেমময় হইলেও কর্তব্য-পালন সময়ে অথবা স্নেহে তিনি কখনই দ্রবীভূত হইতেন না। ইহার প্রমাণ আমরা তাঁহার জীবনে স্মরণীয়ঃ দেখিয়াছি। হরিদাসের প্রতি যে তাঁহার আন্তরিক ভালবাসা ছিল, তাহাতে কোন সন্দেহ হইতে পারে না। কিন্তু মণ্ডলীর হিতের জন্ত ও লোক-শিক্ষা নিমিত্ত তাঁহাকে এই কঠোর ভাব অবলম্বন করিতে হইয়াছিল। পাছে পবিত্র বৈরাগ্যের নামে কলঙ্ক দিয়া লোক সকল কামিনী-কাঞ্চনে আসক্ত হইয়া পড়ে, এই ভয় তাঁহার মনে সর্বদা জাগরুক ছিল। এবং তাহাই নিবারণ করিতে রাজদর্শন ও প্রকৃতি-সম্ভারণ বিষয়ে তাঁহাকে ক্রম কঠোর নিয়ম অবলম্বন করিতে হইয়াছিল। এই সব নিয়ম সত্ত্বেও ছোট হরিদাসের ঘটনার ত্রাণ মধ্যে মধ্যে যে দুই একটা ঘটনা ঘটিত, ইহাই আশ্চর্যের বিষয়। বাহা হউক, হরিদাসের দণ্ড দেখিয়া সঙ্গীগণ বড়ই ভীত হইল। এবং সে সময়ের জন্ত কেহ আর স্বপ্নেও জীর ছায়া স্পর্শ করিত না।

দেখিতে দেখিতে হরিদাসের এক বৎসর কাটিয়া গেল। শুণ্ড ক্রীষ্টেত-ত্বের স্বদরে দাঁহার আবির্ভাবের কোন লক্ষণ দেখা গেল না। হরিদাস নির্বেদে, হৃৎথে ও অম্লতাপে কাটিয়া যাইতে লাগিলেন। বর্ষান্তপূর্ণ দিনের রজনীশেষে বিশ্বাসী হরিদাস মনে মনে এক অলৌকিক সম্বল করিয়া ক্ষেত্র হইতে চলিয়া গেলেন এবং প্রয়াগে বাইরা জন্মান্তরে গৌর-পদলাভ কামনা

করিয়া ত্রিবেণী-প্রবেশান্তর জীবন পরিত্যাগ করিলেন। বৈষ্ণবচার্য্যগণ বলিয়াছেন যে, মরণান্তে তিনি দিব্যদেহ লাভ করিয়া মহাপ্রভুর নিকটে অন্তর্দর্শনে থাকিলেন এবং অস্ত্রের অজ্ঞাতে প্রভুকে গান করিয়া শুনাইতে লাগিলেন। শ্রীচৈতন্য ভিন্ন এ সব রহস্য আর কেহ জানিতে পারিলেন না।

একদিন শ্রীচৈতন্য ভক্তগণকে জিজ্ঞাসা করিলেন ‘হরিদাস কোথায়? তাহাকে লইয়া আইস।’ সকলে উত্তর করিল ‘অভিশাপের বর্ষপূর্ণ-দিনে সে রাজিতে উঠিয়া কোথায় চলিয়া গিয়াছে, কেহ বলিতে পারে না’। শ্রীচৈতন্য শুনিয়া ঈষৎ হাসিলেন। অল্প দিনে জগদানন্দ, স্বরূপ, গোবিন্দ, কানীশ্বর, দামোদর, শঙ্কর, মুকুন্দ, প্রভৃতি দলবদ্ধ হইয়া সমুদ্র স্রোত্রে গিয়া শুনিতে পাইলেন, বিস্তীর্ণ সৈকত ভূমির দূরপ্রান্ত হইতে হরিদাসের কণ্ঠস্বরে কে বেন স্মৃষ্টি সঙ্গীত করিতেছে। তাহার শুনিবার অল্প উৎকণ্ঠ হইয়া আরও অগ্রসর হইলেন এবং শুনিয়া আশ্চর্য্য হইলেন যে, হরিদাসই বেন গান করিতেছে; অথচ কাহারও শরীর লক্ষিত হইল না। গোবিন্দাদি অনুমান করিলেন যে, হরিদাস আত্ম প্রানিতে বিব খাইয়া মরিয়াছে এবং সেই পাপে ব্রহ্ম-রাক্ষস হইয়া সমুদ্রের ধারে ধারে গান গাইয়া বেড়াইতেছে। স্বরূপ বলিলেন ‘এ মিথ্যা অনুমান; যে ব্যক্তি আজন্ম কৃষ্ণকীর্তন ও প্রভুর সেবা করিয়াছে এবং পুণ্যক্ষেত্র-নীলাচলে দেহ রক্ষা করিয়াছে; তাহার কি কখন অসদগতি হইতে পারে? এ ঘটনা এখন অতি আশ্চর্য্য বোধ হইতেছে, সন্দেহ নাই। কিন্তু আমার ধারণা যে ইহা নিশ্চয়ই মহাপ্রভুর ভঙ্গী। বাহা হউক, সময়ে সব প্রকাশ হইবে।’

হরিদাস সঙ্গ করিয়া যেখানে ত্রিবেণী-প্রবেশ করিয়াছিলেন; সেখানে আর কয়েক জন বৈষ্ণব ছিল। তাহার নবমীপে আসিয়া ঐ বৃন্তান্ত শ্রীবা-নাতি ভক্তগণকে জ্ঞাপন করিয়াছিল। বৈষ্ণব ভক্তগণ শিবানন্দ সেনের নেতৃত্বে উৎকলে আসিয়া মহাপ্রভুর সহিত মিলিত হইয়াছেন। শ্রীবাসপণ্ডিত হরিদাসের মরণ বৃন্তান্ত জানিয়া শুনিয়াও মহাপ্রভুর মন জানিবার জন্য জিজ্ঞাসা করিলেন—‘হরিদাস কোথায়?’

শ্রীচৈতন্য উত্তর করিলেন ‘স্বকর্মে-কলভুকু পুমান্।’

তখন শ্রীবাস বৈষ্ণবদিগের মুখে হরিদাসের সঙ্গ ও ত্রিবেণীতে প্রাণা-স্তব বিবরণ যেমন শুনিয়াছিলেন, সকল বিবৃত করিলে শ্রীচৈতন্য প্রসন্নচিত্তে বলিয়া উঠিলেন ‘প্রকৃতি দর্শন করিলে বৈরাগীর পক্ষে এই বিহিত প্রায়শ্চিত্ত।’

এই সব ঘটনা হইতে স্বরূপাদি সিদ্ধান্ত করিলেন, হরিন্দাস দিব্যদেহে মহাপ্রভুর অন্তর্দর্শন লাভ করিয়াছে ।

নিতাইকে গোড়ে প্রেরণ ।

যে বৎসর শ্রীকৃষ্ণ নীলাচলে আসিয়াছিলেন, সে বৎসর বঙ্গীয় ভক্তগণের সঙ্গে নিত্যানন্দও চৈতন্ত দর্শনে আসিয়াছিলেন ; এ কথা পূর্বেই বলা হইয়াছে । চারি মাসকাল ভক্তগণ প্রভুর সঙ্গে আনন্দ কৌতুকে কাটাইলেন । তাঁহাদের স্বদেশ যাত্রার দিন নিকটবর্তী হইলে গৌরচন্দ্র একদিন নিত্যানন্দকে নিভৃত স্থানে ডাকিয়া দ্বাররুদ্ধ করিয়া সমস্ত দিন পরামর্শ করিলেন । তাঁহাদের গুপ্ত মন্ত্রণার বিষয় কি ছিল, এ পর্য্যন্ত কেহ জানিতে পারে নাই । কিন্তু পরবর্তী কার্যের দ্বারা ভক্তগণ তাহা অনুমান করিতে পারিয়াছিলেন । বিদায়ের দিনে শ্রীচৈতন্ত সমস্ত ভক্তগণকে একত্রিত করিলেন এবং নিত্যানন্দকে ডাকিয়া বলিলেন 'তুমি এখন গোড়দেশে থাকিয়া নিরন্তর হরিনাম প্রচার করগে এবং প্রেমভক্তি বিলাওগে । ক্লেশ করিয়া বর্ষে বর্ষে তোমার এখানে আসিবার প্রয়োজন নাই । বঙ্গদেশ তোমাকেই অর্পণ করিলাম । বাঙ্গালী জাতির ধর্মজীবন গঠন করা তোমারই হাতে । তোমার কার্যের সাহায্যের জন্ত রামদাস, গদাধর দাস, বাহুদেব দত্ত, প্রভৃতিকে নিযুক্ত করিয়া দিলাম ।' নিত্যানন্দের পরবর্তী জীবনে দেখা যায়, ইহার পর তিনি দার-পরিগ্রহ করিয়া খড়দহে বাস করিয়াছিলেন এবং গৃহস্থ বৈষ্ণবরূপে বঙ্গের নানা স্থানে শ্রীচৈতন্তের ধর্ম প্রচার করিয়াছিলেন । তবে কি শ্রীচৈতন্তের গুপ্ত মন্ত্রণার বিষয় ইহাই ছিল যে তিনি নিতাইকে বিবাহ করিয়া গৃহস্থ হইতে উপদেশ দিয়াছিলেন ? অন্তের পক্ষে হইলে ইহা কিছুই আশ্চর্য্যের বিষয় ছিল না । কিন্তু যিনি আকুর্মাণ বিরক্ত সন্ন্যাসী, যিনি এত দিন গৌরের সঙ্গে সঙ্গে ছায়াবৃত্তায় কিরিতেছিলেন, তাঁহাকে এরূপ আদেশ কেন দেওয়া হইল ? ইহাই সমস্ত । গৌরের মনের ভাব কি ছিল, কে বলিবে ? আর নিতাই কেন পরিণয়স্বত্রে আবদ্ধ হইতে সম্মত হইলেন ? ইহাও বড় রহস্যজনক ।

অষ্টাদশ পরিচ্ছেদ ।

চৈতন্যের প্রতি দামোদরের বাক্যদণ্ড ।

পূর্ববোক্তমে এক অল্পবয়স্কা পরমাসুন্দরী ব্রাহ্মণবিধবা বাস করিতেন । তাঁহার একটা সুকুমার বালক ছিল । বালকের নিরুপম সৌন্দর্য্যে শ্রীচৈতন্য মুগ্ধ হইয়া বালককে খুব ভাল বাসিতেন । বালকের অমিয়া-মাথা মধুর সৌন্দর্য্যে কাহার না মন গলিয়া যায় ? শ্রীচৈতন্যের ত্রায় প্রেমিকের ত কথাই নাই । বালকের স্বভাব, যেখানে প্রেম পায়, সেই খানে থাকিতে ভাল বাসে । চৈতন্যদেবের ভালবাসা পাইয়া সে আর তাঁহার কাছ-ছাড়া হইতে চাহিত না । চৈতন্য পার্বদেবের মধ্যে দামোদর পণ্ডিত বড় স্পষ্টবাদী । শ্রীচৈতন্যে তাঁহার প্রগাঢ় শ্রীতি । যে কাজ বা কথা প্রভুর গৌরবের অত্যন্তমাত্রও অন্তরায়, তাহাতে তাঁহার তীক্ষ্ণ দৃষ্টি । বিধবার পুত্রকে চৈতন্যদেব এত প্রেম করেন, ইহা পণ্ডিতের সহ্য হইল না । কিন্তু কি বলিয়াই বা নিবেদন করেন, তাহাও ঠিক করিতে পারিলেন না । একদিন বালকটা শ্রীচৈতন্যের আদর-যত্ন লাভ করিয়া চলিয়া গেলে দামোদর আপনা আপনি বলিয়া উঠিলেন ‘অত্ৰকে উপদেশ দিবার বেলায় গোসাই ঠাকুর মহা পণ্ডিত ; কিন্তু নিজের বেলায় গোসাই, কেমন গোসাই, তা’ এবার জানা যাবে ।’

শ্রীচৈতন্য শুনিয়া জিজ্ঞাসা করিলেন ‘দামোদর কি বল্ছেন ?’

দামোদর উত্তর করিলেন ‘তুমি স্বাধীন পুরুষ, নিজ ইচ্ছায় মাথা আচরণ কর, তাহার উপর কথা কয় এমন ব্যক্তি কে আছে ? কিন্তু পৃথিবীর মুখে ত আর হাত দিতে পারিবে না ? তুমি মহা পণ্ডিত ; বিচার ক’রে দেখ দেখি, বিধবা যুবতীর বালককে অত্যধিক ভালবাসা দেখাইলে লোকে কি বলিবে ? বিধবা যদিও উপস্থিতি, মহাসতী ; কিন্তু তা’র দোষ এই যে সে পরমাসুন্দরী ও যুবতী । তুমিও পরম সুন্দর যুবা পুরুষ । লোকে কি এ কথা লইয়া কাণাকাণি করিতে ছাড়িবে ?’

এই বলিয়া দামোদর মৌনভাবে অবলম্বন করিলেন । শ্রীচৈতন্য মনে মনে তাঁহার অকৃত্রিম প্রেমের প্রশংসা করিলেন এবং ভাবিলেন দামোদরের ত্রায় অন্তরঙ্গ বন্ধু অতি বিরল । সে দিন আর কিছু না বলিয়া চৈতন্যদেব সমুদ্র স্নানে চলিয়া গেলেন । অত্ৰ সময়ে দামোদরকে নিভুতে ডাকিয়া শ্রীচৈতন্য বসিলেন ।

‘বন্ধো ! তুমি আমার যেমন আত্মীয়, এমন আর কেহ নাই । আমার ধর্ম রক্ষার্থে নিরপেক্ষ ভাবে সে দিন আমাকে যে কথা বলিয়াছিলে, তাহাকে আমি পরম সমুদ্র হইয়াছি । নিরপেক্ষ হইয়া শিক্ষা না দিলে কি ধর্ম রক্ষা হয় ? আমার মনে ধারণা হইয়াছে যে তুমিই আমার জননীর উপযুক্ত রক্ষক । অতএব নবদ্বীপে যাও, মার নিকটে থাকিও এবং মধ্যে মধ্যে ‘এখানে আসিয়া আমারও সুখবর্দ্ধন করিও ।’ দামোদর সম্মত হইলে শ্রীচৈতন্য শচীদেবীকে বাহা বাহা বলিয়া আশ্বস্ত করিতে হইবে, তাহা বলিয়া দিলেন এবং অনেক মহাপ্রসাদ আনাইয়া মাতাকে ও অদ্বৈতাদি ভক্তগণকে দিবার অত্র সম্ভে দিলেন ।

দামোদর যথা সময়ে নবদ্বীপে পৌছিয়া শচীদেবীর পরিচর্য্যায় নিযুক্ত হইলেন । অল্প সময়ে দামোদরের নিরপেক্ষতার কথা রৈক্যবমণ্ডলীতে রাষ্ট্র হইয়া গেল । তাঁহাকে দেখিয়া রৈক্যবগণ সন্মুচিত হইতেন । কেন না তিনি কাহাকেও মর্য্যাদা লঙ্ঘন করিতে দেখিলে বা ক্যদও করিয়া মর্য্যাদা স্থাপন করিতেন ।

বৎসরান্তে দামোদর গণ্ডিত নীলাদ্রি প্রত্যাগমন করিলে শ্রীচৈতন্য তাঁহাকে দেখিয়া সুখী হইলেন এবং মাতা ও বন্ধুগণের কুশল সংবাদ লইয়া জিজ্ঞাসা করিলেন ‘ওহে বন্ধু ! আমার মায়ের ত বিস্ম-ভক্তি অকুণ্ঠ আছে ? ভক্তিপথে ত তুমি অগ্রসর হইতেছেন ?’

দামোদর এই প্রশ্নে অসমুদ্র হইয়া শ্রীচৈতন্যকে শুনাইয়া দিলেন ‘কি ! এমন কথা জিজ্ঞাসা করিতে তোমার লজ্জা হয় না ? শচীমাতার বিস্মভক্তি নাই ? আরে ! তুমি কোথা হইতে ভক্তি পাইলে ? অমন মায়ের গর্ভে জন্মিয়াছিলে, তাহাতে ত তোমার ভক্তি ? আহা ! মা যে আমার নিরন্তর ভক্তি-সুধাসিন্ধুতে ডুবিয়া রহিয়াছেন ! তাও কি জান না ?’

শ্রীচৈতন্য মহা লজ্জিত হইয়া দামোদরকে গভীর প্রেমালিঙ্গন করিলেন এবং অপরাধ স্বীকার করিয়া ক্ষমা চাহিলেন ।

কমলাকান্ত বিশ্বাস ।

কমলাকান্ত বিশ্বাস নামে অদ্বৈতাচার্য্যের এক প্রিয় শিষ্য ছিল । এ ব্যক্তির পাগ্লাটে রকমের ভাব ছিল বলিয়া লোকে তাহাকে বাউলিয়া বিশ্বাস বলিয়া ডাকিত । অদ্বৈতাচার্য্যের অগোচরে এ ব্যক্তি কোন সময়ে নীলাচলে মহাপ্রসাদ প্রাপ্ত হইয়া এক গদ্য লিখিয়া পাঠাইয়াছিল ।

তাহাতে গেথা ছিল ‘অদ্বৈতাচার্য্য ঈশ্বরকে প্রতিষ্ঠিত হইয়াছেন ; কিন্তু দৈবযোগে তাঁহার কিছু ধন হইয়াছে । তিন শত মুদ্রা হইলে ঐ ধন পরিশোধ হইতে পারেন । অতএব মহারাজের নিকটে তিন শত টাকি বাজ্রা করিতেছি ।’ ঘটনা ক্রমে সেই পত্নী শ্রীচৈতন্তের হাতে পড়িল । পত্র পাঠ করিয়া শ্রীচৈতন্ত মনে মনে বড় হুঃখিত হইলেন ; কিন্তু একান্তে হাসিয়া ভক্তগণের সমক্ষে বলিতে লাগিলেন :—‘অদ্বৈতাচার্য্যকে ঈশ্বর বলিয়া যে উল্লেখ করিয়াছে, তাহাতে আমি তত দোষ দিই না ; কারণ আচার্য্য ঐশ্বর্য্য-শালী মহাপূজনীয় ভক্ত । কিন্তু ঈশ্বরের ডান ও দৈন্য করিয়া যে অর্থ ভিক্ষা করিয়াছে, এ মহা অপরাধের কথা । এ জন্ত তাহাকে আমি সমুচিত শিক্ষা দিব ।’ এই বলিয়া চৈতন্যদেব গোবিন্দকে ডাকিয়া বলিয়া দিলেন ‘কদাচ বাউলিয়া বিশ্বাসকে এখানে আসিতে দিবে না ।’

কমলাকান্ত দণ্ডাজ্ঞা লনিয়া মহাহুঃখিত হইল । কিন্তু অদ্বৈতাচার্য্য তাহাতে হুঃখী হইলেন । যখন বিশ্বাস অদ্বৈতের নিকটে কাঁদিতে লাগিল, তখন আচার্য্য তাহাকে বুঝাইতে লাগিলেন :—‘তোমার ভাগ্যের সীমা নাই, প্রভু যখন তোমাকে দণ্ড করিয়াছেন । এই দণ্ড-প্রসাদ পাইবার জন্ত পূর্বে আমি কি না করিয়াছিলাম ? অবশেষে জ্ঞানপক্ষে বাশিষ্ঠ ব্যাখ্যা করিয়া প্রভুর ক্রোধোদ্দীপন করিয়া দণ্ড লাভ করিয়া কৃতার্থ হইয়াছিলাম । যে দণ্ড ভাগ্যবান্ মুকুন্দ পাইয়াছিলেন, যে দণ্ড ভাগ্যবতী শচীদেবী লাভ করিয়াছিলেন, সে দণ্ড-প্রসাদ কি যে সে লোক পায় ? তাই বলি তোমার ভাগ্যের সীমা নাই ।’ এই বলিয়া আচার্য্য বিশ্বাসকে আশ্বস্ত করিয়া শ্রীচৈতন্তের নিকটে আসিলেন এবং সহাস্তে জিজ্ঞাসা করিলেন ‘প্রভু ! তোমার লীলা বুঝা ভার । আমি কি অপরাধ করিয়াছি, যে আমা অপেক্ষা কমলাকান্ত তোমার প্রসাদ-পাত্র হইল ? আমি যে কত দিন তোমার দণ্ড প্রসাদ পাই নাই ।’

শ্রীচৈতন্ত হাসিয়া কমলাকান্ত বিশ্বাসকে ডাকাইলেন এবং ভক্তগণ-সমক্ষে তাহাকে উপদেশ দিতে লাগিলেন । অভিপ্রায় যে সকলে সে উপদেশানুসারে চরিত্র গঠন করে । শ্রীচৈতন্ত বলিলেন ‘বিশ্বাস ! এমন পত্র কেন লিখিতে গিয়াছিলে ? ইহাতে যে আচার্য্যের লজ্জা ও দম্ভের হানি হইয়াছে, জান না কি ? রাজার ধন প্রতিগ্রহ করিলে ও বিষয়ীর অন্ন খাইলে ভোগবিলাস লোলুপ হইয়া মন কলুষিত হয় । মন কলুষিত হইলে ভগবৎ-স্মরণ হয় না । যে ভগবদ্বিশুদ্ধ, তাহার জীবন বৃথা । অতএব এমন কর্ম

আর কখন করিও না।' আচার্য্যের অভিপ্রায় বুঝিয়া চৈতন্যদেব কমলাকান্তকে সেবারকার মত ক্ষমা করিলেন।

যিনি ছোট হরিদাসের সামান্য অপরাধে গুরুতর দণ্ড বিধান করিলেন, তিনি কমলাকান্ত বিশ্বাসের সেইরূপ বা ততোধিক গুরুতর অপরাধ উপদেশে সংশোধন করিয়া ক্ষমা করিলেন কেন? এ প্রশ্ন কে মীমাংসা করিবে? কবিরাজ গোস্বামীও বোধ হয় এইরূপ আশঙ্কা করিয়াই বলিয়াছেন 'কমলাকান্তের প্রস্তাবে অনেক বলিবার কথা থাকিলেও গ্রন্থ বাহ্য্যভয়ে বলিলাম না।'

ক্ষেপা চৈতন্যদাস।

গৌরসন্ন্যাস-দিনে চাকদিগ্রামের গঙ্গাধর ভট্টাচার্য্য যেমন করিয়া ক্ষেপা চৈতন্যদাস নাম পাইয়াছিলেন, পাঠকের তাহা স্মরণ আছে। ইনি বাজিগ্রামের বলরাম পণ্ডিতের কন্যা শ্রীমতী লক্ষ্মীপ্রিয়াকে পরিণয় করিয়া ছিলেন। এ পর্য্যন্ত লক্ষ্মীপ্রিয়ার কোন সন্তান জন্মায় নাই। চৈতন্যচন্দ্রের সন্ন্যাসের দৃশ্য দেখিয়া অবধি চৈতন্যদাস সংসার-বিরাগী হইয়া সর্বদা সাধন ভজনে নিযুক্ত থাকিতেন। যেমন স্বামী, তেমনি স্ত্রী। উভয়েই সকল কামনা পরিত্যাগ পূর্ব্বক অনাসক্তরূপে সংসার যাত্রা নির্বাহ করিতে লাগিলেন। কিন্তু কে জানে কি জন্ত অল্প দিনের মধ্যে চৈতন্যদাসের মনে হঠাৎ পুত্র কামনার উদয় হইল? তিনি পত্নীর নিকট ঐ কথা প্রকাশ করিলে উভয়ে যুক্তি করিয়া শ্রীচৈতন্যকে দর্শন করিবার অভিপ্রায়ে নীলাচলে যাত্রা করিলেন। চৈতন্যদেব সবারূপে জগন্নাথ দর্শন করিয়া একদিন বাসায় আসিতেছিলেন, এমন সময়ে সপত্নীক চৈতন্যদাস তাঁহার চরণে প্রণত হইলেন। শ্রীচৈতন্য চিনিতে পারিয়া চৈতন্যদাসকে আলিঙ্গন করিলেন এবং গোবিন্দ দ্বারা তাঁহাদের থাকিবার বাসা নির্দিষ্ট করিয়া দিয়া দর্শনাদি করাইলেন ও আপনি বহু রূপা করিলেন। একদিন নির্জনে চৈতন্যদাস সত্নীক বাইয়া শ্রীচৈতন্যের পদ বন্দনা করিয়া মনের সঙ্কল্প প্রকাশ করিয়া বলিলেন। চৈতন্যদেব হাসিতে হাসিতে তাঁহাদের 'কামনা পূর্ণ হইবে' বলিয়া আশীর্বাদ করিলেন। অনতিকাল পরে চৈতন্যদাস স্ত্রীর সহিত দেশে প্রত্যাবর্তন করিলেন।

কিছুকাল পরে লক্ষ্মীদেবী গর্ভবতী হইয়া যথা সময়ে সর্বমূলক্ষণাক্রান্ত পুত্রসন্তান প্রসব করিলেন। শ্রীচৈতন্যের শক্তিদ্বারা শ্রীনিবাস আচার্য্যের এই রূপে জন্ম হইল।

উনবিংশ পরিচ্ছেদ ।

ভিক্ষা-সঙ্কোচ ।

রামচন্দ্রপুরী মাধবেন্দ্র পুরীর জনৈক শিষ্য । খ্রীষ্টচৈতন্যের ইষ্টদেব জৈশ্বর পুরীর স্যায় কিন্তু রামচন্দ্র মাধবেন্দ্রের প্রীতি-আশীর্বাদ লাভ করিতে সমর্থ হন নাই । মাধবেন্দ্রের রোগশয্যায় জৈশ্বরপুরী সাবহিতে গুরুর পাদসেবা করিতেন, স্বহস্তে মলমূত্রাদি মার্জন করিতেন এবং নিরন্তর কৃষ্ণনাম শ্রবণ করাইতেন । গুরু সন্তুষ্ট হইয়া জৈশ্বরপুরীকে বর দিলেন 'তোমার কৃষ্ণ-প্রেম লাভ হউক ।' এই গুরুকৃপাই তাঁহার প্রেমভক্তি-লাভের কারণ হইয়াছিল । মাধবেন্দ্র শেখাবস্থায় ব্যাকুলভাবে ক্রন্দন করিতেন 'হেঁ দীন দয়াল ! কবে আমি মথুরাধানে বাইব ! তোমাকে না দেখিয়া আমার হৃদয় বড় কাতর হইয়াছে । হে প্রিয় ! কবে তোমাকে দেখিয়া সুস্থির হইব ?'

রামচন্দ্রপুরী এ সময়ে গুরুকে সাহসনা করা দূরে থাকুক, মহাবিজের ত্রায় উপদেশ করিলেন 'ব্রহ্মবিৎ হ'য়ে তুমি কান্দছে কেন ? পূর্ণ ব্রহ্মানন্দ স্বরণ কর ।'

মাধবেন্দ্র ক্রুদ্ধ হয়ে উত্তর করিলেন 'দূর হ' মূর্খ ! আমি কৃষ্ণ না পে'য়ে, মথুরা না পে'য়ে, আপন মনোহুঃখে মর্চ্ছি, তুই আবার জাগাতে এলি কেন ? তো'র মুখ দেখিতে চাই না ; তুই যেখানে ইচ্ছা চলে যা । আমাকে আর ব্রহ্ম উপদেশ দিতে হবে না ।'

কথিত আছে গুরুর অভিশাপে রামচন্দ্রের হৃদয় শুকাইয়া গেল ; উঁহাতে আর প্রেমভক্তি ক্ষুণ্ণি লাভ করিতে পারিল না । রামচন্দ্রের পরনিন্দা-রূপ আর একটা যহৎ দোষ জন্মিল । তিনি নাকি স্থানে স্থানে সাধু মহাজন-দিগের নিন্দা করিয়া বেড়াইতেন । এই রামচন্দ্রপুরী দেশ-পর্যটন করিতে করিতে নীলাচলে আসিয়া উপনীত হইলেন এবং স্বীয় গুরুতাই পরমানন্দ পুরী ও ত্রাণশিষ্য খ্রীষ্টচৈতন্যের সহিত মিলিত হইয়া গাঢ় আলিঙ্গন করিলেন । পরমানন্দ বড় ভায়ের চরণবন্দনা, চৈতন্যদেব জ্যেষ্ঠতাতকে দণ্ডবৎ প্রণাম করিলে পরস্পর প্রীতি-আলাপ হইতে লাগিল । চৈতন্যদেব রামচন্দ্রের স্বভাব জানিয়া ও বহু সমাদর ও ভক্তির সহিত তাঁহার নহিত কথা কহিতে লাগিলেন এবং প্রিয় সন্তান জগদানন্দ পণ্ডিতের বাসায় পুরীর

আহারের বন্দোবস্ত করিয়া দিলেন। জগদানন্দ পাকবিদ্যা-পারদর্শী ছিলেন। নানাবিধ উপকরণে পুরীকে পরিতোষ ভোজন করাইলেন। পুরীও আহারান্তে জগদানন্দকে আগ্রহ করিয়া ‘এটা খাও, উটা খাও’ করিয়া বসিয়া বসিয়া খুব খাওয়াইলেন এবং আচমন শেষ হইলে বলিতে লাগিলেন :— ‘অনিয়াছিলাম চৈতন্যগণ অপরিমিত আহার করে, আজ তাহা প্রত্যক্ষ করিলাম। বাপু! এত খাওয়াইয়া সন্ন্যাসীর সন্ন্যাস-ধর্মের দফারকা করিয়া দেয় ও নিজেও আকর্ষণ পুরিয়া কড়কগুলো খাইয়া বৈরাগ্য হানি করে। এমন স্থানে কি আসিতে আছে?’

জগদানন্দ এ কথা মহাপ্রভুকে জানাইলেন। রামচন্দ্র নীলাচলে এইরূপে কিছুদিন কাটাইতে লাগিলেন। নিজে মহা বিরক্ত, যেখানে সেখানে অনিমনস্ত্রিত ভিক্ষা করিয়া বেড়ান, এবং কোন্ বৈরাগী কত খায়, তাহারও সন্ধান লইয়া থাকেন। বিশেষতঃ শ্রীচৈতন্যের স্থিতি, রীতি, ভিক্ষা, শয়ন, আচরণ, সম্বন্ধে পূজ্যাত্মপুং অল্পসন্ধান করিতে লাগিলেন। কিন্তু কোন ছিট পাইলেন না। শ্রীচৈতন্যের ভিক্ষার জন্ত চারি পণ কড়ির মহাপ্রসাদ আসিত; তাহাতে গোবিন্দ, কালীধর ও তিনি, এই তিন জন খাইতেন। রামচন্দ্র তাহাতেও কিছু বলিবার না পাইয়া এক অদ্ভুত নিন্দা তুলিয়া দিলেন যে সন্ন্যাসী হইয়া মিষ্টান্নভোজন করা নিষিদ্ধ; তাহাতে জিহ্বার লাম্পট্য জন্মে এবং ইন্দ্রিয় দমন হয় না। শ্রীচৈতন্য মিষ্টান্ন খাইয়া থাকেন। চৈতন্যদেব পরস্পর এ কথাও শুনিলেন। রামচন্দ্র প্রতি দিন প্রাতে তাঁহাকে দেখিতে আসিতেন। শ্রীচৈতন্য উপেক্ষা করা দূরে থাকুক, গুরুবুদ্ধিতে রামচন্দ্রকে মহাতত্ত্ব করিতেন ও আদর সজ্জম দেখাইতেন।

একদিন প্রাতে পুরী শ্রীচৈতন্যের বাসায় বসিয়া পিড়ার উপরে কতকগুলি পিণ্ডা দেখিতে পাইয়া সংস্কৃতভাষায় বলিয়া উঠিলেন ‘রাজ্যাবজ্ঞ ঐকব-মাসীৎ, তেন পিপীলিকাঃ সঞ্চরন্তি। অহো! বিরক্তানাং সন্ন্যাসিনাঃ নিম্ন-স্মিয়লালসা।*’ এবং কাহাকেও আর কিছু না বলিয়া উঠিয়া চলিয়া গেলেন।

এই নিন্দাবাক্যে চৈতন্যদেব বিরক্ত হওয়া দূরে থাকুক, মনে মনে একবার আত্মালোচনা করিয়া গোবিন্দকে ডাকিয়া বলিয়া দিলেন ‘আজ

* রাজ্যে এখানে মিষ্টান্ন আসিয়াছিল; তাহাতে এত পিণ্ডা বেড়াইতেছে। হায়! বিরক্ত সন্ন্যাসীদিগের এ কি ইন্দ্রিয় লালসা!

হইতে আগার জন্ত পিণ্ডাভোগের এক চৌঠা ভাত ও পাঁচ গোণ্ডার ব্যঞ্জন আনিবে; অধিক আনিলে আর আমাকে এখানে দেখিতে পাইবেনা। আর তুমি ও কাশীশ্বর ভিক্ষা করিয়া উদর পূর্ণ করিবে।' গোবিন্দ তাহাই করিলেন এবং এই কথা ভক্তমণ্ডলী মধ্যে রাষ্ট্র করিয়া দিলেন। শুনিয়া ভক্তগণের মাথায় ঘেন বহু ভাঙ্গিয়া পড়িল। সকলেই একবাক্যে রামচন্দ্র পুরীকে অভিসম্পাত করিতে লাগিলেন। এক চৌঠা ভাত ও পাঁচ গোণ্ডার ব্যঞ্জন বাহা আসিতে লাগিল, শ্রীচৈতন্য তাহার অর্দ্ধেক খাইয়া অবশিষ্ট গোবিন্দের জন্ত রাখিয়া দিতেন। গোবিন্দ সেই অবশেষ খাইয়া জীবন ধারণ করিতে লাগিলেন ও কাশীশ্বর ভিক্ষা করিয়া খাইতে প্রবৃত্ত হইলেন। অর্দ্ধাশনে শ্রীচৈতন্য দিন দিন শুকাইয়া বাইতে লাগিলেন। তাঁহার মুখ-শ্রী মলিন হইয়া পড়িল। তাহাতে গৌরগত-প্রাণ ভক্তগণের প্রাণ ফাটিয়া বাইতে লাগিল। তাঁহারা প্রভুর অর্দ্ধাশনে অর্দ্ধাশন করিতে লাগিলেন। রামচন্দ্র পুরী এ সব কথা শুনিতে পাইয়া একদিন শ্রীচৈতন্যের নিকট আসিয়া হাসিয়া হাসিয়া বলিতে লাগিলেন 'অতিশয় পান ভোজনে ইন্দ্রিয় তর্পণ করা সম্মানীর ধর্ম নয়। সে জন্য সে দিন আমি তোমাকে সাবধান করিয়া দিয়াছিলাম। দেখিতেছি তুমি দিন দিন ক্ষীণ হইয়া বাইতেছ। শুনিলাম না কি অর্দ্ধ ভোজন করিয়া থাক? সেও কিন্তু বৈরাগ্যের বিরোধী। এরূপ শুষ্ক বৈরাগ্যও পরিত্যাগ করা কর্তব্য। এই বলিয়া রামচন্দ্র পুরী ভগবদ্গীতার ষষ্ঠ অধ্যায়ের ১৬।১৭ শ্লোক উদ্ধার করিয়া বলিলেন 'মতি ভোজন শীল, একান্ত অনশন শীল, অতি নিদ্রালু এবং নিতান্ত জাগরণ শীল, ব্যক্তির যোগ হইতে পারে না। কিন্তু বাহার আহার, বিহার (গতি), কর্মক্ষেপ্তা, নিদ্রা ও জাগরণ নিরূপিত, তিনিই যোগ সাধনে সমর্থ। তুমি-বিষয় ভোগ না করিয়া এইরূপ যুক্তাহার অবলম্বন কর; এই আমার ইচ্ছা।' শ্রীচৈতন্য বিনীত ভাবে নিবেদন করিলেন 'আমি আপনার অল্প বালক-শিষ্য, আমাকে যে আপনি শিক্ষা দিলেন, এ আমার পরম সৌভাগ্য।'

রামচন্দ্র পুরী উঠিয়া গেলে ভক্তগণ পরমানন্দ পুরীকে মুখপাত্র করিয়া চৈতন্যসমীপে বলিতে লাগিলেন :—'রামচন্দ্র পুরী নিন্দুক স্বভাবের লোক; তাঁর কথার অন্ন ছাড়া কি কর্তব্য? উনি মানুষকে বহু করিয়া খাওয়াইয়া ও নিজেও যথেষ্ট খাইয়া পরে নিন্দা করিয়া থাকেন। অপরের আহার

‘ব্যবহার, অশন, বসন, সম্বন্ধে ছিদ্রাহীনস্থান করাই তাঁহার কাজ । শাস্ত্রে যে পরনিন্দার এত নিষেধ আছে, তাহাই তাঁহার অবলম্বন । অতএব তাঁর কথায় অন্ন ছাড়িও না । আমাদের কথা রাখ ; উদর পূর্ণ করিয়া আহাৰ করিয়া আমাদের প্রাণে বাঁচাও ।’

কৃষ্ণচৈতন্য উত্তর করিলেন ‘পুরীর নিন্দা কেন করিতেছ ? উনি ত সহজ ধর্মই শিক্ষা দিয়াছেন । বাস্তবিক জিহ্বার লাম্পটো বতিধর্ম কি বজায় রাখা যায় ?’

ভক্তগণের অনেক অল্পনয়ে শ্রীচৈতন্য চারি পণের অর্দ্ধেক হই পণ কড়ির প্রসাদ জানাইতে সন্মত হইলেন । উহাতে কখন হই জন, কখন তিন জনের ভোজন হইতে লাগিল । আর জগদানন্দ, ভগবান্ আচার্য্য, ও সার্কভৌম ভট্টাচার্য্য, যাহাদের গৃহে নিমন্ত্রণ ভোজন করিতেন ; তাহারা যেমন দিতেন, তেমনি খাইতেন ।

কতকদিন পরে রামচন্দ্রপুরী চলিয়া গেলে ভক্তগণের মাথা হইতে ঘেন পাথর নামিল । তখন তাহারা শ্রীচৈতন্যকে বথেক্ছ নিমন্ত্রণ করিয়া পান ভোজন করাইতে লাগিলেন ও নৃত্য কীর্তন হইতে লাগিল ।

প্রদ্যুম্নমিশ্রের কৃষ্ণকথা শ্রবণ ।

নৃসিংহোপাসক প্রদ্যুম্ন মিশ্রের কথা পাঠক মহাশয়ের স্মরণ আছে । ইনি কৃষ্ণচৈতন্যের একজন গৃহস্থ অনুচর । চৈতন্যদেব আদর করিয়া ইহাকে নৃসিংহানন্দ বলিয়া ডাকিতেন । যখন শ্রীচৈতন্য বঙ্গদেশ হইয়া বৃন্দাবনে বাইবার উদ্যোগ করিয়াছিলেন, তখন ইনি শ্রীচৈতন্যের দুর্গমপথ-ভ্রমণে ক্লেশ না হয়, এই উদ্দেশ্যে মনে মনে কখনায়ের নাটখালা পর্য্যন্ত পথ বাধাইয়া দুই পাশে বৃক্ষ রোপণ ও জলাশয় খনন করিয়া দিতে ইচ্ছা করিয়াছিলেন । ইনি একদিন চৈতন্যের নিকট বাইয়া কৃষ্ণ-কথা শুনিবার আগ্রহ জানাইলেন । শ্রীচৈতন্য সম্বন্ধে হইয়া উত্তর করিলেন ‘তুমি বড় ভাগ্যবান, যে কৃষ্ণ-কথায় তোমার রুচি জন্মিয়াছে । কিন্তু আমি ত কৃষ্ণ-কথা জানি না । তুমি রামানন্দ রায়ের নিকট যাও ; তিনি কৃষ্ণ-কথা বলিয়া তোমাকে সুখী করিবেন । পূর্বে আমাকে কৃপা করিয়া তিনি অনেক তত্ত্ব বলিয়াছিলেন ।’

মিশ্র রামানন্দ-ভবনে আসিলেন । ভৃত্য তাঁহাকে বসিতে আসন দিয়া

কিছু কাল অপেক্ষা করিতে বলিল। মিশ্র জিজ্ঞাসা করিলেন ‘রায় কি করিতেছেন?’ ভৃত্য উত্তর করিল ‘মহারাজ সম্প্রতি যে নাটক রচনা করিয়াছেন; হুইটী পরমা সুন্দরী ও নৃত্যগীতে নিপুণা যুবতী দেবদাসীকে তাহার অভিনয় শিক্ষা দিতেছেন। আপনি বসুন; তিনি এখনই আসিবেন।’

যে বাড়ীতে রামানন্দ রায় তৎকালে বাস করিতেছিলেন, তাহা একটা সুশোভন উদ্যান বাটিকা। আবার মিশ্র যে স্থানে বসিয়া তাহার আগমন প্রতীক্ষা করিতেছিলেন, সেখান হইতে রায় যে স্থানে রমণীদ্বয়কে শিক্ষা দিতেছিলেন, তাহা দেখা যায়। মিশ্র দেখিতে লাগিলেন, রায় রায় প্রথমতঃ স্বহস্তে দেব-দাসী হুইটীর অভ্যঙ্গাদি মর্দন, গাত্র মার্জন, করিয়া, স্থান করাইয়া পরে গন্ধ বিলেপন ও মাল্য এবং সুশোভন বস্ত্র অলঙ্কার পরাইলেন এবং স্বরচিত গীতগুলি অভ্যাস করাইয়া তাহার প্রকৃত অভিনয় করিয়া শিখাইতে লাগিলেন। যেখানে যেখানে যেমন করিয়া নাচিতে হইবে, যেখানে স্বাস্থ্যিকী, সঞ্চারী বা স্থায়ীভাবে অভিনয় দেখাইতে হইবে, নিজে নাচিয়া, গাইয়া, নানা ভাবাভিনয় করিয়া, ও হাতে ধরিয়া তালে তালে নাচাইয়া, যুবতীদ্বয়কে দেখাইয়া দিলেন। অবশেষে তাহাদের নানা প্রকার সুখাদ্য খাওয়াইয়া নিভৃত গৃহে পাঠাইয়া দিয়া বাহিরে আসিলেন এবং প্রহস্ন মিশ্রকে অত বেলা পর্যন্ত বসিয়া থাকিতে দেখিয়া অতি বিনীতভাবে প্রণাম করিয়া বলিলেন ‘আপনি যে আসিয়া বহুক্ষণ প্রতীক্ষা করিতেছেন, তাহা আমাকে কেহ বলে নাই; আপনার চরণে আমার বড় অপরাধ হইয়াছে। আজ্ঞা করুন, কি উদ্দেশ্যে পদধূলি দিয়া আমার গৃহ পবিত্র করিলেন।’ মিশ্র ষষ্ঠমত খাইয়া উত্তর করিলেন ‘আপনার দর্শনে পবিত্র হইব বলিয়া আসিয়া ছিলাম; তা’ বেলা অধিক হইয়াছে, অনুমতি করুন, এখন বিদায় হই।’ এই বলিয়া ব্রাহ্মণ গৃহে প্রত্যাগমন করিলেন এবং স্বয়ংকালে গোরাঙ্গ-সভায় আসিলে শ্রীচৈতন্য জিজ্ঞাসা করিলেন ‘কি হে মিশ্র! রাম রায়ের নিকট কেমন কৃষ্ণ-কথা শুনিলে?’

মিশ্র একটু হুঃখিতভাবে উত্তর করিলেন ‘আজ্ঞে সে সৌভাগ্য ঘটনা হয় নাই।’ শ্রীচৈতন্য জিজ্ঞাসিলেন ‘কেন?’ মিশ্র আত্মপূর্বিক ঘটনা বিবৃত করিলে চৈতন্যদেব বলিলেন ‘ইহাতে কি তোমার রামানন্দের প্রতি অশ্রদ্ধা হইয়াছে? যদি হইয়া থাকে, তবে তুমি মহা অপরাধী। রাম রায়ের জায় নিরীকার ভক্ত আর কে আছে? তরুণী-স্পর্শে কে স্থির থাকিতে পারে?’

‘আমাকে ত তোমরা সম্মানী দেখিতেছ? স্পর্শ দূরে থাকুক, যুবতীদর্শনেও আমার মনে বিকার সমুপস্থিত হয়। কিন্তু রাম রায় অতি আশ্চর্য্য লোক! তাঁহার দেহ মন যেন কাষ্ঠ-পাষাণে নির্মিত। দেবদাসীর ত কথাই নাই, দিব্যান্ধনা অঙ্গরীরাও তাঁহার নন টলাইতে পারে, এমন সাধ্য নাই। তুমি যে যুবতীদের সেবা করিতে দেখিয়াছ, তাঁহার নিগূঢ় কথা শুনিবে? রামানন্দ আপনাকে সেবক ও তাহাদের সেব্য ভাবিয়া কৃষ্ণ-সেবার স্থায় সেবা করিয়া থাকেন। এই যে অত্যাচ্ছ অধিকার, তাহা কেবল তাঁহারই আছে। তাইতে বলি তাঁহার দেহ-মন অপ্রাকৃত। শ্রীনন্ডাগবতে শুনিয়াছি, ভগবান্ অচ্যুতের ব্রজবধূগণ সহ ক্রীড়া বিনি শ্রদ্ধাষিত হইয়া শ্রবণ করেন, তিনি অচিরে হৃদয়ের রোগরূপ কামকে পরাজয় করিতে সমর্থ হইয়া থাকেন। আমার মনে হয়, রামানন্দই বথার্থ এ কথার উদাহরণহীন। তোমরা জান না, রায়ের ভক্তন রাগানুগা-মার্গে। তাঁহার দেহ ও মন সিদ্ধি-লাভ করিয়াছে।’

শ্রীচৈতন্য ভক্তগুণ ব্যাখ্যা করিয়া ক্ষণকাল নীরব হইলে সভাসদ ভক্তবৃন্দ আশ্চর্য্য হইলেন এবং প্রহ্মান্ন মিশ্র স্বীয় অপরাধ স্বীকার করিয়া তাহা মোচনের উপায় জিজ্ঞাসা করিলে চৈতন্যদেব উত্তর করিলেন ‘তুমি শীঘ্র রাম-রায়ের নিকট পুনরায় যাও, নিজের মনের ভাব প্রকাশ করিয়া বলিয়া ক্ষমা প্রার্থনা কর এবং আমার নাম করিয়া বলিও যে আমি তোমাকে তাঁহার নিকট কৃষ্ণ-কথা শুনিতে পাঠাইয়াছি।’

পরদিন প্রাতে প্রহ্মান্ন মিশ্র রামানন্দের বাটীতে যাইয়া সন্ধ্যা বৃত্তান্ত নিবেদন করিলে রাম রায় হাসিয়া উত্তর করিলেন ‘শ্রীচৈতন্যের চতুরানি আপনি কি বুঝিতে পারেন নাই? আমি কৃষ্ণ-কথার কি জানি? তিনি হৃদয়ে বসিয়া যে প্রেরণা দেন, তাহাই বলিয়া থাকি মাত্র। যাহা হৃদক, আজ্ঞা করুন, এখন কি কথা বলিব?’

মিশ্র উত্তর করিলেন ‘পূর্বে বিদ্যার্নগরে মহাপ্রভুর নিকট যে সব কথা বলিয়াছিলেন, তাহাই বলুন। আমি মূর্খ, প্রশ্ন করিতে জানি না। আপনিই প্রশ্ন উঠাইয়া সিদ্ধান্ত করিয়া শুনান।’ তখন রামানন্দ রায় ইষ্টদেবের পাদ-পদ্ম স্মরণ করিয়া রাধাকৃষ্ণ-তত্ত্ব, ভাব, মহাভাব, প্রেমতত্ত্ব, ও বিবর্ত-বিলাস, প্রভৃতি নানা কথা বলিতে লাগিলেন। বলিতে বলিতে তিনি ভাবাবেশে উন্নত প্রায় হইলেন, বাহ স্বতি লোপ হইল। তাঁহার স্বর্গীয় ভাব দেখিয়া

প্রহ্মাশ্রম মিশ্র অবাক হইয়া গেলেন ও স্বীয় অপরাধের জন্ত কতই অনুতাপ করিতে লাগিলেন । বেলা তৃতীয় প্রহর হইল, তখাচ বজ্রা ও শ্রোতা আশ্র-
হারা-হইয়া কৃষ্ণকথা-সুধাসাগরে ডুবিয়া আছেন । ভৃত্য আসিয়া 'উভয়কে
না জানাইলে হয় তো সে রাত্রিও কাটিয়া বাইত । বাহা হউক দিনশেষে
প্রহ্মাশ্রম মিশ্র বাসায় প্রত্যাগমন করিলেন এবং সন্ধ্যার পর গৌরান্দ-মন্ডায়
বাইয়া সকল কথা জানাইলেন ।

গৌর বলিলেন 'তবে কৃষ্ণ-কথা শুনিয়া খুব সুখী হইয়াছ, কেমন ?' মিশ্র
উত্তর করিলেন 'আমি কৃতার্থ হইয়াছি । তোমার কৃপার কৃষ্ণ-কথামৃত-
সাগরে ডুবিয়া গিয়াছিলাম । রামানন্দ রায় মানুষ, নহেন, মনুষ্য দেহে
সাক্ষাৎ কৃষ্ণভক্তি-রসময় । রায় আর এক কথা আমাকে বলিয়াছেন, যে
তুমি না বলাইলে তিনি বলিতে পারেন না ? এ কি সত্য কথা ?'

গৌর হাসিয়া উত্তর করিলেন 'রামানন্দের বিনয় তুমি বুঝিতে পার নাই ?
তিনি নাকি অতি বিনীত ব্যক্তি ; তাই নিজের কথা পরের মাথায় চাপাইয়া-
ছেন । মহানুভব ব্যক্তিগণ নিজের গুণ কখনই স্বীকার করেন না ।' মিশ্র
বলিলেন 'বাহা হউক, আমি কৃতার্থ হইলাম । তুমিই আমাকে এ হেন
অমৃত পান করাইলে । আমি চিরদিনের জন্ত তোমার চরণে আশ্র-বিক্রম
করিলাম ।'

বৈষ্ণবাচার্য্যগণ বলিয়াছেন এইরূপ ঘটনার ত্রিচৈতন্তের নিগূঢ় মনের
ভাব ব্যক্ত হইয়াছে । তৎকালে সন্ন্যাসী ও পণ্ডিতগণ অতিশয় গর্বিত
ছিলেন । প্রাণান্তেও তাঁহারা নীচ ও শূদ্রজাতির নিকটে ধর্মের উচ্চাঙ্গের
কথা প্রকাশ করিতেন না । তাঁহারা এই মত, ভাব, প্রকাশ করিতেন, যেন
নীচ ও শূদ্রজাতীয়গণ অশেষ গুণাবিত হইলেও ধর্মের মধুর রসের অধিকারী
নয় । এ সকল যে কেবল ধর্মের ব্যবসায় চালাইবার নিমিত্ত, তাহাতে সন্দেহ
নাই । চৈতন্তদেব তাঁহাদের এই গর্ব চূর্ণ করিবার জন্ত নীচ শূদ্র বংশোদ্ভব
রামানন্দ রায়কে ভক্তিতত্ত্বের আচার্য্যপদে বরণ করিয়া নিজে তাঁহার নিকট
শিক্ষা করিলেন ও সূত্রাঙ্গ প্রহ্মাশ্রম মিশ্রকে শুনিতে উপদেশ দিলেন । যবন-
কুলোদ্ভব হরিদাস দ্বারা হরিনাম-মাহাত্ম্য প্রচার করিলেন এবং যবন-ভাবা-
পন্ন রূপ ও সনাতনের দ্বারা ব্রজ-প্রেমলীলা ও ভক্তি-সিদ্ধান্ত লেখাইয়া ব্যাখ্যা
করাইলেন । এ সব বৃত্তান্ত গৌর-চরিত্রের সামান্য গৌরবের বিষয় নহে ।

বিংশ পরিচ্ছেদ ।

শ্রীসনাতন সঙ্গোৎসব ।

শ্রীরূপ গোস্বামী নীলাচল হইতে গোড়দেশে নিজ বাসগ্রামে গমন করিলেন । সেখানে সঞ্চিত অর্থ কুটুম্ব, ব্রাহ্মণ, ও দেবালয়ে বিভাগ করিয়া দিতে, গোড়নগরে ভ্রাতৃবৃন্দের যে বিষয়-বৈতব ছিল, তাহা আনাইয়া বণ্টন করিতে ও অন্ত্যস্ত বিষয় কর্মের সুবন্দোবস্ত করিতে, তাঁহার এক বৎসর কাটিয়া গেল । সনাতন গোস্বামী মহাপ্রভুর দর্শনাশয়ে মথুরা হইতে ঝারিখণ্ড পথ দিয়া নীলাচলে আসিলেন । ঝারিখণ্ডের দূষিত জলে সনাতনের অঙ্গে চর্মরোগ জন্মিল এবং ক্ষত হইয়া তাহা দিয়া অনবরত রস রক্ত পুঞ্জ পড়িতে লাগিল । হৃর্গন্ধে মাছুষ তাঁহার কাছে যাইতে পারে না । সনাতন শারীরিক বস্ত্রণায় অস্থির-মতি হইয়া মনে মনে সঙ্কল্প করিলেন ‘মহাপ্রভুর চরণ বন্দনা করিয়া ও চন্দ্রমুখ দেখিয়া জগন্নাথের রথের চাকায় দেহ-পাত করিয়া জীবনান্ত করিব ।’ নীলাচলে আসিয়া অল্পসময়কালে তিনি হরিদাসের বাসায় উপনীত হইলেন এবং হরিদাসকে প্রণাম বন্দনা করিয়া শ্রীচৈতন্তের আগমন প্রতীক্ষা থাকিলেন । ক্ষণকাল পরে চৈতন্তদেব উপলভোগ দেখিয়া সুপার্বদে হরিদাসের বাসায় আসিলে হরিদাস ও সনাতন সাক্ষাৎ প্রণাম করিলেন । চৈতন্তদেব সনাতনকে দেখিয়া চমৎকৃত হইয়া আলিঙ্গন করিবার জন্য বাহ প্রসারণ করিলেন । সনাতন দূরে পলাইয়া গিয়া বলিলেন ‘আমাকে ছুঁইও না, তোমার চরণে মিনতি করি । একে নীচ জাতি, তাহাতে আমার সর্বদেহে হৃর্গন্ধময় রস পড়িতেছে ।’ শ্রীচৈতন্ত সে কথায় কর্ণপাত না করিয়া বলে আলিঙ্গন করিলেন । তাঁহার অঙ্গে সনাতনের পুঞ্জ রক্ত রস প্রচুর পরিমাণে লাগিল । সনাতন লজ্জিত হইয়া পিড়ার নিচে বসিলেন । গৌর উপস্থিত ভক্তগণের সঙ্গে তাঁহার পরিচয় করিয়া দিয়া কুশল-বার্তা জিজ্ঞাসা করিলেন । সনাতন উত্তর দিলেন ‘যখন শ্রীচরণ দেখিলাম, তখন সকলই মঙ্গল ।’ গৌর ‘মথুরা বাসী বৈষ্ণবদিগের কুশল জিজ্ঞাসা করিয়া বলিলেন ‘রূপ এখানে দশ মাস ছিলেন, আজ দশদিন মাত্র তিনি চলিয়া গিয়াছেন । অল্পসময় গঙ্গা-প্রাপ্তির সংবাদ কি শুনিয়াছ ? তাঁহার রামচন্দ্রে স্মদুচ্চ ভক্তি ছিল ।’

সনাতন ভ্রাতৃ-বিয়োগের সংবাদে শোকার্ত হইলেন এবং কনিষ্ঠের

স্বরূপ করিয়া বলিতে লাগিলেন ‘বল্লভ শিশুকাল হইতে রামোপাসক ছিলেন; নিরবধি রামনাম শ্রবণ-কীর্তনে ও রামচন্দ্র-খ্যানে সময় অতিবাহিত করিতেন। আমি ও রূপ কোন সময়ে তাঁহার মন পরীক্ষার জন্য শ্রীকৃষ্ণ-ভজনে করিতে লওয়াইয়াছিলাম। আমাদের খাতিরে তিনি কৃষ্ণমন্ত্র লইয়াছিলেন। কিন্তু সমস্ত রজনী “রঘুনাথের চরণে আমি কেমন করিয়া ছাড়িব?” বলিয়া কাঁদিয়া প্রাতঃকালে আমাকে কহিলেন “আপনাদের খাতিরে আমি কৃষ্ণ-ভজনে লইয়াছি বটে, কিন্তু রামচন্দ্রের চরণে যে আমার মাথা বিক্রীত হইয়া রহিয়াছে; তাহা কেমন করিয়া টানিয়া আনিব? রামচন্দ্রকে ছাড়িব মনে হইলেও যে প্রাণ ফাটিয়া যায়!” তখন আমরা তাঁহার ভক্তির প্রশংসা করিয়া স্বীয় সাধন পথে অবিচলিত থাকিতে উপদেশ দিয়াছিলাম।”

গৌর বলিলেন ‘আমিও মুরারি গুপ্তকে পূর্বে এমনি করিয়া পরীক্ষা করিয়াছিলাম। সেই ভক্তই ধর্ম, যে আপনার প্রভুকে না ছাড়ে; আর সেই প্রভুই প্রভু, যিনি স্বতন্ত্র অথ স্থানে বাইলেও, কিরাইয়া আনিয়া চরণে স্থান দেন।’

তৎপরে শ্রীচৈতন্য সনাতনকে হরিদাসের সহিত কৃষ্ণনামাঙ্গাদন ও কৃষ্ণ-ভক্তির পান করিতে উপদেশ দিয়া উঠিয়া গেলেন এবং গোবিন্দ দ্বারা উত্তম উত্তম মহাপ্রসাদ পাঠাইয়া দিয়া তাঁহার আহারের বন্দোবস্ত করিয়া দিলেন। আর প্রত্যহ আসিয়া উভয়ের সঙ্গে কৃষ্ণকথালোপে অনেক সময় বাপন করিতে লাগিলেন। একদিন গৌরচন্দ্র আসিয়া হঠাৎ সনাতনকে লক্ষ্য করিয়া বলিয়া উঠিলেন ‘শুন সনাতন! দেহত্যাগে কখন কৃষ্ণধন লাভ হয় না; যদি হইত, তবে যুদ্ধের মধ্যে আমি কোটিবার দেহ ছাড়িতে পারিতাম। শ্রীকৃষ্ণ-প্রাপ্তির উপায় একমাত্র ভক্তি। ভক্তিতে প্রেম জন্মে; তবে শ্রীকৃষ্ণ কি পদার্থ, জানা যায়। দেহত্যাগীদি তামসিক ধর্ম। তামসিক ও রাজসিক ধর্মের শ্রীকৃষ্ণের সহিত মিলন অসম্ভব। সত্য বটে গাঢ় অহুরাগী ভক্তের বিচ্ছেদ ঘটিলে মরিতে ইচ্ছা হয়; কিন্তু আমি বলি সেও তামসিক ধর্ম। অতএব কুবুদ্ধি ছাড়িয়া শ্রবণ-কীর্তনে মনোনিবেশ কর; অচিরেই প্রেমধন লাভ হইবে। নীচ জাতি হইলেই যে শ্রীকৃষ্ণ-ভজনে অযোগ্য ও সংকুলবিপ্র-যোগ্য, কদাচ তাহা মনে স্থান দিও না। সকল জাতি, ছোট বড়, তাঁহার ভজনে সমান অধিকারী। আর যে ভজে, সেই বড়। যে তাঁহাতে বিমুখ, সে উচ্চ ব্রাহ্মণ বংশোদ্ভব হইলেও অতি নীচ। শুন নাই কি? যে

স্বকিঞ্চন দীন, তাহাকেই তাঁহার বড় দয়া।’

স্বীয় নিগূঢ় মানসিক সঙ্কল্প যেমন করিয়া প্রভু জানিতে পারিলেন ? মনে করিয়া সনাতন গোসাই অতীব বিস্মিত হইলেন ; এবং গোরের চরণে পড়িয়া বলিতে লাগিলেন ‘বুঝিলাম তুমি সর্বজ্ঞ । নইলে আমার মনের কথা জানিলে কেমন করিয়া ? আর তুমি পরম কৃপালু, নইলে আমার স্ত্রীর নিষ্পত্তি অস্ত্রাজ্ঞ পাণ্ডুর জীবন রক্ষার জন্ত এত আগ্রহ করিতেছ কেন ? তা’ বুঝিলাম, আমি কেবল কাষ্ঠ পুত্তলিক। তুমি যেমন নাচাইবে, আমাকে তেমনি নাচিতে হইবে। তবে এক কথা জিজ্ঞাসা করি, আমাকে বাঁচাইলে তোমার লাভ কি ?’

শ্রীচৈতন্য ঈষৎ হাসিয়া উত্তর করিলেন ‘মনে নাই, তুমি যে আমাকে আত্ম-সমর্পণ করিয়াছ ? তোমার দেহ যে এখন আমার সম্পত্তি । নিষ্ক সম্পত্তি রক্ষার বন্ধ কে না করে ? আর তোমারই বা এ কোন্ ধর্ম, যে তুমি পরের দ্রব্য নষ্ট করিতে চাও ? তোমার শরীরে আমি কি করিব ? শুন ! কি করিব ? তোমার দেহ দ্বারা আমাকে বহু প্রয়োজন সাধিতে হইবে । ভক্তিতত্ত্ব, ভক্ততত্ত্ব, প্রেমতত্ত্ব, বৈষ্ণবাচার, বৈষ্ণবকৃত্য, লুপ্ততীর্থ উদ্ধার, বৈরাগ্য-শিক্ষা, এতগুলি বিষয় তোমার দেহ দ্বারা আমাকে প্রচার করিতে হইবে । মথুরা বৃন্দাবনে বসিয়া এ সব প্রচার না করিলে হইবে না । কিন্তু আমি মাছু-আজ্ঞার নীলাচলে বাস করিতেছি ; নিজে সেখানে থাকিয়া এ সব করিতে অক্ষম । তুমি না করিলে, এ সব কাজ কে করিবে ? যে শরীরে আমি এত গুলি কর্ম সাধন করিব, সে শরীর তুমি ছাড়িতে চাও, এ কি সম্ভব হয় ?’

সনাতন বলিলেন ‘তোমার চরণে কোটি প্রণাম । কে তোমার মনোভাব বুঝিতে পারে ? বাহাকে যেমন করিয়া নাচাও, সে তেমনি নাচে ।’

হরিদাসের দিকে তাকাইয়া, গৌর বলিলেন ‘শুন হরিদাস ! ইনি পরের স্থাপাধন বিনাশ করিতে চাহেন । নিষেধ করিও, যেন সেরূপ অত্যাচার কাণ না করেন ।’

হরিদাস সরলভাবে উত্তর করিলেন ‘তুমি কাহার দ্বারা কোন্ কাজ করাইবে, তুমি না জানাইলে কে জানিতে পারে ? ইহাকে যে তুমি এতদূর অঙ্গীকার করিয়াছ, এ কি ইহার কম সৌভাগ্য ?’

ইহার পর শ্রীচৈতন্য মধ্যাহ্ন করিতে চলিয়া গেলে হরিদাস সনাতনকে বলিলেন ‘তোমার সৌভাগ্যের সীমা নাই । কেন না তোমার শরীরকে প্রভু নিজ সম্পত্তি বলিয়াছেন ও ঐ শরীর দ্বারা বৈষ্ণব ধর্ম প্রচার করিবেন ।

‘হার! আমার এ দেহ বুধায় ধরিয়াছিলাম? ভারত ভূমিতে ইহা কোন কাজেই লাগিল না।’

সনাতন বলিলেন ‘আপনার তুল্য ভাগ্যবান ব্যক্তি কি আর দ্বিতীয় আছে? এ বিধানে হরিণাম প্রচারই সার-ধর্ম। চৈতন্ত-প্রভু সেই কার্য আপনার দ্বারা করিয়া লইতেছেন। আপনি প্রত্যহ তিন লক্ষ হরিণাম কীর্তন করেন ও সকলের সমক্ষে নাম-মাহাত্ম্য প্রচার করিয়া থাকেন। আপনার দ্বারা আচার ও প্রচার, দুই কার্যই হইতেছে। কেহ বা কোন ধর্ম আচরণ করেন ও কেহ বা প্রচার করিয়া থাকেন। একাধারে আচার-প্রচার অতি কম লোকই করিয়া থাকে। আপনি তাহাই করিতেছেন।’

বৈশাখ মাসে সনাতন নীলাদ্রিতে আসিয়াছিলেন। জ্যৈষ্ঠমাসে তাঁহার একটা পরীক্ষা হইয়াছিল। জ্যৈষ্ঠমাসে ত্রীচৈতন্ত গদাধর পণ্ডিতের আশ্রম ষমেশ্বর টোটা নামক অদূরবর্তী সমুদ্রতীরস্থ স্থানে বাইরা একদিন অবস্থিতি করিয়াছিলেন এবং পণ্ডিত গোস্বামীর অমুরোধে তথায় ভোজন করিয়া ছিলেন। পুরী হইতে ষমেশ্বর টোটায় বাইবার দুইটা পথ। একটা শ্রীমন্দিরের সিংহদ্বার দিয়া, অপরটা সমুদ্র-তীরের বালুকাময় ভূমির উপর দিয়া। প্রথম পথটা খুব সোজা এবং বৃক্ষচ্ছায়ার স্নানীতল। দ্বিতীয়টা বাঁকা ও উত্তপ্ত বালুকারাশির উপরে ছায়াহীন স্থান দিয়া। ত্রীচৈতন্ত মধ্যাহ্ন ভোজনের সময় সনাতনকে ডাকিয়া পাঠাইলেন। প্রভু ডাকিয়াছেন, শুনিবামাত্র সনাতন গোস্বামী সমুদ্রতীরের বাঁকা পথে তপ্ত বালুকারাশির উপর দিয়া চলিলেন। একে জ্যৈষ্ঠমাসের প্রথম রবি-কিরণে সনাতনের শরীর দগ্ধ হইতে লাগিল; তাহাতে অগ্নিস্ফুলিঙ্গের তায় তপ্ত বালুকা-কণায় তাঁহার পায়ে ফোঁস পড়িল। তথাচ তাহা তিনি গ্রাহ্য করিলেন না। প্রভু ডাকিয়াছেন এই আনন্দে উর্দ্ধ্বাসে ছুটিয়া চলিলেন। যখন তিনি আশ্রমে উপনীত হইলেন, তখন ত্রীচৈতন্ত ভোজনান্তে বিশ্রাম করিতেছিলেন। গোবিন্দপ্রদত্ত ভুক্ত-শেষ প্রসাদান্ন খাইয়া সনাতন গোস্বামী, ত্রীচৈতন্তের সঙ্গে সাক্ষাৎ করিলেন। গৌর ভিজ্ঞাসা করিলেন ‘কোন পথে আসিলে?’

সনাতন উত্তর করিলেন ‘সমুদ্রতীরের পথে।’

ত্রীচৈতন্য। উত্তপ্ত বালুকারাশির মধ্য দিয়া কেমন ক’রে এলে? সিংহদ্বারের নীতল পথে এলে না কেন? আহা! তপ্ত বালুকাতে তোমার পায়ে বেত্র হইছে।

সনাতন। বড় বেশি দুঃখ হয় নাই। পায়ে ফোঁকা পড়িয়াছে, বুঝিতে পারি নাই। সিংহদ্বারের পথে আমি কেমন করিয়া আসিব? আমি যে নীচ জাতি, বিশেষতঃ গা দিয়া রস রক্ত পড়িতেছে। আমার ত সেখানে যাইবার অধিকার নাই। ঠাকুরের সেবকগণ সেখানে সর্বদা বাতায়ত করিতেছেন। কি জানি দৈবে কাহাকেও স্পর্শ হইলে, আমার যে সর্বনাশ হইত।

শ্রীচৈতন্য এই উত্তরে খুব সন্তুষ্ট হইয়া বলিতে লাগিলেন ‘বর্দিও তুমি পরম পবিত্র, তোমার স্পর্শে দেবতা ও মুনিগণও পবিত্র হন; কিন্তু মর্যাদা রক্ষা করা সাধুর স্বভাব। মর্যাদা লঙ্ঘন করিলে লোকে উপহাস করে; ও ইহ-পরলোকে প্রত্যর্ঘ্য হইয়া থাকে। তোমার ন্যায় ব্যক্তি মর্যাদা না রাখিলে, আর কে রাখিবে? আমি ইহাতে বড়ই সন্তুষ্ট হইয়াছি।’ এই বলিয়া নিষেধ সত্ত্বেও চৈতন্যদেব বার বার সনাতনকে আলিঙ্গন করিতে লাগিলেন। সনাতনের অঙ্গনিঃসৃত ক্রোদে তাঁহার শরীর পূর্ণ হইয়া গেল।

একদিন জগদানন্দ পণ্ডিত সনাতনের সহিত মিলিত হইয়া কৃষ্ণকথা-লাপে প্রবৃত্ত হইলেন। কথা-প্রসঙ্গে সনাতন আপনার মনোদুঃখ পণ্ডিতের নিকট প্রকাশ করিয়া বলিলেন ‘এখানে আসিয়াছিলাম প্রভুর চরণ দর্শন করিয়া আপন মনোবাঞ্ছা সাধিব বলিয়া। প্রভু তাহা করিতে দিলেন না। আমার গায়ের ক্রোদরস নিত্যই গৌর-অঙ্গে লাগিতেছে। নিষেধ করিলেও তিনি শুনেন না; বলা প্রকাশে আলিঙ্গন করিয়া থাকেন। ইহাতে যে আমার অপরাধ হইতেছে, তাহা হইতে কেমন করিয়া নিস্তার পাইব? বিশেষতঃ জগন্নাথ-দর্শনে আসিলাম, তাহাও হইল না। আমি নীচ জাতি, শ্রীমন্দিরে যাইতে আমার অধিকার নাই। নিজের হিতের জন্ত এখানে আসিলাম, এখন দেখিতেছি সব বিপরীত হইল। কি করিলে ভাল হয়, কিছুই বুঝিতে পারিতেছি না।’

জগদানন্দ তাঁহাকে উপদেশ দিলেন ‘তুমি রথযাত্রায় জগন্নাথ দর্শন করিয়া বৃন্দাবনে যাও। সেই তোমার যোগ্যস্থান, কেননা প্রভু তোমাকে সেখানে থাকিয়া ভক্তি-প্রচার করিতে আজ্ঞা করিয়াছেন।’

সনাতন বলিলেন ‘বেশ বলিয়াছ, আমি তাহাই করিব।’ জগদানন্দ উঠিয়া গেলে ক্ষণকাল পরে গৌর আসিয়া দর্শন দিলেন। হরিদাস প্রণাম বন্দনা করিলেন। সনাতন দূরে থাকিয়া সাষ্টাঙ্গ প্রণাম করিলে শ্রীচৈতন্য

তাহাকে আলিঙ্গন করিবার অগ্র ধাবিত হইলেন। সনাতন পলাইতে লাগিলেন। গৌর বলে ধরিয়া তাহাকে কোল দিলে, সনাতন নির্বিকল্প হৃদয়ে কাঁদিতে কাঁদিতে বলিতে লাগিলেন 'হিতের জন্য এসে দেখছি সন বিপরীত হইল। কোথায় তোমার সেবা করিব? না নিত্য নিত্য অপরাধ সঞ্চয় করিতেছি। একে আমি নীচ জাতি, দুষ্ট পাশাপাশি, কোন মতেই তোমার স্পর্শ বোধ্য নই; তা'তে আমার শরীর দিয়া দুর্গন্ধ রস রক্ত পুঞ্জ পড়িতেছে; তুমি বণ করিয়া আলিঙ্গন কর, সে সব তোমার অঙ্গে লাগে। আমার যে তাহাতে কত অকল্যাণ হইতেছে, তাহার সীমা নাই। সেজ্ঞান মনে মনে সঞ্চয় করিয়াছি রথ দেখিয়া বৃন্দাবনে বাইব। তুমি প্রসন্ন চিত্তে অহুমতি কর। জগদানন্দ পণ্ডিতকে আমি এ বিষয়ে পরামর্শ জিজ্ঞাসা করিয়াছিলাম। তিনিও আমাকে এই উপদেশ দিয়াছেন।'

শ্রীচৈতন্য এই কথা শুনিয়া জগদানন্দের উপর ক্রুদ্ধ হইয়া তিরস্কার করিতে লাগিলেন 'কালুকের প'ড়ো হয়ে জগা এমনি গর্কিত হয়েছে যে, তোমাকে উপদেশ দিতে সাহসী হয়েছে। ব্যবহারে ও পরমার্থে তুমি তাহার কেন? আমারও গুরু তুল্য মান্য ব্যক্তি। সে ছোঁড়ার এত বড় সাহস, যে তোমার সঙ্গে মুখ তুলে কথা কয়?'

সনাতন এবারে স্বেযোগ পাইয়া বিনীতভাবে নিবেদন করিলেন :—'যা' হোক আজ জগদানন্দের সৌভাগ্য ও আমার দুর্ভাগ্য জানিতে পারিলাম। জগদানন্দের ন্যায় ভাগ্যবান আর কে আছে? তাহাকে তিরস্কার করিয়া আত্মীয়তা-সুধারস পান করাইলে ও আমাকে গৌরব-স্তুতি ক'রে নিম্ন-নিম্নিতা তিক্তরস দিলে। হায়! আজিও আমি তোমার আত্মীয় হইতে পারিলাম না।' গৌরচন্দ্র মনে মনে খুব লজ্জিত হইয়া প্রকট্টে বলিতে লাগিলেন 'জগদানন্দ কিছু আমার তোমা হইতে প্রিয় নয়। তুমি মনে করিতেছ, তোমাকে বহিরঙ্গ জানে আমি স্তুতি করিতেছি ও জগদানন্দকে অন্তরঙ্গজ্ঞানে তিরস্কার করিলাম। বাস্তবিক তাহা নহে।' আশ্রি মর্যাদা-লঙ্ঘন কখনই সহিতে পারি না। তুমি মহা বিজ্ঞ, পণ্ডিত ও গুণশালী ব্যক্তি। আমিও তোমার নিকট ন। কত শিখিয়াছি। জগা ত কালিকার ছোঁড়া; সে তোমাকে বুঝায়, এমন কত শিখিয়াছি। জগা ত কালিকার ছোঁড়া; সে তোমাকে বুঝায়, এমন তা'র কি শক্তি? বিশেষতঃ এক ব্যক্তি অনেক লোককে ভাল বাসিলে সর্বত্রই যে তা'র প্রেমের ব্যবহার এক রকম হইবে, তাহাকে বলিল? শ্রীভিন্ন স্বভাবই বৈচিত্র্যভাষ্য। পাত্ৰ বিশেষে নানা ভাবোদয় হওয়াই

‘স্বাভাবিক । তোমাতে আমার প্রেম যে ভাবে প্রকাশ হইবে, জগদানন্দে ঠিক সেরূপ না হইতে পারে ।’

সনাতন কিছু অপ্রতিভ ভাবে বলিলেন ‘সে জন্ত এত কুণ্ঠিত হইতে কেন ?’

গৌর সে কথায় মনোযোগ না করিয়া বলিয়া চলিলেন ; ‘তুমি তোমার শরীরকে বীভৎস মনে করিতে পার; কিন্তু আমার নিকট উহা অমৃতময় । তোমার দেহ প্রাকৃত হইলেও আমার উপেক্ষার সামগ্রী হইত না ; কিন্তু উহা যে চিদানন্দময় অপ্রাকৃত দেহ । অপ্রাকৃতে ত ভদ্রাভদ্র, ভালমন্দ, বিচার সম্ভবে না । আর এক কথা ; আমি সন্ন্যাসী, সর্বত্র সম-দর্শন করাই আমার ধর্ম । চন্দন, পঙ্ক, আমার নিকট সমজ্ঞান হওয়া উচিত । এজন্যও আমি তোমার দেহে স্বণা করিতে পারি না । করিলে আমার ধর্ম থাকে কই ?’

হরিদাস বলিয়া উঠিলেন ‘তোমার এ বাহ্য প্রতারণা আমি গুণিতে চাই না । আমার ভ্রায় অধমকে স্বীকার করাতেই তোমার দীন-দয়ালু নাম প্রচার হইয়াছে ।’

শ্রীচৈতন্য উত্তর করিলেন ; ‘শুন হরিদাস ! সকলই শ্রীকৃষ্ণের লীলা । সনাতনকে চর্ম-রোগ দিয়া আমার পরীক্ষা জন্ত তিনিই পাঠাইয়া দিয়াছেন । স্বণা কি করিতে পারি ? করিলে যে তাঁ’র ঠাই অপরাধী হইতাম ।’

হরিদাস উত্তর করিলেন ; ‘দয়াল ! কে তোমার গম্ভীর হৃদয় বুঝিবে ? গলৎকৃষ্টী কীটদৃষ্ট বাসুদেবের শরীর আলিঙ্গন করিয়া তুমি কন্দর্পের ভ্রায় কেন করিয়াছিলে, এ কৃপা তোমার আমরা কি বুঝিতে পারি ?’

শ্রীচৈতন্য তখন ভাবপ্রমে বিভোর হইয়া বলিতে লাগিলেন ; ‘শুন হরিদাস ! শুন সনাতন ! তোমাদের ভ্রায় আমার হৃদয়বন্ধুদিগের সম্বন্ধে আমার মনের ভাব কিরূপ ? আমি আপনাকে অতি অমান্ত হীন মনে করি । তোমরা আমার সেব্য, আমি তোমাদের সেবক । তোমাদের সেবা করিতে পারিলে আপনাকে ধন্য মনে করি । শিশুর সেবা কালে জননীর গায়ে যদি বালকের মল মূত্র লাগে, তা’তে কি মায়ের স্বণা হয় ? বস্তুতঃ সনাতনের রস রক্ত আমার নিকট চন্দনের ভ্রায় । প্রথম দিনেই আমি তাহাতে চতুঃসোমের গন্ধ পাইয়াছিলাম ।’

সনাতন কাদিতে কাদিতে বলিলেন ‘এমন দয়াল প্রভু আর কোথায় পাইব ?’

শ্রীচৈতন্য বলিলেন; 'রথযাত্রার পর তোমার যাওয়া হইবে না। এ বৎসর তুমি আমার নিকটে থাকিবে; আগামী বর্ষে তোমাকে বৃন্দাবনে পাঠাইব।' শ্রীচৈতন্য প্রেমাবেগে আবার সনাতনকে গাঢ় আলিঙ্গন করিলেন। কিন্তু আশ্চর্য! দেখিতে দেখিতে তাঁহার কণ্ঠরস কোথায় চলিয়া গেল? 'তপ্তকাঞ্চনের ত্রায় অঙ্গ উজ্জল ও স্তূঠাম হইল। দেখিয়া উভয়ে চমৎকৃত হইলেন। হরিদাস বিম্বিত স্বরে কাদিতে কাদিতে বলিয়া উঠিলেন:— 'বৃন্দালাম এ সব তোমারই ভঙ্গী। তুমি ঝারিখণ্ডের দূষিত জল খাওয়াইয়া ইহার পরীক্ষার জন্য চন্দ্ররোগ দিয়াছিলে; আবার পরীক্ষান্তে তুমিই তাহা ভাল করিয়া দিলে।'

'সকলই শ্রীকৃষ্ণের রূপা' বলিয়া শ্রীকৃষ্ণচৈতন্য উঠিয়া মধ্যাহ্ন করিতে গেলেন।

এইরূপে শ্রীসনাতন নীলাচলে হরিদাসের কুটীরে বৎসরাবধি বাস করিতে লাগিলেন। রথযাত্রার বঙ্গের ভক্তগণ আগমন করিলে শ্রীচৈতন্য সকলের সহিত তাঁহার পরিচয় করিয়া দিলেন। অদ্বৈত, নিত্যানন্দ, শ্রীবাস, বক্রেস্বর, বাসুদেব, সুরারি, রাঘব, দামোদর, পুরী, ভারতী, স্বরূপ, সার্কভোম, রামানন্দ, গদাধর, জগদানন্দ, শঙ্কর, কানীশ্বর, গোবিন্দ, প্রভৃতি সকলেই তাঁহাকে-শ্রীতি অনুগ্রহ করিলেন।

বর্ষার চারিমাস পরে বঙ্গের ভক্তগণ চলিয়া গেলেন। সনাতন দোলযাত্রা দর্শন করিয়া শ্রীবৃন্দাবনে যাইবার জন্য বিদায় প্রার্থনা করিলে চৈতন্যদেব তাঁহাকে বিদায় দিলেন। সনাতন গোসাই একে একে সকল ভক্তের পাদ-রন্দনা করিয়া ও হরিদাসের নিকট বিদায় লইয়া যাত্রা করিলেন। তৎকালে শ্রীচৈতন্য সনাতনের বিচ্ছেদে আকুল হইয়া পড়িলেন। যাইবার পূর্বে গোস্বামী ভগবান্ আচার্য্যের নিকটে ঝারিখণ্ড-পথে শ্রীচৈতন্য যে যে স্থানে লীলাবিলাস করিয়াছিলেন, তাহা লিখিয়া লইলেন, এবং পথে যাইতে যাইতে সেই সব গ্রাম, নগর, বন, উপবন, নদী, বৃক্ষ, দেখিতে দেখিতে ভাবাবিষ্ট হইয়া বৃন্দাবনোদ্দেশে যাইতে লাগিলেন।

সনাতন গোস্বামী বৃন্দাবনে আসিবার কিছুদিন পরে রূপ গোসাই বঙ্গদেশ হইতে আসিয়া মিলিত হইলেন। তখন হই ভ্রাতা শ্রীচৈতন্যের আদেশ মত কার্য্য আরম্ভ করিয়া দিলেন। ইহার পর অল্পপনের পুত্র ও তাঁহাদের ভ্রাতৃপুত্র শ্রীভীব গোস্বামীও নিত্যানন্দাদেশে তাঁহাদের সঙ্গে আসিয়া

মিলিত হইলেন এবং পিতৃব্য-ভ্রাতৃপুত্র তিন জনে নানা গ্রন্থ প্রণয়ন, ভক্তি ও প্রেম প্রচার দ্বারা শ্রীচৈতন্যের প্রেমের বিধান পূর্ণ করিতে কৃতসংকল্প হইলেন ।

গোস্বামীগণ যে যে গ্রন্থ রচনা করিয়াছিলেন, তাহা উল্লেখ না করিয়া এই পরিচ্ছেদ সমাপ্ত করিতে পারিলাম না । সনাতন গোস্বামী চারিখানি বৃহৎগ্রন্থ লিখিয়া বান । সটীক ভাগবতামৃত, খণ্ডদ্বয় । বৈষ্ণবপ্রচার ও স্মৃতিসংহিতা হরিভক্তি-বিলাস ও তাহার দিক্ প্রদর্শিনী নাম্নী টীকা । এই গ্রন্থ সনাতন গোস্বামী গোপাল ভট্ট গোস্বামীর নামে প্রচার করেন । স্মৃতরাং হরিভক্তি-বিলাস এখন গোপাল ভট্ট গোস্বামীর রচিত বলিয়া প্রকাশিত । ভাগবতের দশমস্কন্ধের বৈষ্ণব-তোষণী নামে টীপনী । ইহারে লীলাসুতবও বলে । বৈষ্ণব-তোষণী রচনা করিয়া সনাতন শ্রীজীব সংশোধন করিতে দিয়াছিলেন । শ্রীজীব লঘুতোষণী নামে তাহার সংক্ষিপ্ত সংস্করণ করিয়া গিয়াছেন ।

শ্রীকৃপ গোস্বামী ষোলখানি গ্রন্থ লিখিয়া ভক্তি প্রচার করিয়াছিলেন । হংসদূত কাব্য, উদ্ধব সন্দেহ, কৃষ্ণদ্বন্দ্ব্যতিথি-বিধান, গণোদ্দেশদীপিকা, বৃহৎ ও লঘু; স্তবমালা, ললিতমাধব ও বিদগ্ধ মাধব নাটক এবং দানকেলি কৌমুদী ভাণিকা, ভক্তিরসামৃত সিদ্ধ, উজ্জল নীলমণি রসগ্রন্থ, প্রযুক্তাখ্যাত চন্দ্রিকা, মধুরা মহিমা, পদ্যাবলী, নাটকচন্দ্রিকা এবং লঘুভাগবতামৃত ।

শ্রীজীব গোস্বামী পঁচিশখানি গ্রন্থ লিখিয়া গিয়াছেন । হরিনামামৃত ব্যাকরণ, স্তব-মালিকা, ধাতু সংগ্রহ, কৃষ্ণার্চা-দীপিকা, গোপাল-বিরূপাবলী, রসামৃতশেষ, দ্বাদশ-মহোৎসব, সঙ্কল্প-কল্পবৃক্ষ, ভাবার্থ-সূচকচম্পু, গোপালতাপুনী ও ব্রহ্ম সংহিতার টীকা, ভক্তিরসামৃতসিদ্ধ ও উজ্জল নীলমণির টীকা, যোগসারসুতবের টীকা, অগ্নিপুত্রাণীর গায়ত্রী-বিবৃতি, পদ্মপুরাণোক্ত শ্রীকৃষ্ণের পদচিহ্ন, গোপালচম্পু, এবং সপ্ত সন্দর্ভ, অর্থাৎ তত্ত্ব-ভগবৎ-পরমাত্ম-কৃষ্ণ-ভক্তি-প্রীতি ষট্ সন্দর্ভ ও ক্রম সন্দর্ভ ।

একবিংশ পরিচ্ছেদ ।

রঘুনাথদাস-মিলন ।

সপ্তগ্রাম প্রদেশে হিরণ্যদাস ও গোবর্দ্ধন দাস নামক দুই সহোদর সৎ-
 কারস্থ-কুলোদ্ভব, বারলক্ষ মুদ্রা সদরজমার জমিদার ছিলেন। তাঁহাদের
 বিষয় এই গ্রামের পূর্বভাগে উল্লিখিত হইয়াছে। ইহারা উভয় ভ্রাতা অতি-
 বদান্য, সদাচারী, বিনয়ী ও ধার্মিক। নবদ্বীপবাসী ব্রাহ্মণ সর্জন তাঁহাদের
 অগ্নে প্রতিপালিত। কাহাকেও অর্থ, কাহাকেও ভূমি দান দিয়া রক্ষা করা
 তাঁহাদিগের নিত্য ব্রতের মধ্যে ছিল। নীলাধর চক্রবর্তী ও জগন্নাথ মিশ্রের
 তাঁহারা অল্পগত ছিলেন। চক্রবর্তী তাঁহাদিগকে সহোদর ভ্রাতার ন্যায় জ্ঞান
 করিতেন। সুতরাং শ্রীগোবর্দ্ধনের নিকট তাঁহারা অপরিচিত ছিলেন না।
 দ্ব্যেষ্ঠ হিরণ্য দাস অপুত্রক। কনিষ্ঠ গোবর্দ্ধনের এক মাত্র পুত্র রঘুনাথ দাস।
 গৌড়াধিপের নিকট এই প্রভাবশালী ভূম্যধিকারী নজুমদার উপাধি লাভ
 করিয়াছিলেন। শান্তিপুরের অদূরে চাঁদপুর গ্রামে নজুমদারদিগের পুরো-
 হিত বলরাম আচার্য্যের বাস। শৈশবকালে বালক রঘুনাথ পাঠার্থে
 বলরামের গৃহে প্রেরিত হইয়াছিলেন। পাঠক মহাশয়ের স্মরণ আছে
 রামচন্দ্র খানের দুর্ভাবহারে ভক্ত হরিদাস বেণাপোল হইতে তাড়িত হইয়া
 এই বলরাম আচার্য্যের গৃহে আশ্রয় পাইয়াছিলেন। এই থানে রঘুনাথের
 তরুণ হৃদয়ে হরিদাসের ভক্তিভাব চিরমুদ্রিত হইয়া যায়। সাধুসঙ্গের এমনি
 গুণ যে বালক হরিদাসের নিকট নাম-মাহাত্ম্য শুনিয়া, হরিনাম ও হরি-
 ভক্তির একান্ত পক্ষপাতী হইয়া উঠিলেন।

রঘুনাথের বয়োবৃদ্ধির সঙ্গে বৈরাগ্য ও ভক্তি স্তরপক্ষের শশীকলার ন্যায়
 বাড়িতে লাগিল। অতুল ধনসম্পত্তির একমাত্র উত্তরাধিকারী হইয়া ও
 অশেষ ভোগবিলাসে পরিবৃত থাকিয়াও ধন ও বিলাসকে তাঁহার বিষের
 ন্যায় ভয়াবহ বোধ হইতে লাগিল। তাঁহার পিতা ও পিতৃব্য সচ্চরিত্র ও
 ধার্মিক হইলেও বিশ্বাসভ্র-চিত্ত। তাঁহাদের ধর্মের আদর্শ রঘুনাথের
 আদর্শ হইতে সম্পূর্ণ ভিন্ন ধরণের। বৈরাগ্য কাহাকে বলে, তাঁহারা জানি-
 তেন না এবং ভোগাসক্তি ও ধনসম্পদের সহিত সংসারে থাকিয়া ধর্মকর্ম
 বরাবরই তাঁহারা পরম পুরুষার্ণব মনে করিতেন। সুতরাং রঘুনাথের বাল্য-

বৈরাগ্য ও বিষয়ে উদাসীন্য তাঁহাদের ভাল লাগিবে কেন ? তাঁহার প্রিয়তম পুত্রের জন্য বড় চিন্তিত হইয়া পড়িলেন এবং কেমন করিয়া তাঁহার হাতে গলায় শৃঙ্খল দিয়া সংসার-বৃক্ষে বাঁধিয়া রাখিবেন, তাহার উপায় উদ্ভাবনে কৃতসংকল্প হইলেন । সকলে পরামর্শ আঁটিয়া এক পরমা-সুন্দরী কন্যার সহিত রঘুর বিবাহ দিলেন এবং অশেষ ভোগবিলাস ও ভৃত্য পরিচারকে পুত্রকে এমন ভাবে পরিবেষ্টিত করিয়া রাখিলেন, বাহাতে তিনি বৈরাগ্য ও ধর্ম চিন্তা করিতে অবসর না পান । নৃত্যগীত, আমোদ-প্রমোদ, নর্তকী, ভাঁড়, পান, ভোজন, প্রভৃতি কোন আয়োজনেরই ক্রটি রহিল না । কিন্তু কিছুতেই কিছু হইল না । রঘুনাথ এ সকলের পানে ফিরেও তাকাইলেন না ।

“কোন ঔষধই ধরিল না । দিন দিন রঘুনাথের হৃদয়ে বৈরাগ্যানল প্রদীপ্ত হইয়া উঠিতে লাগিল । সর্বদা মনে হা হতাপ, ভোগবিলাসে বিষদৃষ্টি, বিবাদ-দৈন্ত্য তাঁহার কোমল হৃদয়কে অধিকার করিল । অনন্তে প্রাণ ছুটিয়া চলিল ; সংসারের ক্ষুদ্র বন্ধন তাঁহাকে আটকাইবে কেমন করিয়া ? ‘কি যেন চাই, পাই না ; তাহা না পে’লেও প্রাণ বাঁচে না ; কোথায় যাইব ? কি করিব ? কি করিলে শান্তি পাইব ?’ এ সব চিন্তায় তিনি ব্যাকুল হইয়া উঠিলেন । শয়নে, ভোজনে, উপবেশনে, কার্যে, কিছুতেই স্থখ পাইতেন না । তাঁহার এইরূপ অবস্থা দেখিয়া পিতা মাতা, পিতৃব্য, আত্মীয়, স্বজন, সকলেরই মনে ভীতি-সঞ্চার হইল এবং পাছে বংশধর পুত্র বাধি হইয়া চলিয়া যান, এই ভয়ে পিতা তাঁহাকে এক প্রকার অবরুদ্ধ করিয়া রাখিতে বাধ্য হইলেন । প্রহরীগণ সর্বদা তাঁহাকে রক্ষা করিতে লাগিল । ভাল ভাল বৈদ্য দ্বারা রঘুনাথের রোগী পরীক্ষা করান হইল । কবিরাজগণ বলিলেন তাঁহার বায়ুরোগ জন্মিয়াছে ; তিনি বিকৃতমনা হইয়াছেন । স্নাতক তাঁহার নানারূপ চিকিৎসা হইতে লাগিল । এই সময়ে শ্রীচৈতন্য সম্যক গ্রহণ করিয়া শান্তিপুরে আসিলে রঘুনাথ কোন সুযোগে বাইয়া তাঁহার পদ বন্দনা করিলেন । রঘুনাথের পিতা-পিতৃব্য অদ্বৈতাচার্য্যের প্রিয়পাত্র ছিলেন । আচার্য্য রঘুনাথের প্রতি অত্যন্ত স্নেহ প্রকাশিয়া চৈতন্যের সহিত পরিচয় করিয়া দিলেন এবং তাঁহার উচ্ছিষ্ট প্রসাদ দিয়া পরিতুষ্ট করিলেন । চারি পাঁচ দিন রঘুনাথ চৈতন্য-সকাশে থাকিয়া তাঁহার কৃপা-উপদেশ লাভ করিয়া বাড়িতে প্রত্যগমন করিলেন ।

চৈতন্যচন্দ্রের তৎকালের বৈরাগ্য ও ভক্তির আশ্রয় দেখিয়া এবং ভক্ত-
নলের উদ্ভব নৃত্য-কীর্তন শুনিয়া রঘুনাথের বৈরাগ্য-শ্রবণ স্বদয় একেবারে
হুনিবার হইয়া উঠিল। তিনি প্রেমভক্তির উচ্ছ্বাসে পাগল হইয়া নীলাচলে
বাইবার জন্য চেষ্টা করিতে লাগিলেন। পিতা লোকজন দিয়া বারবার
তাহাকে পথ হইতে ফিরাইয়া আনিয়া স্বতন্ত্র গৃহে আবদ্ধ করিয়া রাখিলেন।
বলিষ্ঠ পাইকগণ দ্বাররক্ষা করিতে লাগিল এবং দুইটা ভৃত্য ও দুইটা ব্রাহ্মণ
নিয়ত তাহার কার্য্যে নিযুক্ত হইল। তিনি নীলাচলে বাইতে না পাইয়া
হুধিতান্তঃকরণে বন্দীর স্থায় পিতৃগৃহে কালযাপন করিতে লাগিলেন।
এক বৎসরের অধিককাল কাটিয়া গেলে রঘুনাথ দাস একদিন শুনিতে পাই-
লেন শ্রীচৈতন্য নীলাচল হইতে বৃন্দাবন বাইবার উদ্দেশে রামকেলি পর্য্যন্ত
গিয়াছিলেন এবং তথা হইতে ফিরিয়া আসিয়া শান্তিপুরে স্নানার্থ-গৃহে
অবস্থিতি করিতেছেন। তাহার প্রাণধন শ্রীগৌরানন্দ এত নিকটে আছেন
শুনিয়া, হৃদয়ে দর্শন-লালসা অতীব বলবতী হইল; এবং নিতান্ত ব্যাকুল হইয়া
তিনি পিতৃসমীপে আপন মনোগত ভাব জানাইলেন যে চৈতন্য-চরণ দর্শন
বিনা তিনি বাঁচিবেন না। বরং গৌরকে দেখিয়া আসিলে ও শ্রীমুখের
কথা শুনিলে তাহার চিত্ত-বৈকল্য উপশম হইবে ও তিনি সুস্থ হইয়া সংসারে
তিষ্ঠিয়া থাকিতে পারিবেন। কর্তৃপক্ষ পুত্রের এই প্রস্তাবে সন্তুষ্ট হইয়া
বহু লোকজন ও অনেক দ্রব্য-সামগ্রী উপঢৌকন দিয়া পুত্রকে চৈতন্য-
দর্শনে পাঠাইয়া দিলেন। যখন অদ্বৈত-ভবনে মাধবেন্দ্র পুরীক তিথি আরা-
ধনার ধুম পড়িয়া গিয়াছে; সেই সময়ে ধনী-পুত্র রঘুনাথ বিচিত্র দোলায়
আরোহণ করিয়া বহু লোক সমভিব্যাহারে আসিয়া উপনীত হইলেন। এবং
অদ্বৈতাচার্য্যের চরণ বন্দনা করিয়া শ্রীচৈতন্যের সহিত সাক্ষাৎ করিয়া সাক্ষাৎ
প্রণিপাত করিলেন। সাতদিন পর্য্যন্ত রঘুনাথ শান্তিপুরে গৌর-সহবাসে
থাকিয়া আপনাকে কৃতার্থ মনে করিতে লাগিলেন। তিনি সর্বদাই এই
বলিয়া বিলাপ করিতে লাগিলেন ‘রুক্মদিগের হাত হইতে আমি কিসে
পরিদ্ধাণ পাইব ও কেনন করিয়া প্রভুর সঙ্গে নীলাচলে বাইব?’ শ্রীচৈতন্য
তাহাকে এই বলিয়া উপদেশ দিলেন—‘পাগলামি করিও না; সুস্থির হইয়া
গৃহে প্রত্যাগমন কর। একেবারেই কিছু ভবসাগর উত্তীর্ণ হওয়া যায় না।
বাহিরের মর্কট বৈরাগ্য পরিত্যাগ করিয়া অন্তরে বৈরাগ্য রক্ষা কর, চিত্ত
শুদ্ধ কর এবং অনাসক্ত চিত্তে যথাযোগ্য বিষয় উপভোগ কর। বাহিরের

‘লৌকিক ব্যবহার সমুদায় বজায় রাখিয়া যদি গোপনে অন্তরে অন্তরে ভক্তি সঞ্জন করিতে পার, তাহা হইলে করুণাময় কৃষ্ণ শীঘ্র তোমাকে বিষয় হইতে উদ্ধার করিবেন। বৃন্দাবন দর্শন করিয়া আমি যখন নীলাচলে প্রত্যাগত হইব, তখন কোন সুযোগে তুমি আমার নিকটে যাইও, এখন নয়। সে সময়ে শ্রীকৃষ্ণ আপনিই সুযোগ ঘটাইয়া দিবেন। বাহ্যার প্রতি তাঁহার কৃপা হয়, তাহাকে কি কেউ আটকাইয়া রাখিতে পারে?’ উপদেশ লাভ করিয়া রঘুনাথদাস গৃহে প্রত্যাগমন করিলেন এবং শিক্ষানুসারে হৃদমণীয় বৈরাগ্যকে অন্তরে আবদ্ধ করিয়া অনাসক্ত চিত্তে বিষয় সেবার মনোনিবেশ করিলেন। তাঁহার এইরূপ আচরণ দেখিয়া পিতা, পিতৃব্য, খুব সন্তুষ্ট হইলেন, এবং ক্রমে বিষয়-কার্য্যের গুরুভার তাঁহার উপর অর্পণ করিয়া কার্য্য শিক্ষা দিতে লাগিলেন।

এই সময়ে সপ্তগ্রাম প্রদেশের চৌধুরী উপাধি-ধারী জটনক মুসলমান রাজকর্ম্মচারীর বিষয় সম্পত্তি হিরণ্য দাস কোন সুযোগে ডাকিয়া লইলেন। সে ব্যক্তি তাহাতে মজুমদারদিগের ভয়ানক শত্রুপক্ষ হইয়া দাঁড়াইল। ‘হিরণ্যদাস বিশ লক্ষ টাকা আদায় করিয়া রাজাকে বার লক্ষ বই কর দেয় না,’ এইরূপ এক কৈফিয়ত রাজসরকারে দাখিল করিয়া সে ব্যক্তি উজীরকে সরেজমিনে আনাইল। ইহা শুনিয়া হিরণ্য ও গোবর্দ্ধন পলাইলেন। মুসলমানগণ রঘুনাথকে বাঁধিয়া জ্যেষ্ঠতাত ও পিতাকে হাজীর করিয়া না দিলে প্রাণদণ্ড করিবে বলিয়া ভয় দেখাইতে লাগিল। কিন্তু রঘুনাথের সুন্দর চেহারা ও দিনীত আচরণ দেখিয়া বিশেষতঃ হিরণ্যদাস ক্রায়স্থ, কোন্‌ বুদ্ধি কাদিয়া কি বিপদ ঘটায়, মনে করিয়া মারিতে পারিল না। রঘুনাথও অচভূয় বুদ্ধিমান। মনে মনে চিন্তা করিয়া চৌধুরীকে নিবেদন করিলেন :— ‘আমার পিতা ও জ্যেষ্ঠা আপনীর ভাই হন। আপনারা ভাই ভাই কখন কলহ করেন ও কখন শ্রীতি-ব্যবহার করিয়া থাকেন। এখন যেন বিবাদ হইতেছে, আবার কালই সম্ভাব হইবে। আমি যেমন তাঁহাদের, তেমনি আপনারও পুত্র। আমি পাল্য, আপনি আমার পালক হইয়া কেন আমার নির্যাতন করিতেছেন? আপনি সর্বশাস্ত্র-বেত্তা জিন্দাপীর হইয়া কেন সুবিচার করিতেছেন না?’ বালকের মিনতি শুনিয়া স্নেহের দয়ার আবির্ভাব হইল এবং উজীরকে অহরোধ করিয়া রঘুনাথের বন্ধন মোচন করিয়া দিল। আর নিভূতে লইয়া গিয়া শ্রীতিভাবে বলিতে লাগিল ‘তোমার

জ্যোঠা নির্বোধ ; আরে ! আটলক্ষ টাকা ঋণভেদে ; আমি ভাগী, আমাকে ত কিছু দিতে হয় । বাও, জ্যোঠাকে ডাকিয়া আনগে । আমি তাঁহাকেই ভাৱ দিলাম, তিনি ইহাৱ যাহা হয়, একটা মীমাংসা করিয়া দিউন ।’ তখন রঘুনাথ হিরণ্যদাসকে আনিয়া স্নেহের সহিত মিলন করিয়া দিলেন । উভয়ে রফা নিষ্পত্তি করিয়া লইলে সব গোলযোগ চুকিয়া গেল ।

এইরূপ ভাবে রঘুনাথের এক বৎসর কাটিয়া গেল । দ্বিতীয় বৎসরে শ্রীচৈতন্যের নীলাচল আগমনের সংবাদ পাইয়া তিনি পলাইবার চেষ্টা করিলেন ; কিন্তু কৃতকার্য হইতে পারিলেন না । তাঁহার রক্ষকগণ তাঁহাকে ফিরাইয়া আনিল । এইরূপে বার বার তিনি পলাইয়া যান, বার বার ধরা পড়েন । এক দিন তাঁহার মাতা গোবর্দ্ধন দাসকে বলিলেন ‘ছেলে পাগল হয়েছে, শৃঙ্খল দিয়া বাধিয়া রাখ ।’ গোবর্দ্ধন হুঃখিতাশ্রুঃকরণে উত্তর করিলেন ‘ইন্দ্ৰের ছায় ঐশ্বর্য ও অমরার ছায় স্ত্রী বাহাকে বাধিতে পারিল না, সামান্য দড়ির বাধনে তাহাকে কয় দিন বাধিবে ? বার বাহা প্রারব্ধ, তাহা কেহ থণ্ডাইতে পারে না । রঘুনাথকে চৈতন্যচন্দ্র পাগল করিয়াছেন । কাহার সাধ্য যে তাহাকে আটক করিয়া রাখে ?’

এই সময়ে নিত্যানন্দ সদলে পানীহাটী গ্রামে সংকীৰ্ত্তন প্রচার করিতে ছিলেন । রঘুনাথ তাঁহার সঙ্গে সাক্ষাৎ করিতে পানীহাটীতে আসিলেন ; এবং গঙ্গাতীরে বৃক্ষমূলে তাঁহাকে দেখিতে পাইয়া সাক্ষাৎ প্রণাম করিলেন । নিতাই বলিলেন ‘আরে চোরা ! আসিয়াছিস ? আর, আজ তোর দণ্ড করিব । আমার এই সঙ্গীগণকে দধি চিড়া খাওয়াইতে হইবে ।’

রঘুনাথ দাস আনন্দিত মনে কৰ্মচারীদিগকে ইঙ্গিত করিলে তখনই তখনই মহা আয়োজন হইতে লাগিল । পুষ্টি, দুগ্ধ, ক্ষীর, ছানা, সন্দেশ, কদলী, চিনি, বাতাসা, চিড়া, রাশি রাশি আসিয়া উপস্থিত হইল ; মৃৎ-কুণ্ডিকা, কদলীপত্র, ও মালসা, কতশত আসিল । গঙ্গাতীরে পুলিন-ভোজন হইবে আনিতে পারিয়া নিকটবর্তী গ্রামের ব্রাহ্মণ, সজ্জন, অশ্রান্ত লোক দলে দলে আসিতে লাগিল । চারিদিক হইতে দোকানি পসারী নানা দ্রব্যের আমদানী করিতে লাগিল । নিত্যানন্দ প্রভু সদলে দ্বানাবগাহনান্তে সান্নিধ্য করি হইয়া চবুতরা উপরে বসিয়া গেলেন । তাঁহার পাশে রামদাস, সুন্দরানন্দ, গদাধর দাস, সুরারি, কমলাকর, সদাশিব, পুরন্দর, ধনঞ্জয়, জগদীশ, পরমেশ্বর দাস, মহেশ, গৌরী দাস, কৃষ্ণদাস হোড়, ও উদ্ধারণ দত্ত,

প্রভৃতি ভক্তগণ বসিয়া গেলেন। চারিদিকে অগণ্য ব্রাহ্মণ সজ্জন ও ইতর লোকী বসিয়া গেল। এক এক জনের সম্মুখে দুই দুই মৃৎকুণ্ডিকা, একটীতে দধি চিড়া, অপরটীতে ঘনাবর্ত গরম দুধে চিড়া, নানা উপকরণে সজ্জিত হইল। নিত্যানন্দের নিকট শ্রীগোরাঙ্গের উদ্দেশে দুই মৃৎকুণ্ডিকা সাজান হইল। নিত্যানন্দের আদেশে তরলে হরিধ্বনি দিয়া মহানন্দে পুলিন-ভোজন করিতে লাগিলেন। সকলের ভোজন সমাপ্ত হইলে রঘুনাথ দাস প্রসাদ পাইলেন; এবং সেবক দ্বারা ভাঙ্গুল ও মালাচন্দন দিয়া সকলের প্রীতিবর্দ্ধন করিলেন।

পানীহাটীগ্রামে রাঘবপণ্ডিতের বাস। সেদিন তাঁহার বাড়ীতে নিত্যানন্দের সদলে ভোজনের নিমন্ত্রণ ছিল। রাঘব গঙ্গাতীরে চিড়া দধির মহোৎসব দেখিয়া নিতাইকে বলিতে লাগিলেন 'তুমি এখানে বেশ উৎসব করিতেছ; কিন্তু আমার ঘরে প্রসাদ গুলির কি হইবে?' নিতাই উত্তর করিলেন 'এ বেলা চিড়া খাই, ও বেলা তোমার গৃহে ভাত খাইব। তুমি জান, আমি গোয়ালা জাতি, পুলিন ভোজনে আমার বড় সুখ হয়।' সত্য সত্যই ভক্তগণ ভাবে বিভোর হইয়া গঙ্গাকে যমুনা ও পুলিন ভোজনে ব্রহ্ম-রাখালগণ বসিয়াছেন, জ্ঞান করিতে লাগিলেন।

বিশ্রামান্তে সন্ধ্যার সময়ে রাঘব-মন্দিরে কীর্তন আরম্ভ হইল। রঘুনাথ তাহাতে যোগ দিয়া আপনাকে ধৃত মনে করিতে লাগিলেন। কীর্তনান্তে বৈষ্ণবগণ প্রসাদ ভোজনে বসিলেন। রাঘবের স্ত্রী দেবতা-লক্ষ বরে অদ্বিতীয়া পাচিকা। কথিত আছে স্বয়ং রাধিকা তাঁহার গৃহে রন্ধন করিতেন। অতি উপাদেয় ব্যঞ্জন ও পায়স পিঠা বৈষ্ণবগণ আকর্ষ পুরিয়া খাইয়া হরিধ্বনি দিতে লাগিলেন। কথিত আছে রাঘবের প্রেমে আকৃষ্ট হইয়া শ্রীচৈতন্য তাঁহার গৃহে আবির্ভূত হইয়া অলক্ষ্যেতে প্রসাদ ভোজন করিয়াছিলেন। রঘুনাথ অবশেষ পাত্র পাইয়া তথায় রাজিবাশন করিলেন।

প্রাতঃস্নানান্তে নিত্যানন্দ সদলে গঙ্গাতীরের বৃক্ষমূলে বসিয়া আছেন। রঘুনাথদাস তাঁহার চরণ বন্দনা করিয়া বলিতে লাগিলেন 'বামন যেমন চন্দ্র ধরিতে সাহসী হয়, আমি পামর জীবাশয় হইয়াও চৈতন্য-চরণ পাইতে ইচ্ছা করিয়াছি; কিন্তু কিছুতেই কৃতকার্য হইতে পারি নাই। যেতবার পলাইয়া যাই, পিতা ততবার ধরিয়া আনেন। তোমার কৃপাভিন্ন কেহই চৈতন্য পাইতে পারে না। আমার প্রার্থনা অবোধ্য হইলেও তাহা পূর্ণ করিতে হইবে। আশীর্বাদ করুন, যেন আমি অচিরে চৈতন্যচরণে আশ্রয় পাই।'

নিতাই হাসিয়া ভক্তগণ সমক্ষে বলিলেন 'ইহার বিষয়স্থ ইজের তুল্য হইলেও ইহাকে তাহা ভাল লাগে না। কৃষ্ণ-পাদপদ্ম-গন্ধ যে জন পাইরাছে, ব্রহ্মলোকের স্থখ পর্য্যন্ত তাহার নিকট অকিঞ্চিংকর। তোমরা সকলে আশীর্বাদ কর, যেন অচিরে ইহার মনোবাঞ্ছা পূর্ণ হয়।' রঘুনাথকে নিকটে ডাকিলে 'তিনি' নিত্যের চরণ তলে লুপ্তিত হইলেন। নিতাই বলিলেন 'অচিরে তোমার বিষয়-বন্ধন মুক্ত হ'বে; তুমি নীলাচলে চৈতন্তচরণে স্থান পাইবে।' ইহার পর রঘুনাথ দাস নিত্যাসন্দের অজ্ঞাতে রাঘবের সহিত পরামর্শ করিয়া ভূত্যের নিকট একশত মুদ্রা ও সাততোলা স্বর্ণ দিলেন; নিত্যানন্দ-সঙ্গীদিগকে ব্যক্তি বিবেচনার পঞ্চাশ, দশ, বিশ, পোনের, মুদ্রা দান করিলেন এবং রাঘব পণ্ডিতের জন্ত একশত মুদ্রা ও দুই তোলা স্বর্ণ রাখিয়া নিজ গৃহে আগমন করিলেন। সেই হইতে রঘুনাথ দাস আর অর্য্যস্বরে গমন করিতেন না; বাহিরে দুর্গামণ্ডপে শুইয়া থাকিতেন। প্রহরীগণ তাহার অদূরে থাকিত।

এই সময়ে গৌড়দেশের ভক্তগণ গোঁরাহরদর্শনে নীলাচলে বাজা করিলেন। রঘুনাথ শুনিতে পাইয়া একবার মনে করিলেন 'এই সঙ্গে বাজা করি; কিন্তু তাঁহারা প্রকাণ্ডভাবে রাজপথ দিয়া বাইতেছেন, আমি তাঁহাদের সঙ্গে লইলে নিশ্চয়ই ধরা পড়িব' বিবেচনায় সে সঙ্কল্প হইতে প্রতিনিবৃত্ত হইলেন। পরন্তু দৈব তাঁহার অনুকূল হইয়া আর এক সুযোগ আনিয়া দিল। যখন নন্দ আচার্য্য নামে ব্রাহ্মণ রঘুনাথের গুরু। এ ব্যক্তি নিত্যানন্দ-শিষ্য বাসুদেব দত্তের অনুগৃহীত, ও অষ্টৈতাচার্য্যের অন্তরঙ্গ শিষ্য। অষ্টৈতের আজ্ঞায় ইনি চৈতন্ত-চরণে আত্ম-বিক্রয় করিয়াছেন। ব্রজনী চারিদণ্ড থাকিতে কোন দিন যখন নন্দ দুর্গামণ্ডপের প্রাঙ্গণে আসিয়া দণ্ডায়মান হইলে রঘুনাথ উঠিয়া আসিয়া প্রণাম দণ্ডবৎ করিলেন। তখন প্রহরীগণ প্রগাঢ় নিদ্রিত। যখন নন্দ বলিলেন 'তাঁহার কোন শিষ্য-ব্রাহ্মণ তাঁহার বাটীতে ঠাকুর সেবা করিত, কি কারণে কয়েকদিন সেবা ছাড়িয়াছে। তিনি বলিলে সে শুনে না; আর ব্রাহ্মণও পাওয়া যায় না। রঘুনাথ যেন তাহাকে ঠাকুর সেবা করিতে বলিয়া দেন।' এই বলিয়া আচার্য্য রঘুকে হাতে ধরিয়া লইয়া সেই ব্রাহ্মণের বাড়ীর দিকে চলিলেন। যাইতে যাইতে রঘুনাথ মনে মনে চিন্তা করিতে লাগিলেন :—'আমার এই সুযোগ। এখন হইল তো হইল। নইলে হওয়া দুরূহ।' প্রকাণ্ডে গুরুকে বলিলেন 'আপনি গৃহে

‘গমন করুন ও আমাকে আত্মা দিন, আমি সাধ্যসাধনা করিয়া ব্রাহ্মণকে আপনায় নিকটে পাঠাইয়া দিব’ যখনন্দন কে জানে কি ভাবিয়া এই প্রস্তাবে সন্মত হইয়া স্বর্গহাতিমুখে চলিয়া গেলেন । রঘুনাথ উদ্দেশে চৈতন্তচরণে প্রণাম করিয়া পূর্বমুখে ছুটিতে লাগিলেন এবং পশ্চাতে চাহিয়া দেখিলেন কেহ তাঁহার অনুগমন করিতেছে না । তখন পথ ছাড়িয়া উপপথে ও বনে বনে যাইতে লাগিলেন । একদিনে পঞ্চদশ ক্রোশ পথ অতিবাহিত করিয়া রঘু সন্ধ্যাকালে এক গোয়ালের বাথানে যাইয়া আশ্রয় লইলেন । গোপ তাঁহাকে উপবাসী জানিয়া কিছু হৃৎ পান করিতে দিলে তাহা পান করিয়া রাত্রিতে তথায় পড়িয়া রহিলেন ।

প্রাতঃকালে রক্ষকগণ রঘুনাথকে না দেখিয়া ভীত হইল । যখনন্দন আচার্য্যকে জিজ্ঞাসা করায় তিনি বলিলেন ‘ব্রাহ্মণকে পাঠাইয়া দিব’ বলিয়া তিনি বাড়ীতে প্রত্যাগমন করিয়াছেন । তখন অপর সত্য ছাপা থাকিল না । সকলেই জানিল রঘুনাথ পলাইয়া গিয়াছেন । ‘গৌড়ের ভক্তগণ সঙ্গে রঘুনাথ চলিয়া গিয়াছেন’ অনুমান করিয়া পিতা তাঁহাকে ধরিয়া আনিবার অস্ত্র দশজন লোক পাঠাইয়া দিলেন এবং শিবানন্দ সেনকে বিনীত ভাবে পত্র লিখিলেন যেন তিনি তাঁহার পুত্রকে লোকসঙ্গে পাঠাইয়া দেন । ঐ দশ ব্যক্তি ঝাঁকরা পর্যন্ত যাইয়া ভক্তদলের নাগাইল পাইল । শিবানন্দ সেন পত্রের উত্তর দিলেন রঘুনাথ তাঁহাদের সঙ্গে নাই । লোক দশজন নিরাশমনে গৃহে ফিরিয়া আসিয়া সংবাদ জানাইল ।

এদিকে রঘুনাথ দাস প্রভাতে উঠিয়া পূর্বমুখ ছাড়িয়া দক্ষিণ মুখে চলিলেন এবং কুগ্রাম ও কুপথ দিয়া হ্রতভোগে সাগরসঙ্গম পার হইয়া দ্রুতপদে পথ অতিবাহিত করিতে লাগিলেন । বাহার প্রাণে ক্রোধানুরাগ জলিয়া উঠিয়াছে, তাহার কি ক্ষুধা-তৃষ্ণা ও কুপথে বাধে ? কখন চর্কণ, কখন রন্ধন, ও কখন হৃৎমাত্র পান, করিয়া বারদিনে রঘুনাথ দাস সপ্তগ্রাম হইতে পুরুষোত্তমে উপনীত হইলেন । পথে তিনদিন মাত্র তিনি রন্ধন করিয়া খাইয়াছিলেন ।

স্বরূপ, মুকুন্দদত্ত, প্রভৃতির সঙ্গে চৈতন্ত বাসায় বসিয়া কৃষ্ণকথা কহিতেছেন, এমন সময়ে রঘুনাথ প্রাঙ্গণে দূরে থাকিয়া দণ্ডবৎ প্রণাম করিলেন । মুকুন্দদত্ত তাঁহাকে প্রথম দেখিতে পাইয়া বলিয়া উঠিলেন ‘এই রঘুনাথ আসিয়াছেন’ । চৈতন্ত ‘এম’ বলিয়া তাঁহারকে প্রণাম করিলেন

তিনি চরণ ধরিয়া পড়িয়া রহিলেন এবং স্বরূপাদি ভক্তগণকে প্রণাম করিয়া উপবেশন করিলেন । শ্রীচৈতন্য বলিলেন ‘সকল অপেক্ষা কৃষ্ণ-কৃপাই বদ-বতী ; নইলে কি তুমি বিষয়-গর্ভ হইতে উঠিয়া আসিতে পারিতে ?’

রঘুনাথ বলিলেন ‘কৃষ্ণকে আমি চিনি না ; তোমার কৃপাই আমাকে আনিয়াছে, আমার বিশ্বাস ।’

শ্রীচৈতন্য হাসিতে হাসিতে বলিলেন ‘ওহে রঘুনাথ ! চক্রবর্তীর সম্বন্ধে তোমার বাপ ও জ্যেষ্ঠা আমার আজ্ঞা হন ; আমি তাঁহাদের পরিহাস করিতে পারি । তাঁহারা কিন্তু বিষয়-বিষ্ঠার কীট ; বিষয়েই তাঁহাদের সুখ, বিষয়েই তাঁহাদের সারসর্বস্ব । যদিও তাঁহারা ব্রাহ্মণ-বৈষ্ণবের ভক্ত বটেন, কিন্তু তাঁহাদিগকে বৈষ্ণব বলা যায় না । তাঁহারা বিষয়ান্ন ; সুতরাং এমন সকল কৰ্ম্ম করিয়া থাকেন, যাহাতে ভব-বন্ধন আরও কশিয়া লাগিয়া যায় । এ-হেন বন্ধন হইতে তুমি নিষ্কৃতি পাইয়াছ । দেখ দেখি কৃষ্ণ কৃপার মহিমা কত ?’

রঘুনাথের মুখ মালিন্য দেখিয়া শ্রীচৈতন্য কৰুণার্জচিত্তে স্বরূপকে কহিলেন ‘আমি রঘুনাথকে তোমার হাতে সমর্পণ করিলাম । তুমি ইহাকে পুত্র-ভৃত্যরূপে অঙ্গীকার করিয়া শিক্ষা প্রদান কর । আমাদের দলে তিন রঘুনাথ আছেন । আজ হইতে ইনি স্বরূপের রঘু বলিয়া পরিচিত হইবেন ।’ এই বলিয়া শ্রীহস্তে রঘুনাথের কর ধরিয়া স্বরূপের হাতে সমর্পণ করিলেন ।

স্বরূপ ‘যে আজ্ঞা’ বলিয়া, রঘুনাথকে পুনরায় আলিঙ্গন করিলেন । গোবিন্দের দিকে চাহিয়া শ্রীচৈতন্য বলিলেন ‘পথ-ক্লেশে ইনি অতিশয় ক্লিষ্ট হইয়াছেন ; দিন কতক তুমি ইহাকে ভাল করিয়া সল্পর্শে রাখ ।’ রঘুনাথকে বলিলেন ‘তুমি এখন সিদ্ধমান করিয়া জগন্নাথ দর্শনান্তে ভোজন বিশ্রাম করগে ।’

পাঁচদিন পর্য্যন্ত রঘুনাথ গোবিন্দের নিকট ভোজন ও যত্র লইয়া বর্ষ দিনে শ্রীচৈতন্যের বাসা হইতে চলিয়া গেলেন এবং রাত্রি দশ দণ্ডের সময় পুষ্পাঞ্জলি দেখিয়া ‘সিংহদ্বারে’ ভোজনের অন্ন দণ্ডায়মান থাকিলেন । পুরীতে এইরূপ নিয়ম আছে যে অবাচবৃত্তি নিষ্কিঞ্চন বৈষ্ণবগণ সমস্ত দিন ভজন সাধন করিয়া রাত্রি দশ দণ্ডের সময় সিংহদ্বারে দণ্ডায়মান হইলে জগন্নাথের সেবকগণ তাঁহার ভোজ্য দিয়া থাকেন । রঘুনাথ সেই বৃত্তি অবলম্বন করিলেন ।

বলিতে লাগিলেন ‘রঘুনাথ বৈরাগ্যাশ্রয় করিয়া উত্তর কার্য্য করিয়াছে। বৈরাগী কেঁদে পর-মুখাপেক্ষী হইবে? বৈষ্ণবের কর্তব্য সদা নাম সঙ্কীৰ্ত্তন করা ও শাক পত্র ফল-মূল, বাহা পাইবে, ভিক্ষা করিয়া উদর ভরণ করা। বৈষ্ণব হইয়া যে জিহ্বার লালসে এখানে সেখানে বেড়াইয়া বেড়ায়, সে শিশ্নোদর পরায়ণের কৃষ্ণলাভ হয় না।’

রঘুনাথ শ্রীচৈতন্যের নিকট মুখ তুলিয়া কথা কহিতে লজ্জা বোধ করিতেন। একদিন তিনি স্বরূপের দ্বারা শ্রীচৈতন্যকে জিজ্ঞাসা করিলেন ‘আমার এখন কর্তব্য কি? আপনি শ্রীমুখে উপদেশ করুন।’

শ্রীচৈতন্য হাসিয়া উত্তর করিলেন ‘স্বরূপকে তোমার উপদেষ্টা করিয়া দিয়াছি; তাঁহার নিকটে সাধ্যসাধন তত্ত্ব শিক্ষা কর। তিনি যত জানেন, আমি তত জানি না। তথাচ আমার কথায় যদি তোমার শ্রদ্ধা হয়, তাহা হইলে আমি এই বলি যে গ্রাম্য কথা বলিবে না ও শুনিবে না। ভাব খাওয়ার, ভাল পরার, ইচ্ছা পোষণ করিবে না। আপনাকে তৃণাপেক্ষা হীন মনে করিয়া সদা কৃষ্ণনাম গ্রহণ করিবে ও ব্রজধামে রাধাকৃষ্ণের মানস সেবা করিবে। আর আর বিশেষ উপদেশ স্বরূপ বলিয়া দিবেন।’

এইরূপে রঘুনাথ দাস স্বরূপের সঙ্গে মহাপ্রভুর অন্তরঙ্গ সেবায় সময় ব্যাপন করিতে লাগিলেন। এ দিকে রথযাত্রা নিকটবর্তী হইলে গোড়ের ভক্তগণ আসিয়া উপস্থিত হইলেন। রঘুনাথ একে একে তাঁহাদের চরণ বন্দনা করিলেন। অষ্টৈতাচার্য্য তাঁহাকে অনেক অনুগ্রহ করিলেন। শিবানন্দ সেন রঘুনাথের পিতা রঘুকে ধরিবার জন্ত তাঁহার নামে পত্নী দিয়া ঘেরুপে দশজন লোক ঝাঁকরা পর্য্যন্ত পাঠাইয়াছিলেন ও তিনি সে পত্রের যে উত্তর লিখিয়া দিয়াছিলেন, তাহা বলিলেন। গুণ্ডিচা মাজ্জিন, ভক্তগণসঙ্গে বস্ত্র-ভোজন ও রথাগ্রে চৈতন্য-নর্তন, রঘুনাথ সবই দেখিলেন।

চারিমাस পরে ভক্তগণ নীলাজি হইতে দেশে প্রত্যাগমন করিলে, রঘুনাথের পিতা প্রভুর সংবাদ জানিবার জন্ত শিবানন্দ সেনের নিকট লোক পাঠাইলেন। শিবানন্দ রঘুনাথের কুশল বার্তা জানাইয়া তাঁহার পিতাকে তাঁহার অহর্নিশি নাম সঙ্কীৰ্ত্তনের কথা, তাঁহার বৈরাগ্যের কথা, কখন উপবাস, কখন চর্কণ ও অযাচ্যুতি অবলম্বন করিয়া রাজি দশদণ্ডের সময় সিংহদ্বারে দণ্ডায়মান থাকার বৃত্তান্ত, সকলই লিখিয়া পাঠাইলেন। শ্রীচৈতন্য তাঁহাকে ঘেরুপে সেনের কন্যার, ভক্তগণের ভিষিক্তি ঘেরুপে প্রদান করিয়াছেন,

তাহাও লিখিতে ক্রটি করিলেন না। পুত্র পড়িয়া পিতা মাতার প্রাণ কাটিয়া গেল। তাহার পরামর্শ করিয়া পুত্রের জন্ত চারিশত মুদ্রা, দুইশ্রী ব্রাহ্মণ ও দুইশ্রী ভৃত্য, পাঠাইবার অভিপ্রায়ে শিবানন্দের নিকট প্রেরণ করিলেন। 'লোকগুলি স্বয়ং পক্ষে যাইলে তাহার সঙ্গে সাক্ষাৎ হইবে না, আমরা আগামী বর্ষে যখন যাইব, আমাদের সঙ্গে গেলে লইয়া যাইব' বলিয়া শিবানন্দ সেন লোক ও মুদ্রা গোবর্দ্ধন দাসের নিকট প্রতীপ্রেরণ করিলেন।

পরবর্ষে ভক্তগণ সঙ্গে পিতার প্রেরিত মুদ্রা ও সেবক রঘুনাথের নিকটে পৌছিলে তিনি তাহা অগ্রাহ করিলেন। তাহার অনেক বন্ধ করিলে পিতার পরিতোষার্থ রঘুনাথ মাসে দুই দিন করিয়া ক্রীচৈতন্তকে নিমন্ত্রণ করিতে লাগিলেন। তাহার জন্ত চারিশত কড়ির প্রয়োজন হইত। সেই কড়ি মাত্র পিতার প্রেরিত লোকের নিকটে লইতে লাগিলেন।

দুই বর্ষকাল নিমন্ত্রণ করার পর রঘুনাথ ক্রীচৈতন্তের নিমন্ত্রণ বন্ধ করিয়া দিলেন। দুই মাস কাল যখন নিমন্ত্রণ হইল না, তখন একদিন চৈতন্যদেব

স্বরূপকে জিজ্ঞাসা করিলেন 'রঘুনাথ আমার নিমন্ত্রণ বন্ধ করিল কেন?'

স্বরূপ উত্তর করিলেন 'রঘুনাথ বলিয়াছেন যে বিষয়ীর অর্থে প্রভুকে নিমন্ত্রণ খাওয়ান অর্থে, বিবেচনায় ছাড়িয়া দিয়াছি। বিষয়ীর অর্থ লইতে আমারও মন প্রসন্ন হয় না, মহাপ্রভুও কেবল আমি হুঃখিত হইব বলিয়াই উপরোধে ভোজন করিয়া থাকেন; সুতরাং এরূপ নিমন্ত্রণ না করাই ভাল। ইহার ফল কেবল লোক-প্রতিষ্ঠা মাত্র।'

ক্রীচৈতন্য হাসিয়া বলিলেন 'বিষয়ীর অন্ন রাজস-নিমন্ত্রণ। রাজস-নিমন্ত্রণে দাতা, ভোক্তা, উভয়েরই মন মলিন হয়। মন মলিন হইলে কৃষ্ণস্মৃতি হয় না। এত দিন আমি কেবল রঘুনাথের সৎকাচে কিছু বলিতে পারি নাই। তা' ভাল হইল, সে বুঝিতে পারিয়া আপনাই হইতে ছাড়িয়া দিয়াছে।'

দিন কতক পরে রঘুনাথ সিংহদ্বারের ভিক্ষা পরিভাগ করিয়া মধ্যাহ্ন কালে ছত্রে বাইয়া ভিক্ষা করিয়া থাইতে লাগিলেন এবং নিরন্তর নাম গ্রহণ করিতে লাগিলেন। ক্রীচৈতন্য রুদ্ধ হইয়া নিজের ব্যবহারের বস্ত্র গোবর্দ্ধন-শিলা ও গুঞ্জা মালা তাহাকে প্রদান করিয়া সেবা করিতে উপদেশ দিলেন। তিন বৎসর পূর্বে শঙ্করানন্দ সরস্বতী বৃন্দাবন হইতে ঐ শিলা ও গুঞ্জামালা আনিয়া গৌরকে উপঢৌকন দিয়াছিলেন। ক্রীচৈতন্য স্বরণ-সময়ে মালা গায়ে গলায় পরিভেদন এবং শিলা লইয়া হৃদয়ে নেত্র্যে স্পর্শ করিতেন এবং

নাসায় ভ্রাণ লইভেন। শিলাকে গোরচন্দ্র আদর করিয়া কুম্ভ-কলেবর বসিতেন। তিন বৎসর ব্যবহারের পর এই শিলা ও মালা রঘুনাথকে দিয়া ভক্তিপূর্বক সেবা করিতে উপদেশ দিলেন। রঘুনাথ প্রভুর সহস্র-প্রদত্ত মালা শিলা পাইয়া প্রেমে বিহ্বল হইলেন এবং মনে মনে বিবেচনা করিলেন 'শিলাদিয়া প্রভু আমাকে গোবর্দ্ধন আর মালা দিয়া শ্রীরাধিকার চরণ প্রদান করিয়াছেন। 'আমার ভাগ্যের সীমা নাই।' তদরথি জল তুলসী দিয়া তিনি শিলা ও মালার সেবা করিতে লাগিলেন।

এখন হইতে রঘুনাথের সাধন অতি কঠোর ভাব ধারণ করিলে। অষ্ট-প্রহর দিবা রাত্রির মধ্যে সাড়ে সাত প্রহর তিনি ভজন সাধনে কাটাইতেন, চারিদণ্ড কাল নিদ্রা বাইতেন। ছিন্ন নেকড়া ও কস্থা তাঁহার পরিধান; সুস্বাদরস যুক্ত আহার তিনি একেবারেই পরিত্যাগ করিলেন এবং সাবধানে শ্রীচৈতন্যের আজ্ঞা পালন করিতে লাগিলেন। প্রথম ধারণের জন্য আহার প্রয়োজন। সেই আহারের এক অদ্ভুত উপায় আবিষ্কার করিলেন। আনন্দ-বাজারে দোকানীদের যে সকল ভাত বিক্রয় হইত না, পচিয়া বাইত; তাহা তাহার সিংহদ্বারে তৈলঙ্গী গাভীর ভোজনের জন্য ঢালিয়া দিত। তাহার মধ্যে আবার যে গুলি পচিয়া দুর্গন্ধময় হইত, গাইগণ তাহা খাইত না। রঘুনাথ রাত্রিযোগে সেই পচাভাত আনিয়া জল দিয়া ধুইয়া তাহার মধ্য হইতে শুদ্ধ ভাত বাছিয়া বাহির করিয়া লইতেন এবং একটু লবণ মিশ্রিত করিয়া তাহা খাইয়া প্রাণ ধারণ করিতে লাগিলেন। এক দিন শ্রীচৈতন্য তাহা দেখিতে পাইয়া এক মুঠা লইয়া খাইয়া ফেলিলেন, এবং বলিলেন 'এমন অমৃত তুমি রোজ রোজ খাও, আমাকে দাও না কেন?' চৈতন্যদেব আর এক গ্রাস লইতে গেলে স্বরূপ তাঁহার হাত ধরিয়া বলিলেন 'আপনার যোগ্য নয়, আপনি ইহা খাইবেন না।' শ্রীচৈতন্য বলিলেন 'আমি সত্য বলিতেছি; এমন সুস্বাদু প্রসাদ আমি কখন খাই নাই। ভক্ত-স্পর্শে কি সকলই অমৃতময় হয়?'

রঘুনাথ দাস শেষ-জীবনে চৈতন্যস্ব-কল্পবৃক্ষ নামে শ্রীচৈতন্যের গুণাধী-কীর্তন করিয়া এক গ্রন্থ রচনা করিয়াছিলেন। তাহাতে তিনি নিজের উদ্ধার সম্বন্ধে এইরূপ বর্ণনা করিয়াছেন :—

‘মহাসম্পদারাদপি পতিতমুদ্যত কুপরা

স্বরূপে যঃ শীঘ্রে কৃষ্ণনমপি ন্যাসিত

‘উয়ো গুঞ্জাহারং প্রিয়মপি চ গৌরব্ধনশিলাং

দদৌ মে গৌরাদো হৃদয় উদয়ন্যাং মদয়তি ।’

‘আমি কুজেন হইলেও যিনি কৃপা করিয়া মহাসম্পদ ও দারা হইতে উদ্ধার করিয়া স্বীয় আত্মীয় স্বরূপের নিকট আমাকে সমর্পণ করিয়াছিলেন ; যিনি হৃষ্ট হইয়া স্বীয় বক্ষের প্রিয় গুঞ্জাহার ও গৌবর্ধন শিলা আমাকে দিয়াছিলেন ; সেই গৌরাদ আমার হৃদয়ে উদ্ভিত হইয়া এখনও আমাকে উন্নত করিতেছেন ।’

কবিরাজ গোস্বামী লিখিয়াছেন রঘুনাথ দাস স্বরূপ গোস্বামীর সহিত ষোল বৎসর চৈতন্তদেবের অন্তরঙ্গ সেবা করিয়া মহাপ্রভুর ও স্বরূপের অন্তর্ধানে বৃন্দাবনবাসী হইয়াছিলেন । ১৪৫৫ শকে চৈতন্তদেব আত্ম-সম্বোপন করেন । তাহা হইতে ১৬ বৎসর বাদ দিলে ১৪৭১ শকাব্দে অর্থাৎ খ্রীষ্টচৈতন্তের সন্ন্যাসের আট বৎসর এবং বৃন্দাবন হইতে প্রত্যাগমনের দুই বৎসর পরে রঘুনাথের বৈরাগ্যের কাল নিরূপিত হয় ।

শেবাবস্থায় খ্রীষ্টচৈতন্তের ও স্বরূপ গোস্বামীর শোকে অভিভূত হইয়া রঘুনাথ দাস এই সঙ্কল্প করিয়া বৃন্দাবনে চলিলেন যে তথায় রূপ সনাতন দুই ভ্রাতার চরণ বন্দনা করিয়া গৌবর্ধন হইতে ভৃগুপাত অর্থাৎ লক্ষ দিয়া পড়িয়া জীবনান্ত করিবেন । কিন্তু রূপ সনাতনের সঙ্গে তাঁহার সাক্ষাৎ হইলে তাঁহার দুই ভাই রঘুনাথকে ভীষণ সঙ্কল্প হইতে প্রতিনিবৃত্ত করিলেন, এবং আপনাদের কনিষ্ঠ ভাই করিয়া নিকটে রাখিলেন । তাঁহাদের স্নেহে রঘুনাথ প্রাণ পরিত্যাগ করিলেন না । রূপ ও সনাতন রঘুনাথের নিকট মহাপ্রভুর নিগূঢ় লীলা সকল নিরন্তর শুনিতে লাগিলেন । রঘুনাথ রাধাকুণ্ড স্ত্রীরে কুটীর নির্মাণ করিয়া অতি কঠোর সাধনার প্রবৃত্ত হইলেন । তিনি অন্ন ধল পরিত্যাগ করিয়া কিঞ্চিৎ ঘোলের মাঠা পান করিয়া জীবন ধারণ করিতে লাগিলেন এবং অল্প কথা একেবারে ছাড়িয়া দিলেন । প্রতিদিন এক-সহস্র লোককে প্রণাম করা, এক লক্ষ হরিনাম জপ করা, তিন সন্ধ্যা রাধাকুণ্ডে স্নানকরা, ব্রজবাসীদিগের সম্ভাষণ ও তত্ত্বাবধান করা, দিব্য-রাত্রি চিন্তা ও ধ্যান যোগে রাধাকৃষ্ণের মানস-সেবা করা এবং এক প্রহর কাল মহাপ্রভুর গুণ-চরিত্র বলা, তাঁহার নিত্যকর্মের মধ্যে পরিগণিত হইল । অষ্ট প্রহর দিবা রজনীর মধ্যে সাড়ে সাতপ্রহর ভজন-সাধনে যাইত, আরিদ্‌ও কাল তিনি নিজা যাইতেন । রাধাকুণ্ডে অবস্থিতি কালে

রঘুনাথ দাস চৈতন্যচরিতামৃত-রচয়িতা কৃষ্ণদাস কবিরাজকে শিষ্যে গ্রহণ করিয়াছিলেন এবং চৈতন্যস্বত্ব-কল্পবৃক্ষ বা স্তবমালা, দানচরিত ও মুক্তাচরিত নামে তিন খানি গ্রন্থ রচনা করিয়াছিলেন ।

দ্বাবিংশ পরিচ্ছেদ ।

বল্লভভট্টের আগমন ।

বল্লভ ভট্টের কথা পাঠকের স্মরণ আছে । শ্রীচৈতন্য প্রয়াগে ইহার নিমন্ত্রণ স্বীকার করিয়া নোকাবোগে ইহার বাসগ্রাম আশ্বলী-গ্রামে গমন করিয়াছিলেন । আশ্বলী গ্রামের বর্তমান নাম আড়াইল ; এখানে বল্লভাচার্যের এখনও আসন আছে । বল্লভভট্ট বা বল্লভাচার্য একই ব্যক্তি । ইনি বল্লভাচারী বৈষ্ণব সম্প্রদায়ের প্রবর্তক । উত্তর পশ্চিমাঞ্চলে, গুজ-রাটে ও বোম্বাই প্রদেশের অনেক স্থানে অনেক বল্লভাচারী বৈষ্ণব দেখা যায় ।

বল্লভ ভট্ট শ্রীচৈতন্যের মিলনাশায় নীলাচলে আসিয়া পাদ বন্দনা করিলেন । চৈতন্যদেব তাঁহাকে গাঢ় আলিঙ্গন করিয়া নিকটে বসাইলে ভট্ট বলিতে লাগিলেন ‘বহুদিন হইতে তোমাকে দেখিতে ইচ্ছা হইয়াছিল ; আজ তাহা পূর্ণ হওয়ায়, ধন্য হইলাম । তোমাকে স্মরণ করিলেও জীব পবিত্র হয় ; দর্শনের ত কথাই নাই । কলিযুগের ধর্ম নাম সঙ্কীর্ণ । কৃষ্ণশক্তি ভিন্ন তাহা প্রবর্তিত হইতে পারে না । তাহা বখন তুমি প্রবর্তন করিয়াছ, তখন তোমাতে যে শ্রীকৃষ্ণের শক্তি অবতীর্ণ হইয়াছে, তাহাতে সন্দেহ নাই । তুমি মহা প্রেমিক ; যে তোমাতে দর্শন করে, সেই প্রেমসিদ্ধিতে ভাসিতে থাকে ।’

বল্লভ ভট্ট এই সব বিনয় বাক্য বলিলেও তাঁহার হৃদয়ে দৃঢ় অভিমান ছিল যে তিনি যেমন ভক্তি সিদ্ধান্ত জানেন, তেমন কেহ জানে না ; তিনি যেমন ভাগবত ব্যাখ্যা করিতে পারেন, এমন কেহ পারে না । কৃষ্ণচৈতন্য ইহা জানিতে পারিয়া ভট্টের গর্ক চূর্ণ করিবার অভিপ্রায়ে ভঙ্গী করিয়া উত্তর দিলেন ‘শুন ভট্ট মহামতি ! আমি মায়াবাদী সন্ন্যাসী ; ভক্তিতত্ত্বের কিছুই জানি না । অধৈতাচার্যের সমান, সর্বশাস্ত্রবেত্তা কৃষ্ণভক্ত কেহ নাই ।

তাহারি । সদাশিব ।

ভাবে উন্নত ও কৃষ্ণপ্রেমের সাগর। বড়দর্শন-বেত্তা সার্কভৌম ভট্টাচার্যের জ্ঞান মহাভাগবত আর কে আছে? কৃষ্ণরসের খনি রামানন্দ ষায়েক জায় রসিক ভক্ত জগতে নাই। শাস্ত্র, দান্ত, সখ্য, বাৎসল্য, মধুর, রসে-তিনি অগ্রগণ্য; রাগান্বিকা-ভক্তিমার্গে তাঁহার ভজন; ঐশ্বর্য-জ্ঞানহীন কেবলা রতিতে তাঁহার অনুরাগ। স্বরূপদামোদর মূর্তিমান মধুর রস এবং ব্রজ-দেবীর কাম-গন্ধহীন শুদ্ধ প্রেমের অধিকারী। হরিদাস ঠাকুর নাম-মাহাত্ম্যে অগ্রগণ্য; তিনি লক্ষ নামগ্রহণ তাঁহার নিত্যব্রত। এবং 'আচার্য্য রত্ন, আচার্য্য নিধি, জগদানন্দ, দামোদর, প্রভৃতি ভক্তগণ, কেহ গোড়ে, কেহ উৎকলে, অবতীর্ণ হইয়া জগতে প্রেমভক্তি প্রচার করিয়া জীবোদ্ধারের উপায় করিতেছেন। এই সকল মহাভাগবতদিগের সঙ্গে আমার বাহা কিছু শিক্ষা।'

ভট্ট জিজ্ঞাসা করিলেন 'এ সব বৈষ্ণব কোথায় আছেন? কি প্রকারে আমি তাঁহাদের দর্শন পাইব?'

শ্রীচৈতন্য উত্তর করিলেন 'কেহ গঙ্গাতীরে, কেহ এখানে, বাস করেন। সম্প্রতি রথযাত্রা দেখিতে সকলেই এ স্থানে একত্রিত হইয়াছেন। তুমি এখানেই তাঁহাদের দর্শন পাইবে?'

পর দিনে শ্রীচৈতন্য ভক্তগণের সঙ্গে ভট্টের পরিচয় করিয়া দিলে ভট্ট বৈষ্ণবগণের তেজ ও বৈষ্ণবতা দেখিয়া বিস্মিত হইলেন এবং মনে মনে করিতে লাগিলেন 'না জানি এ সব ভক্ত কেমন, যাহাদের নিকট শ্রীচৈতন্য শিক্ষা লাভ করিয়াছেন।' ইহার পর বল্লভ ভট্ট সপার্বদে শ্রীচৈতন্যকে নিমন্ত্রণ করিয়া পরিতোষরূপে ভোজন করাইলেন ও মালা চন্দন পরাইয়া সকলের প্রীতি বর্দ্ধন করিলেন। রথযাত্রায় গুণ্ডিচা মার্জ্জন, সাত সম্প্রদায়ে নৃত্য কীর্ত্তন, মহাপ্রভুর ভাবাবেশ দেখিয়া ও সঙ্গীর্জন শুনিয়া ভট্ট চমৎকৃত হইলেন এবং কতকদিন নীলাম্বলে বাসের পর শশিষ্য দেশে প্রত্যাগমন করিলেন।

বারাস্তরে বল্লভ ভট্ট পুরুষোত্তমে আসিয়া শ্রীচৈতন্যের চরণ বন্দনা করিলেন এবং বলিলেন 'আমি ভগবতের এক টীকা প্রস্তুত করিয়াছি, তুমি শুনিলে, কৃতার্থ হই।'

শ্রীচৈতন্য উত্তর করিলেন 'ভাগবতার্থ বুঝিতে আমার অধিকার নাই। আমি কেবল বসিয়া কৃষ্ণ নাম জপ করিয়া থাকি? তাও সংখ্যা-নাম পূর্ণ হয়

না ।' ভট্ট বলিলেন 'আমি কৃষ্ণ নামের অর্থ বিস্তৃতরূপে ব্যাখ্যান করিয়াছি ;
তুমি শুনিও বুদ্ধিতে পারিবে ।'

শ্রীচৈতন্য বলিলেন 'শ্রীমদ্বন্দ্বের, যশোদানন্দন, ভিন্ন কৃষ্ণনামের 'অন্য
অর্থে আমার অধিকার নাই ।'

বল্লভভট্টের ব্যাখ্যা সব 'বল্লভ' 'কল্লভ'র স্থায় হাশাস্পদ জানিয়া শ্রীচৈতন্য
উপেক্ষা করিয়া শুনিলেন না । ভট্ট অত্যন্ত দুঃখিত হইয়া চলিয়া গেলেন ।
অন্তরে অন্তরে শ্রীচৈতন্যের প্রতি তাঁহার ভক্তি কিছু শিথিল হইল । শ্রীচৈতন্য
বল্লভ ভট্টের ব্যাখ্যা শুনে নাই, একথা শ্রীমদ্বন্দ্ব নীলাচলের বৈষ্ণবসম্প্রদায়ীতে
প্রচার হইয়া গেল । ভট্ট যেখানে যান, সেইখানেই মুখ পান না । ইহাতে তিনি
অত্যন্ত অপমানিত জ্ঞান করিয়া এক দিন গদাধর পণ্ডিতের নিকটে যাইয়া
মনোহুঃখ বলিতে লাগিলেন :—'সকলেই ত আমার প্রতিকূল হইয়াছে ।
এক্ষণে তোমার শরণ লইতেছি । তুমি যদি আমার ব্যাখ্যা শ্রবণ কর;
'তবেই আমার লজ্জা নিবারণ হয় ।' পণ্ডিত গোঁস্বামী কি করিবেন, কিছুই
স্থির করিতে না পারিয়া মোনাই হইয়া থাকিলেন । বল্লভ ভট্ট জোর করিয়া
স্বীয় ব্যাখ্যা তাঁহাকে শুনাইতে লাগিলেন । গদাধর ভক্ততার অনুরোধেও
তাঁহার গোরবে নিষেধ করিতে না পারিয়া মনে মনে 'কৃষ্ণ ! রক্ষা কর, এ
সঙ্কটে উদ্ধার কর' বলিয়া প্রার্থনা করিতে লাগিলেন । এবং ভাবিতে
লাগিলেন 'মহাপ্রভুকে তত ভয় নাই ; তিনি সব অবস্থা বুঝিতে পারিয়া
আমাকে রক্ষা করিবেন ; কিন্তু বিষম তাঁহার গণের হাতে কিছুতেই রক্ষা
নাই ।' ফলে তাহাই হইল ; গৌর ভক্তগণ এ বৃত্তান্ত জানিতে পারিয়া
পণ্ডিতের উপর জুঁক হইলেন ।

বল্লভ ভট্ট প্রতিদিন গৌরানুগত্য যাইয়া লঘু, গুরু, সকলের সঙ্গেই
বিচার-তর্ক লাগাইয়া দেন । ভক্তগণ চারিদিক্ হইতে তাঁহার কথার
প্রতিবাদ করিয়া টাট্কারি দিতে থাকেন । ভট্ট হংসমধ্যে বকের স্থায়
বসিয়া থাকেন । একদিন তিনি অষ্টোড়ার্চ্যাকে জিজ্ঞাসা করিলেন 'আচ্ছা,
বলুন দেখি জীব-প্রকৃতি কৃষ্ণকে পতি বলিয়া স্বীকার করিয়া তাঁহার
নাম করে কেন ? পতিব্রতা নারী কখন ত পতির নাম লয় না ।
আপনার কৃষ্ণনাম লইয়া কেমন করিয়া ধর্ম রক্ষা করিয়া থাকেন ?'
আচার্য্য শ্রীচৈতন্যকে দেখাইয়া দিয়া বলিলেন 'তোমার আগে সুর্ষ্যমান ধর্ম
বিভাজিত করিতেছেন, তাঁহাকে জিজ্ঞাসা করিলে সন্দেহের মাইবে ।' শ্রীচৈতন্য

ভট্টকে বলিলেন 'তুমি ধর্মের মর্ম বুঝ নাহি। স্বামীর আজ্ঞা প্রতিপালন করা পতিব্রতার প্রণাম ধর্ম। পতির আজ্ঞা নিরন্তর তাঁহার নাম লইতে। সেই আজ্ঞা লঙ্ঘন করিতে না পারিয়া ভক্ত নাম লইয়া থাকেন।'

বল্লভভট্ট নিরুত্তর হইয়া হৃঃখিত মনে বাসায় আসিলেন; 'এবং মনে মনে ভাবিতে লাগিলেন 'এই সভায় নিতাই আমার কথা খণ্ডিত হয়। একদিন যদি সকলকে হারাইয়া লজ্জা দিতে পারি, তাহা হইলে আমার মুখ হয়। বাহা হউক, আর একবার চেষ্টা করিব।' পরদিন সভায় যাইয়া শ্রীচৈতন্যকে প্রণাম করিয়া তিনি গর্ব করিয়া বলিতে লাগিলেন 'শ্রীধর স্বামীর ভাগবতের টীকা অগ্রাহ। তাহা খণ্ডন করিয়া আমি নূতন টীকা রচনা করিয়াছি। স্বামী বেখানে যেমন, সেখানে তেমন ব্যাখ্যা করিয়াছেন; আগাগোড়ায় সামঞ্জস্য নাই। সেজন্য তাঁহার টীকা মানিতে পারি না।'

শ্রীচৈতন্য ইহা শুনিয়া বিরক্তির হাসি হাসিয়া 'যে স্বামীকে মানে না, তাহাকে ত বেস্তার মধ্যে গণনা করিতে হয়' বলিয়া মৌনাবলম্বন করিলেন। বল্লভভট্ট স্বীয় অভিমানে বাধা পাইয়া রোধকবায়িত মনে বাসায় আসিলেন। এবং রাত্রিতে মনে মনে চিন্তা করিতে লাগিলেন 'ইনি ত পূর্বে প্রয়াগে আমাকে বহু কৃপা করিয়াছিলেন; আমার নিমন্ত্রণ গ্রহণ করিয়া আমার আশ্রমে গিয়াছিলেন; এখন কেন এত নিগ্রহ করিতেছেন?' বল্লভ ভট্ট বুদ্ধিমান ও ভক্ত; মনশ্চাক্ষুণ্য অপনীত হইলে নিজের ক্রটি বুঝিতে পারিলেন। 'আমি জ্ঞানের গর্বে গর্জিত হইয়া মহাত্মভব সাধুদিগকে বিচারে পরাস্ত করিতে ইচ্ছা করিয়াছি; অভিমানে অন্ধ হইয়া আমিই সর্বাপেক্ষা জ্ঞানী ও বিজ্ঞ, ইহা জানাইতে গিয়াছি; অগৎপূজ্য শ্রীধরস্বামীকে অবজ্ঞা করিয়াছি; এখন কি, শ্রীচৈতন্যকেও তুচ্ছ মনে করিয়াছি। এ সব অপরাধ বুঝিয়া আমাকে সংশোধন করিবার জন্তই কি তিনি অপমান করেন নাই? ইনি আমার হিতাকাঙ্ক্ষী; আমি মূর্খ, তাহাও বুঝিতে পারি নাই। বাহা হউক, এখন দূর হও অভিমান! দূর হও জ্ঞানগর্ব! হায়! আমি কি ঘোর অপরাধী! ভক্তাপরাধ হইতে আমি কিসে পরিত্রাণ পাইব?' এইরূপ চিন্তা করিয়া বল্লভ ভট্ট প্রাতঃকালে শ্রীচৈতন্যের নিকটে আসিয়া চরণে ধরিয়া বালকের ন্যায় কঁাদিতে কঁাদিতে নিজ অপরাধ স্বীকার করিলেন এবং ক্ষমা বাঞ্ছা করিয়া বলিলেন 'তোমার কৃপায় এখন আমার গর্ভাক্ষকার চলিয়া গিয়াছে; কৃপা করিয়া উপদেশ দাও।'

ক্রীষ্টতন্য প্রেমভাবে উত্তর করিলেন :—‘তুমি মহাপণ্ডিত ও পরম ভাগবৎ । যেখানে এই উল্লয় গুণ থাকে, সেখানে ত গর্ষপর্বত স্থান পায় না । তবে কেন গর্ষিত হইয়া শ্রীধরস্বামীকে নিন্দা করিয়াছ ? শ্রীধর জগদগুরু ; তাঁহার কৃপা ভিন্ন ভাগবতার্থ জ্ঞান হয় না । তাঁহাকে লজ্জন করিয়া যে ভাগবতের টীকা লিখিতে বাইবে, তাহার ব্যাখ্যা কেহ মানিবে না । আর শ্রীধরের অনুগত হইয়ে যে অর্থ করিবে, সেই অর্থ পরম সুখদ হইবে । যাঁ, অভিমান, পরিত্যাগ করে স্বামীর অনুগত হইয়ে টীকা লেখ গে ; সব মনোবাঞ্ছা পূর্ণ হবে । সাধু-অপরাধ মহাপাপ ; এ পাপ থাকিতে শ্রীকৃষ্ণ-ভজন হয় না । সে অপরাধ পরিত্যাগ করিয়া নিরভিমান চিত্তে কৃষ্ণভজন করগে ; অচিরে কৃতার্থতা লাভ করিতে পারিবে ।’

বল্লভ ভট্ট গোরের প্রসন্নতা লাভ করিয়া ও ভক্তগণের নিকট আশ্রয়দোষ ফালন করিয়া সকলকে মহাপ্রসাদ ভোজনের নিমন্ত্রণ করিলেন । গৌরচন্দ্র তাঁহাকে সুখনিতে তাঁহার নিমন্ত্রণ গ্রহণ করিয়া সদলে পরমানন্দে ভোজন করিলেন ।

বল্লভ ভট্ট বালগোপালের উপাসক । কিন্তু গদাধর পণ্ডিতের সঙ্গে থাকিতে থাকিতে তাঁহার মন পরিবর্তন হইয়া গেল । তিনি কিশোর গোপালের উপাসনা গ্রহণ করিবার জন্য পণ্ডিতের নিকট মন্ত্রদীক্ষা চাহিলেন । গদাধর উত্তর করিলেন ‘এ কর্ম আমা হইতে হইবে না ; আমি ত স্বাধীন নই । প্রভু গৌরচন্দ্র আমার পরিচালক ; তাঁহার আজ্ঞা ব্যতীত আমার কোন কিছু করিবার সাধ্য নাই । তুমি যে আমার নিকট যাতায়াত কর, তাহাতেই আমি তিরস্কৃত হইয়া থাকি ।’

বৈষ্ণবীয় ধর্ম শক্তি ও ভাবের অবতরণ সমর্থিত হইয়াছে । বিশেষ বিশেষ পাত্র, বিশেষ বিশেষ ভাব ও শক্তি অবতীর্ণ হইয়া ভগবন্তীনার সহায়তা করে, এ সত্য কে না স্বীকার করিবে ? যেমন মনকাদিতে শাস্ত্র-ভাব, ঋষ প্রহ্লাদে দাস্ত্রভাব, রুক্মিণী সত্যভামার প্রেমভাব অবতীর্ণ ; তেমনি আবার মনকাদির শাস্ত্রভাব শাক্যসিংহ প্রভৃতিতে, প্রহ্লাদের দাস্ত্রভাব যবন হরিদাসে ও রুক্মিণী সত্যভামার ভাব গদাধরপণ্ডিত ও জগদানন্দ পণ্ডিতে অবতীর্ণ । পরন্তু রুক্মিণী ও সত্যভামা উভয়েরই প্রেমভাব হইলেও উভয়ের প্রেমের প্রকৃতিগত তারতম্য অনেক । সত্যভামার প্রেম বাম্য স্বভাব, কুটিল ; তাহা

শ্রীচৈতন্যের সহিত তিনি অল্পদিন প্রেমের ঝগড়া করিয়া থাকেন। কিন্তু কৃষ্ণ-
 নীর প্রেম অন্য ধরণের। তাহা বিশুদ্ধ ও প্রগাঢ়। দাক্ষিণ্যে অর্থাৎ আত্ম-সমর্পণ
 ও সহিষ্ণুতায় তাহার প্রকাশ। শ্রীকৃষ্ণ উপহাস করিয়া ছাড়িয়া যাইব বলিলে
 কৃষ্ণিনীর ত্রাসের সীমা ছিল না। গৌরে গদাধরের প্রেম সেই প্রকারের।
 শ্রীচৈতন্য পরীক্ষা করিবার জন্য দিন কতক গদাধরের সঙ্গে ভাল করিয়া কথা
 বলেন নাই। গদাধর নীরবে তাহা সহ করিলেন এবং শ্রীচৈতন্যের সভায়
 বাতায়াত বন্ধ করিয়া ঘরে বসিয়া নির্জনে বাধন ভঞ্জন করিতে লাগিলেন।
 যে দিন বল্লভ ভট্টের বাসায় ভক্তগণের মহাপ্রসাদের নিমন্ত্রণ হইয়াছিল;
 সেদিন স্বরূপ ও জগদানন্দ দ্বারা শ্রীচৈতন্য গদাধরকে ডাকিয়া পাঠাইলেন।
 গথে আসিতে আসিতে স্বরূপ বলিলেন ‘তোমাকে যেমন তিনি উপেক্ষা
 করিয়াছেন; তুমি নীরবে সহ না করিয়া দশকথা শুনাইয়া দিলে না
 কেন?’ গদাধর উত্তর করিলেন ‘তাও কি পারি? তাঁহার সঙ্গে ঝগড়া
 করা কি ভাল? রাগের মাথায় না হয় ছ’কথা বলেছেন। ইহার পর বুকে
 আগনিই কৃপা করবেন।’

শ্রীচৈতন্যের সমীপে আসিয়া গদাধর রোদন করিতে লাগিলেন। শ্রীচৈ-
 তন্য মধুর বচনে বলিলেন ‘আমি তোমাকে কতই বলেছি; কিন্তু তুমি একটা
 কথারও উত্তর না দিয়া নীরবে সহ করিয়াছ। জগদানন্দ হ’লে আমাকে
 কতই শুনাইয়া দিত। বাহা হউক, তোমার এই সরল স্মৃদু প্রেমে আমি
 চির-ঋণী থাকিলাম।’

গদাধরে গৌরের প্রেম দেখিয়া বৈষ্ণবগণ গৌরকে ‘গদাধরের প্রাণনাথ’
 বলিয়া ডাকিতে লাগিলেন; এবং উভয়ের নাম একত্র যোগ করিয়া ‘গদাই-
 গৌরাজ’ নাম প্রকাশ করিলেন। পণ্ডিত গদাধর ইহার পর সমস্ত গৌর-
 চন্দ্রকে একদিনে নিমন্ত্রণ খাওয়াইলেন। সেইদিন গৌরের আজ্ঞায় বল্লভ ভট্ট
 গদাধরের নিকট মস্তদীক্ষা লইয়া আপন মনোবাহা পূর্ণ করিলেন।

ত্রয়োবিংশ পরিচ্ছেদ ।

গোপীনাথ পট্টনায়কোদ্ধার ।

পরমসুখে শ্রীচৈতন্যের দিন অতিবাহিত হইতে লাগিল। দিনমানে
 নানা দেশীয় পণ্ডিত ও ভক্তমণ্ডলীর সহিত সংপ্রসঙ্গ, জগদানন্দদর্শন এবং

নৃত্য-কীর্তন ; এবং রজনীতে রামরায় ও স্বরূপের সহিত কৃষ্ণলীলার
আম্বাদন করিতেন ।

দিন দিন গৌরের বিরহ চেষ্টা বাড়িতে লাগিল । তিনি বাকুল ও অধৈর্য
হইতে লাগিলেন । কিন্তু রাত্রিতে স্বরূপ রামানন্দ ভিন্ন সে ভাব অত
কেহ দেখিতে পাইত না । এই সময়ে নানা দিগ্দেশীয় নর-নারী ও পণ্ডিত
মণ্ডলী তাঁহাকে দেখিতে আসিতেন । তিনি স্তুতিমালা ও হরি-সঙ্কীৰ্ত্তন
উপদেশ দিয়া সকলকে পরিতৃপ্ত করিতেন ।

এক দিন বাসায় বসিয়া শ্রীচৈতন্য হরিনাম করিতেছেন, এক জন লোক
আসিয়া ব্যস্তসমস্ত ভাবে সংবাদ দিল ‘বড় জানা গোপীনাথ পট্টনায়ককে
চান্দ্রের উপর হইতে নিচে শাপিত খড়্গা পাতিয়া ফেলিয়া দিয়া বধ করিবার
উদ্যোগ করিতেছেন । আপনি রক্ষা না করিলে নিস্তার নাই । ভবানন্দ
রায় সবংশে আপনার সেবক ; তাহার পুত্রকে রক্ষা করা কর্তব্য ।’ শ্রীচৈতন্য
শান্ত ভাবে জিজ্ঞাসা করিলেন ‘কি কারণে তাহার প্রাণ দণ্ড হইতেছে ?’

আগন্তুক সমুদায় বৃত্তান্ত বিবৃত করিয়া বলিতে লাগিল :—‘গোপীনাথ
পট্টনায়ক রামানন্দ রায়ের সহোদর । আপনি জানেন মালভেষ্ঠা-দণ্ডপাট
প্রদেশে মহারাজা তাঁহাকে শাসনের ভার দিয়াছিলেন । নিকাশে দুই লক্ষ
কাহন কড়ি তাঁহার নিকট বাকি হওয়াতে মহারাজ তাহা তলপ করিয়া
ছিলেন । নগদ কড়ি দিতে না পারিয়া গোপীনাথ বারটা ঘোড়া দিয়া মূল্য
করিয়া লইতে এবং অবশিষ্ট ক্রমে ক্রমে পরিশোধ করিতে চাহিয়াছিলেন ।
পুরুষোত্তম জানাকে ঘোড়ার মূল্য করিতে মহারাজ ভার দিনে, বড় জানা
ঘোড়ার মূল্য কম করিয়া ধরিয়াছিলেন । পুরুষোত্তমের গ্রীবা উচ্চ, উৰ্দ্ধ
মুখে চাহিয়া ও গ্রীবা ফিরাইয়া কথা কহা তাঁহার প্রকৃতি । ঘোড়ার কম
মূল্য শুনিয়া গোপীনাথ ক্রোধান্বিত হইয়া বলিয়া উঠিলেন “রাজকুলা লাভ
করিলে কি ধর্মভয় থাকে না ? আমার ঘোড়ার গ্রীবা উচ্চ বটে, কিন্তু
তাহারা ত উৰ্দ্ধদিকে এদিক্ ওদিক্ চাহিতে পারে না ; তাহাতে বুঝি দাম
কম হইল ?” এই কথায় রাজপুত্র পুরুষোত্তম ক্রুদ্ধ হইয়া রাজার নিকট
ঠকামি করিয়া কহিল “গোপীনাথ রাজকড়ি না দিবার মতলবে ছুটামি
করিয়া বেড়াইতেছে ; যদি হুকুম দেন ত তাহাকে চান্দ্রে চড়াইয়া কড়ি
আদায় করি ।” রাজা বলিলেন “যে উপায়ে কড়ি আদায় হয়, তাহাই কর ।”
এই বলিয়া আগন্তুক বলিল এই ছাত্র ‘অত্যাচর চান্দ্র পাতিয়া তাহার নীচে

‘সুশাণিত খজা সকল পাতিয়াছে আমি স্নেহিয়া আসিয়াছি ; গোপীনাথকে চাঙ্গে চড়াইয়া খাঁড়ার উপর ফেলিয়া দিবে ।’

শ্রীচৈতন্য বিরক্ত হইয়া বলিলেন ‘রাজার কড়ি দিবে না, রাজা তাহাকে দণ্ড দিবে না ত কি ? রাজ-ভক্ত নাই ; রাজ-বিলাস সাধিয়া খাইয়া নর্তক নর্তকী ও দাঁড়ী মাঝিকে দিয়া অর্থের অপব্যয় করিবে ; আর দণ্ড লইবার সমস্ত বাহাকে তাহাকে দিয়া অনুবোধ করাইতে চাহিবে । বাও ! আমি এ সব কিছু শুনিতে চাই না ।’

এই সময়ে আর এক ব্যক্তি দ্রুতভাবে আসিয়া জানাইল ‘বাণীনাথ প্রভৃতিকে সবংশে বাঁধিয়া লইয়া গেল ।’

শ্রীচৈতন্য জিজ্ঞাসা করিলেন ‘বন্ধনাবস্থায় বাণীনাথ কি করিতেছেন ?’

দ্বিতীয় আগন্তুক বলিল ‘তিনি হরিনাম জপ করিতেছেন ।’

শ্রীচৈতন্য মনে মনে বাণীনাথের নাম-নিষ্ঠার প্রশংসা করিয়া প্রকাশে বলিলেন ‘রাজা আপন প্রাপ্য লইবেন ; আমি বিরক্ত সম্যাসী, তাহার কি করিব ?’

তখন স্বরূপাদি ভক্তগণ বলিলেন ‘রামানন্দ রায়ের গোষ্ঠি সব তোমার আশ্রিত দাস ; তুমি এ বিষয়ে উদাসীন হইলে তাহারা কি প্রকারে বাঁচিবে ?’ শ্রীচৈতন্য এবারে ক্রুদ্ধ হইয়া ব্যঙ্গভাবে বলিলেন ‘তবে তোমরা সকলে আমাকে আজ্ঞা দাও, আমি রাজার নিকট হইতে অঞ্চল পাতিয়া দুই লক্ষ কাহন কড়ি ভিক্ষা করিয়া আনি । কেমন, এই ত তোমাদের মত ? কিন্তু চাহিলেই না পাঁচ গোঙার ভিখারীকে দুই লক্ষ কাহন দিবে কেন ?’

এই সময়ে তৃতীয় ব্যক্তি আসিয়া জানাইল ‘গোপীনাথকে খজ্ঞাগরে ফেলিয়া দিবার জন্ত চাঙ্গে তুলিতেছে ।’

স্বরূপাদি তখন ব্যস্ত সমস্তভাবে শ্রীচৈতন্যকে অহুন্নয় করিতে লাগিলেন । শ্রীচৈতন্য বলিলেন ‘আমি ভিক্ষুক, আমি হইতে কোন উপকারের সম্ভাবনা নাই । তোমরা সকলে মহাভক্ত হ’লে, বাঁহাকে ডাকিলে কোন বিপদ থাকে না, সেই বিপদভঞ্জন হরিকে কেন না ডাকিতেছ ? তাহার নিকটে প্রার্থনা কর, উপযুক্ত হইলে তিনি অবশ্যই পূর্ণ করিবেন ।’

এ দিকে রাজমন্ত্রী হরিচন্দন রাজা প্রতাপরুদ্রের নিকট বাইয়া বলিলেন ‘গোপীনাথ প্রভৃতি সবংশে মহারাজের কিঙ্কর, তাহার প্রাণদণ্ড করা কি কর্তব্য ? বিশেষতঃ তাহার নিকট অনেক অর্থ প্রাপ্য রহিয়াছে । প্রাণদণ্ড

‘হইলে তাহা ত আদায় হইবে না । নিরর্থক রাজকোষের অর্থ ক্ষয় হইবে ।
আমার বিবেচনায় যথার্থ মূল্যে তাহার ঘোড়াগুলি লইয়া অবশিষ্ট অর্থের
একটা বন্দোবস্ত করিয়া লইলে ভাল হয় ।’

রাজা উত্তর করিলেন ‘তাহার প্রাণ লইতে আমি আদেশ দিই নাই ।
বড় জানা বলিয়াছিলেন প্রাণদণ্ডের ভয় দেখাইলে সে কড়ি দিবে; তাহাতেই
সম্মতি দিয়াছিলাম । তুমি যাও, তাহার প্রাণ রক্ষা করিয়া আমার প্রাণ
বাহাতে পাই, তাহা করগে ।’

তখন রাজপাত্র হরিচন্দন বড় জানাকে রাজাজ্ঞা জ্ঞাপন করিলে গোপী-
নাথকে চাক্ষ হইতে নামান হইল । হরিচন্দন যথার্থ মূল্যে তাহার ঘোড়া
কয়টা লইয়া ও বাকী কড়ির জন্ত অঙ্গীকারপত্র লেখাইয়া লইয়া তাহাকে
ছাড়িয়া দিলেন ।

এই ঘটনার কিছুক্ষণ পরে কানীমিশ্র শ্রীচৈতন্যের কাছে আসিলে গৌর
বিলিলেন ‘আমি এখান হইতে চলিয়া যাইব । নানা প্রকার উপদ্রবে আমি
শাস্তি পাইতেছি না ।’

কানীমিশ্র জিজ্ঞাসা করিলেন ‘কি হইয়াছে ?’

চৈতন্যদেব বলিলেন ‘ভবানন্দের গোষ্ঠি নানা প্রকারে রাজ-বিষয় অপচর
করিয়া থাকে ; নিকাশে দায়ী হইয়া অর্থ দিতে পারে না । রাজার কি
দোষ ? তিনি আপন শ্রাব্য অর্থ লইবেন না কেন ? কিন্তু তা’দের কি স্বভাব
যে আমি নির্জনবাসী ভিক্ষুক সন্ন্যাসী ; আমাকে তা’দের কথা বলে ছুঃখ দেয়
কেন ? গোপীনাথকে আজ চাক্ষে তুলিয়াছিল, ক্রমাগত চারিজন লোক এসে
আমাকে জানাইল । আজ যেন জগন্নাথ তাহাকে রক্ষা করিলেন ; কাগ
অবার এমনি হইলে কে রক্ষা করিবে ? এই সকল বিষয়ী লোকের কথায়
আমার মন অত্যন্ত ক্ষুব্ধ হইয়াছে । তাইতে বলি, এখানে থাকার আমার
প্রয়োজন নাই ।’

কানীমিশ্র চৈতন্যের চরণে ধরিয়া মিনতি করিলেন ‘তুমি এ সকল কথায়
ক্ষুব্ধ হও কেন ? তুমি বিরক্ত সন্ন্যাসী, তোমার সঙ্গে কা’র সম্বন্ধ ? যে ব্যক্তি
বিষয় লোভের জন্ত তোমার সেবা করে, তা’র মত মূঢ় আর কে ? দেখ,
তোমার জন্ত রামানন্দ রাজ্য ত্যাগ করেছেন ; সনাতন উজীরী ছেড়েছেন ;
রঘুনাথ দাস অতুল সম্পদ ঐশ্বর্য্য ছেড়ে তোমার শরণাপন্ন হয়েছেন ;
তা’দের ছেড়ে তুমি কোথায় যাবে ? আমার মনে হয় গোপীনাথও তোমার

‘হইতে বিষয় বাছা করেন না ; তাঁ’র বিপদী দেখে বোধ হয় তাঁ’র ভৃত্যগণ অন্তোপায় হইয়া তোমাকে জানাইয়াছিল। আমার অনুরোধ, আলালনাথে যাইও না। তোমাকে আর কেহ বিষয়ীর কথা শুনাবে না।’

রাজা প্রতাপরুদ্র যখন পুরুষোত্তমে বাস করিতেন, তখন তিনি প্রতিদিন মধ্যাহ্ন সময়ে অতীষ্টদেব কানীমিশ্রের পদসেবা করিতে আসিতেন এবং তাঁহার মুখে জগন্নাথের সেবার সংবাদ লইতেন। সে দিন পান-সন্ধ্যাকালে মিশ্র বলিলেন ‘দেব ! আর এক ছুঃখের কথা শুনেছেন ? মহাপ্রভু পুরুষোত্তম ছেড়ে আলালনাথে যাইবেন ?’ রাজা কারণ জিজ্ঞাসা করিলে কানীমিশ্র গোপীনাথের বৃত্তান্ত আমূল বিবৃত করিলেন। রাজা অত্যন্ত দুঃখিত হইয়া বলিতে লাগিলেন ‘চৈতন্য প্রভুর দর্শনলাভ জন্ত আমি সমুদায় বিষয় ছাড়িতে পারি ; দুই লক্ষ কাহনের ত কথাই নাই। আমার রাজ্য ও প্রাণে তাঁহার পদে উৎসর্গ করিতেছি। আপনি কৃপা করিয়া বাহাতে তিনি এখানে থাকেন, তাহা কহুন।’

কানীমিশ্র । তিনি বিষয়ের অভিলাষী নহেন, তাহা আপনি জানেন। এবং গোপীনাথকেও যে আপনি কড়ি ছাড়িয়া দেন, এ তাঁহার অভিপ্রায় নহে। বরং রাজস্বাপহারী চোর, মহাপাপী ; রাজ্যের বৃত্তিভোগী হইয়া রাজধন অপহরণ করে, বলিয়া তিনি নানা প্রকারে গোপীনাথের উপর অসন্তোষ প্রকাশ করিয়াছেন। আমি বলি তা’দের যেন কোন শারীরিক কষ্ট না দেওয়া হয়।

রাজা । তাহার প্রাণদণ্ড করা কখনই আমার অভিপ্রায় ছিল না। গোপীনাথ পুরুষোত্তম জনাকে বিক্রপ করিয়াছিল ; তিনি তাহাকে প্রাণদণ্ডের ভয় দেখাইয়াছিলেন মাত্র। বা’হোক, এই আমি তাহার সমুদায় কড়ি ছাড়িলাম ; আপনি দেখুন বাহাতে মহাপ্রভু এখান থে’কে চ’লে না বান্।’

কানীমিশ্র । আপনি কড়ি ছাড়িলে চৈতন্যদেব অত্যন্ত অসন্তুষ্ট হইবেন।

রাজা । তাঁহার খাতিরে আমি অর্থ ছাড়িলাম, এ কথা তাঁহাকে বলিবেন না। ভবানন্দ রায় আমার আত্মীয় ও গৌরবান্বিত ব্যক্তি। তাঁ’র পুত্রগণকে আমি সহজেই ভাল বাসি। তাহাদের বিষয় কর্মের ভার্য্যাপন করিয়া কোন নিকাশ লই না। রামানন্দকে রাজমাহীষের রাজা করিয়া দিয়াছিলাম ; তাহা নিষিদ্ধ, তাহার কোন হিসাব লই নাই।

গোপীনাথ সম্বন্ধেও এমন ব্যবহার কতবার করিয়াছি। রাজা কানীমিশ্রকে প্রণাম করিয়া উঠিয়া আসিলেন এবং পুরুষোত্তম জ্ঞানার দ্বারা গোপীনাথকে ডাকিয়া আনিয়া হিসাবের দায় হইতে মুক্তি দিলেন, মালজ্যেষ্ঠা দণ্ডপাটে পুনরায় অধিকার দিলেন, ও তাঁহার বেতন দ্বিগুণ বৃদ্ধি করিয়া দিয়া এবং নেতধটি-খেলাত পরাইয়া দিয়া বলিলেন ‘সাবধান ! ভবিষ্যতে আর কদাচ রাজধন নষ্ট করিও না। বেতন বৃদ্ধি করিয়া দিলাম এই জন্য যে আর তোমার অর্থের অভাব হইবে না। বাও, চৈতন্য প্রভুর আজ্ঞা লইয়া স্বীয় কর্মে প্রবৃত্ত হওগে।’

এদিকে কানীমিশ্র চৈতন্য-সকাশে আসিয়া রাজার ব্যবহারের কথা নিবেদন করিলে শ্রীচৈতন্য কিছু হঃখিত হইয়া বলিলেন ‘মিশ্র ! তুমি কি করিয়াছ ?’ আমাকে রাজপ্রতিগ্রহ করাইলে ?’

কানীমিশ্র উত্তর করিলেন ‘না, মহারাজ স্পষ্ট বলিয়াছেন, আপনার খাতিরে হিসাবের অর্থ ছাড়েন নাই। ভবানন্দের গোষ্ঠি তাঁহার আশ্রয় ; সে জন্য তাহাদের দয়া করিয়া ছাড়িয়া দিয়াছেন। পুরুষোত্তম জ্ঞানার সঙ্গে বিবাদ না হইলে কোন গোলযোগই হইত না।’

শ্রীচৈতন্য এ কথায় সন্তুষ্ট হইলেন। এ দিকে গোপীনাথ প্রভৃতি পঞ্চ পুত্রকে সঙ্গে লইয়া ভবানন্দ রায় চৈতন্যসকাশে আসিয়া আনন্দাশ্রু ফেলিতে ফেলিতে চৈতন্যচরণ বন্দনা করিয়া বলিতে লাগিলেন ‘এ মহাবিপদে রক্ষা করিয়া তুমি অহুগত বাৎসল্যাঙ্গুণ প্রকাশ করিলে।’

‘রাজ-প্রসাদ নেতধটি মস্তকে করিয়া গোপীনাথ প্রণত হইলেন এবং রাজার কৃপা বৃত্তান্ত বলিয়া কাদিতে কাদিতে কহিতে লাগিলেন ‘কোথায় চাক্সের উপর হইতে ভীষণ মৃত্যু, আর কোথায় দায় হইতে অর্যাহতি, দ্বিগুণ বেতন লাভ ও স্বপদে প্রতিষ্ঠা ; এ সব তোমারই কৃপায় হইল। কিন্তু তোমার কৃপার ত এ ফল হইতে পারে না। তোমার কৃপায় যে নিষ্কিঞ্চন ভক্তি লাভ হয়। রামানন্দ ও বাণীনাথ নিৰ্ভীষয় হইয়া ভক্তি পাইয়াছেন ; আমার স্ত্রে দিন কবে হবে যে দিন বিষয় ছাড়িতে পারিব ?’

শ্রীচৈতন্য হাসিয়া বলিলেন ‘পাঁচ ভাই সন্ন্যাসী হইলে তোমাদের বিশাল পরিবার কে প্রতিপালন করিবে ? সন্ন্যাসীই হও, আর বিষয়েই থাক, আমার এই উপদেশ যেন ধর্ম পথ হইতে কখন বিচলিত হইও না। তোমার চিরদিন আমার প্রেম-শান্তি বলিয়া বলিবার অধিকার আছে ; তাই বলিতেছি

ধন রাজধান কখন অপহরণ করিও না। ত্রায়োপার্জিত অর্থে ধর্মকর্ম করিও, কদাচ অসহায় করিও না। ধনও শ্রীকৃষ্ণের প্রসাদ; তাহার অযথা ব্যয় করিলে ইহকালে পরকালে দণ্ড পাইতে হয়।

এই প্রস্তাবে শ্রীচৈতন্তের ত্রায়নিষ্ঠা, ভক্তরক্ষা, ও নিরপেক্ষতা, অতি আশ্চর্যরূপে প্রদর্শিত হইয়াছে।

চতুর্বিংশ পরিচ্ছেদ ।

রাঘবের বালি ।

প্রতিবর্ষে রথযাত্রার পূর্বে বঙ্গের ভক্তদল নীলাচলে মহাপ্রভুর ত্রিলোচনে গমন করিয়া থাকেন। পানীহাটীর রাঘবপণ্ডিত সেই দলের একজন প্রধান। রাঘবপণ্ডী দময়ন্তীদেবী প্রতিবৎসর শ্রীচৈতন্তের জন্ম নানারূপ ভক্ষ্য দ্রব্য প্রস্তুত করিয়া পাঠাইয়া দেন। সে সকল দ্রব্য চৈতন্তদেব বৎসর ধরিয়া পরমাদরে উপভোগ করিয়া থাকেন। এই সকল খাদ্য এইরূপ, যে বৎসরাবধি থাকিলেও নষ্ট হইবার নহে। দময়ন্তীদেবী অতি শ্রদ্ধার সহিত বহুদিন ধরিয়া উহা প্রস্তুত করিতেন। আত্রকাশনি, আদা-কাশনি, ঝালকাশনি, আমসি, আমসব, তৈলাত্র, লেবু-আদার মিশ্রিত আচার বিশেষ, পৃথক পৃথক হাঁড়িতে সুধবন্ধ করিয়া সজ্জিত করিয়া দিতেন। উদর পীড়া নিবারণের জন্ত সুস্তাপাতা দেবী দময়ন্তী অতি যত্নের সহিত সাজাইয়া দিতেন। ধনে, মউরী, ও তণ্ডুল চূর্ণের চিনি পক নাড়ু, আনপিত্ত-নাশকারী শুষ্ঠিনাড়ু, নারিকেলের নাড়ু, গঙ্গাজল নাড়ু, বাতাসা, কেনী ও হিরহায়ী খণ্ডবিকার, চিরস্থায়ী ক্ষীরনাড়ু, স্নান আতব চিড়া ও হড়মের চিনি-পক সুবাসনাড়ু, তণ্ডুল-ভাজাচূর্ণ ঘৃত ও চিনিপক ও এলাচিকপূরাদি মসলা মিশ্রিত, উত্তম খই ঘৃতে ভাজা ও চিনির রসে পাক করা, ঘৃতে ভাজা কুটকলাই-চূর্ণ এবং গন্ধ-মিশ্রিত খণ্ড খণ্ড গঙ্গামৃত্তিকা প্রভৃতি দ্রব্য পৃথক পৃথক মৃৎপাত্রে এবং নূতন বস্ত্রের কুখলিতে পূর্ণ করিয়া সজ্জিত হইত। পরে সুন্দর সুন্দর বালি পেটায়তে বন্ধ করিয়া উপরে ছাব মোহর দিয়া চিহ্নিত করিয়া দেওয়া হইত। প্রত্যেক বালি বহন করিয়া লইয়া বাইবার জন্ত গোবরপণ্ডিত তিনটা করিয়া বাহক নিযুক্ত করিয়া দিতেন। আবার

সমস্ত ঝালি ও বাহকগণের উপর রাঘবশিষ্য মকরধ্বজকর মুন্সিব নিযুক্ত হইয়া প্রাপ্তপণ বস্ত্রে রক্ষা করিয়া পানীহাটী হইতে পুরুবোত্তমে লইয়া চলিতেন ।

এই সকল দ্রব্য অতি অকিঞ্চিংকর ছানিয়াও শ্রীচৈতন্য পরম শ্রীতির সহিত ভোজন করিতেন । যে স্নেহে উহা প্রস্তুত ও বহু দূরদেশ হইতে প্রেরিত হইয়াছে, তাহার মূল্য নাই, ভাবিয়া লাহার উল্লাসের সীমা থাকিত না । গুরুতর ভোজনে পেটে আম জন্মাইলে স্নাত্তাপাতের জলে তাহা নিবারণ হইতে পারিবে, মনে করিয়া স্নেহময়ী দময়ন্তী স্নাত্ত পাঠাইতেন । ভক্তের এই স্বর্গীয় প্রেম মনে করিয়া ভাবগ্রাহী শ্রীচৈতন্য স্নাত্ত ভোজনে যে সুখ পাইতেন, অত্বেয় পঞ্চামৃতে তেমন অনুভব করিতেন না । বাহা ইউব প্রতি দ্বৈর্ষে রাঘবপণ্ডিত এইরূপ ঝালি সাজাইয়া লইয়া যাইতেন বলিয়া বৈষ্ণব জগতে ‘রাঘবের ঝালি’ নামে উহা প্রসিদ্ধি লাভ করিয়াছিল ।

পরিশুণ্ডা নৃত্য ।

যখন নরেন্দ্রের জলে জগন্নাথের জললীলা হইতেছিল, একবৎসর বঙ্গের ভক্তগণ সেই সময়ে আসিয়া শ্রীচৈতন্যের চরণ বন্দনা করিলেন । ভক্তগণের সহিত জল ক্রীড়া করিয়া চৈতন্যদেব বাসায় আগমন করিলেন এবং পরিতোষরূপে ভক্তবৃন্দকে মহাপ্রসাদ খাওয়াইয়া যে বাহার নির্দিষ্ট বাসায় বিশ্রামার্থ পাঠাইয়া দিলেন । রাঘবপণ্ডিত গোবিন্দের নিকট ঝালি অর্পণ করিলে গোবিন্দ পূর্ববৎসরের ঝালি আজার করিয়া গৃহান্তরে রাখিয়া নূতন ঝালি নির্দিষ্ট স্থানে রক্ষা করিলেন ।

স্নানান্তে শ্রীচৈতন্য স্নাত সস্ত্রদ্বায়ে বেড়া-কীর্তন আরম্ভ করিয়াছেন । সকল সস্ত্রদ্বায়ই মনে করিতেছে প্রভু আমাদের নলে । ক্ষেত্রবাসীগণ অবাক নিষ্পন্দভাবে দেখিয়া শুনিয়া কৃতার্থ হইতেছে । রাজা, রাজপত্নীগণ, মন্ত্রী ও অহুচরবর্গ পৃথক্ পৃথক্ স্থানে দাঁড়াইয়া শুনিতেছেন । হঠাৎ শ্রীচৈতন্য স্বরূপকে বলিলেন তুমি উড়িয়া পদ গাও । স্বরূপ জিজ্ঞাসিলেন ‘কোন পদ ?’

শ্রীচৈতন্য বলিলেন :—‘জগমোহন পরিশুণ্ডা বাউ’ । এই পদ ।

স্নাত সস্ত্রদ্বায়ের কীর্তন থামিল ; স্বরূপ একা মধুরস্বরে এই পদ গাইতে লাগিলে শ্রীচৈতন্য ‘বোল’ ‘বোল’ বলিয়া বাহ তুলিয়া প্রেমাবেগে নাচিতে লাগিলেন । লোক সব আনন্দ উৎসাহে উচ্চ হরিধ্বনি দিতে লাগিল ।

শ্রীচৈতন্যের ভাব পূর্ণ মাতায় চড়িয়া উঠিল। তিনি সিংহ গর্জনে হকার দিতে লাগিলেন। পুলকে তাঁহার অঙ্গ শিমূলতরুর ছায় কণ্টকিত হইল; প্রভিরোমে শ্বেদ ও রক্তোদগম হইতে লাগিল, ক্রমে তাঁহার বাক্যের জড়তা হইয়া আসিল। তিনি ‘অগমোহন’ পদ আবৃত্তি করিতে, ‘জন্ম’ ‘গণ,’ ‘পুত্র,’ ‘মম,’ বলিতে লাগিলেন; দম্ভ সকল এরূপভাবে নড়িতে লাগিল, যে লোকে মূনে করিল যেন তাহা পড়িয়া বাইতেছে, এবং অঙ্গ সকল কখন ফুলিয়া উঠে ও কখন সর হইয়া যায়। তথাচ গৌর সিংহের আবেশ ও আনন্দ নৃত্য থামিল না। বেলা তৃতীয় প্রহর হইল; তখনও আ অহারা হইয়া তিনি ভাবসাগরে নিমগ্ন; কেবলই নাচিতেছেন। নিত্যানন্দ প্রভৃতি তাঁহার অতিরিক্ত দৈহিক শ্রম হইতেছে, বুঝিতে পারিয়া নৃত্য থামাইবার উদ্দেশে গীত বাদ্য থামাইয়া দিলেন। তিনি কিছু বাহুজ্ঞান লাভ করিলে নিত্যানন্দ বর্ণলেন—‘বেলা অতিরিক্ত হইয়াছে ও ভক্তগণ পরিশ্রান্ত হইয়াছেন।’ শ্রীচৈতন্য তখন নৃত্য কীর্ত্তন সমাপন করিয়া সমস্ত সিদ্ধ-স্নান ও প্রসাদ-ভোজনান্তে বিশ্রামার্থ গম্ভীরার দ্বারে গুইয়া পড়িলেন।

গোবিন্দের নিয়ম ছিল যে চৈতন্যদেব ভোজনান্তে শয়ন করিলে তিনি পদ সেবা করিয়া তবে ভোজন করিতেন। প্রভু গম্ভীরার দ্বারে গুইয়াছেন; গোবিন্দ ভিতরে বাইতে পথ না পাইয়া বলিলেন ‘এক পাশ হও, ঘরে বাইব।’

শ্রীচৈতন্য শ্রান্তি জানাইয়া উত্তর করিলেন ‘অঙ্গ ঢালীইবার শক্তি নাই।’

গোবিন্দ। পদ সন্ধান করিতে চাই; পথ দাও।

শ্রীচৈতন্য। কর, বা, না কর, তোনার ইচ্ছা। আমার নড়িবার শাখা নাই।

সেবক গোবিন্দ তখন তাঁহার বহির্কাস চৈতন্যের উপরে রাখিয়া প্রভুকে লজ্জন পূর্বক গৃহমধ্যে প্রবেশ করিল এবং পাদ সন্ধান করিয়া কটি, পৃষ্ঠ, চাপিতে লাগিলেন। সুন্দর মর্দনে শ্রীচৈতন্যের শ্রান্তি দূর হইল, তিনি সুখে নিদ্রা যাইতে লাগিলেন। দণ্ড হুই পরে নিদ্রা-ভঙ্গ হইলে চৈতন্যদেব দেখিলেন গোবিন্দ তখনও বসিয়া পা চাপিতেছে। তিনি বিরক্ত হইয়া জিজ্ঞাসা করিলেন ‘আজ এখনও বসিয়া আছিস্ যে? আমি নিদ্রা গেলে ভোজনে

গোবিন্দ উত্তর করিল 'তুমি হুয়ার চে'পে শুইয়া আছ, আমি বাহিরে বাই কোন্ পক্ষে?'

শ্রীচৈতন্য বলিলেন 'কেমন ক'রে ভিতরে এসেছিস, তেমনি ক'রে যেতে পারিস নি ?'

গোবিন্দ শেষ প্রশ্নের উত্তর না দিয়া নীরব হইল ও মনে মনে ভাবিতে লাগিল :—'সেবার নিয়ম রক্ষা করিবার জন্য মহত্ব অপরাধ গ্রাহ্য করি না ; নরকে গমন করিতে হইলেও প্রস্তুত আছি । কিন্তু নিজের স্বথের জন্য অপরাধের আভাসেও মনে ভয় হয় ।'

সেবাই সেবকের একমাত্র কর্তব্য । সেবা না করিয়া সেবক থাকিতে পারে না ; কেননা সেবাই তাহার প্রকৃতি । যাহার আত্মস্বথ উদ্দেশ্য, তাহা সেবা নহে । আপনাকে উৎসর্গ করিয়া প্রভুর প্রীতি বর্দ্ধনের নামই সেবা । সেবক জানে না যে সেবা করিলে আবার ধর্ম হয় । সে জানে যে সে সেবা করিতেই আসিয়াছে ; না করিলে সে বাঁচে না । সুতরাং একরূপ সেবার জন্য সেবক না করিতে পারে, এমন কাজই নাই । পাপ, বস্ত্রণা, নরক-ভয়, কি তাহাকে সেবা হইতে পশ্চাৎপদ করিতে পারে ? পাঠক মহাশয় ! ভক্তি-শাস্ত্রের এই নিগূঢ় উপদেশ ; এবং শ্রীগৌরানকে লক্ষ্যন করিয়া গোবিন্দের সেবার, এই নিগূঢ় তাৎপর্য ।

ভক্ত দত্তাস্বাদন ।

ভক্তগণ যিনি তাহা উত্তম বস্তু পাইতেন, চৈতন্যের ভোজনের জন্য গোবিন্দকে দিয়া বাইতেন । গোবিন্দ জানাইলে শ্রীচৈতন্য তাহা রাধিয়া দিতে বলিতেন । এমনি করিয়া রাধিতে রাধিতে অনেক খাদ্য-সামগ্রী রানীকৃত হইল । এ দিকে অদ্বৈত প্রভৃতি দাতাগণ গোবিন্দকে নিয়ত জিজ্ঞাসা করিতে লাগিলেন, তাহার প্রদত্ত দ্রব্য প্রভু খাইয়াছেন কি না ? গোবিন্দ কোন কিছু বলিয়া তাঁহাদিগকে বিদায় দিতে লাগিলেন । ভোজন-কালে এক দিন গোবিন্দ শ্রীচৈতন্যকে বলিলেন 'আচার্য্য প্রভৃতি' নাহান্নাগণ তোমার খাইবার জন্য নানা দ্রব্য দিয়াছেন । তুমি তাহা খাও না ; তাঁহারাও আমাকে জিজ্ঞাসা করিতে ছাড়েন না, তুমি খাইয়াছ কি না ? আমি আর তাঁহাদের কত বঞ্চনা করিব ? ভক্তগণের নিকট ইহাতে যে আমার মহা-পরোধ হইতেছে ।'

শ্রীচৈতন্য হাসিয়া বলিলেন 'আরে ! তোর দুঃখ কিসের ? আচ্ছা, কে কি দিয়াছেন, আন দেখি ।'

গোবিন্দ তখন একে একে ভক্তগণের নামোল্লেখ করিয়া তাঁহাদের প্রদত্ত খাদ্য দিতে লাগিলেন । অনেক দিনের পুরাতন খাদ্য ; পছিয়া গেলেও ভক্ত-দত্ত বলিয়া শ্রীচৈতন্য তাহা অন্নান বদনে খাইতে লাগিলেন । কষ্ট আছে, সে দিন শুকনা নারিকেল পর্য্যন্তও বাদ যায় নাই । সব দ্রব্য নিঃশেষ করিয়া শ্রীচৈতন্য জিজ্ঞাসা করিলেন 'আর কিছু আছে ?'

গোবিন্দ উত্তর দিল 'রাধবের ঝালি মাত্র অবশিষ্ট ।'

শ্রীচৈতন্য 'আচ্ছা, তাহা আর এক দিন দেখা যাইবে' বলিয়া হাসিতে হাসিতে আচমন করিলেন ।

নিমন্ত্রণ ভোজন ।

জগন্নাথের প্রসাদান্ন কিনিয়া শ্রীচৈতন্যের নিত্য ভোজন হইত । উহার মূল্য প্রথমে চারি পণ কড়ি নিরূপিত ছিল ; পরে রামচন্দ্র পুরীর কথায় কনাইয়া ঘেরূপে দুই পণ নির্দ্ধারিত হইয়াছিল, পাঠক তাহা জানেন । তাঁহাকে নিমন্ত্রণ করিতে হইলে ঐ মূল্য দিতে হইত ; অথবা কেহ প্রসাদ ক্রয় করিয়া তাহার উপর গৃহে কিছু রন্ধন করিয়া মিশ্রিত ভোজন করাইতেন । কেহ বা প্রসাদ না আনিয়া কেবল গৃহে রন্ধন করিয়া খাওয়াইতেন । গদাধর পণ্ডিত, সার্কর্ভোম ভট্টাচার্য্য, জগদানন্দ পণ্ডিত, ভগবান্ আচার্য্য, গোপীনাথ আচার্য্য, কানীশ্বর, রাম ভট্টাচার্য্য, শঙ্কর ও বক্রেশ্বর, এই কয় জন ক্ষেত্র-বাসীর গৃহে শেযোক্তরূপে ভোজন হইত । তন্মধ্যে গদাধর ও সার্কর্ভোমের মাসিক নিমন্ত্রণের দিন নিয়মিত ছিল । অপর ভক্তেরা মধ্যে মধ্যে অনিয়মিত-রূপে নিমন্ত্রণ করিতেন ।

যে চারিলাস বস্ত্রের ভক্তগণ উৎকলে থাকিতেন, সেই সময়েই নিমন্ত্রণের ঘট কিছু অধিক হইত । তাঁহাদের গৃহে মিশ্রভোজন বা প্রসাদমাত্র ভোজন হইত । ঘেরূপ বর্ণনা আছে, তাহাতে জানা যায়, যে সকলের গৃহে চৈতন্য-দেব ঘরভাতে নিমন্ত্রণ খাইতেন না । ব্রাহ্মণের জাতির তা কথাই নাই, ব্রাহ্মণের মধ্যেও ভোজ্য বিপ্র ভিন্ন, অন্যের অন্ন খাইতেন না । তাঁহার ঘেরূপ উদার ভাব দেখা যায়, তাহাতে জাতিভেদের সঙ্কীর্ণতা যে তাঁহার মধ্যে ছিল, তাহা কখনই বিদ্যমান হয় না । তবে লৌকিকচারকে তিনি অনেক

সময়ে লজ্বন করিতেন না । এই লৌকিকাচারের বশবর্তী হইয়াই বোধ হয় তাঁহাকে ক্রমশঃ নিয়ম অবলম্বন করিতে হইয়াছিল । যাহাহউক, চারিমান কাল নিমন্ত্রণ খাইয়াও চৈতন্যদেব সকল ভক্তের মনোবাঞ্ছা পূর্ণ করিতে পারিতেন না । কারণ চারিমানের মধ্যে সকলের নিমন্ত্রণ রক্ষার সময়ে কুণাইত না । অদ্বৈতাচার্যের নিমন্ত্রণের ঘট। কিছু অধিক মাত্রায় হইত । গৌরকে পুনঃপুনঃ নিমন্ত্রণ খাওয়াইয়াও আচার্যের আকাজ্ঞা মিষ্ট না । মহাপ্রভুর নিমন্ত্রণ হইলে তাঁহার সঙ্গে পুরী, ভারতী, প্রভৃতি সন্ন্যাসীগণ গমন করিতেন । শ্রীচৈতন্য তাঁহাদিগকে ভাল করিয়া খাওয়াইতে এত ব্যস্ত হইয়া পড়িতেন, যে অনেক সময়ে তাঁহার আহার হইত না । তাহাতে নিমন্ত্রণকারী ব্যক্তি মনে মনে বড় অসুখী হইতেন । একদিন অদ্বৈতাচার্য মহাপ্রভুকে নিমন্ত্রণ করিয়া মনে মনে ভাবিতে লাগিলেন ‘আজ যদি কোন গতিকে সন্ন্যাসীগণের আসা না হয়, তাহা হইলে মর্নের সাধে প্রভুকে ভোজন করাই ।’ মধ্যাহ্নকাল সমাগত হইলে গৌরচন্দ্র একাকী অদ্বৈতের বাসায় উপনীত হইলেন । আর আর ভক্তগণ স্নানাদি করিতে তখন সমুদ্রে গিয়াছিলেন ; হঠাৎ ঝড় বৃষ্টি হওয়ার আসিয়া জুড়িতে পারিলেন না । তখন অদ্বৈতাচার্য অভীষ্ট সিদ্ধ হইল দেখিয়া মহানন্দে ইন্দ্রের স্তবপাঠ করিতে লাগিলেন এবং অশেষ প্রকারে গৌরকে ভোজন করাইলেন । সে দিন না কি, গৌরচন্দ্র অদ্বৈতের পাক করা সমস্ত দ্রব্য খাইয়া ফেলিয়াছিলেন ।

কুলীনগ্রামী, ধণ্ডবাসী, বাসুদেব দত্ত ও শিবানন্দ সেন প্রভৃতি তাঁহাকে প্রসাদ খাওয়াইতেন । শিবানন্দ একদিন মূল্যবান ও অতি উকৃষ্ট দ্রুতপক প্রসাদ সকল খাইতে দিগে শ্রীচৈতন্য সেনের গৌরবে তাহা খাইলেন বটে, কিন্তু তাঁহার মন প্রসন্ন হইল না । শিবানন্দের বালক পুত্র চৈতন্যদাস তথায় ছিল । শ্রীচৈতন্য জিজ্ঞাসা করিলেন ‘ইহার নাম কি রাখিয়াছ ?’ সেন উত্তর দিলেন ‘চৈতন্য দাস’ ।

গৌর বলিলেন ‘এরূপ নাম কেন রেখেছ ? বুঝিতে পারিলাম না ।’

সেন জবাব দিলেন ‘এত শত জানি না; যাহা মনে এসেছে, তাহাই রেখেছি ।’

চৈতন্য দাস শিশু হইলেও, গুরু ভোজন যে প্রভুর প্রীতিকর হইতেছে না, বুঝিতে পারিল ।

কেবল আদা, লেবু, ফুলবাড়ি ভাজা, দধি, সবণ, ও অন্ন খাইতে দিলেন।
 শ্রীচৈতন্য প্রীত হইয়া সেনকে জিজ্ঞাসিলেন ‘আজ শুক পাক জমা আন নাই
 কেন?’ সেন লজ্জিত হইয়া বলিলেন ‘চৈতন্যদাসের ইচ্ছা যে আন্ন তুমি
 এইরূপ খাও।’

শ্রীচৈতন্য ‘খালক আমার মন বুঝিয়াছে, তুমি বুঝিতে পার নাই’
 বলিয়া সন্তুষ্ট হইয়া উচ্ছিষ্ট দই-মাখা ভাত শিশুকে খাইতে দিলেন।

চৈতন্য বিজয়।

অষ্টৈতাদি ভক্তগণ বর্ষান্তে নীলাচলে আসিয়া চারিমাस অবস্থিতি
 করিতেছেন। অষ্টৈতের প্রবাসবাটীতে প্রতিদিন সন্ধ্যাসময়ে সংকীৰ্ত্তন
 হইয়া থাকে। শ্রীবাংসাদি সকল ভক্ত মিলিত হইয়া মৃদঙ্গ করতালযোগে
 হনধুর হরিগুণ কীর্ত্তন করিয়া থাকেন। চৈতন্যদেব জগদ্বীথ দর্শনান্তে
 আসিয়া সঙ্কীৰ্ত্তনে যোগ দেন। একদিন সংকীৰ্ত্তনারস্তের পূর্বে অষ্টৈত বলি-
 লেন ‘আজ আর অন্ন নাম গাইব না। নব অবতারের নব পদে’
 গৌরাঙ্গ গাইয়া ধন্য হইব। তোমরা সকলে মণ্ডলাকারে কীর্ত্তন কর;
 আমি মনের সাধ মিটাইয়া নাচিয়া লই।’

ভক্তগণ আনন্দের সহিত এই প্রস্তাব গ্রহণ করিলেন। শ্রীবাস বলি-
 লেন ‘কিন্তু ভয় হয়; প্রভু শুনিয়া বিরক্ত হইবেন। তিনি সর্বদাই আত্ম-
 গোপনে ব্যস্ত। আজ একটা কিনা করিয়া ফেলেন।’

অষ্টৈত আনন্দোৎসাহে বলিলেন ‘আরে! রে’খে দাও প্রভুর ক্রোধ।
 তিনি চিরদিনই আত্ম-গোপন করুন। আর আমরাও তাঁহাকে লুকাইয়া
 রাখি। তবে জীব নিস্তারের কি হইবে? আর সকল বিষয়ে তাঁ’র সাজ্ঞা
 শিরোধার্য্য, কেবল এই বিষয়ে নয়।’

ভক্তগণ অষ্টৈতের সাহসবাক্যে সাহসী হইয়া বলিয়া উঠিলেন ‘আজ
 আমরা তাঁহাকে ডরাইব না।’

তখন খেল করতাল বাজিয়া উঠিল। অষ্টৈত-বিরচিত এই পদ গাইয়া
 ভক্তগণ প্রমত্তভাবে মণ্ডলাকারে নৃত্যে লাগিলেন। অষ্টৈত নানা প্রকার
 অঙ্গভঙ্গী করিয়া মণ্ডলমধ্যে নৃত্য করিলেন।

‘শ্রীচৈতন্য! নারায়ণ! করুণাসাগর!

হৃ:খিতের বন্ধু প্রভো! মোরে দয়া কর।’

চৈতন্যদেব তখন কীর্ত্তনস্থানে আসিলেন, ভক্তগণ তখন উন্নতশ্রাব হইয়া

গাইতেছেন, নাচিতেছেন । তাঁহাকে দেখিয়া কেহ ভীত বা সন্ত্রস্ত হইলেন না । চৈতন্যদেব হরিগুণানুকীৰ্ত্তনের পরিবর্তে নিজ নামগুণযুক্ত গান শুনিয়া বাসায় ফিরিয়া আসিলেন এবং হৃৎকেশ, স্বগায়, ও নিরাশায়, গম্ভীরামধ্যে শুইয়া থাকিলেন ।

ভক্তগণ চৈতন্য-বিভিন্ন গান সমাধা করিয়া যখন শান্ত হইলেন, তখন তাঁহাদের মনে হইল প্রভু কীর্ত্তনস্থানে আসিয়া ফিরিয়া গিয়াছেন ; গান শুনে নাই । কেহ কেহ-কিছু উদ্বিগ্নও হইলেন । তখন সকলে দলবদ্ধ হইয়া চৈতন্যদর্শনে আসিলেন । গোবিন্দ ভক্তগণের আগমন-বার্তা জানাইলে শ্রীচৈতন্য তাঁহাদের লুইয়া আসিতে অনুমতি দিলেন । ভক্তগণ গৃহাভ্যন্তরে প্রবেশ করিয়া উপবিষ্ট হইলে তিনি মুখ আচ্ছাদন করিয়া বেমন শুইয়া ছিলেন, অনেকক্ষণ সেইভাবে থাকিলেন । ভক্তদল নীরবে বসিয়া, সারা নাই । চৈতন্যদেব হঠাৎ উঠিয়া বসিয়া জিজ্ঞাসিলেন :—

‘ওহে শ্রীবাস ! ওহে বৈষ্ণবগণ ! আজ সকলে মিলিয়া কি গান করিতে ছিলে ? কৃষ্ণগুণ গান ছাড়িয়া আজ কাহার নাম গাইয়া এত নৃত্য হইতে ছিল ? তা’তে কি কিছু সুখ পাইতেছিলে ? কিছু কি লাভ হইয়াছে ? বুঝিলাম এখন তোমরা স্ব স্ব প্রধান, সকলেই শাস্ত্রপ্রবর্তক । আমার কথা শুনিবে কেন ? কিন্তু পৃথিবী কি তোমাদের কথায় চলিবে ? হরিনাম ছাড়িয়া মানুষের নাম গাইতে কি লজ্জা হইল না ? আমি যে লজ্জায়, স্বগায়, মরিয়া যাইতেছি । হায় ! বুঝিলাম আমার সকল শ্রম পণ্ড হইল । তোমরা কেহই মানুষ হইলে না ।’

সম্মুখে শ্রীবাসপণ্ডিত বসিয়াছিলেন । শ্রীচৈতন্যের বাক্যাবসানে তিনি বলিয়া উঠিলেন ‘ঈশ্বরশক্তি বিদে জীবের ত স্বতন্ত্র শক্তি নাই । এ কথা তোমার শ্রীমুখেই ত কতবার শুনিয়াছি ।’ তিনি বাহা করান, বা বাহা বলান, জীব তাহাই অনুসরণ করে । আজ ভগবান্ আমাদের মুখ দিয়া বাহা বলাইয়াছেন, আমরা তাহাই বলিয়াছি । তুমি নিরন্তর আপনাকে লুকাইতে চাও ; তিনি আমাদের মুখ দিয়া তোমাদের প্রকাশ করিয়া দিলেন ।’

শ্রীচৈতন্য বলিলেন ‘যদি তাহাই বুঝিয়া থাক, তবে যে লুকায় ; তাহাকে বাহির করিতে চাও কেন ?’

শ্রীবাসপণ্ডিত আকাশের দিকে হস্ত তুলিয়া নীরবে বসিয়া থাকিলেন ।

চৈতন্যদেব জিজ্ঞাসা করিলেন ‘ও আমার কি সন্তোষ করিতেছে ?’

শ্রীবাস হাসিয়া বলিলেন ‘হাত দিয়া সূর্য চাকিলান ।’

এই সময়ে বাহির দ্বারে শ্রীহট্ট-চট্টগ্রাম-ত্রিপুরা-বাসী বহুসংখ্যক নরনারী
‘জয় ! জয় ! শ্রীকৃষ্ণচৈতন্ত দেব ! জয় শচীদ্রাল ! পরম কাকণিক ! তুমি স্বয়ং
নারায়ণ ! সন্ন্যাসীরূপে জীব উদ্ধারের জন্য অবতীর্ণ হইয়াছ । প্রভো !
আমাদের দর্শন দিয়া কৃতার্থ কর’ বলিয়া চীৎকার করিতে লাগিল ।
শ্রীবাস স্তব্ধ হইয়া বলিলেন ‘এখন কি করিবে ? সকল সংসার বে
গাইতেছে ; তাহীদের কেমন করিয়া আটক করিবে ? এ সব লোককে আমি
কি শিখাইতে গিয়াছি ?’

শ্রীচৈতন্ত পূর্বের আশ্রয় বিরক্তি সহকারে উদ্ভব করিলেন ‘না শিখাই-
লেও উহারা তোমাদের দৃষ্টান্ত অনুসরণ করিতেছে । তোমরা পণ্ডিত
হইয়া যাহা করিবে, এ সকল লোক তাহাই অনুকরণ করিয়া চলিবে ;
ইহাতে আশ্চর্য্য কি ?’

শ্রীচৈতন্ত বাহিরে আসিয়া ঐ সকল নরনারীকে দর্শন দিয়া কৃকনামের
উপদেশ দিয়া বিদায় করিয়া দিলেন ।

পঞ্চবিংশ পরিচ্ছেদ ।

হরিদাস নির্যাস ।

এই ভবের বাজারে কিছুই চিরস্থায়ী নয় । বাহার আরম্ভ হইয়াছে,
তাহাই চলিয়া যাইবে । অনিত্য সংসারের ধন, জন, যৌশন, শরীর, মন,
সকলই অনিত্য । নিত্য কেবল ধর্ম, নিত্য কেবল প্রেম ভক্তি, আর
নিত্য কেবল অকুলের কাণ্ডারী হরিনাম । হায় ! মানুষ ইহা বুঝিয়াও
কেন বুঝিল না ? হাতে তুলিয়া কেন বিষয় গরল পান করিল ? হাতে
তুলিয়া কেন পাপের কালি মুখে মাখিল ?

এই যে চৈতন্তচাঁদের প্রেমের হাট বসিয়াছে, ইহা কি নিত্য ? ইহা কি
চিরকাল থাকিবে ? থাকিবে, আবার থাকিবে না । অপ্রাকৃত চিদানন্দ
বস্তু কি নষ্ট হইতে পারে ? নষ্ট হইবে কেবল মায়া চক্ষুর দৃষ্টব্য প্রেমের
হাটের পসারীদের মায়ায় দেহ । চিদানন্দ অপ্রাকৃত দেহের ত নাশ
নাই । সংসারের ভাষার মৃত্যু, দেবভাষার জীবন । সংসারের ভাষায়
আজ হরিদাস মরিলেন, প্রেমাকাশের একটি উজ্জ্বল নক্ষত্র ধসিয়া

পড়িল, হরিনামের জীবন্ত বিগ্রহ অপ্রকট হইল এবং শ্রীচৈতন্যের প্রেম-বিধানের একটি মূল্যবান রত্ন অন্তর্ধান হইল । কিন্তু দেবভাবায় আজ ভক্ত-পরিবারে একটি নূতন ভক্তের জন্ম হইল, দেবগণ আনন্দে হৃন্দুভি নিনাদ করিলেন এবং অপ্রাকৃত হরিদাস হরিনামের জ্যোতিষ্মান্ মুকুট শিরে পরিয়া দেবসভা উজ্জ্বল করিয়া তুলিলেন ।

হরিদাসের ভোজননের জন্ত শ্রীচৈতন্য গোবিন্দ দ্বারা প্রতিদিন প্রসাদ পাঠাইয়া দিতেন । একদিন গোবিন্দ মহাপ্রসাদ দিতে কহিয়া দেখিলেন যে ঠাকুর হরিদাস শয়ন করিয়া মূহুমন্দ-বরে হরিনাম সঙ্কীর্তন করিতেছেন । গোবিন্দ তাঁহাকে উঠিয়া প্রসাদ ভোজন করিতে অনুরোধ করিলে হরিদাস বলিলেন ‘আজি আমি শুশুন করিব । সংখ্যা নাম পূর্ণ হয় নাই ; ভোজন করিতে পারিব না ।’ তবে মহাপ্রসাদ আনিয়াছ, উপেক্ষা করিতে পারি না ; একটা দাও, গলাধঃকরণ করি ।’

পর দিন প্রাতে শ্রীচৈতন্য হরিদাসের বাসায় আসিয়া জিজ্ঞাসা করিলেন ‘হরিদাস সুস্থ আছ ত ?’

হরিদাস প্রণামান্তে উত্তর করিলেন ‘আমার শরীর সুস্থ আছে ; কিন্তু মন বড় অনস্থ ।’

শ্রীচৈতন্য জিজ্ঞাসিলেন ‘বল ত, কি ব্যাধি ?’

হরিদাস । সংখ্যা-নাম পূর্ণ হইতেছে না কেন ?

শ্রীচৈতন্য । এখন বৃদ্ধ হ’য়েছ । সংখ্যা কেন অল্প কর না ? সিদ্ধিলাভ করিয়াও সাধনের জন্ত এত আগ্রহ কেন ? নামের মহিমা প্রচার করিতে এসেছিলে ; সে কার্য্য ত করিয়াছ । তোনার নিকট নাম শু’নে কত লোক উদ্ধার হ’য়ে গিয়েছে । এখন বৃদ্ধ বয়সে অল্প সংখ্যায় নাম সঙ্কীর্তন কর ।

হরিদাস বিনয়ে ও বিশ্বাসে উদ্বীগু হইয়া বলিতে লাগিলেন ‘শুন প্রভু ! আমার এক নিবেদন আছে । অতি হীন জাতি, অধম পামর হইলেও আমাকে তুমি অঙ্গীকার ক’রে বৈকুণ্ঠে তুলিয়াছ, বহু কৃপা করিয়া অনেক নাচাইয়াছ, এবং স্নেহ হইয়াও ব্রাহ্মণ-প্রাপ্য শ্রাদ্ধপাত্র খাইতে দিয়াছ । মনুষ্য জন্মের ধাহা স্থখ, তাহা আমার ভাগ্যে ঘটয়াছে আর এক ইচ্ছা আমার আছে ; তাহা পূর্ণ করিতে হইবে । আমার মনে হ’চ্ছে, অচিরে তুমি মানব-লীলা সম্বরণ করিবে । কিন্তু তা’ যেন আমাকে দেখিতে না হয় । তাহার পূর্বে এই মিন্য করিব যাতে তাহার পদযুগল

‘হৃদয়ে ধরিয়া চাঁদমুখ দেখিতে দেখিতে ও কৃষ্ণনাম গাইতে গাইতে তোমার সম্মুখে শরীর রাখি, এই আমার প্রার্থনা। প্রার্থনা পূর্ণ করি।’

শ্রীচৈতন্য উত্তর করিলেন ‘হরিদাস ! তুমি ভক্ত। ভক্তের প্রার্থনা ভক্ত-বৎসল হরি অবশ্যই পূর্ণ করিবেন। কিন্তু দেখ, আমার বত কিছু সুধৈশ্বর্য্য; তোমাদের লইয়া। তোমার কর্তব্য নহু আমাকে ছাড়িয়া বাইতে-।’

হরিদাস বিনীত ভাবে উত্তর করিলেন ‘তোমার গায়ে ধরি প্রভু ; আর মায়া বাড়াইও না। আমার মাথার শিরোমণি কত শত সাধু-ভক্ত মহাশয় তোমার লীলার সহায়। আমার ছায় একটি ক্ষুদ্র কীট মরিলে কি হানি হইতে পারে ? একটি পিপীলিকা মরিলে পৃথিবীর কি কোন ক্ষতি হয় ? আজ মধ্যাহ্ন করিতে যাও, কিন্তু কাল অবশ্য দর্শন দিবে।’

পরদিন প্রাতঃকালে শ্রীচৈতন্য সমুদায় ভক্তগণে পরিবৃত্ত হইয়া হরিদাসকে দেখিতে আসিলে হরিদাস সকলের পদ-বন্দনা করিলেন। শ্রীচৈতন্য ভঙ্গী করিয়া জিজ্ঞাসিলেন ‘হরিদাস ! সমাচার কি ?’

হরিদাস সহাস্ত বদনে উত্তর করিলেন ‘তোমার বেমন অভিকৃতি।’

তখন চৈতন্যচন্দ্র প্রাক্ষণে মহাসংকীর্তন আরম্ভ করিয়া দিলেন। বক্তৃ-স্বর পণ্ডিত নৃত্য করিতে লাগিলেন ; স্বরূপাদি ভক্তগণ হরিদাসকে বেষ্টন করিয়া কীর্তন গাইতে লাগিলেন। তাহার পর শ্রীচৈতন্য সার্কভোম রাসা-নন্দাদির নিকটে পাঁচ-মুখে-হরিদাসের মহাপরীক্ষা, অটল বিশ্বাস, সরল ভক্তি, ও নাম নিষ্ঠাদির গুণ কীর্তন করিতে লাগিলেন। হরিদাস সকল ভক্তের পদরেণু-মস্তকে ধারণ করিয়া গৌরচন্দ্রকে নিজাগ্রে বসাইলেন এবং নিজ নয়নরূপ ভূঙ্গ দুইটি প্রভুর মুখপদ্মে লাগাইয়া গুণমাধুরী পান করিতে লাগিলেন ; আর চরণ দুই খানি স্বহৃদয়ে রাখিয়া মৃগপং হরিনাম ও শ্রীকৃষ্ণচৈতন্য নাম উচ্চারণ করিতে করিতে নামের সঙ্গে দেহ হইতে প্রাণ উৎক্রামণ করিয়া ফেলিলেন। কবিরাজ গোস্বামী বলিয়াছেন হরিদাস মহাযোগেশ্বর ; তাইতে ভীষ্মের আয় ইচ্ছামৃত্যু মরিতে পারিয়াছিলেন।

ভক্তগণ হরি হরি ধ্বনিতে আকাশ বিদীর্ণ করিয়া তুলিলেন ; শ্রীচৈতন্য প্রেমে শোকে বিহ্বল হইয়া হরিদাসের মৃতদেহ কোলে লইয়া সেই মহা-সংকীর্তনের মধ্যে উদ্গু নাচিতে লাগিলেন ; এবং চারিদিকে লোক সব হরি-দাসের গুণ কীর্তন করিয়া হাহাকার করিতে লাগিল। স্বরূপ-গোস্বামী এক-ধিমি প্রস্তুত করিয়া পুণ্যাদি দ্বারা সজ্জিত করিয়া আনিয়া হরিদাসের মৃত

দেহতাহাতে রাখিয়া ভক্তগণ স্বর্গে করিয়া বহিয়া সমুদ্র তীরে চলিলেন।
 শ্রীচৈতন্য স্বর্গীভবনের দলের আগে আগে নাচিতে গাইতে চলিলেন। সাগর-
 জলে শব্দে স্নান করাইলে ভক্তবৃন্দ ভক্তদেহের পানোদক পান ও পদধূলি
 মস্তকে লইলেন। চৈতন্যদেব বলিলেন ‘আজ হইতে সমুদ্র মহাতীর্থ হইল।’
 তাহার পর ভক্তগণ নুতন কোপীন ও রহির্কাসে গন্ধপুষ্প ও পুষ্পমালায় ভক্ত-
 দেহ সজ্জিত করিয়া জগন্নাথের ডোর, কড়ার বঁজ ও মহাপ্রসাদ সঙ্গ দিয়া
 সমুদ্র তীরের বালুকামাশির মধ্যে গভীর গর্ত করিয়া তন্মধ্যে শায়িত করি-
 লেন। শ্রীচৈতন্য স্বহস্তে অগ্রে বালুকা নিক্ষেপ করিলে বহুগণ বালুকা দিয়া
 শব্দ প্রোথিত করিলেন; এবং উপরে বেদি বাধাইয়া দিয়া বেদির চারিধার
 অল্প প্রকারে আবৃত করিলেন। তখন মৃদঙ্গ করতাল বোঁগে বেদি প্রদক্ষিণ
 করিয়া হরিনাম সঙ্কীৰ্ত্তন হইতে লাগিল। পরে স্নানান্তে সকলে হরিবোল
 বলিতে বলিতে ও হরিদাসের গুণ গাইতে গাইতে গৃহে প্রত্যাগমন
 করিলেন।

হরিদাসের বিজয়োৎসবের দিনে শ্রীচৈতন্য স্বয়ং সিংহদ্বারে বাইয়া আঁচন
 পাতিয়া বসিয়া ভিক্ষা চাহিতে লাগিলেন। তাঁহাকে দেখিয়া পসারীগণ
 পসরা পসরা প্রসাদ দিতে আসিল। স্বরূপ গোস্বামী প্রভুকে বাসায় বিদায়
 করিয়া দিয়া প্রত্যেক দোকানীর নিকট এক এক পোয়া মাত্র ভিক্ষা লইলেন;
 এবং চারিজন বাহক দ্বারা গৃহে আনিয়া ভক্তগণকে ভোজন করাইলেন।
 শ্রীচৈতন্য এ দিন স্বহস্তে পরিবেশন করিয়া এক এক জনের পাতে প্রচুর
 খাদ্য দিতে লাগিলেন এবং আরও দাও, আরও দাও, বলিয়া উৎসাহে চীৎ-
 কার করিয়া ভক্ত বাৎসল্যের পরাকাষ্ঠা দেখাইলেন। নিমন্ত্রিতগণকে মাণ্য,
 চন্দন, ও তাম্বুল, উপহার দিয়া চৈতন্যদেব হরিদাসের মহিমা বলিয়া শোক
 করিতে লাগিলেন :—‘কৃপা করিয়া শ্রীকৃষ্ণ আমাকে যে অমূল্য সঙ্গী জুটাইয়া
 দিয়াছিলেন, আজ তাহা হইতে বঞ্চিত হইতে হইল। ধন্য তাঁহার ইচ্ছা!
 চিরদিন তাহাই জয় যুক্ত হইবে। আমাদের ক্ষুদ্র ইচ্ছা তাঁহার মহতী ইচ্ছার
 নিকট পরাস্ত হইবে। আমার ত হরিদাস হেন সঙ্কীর্ষকে বিদায় দিতে
 ইচ্ছা ছিল না; রাখিতে পারিলাম কই? আর সেই সাধু! তাঁহার ইচ্ছারই
 বা বল কত? এক ভীষ্মের মৃত্যু গুনিয়াছি, আর আজ হরিদাসের মৃত্যু
 স্বচক্ষে দেখিলাম স্বেচ্ছায় প্রাণ উৎসর্গ করিতে।

হরিদাস মৃত্যুবীর শিরোমণি ছিলেন। তাঁর মৃত্যুতে আজ জগৎবন্ধ শূন্য

হইল। বন্ধুগণ! শুন, হরিদাসের বিজয়োৎসব আজ যিনি দর্শন করিলেন, যিনি ইহাতে নৃত্য কীর্তন করিলেন, যিনি তাঁহার মহোৎসবে ভোজন করিলেন, আর যিনি সেই পবিত্র শরীরে বালুকা নিক্ষেপ করিয়াছেন, তাঁহারা নিশ্চয়ই কৃষ্ণ-প্রেম পাইবেন। অতএব বন্ধুগণ! জয়! জয়! হরিদাস! যিনি নাম স্মিমা জগতে প্রকাশ করিয়াছেন, বলিয়া আজ কক্ষধ্বনি কর, হরিনাম কীর্তন কর, আপনারা পবিত্র হও। তখন সহস্র মুখ-হইতে 'জয় হরিদাস! জয় হরিদাস! জয় হরিনাম! জয় জয় পতিতপাবন হরিনাম! শব্দ উঠিতে লাগিল। শ্রীচৈতন্ত্য হর্ষে, বিবাদে, বিচ্ছেদে, প্রেমে, পূর্ণ হইয়া অবিরলধাক্তে অশ্রুধারা মোচন করিতে লাগিলেন।

ষড়বিংশ পরিচ্ছেদ ।

বিরহ-বিকার !

এখন হইতে শ্রীচৈতন্ত্যের বিরহ-বিকার দিন দিন বাড়িতে লাগিল। তিনি অধৈর্য্য হইয়া 'হা কৃষ্ণ প্রাণধন! হা ব্রজেন্দ্রনন্দন! কোথা গেলে তোমার পাব? কেমন ক'রে তোমার নিরুপম সৌন্দর্য্য-সাগরে ডুবিয়া থাকিব? কবে নিরন্তর তোমার মধুর মুরলীরবে আমার শ্রবণ যুগল জুড়াইবে?' বলিয়া আক্ষেপ করিতে লাগিলেন। দিবানিশি প্রাণের মধ্যে স্বাস্থ্য নাই; বিরহ-বেদনায় হৃদয় অর্জ্জ্বরিত। দিবাভাগে এ ক্লেশ তিনি প্রকাশ করিতেন না বটে; কিন্তু রজনীতে নির্জনে আসিলে তাঁহার কষ্টের সীমা থাকিত না; তিনি স্থির থাকিতে পারিতেন না। সারা রাত্রি ছটকট করিতেন। স্বরূপ ও রামানন্দ ভিন্ন তখন কেহ নিকটে বাইতে পারিত না। তাঁহারা সময়োচিত গান গাইয়া, শ্রীকৃষ্ণের গুণ চরিত্রের কবিতা ব্যাখ্যা করিয়া এবং অন্তরূপ প্রবোধ বাক্য শুনাইয়া তাঁহাকে সুস্থ করিতেন।

জিজ্ঞাসা উঠিতেছে যে শ্রীচৈতন্ত্যের ধর্ম্মজীবন ত এখন দিন দিন পূর্ণতার দিকে ছুটিয়াছে; তবে এত বিরহ ব্যথা কেন? এ প্রশ্নের উত্তর আমাদের ন্যায় সামান্য ব্যক্তির দেওয়া অসম্ভব। যে অগ্নিময়ী ভাবজানা তাঁহার হৃদয়ক্ষেত্রে প্রবাহিত হইত; বাহ্যের তাহা অহুভব করে নাই, তাহারা কেমন কক্ষিমা উহার প্রকৃতি নির্ণয় করিতে সমর্থ হইবে? তবে একটা কথা

ননে হয়, যে অনন্ত মাধুর্যের খনি ভগবানকে যে যত জানে, সে তত জানে না; যে মিল পায়, সে তত পায় না। আবার জানা ও পাওয়ার মাত্রা ভেদে বিরহের প্রধরতারও তারতম্য হইয়া থাকে। বাঁহার যত প্রেম, নিমেষ-বিরহে তাঁহার তত বেদনা। আমরা তাঁহাকে জানিও না, ভালও বাসি না; তাঁহার সম্বন্ধে বিচ্ছেদবোধ স্মরণে জ্ঞানাদের নাই।

গৌড়ীয় ভক্তগণের সঙ্গীক আগমন ।

এ বৎসর অর্ধৈত, শ্রীবাস, শিবানন্দ, আচার্য রত্ন, প্রভৃতি ভক্তগণ জীপুত্র লইয়া চৈতন্য ভেটিতে চলিলেন। নবদ্বীপে শচীমন্দিরে প্রথমে ভক্তগণ সপরিবারে মিলিত হইয়া সেখান হইতে দলবদ্ধ হইয়া যাত্রা করিলেন। আচার্যের জ্যৈষ্ঠ পুত্র, শিবানন্দের জ্যৈষ্ঠ ও তিন পুত্র, শ্রীবাসপত্নী মালিনীদেবী, আচার্য রত্নের পত্নী, প্রভৃতি বৈষ্ণবরমণীগণ চৈতন্যহারাগে ব্যাকুল হইয়া নাসেকের পথ হাঁটিয়া চলিলেন। ধন্য গৌর! তোমার প্রেমের আকর্ষণ ধন্য!

নিত্যানন্দকে পুরুষোত্তমে বাইতে গৌরচন্দ্র নিবেদন করিয়াছিলেন। তিনি সে নিবেদন না মানিয়া আবেগে ধাইয়া চলিলেন। পাঠক মহাশয় জানেন শিবানন্দ সেন সকলের রক্ষকস্বরূপে খাওয়াইয়া ও ঘাটী সমাধান করিয়া লইয়া যাইতেন। পথে একদিন যাত্রীদিগকে রাজার ঘাটীওয়ারা প্রাপ্য করের জন্ত বসাইয়া রাখিলে শিবানন্দ সকলের প্রতিভূ হইয়া ছাড়াইয়া দিলেন; ও হিসাব করিয়া পয়সা দিবার জন্ত পশ্চাতে থাকিলেন। যাত্রীগণ অগ্রসর হইয়া গ্রামের মধ্যে প্রবেশ করিল কিন্তু শিবানন্দ না থাকিলে বাগা স্থির করিতে না পারিয়া বৃক্ষশূলে বসিয়া অবস্থিতি করিতে লাগিলেন। বেলা দ্বিতীয় গের হইয়াছে। যাত্রীগণ রোজতাপে ও পথ-শ্রান্তিতে ক্লিষ্ট ও ক্ষুৎপিপাসায় কাতর হইয়া পড়িলেন। 'বাসা পাইলাম না; ক্ষুধাতৃষ্ণার প্রাণ যায়; শিবে কোথায়? এখনও এলো না; তার তিন বেটা মরুক।' বলিয়া নিত্যানন্দ ব্যাকুল হইয়া গালি দিতে লাগিলেন। শিবানন্দ আসিলে তাঁহার জ্যৈষ্ঠকাদিতে কাদিতে বলিতে লাগিলেন 'বাসা না পেয়ে গৌসাই আনার বেটা কে'টে গালি দিতেছেন; এ তাঁ'র কোন বিচার?' শিবানন্দ হাসিয়া উত্তর করিলেন 'তাঁহার ভিরঙ্কারে কি কাদিতে আছে? ও যে আশীর্বাদ।'

বক্ষে পদাঘাত করিলেন। শিবানন্দ তাহাতেও মহানন্দিত হইয়া বলিতে লাগিলেন ‘সত্যসত্যই আজ আমার মহা সৌভাগ্য। কেন না আমি আমাকে তুমি ভৃত্য ব’লে স্বীকার করিলে।’ তখন বাসা ঠিক করিয়া দিয়া তিনি যাত্রীগণের আহ্বারের বন্দোবস্ত করিয়া দিলেন।

শিবানন্দের ভাগিনেয় শ্রীকান্তসেন মাতুলের অপমানে দুঃখিত হইয়া বলিতে লাগিলেন ‘আমার মাতুল চৈতন্তপার্বদ; তাঁহাকে নাথি মে’রে আজ গোসাই কি ঠাকুরালিই করিলেন?’ শ্রীকান্ত বিরক্ত হইয়া যাত্রীসকল ছাড়িয়া মাতুলের অজ্ঞাতে একাকী নীলাচলে চলিয়া গেলেন এবং পেটাদ্দী গায়ে শ্রীচৈতন্তকে প্রণাম করিলে, গোবিন্দ পেটাদ্দী ছাড়িয়া প্রণাম করিতে উপদেশ দিলেন। শ্রীচৈতন্ত হাসিয়া গোবিন্দকে বলিলেন ‘আহা! বালক মনোহুঃখ পাইয়া আসিয়াছে; ইহাকে কিছু বলিও না, বাহা ইচ্ছা, কহুক।’ এবং শ্রীকান্তকে সকলের কুশল বৃত্তান্ত জিজ্ঞাসিলে শ্রীকান্ত নাথি মারার কথা গোপন রাখিয়া আর সব বৃত্তান্ত বিবৃত করিলেন। যথা সময়ে ভক্তগণ আসিয়া চৈতন্ত দর্শন করিলেন। মহিলাগণ দূরে দণ্ডায়মান থাকিয়া দর্শন-প্রণাম করিয়া মহানুভব করিতে লাগিলেন। পূর্বের স্থায় সকলে স্ব স্ব বাসায় অবস্থিতি করিতে লাগিলেন। শিবানন্দ স্বীয় পুত্র তিনটির পরিচয় করিয়া দিলে চৈতন্তদেব কনিষ্ঠ পুত্রের নাম কি? হইয়াছে জিজ্ঞাসিলেন। শিবানন্দ উত্তর করিলেন ‘আপনার আজ্ঞানুসারে পরমানন্দ দাস রাখিয়াছি।’ শ্রীচৈতন্ত সন্তুষ্ট হইয়া বলিলেন ‘ইহাকে পুরীদাস বলিয়া ডাকিও’ এবং আদর করিয়া স্বীয় পদাঙ্গুষ্ঠ বালকের মুখে দিলে বালক তাহা চুষিতে লাগিল। চৈতন্তদেব গোবিন্দের প্রতি বৈষ্ণব মহিলাদের বদ্ব ও সেবা করিতে আদেশ করিলেন। শিবানন্দের গোষ্ঠিকে প্রভু নিজ পরিবার বলিয়া স্বীকার করিলে ভাগ্যবান শিবানন্দ আপনাকে কৃতার্থ মনে করিলেন।

এক ব্যক্তি ‘মুই পরমেশ্বর’ বলিয়া প্রণাম করিলে চৈতন্তদেব দেখিলেন তাহার বালককালের পরিচিত পরমেশ্বর মোদক। ইহার বাড়ী নবদ্বীপে, গৌরের গৃহের নিকটে। বাল্যকালে তিনি তাহার কতই মোয়া, নাড়ু, মন্দেস, খাইয়াছেন, তাহার ঠিকানা নাই। শ্রীচৈতন্ত জিজ্ঞাসিলেন ‘পরমেশ্বর! ভাল আছ ত? বেশ হ’য়েছে, জগন্নাথ দেখিতে আসিয়াছ।’

মুকুন্দার মাতার নাম শূনিয়া খ্রীচৈতন্য কিছু সঙ্কুচিত হইলেন। সে উদ্ধত পাত্রী; কিন্তু বালককাল হইতে তাঁহাকে বড় ভালবাসিত। সে তাঁহার সন্ন্যাস-ধর্ম্য মাত্র করিয়া দূরে থাকিবার লোক নহে।

এবারেও পূর্বের স্থায় সমস্ত লীলা হইল। অধিকন্তু মালিনী দেবী প্রভৃতি মহিলাগণ স্বহস্তে বিবিধ অঙ্গব্যঞ্জন পাক করিয়া গৌরকে নিত্য নিমন্ত্রণ পাওয়াইতে লাগিলেন।

পুরীদাস যখন সাত বৎসরের বালক, পিতা মাতার সঙ্গে আর একবার চৈতন্য দর্শন করিতে আসিয়াছিলেন। খ্রীচৈতন্য তাঁহাকে কৃষ্ণনাম উচ্চারণ করিতে বলিলে বালক নীরবে থাকিল, কোন উত্তর দিলে না। চৈতন্যদেব হাসিয়া বলিলেন ‘আমি কতশত লোককে কৃষ্ণনাম দিলাম; আর এ বালককে বলাইতে পারিলাম না।’ স্বরূপ গোসাই উত্তর করিলেন ‘আমার মনে হয়, বালক তোমার নিকট কৃষ্ণমন্ত্র দীক্ষা পাইয়া প্রকাশ করিতেছে না।’ অল্প সময়ে গৌরচন্দ্র বালককে ধোক পড়িতে বলিলে পুরীদাস কৃষ্ণগুণ বর্ণনা করিয়া সংস্কৃতভাষায় এক শ্লোকাবৃত্তি করিয়া শ্রোতৃমণ্ডলীকে আশ্চর্য্য করিয়াছিলেন। এই পুরীদাসই উত্তরকালে চৈতন্যচরিতের প্রধান আখ্যাতা কবিকর্ণপুর নামে বিখ্যাত হইয়াছিলেন।

চারিमास পরে গোড়ীয় ভক্তগণের দেশে যাইবার সময় উপস্থিত হইলে চৈতন্যদেব প্রেমে গদগদ হইয়া তাঁহাদের বিদায় দিতে দিতে বলিতে লাগিলেন :—‘প্রাণের বন্ধুগণ! তোমরা বর্ষে বর্ষে আমাকে দেখিতে আসিতে কণ্ঠই কষ্ট পাও। তোমাদের ক্লেশ মনে হইলে আসিতে নিষেধ করিতে ইচ্ছা হয়; কিন্তু তোমাদের সঙ্গমুখ লোভে বলিতেও পারি না। নিজাইকে নিষেধ করিয়াছি, তবু আসিতে ছাড়েন না। আচার্য্য গোসাই বৃদ্ধাবস্থায় জীপুত্র পরিবার ফেলিয়া হর্গম পথ অতিবাহিত করিয়া প্রতিবর্ষে আসিয়া থাকেন। আর এই মহিলাগণ নানা ক্লেশ সহিয়া এত দূর আসিয়া প্রেমের প্ররাকাষ্ঠা দেখাইয়াছেন। আমি এখানে স্বচ্ছন্দে বসিয়া আছি; তোমাদের লজ্জা আমাকে কোন ক্লেশ করিতে হয় না। আমি ফকীর-মাত্র, কি ধন আছে তোমাদের প্রেমের ঋণ পরিশোধ করি? একমাত্র শরীর আছে; তাহা ত তোমাদের সমর্পণ করিয়াছি।’ ভক্তগণ খ্রীচৈতন্যের প্রেমবাক্যে মুগ্ধ হইয়া অঝোর নয়নে কঁাদিতে কঁাদিতে দেশে প্রতিনিবৃত্ত হইলেন।

সপ্তবিংশ পরিচ্ছেদ ।

রঘুনাথ ভট্টের মিলন ।

তপনমিশ্রের পুত্র রঘুনাথ ভট্টাচার্য্যের কথা পাঠকের মনে আছে।
শ্রীচৈতন্য কান্দীধামে তপনগৃহে যখন দুই মাস কাল অবস্থিতি করিয়া
সনাতন গোস্বামীকে শিক্ষা দিয়াছিলেন, তখন বালক রঘুনাথ শ্রীচৈতন্যের
পদসেবা করিতেন, উচ্ছিষ্ট প্রসাদ ভোজন করিতেন এবং বর্তনাদি পরিচর্যা
করিতেন। রঘুনাথ যৌবনে পদার্পণ করিয়া পিতা মাতার আজ্ঞা লইয়া
শ্রীচৈতন্যকে স্নেহিত গোড়দেশ দিয়া নীলাচলে যাত্রা করিলেন। পথে
রামদাস বিশ্বাস নামে সজ্জাত কায়স্থ বংশোদ্ভব ব্যক্তির সঙ্গে তাঁহার
পরিচয় হইল। রামদাস সর্বশাস্ত্রে প্রবীণ, বিশেষতঃ কাব্যপ্রকাশাদি
অলঙ্কার শাস্ত্রের অধ্যাপক। ইনি রামোপাসক পরম ভক্ত, দ্বিধানিশি
সাধনভঞ্জে অমুরক্ত; সম্প্রতি সর্বত্যাগী হইয়া শ্রীক্ষেত্রে বাস করিতে
বাইতেছেন। রামদাস রঘুনাথের চরণে পড়িয়া তাঁহার ভৃত্য বাচিনা
লইলেন। একপ প্রবীণ ব্যক্তির পরিচর্যা লইতে সঙ্কুচিত হইয়া রঘুনাথ
বার বার তাঁহাকে নিবেদন করিলেন। কিন্তু রামদাস নিবৃত্ত হইবার লোক
নহেন; বলপূর্বক তাঁহার তলপী মাথায় করিয়া বহিয়া চলিলেন।

রঘুনাথ ভট্টাচার্য্য পুরুষোত্তমে পৌছিয়া চৈতন্যচরণ বন্দনা করিলে,
শ্রীচৈতন্য প্রথমে তাঁহাকে চিনিতে পারিলেন না। পরে পরিচয় পাইয়া
পরমাদরে আলিঙ্গন করিলেন; মিশ্রের ও শেখরের কুশল জিজ্ঞাসা করি-
লেন; এবং স্বরূপাদি ভক্তগণের সঙ্গে পরিচয় করিয়া দিয়া সে দিন নিজ
বাসায় রাখিয়া পরমবদ্রে মহাপ্রসাদ খাওয়াইলেন। পরদিন গোবিন্দ একটা
স্বতন্ত্র বাসা করিয়া দিলে রঘুনাথ তথায় অবস্থিতি করিতে লাগিলেন।
রামদাস বিশ্বাস চৈতন্যচরণ বন্দনা করিয়া নীলাচলবাসী হইলেন এবং
পট্টনায়কের পুত্রদিগকে কাব্য প্রকাশ পড়াইতে লাগিলেন।

রঘুনাথ ভট্ট আট মাস কাল পুরুষোত্তমে বাস করিলেন। এই সময়ের
মধ্যে তিনি সকল বৈষ্ণবের সঙ্গে পরিচয় করিয়া লইয়া সকলের প্রিয়পাত্র
হইয়া উঠিলেন। শ্রীচৈতন্য তাঁহার বিনয়, বৈরাগ্য ও ধ্যানরোগ দেখিয়া
প্রীত হইলেন। রঘুনাথ অল্পবয়সেই পাকবিদ্য-বিশারদ; মহাপ্রভুকে নিমন্ত্রণ
করিয়া সুস্বাদু খাদ্য সকল খাওয়াইতে লাগিলেন।

কিছুকাল পরে শ্রীচৈতন্য রঘুনাথকে বিবাহ করিতে নিবেদন করিয়া পিতা

মাতার সেবা করিতে ও বৈষ্ণবের নিকট শ্রীমদ্ভাগবত পড়িতে উপদেশ
 দিলেন, এবং এক কণ্ঠমালা তাঁহার গলদেশে পরাইয়া দিয়া আলিঙ্গন করিয়া
 বারাগনী পাঠাইলেন । রঘুনাথ ভট্ট গৃহে আসিয়া সাবধানে চারি বৎসর
 কাল বৃদ্ধ পিতা মাতার সেবা করিতে লাগিলেন এবং এক বৈষ্ণবের নিকট
 শ্রীমদ্ভাগবত পড়িয়া পারদর্শিতা লাভ করিলেন । পিতা মাতার কাশীলাভ
 হইলে রঘুনাথ উদাসীনের ব্রত লইয়া পুনরায় নীলাচলে আসিলেন এবং
 আর আটমাস কাল তথায় অবস্থিতি করিয়া চৈতন্যদেবের বিশেষ কৃপা
 লাভ করিলেন । শ্রীচৈতন্য রঘুনাথকে বলিলেন, 'তুমি আমার আজ্ঞায়
 বৃন্দাবনে যাইয়া রূপ সনাতনের সহিত মিলিত হইয়া সাধন ভজন করগে ।
 সর্বদা শ্রীমদ্ভাগবত পাঠ করিলে ও কৃষ্ণনাম জপ করিলে, অচিরে কৃতার্থ
 হইয়া কৃষ্ণপদ লাভ করিতে পারিবে ।' যাইবার কালে শ্রীচৈতন্য রঘুনাথকে
 চৌদ্দ হাত লম্বা তুলসীমালা ও জগন্নাথের ছুটাপান বিড়া ভেট দিয়া
 বিদায় দিলেন ।

রঘুনাথ বৃন্দাবনে আসিয়া চৈতন্যের আদেশানুযায়ী হইয়া কঠোর সাধ-
 নায় জীবন অতিবাহিত করিয়াছিলেন । রূপ সনাতন তাঁহাকে আপন
 সহোদরের স্থায় বন্ধ করিয়া নিকটে রাখিলেন । রঘুনাথ ভট্ট ছয় গোস্বামীর
 অন্ততর গোস্বামী ।

দেবদাসীর গান ।

জগন্নাথ-মন্দিরের দেবদাসীগণ নিত্য সঙ্গীত করিয়া থাকে । একদিন
 যমেশ্বর টোটা যাইতে যাইতে, শ্রীচৈতন্য তানলয়যুক্ত স্তম্ভের স্বরে সঙ্গীত
 হইতেছে, শুনিতে পাইলেন । গীতগোবিন্দের পদ-বিশেষ গুৰ্জরীরাগে গীত
 হইতেছে শুনিতে পাইয়া তাঁহার ভাবাবেগ উথলিয়া উঠিল । তিনি আত্মহারা
 হইয়াও সঙ্গীতের ধ্বনির বশবর্তী হইয়া জগমোহনের দিকে ছুটিয়া চাঁললেন ।
 পথে সিজের বেড়া ছিল ; তাহার কাঁটা গায়ে লাগিয়া রক্ত পড়িতে লাগিল ;
 তথাচ তাঁহার জ্ঞান নাই । তিনি আবেশে পাইয়া গিয়া গায়িকাকে ধৈই আলি-
 ঙ্গন করিবেন, অমনি পশ্চাৎ হইতে 'রমণীয়া গান' 'রমণীর গান' বলিয়া কে
 তাঁহাকে বলে ধমিয়া কোলে করিয়া লইল । 'স্রী' নাম শুনিয়া তাঁহার বাহ
 জ্ঞান হইল ; কিরিয়া চাহিয়া দেখিলেন, তিনি গোবিন্দের কোলে । প্রভুতত্ত
 গোবিন্দ তাঁহার ভাবাবেগ বুঝিতে পারিয়া ও উপস্থিত বিপদের আশঙ্কা
 করিয়া পশ্চাৎ হইতে দৌড়িয়া আসিয়া ধরিয়া ফেলিয়াছিলেন ।

চৈতন্যদেব বলিলেন 'গোবিন্দ ! আজ ৭তমার জন্ম আমার প্রাণ রক্ষা হইল । রমণী-সংস্পর্শ হইলে আমি দেহপাত করিয়া প্রায়শ্চিত্ত করিতাম । তোমার এ ধণ আমি শোধিতে পারিব না ।'

গোবিন্দ উত্তর করিলেন 'আমি ত কিছু করি নাই । জগন্নাথ তোমাকে রক্ষা করিয়াছেন ।'

শ্রীচৈতন্য বলিলেন 'বৎস ! আজ হইতে তুমি আমার সঙ্গে সঙ্গে থাকিয়া দেহ রক্ষা করিবে । আমার ত হৌঁস থাকে না । তুমি আমাকে সাবধান করিয়া দিবে ।'

স্বরূপাদি ভক্তগণ এ বৃত্তান্ত শুনিয়া মহাভীত হইলেন ।

অষ্টাবিংশ পরিচ্ছেদ ।

জগদানন্দ পণ্ডিত ।

পণ্ডিত জগদানন্দের অনেক কথা পূর্বে বলা হইয়াছে । শ্রীচৈতন্যে ইহার প্রেমচেষ্টা, শ্রীকৃষ্ণে সত্যভামার প্রেমের ছায় কুটিল । সনাতন গোস্বামীকে পণ্ডিত বৃন্দাবনে বাইতে উপদেশ দিলে চৈতন্য দেবের ভৎসনায় তাহা কতক প্রকাশ পাইয়াছে । ইনি বৈষ্ণব জগতে সত্যভামার অবতার বলিয়া বিখ্যাত ।

শ্রীচৈতন্য শচীমাতার রক্ষণাবেক্ষণ ও সেবার জন্ত কোন সময়ে মহাপ্রসাদাদি সঙ্গে দিয়া পণ্ডিত জগদানন্দকে নবদ্বীপে পাঠাইয়াছিলেন । জননীর তত্ত্ব-তল্লাস করিতে মাতৃ-ভক্ত চৈতন্য কখনই ভুলিতেন না । জগদানন্দ শচীমাতাকে পুত্রদত্ত উপহার দিয়া নবদ্বীপে রাস করিতে এবং মধুর চৈতন্য-কথায় তাঁহার চিত্তবিনোদন করিতে লাগিলেন । নবদ্বীপবাসী ভক্তবৃন্দ জগদানন্দকে পাইয়া এবং প্রভুর অন্তরঙ্গ জানিয়া পরমানন্দিত হইলেন । কতিপয় মাস নবদ্বীপে থাকিয়া পণ্ডিত অষ্টমতের সঙ্গে সাক্ষাৎ করিতে শান্তিপুরে গেলেন । আচার্য্য তাঁহাকে পাইয়া মহাহৃষ্ট হইলেন । সেখান হইতে জগদানন্দ যে যে গ্রামে চৈতন্যভক্ত ছিলেন, সে সমস্ত গ্রামই ভ্রমণ করিলেন এবং চৈতন্যের সুখকথায় সকলকে পরিভূক্ত করিলেন । কুমারহট্ট গ্রামে শিবানন্দ সেনের বাস । সেন মহাশয় চিকিৎসা-ব্যবসায়ী । পণ্ডিত মনে মনে

প্রস্তুত করিয়া লইলেন । উদ্দেশ্য—উৎকট সাধনভঞ্জে প্রভুর বায়ুপিত্তের প্রকোপ হইবে এই তৈল কিঞ্চিৎ অঙ্গে ও মস্তকে লাগাইলে সিদ্ধ হইতে পারিবেন । কলসীর মুখ বন্ধ করিয়া অতি যত্নে বাহক দিয়া পণ্ডিত আগমন কালে ঐ তৈল নীলাচলে আনিলেন এবং গোবিন্দের নিকট দিয়া চৈতন্যদেবের অঙ্গে-মর্দন করিয়া দিতে উপদেশ দিলেন ।

গোবিন্দ তৈলের কথা শ্রীচৈতন্যকে জানাইলে তিনি বলিলেন ‘সন্ন্যাসীর তৈল মর্দন নিষিদ্ধ । বিশেষতঃ সূৰ্গন্ধি তৈলের ত কথাই নাই । এক কাজ কর, জগন্নাথের দীপে ঐ তৈল জ্বালাইয়া দাও । পণ্ডিতের পরিশ্রম সফল হইবে ।’ গোবিন্দ শ্রীচৈতন্যের ইচ্ছা পণ্ডিতকে জানাইলে পণ্ডিত দুঃখিত হইয়া চুপ করিয়া থাকিলেন ; কিছু উত্তর করিলেন না । গোবিন্দ দিন দশ পরে শ্রীচৈতন্যকে আবার বলিলেন ‘পণ্ডিতের নিতান্ত ইচ্ছা, আপনি তৈল ব্যবহার করেন ।’

চৈতন্যদেব এবারে ক্রোধ করিয়া উত্তর দিলেন, ‘তবে একজন মর্দনীয়া নিযুক্ত কর ; নহিলে তৈল মাখাইবে কে ? এই সুখের জন্যই কি আমি সন্ন্যাস করিয়াছি ? আমার সৰ্বনাশ হ’লে তোমাদের সুখ হ’বে কি ?’

গোবিন্দ আর কিছু বলিতে সাহসী হইলেন না । পর দিন প্রাতঃকালে জগদানন্দ আসিলে গৌর প্রেমভাবে বলিলেন ‘পণ্ডিত ! অনেক বন্ধে তৈল আনিয়াছ । আমি সন্ন্যাসী, তৈলে আমার অধিকার নাই । জগন্নাথের দীপে জ্বালাইয়া তোমার শ্রম সফল কর ।’

জগদানন্দ ব্যঙ্গভাবে বলিয়া উঠিলেন ‘কে তোমায় মিথ্যা কথা বধেছে ? আমি ও বাঙ্গলা হইতে তৈল আনি নাই ।’ এই বলিয়া গৃহ হইতে তৈল-পূর্ণ কলসী আনিয়া চৈতন্যের অগ্রে আছাড় দিয়া ভাঙ্গিয়া ফেলিলেন । এবং আর কিছু না বলিয়া নিজ বাসায় বাইয়া ঘরে কপাট দিয়া শুইয়া থাকিলেন ।

দুই দিন কাটিয়া গেল, পণ্ডিত গৃহাভ্যন্তরে শুইয়া আছেন, দুয়ার খোলেন নাই । গোবিন্দ ও শ্রীচৈতন্য অনেক সাধ্যসাধনা করিয়াও কিছু করিয়া উঠিতে পারেন নাই । পণ্ডিতের রাগ পড়ে নাই । তৃতীয় দিন প্রাতঃকালে চৈতন্যদেব মনে মনে যুক্তি স্থির করিয়া তাহার দ্বারে বাইয়া উঠেঃস্বরে ‘আজ আমি এখানে থাকিব । পণ্ডিত ! উঠিয়া পাক কর ; মধ্যাহ্ন সময়ে ভোজনে আসিব’ বলিয়া জগন্নাথ দর্শনে চলিয়া গেলেন ।

রোগের উপযুক্ত ঔষধ পড়িয়াছে। পণ্ডিত আর থাকিতে পারিলেন না ; উঠিয়া স্নানান্তে বিবিধ ব্যঞ্জন রাখিয়া অন্ন প্রস্তুত করিলেন। ব্রহ্মসামন্তে চৈতন্যদেব আসিয়া আসনে উপবেশন করিয়া বলিলেন, 'দ্বিতীয় পাত কর, তুমি আমি একত্র ভোজন করিব।' জগদানন্দ উত্তর করিলেন 'আপনি ভোজন করুন, আমি পরে খাইব। জোমার আজ্ঞা কি লঙ্ঘন করিতে পারি ?'

শ্রীচৈতন্য খাইতে খাইতে বলিলেন 'ওহে ! রাগে রাগে যে পাক করিয়াছ, তাহার তুলনা নাই। না জানি সহজ থাকিলে আর কি হইত ?'

জগদানন্দ এমন করিয়া ব্যঞ্জন পরিবেশন করিতে লাগিলেন যে, গৌরচন্দ্র আর খাইয়া উঠিতে পারেন না। এক দ্রব্য না ফুরাইতেই আবার দেন। এক দ্রব্য দশবার করিয়া পরিবেশন করাতে গৌরের অত্যন্ত অধিক ভোজন হইল। তথাচ তিনি উঠিতে পারিলেন না, পাছে জগদানন্দ রাগ করিয়া আবার উপবাস করে; ভয়ে ভয়ে খাইতে লাগিলেন। অবশেষে চৈতন্য দেব প্রেমপূর্ণ ভাবে বলিতে লাগিলেন 'এক গুণের স্থানে দশগুণ খাওয়াইলে; এখন অনুমতি কর, উঠিয়া আচমন কর।'।

আচমনান্তে পণ্ডিত গন্ধমালা পরাইয়া গৌরকে মুখবাস দিলেন। গৌরচন্দ্র বলিলেন 'আমি এই খানে বসি, তুমি আমার সম্মুখে ভোজন কর।'।

জগদানন্দ উত্তর করিলেন 'আপনি বিশ্রাম করুন গিয়া। রামাই ও রঘুনাথ রম্ময়ের পরিচর্যা করিয়াছেন; তাঁহাদের অন্ন ব্যঞ্জন দিয়া পরে আমি খাইব।'।

শ্রীচৈতন্য গোবিন্দকে বলিলেন 'তুমি এখানে থাক; পণ্ডিতের ভোজন শেষ হইলে অন্মাকে নংবাদ দিও'। চৈতন্যদেব বিশ্রামার্থ চলিয়া গেলে পণ্ডিত গোবিন্দকে তাঁহার পাদস্বাহন করিতে পাঠাইয়া দিলেন। শ্রীচৈতন্যও 'পণ্ডিত খাইলেন কি না' জানিয়া আসিবার জন্য গোবিন্দকে ফেরত পাঠাইলেন। গোবিন্দ 'জগদানন্দের আহার হইয়াছে' নংবাদ দিলে তবে তিনি নিজা খাইতে পারিলেন।

সন্ন্যাসের পর হইতে শ্রীচৈতন্য কলার বাসনা বিছাইয়া শয়ন করিতেন, অল্প শয্যা লইতেন না। কলার বাসনায় আন্তরগে শুইয়া তাঁহার অঙ্গে বসিয়া হইত, আনিতে পারিয়া জগদানন্দ কোন সময়ে কলার তোসক বালাপ

প্রস্তুত করিয়া গোবিন্দের নিকট দিয়াছিলেন, ও স্বরূপকে বলিয়া দিয়া-
ছিলেন ‘জগদানন্দ দেখিবেন বাহাতে প্রভু ইহা অঙ্গীকার করেন ।’ তোষক
বালীশ দেখিয়া চৈতন্ত দেব ক্রুদ্ধ হইয়া জিজ্ঞাসা করিলেন ‘এ কা’র কাজ ?’
উত্তরে জগদানন্দের নাম শুনিয়া কলহের ভয়ে সম্মুচিত হইলেও সে শয্যা
তুলিয়া ফেলিয়া কলায় বাসনাতে শুইলেন । স্বরূপ বলিলেন ‘পণ্ডিত জ্ঞানিতে
পারিলে কিন্তু ভারি ছগ্ধিত হইবেন ।’

শ্রীচৈতন্ত বলিলেন ‘তবে একখান খাট আনিয়া দাও ।’ জগদানন্দের কি
ইচ্ছা, আমি সম্যাসীর ধর্ম ছে’ড়ে বিলাসীর মত বিষয়সুখ উপভোগ করি ?’

জগদানন্দ এ কথা শুনিয়া খুব মনঃকষ্ট পাইলেন ; কিন্তু মনোহুঃখ
প্রকাশ না করিয়া বৃন্দাবনে বাইবার জন্য চৈতন্তদেবের আজ্ঞানুমতি চাহি-
লেন । সুচতুর শ্রীচৈতন্ত তাহার মনের ভাব বুঝিতে পারিয়া হাসিয়া উত্তর
করিলেন, ‘আমার উপর রাগ ক’রে মথুরায় গিয়ে কি ভিক্ষা করিয়া
বেড়াইবে ?’ জগদানন্দ চৈতন্তের চরণ ধরিয়া গম্ভীরভাবে নিবেদন করি-
লেন, ‘না তা নয় ; অনেক দিন থেকে আমার বৃন্দাবনে বাইবার ইচ্ছা,
তোমার আজ্ঞা ভিন্ন তো যেতে পারি না ।’

শ্রীচৈতন্ত বলিলেন, ‘তোমার এ প্রার্থনা অগ্রাহ ।’ জগদানন্দ মৌন
হইলেন । অতদিনে পণ্ডিত স্বরূপ গোস্বামীকে মনোবাঞ্ছা জানাইয়া অনুরোধ
করিতে বলিলে স্বরূপ গৌরকে বলিলেন ‘পণ্ডিতের পূর্ব হইতেই বৃন্দাবনে
বাইবার ইচ্ছা হয়েছে । তোমার অনুমতি চাহিলে তুমি রাগ করিয়া বাইতেছে
বলিয়া, বাইতে দাও না । কিন্তু আমি বলি, একবার অনুমতি দাও, উনি
বৃন্দাবন দেখিয়া আসুন ।’

চৈতন্তদেবের তর্কন জগদানন্দকে ডাকিয়া সরল মনে অনুমতি দিয়া এই
সকল উপদেশ দিতে লাগিলেন :—‘বারাণসী পর্য্যন্ত স্বচ্ছন্দে বাইবে, পথে
কোন ভয় নাই । কিন্তু তাহার পরে সঙ্গীভিন্ন পথ চলিও না । বাঙ্গালী
দেখিলে দম্যগণ লুটপাট করিয়া লইয়া দারিয়া ফেলে । মথুরায় সনাতনের
সঙ্গে একত্র থাকিয়া বনাদি দর্শন করিও ; কিন্তু গোবর্দ্ধনের উপরে উঠিও
না । মথুরায় স্বামীদের আচরণ দেখিয়া হাসিও না ; কেননা তাহা আমাদের
আচার হইতে সম্পূর্ণ ভিন্ন ।’ সনাতনকে বলিও, আমিও একবার সেখানে
বাইব ; আমার জন্য যেন একটু স্থান করিয়া রাখেন । আর সেখানে অনেক
দিন থাকিও না, শীঘ্র বিদ্রিগ আসিবে ।’

জগদানন্দ সকলের পাদবন্দনা করিয়া বাজা করিলেন; বনপথে বারানসী পৌছিয়া তপনশিশু ও চন্দ্রশেখরের সঙ্গে পরিচয় করিলেন; সন্ধ্যা সময়ে নথুরা আসিয়া সনাতনের সঙ্গে মিলিত হইয়া দ্বাদশ বনাদি ভ্রমণ করিলেন; এবং গোকুলে যাইয়া দুইজনে নির্জন গোফায় বাস করিয়া কৃষ্ণ কথায় দিন অতিবাহিত করিতে লাগিলেন। পণ্ডিত দেবালয়ে গীত করেন। সনাতন মহাবন হইতে ভিক্ষা করিয়া আনিয়া পণ্ডিতের আহার্য্য সরবরাহ করিয়া দেন। আর পণ্ডিত কোন কোন দিন সনাতনকে নিমন্ত্রণ করিয়া খাওয়ান।

একদিন সনাতন গোসাই, মুকুন্দ সরস্বতী নামক জনৈক সন্ন্যাসীপ্রদত্ত একখানি রক্তবর্ণের বহির্বাস মস্তকে বাধিয়া দ্বারে বসিয়া আছেন। জগদানন্দ তখন পাককার্য্যে নিযুক্ত। পণ্ডিত জিজ্ঞাসিলেন ‘রক্তদ্বজ কোথায় পে’য়েছ?’ সনাতন মুকুন্দ সরস্বতীর নাম করিলে জগদানন্দ ক্রুদ্ধ হইয়া ভাতের হাঁড়ি তুলিয়া তাঁহাকে মারিতে উদ্যত হইলেন এবং পরক্ষণেই লজ্জিত হইয়া হাঁড়ি চুলার উপর রাখিয়া বলিতে লাগিলেন ‘তুমি মহাপ্রভুর প্রধান পার্শ্বদ ও প্রিয়তম বন্ধু। তুমি অন্য সন্ন্যাসীর বহির্বাস মাথায় বাধিলে কাহার সহ্য হয়?’

সনাতন পণ্ডিতের চৈতন্য-নিষ্ঠা প্রশংসা করিয়া নিজ দ্ব্যর্থ্যের জন্ত ক্ষমা চাহিলেন।

দুইমাস কাল বৃন্দাবনবাসের পর সনাতনের নিকট বিনায় লইয়া জগদানন্দ পণ্ডিত নীলাচলে প্রত্যাগমন করিবার জন্ত প্রস্তুত হইলেন। সনাতন মহাপ্রভুর জন্ত রাসহলীর বালুকা, গোরক্ষনশিলা, গুঞ্জামালা, ও শুক পক্ক পীলু ফল ভেট পাঠাইলেন; এবং বলিলেন ‘প্রভুকে এখানে আগিতে বলিও, তাঁহার জন্ত দ্বাদশাদিত্য-ঠিলায় একটা সুন্দর মঠ নির্দিষ্ট থাকিল। মঠের নিকটে রসুই জন্ত এক চালাও বাধাইয়া রাখিলাম।’ জগদানন্দ সনাতনের চরণ বন্দনা করিয়া পূর্ব নির্দিষ্ট পথে নীলাচলে আসিলেন। চৈতন্যদেব তাঁহাকে পাইয়া খুব ভুট্ট হইলেন। পণ্ডিত সনাতনের প্রদত্ত ভেট উপচোকন দিলে শ্রীচৈতন্য পীলুফল ভক্তগণকে খাইতে দিলেন। বাহারী সন্ধান জানিতেন, তাঁহার ফলের স্বকৃৎ বাদ দিয়া আঁঠি চুষিয়া মিষ্টস্বাদ পাইলেন। কিন্তু বাহারী অনভিজ্ঞ, তাঁহার চর্কণ করিতে যাইয়া মহাবিপদে পড়িলেন; ঝালে প্রাণ ওষ্ঠাগত ও মুখ দিয়া লাল ভাস্কিতে লাগিল। রসিক

উড়িয়া রমণী ।

এখন হইতে শ্রীচৈতন্তের ভাববিকার গভীরতর হইতে লাগিল । এক দিন তিনি স্বপ্নে দেখিলেন যেন যমুনাপুলিনে শ্রীকৃষ্ণ রাসলীলা করিতেছেন । পৌর্ণমাসীর শুভ কোমুদীপ্রভায় যমুনানৈকত ধপ ধপ করিতেছে ; মধ্যে রাধাকৃষ্ণ ও চারিদিকে গোপরামাগণ মণ্ডলীবদ্ধে নৃত্য করিতেছেন । শ্রীচৈতন্ত ভাবে বিভোর হইয়া বৃন্দাবনে সত্য সত্যই 'কৃষ্ণ পাইয়াছি' বিবেচনার নিমগ্ন হইয়া থাকিলেন । গোবিন্দ সেদিন তাঁহার দীর্ঘ নিজা দেখিয়া জাগাইয়া দিলে স্বপ্নসুখে বঞ্চিত হইয়া তিনি হুঃখিত হইলেন । কিন্তু তখাচ ভাবের নেশা একবারে ছুটিল না । নিত্যকৃত্য সমাধানান্তে চৈতন্তদেব জগন্নাথমন্দিরে গেলেন এবং গরুড়ের সম্মুখে নিজ নির্দিষ্ট স্থানে দাঁড়াইয়া দর্শন করিতে লাগিলেন । এই দিন মন্দির মধ্যে লোকের বড় ভিড় হইয়াছিল । এক বৃদ্ধা উড়িয়া রমণী স্থান না পাইয়া গরুড়ে আরোহণ করিয়া নিমগ্নভাবে ঠাকুর দেখিতেছে । তাহার পদদ্বয় আলম্বিত হইয়া শ্রীচৈতন্তের হুই স্বক্ষে যে পড়িয়াছে, তাহা তাহার জ্ঞান নাই । গোবিন্দ স্ত্রীলোকটিকে ভৎসনা করিয়া নামাইয়া দিতে গেলে ভাবুকাগ্রগণ্য শ্রীচৈতন্ত গোবিন্দকে বলিলেন 'বৎস ! এমন কর্ম করিও না । ইহার দর্শন-সুখে বাধা দিও না ।' রমণী মহাপ্রভুকে দেখিয়া আন্তে ব্যস্তে নামিয়া চরণ বন্দনা করিল । চৈতন্তদেব জগন্নাথে তাহার চিত্তের আবেশ লক্ষ্য করিয়া বলিতে লাগিলেন, 'আহা ! এই রমণী কি ভাগ্যবতী ! ইহার চরণ বন্দনা করি । ইহার কুপায় যদি এমনি নিবিষ্ট-চিত্ততা পাইতাম, তবে কৃতার্থ হইয়া যাইতাম ।' জগন্নাথ ত জগন্নাথ নহেন, সাক্ষাৎ ব্রজেন্দ্রনন্দন মুরলীবদন । আহা ! এ জ্ঞান আমার কবে হইবে ?' বাসায় আসিয়া চৈতন্তদেব যেমন প্রাপ্ত রত্ন হারাইলে লোক বিবগ্ন হয়, তেমনি বিবগ্ন মনে অধোবদনে বসিয়া নীরবে ভূমি লিখিতে লাগিলেন ; হুই গুণ বহিয়া অশ্রুধারা পড়িতে লাগিল । তিনি এক একবার দীর্ঘনিশ্বাস ফেলিয়া কেবল 'বৃন্দাবনচন্দ্রে পাইয়া হারাইয়া ফেলিলাম ; কে আমার কৃষ্ণধন হরণ করিয়া লইল ? হায় ! আমি কি করিব ?' বলিয়া বিলাপ করিতে লাগিলেন ।

উনত্রিংশ পরিচ্ছেদ ।

দিব্যোন্মাদ ।

ভক্তি-শাস্ত্রে দিব্যোন্মাদের লক্ষণ এইরূপে নিরূপিত হইয়াছে। প্রেম-বৃদ্ধি হইয়া ক্রমে মেহ, মান, প্রণয়, রাগ, অমুরাগ, ভাব ও মহাভাব পুরি-
ণত হয়। মহাভাব হই প্রকর, রূঢ় ও অধিরূঢ়। অধিরূঢ় মহাভাব কেবল
গোপবালাগণেই সম্ভবে। ইহার প্রকার ভেদ দুই; মাদন ও নোহন। গভীর
সন্তোগাবস্থায় যে ভাববৈচিত্র্য দেখা যায়; তাহার নাম মাদন। আর
বিরহাবস্থায় যে অনির্বচনীয় ভাববৈচিত্র্য পরিলক্ষিত হয়; তাহার নাম
নোহন। চিত্রজন্মা ও উদ্ঘূর্ণা, তাহার দুই প্রকার ভেদ। স্নানরগীতার দশ
শ্লোকে শ্রীমতী রাধার যে ভাবদশা বর্ণিত হইয়াছে; তাহাতে চিত্রজন্মার
প্রকৃতি বুঝিতে পারা যায়। বিরহে শ্রীকৃষ্ণ ক্ষুণ্ণ হইয়া যে ভ্রমরগীত
উৎপাদন করিয়া দেয়, তাহারই নাম দিব্যোন্মাদ।

চণ্ডীদাস, বিদ্যাপতি প্রভৃতি কবিগণের গানে কৃষ্ণবিরহে শ্রীমতীর
দশদশা বর্ণিত হইয়াছে, শ্রীমদ্ভাগবতে গোপীগণের যে বিরহচেষ্টার ভাব-
বৈচিত্র্য প্রকাশ পাইয়াছে, ও পুরাণাদি অশেষ শাস্ত্রে যে চিত্র আরও কুটির
বাহির হইয়াছে, সেই সকল আশ্চর্য্যভাব দিন দিন শ্রীচৈতন্যের জীবনে
প্রস্ফুটিত হইয়া উঠিতে লাগিল। উদ্ধব দর্শনে শ্রীরাধা যে প্রকার বিলাপ
করিয়াছিলেন, দিব্যোন্মাদের অবস্থায় তিনি তেমনি বিলাপ করিতে লাগি-
লেন। কলহঃ তিনি সর্ব্বতোভাবে আপনাকে শ্রীরাধিকা হইতে অভিন্ন
জ্ঞান করিয়া বিরহ দশায় কৃষ্ণরূপমাগরে ডুবিয়া গেলেন।

বিরহ দশায় সন্তোগ সম্ভবে কি? পাঠক বলিবেন, সে আবার কি?
বিরহে কি কখন সন্তোগ হইতে পারে? তাহা হইলে, তাহাকে বিরহ বলিব
কেন? আমরা বলি তাহা হয়। যখন বিচ্ছেদের সুভীক্ষ বস্ত্রণায় প্রাণ বিদ্ধ
হইতে থাকে; তখন কি প্রিয়তমের প্রিয়দর্শন মৃতি চক্ষুর সম্মুখে ঘুরিয়া
বেড়ায় না? তাহার প্রত্যেক অঙ্গ প্রত্যঙ্গ, প্রতিকার্য্য, হাবভাব, গতিবিধি,
হাস্ত পরিহাস, ব্যঙ্গবিজ্ঞপ, আচার ব্যবহার, রূপলাবণ্য, কথাবার্তা; যে দিন-
যে কথাটি বলছেন, বা কাজটি করেছেন, এমন কি তৎসম্বন্ধের অতি ক্ষুদ্র ক্ষুদ্র
বিষয় সকলও কি তখন মনের মধ্যে জাগিয়া উঠে না? মনে হয় না কি, এই
তিনি আমার চক্ষে চক্ষে ঘুরিতেছেন, সঙ্গে সঙ্গে কিরিতেছেন, অন্তরে বাহিরে

আগিতেছেন ও মনে মনে কথা কহিতেছেন? সে বিরহ বিরহই নয়, বা'তে এইরূপ তন্ময়ত্ব আনিয়া না দেয়। তন্ময়ত্ব সন্তোগ নয় ত আর কি? ভগবানের রূপ ভ প্রাকৃত নহে। উহা অরূপ সচ্চিদানন্দ বা অপ্রাকৃত মদন-মোহন রূপ, সম্পূর্ণ আত্ম-প্রত্যক্ষের বিষয়। স্মৃতরাং সেরূপে নিমগ্নতাবকে ত সন্তোগ বলিবই, তা' ছাড়া ভীক্স বিরহ-দশায় তন্ময়ত্বতাবকে সন্তোগ ভিন্ন আর কি বলিব? তবে, প্রথমোক্তে সেই রূপে ডুবিতেছি বোধ, প্রথমাবধিই থাকে; শেষোক্তে তাঁহাতে ডুবিতেছি জানিয়া মন নিমগ্ন হয় না। বিরহে প্রাপ্তি উৎপাদন করিয়া পরে ভক্তের অন্তর্জাতে নিমগ্নতাব আনিয়া দেয়। যে বিরহে ভক্তমিলন, সুখ সন্তোগ করিতে সমর্থ হইয়া থাকেন, সে সামান্ত বিরহ নহে। প্রেমিকগণ মিলন হইতে সেই বিরহই বাঞ্ছা করিয়া থাকেন। পদ্যাবলীতে শ্রীকৃষ্ণ গোস্বামী এ সম্বন্ধে যে শ্লোক উদ্ধার করিয়াছেন, তাহাতেও আমাদের কথা সমর্থিত হইবে। যথা,—

“সঙ্গম বিরহবিকল্পে বরমিহ বিরহো ন সঙ্গমস্তত্ ।

একঃ সএব সঙ্গো ত্রিভুবনমপি তন্ময়ং বিরহে ॥”

মিলন ও বিচ্ছেদ, ইহার কোনটী বাঞ্ছনীয়? বিকল্প স্থলে মিলনাপেক্ষা বিচ্ছেদই শ্রেষ্ঠ মনে হয়। কারণ মিলনে কেবল তিনিই সঙ্গ। কিন্তু বিরহে ত্রিভুবন তন্ময় হইয়া যায়। গৌরের বিরহ এই শ্রেণীর।

চিন্তা, অনিদ্রা, উদ্বেগ, ক্ষীণতা, অঙ্গমালিষ্ঠ, প্রলাপ, পীড়া, উন্মত্ততা, মোহ, এবং নিস্পন্দতা, এই দশ প্রকারের ভাব দিব্যোন্মাদে প্রকাশ হইয়া থাকে। ইহাকে দশদশা বলে। শাস্ত্রে শ্রীরাধার এই অবস্থা বর্ণিত আছে। শ্রীমদ্রূপ প্রভুর সেই সব চিহ্ন প্রকাশ হইতে লাগিল। স্মৃতরাং মহাভাবরূপিনী রাধা হইতে যে তিনি অভিন্ন প্রকৃতি, তাহাতে সন্দেহ কি? স্বরূপগোস্বামী ও রঘুনাথ দাস স্বীয় স্বীয় কড়চাতে এ সকল কথা লিখিয়া গিয়াছেন। তাঁহারা তৎকালে শ্রীচৈতন্যের নিকটে থাকিয়া গুপ্তসেবাদি করিতেন এবং বধন বাহ্য অহুভব করিতেন, তাহা সংক্ষিপ্তরূপে নিবদ্ধ করিয়া রাখিতেন। স্মৃতরাং তাঁহাদের কড়চাবলম্বনে কবিরাজ গোস্বামী বাহ্য লিখিয়া গিয়াছেন; তাহাতে অবিশ্বাস করিবার কারণ কি আছে?

এখন হইতে শ্রীচৈতন্য তিন অবস্থার সময় বাপন করিতে লাগিলেন। কৃষ্ণভাবাবেশে তাঁহার আত্মক্ষুতি অর্থাৎ ভগবান হইতে স্বাতন্ত্র্য একেবারেই থাকিল না। তিনি কখন জ্ঞানে নিমগ্ন হইয়া থাকতেন বাহ্য

ক্ষুধা হারাইয়া ফেলিতেন; এইটুকু অন্তর্দৃষ্টি বলিত। কখন অর্দ্ধবাহু ক্ষুধিতে ভাব সাগরে ডুবিয়া থাকিতেন ও কত কি প্রলাপ বলিতেন। আবার সময়ান্তরে বাহুক্ষুধি লাভ করিয়াও অন্তরে কৃষ্ণরূপে ডুবিয়া থাকিতেন; বাহিরে দেহস্বভাবে স্নান, ভোজন, দর্শনাদি হইত। এই শেবেক্তি ভাবকে ভক্তগণ নিপটবাহু বলিতেন।

পূর্বপরিচ্ছেদের শেষভাগে উল্লিখিত হইয়াছে যে 'কৃষ্ণধন পাইয়াও হারাইয়া ফেলিলাম; কোথায় গেলে কৃষ্ণ পাইব?' বলিয়া সারং সময়ে ত্রীচৈতন্য বাসায় বসিয়া কৃষ্ণগুণ শ্রবণ করিয়া বিনাপ করিতেছিলেন। বত রাত্রি বাড়িতে লাগিল, তাঁহার বিরহচেষ্টা ততই প্রবল হইতে লাগিল। তিনি স্বরূপ রামানন্দের গলা ধরিয়া কাদিতে কাদিতে এইরূপ প্রলাপ বকিতে লাগিলেন :—

‘বন্ধুগণ! কৃষ্ণ মাধুরীর অপরূপ শক্তির কথা শুনিবে? ঐ মাধুরী লোভে লুপ্ত হইয়া আমার মন বেদবিহিত ধর্মপথ পরিত্যাগ করিয়া যোগী সেজে ভিক্ষাবৃত্তি অবলম্বন করিয়াছে। আহা! যোগীর সাজই বা কি অদ্ভুত! শুক কারিকর কৃষ্ণলীলা রূপ যে শঙ্খকুণ্ডল গড়িয়াছেন, সে তাহা কর্ণে পরিয়াছে; তৃষ্ণা-লাউ ও আশার ঝুলি স্বন্ধে ঝুলাইয়াছে; চিন্তা কহা গায়ে দিয়া দ্বাদশ উদ্বিগ্ন হাতে লইয়া ও লোভের ঝুলনী মাথায় বাঁধিয়া ব্যাস শুকাদির রচিত কৃষ্ণলীলার তর্জী পড়িতেছে; কিন্তু ভিক্ষা-ভাবে তাহার ক্ষীণ কলেবর। মন যোগী বড় সূচত্বর; তাই দশেজিয়কে শিষ্যত্বে বরণ করে, আমার শরীররূপগৃহে বিষয় ভোগ ছাড়িয়া দিয়া মহাবাউল নাম লইয়া বৃন্দাবনে চলিয়া গিয়াছে ও সেখানে স্থাবর জঙ্গম বৃক্ষ লতা প্রভৃতি প্রজীবন্দের নিকট ফল মূল পত্রাদি ভিক্ষা করিয়া বেড়াইতেছে। কৃষ্ণরূপ, কৃষ্ণগুণ, কৃষ্ণরস, কৃষ্ণের মধুর ধ্বনি, কৃষ্ণের সৌরভ ও স্পর্শমুখ রূপ স্মারস গোপীগণ নিরন্তর আশ্বাদন করিতেছেন। আমার মন-যোগীর ইন্দ্রিয় শিষ্যগণ তাঁহাদের তুচ্ছশেষ প্রসাদ ভিক্ষা করিয়া আনিয়া দিয়া গুরুর প্রাণ রক্ষা করিয়াছে। মন আমার কৃষ্ণ-বিরোগে দ্রুত হইয়া সাক্ষাৎ দর্শন মানসে যোগী সাজিয়া বৃন্দাবনে গিয়াছে বটে; কিন্তু নিরঞ্জন কৃষ্ণাত্মার দর্শন না পাইয়া শূন্য কুণ্ডে বসিয়া যোগ ধ্যানের রাত্রি আগরণ করিতেছে এবং বিরহে ব্যাকুল হইয়া দশদশা প্রাপ্ত হইয়াছে। হায়! এখানে আমার শরীররূপ আশ্রয় যে শূন্য পড়িয়া রহিল!’

রামানন্দ রায় শ্রীচৈতন্যের উদ্দেশ্য বৃদ্ধি দেখিয়া তাঁহাকে সাঙ্ঘনা দিবার জন্ত সমর্থিত্তি শ্লোক ব্যাখ্যা করিতে লাগিলেন ; আর স্বরূপ স্তম্ভুর স্বরে সঙ্গীত করিলেন । তাঁহাতে চৈতন্যদেব বাহুজ্ঞান লাভ করিয়া কিছু স্থত হইলেন । ব্রাহ্মী দুই প্রহরের সময় তাঁহাকে ভিতর প্রকোষ্ঠে শোয়াইয়া রামানন্দ রায় স্বগৃহে চলিয়া গেলেন । স্বরূপ ও গোবিন্দ দ্বারদেশে শুইয়া রহিলেন এবং প্রভু উচ্চ করিয়া নাম সঙ্কীৰ্ত্তন করিতেছেন, শুনিতে শুনিতে নিদ্রিত হইয়া পড়িলেন । কিছুক্ষণ পরে স্বরূপ 'জাগরিত হইয়া কোন শব্দ শুনিতে না পাইয়া সন্দিগ্ধ হইলেন এবং প্রদীপ লইয়া গৃহান্তরে বাইয়া মহাপ্রভুকে না দেখিয়া একেবারে বিস্মিত ও ভীত হইলেন । এবং গোবিন্দকে জাগাইয়া মসাল জালিয়া অত্যাশ্চর্য ভক্তগণের সঙ্গে অবেষণে বাহির হইলেন । আরও আশ্চর্য্যের বিষয় যে, বাড়ীর তিন প্রকোষ্ঠের দ্বার যেমন তেমনি অর্গল বদ্ধ রহিয়াছে ; অথচ চৈতন্যদেব অভ্যন্তরে নাই । বাহা হউক, খুঁজিতে খুঁজিতে, সিংহদ্বারের উত্তর দিকে স্বরূপাদি দেখিলেন, চৈতন্য গোসাঁই অতি দীর্ঘাকার ও বাহুজ্ঞান শূন্য হইয়া পড়িয়া রহিয়াছেন । তাঁহার অবস্থা দেখিয়া ভক্তগণ ভয়াকুল হইলেন । অচেতন দেহ, নাশার স্বাস নাই, হাত পা গুলি তিনহাত পরিমিত দীর্ঘ, হস্তপদাদির গ্রন্থি সকল বিতস্তি প্রমাণ শিথিল, উপরে চর্মমাত্র রহিয়াছে ; উতান নয়ন, মুখে লালা ও ফেলা ভাজিতেছে । স্বরূপাদি ভক্তগণ হৃদয়বিদারক এই দশা দেখিয়া হৃৎথে বিদীর্ণ হইলেন এবং যুক্তি করিয়া উচ্চ করিয়া তাঁহার কর্ণ-মূলে কৃকনাম ডাকিতে লাগিলেন । অন্তক্ষণ পরে, হরিবোল বলিয়া চৈতন্যদেব গজ্জিয়া উঠিলেন । অহিসন্ধি সকল তখন পূর্ববৎ স্বাভাবিক হইল । সিংহদ্বারে আছেন দেখিয়া, শ্রীচৈতন্য বিস্মিত ভাবে জিজ্ঞাসা করিলেন 'এখানে কেন ? কি করিতেছ ?' স্বরূপ উত্তর করিলেন 'বাসায় চল, সকল বলিব ।'

বাসায় আসিয়া স্বরূপের মুখে বৃত্তান্ত শুনিয়া শ্রীচৈতন্য বলিতে লাগিলেন 'আমার কিছুই মনে নাই । কেবল, শ্রীকৃষ্ণ আমাকে দেখা দিয়া বিহ্যতের আনন্দসুখ হইয়া গিয়াছিলেন, এই দেখিয়াছি মাত্র ।'

রঘুনাথ দাস চৈতন্যস্তব-কল্পবৃক্ষে এই লীলা এইরূপে বর্ণন করিয়াছেন ।

‘কচিন্মিশ্রাবাসে ব্রজগতি স্ততোষ্কারবিরহাৎ

লুঠন ভূমো ক্কা ক্কা বাণীয়া বিকলং গদগদ বচা

রুদন্ শ্রীগোরাঙ্গো হৃদয় উদয়মাং নদয়তি ।

কোন সময়ে কান্নামিশ্রের আলয়ে কৃষ্ণের প্রবলবিরহে বাঁহার অঙ্গ-সন্ধি সকল শিথিল হইয়া হস্তপদ অতিশয় দীর্ঘ হইয়াছিল, যিনি 'কা' 'কা' বলিয়া ভূমিতে লুঠন করিতে করিতে গদগদ বচনে "ও বিকলচিত্তে হত রোদন করিয়াছিলেন, সেই গোরাঙ্গ এখনও হৃদয়ে উদিত হইয়া আমাকে হর্বোন্নত করিতেছেন ।

চটকগিরি গমন ।

এক দিন চৈতন্তচন্দ্র সমুদ্রস্নানে বাইবার কালে দূরস্থ চটকগিরির শোভা দেখিয়া আবিষ্ট চিত্তে গোবর্দ্ধন গিরি জানে তাহার দিকে ছুটিয়া চলিলেন । গোবিন্দ পশ্চাতে বাইতেছিলেন; প্রভুর ভাবাবেশ হইয়াছে, বুঝিতে পারিয়া ও বিপদপাতের আশঙ্কা করিয়া অত্যাচরণে স্বরূপাদি ভক্তগণকে ডাকিতে ডাকিতে, তাঁহার পাছে পাছে দৌড়িতে লাগিলেন । শ্রীচৈতন্ত প্রথমে বাতাসের ভ্রায় ছুটিতেছিলেন; পথে বাইতে বাইতে হঠাৎ চলৎশক্তি হীন হইয়া স্তম্ভিতভাবে দণ্ডায়মান হইলেন এবং সমুদ্র-তরঙ্গের ভ্রায় কাঁপিতে কাঁপিতে ভূপৃষ্ঠে পড়িয়া গেলেন । গোবিন্দ যখন তাঁহার নিকটে উপস্থিত হইলেন; তখন তিনি অজ্ঞান, রোয়াবলি রুদ-কেশরের ভ্রায় উদ্গত, রোমকূপগুলি মাংসব্রণের আকার ধরিয়াছে, তাহা দিয়া কপ্লিরধারা পড়িতেছে, কণ্ঠ ঘর্ঘর করিতেছে, শরীর বিবর্ণ হইয়াছে, যেন রক্ত-শূন্য; কেবল মুদিত নয়নযুগল দিয়া অনবরত অশ্রুধারা পড়িতেছে । প্রভুভক্ত গোবিন্দ তাঁহার অবস্থা দেখিয়া কাঁদিতে কাঁদিতে হস্তস্থিত করঙ্গের জল সর্বদাঙ্গ সিক্তন করিতে এবং বহির্কাস দিয়া বাতাস করিতে লাগিলেন ।

এ দিকে নগরে একটা মহা কোম্পীহল পড়িয়া গিয়াছে । ভক্তগণ যিনি যেখানে ছিলেন, চারিদিক হইতে পূর্বতাভিমুখে ছুটিতে লাগিলেন । স্বরূপ, জগদানন্দ, রঘুনাথ, গদাধর পণ্ডিত, রামাই, নন্দাই, নিলাই, শঙ্কর পণ্ডিত, পুরী গোঁসাই, ও ভারতী গোঁসাই, প্রভৃতি সকলেই গোবিন্দের চীৎকার শুনিয়া অনিষ্টাশঙ্কা করিয়া শূন্যব্যস্তে বাইতে লাগিলেন । স্বরূপাদি আসিয়াও

তাঁহার শ্রবণ মূলে উচ্চৈঃস্বরে নাম স্তাক্ষিতে লাগিলেন । তিনি অনেক
ক্লম পরে 'হরিবোল' বলিয়া উঠিয়া বসিলেন । তখন জগন্মঙ্গল হরিনামে ভক-
গণ আক্ৰাশ বিদীর্ণ করিয়া ফেলিলেন । সকলের মুখেই আনন্দ ও উৎসাহ-
চিহ্ন দেখা গেল । চৈতন্যদেব চেতনা পাইয়াও নিপট বাহুজ্ঞান লাভ করিতে
পারেন নাই ; অন্ধ বাহুজ্ঞানে এ দিক্‌ওদিক্‌ চাহিয়া কি যেন দেখিতেছিলেন ;
দেখিতে পাইতেছেন না, মনে করিয়া স্বরূপকে বলিতে লাগিলেন 'আজ আমি
আবার কৃষ্ণ দর্শনে গোবর্দ্ধনে গিয়াছিলাম ; সেখান হইতে কে আমার
এখানে আনিল ? আহা ! গোবর্দ্ধনের উপরে উঠিয়াই দেখিলাম, কৃষ্ণ গোধন
চরাইতে চরাইতে মুল্লী নিশ্বন করিলে সখীসঙ্গে রাধা ঠাকুরাণী আসিয়া
উপস্থিত । কৃষ্ণ তখন রাধায় লইয়া গিরিকন্দরে প্রবেশ করিলেন ; সখীগণ
পুষ্প চয়ন করিতে চলিয়া গেলেন । এমন সময়ে তোমরা গোলমাল করিয়া
আমায় এখানে আনিলে । হায় ! কৃষ্ণলীলা দেখিয়াও দেখিতে পাইলাম না !
তোমরা আমায় সে স্তখে বঞ্চিত করিলে কেন ?' বলিয়া চৈতন্যদেব কাঁদিতে
লাগিলেন । এই সময়ে পুরী ভারতীকে সম্মুখে দেখিতে পাইয়া তিনি বাহুজ্ঞান
লাভ করিয়া তাঁহাদের বন্দনা করিলেন । তাঁহারা প্রেমালিঙ্গন করিলে
শ্রীচৈতন্য জিজ্ঞাসিলেন 'এত দূরে আসিয়াছেন কেন ?'

পুরী হাসিয়া উত্তর দিলেন 'তোমার নৃত্য দেখিতে ।'

শ্রীচৈতন্য লজ্জিত হইয়া সকলের সঙ্গে তখন সমুদ্রস্নান ও মহাপ্রসাদ
ভোজন করিয়া বাসায় বিশ্রাম করিতে গেলেন । রঘুনাথের স্তবকল্প-নৃক্ষে এ
লীলা এই রূপে বর্ণিত হইয়াছে ।

নীলাদ্রির সমীপে চটকগিরি দেখিয়া 'এখান হইতে আমি বৃন্দাবনগোষ্ঠে
গোবর্দ্ধন দর্শন করিতে যাই' বলিয়া যিনি উন্নতের ন্যায় ধাবিত হইলে
পশ্চাদাগত নিজগণ কর্তৃক ধৃত হইয়াছিলেন, আহা ! সেই গৌরাঙ্গ আমার
হৃদয়ে উদিত হইয়া আমার হর্বোন্মত্ত করিতেছেন ।

ত্রিংশ পরিচ্ছেদ ।

উদ্যান-বিহার ।

চক্ষুরাদি পাঁচ ইন্দ্রিয় জীবাশ্মার জ্ঞানোপার্জনকারী ; রূপাদি পাঁচটা
জ্ঞানের বিবরণ ।

পাঁচের অনুকূল যোগে জীবের সুখের জ্ঞান; প্রতিকূল যোগে দুঃখানুভব । কিন্তু যে আত্মা প্রতিকূল পাঁচকে বিবেক ও বৈরাগ্যের দ্বারা অনুকূল করিয়া লইয়া সর্বত্র সমান ভাবে ভগবৎসুকৃতি লাভ করিতে পারিয়াছেন ; তিনিই যত্ন ! যোগ রাজ্যের লোভনীয় স্থান তাঁহারই অধিকৃত হইয়াছে । আবার যিনি পাঁচে পাঁচের যোগে ব্রহ্মাণ্ডের আকাশাদি পঞ্চ মহাভূতে সীলারসের শ্রীহরির নিকৃপাধিরূপ, স্নমধুর বাণী, সুশীতল স্পর্শ, অপ্রাকৃত রস, এবং সৌরভময় অঙ্গশব্দ পাইয়া মহাভাবে বিভোর হইয়া বাইতে পারেন, তিনি মহাভক্ত ; মহাপ্রেমিক । এরূপ ভগবদ্বক্তৃ জগদ্বাসীর উদ্ধারের জন্তই কেবল অবতীর্ণ হইয়া থাকেন । শাস্ত্রে শ্রীমতী রাধিকার এই মহাদর্শন বর্ণিত আছে । আজ শ্রীকৃষ্ণ চৈতন্তের ইন্দ্রিয় দ্বার খুলিয়া গিয়া হৃদয়ে সেই মহাদর্শনের ছবি অঙ্কিত হইয়াছে । তাই তিনি স্বরূপ রামানন্দের কণ্ঠ ধরিয়া মনের কথা বলিতে বলিতে বিলাপ করিতে লাগিলেন :—

‘শুন বন্ধুগণ ! আমার কণ্ঠের কথা । পাঁচজনের টানাটানিতে পড়িয়া আমার মন অখটী আর বাঁচিল না । পাঁচটি ইন্দ্রিয় অতিশয় বলবান্ ; তাহারা যুগপৎ অখটীর উপর চড়িয়া পাঁচ দিকে টানিতেছে । বেচারী কোন্ দিকে যায়, বল দেখি ? অথবা ইন্দ্রিয় পাঁচজনেরই বা দোষ দিই কেন ? কৃষ্ণরূপাদি পাঁচটি বিষয় তা’দের নিরন্তর আকর্ষণ করিতেছে । এ মহাকর্ষণের বলে তাহারা যে অভিভূত হইয়া পড়িয়াছে, তাহা আশ্চর্য্য কি ? কোন্ ইন্দ্রিয়ের এমন শক্তি আছে, যে এই মহাকর্ষণের টানে স্থির থাকিতে পারে ? নিকৃপম কৃষ্ণরূপ সাগরের এক বিন্দুতে কত কত ব্রহ্মাণ্ড ডুবিয়া যায় ; তা’ আমার ক্ষুদ্র নয়ন হইটির অপরাধ কি ? বচনমাধুরীর কি অস্ত্রায় দেখ দেখি ! ক্ষুদ্র শক্তিসম্পন্ন কাণের কাছে নিরন্তর ডাকিয়া ডাকিয়া তা’হাকে পাগল করিয়া তুলিয়াছে । সুশীতল অঙ্গস্পর্শের কথা কি বলিব ? আমার স্পর্শেন্দ্রিয়কে একেবারে মাতাইয়া দিয়াছে । আর শ্রীমদ সৌরভেরই বা বিক্রম কত ? উহা নীশার মধ্যে যেন বাসা পাতিয়া স্নগন্ধে বিভোর করিয়া তুলিয়াছে । রসময় অধরাযুতের লোভে আমার রসনা আর সব রস ছাড়িয়া উহা আশ্বাদনেই মাতিয়া গিয়াছে । তাইতে বলি, ইন্দ্রিয়-প্রাণের দোষ কি ? তা’রা সামান্য শক্তিসম্পন্ন হইতো নয় । ওহে স্বরূপ ! ওহে রায় ! আবার তাও বলি, ইন্দ্রিয় সকলেরই বা সার্থকতা কি, যদি তা’হাতে না সন্তুষ্টি ও রস দেখি সে নয়ন থাকার ফল কি, যে নয়ন সে মদনমোহন রূপ-

সাগরে না ডুবিল? অশেষ লাভণ্যের আকর সে মুখচন্দ্র না হেরিল? সে কান
কি কাণাকুড়ির ছিঁড়ের স্থায় ব্যর্থ নয়, যে শ্রবণে তাঁহার অমৃত-তরঙ্গিণী মধুর
বাণী প্রবেশ না করিল? রসময় বাঁশীর গান মধুধারা ঢালিয়া না দিল? সে
জিহ্বা ত ভেকের জিহ্বার স্থায় নীরস, যে জিহ্বা তাঁহার সুখ-সার অধরামৃত
আস্বাদন না করিল; তাঁর রসে মজিয়া না গেল? সে নাসিকা ভিত্তাবহের
স্থায় জীবনহীন; তাহার মৃত্যুই বা হয় না কেন, যে নাসিকা শ্রীঅঙ্গু পরিমনে
নাতিয়া না যায়? সে শরীর কি লোহার মত কঠিন নয়, সে কঠিন শরীরে
জীবনই বা থাকে কেন, যে শরীর কোটিচন্দ্র হইতেও স্থলীতল, স্পর্শমণি
হইতেও সূক্ষ্মস্পর্শ, তাঁহার চরণস্পর্শে বঞ্চিত?

‘শ্রীকৃষ্ণ দর্শন করিতে করিতে আমার কি হ’য়েছিল, জান? যখন নয়ন-
চকোর সেই দ্বীপ-সাগরে ডুবিয়া সুধাপান করিতেছিল, তখন হুইটা শত্রু এসে
আমার মনকে হরণ করিয়া লইয়া গেল। আমি অনেক বন্ধেও রাখিতে
পারিলাম না। শত্রু হুইটার নাম দর্শনলালসা ও দর্শনানন্দ। এ দুইটা কৃষ্ণ-
দর্শনের বিঘ্ন বৈরী। এবারে যদি ভাগ্যে কখন দর্শন পাই; তাহা হইলে
সেই শুভ ঘটকা, দণ্ড, বা পলকে, আমি রত্নালঙ্কারে সাজাইয়া চিরস্মরণীয়
করিয়া রাখিব। আনন্দ ও লালসা-বৈরীকে আর আসিতে দিব না।’

স্বরূপ গান করিলেন, রামানন্দ কর্ণামৃত বিদ্যাপতি ও গীতগোবিন্দের
অংশ বিশেষ পড়িয়া শ্রীচৈতন্যকে অনেকসময় করিলে তিনি সমুদ্রতীরে
ভ্রমণার্থে বাহির হইলেন এবং পথপার্শ্বে প্রমোদোদ্যান দেখিয়া
শ্রীহৃদ্যাবন ভ্রমে তাহাতে প্রবেশ করিলেন। ভাগবতোক্ত রাসলীলার ছবি
মনে পড়িয়া তাঁহাকে একেবারে আত্মহারা করিয়া তুলিল। রাসমণ্ডলী
হইতে ভগবান্ শ্রীরাধিকাকে লইয়া অন্তর্হিত হইলে বিরহ-বিধুরা গোপ-
রামাগণ যেমন করিয়া নিকুঞ্জকানন, গিরিগোবর্দ্ধন ও বমুনাগুলিনের
প্রতি তরু লতাকে জীবন্ত মনে করিয়া প্রাণনাথের সংবাদ জিজ্ঞাসা
করিয়া শূঞ্জিয়া বেড়াইয়াছিলেন; শ্রীচৈতন্য সেইভাবে বিভোর হইয়া
ভাগবতের শ্লোকাবৃতি করিতে করিতে উদ্যান মধ্যে নাচিয়া বেড়াইতে
লাগিলেন।

হেচুত! পিয়াল! পনস! কোবিদার! গীতরসাল! জম্বু! অর্ক! বিব! ৩
বকুল! আত্র! কদম্ব! নীপ! তোমরা তীর্থবাসী, পরোপকারের অগ্রহী তোমা-
দের জল।

দেখেছে ? তাহারা কোন উত্তর করিল না দেখিয়া, মুগ্ধ গৌর মনে করিলেন, ইহারা পুরুষজাতি, কৃষ্ণের সখা। ইহারা সখাকে পাইয়া পুতুইয়া রাখিয়াছে ; আমাকে সংবাদ বলিবে কেন ? ভাবিয়া সম্মুখে নলিকাদি লুতা দেখিয়া জিজ্ঞাসিলেন 'হে মালতি ! নলিকে ! তুলসি ! বৃথি ! মাধবি ! তোমরা ত আমার প্রিয়সখী ; মাধব কোথায় বলিয়া আমার প্রাণ রাখ ।' এবারেরও কোন উত্তর না পাইয়া ভাবিলেন 'বুঝিয়াছি, ইহারা কৃষ্ণদাসী। প্রভুর ভয়ে তাহার উদ্দেশ বলিতেছে না। দেখি দেখি এই হরিণী কিছু বলিয়া দেয় কি না ?' এই ভাবিয়া উদ্ভ্রান্ত গোপবালাদিগের ভাষায় শ্রীগোরাঙ্গ বলিতে লাগিলেন :— 'সখি হরিণি ? বল দেখি কৃষ্ণকান্তার সহিত কৃষ্ণ এখানে আসিয়া তোমার নয়ন রঞ্জন করিয়াছিলেন কি না ? আমরা কিশোরীর প্রিয়সখী, আমাদের নিকটে ত তাঁর অঙ্গগন্ধ লুকাইবে না। এই যে কুসুম সংস্পৃক্ত কুন্দমালা পড়িয়া রহিয়াছে ; ইহা হইতে যে তাঁর অঙ্গ সৌরভ বাহির হইতেছে।' কোন উত্তর না পাইয়া শচীনন্দন ভাবিলেন 'কৃষ্ণশোকে এ বিরহিণী ; তাই কিছু বলিতেছে না। আচ্ছা, দেখি ফলগুপ্ত ভয়ে অবনত-শাখ এই ভরুগণ কিছু বলে কি না ? ইহারা কৃষ্ণদর্শন না পাইলে এরূপ সাষ্টাঙ্গ প্রণাম করিত না। অবশ্যই তাহার সন্ধান জানে।' অপ্রবর্তী হইয়া গৌরচন্দ্র জিজ্ঞাসিলেন, 'ওহে বহুগণ ! তাই বল ত লীলাকমল হাতে লীলাময় এখানে আসিয়াছিলেন কি না ? তোমাদের অভিবাদন কি তিনি স্বীকার করিয়াছেন ? তাহারাও নীরব দেখিয়া চৈতন্তচন্দ্র ধাইয়া সাগরকুলাভিমুখে বাইয়া উপকূলস্থিত কদম্ব তরুতলে 'কৃষ্ণ দেপ্রিলাম' বলিয়া মুচ্ছিত হইয়া পড়িলেন। সর্কাসে পুলকাদি অষ্টসাধিক প্রকাশ পাইল ; কিন্তু তিনি অন্তরে আনন্দ আশ্বাদ করিতে লাগিলেন। স্বরূপাদি শীঘ্র তাহার চৈতন্ত সম্পাদন করিলে তিনি বিলাপ করিতে লাগিলেন :— 'বহুগণ ! মুরলীবদনের অপার সৌন্দর্য্যে আমার চিত্ত মন ডুবিয়া গিয়াছে। এখনই সে অপরূপ রূপ দেখিলাম। হায় ! আবার কোথায় লুকাইল ?' শ্রীচৈতন্ত আর এক শ্লোকান্তি করিয়া শ্রীরাধার বাক্যানুসরণে রূপ বর্ণনা করিয়া বিলাপ করিতে লাগিলেন :— 'বহুগণ ! কৃষ্ণ-রূপ অদ্ভুত বলাহক না দেখিয়া আমার প্রাণচাতকী পিপাসায় মরিয়া বাইতেছে। সুমন্দ স্নিততায় চির চঞ্চলা সৌদামিনী, ভক্তশ্রেণী বকপংক্তি, সুরঞ্জিত ভাবময় ময়ূর পাখা ইন্দ্রধনু, মুরলীর গভীর গর্জন জীমূতধানি এবং

বর্ষণ করিতে করিতে আমার চিত্তক্ষেত্রে দেখা দিবা মাত্রই হৃদেব বজ্রাপবন-
তাহা উড়িয়া লইয়া গেল। চাতকী জল পানে বঞ্চিত হইয়া পিপাসায় ছট-
ফট করিতেছে।

শ্রীচৈতন্য 'পড়' 'পড়' করিয়া রামানন্দকে অনুরোধ করিলে, রামরায়
শ্লোব পড়িতে লাগিলেন। শ্রীচৈতন্য অনেক বিলাপ করিয়া বলিতে লাগি-
লেন :—কৃষ্ণ অতি চঞ্চল, একস্থানে অনেকক্ষণ ভিষ্ঠিয়া থাকেন না। এই
এখন দেখা দিয়া আমার কর্ণাল দোবে কোথায় চলিয়া গেলেন ! স্বরূপ !
এমন একটা গীত গাও, বাহাতে আমি চিত্তের স্থৈর্য লাভ করিতে পারি।

স্বরূপ গোসাই স্বনধুর স্বরসংযোগে গীতগোবিন্দের পদ গাইতে
লাগিলেন।

‘রাসে হরিসিহ বিহিত বিলাসঃ

স্মরতি মনো মম কৃতপরিহাসম্ ।’

গান শুনিয়া শ্রীচৈতন্যের ভাবসিদ্ধ আবার উথলিয়া উঠিল। তিনি ‘বোল’
‘বোল’ বলিয়া নাচিতে লাগিলেন। অষ্টমাত্তিক মহাভাবে হর্ষাদি সঞ্চারী
ভাব মিশিয়া ভাবে ভাবে মহা যুদ্ধ বাধিয়া গেল। পুনঃ পুনঃ গাওয়াইয়া,
পুনঃ পুনঃ শুনিয়া ও পুনঃ পুনঃ নাচিয়াও তাঁহার আশা মিটিল না। স্বরূপ
গোসাই তাঁহার শ্রম জানিয়া আর গাইলেন না। তখন অগত্যা তিনি বসিতে
বাধ্য হইলেন।

কালীদাসে প্রসাদ ।

বর্ষান্তরে বঙ্গের ভক্তগণ নীলাচলে আসিলে, শ্রীচৈতন্য তাঁহাদের সঙ্গে
বাহ্যকৃষ্টি লাভ করিয়া পূর্বের অার নৃত্যকীর্ত্তনাদি করিতে লাগিলেন।
রঘুনাথ দাসের জ্ঞাতিখুড়া কালিদাস নামে এক ভক্ত বৈষ্ণব এ বৎসর
পুরুষোত্তমে আসিয়াছিলেন। ইনি ধনবান্ হইলেও সরল প্রেমিক ও
উদার প্রকৃতির লোক। জীড়াদিতেও ইনি হরিনাম ভিন্ন করিতেন না।
পাশা খেলাইতে হইলেও ‘হরে কৃষ্ণ বলিয়া’ পাশা ফেলাইতেন। বৈষ্ণবো-
চ্ছিষ্টে ইহার প্রগাঢ় শ্রদ্ধা। সাধু সজ্জন জানিতে পারিলেই জাতিবিচার না
করিয়া ইনি উত্তম উত্তম খাদ্য লইয়া উপচোকন দিতেন এবং ভোজন করাইয়া
ভুক্তশেষ থাইতেন। কেহ প্রসাদ দিতে স্বীকার না করিলে ইনি কিছুতেই
ছাড়িতেন না। লুকাইয়াও উচ্ছিষ্ট থাইতেন। ভগিনী জাতীয় বাৎ

নামক ব্যক্তি সরল বৈষ্ণব ছিলেন। কালিদাস একদিন সুমিষ্ট পাকা আম তাঁহাকে ভেট দিয়া ভোজন করিতে ও ভুক্তশেষ দিতে বলিলে বড় কিছুতেই স্বীকৃত হইলেন না। অগত্যা ঐসাদ পাওয়ার দাবি পরিত্যাগ করিয়া কালিদাস বড় ও তাঁহার স্ত্রীকে পরিতোষরূপে আন খাওয়াইলেন। তাঁহার অষ্টবন্ধুলাদি বাড়ীর নিকটস্থ গর্ভে ফেলাইয়া দিলেন। কালিদাস কতকক্ষণ পরে বিদায় হইয়া আসিয়া যখন দেখিলেন, বড় গৃহাভ্যন্তরে গিয়াছেন, আর তাঁহাকে দেখা বাইতেছে না, তখন আস্তে আস্তে উচ্ছিষ্ট গর্ভে নানিয়া সেই ভুক্তশেষ আশ্রয়ের আঁটি ভক্তির সহিত চুষিতে লাগিলেন এবং প্রেমাক্ষ ফেলিতে ফেলিতে স্বর্গহে আগমন করিলেন।

কালিদাস নীলাচলে আসিয়া শ্রীচৈতন্তের বহুপা লাভ করিলেন। চৈতন্তদেব স্বীয় পাদোদক বা ভুক্তশেষ সহজে কাহাকেও দিতেন না; কালিদাসের ভক্তিতে বাধ্য হইয়া তাহাও দিয়াছিলেন।

দ্বাররক্ষকের সঙ্গে ।

বর্ষান্তে বঙ্গের ভক্তগণ দেশে চলিয়া গেলে শ্রীচৈতন্তের বাহুকর্তী লুপ্ত হইয়া আসিল; তিনি আবার কৃষ্ণপ্রেমে উন্মত্ত হইয়া উঠিলেন। একদিন ভাবে বিহ্বল ও আত্মহারা হইয়া চৈতন্তদেব জগন্নাথ দর্শনে গিয়াছেন। সিংহদ্বারের দুলই বা প্রধান দ্বারপাল আসিয়া তাঁহার চরণ-বন্দনা করিয়া সম্মুখে দাঁড়াইলে, মুখ গোরচন্দ্র তাহার হাত ধরিয়া বলিলেন ‘ওহে ভাই! আমার প্রাণনাথ কৈখ্যার? তুমি কি কৃষ্ণ-ধনকে আমার দেখাইতে পার?’ তাঁহার ভাবরহস্য বুঝে দলের সাধ্য কি? ‘সে সরলভাবে তাঁহাকে সঙ্গে লইয়া জগমোহনে গরুড়ের পার্শ্বে দাঁড় করাইয়া জগন্নাথের প্রতি অঙ্গুলি নির্দেশ করিয়া বলিল; ‘ওই দেখ শ্রীপুরুষোত্তম! তুমি এখানে টাঁড়াইয়া নয়ন ভরিয়া দেখ।’ শ্রীচৈতন্ত স্তম্ভিতভাবে জগন্নাথ দেখিতে দেখিতে কৃষ্ণ-রূপসাগরে ডুবিয়া গেলেন। এই নীলা দাসপোষাণীর স্তব-কল্পবৃক্ষে উল্লিখিত আছে।

এই সময়ে জগন্নাথের গোপীবল্লভনামে অমৃতরসাস্বাদ পূর্ণ ভোগ সরিল। আরতি হইয়া গেলে সেবকগণ চৈতন্তদেবের গলায় পুষ্পমালা দিয়া কিছু প্রসাদ খাওয়াইতে যত্ন করিল। গোরচন্দ্র অন্নমাত্র খাইলেন; অব-

চৈতন্যলীলায়ত ।

শিষ্ট গোবিন্দ বাধিয়া লইল । প্রসাদের আশ্বাদন পাইয়া প্রেমিক গৌর প্রেমে পুলকিত হইলেন ; নয়ন বহিয়া অশ্রুধারা পড়িতে লাগিল । তিনি পুনঃ পুনঃ বলিতে লাগিলেন :—‘কৃষ্ণের অধরামৃত সঞ্চারিত না হইলে এই সব প্রাকৃত দ্রব্যে এত আশ্বাদ কখনই সম্ভবিত না । আহা স্মৃতিবান্ লোকেই ফেলান্নমৃত পাইয়া থাকেন ।’

পাণ্ডা ভিজ্ঞাসা করিল ‘ফেলান্নমৃতে অর্থ কি ?’ শ্রীচৈতন্য উত্তর করিলেন, ‘কৃষ্ণের ভুক্তশেষকে ফেলা বলে । তাহার এক লবণ বাহার তাহার ভাগ্যে লাভ হয় না ।’ উপলভোগ দেখিয়া চৈতন্যদেব স্বান ভোজ্যাদি করিলেন বটে ; কিন্তু সেদিন তাঁহার অন্তরে কেবলই কৃষ্ণাধরামৃত স্ফূর্তিতে লাগিল । তিনি সেইভাবে নিমগ্ন থাকিলেন ।

ফেলান্নমৃত ।

সন্ধ্যাসময়ে শ্রীকৃষ্ণচৈতন্য অন্তরঙ্গবন্ধুগণ সঙ্গে নিভৃতে বসিয়া কৃষ্ণকথা কহিতে লাগিলেন । সেদিন তাঁহার অন্তরে কেবলই ফেলান্নমৃত জাগিতেছিল । গোবিন্দ তাঁহার ইচ্ছা বুঝিয়া পাণ্ডাপ্রদত্ত গোপীবল্লভ প্রসাদ আনিয়া উপস্থিত করিলেন । পুরী ভারতীর অগ্র তাহার কিছু পাঠাইয়া দিয়া অবশিষ্ট রামানন্দাদিকে শ্রীচৈতন্য স্বহস্তে বাঁটিয়া দিলেন । সন্মুখে আশ্বাদন করিয়া প্রসাদের গুণ ব্যাখ্যা করিতে লাগিলে চৈতন্যদেব বসিতে লাগিলেন ‘এই’ প্রাকৃত দ্রব্যে এত অলৌকিক স্বাদ কোথা হইতে আসিল ? চিনি, মিছরি, গব্য ও মসলা, বাহাতে এ দ্রব্য প্রস্তুত হইয়াছে ; তাহার আশ্বাদের কথা বলিতেছি না ; সে আশ্বাদ কে না জানে ? কিন্তু ইহাতে যে অলৌকিক রসমাধুর্য ও গৌরভ সঞ্চারিত হইয়াছে, তাহা কোথা হইতে আসিল ? সেজ্ঞাত মনে হয়, ইহাতে কৃষ্ণাধর সংস্পর্শ হইয়াছে । এই অধরামৃত মহামাদক ; অন্ন খাইলেও অগ্র আশ্বাদন ভুলাইয়া মত্তভাবে আনিয়া দেয় ।’

প্রসাদ পাইয়া ভক্তগণ প্রমত্তভাবে ‘হরি’, ‘হরি’ বলিতে লাগিলেন । শ্রীচৈতন্য সমরোপযোগী শ্লোক পড়িতে বলিলে রামানন্দ রায় পড়িতে লাগিলেন :—

‘স্বরতবর্দ্ধনং শোকনাশনং

স্বরিত বেণুনা স্তম্ভ চম্বিতং ।

ইতররাগ বিস্তারণঃ নৃণাং

বিতর বীর নস্তেহধরামৃতম্ ।

হে বীর ! তোমার অধরসুধা আমাদের বিতরণ কর । উহা সম্ভোগেচ্ছা বাড়াইয়া দেয়, শোক তাপ নষ্ট করে, এবং অত্যাশ্রয়িত্তি ভুলাইয়া দেয় । আহা ! মধুর মুরলী বাজিতে বাজিতে রাখন উহা চুষন করিয়া থাকে, তখন কি লেশভরীয় শোভাই হয় ?

শ্রীচৈতন্য শ্লোক শুনিয়া ভাবাবেশে শ্রীকৃষ্ণের অধররস, ভুক্তশেষ ও মুরলীকে লক্ষ্য করিয়া গভীর আধ্যাত্মিক ভাবপূর্ণ যে প্রলাপ ব্যাখ্যা করিয়াছিলেন, তাহার মর্ম এইরূপ :—


‘হে রসরাজ ! তুমি রসস্বরূপ ; তোমার রসপ্রকৃতিই তোমার অধর চরিত । এই অধর রস পান করাইয়া ত্রিভুবন বশীভূত কর, সে জন্ত তুমি বীর । তোমার অধরসুধা পান করিলে সুরতলোভ বা তোমার সম্ভোগেচ্ছা উত্তরোত্তর বৃদ্ধি হয় । মধুময়ী ভক্তি পরিমার্জিত কোমলহৃদয় গোপীদিগের ত কথাই নাই, শুক ও কঠিন-হৃদয় জ্ঞানী ও সংসার-মুগ্ধ অজ্ঞান জীবদিগকেও উন্মত্ত করিয়া তুলে । হান্তময়ী আদেশবাণীই তোমার মধুর মুরলী । তাহা তোমার অধরামৃত বা রসপ্রকৃতির সহিত যুক্ত হইয়া জোর করিয়া গোপীদিগকে লজ্জাধর্ম্মে কুলধর্ম্মে জলাঞ্জলি দেওয়াইয়া ও গুরু-জনশাসন ত্যাগ করাইয়া তোমার দাসী করিয়া দেয় । আর তোমার অধরোচ্ছিষ্টের ঝ ফেলামৃত প্রসাদেরই বা বল কত ? গোপীদিগের মুখরূপ আলবাটীতে তাহার মধুর সৌরভকণা সকল লাগিয়া থাকিয়া আর সব রস-সৌরভ ভুলাইয়া দেয় । ধন্য তাঁহারা, যাহারা তোমার ফেলামৃত আশ্বাদন করিতে পারিয়াছেন ! কিন্তু আক্ষেপের বিষয় এই যে, যোগ্য ব্যক্তিও পায় না ; সময়ে অযোগ্যও তাহা লাভ করিয়া থাকে ।’

শ্রীচৈতন্য রামানন্দকে আর একটা শ্লোকাবৃত্তি করিতে বলিলে রামরায় বিরহ-বিহ্বল গোপীদিগের আক্ষেপোক্তি, ভাগবতের রাসাধ্যায় হইতে উদ্ধার করিয়া পড়িতে লাগিলেন ।

‘গোপ্য কিমাচরদয়ং কুশলং স্বেবেণ
দামোদরাধর সুধামপি গোপিকানাং ;
ভুঙ্ক্রে স্বয়ং বদবশিষ্টরসং হৃদিহো

জানি না কৃষ্ণের রসময়ী যে অধরমুখা কেবল গোপীভোগ্যা, তাহা এই বেণু কি পুণ্যবলে একা পান করিতেছে ? কুলবৃদ্ধ আর্যেরা স্ববংশে ভগবন্তক জন্মিলে যেমন পুলকিত হইয়া অশ্রুমোচন করেন ; তেমনি বাহাদের জলে এই বেণু পুষ্ট হইয়াছিল ; সেই নদীগণ কমল বিকাশ করিয়া আছাদে যেন রোমাঞ্চিত হইয়াছে । আর বাহাদের বংশে সে জন্মিয়াছিল, সেই স্তব্ধগণও যেন কুসুম হইতে মধুধারা বর্ষণ করিয়া আনন্দাশ্রু ফেলিতেছে ।

চৈতন্যদেব উৎকণ্ঠায় ও অনুরাগে ইহারও গভীর ভাবসরী ব্যাখ্যা করিলেন । তাঁহার সকল প্রলাপেই নিত্যলীলার আভাস পাওয়া যায় । ভাগবতের স্থানে স্থানে বেণু যোগমায়া নামে অভিহিত হইয়াছে । ভগবান যোগমায়াশ্রিত না হইলে লীলা সম্ভবে না । আবার লীলাতেই রসপ্রকৃতির উদ্ভাবন । সুতরাং লীলাময় ভগবানের অধরমুখা নিরন্তরই বেণু বা যোগমায়া একাকী পান করিতেছে । ইহারই আভাস এই প্রলাপে পাওয়া যায় ।



একত্রিংশ পরিচ্ছেদ ।

কুস্মানুকৃতি ।

স্বরূপ রামানন্দাদির সহিত অর্দ্ধরাত্রি পর্য্যন্ত কৃষ্ণকথায় অতিবাহিত করিয়া চৈতন্যদেব শয়ন করিয়াছেন ; গোবিন্দ দ্বারদেশে শুইয়াছে । শেষ রজনীতে গোবিন্দ উঠিয়া তাঁহাকে গৃহে না দেখিয়া ভীত হইয়া স্বরূপাদিকে জাগাইল এবং সকলে মসাল জালিয়া খুঁজিতে খুঁজিতে বাইয়া সিংহদ্বারে তৈলঙ্গদেশীয় গাবীগণ মধ্যে তাঁহাকে অচৈতন্যাবস্থায় পাইলেন । এবারে তাঁহার শরীর অতি ভয়ানক ভাব ধরিয়াছে । হস্তপদ পেটের মধ্যে প্রবিষ্ট হওয়ায় তিনি কচ্ছপের মত হইয়া গিয়াছেন । মুখে কেনা নির্গত হইতেছে, রোমাঞ্চ হইয়াছে ও নেত্রে জলধারা পড়িতেছে । বাহিরে জড়িয়া হইলেও অন্তরে তিনি যে বিষলানন্দ সম্ভোগ করিতেছিলেন, তাহা বেশ বুঝা গেল । গাবীগণ তাঁহার অঙ্গ স্পর্শিতেছিল, তাড়াইলেও বাইতে চাহে না । ভক্তগণ তাঁহার চৈতন্য সম্পাদন করিতে না পারিয়া তাঁহাকে বাসায় আনিলেন ।

উল্লসিতকীর্তন শুনাহঁতে ওনাহঁতে চৈতন্যদেবের চৈতন্য পাইলেন । হস্তপদ বাহির

হইয়া পূর্ববৎ স্বাভাবিক শরীর হইল । তিনি উঠিয়া বসিয়া বলিতে লাগিলেন, 'আমি সঙ্কেত বেণু ধ্বনি শুনিয়া রাধাকৃষ্ণের লীলাবিলাস দেখিতে বৃন্দাবনে নিকুঞ্জকাননে গিয়াছিলাম । কৃষ্ণের ভূষণশিক্ষিত, গোপীসহ মধুর হাস্যপরিহাসধ্বনি, অমৃতময় মুরলীনিশ্বনে মিশিয়া আমার কর্ণকুহরে মধুধারা বর্ষণ করিতেছিল । তোমরা কেন আমাকে জোর করিয়া ধরিয়া আনিয়া সে স্মৃথে বঞ্চিত করিলে ? কর্ণভুষায় বে এখন মরি !'

স্বরূপগোস্থানী তাঁহার মনের ভাব বুঝিয়া তত্পরযোগী শ্লোক পড়িলেন । গভীর রজনীসময়ে মধুর মুরলীরবে আকৃষ্ট হইয়া গোপীগণ নিধুবনে কৃষ্ণসম্মুখে উপস্থিত । বেদবিহিত ধর্মপথ পরিত্যাগ করিয়া ও কুলধর্মের জলাঞ্জলি দিয়া কুলকামিনীগণের অভিসার করা নিত্যাস্ত অল্পচিত্ত বলিয়া কৃষ্ণ তাঁহাদিগকে মধুর ভৎসনা করিয়া গৃহে ফিরিয়া বাইতে বলিলে গোপীগণ যে ভাবে প্রত্যুত্তর দিয়াছিলেন, গৌরচন্দ্র সেইভাবে বিভোর হইয়া গোপীদিগের ভাষায় প্রলাপ ব্যাখ্যা করিতে লাগিলেন :—‘হে কপট ! তোমার মত নিষ্ঠুর আর কে আছে ? যদি আমাদের অঙ্গীকার করিবে না, তবে এই সুখময়ী রজনীতে অমন করিয়া বাঁশী বাজাইলে কেন ? আমরা ত অবলা ; বল দেখি ও বাঁশী শুনিয়া কোন্ বোগীন্দ্র মুনীন্দ্র হির থাকিতে পারেন ? এখন বেই আমরা ধর্মপথ ছেড়ে অভিসারিণী হলেন ; কুল ছেড়ে অকূলে ভাসিলাম, এখন কিনা তুমি মহাধার্মিকের ত্রায় ধর্মোপদেশ দিতে বসিয়াছ ! ওহে শঠ ! তোমার মনে বাহা, কথায় তাহা প্রকাশ পায় না ; আবার আচরণ সম্পূর্ণ বিপরীত । তুমি যেন পরিহাস করিতেছ, কিন্তু আমাদের যে সর্বনাশ হয়, দেখিতেছ না ? তোমার ভূষণশিক্ষিত অমৃত, মিষ্ট কথা অমৃত, আর বাঁশীর গান অমৃত । এই তিন অমৃতে আমাদের প্রাণ, মন, কাণ, আত্মহার্য্য হয়ে তোমার বশীভূত হইয়াছে । এখন ত আর কূলে ফিরিয়া বাইবার উপায় নাই ; কি করি বল দেখি ?’

ভাব পরিবর্তনে চৈতন্যদেব বিলাপ করিয়া স্বরূপকে বলিলেন ‘সখে ! যে কাণ কৃষ্ণের শব্দামৃত চতুষ্টয় পানে বঞ্চিত, সে কাণের ছিদ্র, কাণিকড়ির ত্রায় ব্যর্থ ; সে কাণের জন্ম হইল কেন ? কৃষ্ণের বেণুনাদ নব ঘন ধ্বনি অপেক্ষাও গভীর এবং কোটি কোকিল কণ্ঠাপেক্ষাও সুমিষ্ট, তাহার কণামাত্র শুনিতে চরাচর ব্রহ্মাণ্ড মুগ্ধ হইয়া যায় । তাহার শ্রীমুখ-ভাষিত

নন্দ সূর্য্যজু হয়, তখন তাহাতে নাড়ুবে কোন কাণ ? এই চারি শব্দান্ত
আমার কির্ণ চকোরের জীবন, সৌভাগ্যক্রমে যখন সে পান করিতে পার,
তখনই বাচে। এখন আমার মন্দ কপাল ; না পাইয়া তুম্বার মরিয়া
বাইতেছি ।’

এইরূপ বিলাপ করিতে করিতে শ্রীগৌরাজের উদ্বেগ, বিবাদাদি ভাব
চরম সীমায় উঠিল । তিনি ধৈর্য্যহীন, ও সামর্থ্যহীন হইয়া আলুলায়িত
ভাবে কর্ণামৃত শ্রীরাধার চরম দশা যেমন বর্ণিত হইয়াছে, তেমনি দশার
উপনীত হইলেন এবং বাহু জ্ঞানে থাকিয়াও অন্তর রাজ্যের সুখভোগ
করিতে লাগিলেন । উদ্বেগ, বিবাদ, মতি, মর্ষ, জ্ঞান, চিন্তা, প্রভৃতি ভাব
একটীর পর একটী ফুটিয়া উঠিতে লাগিল । তিনি অল্পরাগে প্রলাপ বকিতে
লাগিলেন :—

‘শ্রীকৃষ্ণ বিরহে আমার উদ্বেগ ক্ষণে ক্ষণে বাড়িয়া উঠিতেছে ; এখন
আমি কি করি ? কোথায় বাই, কোথায় গেলে প্রাণনাথকে পাই ?
কাহাকেই বা তাঁ’র উদ্দেশ জিজ্ঞাসা করি ? এক উপায় আছে ; তাঁ’র
আশা কেন ছেড়ে দিই না ? তাঁ’র কথা ছেড়ে ও তাঁ’কে ভুলে অত্র কথার
মন দিলে ত সুখী হ’তে পারি । কিন্তু হায় ! ছাড়িব কেমন করে ? তিনি
বে আমার হৃদয় গুহাশায়ী ! না ; ছাড়িতে পারিব না । তিনি আমার সুখের
নিধি, মন ও নয়নের উৎসব ! তাঁহাকে ছাড়িলে বাঁচিব কেমন করিয়া ?
জ্বল ছাড়িলে কি মাছের প্রাণ বাঁচে ? হা প্রাণ ধন ! হা সদগুণসাগর !
শ্রীমসুন্দর, রাসবিল্যাস ! বল তুমি কোথায় আছ ? আমি সেইখানে
বাই ।’ বলিতে বলিতে শচীনন্দন উঠিয়া বাইতে উদ্যত হইলে স্বর্ণা
ধরিয়া কোলে লইয়া গীতগোবিন্দ ও দ্বিধ্যাপতির পদবলি গান করিয়া
গুনাইয়া সুস্থ করিতে লাগিলেন ।

নিপট বাহু লাভ করিয়া শ্রীতৈত্ত্ব খেদ করিতে লাগিলেন :—‘হায়
প্রভু ! তোমার দর্শন বিনা আমার দিন কাল বৃথা নষ্ট হইতেছে । যে হৃদয়ে
সময় কাটাঁইতেছি, অন্তর্ধানিন্ তোমার ত অবিদিত নাই । হে কর্ণা-
সিন্ধু ! এ জীবনে সুখই মা কি, যদি তোমাকে না পাইলাম ? হে নাথ !
আমি যে মহাকপটী তা’ কি তুমি জান না ? অত্রে না জাহ্নক, তুমি ত জান
যে জগতের কাছে মহাপ্রেমিক বলিয়া পূজা পাইবার আশায়, কপট

সুখ-কামনা আমার মনকে স্পর্শ করিতে পারিত? তোমার প্রেম পবিত্র গন্ধ-জলের স্রাব নির্মল, তা'তে ত আত্ম-গৌরব কামনা নাই। ধোপ কাপড়ে কালী বিন্দুর স্রাব সে শুভ্র পবিত্র স্নানরোগে ত পাপ লুকাইয়া থাকিতে পারে না। আমার প্রাণ যে আত্ম-সুখেচ্ছায় পূর্ণ; তাইতে বুঝিয়াছি যে তোমাতে আমার একটুও প্রেম হয় নাই। লোকে বিশ্বাস করুক আর না করুক, আমি জানি যে সে প্রেমের এক বিন্দু পাইলেও জগৎ ডুবা-ইতে পারিতাম।

হে নাথ! তবে উপদেশ দাও, কি করিলে আমি তোমার প্রেমধন পাইব? আমার চঞ্চল মনের চপল গতি তোমার অবিদিত নাই। এখন যাহাতে তোমার মধুর আকর্ষণে আকৃষ্ট হইয়া সে চপলতা ছাড়িতে পারে, তাহা কর। তোমাভিন্ন আর কাহাকেও জানি না। তাই চরণতলে এত প্রার্থনা করিলাম।

ভাবে ভাবে চৈতন্যদেবের হৃদয়ভূমিতে মহায়ুদ্ধ হইতে লাগিল। মদমত্ত মাতঙ্গগণ যেমন ইক্ষুবন দলন করিয়া থাকে, তেমনি ভাব-হন্তী সকল তাঁহার হৃদয় তোলপাড় করিয়া দিল। শরীর মন অবসন্ন হইয়া পড়িল। তিনি সমর্থহীন হইয়া একেবারে হর্ষাদিভাবের অধীন হইয়া পড়িলেন এবং চিত্ত শান্তির অস্ত্র চণ্ডীদাস, বিদ্যাপতি, কণাযুত, গীতগোবিন্দ ও জগন্নাথ বল্লভ নাটকের গীত শুনিতে লাগিলেন। পরমানন্দ পুরীর শুদ্ধ বাৎসল্যে, রামানন্দের সরল সখ্যাপ্রণে ও স্বরূপ জগদানন্দ গদাধরের মধুর ভাবে তাঁহার দিন সুখে যাইতে লাগিল।

কুর্মান্বকৃতি-লীলা চৈতন্যস্বকল্পবৃক্ষে রঘুনাথদাস এইরূপে উল্লেখ করিয়া গিয়াছেন। ‘কানীশিশ্রের আবাসে অর্গল বদ্ধ দ্বার ত্রয় উন্মোচন না করিয়া তিনটি অভ্যুচ্চ প্রাচীর লঙ্ঘন পূর্বক যিনি কুকের মহাবিরহে শরীর-সঙ্কুচিত কমঠের স্রাব কলিঙ্গ দেশীয় গোগণ মধ্যে নিপতিত হইয়াছিলেন, সেই গৌরান্বিত হৃদয়ে উদিত হইয়া আমাকে মহাহর্ষ প্রদান করিতেছেন।’

দ্বাত্রিংশ পরিচ্ছেদ ।

সমুদ্রে পতন ।

ভক্তহৃদয়ে ভগবানের প্রেমলীলার অনন্ত বৈচিত্র্য ! ভক্তের প্রেমের গাম্ভীৰ্য্য উহার বিবিধ গতি, নানাদশা সুখ, দুঃখ, বিকার, চেষ্টা, অশ্রুর কথা দূরে থাকুক, স্বয়ং ভগবানও সম্যক্ অনুভব করিতে অসমর্থ । তাই লোকে বলে, তাঁহাকে বিষয় জাতীয় প্রকৃতি পরিহার করিয়া আশ্রয় জাতীয় ভক্তদেহ ও ভক্তপ্রকৃতি অঙ্গীকার করিতে হইয়াছিল । যত প্রেম, ভগতে তুমিই যত ! তুমি আপনি নাচ, ভক্তকে নাচাও, ও ভগবানকে নাচাও । আবার তিন জনে একত্র নাচ । কে ভোমার বিকার বৈচিত্র্য বুঝিবে ?

শ্রীকৃষ্ণচৈতন্যের প্রেম বিকারের এই এক স্বভাব যে, যখন যে ভাব হৃদয়ে উঠিত, পূর্ণিমার জোয়ারে সাগরোচ্ছ্বাসের স্থায় তাহার উচ্ছ্বাস না হইয়া থাকিত না । বাহিরের সানাত্ত কারণেও উদ্দীপনা হইলে মহাপ্লাবন হইত । শেষজীবনে তিনি রাসপঞ্চাধ্যায়ের শ্লোকগুলি একে একে শুনিয়া নানাভাবে বিলাপ করিতেন । ইহার মধ্যে যে দিন যে ভাবটী মনে একটু বেশি লাগিত, সেদিন আর রক্ষা থাকিত না । আজ মহারাসে কৃষ্ণের গোপীসঙ্গে যমুনার জল লীলার শ্লোক শুনিয়া তিনি সমস্ত দিন, সেই ভাবে বিভোর আছেন । আজ বা কি হয় ?

চন্দ্রোদয় হইয়াছে । শুভ চন্দ্রকিরণ সমুদ্রের নীল জলে পড়িয়া বলনল করিতেছে । তরঙ্গের পর তরঙ্গ উঠিয়া নাচিতেছে ; সমুদ্রবক্ষ বেন সুবর্ণ-দণ্ডিত । শ্রীকৃষ্ণচৈতন্য কৃষ্ণের জললীলা ভাবিতে ভাবিতে বন্ধুদিগের অজ্ঞাতে হঠাৎ আইটোটায় আসিয়া সিদ্ধশোভা দেখিতে পাইলেন । তাঁহার ভাবসমুদ্রও উছলিয়া উঠিয়া তাঁহাকে দিশাহারা করিল । কার্ত্তিকের পৌর্ণমাসী রজনীতে যমুনাবক্ষে হেমাজরুপিণী গোপী পরিবৃত কৃষ্ণনীলাঙ্গ ভাসিতেছেন মনে করিয়া তিনি একেবারে সিদ্ধ-জলে বাঁপ দিয়া মুচ্ছিত হইলেন । তখন জোয়ারের তেজ ছিল । কখন ভাসিতে ভাসিতে, কখন ডুবিতে ডুবিতে কাষ্ঠ খণ্ডের স্থায় তিনি তরঙ্গের সঙ্গে সঙ্গে কোলা-রকের দিকে বাহিতে লাগিলেন । কবিরাজ গোম্বাসী বলিয়াছেন যে

মুচ্ছা মুচ্ছা নয়, কব্জের জলবিহার ঐক্য নিমগ্নাবস্থায় আত্মদান করিতে ছিলেন।

এদিকে স্বরূপাদি ভক্তবৃন্দ তাঁহাকে না দেখিয়া নানান্থান খুঁজিতে লাগিলেন। জগন্নাথ মন্দিরে, শুভীচামন্দিরে, নরেন্দ্রে, চটক পর্বতে, চিরায়ু পর্বতে; যে সব উদ্যানে তিনি যাইতেন, সে সব উদ্যানে উদ্যানে, সিংহদ্বারে ও সাগরকূলে ভক্তগণ ক্ষুদ্র ক্ষুদ্র দলে বিভক্ত হইয়া সমস্ত নিশা অন্বেষণ করিয়া বেড়াইতে লাগিলেন। রজনী শেষে যখন সমস্ত অন্বেষণ তাঁহাদের বার্থ হইল, তখন প্রভু অন্তর্দ্বান হইয়াছেন মনে করিয়া ভক্তদল কাঁদিয়া ব্যাকুল হইলেন। কিন্তু স্বরূপ গোঁসাই একেবারে নিরাশ্বাস ও অর্ধৈর্ষ্য হইলেন না, জনকতক সাহসী লোক সঙ্গে মসাল জালিয়া সমুদ্রের কূলে কূলে কোলারকের দিকে চলিলেন।

জগন্নাথ মন্দিরের পূর্বদিকে প্রায় ৩ মাইল দূরে কোলারক। ইহা সমুদ্রের কোল। জোয়ারের জল সরিয়া গেলে ভাটার সময় ধীরগণ এখানে মাছ ধরিয়া থাকে। কতক দূর গিয়া স্বরূপাদি দেখিলেন, এক জালিয়া জাল কাঁধে করিয়া পাগলের ত্রায় হাসিতে কাঁদিতে নাচিতে, গাইতে ও হরি হরি বলিতে বলিতে আসিতেছে। নিকটবর্তী হইলে স্বরূপ জিজ্ঞাসিলেন 'ওহে ভাই' এদিকে কোন লোক দেখিয়াছ কি? তোমার এরূপ দশা হইল কেন? সে উত্তর করিল, কোন মানুষ আমি দেখি নাই। কিন্তু জাল উঠাইতে আমার জালে এক মৃত দেহ উঠিয়াছে। আমি বড় মাছ মনে করিয়া খুলিতে যাইয়া দেখি ৫৭ হাত এক দীর্ঘশরীর, তিন তিন হাত লম্বা হাত পা, অস্থিহীন শিথিল হইয়া চামরা বুনিয়া পড়িয়াছে, চক্ষু দুইটা খুলিয়া উপর দিকে তুলিয়াছে ও ক্ষণে ক্ষণে গোঁ গোঁ শব্দ করিতেছে। ছোঁবা ঝাঁক আমাকে ভাই সেই ভূতে পাইল, সেই হঠাৎ আমায় এই দশা হইয়াছে। আমি ভূত ছাড়াইতে ওয়ার নিকট যাইতেছি। নইলে আমি মরিব। আমার জীপুত্র বাঁচিবে কেন? স্বরূপ সে রাক্তির ভয়-বিহ্বলতা দেখিয়া ভয় নাই, আমি মজ্জা জানি, তোমাকে কাড়িয়া দিতেছি, বলিয়া হরিনাম করিয়া ২৩ চাপড় মারিলেন, এবং ভূত পলাইল বলিয়া সাহস দিলে ধীর প্রকৃতিস্থ হইল। তখন স্বরূপ বলিলেন, তুমি বাহাকে জালে তুলিয়াছ, তিনি ভূত নহেন, কৃষ্ণচৈতন্য প্রভু। কৃষ্ণ বিবাহে সমুদ্রে পড়িয়াছিলেন।

ধীরে উত্তর করিল 'আমি কি অঙ্গ প্রভুকে চিনি না? সে কেন প্রভু হইবে? সে হয় ভূত, না হয় ব্রহ্মদৈত্য। স্বরূপ বলিলেন, প্রেমবিকাারে তাঁহার অস্থিসন্ধি ছাড়িয়া যাওয়ায় তিনি অতি বিকৃতাকার হন। যাহা হউক, তুমি শীঘ্র আমাদের তাঁর কাছে লইয়া চল।

তখন ধীরের সঙ্গে ভক্তগণ অনতিদূরে বাইরা সৈকতময় 'আজ' ভূমিতে ক্রীচৈতন্য অজ্ঞানাবস্থায় পড়িয়া রহিয়াছেন দেখিয়া হর্ষ বিষাদে কাদিতে লাগিলেন। অনেকক্ষণ জলে থকায় তাহার শরীরও মুখশ্রী শ্বেতবর্ণ হইয়াছে, সদস্ত ঋজু বালুময়ও কর্দমযুক্ত। অস্থিসন্ধি বিলম্ব হওয়ায় অতি দীর্ঘও কদাকার হইয়াছেন, দেখিলে চেনা যায় না। স্বরূপ গৌসাই শুক বস্ত্র পাতিয়া তাঁহাকে শোয়াইলে শ্রবণ মূলে সকলে উঠেঃস্বরে হরিনাম করিতে লাগিলেন। অনেকক্ষণ পরে গৌরসিংহ সুষ্পোখিতের ত্রায় জাগিয়া উঠিয়া ছদ্ধার করিতে লাগিলেন। অস্থিসন্ধি জোড়া লাগিয়া পূর্ববৎ সুন্দর দেহ হইল।

তিনি অর্দ্ধবাহু দশা লাভ করিয়া চারিদিকে শূন্য দৃষ্টিতে চাহিতে লাগিলেন। এই অবস্থায় মহারাসান্তে মদমত্ত করীর ত্রায় কৃষ্ণমত্ত করিণী গোপীদিগকে লইয়া যেমন করিয়া যমুনা জলে জলকেলি করিয়াছিলেন, ক্রীড়ান্তে যেমন করিয়া তীরে বসিয়া বস্ত্র ভোজন করিয়াছিলেন এবং অবশেষে কুঞ্জকূটরে শ্রম নিবারণার্থে শয়ন করিয়াছিলেন, ভাগবতের ভাষায় তাহা বর্ণন করিয়া চৈতন্যচন্দ্র যে মহাপ্রলাপ বাক্য রচনা করিলেন, তাহা অতি আশ্চর্য্য। উহাতে গভীর আধ্যাত্মিক তত্ত্ব সকলের আভাস পাওয়া গিয়াছে। বাক্যগুলি আশ্চর্য্যময় অসহক হইলেও উহা যে উচ্চ অঙ্গের ভাবে পরিপূর্ণ, তাহাতে সন্দেহ নাই। আমরা তাহার মর্ম্ম লিপিবদ্ধ করিলাম। কালিন্দী বা বিরজার পারে লীলাধাম বৃন্দাবন। এখানে ভাবময়ী সখীগণ ভগবানের লীলার সহায়; তাঁহার সহিত লীলাজলে নিরন্তর ক্রীড়া করিতেছেন। সাধনসিদ্ধ ভক্তগণ এইলীলা দেখিয়া সুখী হইতেছেন। পরাপ্রকৃতি রাধার সহিত পুরুষসিংহ ক্রীড়কের যে রস ক্রীড়া, তাহাই মহারাস; তাহা প্রাকৃত কামময়ী চেষ্টা নহে। এই রাসাবসানে ভগবান্ পবিত্রতার সূক্ষ্ম বর্ণন করিয়া সৃষ্টির লীলা জলে পরা প্রকৃতি রাধা ও শক্তি রূপা সখীদিগকে লইয়া জলকেলি করিয়া থাকেন। লীলা শেষ হইলে পরম পুরুষ আবার সশক্তি নিত্য ধার্ম্মে যোগ নিদ্রাবলম্বনে শয়ন করিয়া থাকেন। ইহাই বৃন্দ-

ভোজন ও কুঞ্জে স্থিতি। ভাগ্যবান ভক্তের মাদ্যুপূর্ণ চিত্ত-বন্দাবনে প্রেম-সমুদ্র জলে মহাভাবমগ্নী রাধা ও মনোবৃত্তি সর্বাধীন হয়ে পূরিত হইয়া মহারাসে প্রবৃত্ত হইলে লোকলজ্জার বস্ত্রাচ্ছাদনাদি ধ্বংসিত পড়ে। তত্ৰ তখন লৌকিক ধর্মের অতীত হন। তাঁহার সম্ভোগের অবস্থা, ভাব ও কার্যকলাপ বুঝিতে না পারিয়া লোকে তাঁহার নিন্দা রটনা দায়।

প্রলাপের শেষ ভাগে চৈতন্যদেব বলিয়াছেন, ‘জলকেলি’ সময়ে পৃথক পৃথক চক্রবাক্ জল হইতে উদ্গত হইয়া মণ্ডলাকারে স্থিতি করিতে লাগিল; এবং পৃথক পৃথক পদ্মমণ্ডল বৃত্তাকারে উহাকে ঘিরিয়া ফেলিল; তাহার বাহিরে আবার পৃথক পৃথক রক্তোৎপল তৃতীয় মণ্ডলাকারে পদ্মমণ্ডলকে বেষ্টিত করিল। পদ্ম ও রক্তোৎপল অচেতন আর চক্রবাক্ সচেতন। পদ্ম চক্রবাকের বন্ধু; রক্তোৎপলও পদ্মের বন্ধু, কিন্তু চক্রবাকের অপরিচিত। পদ্ম অচেতন হইয়াও সচেতন চক্রবাকের উপর প্রতিষ্ঠিত এবং চক্রবাককে আচ্ছাদন করিয়া আশ্রয় করিতে উদ্যত। রক্তোৎপল তাহা করিতে না দিয়া অপরিচিত চক্রবাককে তাহার বন্ধুর লুপ্ত হইতে রক্ষা করিতে উদ্যত। শ্রীকৃষ্ণ জললীলায় এই অতিশয়োক্তি ও বিরোধভাস অলঙ্কার দেখাইয়া আমাকে পরিতৃপ্ত করিয়াছেন।’

এই প্রলাপের ব্যাখ্যা মোটামুটি এইরূপে করা যাইতে পারে। প্রত্যেক অবাস্তব্যমী পরমাত্মাই চক্রবাক্ মণ্ডল; জীব মণ্ডলই পদ্মমণ্ডল; উহা পরমাত্মার উপরে প্রতিষ্ঠিত; আবার জীব প্রকৃতির বাহিরে বাহিতে মহত্ত্ববাদি, তাহা রক্তোৎপল কেননা রাগাদিতে অভিভূত। মহত্ত্ব মার্য্যচ্ছন্ন জড়ীয়, তাহা সচেতন আর জীব সচেতন হইয়াও অচেতন, কেননা প্রভু সৈজন্ত সে অচেতন আর জীব সচেতন হইয়াও অচেতন, কেননা প্রভু চৈতন্য দ্বিগুণ। তাহার স্বতন্ত্র চৈতন্য নাই। জীব আসক্তিবিহীন হইলেই পরমাত্মাকে লুপ্তিয়া আশ্রয় করিতে চায়, কিন্তু মহত্ত্ববাদি তাহা করিতে দেয় না, এজন্ত উহাদের মধ্যে বিবাদ চলিতে থাকে। জীবরূপা প্রকৃতি বর্ষাকালী ঈশ্বরের উপর প্রতিষ্ঠিত, ইহাই স্ত্রীপুরুষের উল্টা স্থিতি। জীব ভুত্ববাদি আবরণে আবৃত, এজন্ত উভয়ে সহবাসী বন্ধু আর জীব পরমাত্মার তলসাহুপর্ণা সমুজ্জা সখ্যেতি শ্রুতি কিন্তু মহত্ত্ববাদি মায়িক বলিয়া ঈশ্বরের অর্দ্ধাচ্ছিত অর্থাৎ মহত্ত্বভগবৎ স্বরূপকে স্পর্শ করিতে পারে না অথচ সে আসক্তি শূন্যবস্থায় ঈশ্বরকে আশ্রয় করিতে গেলে অপরিচিত

মহন্তত্ব তাহা করিতে দেয় না। ইহা বিরোধাত্মক অলঙ্কার। ভগবান্ একই হইয়াও অনন্ত জীব প্রকৃতির মধ্যে অনন্ত চক্রবাক্ বা অন্তর্ধানী রূপে আছেন, ঐকান্ত্য তাহা প্রতিশ্রুতি অলঙ্কার।

নিম্নট বাহুজ্ঞান লাভ করিয়া চৈতন্য দেব স্বরূপ গৌসাইকে বলিলেন, তোমরা আমাকে এখানে আনিলে কেন? স্বরূপ সমস্ত কথা খুলিয়া বলি। কহিলেন, “তুমি সমুদ্রে পড়িয়া মুচ্ছাবস্থায় বন্দাবনে জলক্রীড়া তে, তেহ, আর আমরা মারা রাজি, জাগিয়া তোমাকে খুঁজিয়া বেড়াইতেছি।”

শ্রীচৈতন্য গলজিত হইলেন এবং মানান্তে বহুগণ সহ বাসায় আসিয়া বিশ্রাম করিতে লাগিলেন। বিরহাবস্থায় কৃষ্ণলীলা আলোচনা করিতে করিতে চৈতন্যদেব মহাভাবে মগ্ন হইয়া বাহুজ্ঞান শূন্য হইয়া চিৎসন আনন্দ রাস্ত্র্য প্রবেশ করিলেন। তাহাকে মহাযোগ বা মহাসমাধি যাহা ইচ্ছা বলা যাইতে পারে। কেহ যেন মনে না করেন যে, এই অবস্থা বেদান্তোক্ত অসুপ্তির অবস্থা হইতে অভিন্ন। বাস্তবিক তাহা নহে; অসুপ্তিতে আত্মজ্ঞান থাকে না, উহা মহা নির্বাক বা অনন্তিস্থের অবস্থা। ভক্ত সে অবস্থা পাইতে ইচ্ছা করেন না। সচৈতন্যাবস্থায় ভগবানের আনন্দধন সন্তোগ করাই ভক্তের লক্ষ্য। সে অবস্থায় বাহুজ্ঞান না থাকিতে পারে, কিন্তু তাহা বলিয়া যে আত্মজ্ঞান অর্থাৎ আমি সন্তোগ করিতেছি, এ জ্ঞান থাকিবে না, এরূপ নহে।

এ পর্য্যন্ত শ্রীচৈতন্যের যে সকল বিরহবিকার বর্ণনা করা গেল; পাঠক মহাশয় দেখিবেন যে, নামে বিরহ হইলেও তাহা দ্বন্দ্ব সন্তোগের অতি উচ্চ অবস্থা। যে কারণে বিচ্ছেদে তন্ময়ত্ব জ্ঞান হইয়া এই অবস্থা লাভ করা যাইতে পারে, তাহা আমরা পূর্বেই দেখাইয়াছি। এখানে এই পর্য্যন্ত বলিলে পর্য্যাপ্ত হইবে যে, কেবল মাত্র ঐগদগ্নকে পাইলেই সন্তোগ লাভ হইতে পারে, কিন্তু বিরহে যে স্থানে বা যে অস্থায় থাকা যায়, তাহাতেই তাহার অনন্ত গুণ ও লীলা ক্ষুণ্ণ হইয়া তন্ময়ত্ব লাভ হইয়া যায়।

এ জগৎ অনেক সময়ে ভক্তেরা সন্তোগ অপেক্ষা বিরহই ইষ্টজনক মনে করিয়া থাকেন। পদ্যাবলি উদ্ধৃত শ্লোক আমাদের কথা প্রমাণ করিবে।

‘সঙ্গম বিরহ বিকল্পে বরমিহ ন সঙ্গমস্তত্’

র

একঃ স এব যুগে ভিত্তবনমপি তন্ময়ঃ বিরহে’

শু-

সঙ্গম ও বিরহ, ইহার কোনটী প্রাথমিক সংস্করণে সঙ্গম অপেক্ষা বিরহই
ইষ্টজনক বলিতে হইবে। কারণ, সঙ্গমে তিনি এতটুকু সন্তোষিত হইলেন ;
কিন্তু বিরহে ত্রিভুবন তন্ময় হইয়া যায়।

ত্রয়োদশ পরিচ্ছেদ ।

বৈশাখী পূর্ণিমা ।

বৈশাখের পূর্ণিমাসী রজনীতে শ্রীচৈতন্য সান্নিধ্য লাভ করিয়া জগন্নাথ বসন্ত
নামক রাজ্যোদ্যানে বিচরণ করিতেছেন। পূর্ণচন্দ্রের চলিকাদিকে উপ-
চরণ বলমল করিতেছে, তরু লতা, কুল কল সব যেন কোমল বসন পরিয়া
বসন্তোৎসবে নাতিয়াছে, মল্ল পবন কুমুম সৌরভ লইয়া উদ্যানময় নাচিয়া
বেড়াইতেছে ; ছোট ছোট ফুলগাছগুলি হেলিয়া হুলিয়া যেন তাঁহার নিকট
নৃত্য শিক্ষা করিতেছে ; শুক শারী, পিক, ভঙ্গ প্রকল্পিত তরু বন্যীতে
উড়িয়া উড়িয়া খেলিয়া বেড়াইতেছে। সব যেন নিখুবনের শ্রী ধরিয়াছে।
দেখিতে দেখিতে শ্রীচৈতন্যের ভাবের কপাট খুলিয়া গেল। তিনি স্বরূপ
রামানন্দকে গীত গোবিন্দের 'ললিত লবঙ্গ লতা' পদ গাইতে বলিয়া আপনি
স্বদলে প্রতি তরুতলে নাচিয়া বেড়াইতে লাগিলেন। পূর্ণিমার নৈশ গগনে
সেই নৃত্য গীতের লহরী তরঙ্গায়িত হইয়া সমস্ত উদ্যানকে কাঁপাইয়া
তুলিল।

সম্মুখে সারি সারি অশোক তরু গুচ্ছ গুচ্ছ পুষ্প বিকাশ করিয়া হাসি-
তেছে ; পূর্ণিমার চাঁদের আলো ফুটন্ত ফুলে পড়িয়া সে হাসি আরও
কোমল হইয়া দিয়াছে ; ও কি ও ! অশোক তলার দাঁড়াইয়া কে ? শ্রীচৈতন্য
দেখিলেন, শ্রীমৎসুন্দর মদনমোহন ত্রিভঙ্গীতে দাঁড়াইয়া হাসি মুখে বাণী
বোঝাইতেছেন। 'এই আমার প্রাণের কৃষ্ণ পাইয়াছি বলিয়া গোর সেই
ভুবনসুন্দরকে ধরিতে ছুটিলেন ; কৃষ্ণ অন্তর্ধান হইলেন, গোর অশোক
তলার মুচ্ছিত হইয়া পড়িলেন। বহুগণ চৈতন্য সম্পাদন করিলে তিনি
অর্দ্ধবাহু কৃষ্ণপরিমলের মধুর আশ্রয় পাইলেন। নিরন্তর নাসিকার ফে
সে কোমল প্রবেশ করিয়া তাঁহাকে পাগল করিয়া তুলিল।

উদ্যমের যে অংশ বেড়াইতে লাগিলেন, সেই খানেই সে অপ্রাকৃত সৌরভ ধেনুতাহার প্রকৃগমন করিতে লাগিল । তিনি শ্রীরাধিকার কথায় প্রলাপ কল্পতাহার দৃষ্টি :—

সখি হে ! হৃদয় লাদারমলের নিকট অশ্রু, কুসুম, কস্তুরী, কপূর, মৃগ-নাভি-নীলোৎপলের সৌরভ অতি ছার । ত্রিভুগতের মধ্যে এমন খীরবাণী কে আছে যে, সে আত্মাণে উন্নত হয় না । নেন্দ্র, নাভি, বদন, কর, আটটি পদ্ম শ্রীমঙ্গ সরোবরে শোভা পাইতেছে । তাহা হইতে যে অর্প, সুরভি নিরন্তর বাহির হইতেছে, তাহার আগে কোন্ নাসা স্থির থাকিবে ? আমরা অবজা স্ত্রী, আমাদের ত কথাই নাই । এ গন্ধ পাইয়া এলোথেলো বেশে পাগলের স্থায় নাচিয়া বেড়াইতেছি, কুলধন্থে জলাঞ্জলি দিয়াছি, প্রাণ মন দেহ অর্পণ করিয়াছি, তবুও কি নাসার আশা মিটিল ? পিব, পিব করিয়া সে যে তৃষ্ণায় মরিয়া যাইতেছে ।

হায় ! হায় ! কেনই বা কুটিল কৃষ্ণপ্রেমে ঝাঁপ দিয়াছিলাম ? এত প্রেম নয়, এ যে তপ্ত ইক্ষু চর্কণ । মিষ্ট লাগে ফেলিতেও পারি না, গরম লাগে গিলিতেও ত পারি না । এত প্রেম নয় ; এ যে লৌহ শৃঙ্খল ; আমার হাতে গলায় বেঁধে চরণ তলে ফেলাইয়া দিয়াছে ; পলাইব কেমন করিয়া ? এত প্রেম নয় ; এ যে ভয়ানক কামাগ্নি ; যত সম্ভোগ করি, ততই যে শত গুণে জলিয়া উঠিয়া আমাকে দগ্ধ করে । এত প্রেম নয় ; এ যে জ্বালাময়ী দীপশিখা ; দূর হইতে আমার প্রাণ পতঙ্গীকে আকর্ষণ করিয়া পোড়াইয়া মারিতেছে । এত প্রেম নয়, এ যে ভীষণ রোগ ; শরীর, মন, প্রাণ, খুলিয়া খাইতেছে ; তখাচ প্রাণে মারিয়া ফেলে না । ‘ত্রিকৃষ্ণ কৃপা অসীম, আমাকে চিরদিন এ হুঃখে রাখিবেন না অবশ্যই মুখী করিবেন’ তোমরা আমাকে কি এই আশ্বাস বচন বলিতেছ । হায় ! আমার হুঃখ মুখিলে না ; তাই এই আমার সাস্থনায় প্রতারিত করিতে চাও । ভবিষ্যতের আশার কি প্রাণে শাস্তি হয় ? বর্তমানে যদি মরি তবে ভবিষ্যৎ আমার কোন্ কারে লাগিবে ? দেহ পদ্যপাতের জলের মত জীবের জীবন অতি টঞ্চল, কখন আছে, কখন নাই । এতে ভবিষ্যতের আশার উপর কিনির্ভর করা যাইতে পারে ? তোমরা কি জান মা যে, অকৈতব প্রেম এ জগতে প্রায়ই লাভ হয় না । সৌভাগ্য ক্রমে লাভ হইলে তাতে কি আর বিরহ হইতে পারে ? আর সে প্রেমের বিরহ হইবেই বা কে বাচিবে ?”

উৎকর্ষা অভ্যস্ত পুনরায় প্রার্থনা

‘নরনং গলদক্ষ ধারয়া বদনং গদগদম্

পুলকে নিচিৎ বপুঃ কদা তবনাম ও

হে প্রভো! প্রেম বিনা আমার জীবন বিকল

আমাকে প্রেম ধন বেতন দাও, যেন তোমার নাম মহতে লইতে আমার
ন দিয়া অশ্রু গলিয়া পড়ে, কষ্ট রোধ হইয়া গদগদ বাক্য বাহির হয়,
এ পুলকে সর্বাঙ্গ শিহরিয়া উঠে। রসাস্তরাবেশে বিরহ কুর্তি হইলে
লাপ বলিতে লাগিলেন:—

‘যুগায়িতং নিমিষেণ চক্ষুষা প্রাবৃষায়িতং’

‘শূচায়িতং জগৎ সর্বং গোবিন্দ বিরহেণকে।’

গোবিন্দ-বিরহে ত্রিভুবন শুভ্র হইল; বিরহের দিন বায়না, তাইতে
নিমিষ কাল যুগের তায় গোথ হইতেছে এবং বর্ষার জল ধারার তায় নরন,
দিয়া অশ্রুধারা বহিতেছে।

বিরহ চিন্তায় ক্রমে দীর্ঘা, উৎকর্ষা, দৈত্য, বিনয় বাড়িতে লাগিল,
স্রীরাক্ষিকোক্ত শ্লোক পড়িয়া উচিততত্ত্ব প্রভু বিলাপ করিতে করিতে আপনি
তত্ত্বাবময় হইয়া উঠিলেন।

‘আশ্লিষ্য বা পাদরতাং পিনষ্টু মা

মদর্শনান্মর্শহতাং করৌতু বা।

‘ধবা তথা রা বিদধাতু লম্পটো

মৎপ্রাণনাথস্ত সএব নাপরঃ।’

তিনি আমাকে আলিঙ্গন করিয়া পদ সেবার দাসীই করুন, বা মহর্ষিঃখে
ফেলাইয়া নিষ্পেষিতাই করুন, অথবা দর্শন সুখে বঞ্চিত করিয়া মর্শহতাই
করুন, কিম্বা বহুজনের নাথ হইয়া বেখানে সেখানে বিহারই করুন, তিনি
নির নহেন, আমারই প্রাণবল্লভ।

ব্রজধামের শুদ্ধ নির্মল প্রেমের ছাঁবি এই প্রলাপে অঙ্কিত। যে প্রেম
মুখের গন্ধমাত্র নাই, যাহার মুখ্য উদ্দেশ্য কৃপাসেবা, বাহ্য চরমে
সম্পূর্ণ আত্মোৎসর্গ করিয়া সুখময় কাস্তসেবা লাভ, সেই আদর্শ প্রেমের
স্বর্চীনন্দনের প্রাণ মন, দেহ আত্মা কাড়িয়া লইয়াছিল। কাস্তভাব এই
আত্মবলিদানই তাঁহার ধর্ম জীবনের আগন্ত, মধ্য শেষ। ইহাতেই তাঁহার
জীবন মরণ সকলই। হে গৌরঙ্গ সুন্দর! দীনহীন অভাগ্য আমি কবে

তোমার কৃপায় যে অংকন কণা গাইয়া কৃতান্ত, সেই বাইব। যে প্রেমে
নিজ সুখের তঁাহার প্রকৃ তাহা বিষ, তাহা গোরের নহে। ভগবান
করুন, আমায় তাহা পতিত জিনীদার না যাই।

কান, লান

পঞ্চত্রিংশ পরিচ্ছেদ ।

অন্তর্ধান ।

গোরের অন্তর্ধানের কথা কেমন করিয়া লিখিব ? বাহা পূর্ববর্তী পূজা-
পাদ গোস্থানীগণ পারেন নাই, সেই নিষ্ঠুর কর্তব্য, এই কুজ, তাঁহাদের
চরণধুলিরও অযোগ্য ব্যক্তির উপর পড়িল, এ অতি অদ্ভুত রহস্য। এ
হৃদয়-বিদারক কথা না বলিবারই ইচ্ছা, কিন্তু কি করি, আমি যে আদিষ্ট;
আমার ভো এড়াইবার উপায় নাই। বিধাতার লীলা অতি আশ্চর্য্য,
তাহা না হইলে এমন নিদারুণ কাজে কি মানুষ হাত দেয় ?

জগতে যাহার আবির্ভাব আছে, তাহারই তিরোধান নিয়মিত হইয়াছে।
যাহার আরম্ভ হইয়াছে, তাহার শেষ হইবেই হইবে। বৃক্ষে বীজ আছে,
কালে তাহা হইতেই আবার ফল ফুল শোভিত নূতন বৃক্ষ উৎপন্ন হয়;
সে আবার ষোড়ীন হইয়া ভবিষ্যৎকালের জন্ত নূতন শক্তি রাখিয়া চরমাবস্থা
লাভ করে। মানুষের মধ্যেও মনুষ্যত্বের কেন দেবত্বের বীজ আছে, তাহা
প্রস্তুত হইয়া জগত ভাঙারে চিরসঞ্চিত থাকে, জগতের মানুষ নিত্যধামে
চলিয়া যায়। পূর্ববর্তী ধর্ম বিধানেও তেমনি পরবর্তী বিধানের বীজ অন্ত-
নিহিত থাকে। সময় হইলে সে পরবর্তী পথ পরিষ্কার করিয়া দিয়া জগৎ
বনিকার অন্তরালে সরিয়া পড়ে। ভগবন্তু সাধুর জীবনও সেইরূপ
জীবনাধার পাঞ্চভৌতিক দেহ কালৈ পঞ্চভূতে মিশিয়া যায় বটে, কি-
সে জীবনের অবিনশ্বর সাধুতা, বিশ্বাস, বৈরাগ্য, প্রেম উত্তরাধিকার-
তায় মানবজাতির ইতিহাস-ভাঙারে চিরসঞ্চিত থাকে। চর্ম মাংসের
নশ্বর রূপেরই ধ্বংস হয়, কিন্তু অবিনশ্বর চিন্ময় রূপের ভো বিনাশ নাই।
চিরদিন তাহা মানবাত্মার জ্যোতির্গুণ রূপে বলমল করিয়া জ্বলিতে থাকে।
শ্রীমদ্রামায়ণের সপ্তম অঙ্কে পূর্ণাঙ্গাচার্য্য ষাটে চারিশত বৎসরের অধিক

হইল, গোরার দৈহিক সুন্দর ভূতর ভড় চক্ষুর ছ' বটে, কিন্তু সেই অপ্রাকৃত গোরার মুক্তি বাহা নামে, বৈরাগ্যে, পুণ্যে, পবিত্রতায়, ভাবে, মহাভাবে, সম্বোধনে সৌন্দর্যমল করিয়া এখনও সোভাগ্যবান ভক্ত চক্ষুর প্রতি ছ' ভাহার কিংবদন্তি বিনাশ আছে? সে চিত্রবন অনুর চৈতন্য প্রাণে উদ্ভিত ইয়া আমাদিগকে হর্ষোন্মত্ত করিতেছেন। বৃন্দাবন মহাশয় সত্যই রাছেন?

‘অদ্যাবধি সেই লীলা করে গোরা রায়।

কোন কোন ভাগ্যবানে দেখিবারে পায় ॥’

গোরের অন্তর্ধান বর্ণিতে ইহাই আমার পরম সাধনা। ‘ঐ সংস্রনা না কলে নিধিতে পারিতাম কিনা ভগবানই জানেন।

পূজ্যপাদ বৈষ্ণব গ্রন্থকারগণ এ সম্বন্ধে একটা কথাও বলেন নাই। থাকলেই যেন পরামর্শ করিয়া অতীতের গভীর গহ্বরে রহস্তটা নিষ্ফেল করিয়া নিস্তক্কা পাথর চাপা দিয়া রাখিয়াছেন। তাঁহাদের অভিপ্রায় কি ছিল, অনুমান করা কঠিন। তাঁহারা সকলেই গোরগত প্রাণ; হয় তো গোরের হৃদয়-বিদারক শরীরত্যাগের কথা লিখিতে শোকে হৃৎথে লেখনী চালনা করিতে পারেন নাই। অথবা শ্রীগোরাঙ্গ সচ্চিদানন্দ বিগ্রহ শ্রীকৃষ্ণের পূর্ণাবতার। শ্রীকৃষ্ণ ও তাঁহাতে পার্থক্য নাই। চিন্ময় দেহ জড়ীয় দেহের জ্ঞায় ধ্বংসশীল নয়। সুতরাং শ্রীচৈতন্যের দেহ ধ্বংস হইতে পারে না; সে দেহের জন্মও নাই, মৃত্যুও নাই। অতএব তাঁহার শরীর নাশের কথা লিখিবেন কেমন করিয়া। যে কারণেই হউক, বৈষ্ণব গ্রন্থ হইতে শ্রীচৈতন্যের স্বর্গারোহণের স্পষ্ট কোন কথা পাওয়া যায় না। তাঁহাদের গ্রন্থনিচয়ের এখানে সেখানে বিক্ষিপ্ত অস্পষ্ট ইঙ্গিত ও জনশ্রুতির উপরই আমাদিগকে নির্ভর করিতে হইবে।

চৈতন্যদেবের আত্মসম্ভোপন সম্বন্ধে চারিটা জনপ্রবাদ দেশমধ্যে শুনিতে পাওয়া যায়। প্রথম, দাক্ষয় জগন্নাথ বিগ্রহে তিনি বিলীন হইয়া যান; দ্বিতীয়, অস্ত্রের অজ্ঞাতে পলাইয়া গিয়া লাউলে মহাপ্রভুরূপে কাঁচরা-পাড়ায় প্রকাশ হইয়াছিলেন; তৃতীয়, পণ্ডিত গদাধর-প্রতিষ্ঠিত ‘গোপীনাথ বিগ্রহে লয়প্রাপ্তি; চতুর্থ, সমুদ্রে পতন। জগন্নাথ বিগ্রহে তিনি যে আত্ম-নির্গমন করিয়াছিলেন, এ অনুমানের পক্ষে আদৌ কোন প্রমাণ নাই। প্রমাণ থাকিলেই বা তাহা বিশ্বাস করে কে? দাক্ষ বিগ্রহে রক্তমাংস-ময় ভড় শরীর কেমন করিয়া গুণিয়া যাইবে? এই বৈজ্ঞানিক যুগে এ কথা কে মানিবে? অনুমান হয়, পাণ্ডাগণ জগন্নাথের মহিমা বাড়াইবার অভিপ্রায়ে এই জনশ্রুতি তুলিয়া দিয়া থাকিব। এদেশের কর্তৃত্বা সন্ত-দলই দ্বিতীয় মতের পৃষ্ঠপোষক। তাঁহারা বলেন, অদ্বৈত আচাৰ্য্যের তত্ত্বজ্ঞা শুনিয়া শ্রীচৈতন্য বুঝিতে পারিয়াছিলেন যে, তাঁহার প্রচারিত ধর্ম

হাটে বিক্রয় করিতে গিয়া লোকের বাড়ির
অর্থায় পানর যে অংশের নাম লোক নানা প্রকারে পবিত্র বৈরাগ্য
ও প্রেমের বস্ত্রাচ্ছাদিত প্রকৃতি। সুতরাং যে ভাবে ধর্ম প্রচারিত হইতেছে,
তাহাতে অমৃত্যু হইতেছে। আশা নাই, সব শ্রম পণ্ড হইল; উপায়ান্তর
উদ্ভাবন না করা যাইতে পারে না, ইত্যাদি ভাবিয়া তিনি গোপনে
পলাইয়া গিয়া কিছু দিন পরে কাঁচরাপাড়ায় কর্তৃত্বভার প্রবর্তক হইয়া
প্রকাশ হইয়াছিলেন। আচার্য্যের তরঙ্গা পড়িয়া মনে একটা নিরাশ
আসার স্বাভাবিক হইলেও, শ্রীচৈতন্য যে আউলে মহাপ্রভু হইবার উদ্দেশ্যে
আত্ম গোপন করিয়া পলাইয়া গিয়াছেন, এ কথা নিতান্ত সম্ভব। কেন
কুমারহট্ট প্রভৃতি নিকটবর্তী গ্রামে তাঁর বহু অনুচর তৎকা
জীবিত ছিলেন। তাঁহারা কি তাঁহাকে চিনিতে পারিতেন না? এ
এরূপে আত্ম গোপন করা মহাপুরুষদের প্রকৃতি নয়। কর্তৃত্বভার
আপনাদের সম্প্রদায়ের গৌরব বৃদ্ধির জন্ত যে এই অসূলক কথা রাষ্ট্র করিয়া
দিয়াছেন, তাহাতে সন্দেহ নাই। অবশিষ্ট থাকিতেছে, শেষ হই
জনশ্রুতি; গোপীনাথ বিগ্রহে লীন হওয়া ও সমুদ্রে পতন। পাবাণময়ী
মূর্তিতে মল্লয়া দেহ লীন হওয়ার বৃত্তি, প্রথমটীর স্থায় অসম্ভব হইলেও,
শেষোক্ত প্রবাদের সঙ্গে যে সেটীর গভীর সংযোগ আছে, তাহা আমরা
দেখাইতেছি।

গদাধর পণ্ডিতের সহিত শ্রীচৈতন্যের অতিশয় ঘনিষ্ঠ সখ্য ছিল, একথা
পূর্বে বলা হইয়াছে। শ্রীচৈতন্যের আদেশে পণ্ডিত গোস্বামী পুরুষোত্তমে
গোপীনাথ মূর্তি প্রকাশ করিয়া সেবা করিতেন। যে স্থানে এই মন্দির
অবস্থিত ছিল, তাহার নাম বসেশ্বর টোটা। টোটা শব্দের অর্থ বাগান।
অতি সুপ্রশস্ত কুসুমোদ্যানে পণ্ডিতের আশ্রম। এ উদ্যানে যে কেবল
ফুলগাছই ছিল, তাহা নহে; আম, কাঁটাল, জ্ঞান, তেঁতুল, অশ্বথ জাতীয় বৃহৎ
বৃহৎ তরুরাজি রাগানটাকে নিকুঞ্জ কাননের স্থায় নির্জন ও হৃদয়ঙ্গম করিয়া
রাখিত। শ্রীচৈতন্যের অন্তর্ধানের অব্যবহিত পরে পণ্ডিত গোস্বামীর
জীবদ্দশায় ত্রিনিবাস আচার্য্য পুরুষোত্তমে বাইয়া গোপীনাথের পুষ্পবাটী
অতি মনোহর দেখিয়াছিলেন।

‘শ্রীগোপীনাথের পুষ্পবাটী মনোহর ;

দেখাইল, এখানে রহেন গদাধর।’ ভক্তিরত্নাকর, ৩য় তরঙ্গ

ইহার অত্যন্তকাল পরে পণ্ডিত গোস্বামীর তিরোধানের পর বধন
নরোত্তম ঠাকুর পুরুষোত্তমে গিয়া এই বাগানে বেড়াইতেছিলেন, পণ্ডিতের
প্রিয় শিষ্য মানু গোস্বামী তাঁহাকে পুষ্পবাটিকার রম্যস্থান দেখাইয়া বিলাপ
করিয়াছিলেন ;

‘ওহে নরোত্তম এই টোটা নিরখিতে,

নিরন্তর কঁাদে প্রাণ নারি নিবাসিতে।

দেখ! এখানে অতিরিক্ত স্থান

এখানে যে কোঁকু তাহা দেখিল ভাগ

মোর প্রভু গদাধর বসিয়া এখান,

পড়িতা শ্রীভাগবত বিহ্বল হিয়ার।

এখা বসি শুনিত সে ব্যাখ্যার মাধুরী ;

গদাধর প্রাণনাথ প্রভু গোর হরি ॥' ভাট্টর দ্বারক, চন্দ্রসং

স্থানান্তরে :—

‘এখা সে তপ্তল শ্রীপণ্ডিত কৈল পাক ;

করিল বাঞ্ছন টোটা হৈতে তুলি শীক ।

কোমল তিস্তিভী গজাঘল শীত কৈল ।

অনের সৌগন্ধি সব টোটোর ব্যাপিল ।’

সমেশ্বর টোটা আরামের নিকটেই সুবিস্তীর্ণ নিবুনিয়ি উত্তাল তরঙ্গ
তুলিয়া প্রবাহিত। একবার আইটোটোর নিকটস্থ সমুদ্র তরঙ্গে শ্রীচৈতন্য
স্নান দিয়া নিমগ্ন হইয়া গিয়াছিলেন, তাহা পূর্বেই বলিয়াছি। সৌভাগ্যক্রমে
ধাবরের জালে উঠিলে স্বরূপাদি বন্ধুগণের যত্নে ও চেষ্টায় সেবার তাহার
প্রাণ রক্ষা হইয়াছিল।

‘এইমতে মহাপ্রভু ভ্রমিতে ভ্রমিতে ;

আইটোটো হৈতে সমুদ্র দেখে আচরিতে ।’

চরিতামৃত । ১৮শ পরিচ্ছেদ ।

সমেশ্বর টোটোর এহেন রম্য উদ্যানে চৈতন্যদেব যে অনেক সময়ে বিহার
করিতেন ; একাকী বা বন্ধুগণ সঙ্গে ভ্রমণ করিতেন, তাহা অসম্ভব
স্বাভাবিক এবং তাহার অনেক প্রমাণও আছে। কখন বৃক্ষমূলে বসিয়া
গদাধরের নিকট ভাগবত ব্যাখ্যা শুনিয়া প্রেমে গদ গদ হইতেন, কখন
গভীর ধ্যানে মগ্ন হইয়া যাইতেন, কখন গোপীনাথের মন্দির মধ্যে কপাট
দিয়া একাকী বসিয়া থাকিতেন এবং কখন বন্ধুগণের অলক্ষিতে বাহির
হইয়া গিয়া সমুদ্রতটে বিচরণ করিতেন। পাঠক দেখিয়াছেন, শেষ জীবনে
তাঁহার ভাবের এত প্রবলতা হইয়াছিল যে, তাহার প্রভাব রক্ত, নাংসের
শরীর সহ্য করিতে পারিত না ; ভীবে পাগল হইয়া তিনি কি করিতেন কি
জিতেন, তাহার কিছুই ঠিকানা থাকিত না। পূর্বেই বলিয়াছি, স্বরূপাদি
ভ্রমণ এ অবস্থা দেখিয়া তাঁহার প্রশ্রয়নাশের আশঙ্কা করিয়াই সর্বদা
সাথে চোখে রাখিতেন। কিন্তু টোটোর বাগানে আসিলে তাঁহাদের
মনেবোঁগ কিছু মিথিল পড়িত। তাঁহার কারণও ছিল ; তাঁহারা জানিতেন,
টোটোর গদাধর পণ্ডিত বাসুমণী সমিধে বাস করিতেন ; তিনি গোরের
শরীর রক্ষার কথাই ভাবিয়া যোগী হইবেন ॥ তাই। গোর টোটায়
আসিলে পণ্ডিত মেয়াদ উবেগের সীমা ছিল না। কখন কি বিপদ
ঘটে ; এ আশঙ্কায় তিনি শশব্যস্ত হইয়া পড়িতেন ; এবং বিষাদীকৃত তাঁহার

প্রতি তাঁর যে অংশের বসিয়া দিয়া... বা অল্প একটুকু
বাইতে না... করিয়া দিয়া শ্রীভাগবত পাঠে প্রবৃত্ত হইতেন।
কিন্তু এ... তাহা... প্রকৃ... যাহা সকলে ভয় করিয়াছিলেন, তাহাই
ঘটিল।... তাহা... জ্বর কাটিয়া অনন্ত আকাশে উড়িয়া গেলেন;
কেহ... না। মানুষের চেষ্ঠা যত্ন সব বিফল হইয়া গেল;
কিছুতেই কিছু কু... উঠিল না। বিধাতার নির্বন্ধের কাছে মানুষের
চালাকি খাটে না; চক্রীর ঘটনা-চক্রে বাধা দিবে যে ক্ষুদ্র মানুষ তোম
বি সাধ্য?

এইরূপ ভ্রমিতে পাওয়া যায়, এক দিন অপরাহ্ন সময়ে ভাবোত্তম শ্রী
রাম গোপীনাথের মন্দিরে প্রবেশ করিয়াছিলেন; তখন পণ্ডিত গোস্ব
সুশীতল বৃক্ষমূলে বসিয়া ভাগবত পাঠ করিতেছিলেন। অনেকক্ষণ প
গৌর বধন বাহির হইলেন না, তখন পণ্ডিত গোস্বাই আস্তে আস্তে মন্দি
মধ্যে বাইরা তাঁহাকে দেখিতে পাইলেন না। শিষ্যগণ অনেক খুঁজিয়াও
কোন সন্ধান করিতে পারিলেন না; গদাধরের মন্দ আশঙ্কা সত্যে পরিণত
হইল; তিনি খেদ করিয়া বলিয়া উঠিলেন,

‘কি করিব, কোথা যাব, বাক্য নাহি সরে ;

গোরাচাঁদে হারাইলাম গোপীনাথের সরে ।’

কয়েকদিন পরে, শ্রীনিবাস আচার্য্যের নিকট শোক-বিহ্বল গদাধর
পণ্ডিত যে বিলাপ করিয়াছিলেন, তাহাতেও গৌরের আকস্মিক ঘটনার
প্রাণ হানি হওয়াই বুঝা যায়।

‘ভাগবত পড়িতে তোমার ছিল সাধ।

পড়াইতে তোমারে আনারও ছিল সাধা ;

কারে কি কহিব হৈল রিপসীত বাধা ।’ ভক্তিরত্নাকর, ৮ম তরঙ্গ।

মানু গোস্বামী নরোত্তম ঠাকুরকে যে বৃত্তান্ত কহিয়াছিলেন, তাহাতে
আরো সম্পূর্ণ প্রমাণ পাওয়া যায়;—

‘আসি শিরোনগি চেষ্ঠা বুঝে সাধ্য কার ;

অকস্মাৎ পৃথিবী করিলা অন্ধকার ।

প্রবেশিলা এই গোপীনাথের মন্দিরে ;

হৈলা অদর্শন পুনঃ না আইলা ফিরে । ভক্তিরত্নাকর, ৮ম তরঙ্গ

এই সকল কথা দ্বারা অকাট্যরূপে সাব্যস্ত হইতেছে যে, গোপীনা
মন্দিরে প্রবেশ করার পর চৈতন্যচন্দ্রকে কেহ এ পৃথিবীতে আর দেখিতে
পারি নাই। গোপীনাথ বিগ্রহে বিলীন হইয়া যাওয়া প্রবাদটুকু উক্ত
কালে যে এই ঘটনার সঙ্গে সংযুক্ত হইয়াছিল তাহাতে সন্দেহ নাই।
কেননা, কি গদাধর পণ্ডিতের... কি তাহ... মানুষ পণ্ডিতের
কথায়, ইহার প্রসঙ্গ মাত্র... পণ্ডিত গোস্বাই... এ বলিয়াছিলেন
যে, “গোপীনাথের মন্দিরে গৌরকে হারাইলাম।” মানুষ কহিয়াছিলেন যে,

অন্ধির মধ্য হইতেই, হইয়া যান, আনন্দ নাই;
 ভক্তগণ কেহই চৈতন্যচক্রে মান্নর মনে
 তাঁহাদের কাছে পাবাণনয়ী সৃষ্টি নহেন।
 তাঁহার লীন হইয়া যাওয়া অনুমান করা ভক্তগণ
 নহে। কিন্তু জিজ্ঞাসা হইতেছে যে, গঙ্গাপীনাথের উভয় হইতে লোক-
 চক্ষুর অস্তিরালে গৌরচন্দ্র বাহির হইয়া নিকটবর্তী সিন্ধু তটে বাইতেন।
 তখন কি না? ভাবতরঙ্গে তিনি বেরূপ আনন্দহার হইয়া বাইতেন;
 মাঝ উদ্দীপনায় বুদ্ধাবনলীলা-স্মৃতি হইয়া তিনি বেরূপ সর্বত্র বুদ্ধাবন-
 লিতেন, তাহাতে প্রথমবারের মত সাগরের নীলজলে যমুনাভাষ্টি এবং
 ধাক্ককের জনলীলা সন্দর্শন করা তাঁহার পক্ষে খুব সহজ ছিল কি না?
 দ থাকে, তবে তাহাতে বাঁপ দিয়া পড়িয়া অচৈতন্যাবস্থায় শ্রোতের টানে
 হৃদয় সমুদ্রে যাইয়া প্রাণ হারান সম্ভব হয় কি না? এই সব প্রশ্নের নিতান্ত
 সহজ সিদ্ধান্ত বাহা, আমাদের মতে তাঁহার জীবন নাশের কারণও তাই।
 গভীর সাগর জলে দেহ পড়িলে, মানুষের সাধা কি যে পাইতে পারে?
 একবার ভাগ্যক্রমে যেন কোলারকে গিয়া পড়িয়াছিলেন, বারে বারে যে
 তাহা হইবে, কে বলিবে? আমাদের মতে, দ্বিতীয়বার সিন্ধুপতনে শ্রীচৈ-
 তন্যের যে জীবনান্ত হইয়াছিল, তাহাতে সন্দেহ হইতে পারে না।

মাঘমাসের শুক্লা-পঞ্চমী তিথিতে শ্রীনিবাস আচার্য্য শ্রীগোরাধকে
 দেখিবার জন্য আজিগ্রাম হইতে যাত্রা করিয়া যাজপুরের নিকটে আসিয়া
 তাঁহার অন্তর্ধানের সংবাদ শুনিতে পান। সুতরাং অনুমান হইতে পারে
 যে, প্রায় পূর্ণিমার সময়ে তিনি ইহলোক পরিত্যাগ করিয়া থাকিবেন।
 সেই ১৪০৭ শকের কান্তন মাসের পূর্ণিমা, আর এই ১৪৫৫ শকের মাঘ মাসের
 পূর্ণিমা। এই ৪৮ বৎসর চৈতন্যচন্দ্রের মর্ত্যে স্থিতি।

তবে যাও, চৈতন্যচন্দ্র, বঙ্গ আকাশ আঁধার করিয়া, অনন্ত রাষ্ট্রে
 উদিত হওগে; তবে যাও ভক্তবৎসল, ভক্তচকোরগণকে সংসার-
 পিপাসায় ফেলিয়া, গোলোথ ধামে চিন্ময় ভক্তমণ্ডলীকে মুখ দিও? তবে
 যাও শচীহলাল! শচী মাতার হৃদাকাশ অন্ধকার করিয়া চিন্ময়ী মাতার
 কোমল কোল আঁলো করিতে। তবে যাও বিষ্ণুপ্রিয়া-বল্লভ, দুঃখিনী
 বিষ্ণুপ্রিয়ার আশায় মুখে ছাই দিয়া নিত্যধামে সখীদের সঙ্গে নিত্যলীলা
 রিতে, যেখানে জীপুরুষে প্রভেদ নাই, যেখানে মিলনে বিচ্ছেদ নাই।
 তবে যাও ব্রহ্মের গৌরব, বঙ্গবাসীকে শোক সাগরে ডাসাইয়া বঙ্গের
 ঘরে ঘরে নরনারীকে কাঁদাইয়া; তবে যাও যুগাবতার, নাম প্রেমের, যুগধর্ম
 বিধান পরিপূর্ণ করিয়া গুণধর্মপতির নিকট পুরস্কার লইতে। তবে যাও
 অনন্তের পুত্র, হৃদয় প্রেমময়, যেখানে নিত্যলীলার, নিত্য
 প্রেমের মহোৎসব, সেখানে ভক্তমণ্ডলীকে নন্দ পুরুষের সঙ্গে হাঁসিয়া,
 কাঁদিয়া, নাচিয়া, ইত্যাদি। তবে যাও, বিভোর; যেখানে আতি, বিদ্যা,

ধন, সর্বাধার যে অর্থের বাই, দুশকাল গিয়ে প্রবল নাই, জ্ঞান, কর্ম, যোগ, ভক্তিভোজ্য প্রকৃষ্ণ হরিপাদপদ ধোয়াইয়া দিতেছে। আমরা এখানে তোমার প্রতিদ্বন্দ্বি। ঐ কাদি ও আর দুইবার আসিবে বুলিয়া গিয়াছি, সেই প্রদত্ত হইয়া কালের কুটিল গতির দিকে চাহিয়া থাকি।

ষট্ ত্রিংশ পরিচ্ছেদ ।

সংগোপনান্তে ।

শ্রীচৈতন্যের অন্তর্ধানের অব্যবহিত পরে তদীয় প্রধান প্রধান সাঙ্গোপাঙ্গগণ কোথায় ক্রিান্তে ছিলেন, এবং কে কবে অপ্রকট হন, আমরা এ পরিচ্ছেদে তাহার সংক্ষেপ উল্লেখ করিয়া গ্রন্থ শেষ করিব। শ্রীকৃষ্ণ মথুরায় গেলে উদ্ধব বৃন্দাবনে বাইয়া ব্রজবাসীদের যেমন অবস্থা দেখিয়াছিলেন, শ্রীগোরাঙ্গের আত্ম সংগোপনের অব্যবহিত পরে শ্রীনিবাস আচার্য্য পুরুষোত্তমে যাটয়া ভক্তমণ্ডলীর তেমন দশা দেখিয়া শোকে বিহ্বল হইয়াছিলেন। নীরব অশ্রু ধারায় সকলের বুক ভাসিয়া বাইতেছে, পাষণ্ডময় বিগ্রহ বা দণ্ডায়মান বৃক্ষের ছায় নিষ্পন্দ ও নিশ্চেষ্ট; কেবল মাথো মাথো হা গোরাঙ্গ বুলিয়া দীর্ঘ নিঃশ্বাস ত্যাগ করায় জীবন থাকার পরিচয় পাওয়া বাইতেছে; উৎসাহ ও ক্ষুধা হীন হইয়া মৃতকনের ছায় জীবনভার বহিতেছেন; আর সে মৃদঙ্গ করতালের ধ্বনি নাই; আর সে ভাগবত-ব্যাখ্যা হয় নাই; আর বাসায় বাসায় শ্রীতিভোজনের ধূম নাই। সকলেই মলিন, বিবর্ণ ও শক্তিহীন। যে শক্তিতে তাঁহাদের বাঁধিয়া রাখিয়াছিল, যে সুখ-তারার মুখপানে চাহিয়া সকলে স্তম্ভে জীবন সাগরে ভাসিতেছিলেন, যে চাঁদকে ঘিরিয়া অগণ্য তারা বিরাজ করিতেছিল, তাঁহার অভাবে আজ সব অন্ধকার, সব এলোথেলো। পাঠক এ দৃশ্য কল্পনা করুন, আমাদের সাধ্য নাই যে অঙ্কিত করি।

প্রভাতকালীন নক্ষত্রের ছায় একে একে ভিক্রমণ অদৃশ্য হইতে লাগিলেন। গোরের সঙ্গে সঙ্গে তাঁহাদের প্রাণ চলিয়া গিয়াছিল, কেবল রক্ত মাংসময় শরীর পড়িয়াছিল, তাহাও অদৃশ্য হইতে লাগিল। প্রাণের গোরাঙ্গ! এত সাধ করিয়া হাট বসাইয়াছিলে, তাহা যে ভাঙ্গি গেল, একবার আসিয়া দেখ। গোরের আত্মোপসংগোপনের সঙ্গে সঙ্গেই স্বরূপ সার্থা শয্যাশায়ী হইলেন, আর উঠিলেন না। স্বরূপের পর, রঘুনাথ গোরের ও স্বরূপের শোকে অধীর হইয়া গোবর্দ্ধন দ্বিতীয়া পাত করিয়া জীবন ত্যাগ করিবেন বধি ব্রজভাটা চলিয়া গেলে। প্রতাপকৃষ্ণ শ্রীচৈতন্যের জীবদ্দশাতেই প্রাণ ত্যাগ করিয়া অবসর লইয়া ছিলেন এবং সার্বভৌম রামানন্দকে স্মরণ করিতেছিলেন।

প্রক্ষেপে গোরের জ্ঞান নষ্ট হইয়া গেল। সে বাইরা
 জ্ঞানতবাসে জীবন বাপন করিতে লাগিলেন।
 দিন হইতে আর কাহাকেও মুখ দেখান না।
 মৃত্যু প্রতীক্ষা করিতে লাগিলেন এবং অল্পদিন পরে
 নিত্যানন্দে চলিয়া গেলেন। রামানন্দ, সার্কভোজ উভয়ে একমুষ্কুন
 রীতিতে বসিয়া গোরাক্ষণগান করিয়া শোকাশ্র ফেলিতে ফেলিতে সন্ধ্যা
 টাইতে লাগিলেন। পরমানন্দ পুরী ও ব্রহ্মানন্দ ভারতীয়ও এই দশা।
 ক্রমশঃ পণ্ডিত, শিথি মাইতি, কানাই খুটিয়া, বাণীনাথ পট্টনায়ক, মাধবী
 বী, গোবিন্দ, শঙ্কর, গোপীনাথ আচার্য প্রভৃতি পুরুষোত্তম-বাসী
 চৈতন্য-শিষ্যগণ একই শোকে একই ভাবে মগ্ন হইয়া দিনমানের চাঁদের স্রাব
 নিশ্চয় হইয়াছেন। দেখিলে কেহ পূর্বের সেই মাহুধী বসিয়া চিনিতে
 পারে না।

পূর্বেরই বলিয়াছি, মাঘ মাসের শুক্ল পঞ্চমীতে ত্রিনিবাসাচার্য কাটোয়ার
 ত্রিনিবাস হইতে পুরুষোত্তমে যাত্রা করিয়াছিলেন। তখন
 চৈতন্যদেব জীবিত ছিলেন। যে কয়দিন তাঁহার পথ পর্যাটনে লাগিয়া-
 ছিল, সেই কয়দিন পরেই নীলাচলে বাইরা ত্রিনিবাস যে অবস্থা দেখিয়া-
 ছিলেন, তাহাই উপরে বিবৃত হইল। আচার্য প্রভু নীলাচল হইতে ফিরিয়া
 আসিয়া ত্রিখণ্ডে এক দিনমাত্র অবস্থিতি করিয়া পণ্ডিত গোস্বামীর
 সহিত পুরুষোত্তমে পুনঃ সাক্ষাৎ করিবার উদ্দেশ্যে আবার বাইতেছিলেন ;
 কিন্তু ষাঁজপুরে বাইরা গদাধর পণ্ডিতের তিরোধানের কথা শুনিয়া প্রতি-
 নিবৃত্ত হইলেন। ফিরিয়া আসিবার সময় তিনি পথে নিত্যানন্দ ও অষ্টমুখের
 স্বর্গারোহণের কথা শুনিতে পাইয়া শোকসাগরে ভাসিতে লাগিলেন। ভবেই
 অহুমান ভরা বাইতে পারেন যে, চৈতন্যগুণধানের অতি অল্পকাল পরেই
 ই অলোক-সাম্রাজ্য উল্লঙ্ঘন ও ভবধাম পরিত্যাগ করিয়াছিলেন।

ত্রিনিবাস এবারে বঙ্গদেশ পর্যাটনে বাহির হইলেন। নরদীপে বাইরা
 মনি শটীমাতাকে দেখিতে পারেন নাই। বোধ হয়, ইহার পূর্বেরই প্রিয়-
 ত্রৈলোক্যের কথা। বসিয়া পুত্রবৎ সলা জননী শোকে প্রাণত্যাগ করিয়া-
 ছিলেন। হৃদয় ভাঙিয়া তখন বসিয়া বৈধব্য আচরণ করিয়া
 কোনমতে সময় কাটাইলেন।
 গুরু নামে তাঁহার অভি-
 পুত্র। দেবীও পরোলোক-
 ভাবক ছিলেন। ইহা কহিলে

বালিনী হইল। পার্শ্বদেবের মধ্যে সে... পে শ্রীবাস পণ্ডিত, দামোদর পাত্র যে অংশের না... শুক্লাধর ব্রহ্মচারী, দাস গুদাধর, সন্তস, বিজয়দাস... তাঁহার প্রকৃ পত্নী মালিনী দেবী জীবিত ছিলেন। পাস্তি-পুরে, আচার্য্য... তাঁহার পতি... পত্নী সীতাদেবী এবং খড়দহে নিত্যানন্দের বিধুবান্ধব বহু জাহ্নবী... পুত্র কতাগণ, কুমারহটে শিবানন্দ সেন ও পুত্রগণ, শ্রীধেও নরহরি সরকার ও রঘুনন্দন জীবদ্দশায় ছিলেন।

শ্রীবৃন্দাবনের দুর্দ্ধশার সীমা নাই। মহাপ্রভুর অন্তর্ধানের কথা শুনিয়া সনাতন গোস্বামী, দেহত্যাগ করিলেন। তাহার কিছুকাল পরে রূপ গোস্বামীও অগ্রজের অনুগামী হইলেন। রঘুনাথ ভট্ট ও (কানীশ্বর) যিনি চৈতন্যজ্ঞায় বৃন্দাবনধাসী হইয়াছিলেন, সঙ্গে সঙ্গে নিত্যলীলায় প্রবেশ করিলেন। শ্রীনিবাস আচার্য্য ব্রজে বাইরা শোকসন্তপ্ত শ্রীজীব গোস্বামী, বেকটনন্দন গোপাল ভট্ট গোস্বামী ও রঘুনাথ গোস্বামীকে মাত্র দেখিতে পাইয়াছিলেন। তাঁহারাও গৌরাজ শোকে নিশ্চিন্ত মণির ছায় কোন মতে বাঁচিয়াছিলেন। আর শোকহঃখের কথা না লিখিয়া, আর গৌরনন্দনের তিরোধান না বর্ণিয়া, শ্রীজীব ও শ্রীনিবাসের হাতে গৌরাদেব প্রেমের প্রচারের ভার শুভ দেখিয়া, গৌরলীলা ভাবিতে ভাবিতে, হরিবোল বলিতে বলিতে এইখানেই আমরা চৈতন্যলীলামৃত সমাপ্ত করিলাম।

গৌরের অপার লীলা, অনন্তভাবে, কাহার সাধ্য সম্যক বর্ণন করিতে পারে? ভগবানের কৃপায় বৃন্দাবন দাস, কৃষ্ণদাস কবিরাজ প্রভৃতি মহাত্মাগণের পদানুসরণ করিয়া ও উচ্ছিষ্ট-চর্চণ করিয়া এ ক্ষুদ্র লেখনী বাহা লিখিল, তাহাতেই সন্তুষ্ট হইলাম।

সমাপ্ত।



বানিনী

যে অংশের না:

তাহার এক

বিত্তাপন ।

তাহা প্রতিদিন

নিম্নলিখিত পুস্তকগুলি ২১০/৪ নং কর্ণওয়ালিস্ স্ট্রীট, নবাবাবাদ

নগরদপ্তরের নিকট বিক্রয়ার্থ প্রস্তুত আছে ।

জগদীশ্বর বাবুর গ্রন্থ ।

১। শূর্য্যগদ কৃষ্ণদাস কবিরাজ-গোস্বামী প্রণীত শ্রীশ্রীচৈতন্যচরিতামৃত, অষ্টম, অষ্টাদশীলা; সংস্কৃত শ্লোকের সরল টীকা ও ব্যাখ্যা, গ্রন্থকর্তার জীবনী ও বিস্তীর্ণ সূচনী এবং ছরুহ পরারের অর্থ সহিত ৮ জগদীশ্বর প্রণীত । সমগ্র গ্রন্থের মূল্য ৫ পাঁচ টাকা, মাসুল ১০ আনা ।

২। চৈতন্যলীলামৃত, পূর্বভাগ । মূল্য ১১০ দেড় টাকা, মাসুল ১০ আনা ।

৩। চৈতন্যলীলামৃত, উত্তর ভাগ । মূল্য ১১০ দেড় টাকা, মাসুল ১০ আনা ।

৪। মহাকবি কালিদাস প্রণীত সুবিখ্যাত মেঘদূতের বঙ্গানুবাদ-পদ্যে । পূর্ব ও উত্তর মেঘ । মূল্য ১০ আনা, মাসুল ১০ আনা ।

দেবীদাসবাবুর গ্রন্থ ।

(১) শরচ্ছন্দ ১৫০, (২) সন্ন্যাসী ২১, (৩) যোগজীবন ১৫, (৪) মনুলীলা ১০, (৫) বিবেকবাণী ৫০, (৬) দ্বৈতাত্মিকতা ১০, (৭) ভিখারী ১১, (৮) বিরাজমোহন ১০, (৯) সোপান ১০, (১০) প্রসাদ ১০, (১১) বিবাহ-সংস্কার ১১, (১২) অপরাধিতা ১৫, (১৩) সূচনী ৫০, (১৪) মুরলী ১০, (১৫) ভূমণ বৃত্তান্ত ১, তাহা সহ এই সমস্ত পুস্তক একত্রে ক্রয় করিলে ডাকমাফত লাগে না ।

দাক
বিস্তারিত
বিস্তারিত

দাক
বিস্তারিত
বিস্তারিত

